



D. IV. 2 (a-b)





R. DÑ. PATRIS
DIDACI NISSENI
TOMVS QVARTVS
DE SANCTIS.

F

F

PVL

D

A

J

In pl
Pa

E

Fr. 1

Apu

FASCICVLVS

Floridissimorum, & gemmeorum

CONCEPTVVM,

QVOS EX SYLVA

PVLCHERRIMARVM COMMENTATIONVM

Reuerendissimi Patris

DIDACI NISSENI

ABBATIS ORDINIS S. BASILII
MAGNI,

In vitam ABRAHÆ, ISAAC, & IACOB, & PO-
LITICI Christiani ex eorum moribus
effigiati,

*In pleraq; Domini nostri IESV CHRISTI, & magnæ illius
Parentis, aliorumq; Sanctorum Festa, quæ per anni circu-
lum Catholica cultu religioso celebrat Ecclesiæ,*

Collegit,

Et in vsum Concionatorum digessit Interpres Latinus

Fr. IOANNES FREYLINCK REIMBACENSIS,
ORD. PRÆD. SS. THEOL. MAGISTER.

C R A C O V I Æ,


Apud LVCAM KVPISZ S. R. M. Typographum,
Anno Iubilæi Magni M. DC. L.

Cum Privilegio S. R. M. Pol. & Succ.



AMICO LECTORI.

IN hoc Fasciculo Abrah. *Vitam Abrahamæ*, PPP. Primam Partem Politici Christiani, PP2. Partem Politici Secundam, numerus Paginam, c. columnam, o. totum Caput significat. Quoniam Festa Domini nostri pleraq; mobilia sunt, & certum non obtinent diem, certo, hoc est, primo loco illa constitui. Festa Serenissima Dei Matris in postremum reieci, nam per temporis angustias non licuit recto ordine collocare. Pau- cula ex aliorum quorundam, nonnulla etiam ex proprijs lucu- brationibus Interpres inseruit, quæ adiectæ suis locis notulæ, tibi indicabunt.





FESTA DOMINI NOSTRI IESV CHRISTI, ET SANCTORVM DECEMBRIS.

De Gaudiosissima, & Expectatissima Natiuitate Domini nostri IESV CHRISTI.

Rope erat natalis Domini nostri dies hodiernus, quando beatus Ioannes Chrysostomus in Oratione de Sancto Philogonio sic aiebat: *Appetit festum omnium festorum maxime Venerandum, tremendumque, quod si quis appelleret omnium festorum metropolim, haud quaquam aberret: Quod autem hoc est? Christi iuxta carnem natiuitas.* Sed quomobrem cetera festa sunt velut coloniae quaedam, vnus verò nati Domini nostri dies tanquam matrix ciuitas? Luculenta est Chrysostomi responsio dicentis: *Ab hoc enim festum Epiphaniarum, sacrum Pascha, Ascensio, & Pentecostes originem, ac fundamentum ducunt, itaq; ab hoc, ceu fonte quopiam diuersi orti fluunt, nata sunt nobis haec festa.* Ex nati Saluatoris nostri festo nunc dies festi alij, quibus eundem colimus, omnes sunt nati. Sacratissima ergo illa solennitas merito vocatur metropolis omnium earum festiuitatum, quibus verbi aeterni temporalium in carne humana gestorum memoria celebratur, suntq; hae illius quaedam velut suffraganeae, siue coloniae. PP. 2. 444. c. 2. His docemur, quam conducibile sit,

paratum ad rem aliquam suscipiendam accedere, strenuèq; & fortiter eam adoriri, cum veluti in semine fructus, & in fonte riuus, sic in principio felix successus actionis contineatur. Igitur cum proximus immineat nouus annus, qui per illius decursum Deo nouo, ac enixiore quàm hactenus studio cupit seruire, is quàm enixè potest, contendat, vt obfirmato ad deuotionem pectore strenuè illum exordiarur. Nam ad facilem, felicemq; cuiusvis operis etiam ardui prosecutionem plurimum iuuat, si magno animo illud suscipias, & aggrediaris, cum rei cuiusque principium sit pars illius potissima, & dimidium facti habeat, quisquis benè cæperit. Ibid. 441. o.

Hodie natus homo Christus Iesus in hunc mundum venit saluare populum suum à peccatis eorum. Verum ergo hominem egregie se demonstrauit. Nam ille se hominem esse grauissimo argumento asserit, qui aliorum ærumnas hominum miseratur, & quantum potest, leuat. Sic hominem se ostendit Abraham, quando Gen. 14. numerauit expeditos vernaculos suos 318. & persecutus est inimicos reges, donec consobrinum suum Lot è manibus eorum cum ingenti suo tum labore, tum periculo erueret. Abrah. 50. o. Sic & Moyses, quando ait: *Vadam, & reuertar ad fratres meos in Aegyptum.* Exod. 4. nimirum vt eos à dura sua seruitute vindicaret. Ibid. De illo ait Paulus Heb. 11. maluisse

maluisse affligi cum populo Dei, quam temporalis delicti habere iucunditatem. Quam vocat temporalis delicti iucunditatem? Conuersationem illius inter aula delictis per id tempus, quo inter angustias illius contribules debebant. Ibid. 52. col. 2. *Non affligi cum aliis, peccatum putauit*, inquit Primasius ibid. Nec quaecunque peccatum, sed contra naturam agere videtur, qui non omnia, quae potest, agit, ut fratrem suum, aut quemuis alium naturae necessitudine coniunctum iuuat. Certè perindignū est homine, iacenti fratri non offerre manum. Quare & Magdalena à pedibus Domini merito repulsa fuit, cum apud eos dulciter conuiescere voluit, quando potius debuit curare, & currere, ut tristes Apostolos annuntiatione dominicae resurrectionis refocillaret. Ibid. 51. col. 1.

Transcamus & Berulehem, & videamus hoc Verbum, quod factum est. Luc. 2. S. Bernardus mutuatus illa à Pastoribus Iudaeis verba ad fratres suos verbebat quondam, dicens: *Transcamus & Berulehem, sed non pertranseamus.* Si quis illi obiecisset: Cur transeamus eò, & non pertranseamus? Respondisset, credo: Quia in Bethlehem est redemptor mundi, ille verus Deus, nemo ergo pertransire alio, aliud nemo querere, vel appetere debet. Abrah. 63. co. 1. Anima n. quae Deum habet, omnia habet. Ibid. 50. o.

Apud Lucam c. 2. *Remansit puer IESVS duodenis in Ierusalem, parentibus insciis*, quem illi per viam perdidisse arbitratī tanto studio requisierunt, quantum illius modi boni iactura merebatur. Post eriduum, quo illum ubi ubi comperire posse putabant, inuestigassent, inuenerunt in templo, quando illum dulcis mater simulac vidit, hac verborum blandiloquentiā appellauit: *Fili, quid fecisti nobis sic?* hoc est: Quid tam grauiter in te peccauimus, ut nos destitueres? Quo piaculo commouimus, ut te nobis subduceres? *Ecco pater tuus, & ego dolentes quarebamus te.* Quomodo potuisti facere, ut illam nobis ex te adferres tam acerbam molestitudinem? Cū ad hæc ille reuerenter respondisset. *Quid est, quod me quarebatis? Nesciebatis quia in patre, quia Patris mei sunt, oportet me esse? ipsi non intellexerunt Verbum, quod locutus est ad eos.* At si non intellexerunt, quare non rogauerunt sibi exponi? Respondet eruditus Nouarinus: *Quid quarent sibi Verbum explicari, Verbo ipso inuenito? Præsentia IESV, quem perdididerant, tantā eos latitiā affecerat, & nihil quarent prater IESVM.* Dictum sapienter, Nam qui Deum habet, omnia, ut dixi-

mus, habet, nec quidquam, quod adhuc requiratur.

Pastoribus in illa Bethlehemitica regione gregē suum pascentibus primū annuntiari gaudiosam suam natiuitatem voluit Dominus. Cur non Herodi regi? Cur non principibus Sacerdotum, summo Pontifici, Scribis, Phariseis? Vigilantibus perferri natalis sui euangelia optabat. Quem autem vel Regum, vel Principum, vel Pharisorum, sacerdotumque non somnus per eas horas tenebat? *Pastores autem erant vigilantes, & custodientes Vigiliis noctū in e regione*, ut inquit B. Lucas c. 2. v. 8. cū rex, & Principes, & ceteri, quos dixi, magis inuigilare non pecorum, sed hominum subditorum saluti deberent. Communis hic morbus est, ut sua officia curent negligentius, qui deberent diligentius. Abrah. 33. o.

Ita tempore sancti Ioannis, cū sex populi, Publicani, milites, vilis plebecula ab illo remedia suae salutis, & vitæ emendandæ modum doceri cuperent, qui talium rerum negligentissimi esse solent, plūs Herodes rex, qui exemplo bono præire omnibus debebat, obscenæ libidini deditus omnes improbis suis moribus offendebat, & Ioannem benè mouentem carceri, ac neci addicebat. Persæpe hoc in mundo videas, quod impientissimi sunt, qui profelicitate terrena, quā eos prolixus Deus cumulat, sanctissimi esse deberent. Quare sapientissimè cogitauit seruus Abrahæ senior, quando putauit facilius se reperiturum in virginibus vulgaribus, & medioeribus quampiam diuitem virtutum, & dignam Isaac sponsam, quā in aliis, quæ intra magnificas ardes desident, & vitis plerumque suat onerata, quantum ornata monilibus. Ibid. 34. c. 2.

De eadem Natiuitate Domini nostri.

Autore Interprete.

Vsquequò delitiis dissolueris, filia vana! quia creauit Dominus nouum super terram, femina circumdabit virum. Jerem. 31. 2.

Aviditas sciendi peruetus est, quæ primam Parentem nostram intra paradysum inuasit. Quod Eva in serpentis colloquium incidit, hoc Rupertus lib. 3. in Gen. cap. 2. factum putat, quia corpore & oculis vana, dum incontinenter deambulabat,

bat, forte prospiciant, qualis extra paradysum mundus haberetur.

Sanctus Thomas in 2. sent. d. 21. ait, *toto animo, & auditate mentem fuisse magnifici serpentis promissa.* Vtrumque curiositas fuit, quod scire voluit siue quid extra paradisi septa ageretur, siue quid ex tantis serpentis pollicitationibus secuturum esset. Prima ergo hoc vitio laboravit femina, sed viros deinceps etiam pelli hanc corripuit. *Athenienses omnes, & advena hospites ad nihil aliud vocabant, nisi aut dicere, aut audire aliquid novi,* inquit S. Lucas Act. 17. *Athenienses omnes,* ait, non mulieres tantum, sed etiam viri, iuque & incolæ, & cōnænz. Nescio an ætati alicui tam ægrè ex hoc morbo fuerit, quam huic nostræ, quæ noua qualibet, tamen hoc sint, quod etymologia sonat, *non vera,* & vel adiectione aucta, vel omissione diminuta, vel prosum commentitia, & vel ab odiosis, vel otiosis ad ludum conficta, stylo tamen, & typo, & idioma te vario sparguntur, perque omnem latè patriam vicinam, abitantque promulgantur, & manibus ambabus cupidissimè acceptantur.

Si quis ergo noua ex vmbone recenseat Ecclesiastes, is certè & frequentes, & perattentos habeat Auditores. Quidni ego itaque vobis noua hodie ex hoc loco narrem, quæ habeo & plurima, & admirabilissima, & tam vera, quam nihil falsum, nihil etiam dubium dicere veritas æterna potest? Dum hoc facio vos ea tenaci memoriæ indelebili-ter inscribite, sed meam simul lubricam memori-æ alto silentio iuuate.

Creauit Dominus nouum super terram, &c.

Hæreo in primo statim limine orationis, Auditores, nec enim video, quæ prima, quæ posteriora noua producam, tanta habeo quæ proferam.

Magnus Pater Augustinus Ser. 9. de temp. vocat hunc, quem decurrimus, *exoptatissimum diem, diem omnium nouitatem,* fortè quia hæc dies vidit noua, quæcunque vllus antehac, fortè quia vidit, quæ alius ante illum nullus. Et quanquam mihi sensus Augustini sit dubius, huc tamen propendeo, ut putem, hunc diem diem omnium nouitatem appellasse, quod huic visa sint noua, quæ nulli diei antè. Hodie ex stabulo factum est cælum, *Obi enim Christus, ibi & cælum,* inquit S. Epiphanius Sermon. de laud. Deiparæ.

Nullum tale stabulum vidit dies superior. Hoc

die sol ad obsequium lucidior venit, & nocturnis horis aduentu maturiore aliquantulum decerpit, & præter consuetudinem matutinus illuxit, unde factum est, ut hodieque ab hac luce lucis incrementa dies sumere incipiant. Ita ferè S. Ambrosius serm. 16.

Nullum talem solem vidit dies superior. Hodie splendidus, ac multâ luce illustris apparuit Angelus, cuius claritas pastores circumfulsit, neque in totis Bibliis alium tam conspicuum antehac visum inuenies Angelum. Ita noster Caeteranus in c. 2. Lucæ, atque ut fertur, ante illum venerabilis Beda. Nullum talem Angelum vidit dies superior. Hodie enixa est filium Mater, nec virgo esse desit. Hoc fides habet ex verbo Dei tradito, ut videas non posse ex solo Dei verbo scripto accipi omnia, quæ credi oportet. *A saculo autem non est auditum, & aliqua Mater esset, & Virgo,* inquit mellitissimus Virginis Matris cliens S. Bernardus homil. 1. super missis est. Hæc nimirum est, quæ sola potuit hodie dicere suo filio, quando nato adgeniculata, quod illa suo Salomoni: *Omnia poma noua, & vetera, Dilecte mi, seruauit tibi.* Cantic. 7. Poma vetera erant matres ex commixtione, & corruptione grauidæ, pomum nouum puerpera semper intacta. Poma ergo noua, ac vetera Dilecto suo sola inter mulieres seruauit, quæ sola intemeratam seruauit pudorem, & diuinissimi filij Mater esse meruit, neque talis filij, suo voto, futura Mater, si non esse simul virgo potuisset.

Nullam talem matrem virginem vidit dies superior. Hodie natus est sine Patre homo, qui ante omnia sæcula genitus sine matre Deus. Nullum talem filium vidit dies superior. Hodie verbum actuum (per quod omnia facta sunt) passiuum factum est, factum caro. Nullum tale verbum vidit vel dies, vel Grammaticus superior. Hodie duas naturas hypostasis, seu persona vna sustentare cepit, coieruntque caro, & spiritus, mortale, & immortale, simul in vnum diues, & pauper. Nihil tale vidit vel dies, vel Metaphysicus superior. Hodie creator omnium de creatura sua procreatur, Ita S. Augustinus Ser. 9. de temp.

Nihil tale vidit vel dies, vel Philosophus superior. Hodie pumilio infans, verbum abbreviatum delectat, mouet, suadet, Regumque ad se corda conuertit. Nihil tale vidit vel dies, vel Orator superior. Hodie, qui terra, mari, cæloque non capitur, intra vniuersi corpusculi membra suscipitur. Ita rursum D. Augustinus ibidem. Nihil tale vidit seu di-

es, seu Geometra superior. Hodie cœlis effusi Angelorum exercitus aërem cantibus impleuerunt. Nullus tale melos vel dies, vel muscus superior audiuit. Hodie numerari inter homines, & esse hominum nouissimus cœpit, qui ab æterno Dei Patris, ac spiritus sancti medius, nec secundus tamen, nec primus, neque nouissimus Deus numerari potest. Nihil tale vidit vel dies, vel Arithmeticus quispiam superior. Hodie rorant cœli desuper, & nubes pluerunt iustum. Nihil tale vidit dies, vel Astrologus superior. Hodie aperta est terra, & de infeminato vtero, vt Augustinus loquitur, genuit saluatorem. Nihil tale vidit vel dies, vel Agricola superior. Hodie expansum in stabulo vellus agnum Dei peperit, qualem nullum vel dies, vel pastor superior, nec Papa posterior alium vidit. Hodie mercatus est à nobis Christus viles merces terrenas, nasci, & mori, & terrestribus, attulit peregrinas, & cœlestes, resurgere, & æternum vivere. Ita ferè iterum S. Augustinus Serm. 13. de temp. Talia nulli dies, nulla vnquam emporia viderunt commercia.

Coronabo hæc noua quodam dicto S. Ambrosij, tum gradum ad alia faciam. *Mirum est*, inquit ille, *quod prius redemptionem sæculi potuerunt scire Pastores, quàm Principes, non enim Angeli annuntiauerunt Regibus, non Iudicibus, sed hominibus rusticis.* Hæc ille Serm. 13. Vtique mirum, si ad sæculi nostri mores rem æstimes, quo nihil ferè tam secretò agitur, quod non per Oratores, & exploratores, & Commissarios, vel Emisarios suos Principes nostri consciscant, & intelligant. Sed ego mirius aliquid vobis dicam. Quale illud? inquis. Quodd cum omnia innouata, hoc est, noua facta sint, postquam Antiquus dierum factus est Adam nouus, nos veterem hominem pertinacissimè retineamus, ob oculos tantæ humilitatis constanter superbi, ob oculos tantæ paupertatis vsque auari, & iuxta incendium ardentissimæ illius claritatis semper frigidi, ac gelidi. Ieremiæ nouum videbatur, quod ætatis suæ hominibus etiam dum in mentem veniret cogitare de corporis luxu, & voluptatibus, tantum quia ab illo acceperant, fore vt aliquando Dei filius in corpore humano inter homines, sed pauper, sed humilis, sed in magno corporis sui neglectu viveret, idè singulos thematis mei verbis compellabat: *Esquequò dissolueris, filia Saga,* ac velut illi quispiam dixisset: Et quod me cohibeat, quo minùs dissoluatur, & effundatur? subiungit: *Quia Dominus, &c.* velut apertius dixisset: Patie-

tur se Deus vteri materni compendiis circumdari, & vos dissolui mini? mirum si ita facitis: Et non videatur hodie mirissimum, quodd nos tantum beneficium iam adepti, sumus post humilem Christum elati Christiani, post continentissimum Dominum effusissimi serui, post modestissimum magistrum petulantissimi discipuli, solo nomine Christiani, serui, discipuli.

O mei Auditores, *simus sicut Christus, quia ipse sicut nos, efficiamur dii propter ipsum, quoniam ipse propter nos factus est homo.* Ita perurbane Nazianzenus monet: Orat. 4. At dulcis Bernardus suauis ista. Serm. 1. in Natiu. Dn. *Obsecro, & plura mihi rogo, fratres, non patiamini sine causa tam pretiosum exemplar vobis propositum esse, sed conformamini illi, & renouamini spiritu mentis vestre. Studete humilitati, qua funiamentum est, custodite virtutum. Quid enim magis indignum, quid detestandum amplius, quid grauius puniendum, quàm vt videns Deum cœli paruulum factum, & ita apponat homo magnificare se super terram? Intolerabilis impudentia est, & vbi sese exinanitum matestas, & vitium inferitur, & intumescat.* Iam verò & Augustinus, tanquam nos videat nihil his precibus cedere, videtur mihi illa ex Dauide arripere verba: *Filij hominum & quequò graui corde: iis que nos vehementius obiurgare, ac dicere: Saltem & ad aduentum filij Dei error vester durauerit, quid & ita graues corde estis? quando habituri sinem fallaciarum, si veritate presente non habetis?* Hæc ille.

Qui sinem non faciunt vanitatum veritate presentem, neque exemplo Christi ad vitæ melioris studia permouentur, iidem sunt magis duri, quàm saxa, magis feri quàm feræ bestię, & faciunt impossibilia, & totam Christi Oeconomiam, quantum in illis est, evertunt, nec sperare cœlum possunt. Hæc pauca, si tamen pauca, vbi scripturæ, ac Patrum suffragiis testata fecero, simul dicendi sinem faciam. D. Gregorius Magnus in lachrymarum consideratione defixus, earum quas scelerum suorum, & turpiter antea vitæ exanimatus pœnitens Magdalena tantâ copiâ fudit, vt tantum non oculos, vnâ effunderet, dicere ausus fuit, potuisse tali exemplo vel lapideum cor in fletum liquari. Sed audite quanto verborum pondere hanc rem exprimat: *Cuius vel saxum pectus illa huius peccatricis lachryma ad exemplum pœnitendi non emolliant?* Si tantum potuerunt, ex tanti Pontificis sensu, apud saxea pectora lachrymæ mulieris pœnitentis, saxei adamantinos animos in chalybeis pectoribus ge-

runt,

suum, si alio compendio ad superos aspiras. Quousque ergo dissolueris, (ita succclamare ex cunis saluatorem puta) quousque deliciis dissolueris, filia Sarga, anima leuicula, neque tantisper conquisces, ut attenta videas, quod mulier circumdedit virum, Virgo Mater Dei filium, ut fluxa desideria tua vel tandem cohibeas, dum coram te, vides totam Dei immensitatem intra vnius corpusculi angustias arctatam. Christus intra vteri virginalis compendia se conclusit, & tu soluta in omnes delicias effunderis: Pone laxam viuendi rationem, lubrice, mitte inconcessas corporis voluptates, memor quod Christus corpus suum simul & habere cepit, & male haberi permisit. Pone cristas, superbe, cum vides quod Christus è cælo in humiles stipulas sese demisit: Esto cum puero Christo puer, ut crescas in illo in virum perfectum, & redemptorem mundi sic lætus suscipe, sic deuotus imitare, ut venturum etiam iudicem securus videas. Amen, Amen, dixi.

De Sacrosancta Circumcisione Domini nostri Iesu Christi.



E Vocatum est nomen eius IESVS. Nomen Dei tam est venerabile, & ineffabile, ut qui per illud jurare velit, tantâ præparatione quodammodo egeat, quantâ probatione opus habet, qui eundem Dominum in diuinissimo Altaris Sacramento sumpturus. Abrah. 56. o.

Abraham Gen. 14. sublatâ in cælos manu iurauit regi Sodomorum, quod de rebus ipsius, quas armis recuperarat, neque corrigiam caligæ retinere vellet, iurauit autem coactus necessitate, ut nempe serid, & ex animo loqui crederetur. Ita & nos nonnisi cum magna cautione, & urgente necessitate nomen Domini ad iurandum adhibeamus.

S. Chrysostomus totum decalogum per Quadragesimam exponendum susceperat, & solam hanc de non leuiter iurando chordam per tam longum tempus pulsauit, tam momentosam arbitratus hanc doctrinam, ut quadraginta continuis diebus nihil aliud egerit, quàm ut auditoribus reuerentiam nomini Dei debitam inculcaret.

Philo Iudeus suadebat, ut qui jurare deberet, esset cunctator, & procrastinator, si fortè differendo posset vitare, ne iuraret. Iuramentum postu-

lati faciamus quod mali debitores, dilationemque, quod ille solet, ex die in diem tam diu petamus, donec pertæses perendi faciamus eos, qui exigunt.

S. Paulus ex obseruatione Magni Augustini, scribens iurabat, loquens non iurabat. Quid ita? Quia considerabat quod præcept, & procluius ad lapsum esset lingua, idcirco inter loquendum iurare formidabat, quod tamen inter scribendum non metuebat, quia stupor manus, & calami scriptorij tarditas moram adferunt, ut pennâ attentius exarari verba, quàm promi linguâ possint.

Iudæorum quædam receptissima traditio habet, totum orbem in illa hora tremuisse, in qua lex illa. *Non assumes nomen Domini Dei tui in vanum*, promulgata fuit. Id Hebræi olim suis, quoties iuramentum ab eis accipiebant, in memoriam reuocare soliti. Quid ergo nunc fiet, quando tam vanè sæpè iuratur, tam perfidè, sacrilegèque blasphematur?

Pallidus dictus fuit veteribus iurandi Deus. Quamobrem? Quia iurantes trepidatione pallescent, inquit Seruius, scilicet ex consideratione periculi, cui se exponunt, si non ut decet, iurant? Ut hoc periculum S. Gregorius Nazianzenus, caueret, legem sibi ipsi tunc, cum baptizaretur indixit nunquam iurandi, quamdiu viveret, seruauitque.

Chrysostomus non ita gemebat audiens quosdâ in vijs jacere jugulatos, ut horrescebat videns quæpiam propè altare attractis Euangelis iurantem. Ibid. 57. c. 2. *Hæc omnia & plura ibidem, fructuose prædicari possunt, & commemorari sæpè debent huius sæculi hominibus, qui ad omnem ferè sermonem de nihilo persæpè iurant.*

De eadem Circumcisione.

Autore Interprete.

Deus noster Deus saluos faciendi, & Domini Domini exitus mortis! Psal. 67.

V. 21.

*V*T pie matres, & sedula nutrices, cum fortè pupulos suos prouocare ad quietem volunt, in gremijs positos complecti brachijs, & suauiter confringere, & apprimere dulciter ad vbera, ac tunicâ operire secundum faciem, atque oculos solent, ut obscurior eis aer redditus somnum per quietem facilius inuitet: Ita & beneuolentissimus Deus

Deus tanquam velamen quoddam per vniuersum mundum tenebras expandens, & obducens, hominum genus ad silentium gratissimæ quietis inuitat. Habent hoc communiter omnes ex nocte beneficium, avari verò etiam illud peculiariter, quòd pro intemperante quæstus libidine, & immodica, immoderataque lucii cupiditate laboribus, operibusque seipsum conficerent, & consumerent, nisi Deus noctis tempus tenebris aduersus insatiabilem auri famem ita obmunisset. Sic ferè sanctus Ioannes Chrysostomus lib. 2. de compunct. cordis ad medium.

Ego verò tertium inuenio, nimirum quòd homini liberali, & prolixo, & ad benefaciendum propenso sæpè opportunissima nox venit, tuncque vel maximè, cum benefaciendi voluntatem facultas destituit, nec dare valet, quod vellet.

Sol occubuerat, quando apud Lucam c. 4. v. 40. adducebantur Christo varijs languoribus infirmi, quibus ille morbos ademit, simul ac manus imposuit. Obseruabat scilicet prudens medicus ad curationes adhibendas occasum solis, ait quidam sed quid? Impediebantne illum à benefaciendo solares radij?

Aut fortè opportunior erat illa hora reddendæ sanitati? Erat opportunior non remedio hominù, nec beneficio, sed pudori Christi, qui vt effusissimè in homines liberalis erat, sic omnes semel per vniuersum terrarum orbem ægrotos sanare cupiebat, erubuisseque quòd paucos solos curabat, nisi velum vultui eius nox obtendisset, nigrique tenebris obstita facies ruborem bibere non potuisset. Nocte ergo incolumitatem restituit paucis, ne suppudeferet per diem, si ob solis oculos paucis solis redderet.

Si nouum est, quod dixi, subiiciam aliud ex sancto Petro Chrysologo admirabilius. Ille Serm. 64. dicere ausus fuit, quòd Christus fremuit spiritu, & tota se viscera commotione conturbauit, quia solum adhuc Lazarum, & non tunc omnes mortuos suscitabat apud Ioan. 11. c. Si illachrymauit, & infremuit, quòd non omnes in vitam reuocaret mortuos, quando vnum solum Lazarum redanimauit, quomodo non vel erubuisse, quòd paucis tantum præstabat beneficium sanitatis, nisi nox atra ruborem prohibuisset?

Ergo noctem ego nunc optare possem, quæ frontem meam, oculos, vultumque suum obscuritate tingeret, ac regeret, quòd nullam strenam conféro, quam erogare in auditores queam, cum omnes Ec-

clesiastæ ex solenni patriæ nostræ more Xenia è loco superiore dispertiri hoc die soleant. At si strenæ loco excipere vultis, si quid pulchrum, si quid exquisitum, & vile dixerò, perdifficilem Psalmi 67. versum, quem præfatus sum, vobis explanatum dabo, sed in præsens festum aptè, & in mores vestros opportunè, & commodè.

Post illum explicatum ad amabilissimum nomen IESU progrediar, tum artem quæstuosissimam tradam, quæ proficere in angelos, & inter omnia corporis, & animæ discrimina perennare salui atque incolumes possitis. Vos me interim (nisi hoc superflue rogo) vel pro venerabilissimi nominis illius obseruantia, & reuerentia taciti, atque attentij auscultate.

Deus noster Deus saluos facienti, & Domini Domini exitus mortis!

Perpicue hunc versum, quantum nescio an Expositorum aliorum quispiam, exposuit sanctus Augustinus lib. 17. de Ciuit. Dei, in cuius libri c. 18. sic habet: *Quid apertius diceretur? Deus enim saluos facienti Dominus est IESVS, quod interpretatur saluator, siue salutaris, cuius ratio nominis reddita est, quando priusquam ex Virgine nasceretur, dictum, Patres filium, & vocabis nomen eius IESUM, ipse enim saluum faciet populum suum à peccatis eorum. In quorum peccatorum remissionem quoniam sanguis eius effusus est, non vtiq; oportuit eum de hac vita exitus alios habere, quam mortis.* Hæc ferè ita magnus Pater.

In his illud acutè notauit, cum admiratione dictum à Dauide: *Et Domini Domini exitus mortis!* tanquam Propheta pœnitens præscius, quòd Christus officium saluatoris & nomine præferre, & reapse exercere deberet, nec alium tamen, quam mortis exitum per sanguinis effusionem habere, attonito similis inde suo clamare cœperit: *Deus noster est Deus saluos facienti*, id est, Deus noster non ob aliud veniet in mundum, quam vt homines saluos faciat à peccatis eorum, & ab æterna morte seruet, & huius Domini, huius, inquam, Domini non alius ab hac vita exitus erit, quam mortis, siue per mortem!

Omnino, sancte Dauid, Domini, qui est Deus saluos facienti, Domini, qui in mundum veniet peccatores saluos facere, exitus nō alius erit, quam mortis, qui ægrè in octauum vitæ suæ mortalis diē hodiernum continere se potuit, quia sanguinem, quem

quem vix acceperat fundere inciperet, hocque nobis certissimum pignus jam tunc daret reliqui sanguinis, quem posthac fundere cum ipsa vita sua vellet, quando per ætatis incrementa auctiorem factum majore copiâ fundere posset.

Vultis magnum hic aliquod mysterium in parvulo huius fæsti Evangelio vobis enudem? Accipite Lucam attenti, & ille suis verbis ingens secretum vobis aperiet: *Postquam consummati sunt dies octo, & circumcideretur puer, vocatum est nomen eius IESVS*, inquit ille. Itaque pueri Dei nomen vocatum est JESUS, sed non antè, quàm circumcissus sanguinem fundere, & JESUS esse, hoc est, officium JESU, siue saluatoris exercere cœpisset, tanquam nomen prius, quàm rem habere noluisse, sed ante omnia esse, tum appellari IESUS voluisset, non passus nimirum IESUS dici, nisi opere primum, ac dato sanguine JESUM probasset, nomenque commeruisset.

Quid ita? Quia qui nomen officij alicuius admittit, neque officium ipsum exercet, is probro titulo gaudet, quo dedecoretur, & honorificam habet ignominiam, quâ defædetur. PPP. 3. 18. o.

Hanc ob causam non tantùm ipse Dominus hoc nomen saluatoris antè quàm rem usurpare sibi noluit, sed neque olim cuiquam permisit, ut diceretur Iesus, priusquam opere se Iesum exhibuisset.

Duas habeo hanc in rem Patrum obseruationes, easque tales, ut cuius sacrarum literarum amanti pro diuite frena cœ possint. Prima est sancti Augustini Serm. 93. de Temp. nempe *tunc primum factam esse mentionem beati nominis IESU, cum Moyses eo tempore, quo Amalecitarum exercitus ininhabebat Israëlitis, vocauit Iosue, siue Iesum, & dixit ad eum: Elige tibi viros, & egressus pugna contra Amalec* 1. Exod. 17. 9. Itaque nec Iosue figuram huius nominis præferre poruit, ut saluator typicus diceretur, nisi primum in pugnam descendere, & pro subditorum salute caput periculis obijcere, & in discrimen vitæ pro tutanda suorum vita se dare vellet.

Theodoretus q. 25. in Numeros acutiùs hanc in rem illud sciscitatur, quare filio Naue, siue Nun (sic enim per diu vocatum fuisse habes in vita Abrahamæ 166. c. 2. ad finem) nomen Iosue, vel Iesu tunc datum sit, cum explorator missus fuit. Respondet verò, propterea hoc factum quoniam erat figura veri Iesu, qui imitatus est exploratores in peragenda salute nostra. Sicut enim exploratores præferebantur habuit, & vocè gentiū, quas explorabat:

Ita Deus Verbum humanam induens naturam, illi ne stens linguâ salutem nostram procurauit. Hæc ille.

Obsiduum est, quòd in stabulo inter brutas pecudes Dei Filius habitu inuentus est ut homo: At hoc die, quo circumcissus, non hominis solum, sed & peccatoris formam habuit, factusque est sui ram dissimilis, ut si quo modo potuisset Pater non agnosceret Filium, in quo ei bene complacuit, ex hoc maxime signo potuerit ignorare eum, inuentâ in eo circumcissione, ut ferè inquit mellissius Bernardus serm. 3. de Circumcisione.

Ergo humanorum cordium explorator, & salutis nostræ procurator, ut officio suo pro more exploratorum probè fungeretur, hominem induit, & sic induit, ut penè exuisse Deum videretur, quando exinanienti semetipsum, & formam serui, & similitudinem carnis peccati accipiens, circumcissionis etiam velut stigma quoddam admisit, merito sub eam horam Saluator vocatus, quòd videlicet ex hoc iam caperet operari salutem nostram, immaculatam illum pro nobis sanguinem fundens. Ita rursus S. Bernardus serm. 2. de circumcissione. Merito, inquit, vocatus saluator, quia iam esse cœperat.

Sic ab initio creaturæ factum est. Nam postquam animalibus suum esse Conditor eorum dederat, tum ea ad Protoparentem adduxit, & videret quid vocaret ea. Gen. 2. 19. quasi non antè nomine digna fuissent, quàm essent, quòd vocarentur.

Angelorum omnium primus fuit ille, qui cum plurimis lapsus cælo, excidit, de quo Iob ex sententia sancti Gregorij lib. 32. Mor. c. 25. in fine, dixit: *Ipse est principium Ætarum Domini*. Vias Domini creaturas illius vocat, per quas in cognitionem ipsius peruenimus. Harum creaturarum principium, id est, supremus vertex, præcipuus, & princeps fuit angelus ille apostata. Si præstantissimus, ergo Seraphin fuit, ij enim primum dignitatis ordinem inter angelos obtinent, ut habet sanctus Dionysius de cælesti hierarchia c. 7. Immodò vero Seraphin fuit, & angelorum princeps, qui nunc dæmonum caput. Apud Ezechielem nihilominus Cherubin dicitur. Quamobrem Seraphin esse desierat, itaque nec vocari eo nomine amplius debuit. Seraphin, dicuntur ardentes ab incendio charitatis, quo erga Deum flagrant. Refrlexerat, immò tota prorsus extincta in Lucifero fuerat per superbiam statum charitas, adeo cum non esset Seraphim, etiam vocari non debuit. Ista in hunc sensum S. Thomas 3. p. q. 36. art. 7. ad 1. notauit.

Solenne.

Solenne hoc est hodieque orbi Christiano, vt nomine Christiano neminem donent, qui non prius salutaribus aquis tinctus, esse homo Christianus cepit.

Liber hic interrogare aliquid Auditores, vt quæ hucusque dixi, in vsum nostrum transferam, & conuertam. Transferunt nobis ex mensib. menses, atque ætatum profectu alii ex adolescentia in iuuentutem ascendimus, alii ex iuuenibus in viros euadimus, alii tacitis annis senescimus. Quotus verò quisque est, qui suos ita decurrerit dies, vt iure nomen Christiani sibi hominis vsurpet. *Nam tu illum Christianum putas, in quo nullus Christianitatis actus est, nulla conuersatio iustitia, sed impietas, nequitia, & sceleris?* clamat S. Augustinus in lib. de vita Christiano. c. 11. & c. 14. ita: *Tu Christianum illum putas, cuius nunquam panis & lilius satiatur esuriens, cuius potu nullus sitis extinguitur, cuius mensam nemo pauper cognoscit, sub cuius lecto nec advena, nec peregrinus, aliquando succedit, cuius nemo nudus tegitur velamentis, cuius pauper nullus fouetur auxilio.* Et c. 6. rursum: *Nemo sibi de nomine Christiani blandiatur, sed propter hoc etiam iudicandos nos credamus, si nobis frustra nomen vendicemus alienum, à qua inani talis nominis vsurpatione si non gehennæ metus nos absterret, pudor saltem de humane consuetudinis recordatione natus coercere deberet.* *Quis enim tam bruite insipiens est, vt aduocatum se, cum nesciat literas, audeat profiteri? Quis tam insanus, & excerebris, vt se militem iactet, arma ferre nescius? Nemo enim qualecunque illud nomen sine causa sortitur. Sutor vt quisquam dicatur, necessum calceamenta noster conficere, vt vocetur quis faber, artis peritra facit, vt negotians nuncupetur quis, carius distrahitis, quod emerat vilis. Et tu igitur quomodo Christianus diceris, qui opus Christiani nullam exerceas? Christianus iustitia, bonitatis, integritatis, patientia, castitatis, prudentia, humilitatis, humanitatis, innocentia, pietatis est nomen, & quomodo tu illud tibi defendis, cui de tam plurimus rebus nec pauca subsistunt? Christianus est, qui dicere potest. Vno ego iam non ego vixi verò in me Christus, Gal. 2. 20. Christianus est, qui nemini vult malè, facit autem etiam omnibus, si potest, bene, pièque, sobriè, ac iustè viuit, erga Deum piè, sobriè erga seipsum, erga proximum iustè. Pensate ergo vestra erga Deum pietatis pondera, pensate vestra in victu sobrietatis, in vestitu modestiæ, in coercitione carnalium appetentiarum, & voluptatum momenta,*

videte quanta iustitiæ erga proximos ratio à vobis habeatur, videte ne vacuum Christianorum nomē inaniter præferatis, videte ne personati, ac laruati magis, quàm veri, ac sinceri Christiani inueniamini ab eo, cuius omnia nuda, & aperta sunt oculis, nec vlla fraudem facere simulatio potest, curate esse, nec solum vocari Christiani, qui esse potestis, si vultis, etiam Angeli. Qui istud?

Volo magnæ artis non exiguum vobis didascalū dare. Sanctus Gregorius Doctor Magnus, & Pontifex etiam maximus vos docebit, quod non dubito quin perdiscere cupiatis omnes. Concionabatur ille quondam Romæ in basilica SS. Marcellini, & Petri, & sic aiebat ho. 6. *Viam fratres charissimi non ad iudicium nostrum dicamus, quia omnes, qui sacerdoti nomine censentur, angeli vocantur, prophetæ attestante, qui ait: Labia sacerdotum custodiunt scientiam, & legem requirunt ex ore eius, quia angelus Domini exercituum est, Malachi. 2. 7.* Tum ad populum conuersus inquebat: *Sed huius altitudinem nominis potestis etiam vos, si vultis, mereri. Sed quomodo fiet, beatissime Pontifex, vt in angelum homo proficiat? Vnusquisque vestrum, ait, in quantum sufficit, in quantum gratiam superna aspirationis accepit, si à prauitate proximum renoucat, si exhortari ad bonè operandum curat, si æternum regnum, vel supplicium erranti denuntiat, cum sancta denuntiationis verba impendit, profectò angelus existit.* Hæc ille, quæ non imprudenter de nihilo effluiuio, sed propter exemplum sancti Ioannis Baptiste meritò pronuntiauit. Hic enim beatissimus Christi Præcursor cum ob alia, cum ob id vel maximè angelus appellatus fuit, quod cum in peruiugio mortis positus propediem se moriturum sciret, nihil quidem de vitæ suæ iactura sollicitus, de hoc verò plurimum anxius fuit, quâ ratione discipulos suos erroneos reducere in veritatis viam, hoc est adducere ad Christum, qui via, & veritas erat, & cui illi non satis credebant, posset.

Curate ergo, Auditores, vt vestro quâ verbis, quâ exempli hortatu fiant alii pii, ac deuoti, sic nomen habebitis angeli & meritum. *Et nemo dicat, subiungit Gregorius, admonere non sufficio, exhortari idoneus non sum, quantum potes, tantum exhibe, ne malè seruatum, quod acceperis, talentum in tormentis pendere exigaris.* Non plùs vno talento quidam acceperat, cumque illud abscondere maluit, quàm erogare, seruus nequam apud Lucam 19. 22. *Seruus malus, & piger* apud Matthæum 25. 26. dictus, adeò magni sceleris damnatus fuit, & bichu-

que enim Voluit Dominus monstrare magnum aliquod peccatum, a contumelia incepit, sicut ibi: *Serue nequam omne debitum dimissi tibi*, & ibi: *Hypocrita euice primum*, &c. Ita Chrysostomus apud sanctum Thomam in cat. in c. 7. Matth. Vt nemo putet, leue delictum esse, si intermitteat proximum modis, quibus potest, ad Dei cultum, & bonam frugem adducere. Nemo ad forum, aut ad balneum pergit (sic pergit Gregorius) quin vt secum veniat, inuitet, si quem otiosum esse consideret: Ipsa ergo terrena actio vestra vos conueniat, & erudiat, quid in spiritualibus facere debeat, esse ad DEVM, ad locum, conuentumque sacrum, aut qualemlibet Dei cultum tenditis, curate ne ad eum soli veniat. Hinc enim scriptum est: *Qui audit, dicat, Veni, Et qui aliquam in corde superni amoris vocem accepit, foris etiam proximo vocem exhortationis reddat.* Quando sola in horto Christum Maria Magdalena conuenit, voluit disfluari pedes eius, sed repulsam passa audiuit: *Noli me tangere*, Ioan. 20. 17. At quando alias nonnullas mulieres adduxit socias, & cum illis cursa abiit, vt etiam aduocaret Apostolos, tunc ecce *IESVS occurrit illi*, tunc ad luculentam singularis sue erga illas beneuolentiam ostensionem, auete, comiter dixit, tunc autem & accesserunt, & non solum osculatae sunt, sed etiam tenuerunt pedes eius, Matth. 28. 9. Hanc pridem apud Sanctum Augustinum legi obseruationem.

O quam multi saepe sub eam horam, quam alii dant religiosam operam officiis diuinis, ambulant vias non bonas, curruntque ad malum & vel inerti otio earum tempus miserè prodigunt, vel rudent quidem, sed calicibus epotandis, & si manè fortè consurgunt, id faciunt, vt sectentur vinum, aut certè quæstum, qui aliud facerent, si modò humanus angelus aliquis verbo suauiore auocaret, ac diceret: *Veni, & vide contribules nostros, vicini nostros, cognatos nostros, quam ardentè verbum Dei accipiant, quam frequenter sacram Domini mensam adeant, quam crebrâ exomologesi conscientiam suam emaculent, quam reuerenter magnam Christi matrem colant, quantam salutis suæ curam habeant.*

Auditus est vnus aliquando Angelus, qui pastoribus Iudeis gaudiosa nati Saluatoris nuntia attulit, & subito facta est cum Angelo multitudo militum caelestium, Luc. 2. 13. vniuscusque exemplo plurimi è caelo euocati in communes DEI laudes certatim proruperunt, vt velut ex contentione succlamarent: *Gloria in altissimis Deo, & in terra pax ho-*

minibus bona voluntati, ibid. v. 14. Quid fecisset vnus ille angelus, si exemplo voces addidisset, ac dixisset: *Egredimini, filii Dei, ephēbi caelorum, & videte regem saeculorum in diademate, quo coronauit illum mater sua domina nostra in die desponsationis eius, & in die lætitiæ cordis eius.*

Pastores ipsi, homines rudes, & agrestes, & ab omni humanitate tam alieni, quam brutarum pecudum curæ, & custodiæ dediti, loquebantur ad inuicem: *Transcramus & q. Bethlehem, & videamus hoc verbum, quod factum est, quod Dominus ostendit nobis*, ibid. v. 15. Putatis effecit aliquid apud tales homines illa mutua exhortatio & inuitatio? Plurimum effecit. Nam *venierunt festinantes*, nec sine præsentī remuneratione promptæ obsequiæ. Inuenerunt enim, vt Lucas narrat, Mariam & Ioseph, & Infantem positum in præsepio, quem videre prophetae, & reges tam multi ante illos voluerunt, nec valuerunt. Quid tale vidissent ruri, si alii aliis non fuissent obsecuti? O quoties dulcissimus Iesus cum Virgine matre animis vestris se per aures insinuaret in loco, vbi sacra ex more habentur conciones, quorum corda, dum alibi replentur sermonibus detractoris, lasciuis, mendacibus, iniuriis, congregant iniquitatem sibi, & sunt socii dæmonum, qui possent esse collegæ angelorum.

Parentes ego, & patresfamiliares, & magistris hoc ex loco conuenio, & magnum in modum rogo, ne sint tam ignaui, vt angeli esse, quod possunt, nolint, sed filiis suis, ac domesticis, & discipulis, quoties fert occasio, illud succlamant: *Transcramus vsque in locum, vbi sacri conuentus celebrantur, & ad verbi DEI prædicationem, ad sacra, ad synaxin, ad confessionem concurratur, & audiamus hoc verbum, quod fecit, aut dixit olim Dominus, quodque ex illo pro concione referet nunc alius.* Facite hanc eleemosynam spirituales omni aliâ opulentiorē, qui non potestis facere corporalem. Inuate diuite linguâ proximos, qui non potestis inope manu. Et qui non valetis morituræ carnis inanem ventrem terreno pane explere, pabulo verbi, ac bonæ exhortationis victuram in sempiternum mentem reficite, & vos ipsi vitam temporalem dignam æternâ viuite.

¶ (*) ¶

De Epiphania Domini.



Quoniam natus esset Iesus in Bethlehem in diebus Herodis regis. Posthac ait Lucas, Israëlitam monarchiam in partes sectam varios habuisse moderatores, puta alterum quemdam Herodem, Philippum, & Lisaniam. Quamobrem coelestis Magister tunc ipse huc aduenit, quando patriam ipsius extranei Principes, ac tetrarchæ tam multi obtinebant? An fortè ut prædicaret? Sed Prophetas, ut superioribus sæculis fecerat, etiam tunc mittere poterat, qui tale munus obirent. Cur ergo? Respondet Chrysostomus: *Quamdiu gens Iudæica quamvis sub malis, tamen Iudæicis regibus tenebatur, Prophetæ mittebantur ad remedium eius. Qualem necessitas, tale & auxilium.* Nunc autem quando lex Dei sub potestate regis iniqui tenebatur, id est, iustitia Dei sub dominatione Romana premebatur, nascitur Christus, quia magna, & desperabilis infirmitas medicum artificiosorem querebat. PPP. 278. c. 2.

Ibi maiore semper auxiliorum vi succurrendum, ubi grauiiores necessitates opem vehementius postularent. Ibid. 278. o.

Eccce Magi ab Oriente Venerunt. Cur Magi, siue sapientes didici, qui reges erant? Respondeo, sapientes dictos, eò quod non quamvis ciuitatem, sed urbem Ierosolymorum petierunt, cum intelligere vellent, ubi esset, qui natus Rex Iudæorum. Ierosolymis quippe oraculum erat, ibi veri Dei notitia florebat, sedemque regiam habebat. PPP. 285. c. 2.

Insignis quippè prudentia, & sapientia per magna est, relicto riuulo pergere ad fontem, uti vana, & turpis, ridiculaque est illius diligentia, & sollicitudo, qui cum pellucidum, abundantemque fontem ad manum habeat, turbidos, & cænosos operosè confectatur riuulos. Ibid. 284. o.

Sic Rebecca cum geminos concepisset, eorumque in suo utero colluctationem sentiret, neque sciret, quid illud tam insolens duellum veller, *perrexit, & consulere Dominum.* Gen. 25. ubi Chrysostomus: *Vide mulieris sagacitatem. Quoniam viderat, quod is, qui viliam eius reseruauerat, natura esset dominus, & infecundum ventrem repente ita fecundum effecisset, & videbat uteri sarcinam magna quadam promittentem, perrexit & consulere Dominum.* Quid est, perrexit ut consulere Dominum? Currit ad veram scientiam. Non ad humanum confugit subsidium, nec se exposuit deceptioni cursorum,

& eorum, qui polliceri audent, quæ sunt supra humanam naturam, sed perrexit & consulere Dominum. Ibid.

Non sic hodie agitur in media luce Euangelij ut tunc fiebat in illa obscuritate legis naturæ. Cum tribulatione quadam afflicti sumus, ad omnia potius, quam ad ipsum Deum nostrum recurrimus. *Vnus tibi pusio agrotat? Quaquà versum circumfers oculos, requirens incantatorem, vel ad postremum ad medicum venis, & medicinas, eo interim contemptim omisso, qui restituere potest sospitati.* Ita Magnus Basilii, quæ utinam non verè in tempora nostra quadrent. Ibid. 286. c. 2. *Fructuosè apud populum Ebriis tractari possunt, quacumque de tali argumento habet hoc Caput.*

Vidimus stellam eius in Oriente, & Venerimus, &c. Chaldæi, ex communi Patrum annotatione, diligenter obseruabant illud Balaami prophetæ aliquin falsi verum vaticinium. *Orietur stella ex Iacob, & consurget Virga ex Israël.* Num. 24. Cum ergo Reges magi, qui erant Chaldæi, nouam, insolentemque hanc stellam vidissent, & prophetæ Balaami permemores essent, statim abierunt exploratum, quid ea sibi veller, secuti que sunt splendidi viæ ducem, stellam, inquam, quæ in medio sole refulgens in illorum animas suos diffudit radios, ut inuenirent, & adorarent salutis suæ autorem, quem suspirabant.

S. Maximus monet non mirari, quod Chaldæi Dominicam Natiuitatem agnouerunt: *Nam si reuelante Deo gentilis Balaam potuit eam prænuntiare, potuit Virque & gentilis Magnus agnoscere.* Hæc ferè ille PP. 2. 616. c. 1.

Sic neminem excusat sua imbecillitas à faciendo eo, quod fecerunt multi, & facere potuerunt omnes. Ibid. 614. o.

Si *Esau currens obuiam fratri suo Iacob amplexatus est eum stringensque collum eius, & osculans flevit,* Gen. 33. si ante euangelium fuerunt homines tam strenui ad exercitandam hanc virtutem condonandi inimicis, in quibus Ioseph, David, Iob, Ieremias, Daniel, Moyses, & alij sine numero, quis post euangelium promulgatum, & tot præcedentia exempla excusare se de intermissione similis operis queat? Ibid.

Multa & ista, & formandis moribus commoda habet hoc caput.

Turbatus est rex, & omnis Ierosolyma cum illo. Si assentatio abfuit, benè factum, quod cum turbato rege conturbati fuerunt subditi. Debent enim subditi

Subditi miserari suos reges, qui quanto in loco superiori, tanto in periculo maiore versantur, nec miserari tantum, sed etiam iuvare quibuscumque rebus suis. Tam iustum autem, & sanctum opus est subsidium ferre regibus inter angustias positis, ut ex altari accipere possis, quo illorum necessitatem leues, si aliud desit, quo opitulari queas. Abrah. 38. o.

Neque subditi homines solum, sed etiam sensibus destituta creatura, ut videtur, tenentur miserari suum Principem. Quare enim ex S. Ambrosio, cur David male precatus fuerit montibus Gelboe, in quibus Saul, Ionathas, & alij viri principes caesi occubuerunt, 2. Reg. 1. respondebitque, pro regis necis spectaculo poenam elementa soluisse. Spectatores aderant montes illi, quando Saul Rex, & dominus eorum occidebatur, & quanquam absque sensibus essent, videntur nihilominus sensum aliquem doloris, & miserationis demonstrare debuisse. Quia vero id non fecerunt, merito emaruerunt, & in suo virore sepulti iustum pro neglecto debita pietatis officio supplicium dependerunt. Ibid. 38. c. 2.

Primi Reg. 6. percussit Deus quinquaginta milia plebis, quod pro Arca, quae ipsis pro duce erat, & ignominiose habebatur ab hostibus, adire periculum noluerunt. Et Abimelech Sacerdos Davidi Panem sanctum, & Deo sacrum dedit, idque pro reverentia regis Saulis, ex quo ille secretum nuntium habere dixerat. Ibid. 39. c. 2.

At si bonorum subditorum est ferre opem indigis regibus, debent econtra reges plurimum attendere conseruationi suorum subditorum. Ibid. o. Et tributa ab eis expetere, quae dependere possint: Moderata namque tributa sunt concessa, quae idcirco etiam Deus miraculis comprobauit, cum praegrandia, & nimis grauiam stragem Rebus publicis, ruinam Imperijs, interitum Regnis adferant, & sint multorum aliorum malorum seminaria. Ibid. 42. o.

Et tu Bethlechem terra Iuda nequaquam minima es in principibus Iuda, ex te enim exiit dux, &c. Matth. 2. Apud Michæam ista verba sic habent: Et tu Bethlechem Ephrata paruulus es in millibus Iuda. S. Ambrosius obseruat. 1. in Michæam de his verbis ita differit: Nemo de remedio diffidat. Ecce ubi domus furoris videntis (hoc enim significat Ephrata) erat, ibi domus panis est (hoc est Bethlechem) ubi crudelitas, ibi pietas, ubi pana innocentium, ibi vniuersorum redemptio. Hæc S. Ambrosius. Ibid. 138. c. 2.

Et quis diffidat, tamen peccandi consuetudine infaniet, & furat, quando in Ephrata domo furoris, siue in qua furor Herodis tam atrocem innocentium puerorum stragem edidit, editus in mundum est Redemptor omnium? Abrah. 138. c. 1.

Non sunt ægritudines animæ, quales carnis infirmitates. Nam sint licet quidam corporis morbi incurabiles, animæ tamen nullum est insanabile malum. Ibid. 137. o.

Non frustra dixerunt Angeli sancto Lot: *Delibimus locum istum*, Gen. 10. Factum id, ut per illum imminens excidij, & desolationis noua apud Sodomitas percrebescerent, intelligerentque ij, spem salutis esse reliquam, si erubescerent modò, & dolerent, dimitterentque turpes obscenitates suas. Nullus in tantam profunditatem scelerum se ingurgitare potest, quin erui queat, dum ex parte sua, quod potest, faciat.

Blasphemabant scribæ, & Pharisei, cum Christum dicentem paralitico, *remittuntur tibi peccata tua*, blasphemare aiebant. His ille contra dicebat: *Vis sciat quia filium hominis habet in terra potestatem dimittendi peccata* &c. Matth. 9. Pulchre monet Theophylactus: *Vide autem quod super terram remittuntur peccata, quamdum enim super terram sumus, poterimus dolere peccata nostra*. Spes est veniæ, quamdiu animæ in carne.

Extendisti manum tuam, & deuorauit eos terra, hoc est, Ægyptios in mari suffocatos, Exod. 15. At si terram deuorarat, & mare in suo ventre iam sepultos habebat, quare Dominus extendit manum tanquam eam porrigere, & ferre opem meritis vellet? Ut discamus, de nullo penitus desperandum esse, etiam qui submersus videatur, *possibile namque est, & si forte respiciat, qui deuoratus est, rursus possit euomari*. Ita Origenes.

Discedite a me maledicti in ignem æternum, qui paratus est diabolo, & angelis eius. Matth. 25. Hoc dicit Christus, quando causarum mundi extremarum iudex sedebit. Ergone verò funestum illud barathrum soli diabolo, & angelis eius, neque hominibus simul paratum? Causa cur diabolo, eiusque affectis potius, quam homini præparatus infernus dicitur, ea est, quod homo emendabilis sit, dæmon incorrigibilis. A quo dæmon semel peccare cepit, voluntatē suā anchorā obliuionis ad peccandum sic fixit, ut discedere a malo proposito nunquā possit, quare illi dicitur paratus ignis inferorum, non homini, qui quamdiu viuit mortalis, respicere a mortalibus peccatis suis ad vitam gratiæ potest.

Non

Non est desperandum de malis, sed pro ipsis, & bonis fiant studiosius supplicandum, quia numerus sanctorum semper de numero impiorum auctus est. Digna Augustino sententia, digna, quam tristes peccatores ad animi refocillationem identidem lectitent, & ruminent.

Ite, & interrogate diligenter de puero, & cum inueneritis, renuntiate mihi, & ego veniens adorem eum. Sancti Augustinus, & Leo Magnus, alijque cum secum reputarent tantam Herodis murmurationem, & solitudinem, & ingens illud studium, quo Magos ad capeffendam celeriter viam versùs Bethlehem perurgebat, & ab illis, quomodo res se haberet, certior fieri cupiebat, seq; adorationis cultum recens nato puero exhibiturum affirmabat, sic ferè aiebant: Quis ea omnia videre, & audire potuisset, neq; simul cogitare, à religiosissimo, & pietissimo animo profecta hominis, qui pulcherrimam veritatis lucem vnicè, ardentissimeque cuperet videre? Verùm multò secius res haberet, nam malus dolus, & fraus, & mera impostura, & perfidiosa machinatio fuit, quidquid Herodes seu dixit, seu fecit: *Herodes deuotionem promittit, sed acutis gladium, malitiam depingens colore humilitatis finxit se vultu, & verbis adorare eum, quem inuidia mente cogitabat occidere.* Sic Glossa.

O quàm simulabat infamis tyrannus adorandi noui regis cupiditatem, contorquens, ac submittens collum, attenuans vocem, extollens in coelum oculos, identidemq; velut exanimatus suspirans, atq; interim sanguinem innocentem intolerantissimè sitiens! PPP. 406. c. 2.

O quot habet mundus tales Herodes, quorùm dicta, factaq; plurima ab animo officioso descendere videntur, & ad imposturas, atq; officias tendunt, aliudque sæpè machinantur, quàm præferant! Ibid. 404. o.

Crebro hac ex ombone magnis vocibus declamari deberent, quia plenus est mundus Polisticis parum Christianis, hominibus fictis & Versipellis, quorum si qua est argè alios humanitas, & beneuolentia, ea simulata est, & commentitia, qui nihil sincere, & ex integro animo, sed omnia dolo, & arte agunt.

Stella antecedeat eos. Stellæ lumen adduxit Magos ethnicos ad Christum eiusq; fidem, & solis fulgor obscuratus, terraq; concussa permouerunt Centurionem, eosque qui cum illo Dominum custodiebant, vt in illum credentes dicerent: *Verè Filius Dei erat iste,* Matth. 27. Quid sibi vult, quòd nouæ stellæ splendor Persas Magos, & veteris So-

lis obscuratio milites illustrauit. Cur Deus effectum eundem per causas tam differentes operatur? Vt videas, quòd bonum, malumue non in rebus ipsis, sed in vsu earum bono, vel malo est positum. PPP. 348. o. Nam in omnibus rebus & pertimescere bona, & formidare mala possumus, eademq; lux & illuminauit Magos, & cæcauit scribas, ac Phariseos, eisdemque tenebris obscurati fuerunt Iudæi, & illustrati ad fidem ethnici milites, quos dixi. Ibid. 349. c. 1.

Obtulerunt puero Iesum & myrrham. Magno mysterio factum, quòd Christo infanti talia obtulerunt. Myrrha significat amaritudinem penitentiz, thus orationem, iuxta illud. Psal. 140. *Dirigatur oratio mea sicut incensum, &c.* Christo puero ergo oblata fuerunt thus, & myrrha, vt discamus, pueros à primis diebus quibus sapere incipiunt, ad orationis studium & amorè excitandos, ætatemque illam mortificatione, & disciplinâ indigere, quia mollis est, & facile vt virga flectitur in quamcunque partem velis. Ita ferè doctissimus Salmeron. Abrah. 170. col. 2. & 171. col. 1. *Vide ibid. pulchram Cæterani quorundam Verborum Salomoniorum expositionem, & commodam admonitionem.*

Obtulerunt ei munera, aurum, thus, & myrrham. Sancti Ambrosius ait: *Aurum regi, thus Deo, myrrha defuncto offertur.* Si dixisset tanquam mortali, aut morituro oblatam myrrham, obuius esset verborum sensus, sed quòd defuncto exhibitam ait, quomodo rectè intelligi potest, cum tam procul à sepulchro abfuerit puer, cui donorum suorum tributa sancti Reges pendebant, vt in cunis ab eis receptus fuerit. Præclarè tamen, & acutè locutus est Ambrosius. Quid enim de sacro calorum Infante ait Evangelista, cum ei oblatam myrrham narrat? *Cum natus esset, inquit, ecce magi venerunt adorare eum.* Ergo vt agnouerunt hominem, vt viderunt natum, mox obtulerunt ei myrrham (quod mortuis dicari solet donum, quia myrrha defuncti perunguntur) vt indicarent, idem esse nasci, quòd denasci, quia quòd morimur, ex eo nascitur, quòd nascimur, & ortus noster nostri occasus est causa. PPP. 249. c. 1.

De eisdem muneribus, & regibus sic vaticinabatur Isaias: *Omnes de Saba venient, aurum, & thus deferentes,* Isa. 60. Quinam omnes? Magi sue sapientes, primores Sabæorum, qui omniùm instar sint. Et quid deferent? *Aurum & thus,* inquit. Cum tria fuerint à regibus Magis oblata do-

na, aurum, quo regem testarentur, thus, quo Deū affererent, myrrha, quā mortalitatem illius significarunt, quare myrrham vrbānus Propheta pratermisit? Respondet Hugo Cardinalis: *Quia eius mortalitas erat satis aperta, sed diuinitas, quæ per thus, & regia dignitas, quæ per aurum designatur, erant latentia.* Deitatis maiestas, & regia dignitas Christi in tenera illa, tenuique ætacula latentissimè abscondebantur. Quis enim cogitare poterat in tam angustis arcti, & duri præsepis spatiis, in tam neglecto, & squalido stabulo potentiam regalem, & immensitatem Dei diuersari? Ergo prophetiā opus fuit, quæ talia totis sæculis prædiceret, antequam fieri viderentur: Verūm de myrrha, quæ moriturum illum denuntiaret, nihil fuit necessum commemorare: Perquam manifestum enim erat, quod ex more communi moriturus esset, qui per natiuitatem, vt cæteri solent, oriturus. Ibid. 248. & 249.

Omnes namque ex eo malo morimur, quod nati sumus, & vt homo lethaler infirmetur, sola vita ei satis est, nec alius morbus huc requiritur. Ibid. 248. o.

Mutuum debitum est inter se natiuitati cum mortalitate. Forma moriendi causa nascendi est, inquit Tertullianus. Et Seneca: *Quisquis ad vitam eduxit, ad mortem destinatur.* Ibid.

Obtulerunt ei munera. Verbo obtrulerunt latino respondet græcum, quod etiam de manus iniectione dicitur, vnde rectè vsurpatur in munerum oblatione: Hanc enim vim habent oblata dona, vt manus iniicere, ac velut deuincire eum videantur, cui offeruntur. Ita Nouarinus. Certè muneribus nulla siue ad offeratissimos leones subigendos, siue ad arces adamantineas expugnandas, validiora sunt arma. Abrah. 158. o.

Vt Abimelech inclinaret Abrahamum ad rogandum pro se, dedit ei munera, inquit Abulenſis. Tantum valet aurum, vt eo solo, nec aliter obligari potuisse videatur sanctissimus ille patriarcha.

Munera, qualiacunque sint, quæ offerantur, gemmæ videntur ei, qui accipit. *Gemma pretiosissima expectatio prestolantis, quocunque se vertit, prudenter intelligit,* inquit Salomon Prou. 17. Chaldaea versio habet: *Lapis muneris gratia est in oculis eius, qui tollit eum, ad omnem locum, quod se vertit, prudenter agit.* Picturæ elegantiores certū requirunt situm, ac positionem, vt eam accipiant lucem, quæ detegere artificium illarum satis queat. Verūm qui munera defert, ad omnem locum, quod

se vertit, prudenter agit, faciuntque dona ex homine picturam tam venustam, & admirabilem, vt ad qualemlibet lucem, ex quauis parte videatur decens, ac formosa.

De leone aiunt, quando ardens ira venit, facilius cicurari non posse, quàm si ei pallium, aut quodlibet velum iniicias. Tanquam insanus, fremens, ac frendens leo mouebat Esau in fratrem suum Iacob. Et quid hic? *Placabo illum muneribus,* aiebat, quod alii ex hebræo vertunt: *Operiam faciem eius Selamine,* atque ita faciam, vt scire desinat, & mitescat. Ibid. 158. c. 1. & 2.

Denique illud solum inexpugnabile videtur, quod potens munerum, siue donorum tyrannis non subigit. PP. 2. 581. o. *Vbi multa de hoc argumento.*

Sancti reges magi in somnis ab Angelo moniti sunt, ne redirent ad Herodem. Sed cum ignari essent illius patriæ, cur non simul indicatum ijs iter, per quod ad sua reuerterentur? Herodes peccatū significat, vt ait S. Bruno. Superuacaneum ergo fuisset indicare illis certum iter, quib. prohibitum redire ad Herodem, siue peccatum, quia si vnam, quæ ad peccatum ducit, viam deuites, omne aliud iter bonum est. Abrah. 36. col. 1. Immo nihil malum præter peccatum, nihil bonum nisi vna, & sola Dei gratia. Ib. 35. o. *Multa habent in hanc festiuitatem Centones 2. Tomi, non etiam nulla primi.*

De Gloriosa Resurrectione Domini nostri.



Vesperare autem sabbati, quæ luceſcit in prima sabbati, venit Maria Magdalena, & altera Maria videre sepulchrum.

Et ecce terra motus factus est magnus.

Duo in his notat Sanctus Petrus Chryſologus. Primum, quod vespere vel sero venerunt mulieres ad sepulchrum, in quo vita posita fuerat. Alterum, quod horrendo motu concussa est terra, cum illæ eo in itinere posita Dominum requirerent. Sero mulier currit ad veniam, quæ mature cucurrit ad culpam. Sæpe querit Christum, quæ in matutinis se nouerat perdidisse Adam, inquit ille. Post meridiem olim venit Dominus exactum rationem ab Adamo violari præcepti. Ante meridiem ergo illud transgressus fuerat, multoque mane & serpens fraudem struere mulieri, & illa marito suadere præuaricatione cepit. Cumq;ambo con-

tra legem dominicam vetitis vescerentur fructibus, tam fuerunt omnia tranquilla, & quæta in illo amantissimo loco, ut solus Dei pedum sublenis strepitus auditus transgressoribus fuerit. Itaque ad mortem, ad culpam, ad venenum prima mulier primo mane festinavit ad arborem vetitam, in qua erat ferale sepulchrum, diluculo, & ante solem properavit: Ad sepulchrum verò Christi, in quo fuerat arbor vitæ, *Vespere sabbati*, serò, ac de nocte mulieres posteriores venerunt. Cum Adam ad fructum vetitum extenderet manum, nihil fuit quod impediret, & neque terra contremuit, neque motus paradisi fuit, nulloque negotio factum est, ut dæmon per serpentem loqueretur, mulier viro malum suggereret, mulieri vir obtemperaret. At quando Magdalena sepulchrum dominicum petiit, ubi repertura erat Angelum, qui anastasin DOMINI indicare, indicandamque alijs præciperet, *terra motus factus est magnus & horrenda concussio*, ad peccatum, quod est mors animæ, semper maturi, impigri, prompti sumus, tardi ad opera charitatis, & quæcunque ad animæ salutem faciunt. PP2 654. c. 2. & seq.

Immo tam expeditè, inhianteque prosequimur res nobis noxias, ac si in illis tota vitæ nostræ salus posita esset, ad salutaria verò tam tardè movemur, tanquam exitij nostri, interitusque supremi causa esset. Ibid. 654. o.

De Christo mortis triumphatore ait S. Marcus 16. *Surgens mane apparuit primò Mariæ Magdalene*, Caietanus in ea sic disserit: *Hinc habemus horam Resurrectionis Christi fuisse in aurora*.

Quare cum appetente die, & primula crepera resurgere voluit Dominus? Respondeo ex sententia Caietani: Quòd Christus tunc surrexit, cum aurora progredi cœpit, id factum, ut significaret, quòd velut aurora est prodromus solis, & currus triumphalis aduentantis diei, & porta lucis, ita suam Resurrectionem esse originem, & causam resurrectionis nostræ. Omnia nimirum sic disponuntur, ut omnes videant, & confiteantur, non esse aliud nostræ gloriæ ostium, nec aliam felicitatis viam, quàm Christum. PPP. 373. c. 1. Ex omnipotente quippè, & independente manu Dei pendent vita, & spiritus omnium, quæ viuunt, & spirant. Ibid. 371. o. Cumque ille sit origo, & fons omnis boni, inde sit, ut non egeat præsidio, quo defendatur, neque seruo stipatore opus habeat. Ibid. 368. o.

Sanctus Marcus ait, Christum rediitum primò apparuisse Mariæ Magdalene. Communis quæ-

stio est, quamobrem Dominus primas ex hominibus mulieres suo aspectu post mortem, & reditum in vitam lætificare voluerit? In promptu responsio est, voluisse sexum infirmiore, magisque indigum consolationis antè lætificare, & rescire, quàm alios, ut hinc disceremus, ibi celerius, & promptiore studio, festinantiorèq; remedio succurrendum, ubi grauior necessitas opem celeriore voce contentiore postulat. PP2. 651. o.

Mulieres in hominibus sunt, quod ficulneæ, in arboribus, & hoc fecit Christus cum mulieribus, quod prouida mater natura facit cum ficulneis, earumque fructibus, de qua S. Ambrosius sic ait: *Quanta Domini providentia, Et ubi mollior fructus, ibi solij densitudo validius tegumentum tuendo deferat pomis! Quod videmus in fructu ficulneæ. Delicatiores itaq; validioribus munienda sunt, Et ipse quoq; Dominus per Ieremiam docet, dicens: Sicut ficus bona ista, sic recognoscam translatos Iuda, Et firmabo oculos meos super illos. Tancquam delicatos enim velut quodam misericordia sua validiore sepsit tegmine, ne teneri fructus maturius interirent. Non ficulneæ tantùm, sed etiam vitis fructus sunt mollicelli, atque idcirco latioribus solijs obteguntur, ut maiore curâ seruetur, quod maiorem habet seruandi necessitatem. Cum ergò Christus sciret, mulieres molles esse, quales sunt vix, & ficus, velocius illis subuenit, quarum delicata indoles, & teneritudo promptius remedium postulabat. Ibid. 652. c. 1. & 2.*

Cirò euntes dicite Discipulis eius, quia surrexit, dicebat Angelus mulieribus, quæ venerant videre sepulchrum Domini. At quid hoc audio! Mulieresne mittuntur nuntiaæ tanti mysterij, quod est vnum ex fidei nostræ præcipuis! Tam grauis legatio humeris iniicitur curæ fœminæ! An fortè ita defatigatus fuit ex submoti lapidis opere Angelus, ut ipse ea perferre Apostolis euangelia nequiverit, ideoq; mulieribus id demandare negotij debuerit? Stultum est hoc suspicari. Quid ergò causæ, quòd mulieribus ea commendata legatio fuit?

Respondet Caietanus: *Efficit Angelus mulieres nuntias Resurrectionis ad Discipulos IESU, Et magis trahat illas ad credendum sibi*. Si Angelus mulieribus veritatem Resurrectionis tardius aperuisset, si cum illis austerius egisset, ægrè forsan fidem tanto mysterio accommodassent. Quid verò egit? Non solum iussit eas credere, sed etiam alijs nuntiare, ut crederent, tantumque earum fidei tribuit, ut eas ad prædicandum alijs fidem ablegaret. Tan-

to eas honore ornauit, vt summorum Prædicatorum magistras faceret, & constitueret prædicatrices veritatis, quæ nuntia mendacij olim fuerant, *Et magis traheret illas ad credendum, & facilius fideri darent sibi, à quo mittebantur Euangelistæ fidei.* PP2. 632. c. 1.

Crederet aliquid ei, qui aliquando infidus fuerit, sagax nonnunquam industria est, per quam fieri solet, vt colere fidelitatem incipiat, qui violare solebat. Ibid. 631. o.

Videre id licuit in ijs, quas dixi mulieribus. Nam cum ijs diceretur: *Cito euntes dicite Discipulis eius, quia surrexit;* idque ab Angelo tantâ splendoris maiestate conuictito, vt eas suâ incomparabili formæ venustate, non secus ac ferrum magnes, facile retinere posset, nihilominus exierunt cito de monumento cum gaudio magno currentes nuntiare Discipulis Resurrectionem, quam indicare iussæ fuerant. Tantùm valet fidem aliquam tribuere illi, quem de infidelitate suspectum habebas, & muneris alicuius commissione eum honorare, ac deuincire, vt promptè obedientem habeas. Ibid. 631. & seqq.

Debent curare viri, vt ne leuiter suspectam habeant vxorum suarum fidelitatem, neque nimis arctâ disciplinâ eas constrictas teneant, sed magis ostendant, quod illis credunt, vel fidunt. Quia vel bonæ sunt, vel improbæ. Si bonæ, tam custoditæ latent intra lillorum sepimentum, quàm aliæ intrâ murum ferreum: Sin improbæ, tamen vallo adamantino includantur, & collocatis ex omni parte excubitoribus vigilantissimè custodiantur, vanus erit omnis labor & sollicitudo. Quia vt ille aiebat, *si omnis mulieri custodia adhibeatur, adhuc transibit per foramen acus.* De meli, siue taxo refert ex Aristotele quidam, quod hoc animal timens ne deficiat, famam & sique ad saturitatem comedere non permittit. Videns autem formella immodicum illum crudelis masculi rigorem, dissimulat iniuriam, & per partem alteram latibulum intrat, masculo ignorante, cibosque deuorat, & consumit. Vide quid efficiat nimia austeritas, & arctitudo virorum erga vxores. Ibid. 632. c. 1. & seqq.

Non sine causâ fecit Deus ex costa viri vxorem. Quæ verò illa causâ? Costa formam arcus habet. Arcus si nimium tendatur, rumpitur. Fecit ergo Dominus ex arcuata viri costa mulierem, vt tacitè insinueret, non debere maritum erga vxorem nimis austum, diffilem, terribilem, ac durum semper esse, ne vt arcum immoderata contentio rum-

pit, sic illam intemperans rigor, & immodica asperitas frangat. Ibid. 633. c. 1. vbi consequenter plura in hanc rem.

Cum à morte subacta, & triumphato demone rediuius Saluator Magdalenz se manifestasset, mox illa pedes eius appetere cœpit, apud quos scelerum suorum gratiam semel felicissimè consecuta fuit. Sed Dominus promptum ad id genus obseruantiz animum coercens aiebat: *Noli me tangere, sed vade ad fratres meos;* Ioan. 20.

Sancti Ioannis Chrysostomi in ea Domini verba commentatio sic habet: *Non dixit, dic errantibus, dic fugitiuis, dic latentibus, dic negantibus, sed dic fratribus meis. O admirabilis bonitas Saluatoris! appellat fratres, quos nouerat negatores.* Id fecit, vt institueremur, quemadmodum loqui de proximis nostris debeamus, sic vt tamen defectus eorum non paucos nouerimus, honorificam tamen eorum mentionem faciamus, quoties se offert occasio. PPP 247. c. 2.

De nulla re cautiùs loquendum, quàm de aliorum erratis, & vitijis. Ibid. 246. o. *Ex his, quæ hoc Capite tractantur, fructuosè apud quodcunq; genus auditorum disserueris.*

Totus primus habet integrum Sermonem de hac Festiuitate.

De Gloriosa Ascensione Domini nostri.

Euntes in mundum vniuersum prædicare Euangelium omni creatura, dicebat Discipulis suis in cœlum abituris Dominus, Marci 16. 15.



VR non iussit prædicari ethnicis, idololatriis, malis, peccatoribus, sed omni creatura? Cum Apostoli mundum obirent sanctum Euangelium disseminaturi, fieri non poterat, quia multa eis occurrerent, quæ impedimento essent, quominus officio suo rectè vacare possent, cum hic idololatriæ, illic homicidia, hic periuria, illic sacrilegia, hic blasphemiz, & obscenitates nefandæ, & alia flagitia per viam sese obijcerent, ijsque prædicaturis repugnarent. Vt ergo nihil horum eos deterreret, aiebat cœlestis Magister: *Prædicare Euangelium omni creatura, neque spectate mala*

mala eorum merita, sed conditiones, quas à me Creatore habent, & opus meum in illis. Ita ferè Caietanus PPP. 305. c. 2. Fiebat hac ratione, vt cum in eis, quibus prædicabant, non illorum errata, sed naturæ conditionem, non maculam culpæ, sed imaginem Dei considerabant, alacriores redderentur ad executionem sui ministerij, neque deficerent animis inter quosvis labores sui muneris.

Sic vnaquæque res ex ea parte considerata, quæ nos obligare, non quæ offendere potest. Ibid. o. Quater mille homines, præter mulieres & pueros Christum triduo secuti, vt famem audiendi verbum illius sedarent, esuriam corporalem ingentem pati cæperunt, quos cum ille à se dimittere jejunos nollet, ne per viam deficerent, submorosi aiebant Discipuli: *Vnde ergo nobis in deserto panes tantos, & saturamus turbam tantam?* Matth. 15.

Viderant similem hominum talium famem miraculo paulò antè à Domino depulsam. Fieri non potuit, vt illud iam obliti essent. Deinde sperare nouum miraculum ab & facili poterant, quem tantà miseratione erga eos moueri videbant, vt diceret nolte dimittere famelicos. Quis ergo non succenseat tantæ Discipulorum inhumanitati, & dissidentie? Sed heus tu, quisquis sub stomacharibus in Apostolos, vel parum superiorum memores, vel non satis credulos, aut beneuolos. *Si tanta eorum cæcitate indignaris, quod cum adeò recens præterisset illud miraculum, adeò velociter obliuiscant, admirare tamen, quod veritatem ita colant, & scribentes suos etiam defectus non abscondant.*

Ita Euthymius, velut, aliis verbis dixisset: Cum hinc videas Apostolos obliuiosulos, & de virtute potestatis Christi vel dubios, vel minus rectè sentientes, quod tibi esse offendiculo potest, inde sua errata proprio calamo emulgantes, ex quo discere valeas, quo in precio illi habuerint, quantumque venerari eorum imitatione debeas veritatem, hoc attendere debes, quod te erudire possit, dissimulare quod offendere queat. Ibid. 306. c. 1.

Rediturus in cælum Dominus noster donum omnium, quæcunque desiderari possunt, opulentissimum pollicitus est suis Discipulis, dicens: *Ego mitto promissum Patris mei in vos.* Luc. 24. Cum hoc spondidisset, iussit esse bono animo, vt qui tam pretiosum breui essent accepturi beneficium, *Seleuatis manibus suis benedixistis ei.* Quid sibi voluit ista tunc benedictio?

Respondet Theophylactus: *Benedixit Discipulos suos, fortasse infundens vim, qua custodiret & qd ad*

aduentum Spiritus. Et quid habebant Apostoli, vt necessarium esset eis infundi robur, quo seruarentur vsque in diem aduentus Spiritus sancti? Quod discrimen eis impendebat, vt ad illud superandum tantà indigerent confirmatione? Periculum quidè nullum imminerebat, vt tamen Spiritum sanctum per solos decem dies constanter prætolarentur, exiguumque illud tempus, quod intermissione, & promissionem intercedebat, opperirentur, benedictione suâ, & maioris virtutis adiectione illos confirmandos putauit. Tantum enim affligere expectatio solet, vt videatur Deus prætolabundos nouis auxiliis necessariò constabilire debere. Abrah. 161. c. 2.

Sperare tam molesta, & cruciabilis res est, tamque crudelis equuleus, vt qui hac passione vexatur, possit aliquo modo in martyribus numerari. Ibid. o. *Vide finem huius capiti, is tibi amplissimam ostendet syluam, ex qua in hanc rem plurima conuehere possis.*

Quoniam hoc die in cælos rediit Dominus, non abs re fuerit, inquirere, quomodo in eandem illam gloriam peruenire nos propter quos ille huc descendit, possimus, vt quod caput nostrum præcessit, sequamur, si tamen in illo inueniamur, & membrum de membris illius fuerimus. Iacob in somnis vidit scalam, cuius cacumen cælos tangebatur, perque eâ Angelos non subuolantes, sed gradatim ascendentes. Et sanctus David querit, *quis ascendet*, non quis euolabit in montem Domini? Paulatim eò itur, non saltu vno peruenitur. Quid? In peccati abyssum, quod tamen proclive, & facile, nemo se repente præcipitat, & quomodo in tantum supremæ beatitudinis fastigium, quod tam operosum est, vno volatu quis perueniet? PP2. 464. o.

In hodierno Euangelio præcepit Christus Apostolis prædicare Euangelium omni creaturæ. Omnis autem creaturæ nomine S. Gregorius hominè intelligit, *quia aliquid omnis creatura, inquit, habet homo.* Merito ergo microcosmus, siue parvus mundus est dictus. Sed accipite aliam huius appellationis causam ex S. Petro Damiano, qui ait, si vocari hominem, vt sciat qualiter valeat consummari, quomodo debeat perfici, & ad suam plenitudinis incrementa contendens, ipsam mundana conditionis speciem imitetur, & sicut visibilis, atque corporeus hic mundus per suarum molem, ac multitudinem consummatus est partium, sic & homo noster interior paulatim ad suam plenitudinem veniat per augmenta virtutum. Ex confuso nihili chaos elegantem hanc

mundi machinam supremus Opifex eduxit. Huc longulum sex dierum tempus omnipotentis architecti dextra vertit, quæ momento totum absolvere poterat, meditandoque, ac de industria totos istos dies ed adhibuit, & nunc rutilantes illas faces noctis, dieique præfides, nunc cælum, aues, pisces, brutas animantes, denique hominem creavit, ut hominem eo exemplo institueret, quam excolendæ animæ rationem tenere, & quomodo profectuum illius curandorum pensum perficere deberet, simulque moneret non sibi persuadere, quod possit exiguo temporis, & laboris impendio vnâ statim vice consequi perfectionem. Virtutes enim multæ sunt, & quælibet earum multos habet gradus, & in quouis gradu non pauca sunt, quæ vinci debeant, & superari. Ibid. 465. & seq.

De eadem festiuitate habes multa in Centonibus Primi & secundi Tomi.

In Festo Pentecostes.

Siquis diligit me, sermonem meum seruabit. Ioan. 14. S. Petrus Chrysologus Serm. 125. ait: *Quis est, qui amet, nolens?* (Abrah. 21. c. 1.) Nemo. Immo dilectio propensæ voluntatis est actus proprius. Qui ergo diligit Deum, volens hoc facit. Itaque etiam nihil mirum, quod sermonem eius, omneque mandatum hilariter exequantur, qui diligunt, quia quæ semel volentes exequenda elegimus, quamlibet molesta fuerint, tamen eam operosam molestiam deuoramus; ac perperimus, inquit S. Basilius Magnus. Ibid. 19. & seq.

Quamdiu non spontè, lubentesque agimus, passim titubamus, & offensacula inuenimus, & impingimus: E contra cum gaudent, lætanterque opus quodlibet suscipimus, omnia nobis videntur facilia, & neque mons est, quem non superemus, neque scopulus, quem non moueamus, & euertamus. Ibid. c. 1.

Moyfi præcipiendum fuit, ut susceperet ducatum populi, quia inuitus publicum munus administrabat, Isaias prædicandi officium amabat, satis proinde fuit occasionem prædicandi illi indicare, ut se offerret, ac diceret, Domino Ecclesiasten desideranti: *Ecce ego, mitte me.* Isa. 6. Ibid. c. 2.

Ipsæ græues, brutæ licet animantes, dicere possunt, nihil difficile esse volenti. Illæ cum è regione in regionem commigrant, quando per noctem conuiescere necessum est, tam sollicitam, diligentemque

exercent custodiam, ut nulla vnquam obdormiscat, cui excubandi provincia commendata. Vnde illarum animum tam insomnis vigilantia? Respondet S. Ambrosius lib. 5. Hexæmer. c. 15. *Ideo nulla desertio, quia deuotio naturalis, ideo intra custodia, quia voluntas libera.* Ibid. 20. c. 2. Vnde legis diuinæ tam facilis præuaricatio? Verbis eiusdem magni Doctoris, sed paulum mutatis respondeo: Ideo leuis desertio, quia nulla deuotio, ideo neglecta custodia, quia voluntas inuita. *Nec quidquam tam facile, quin habeas difficultatem, quod facias inuitum, ut inquit idem Ambrosius ibidem.*

S. Lucas Act. 1. 14. ait, eos omnes, qui Christum in cælos redeuntem viderunt, fuisse perseverantes vniuersimode in oratione cum mulieribus. Non miscuerunt fabulas, sed inter mutuum & mutuum silentium omnis illis cum solo Deo sermo erat. Postquam autem in silentio orationis vacare ceperunt, Spiritus Sanctus super illos descendit abundè; omniumque linguarum scientiam ipsis tribuere dignatus est. Ita S. Laurentius Iustinianus. Linguas suas ad breue silentium, ut Deo vacarent, dampnabant, & in vicem eis concessum, ut linguis loquerentur omnibus. Quis vidit paruum silentium copiosius remuneratum? Quis non lubens, volensque & linguæ suæ, & oculis, & iræ, omniq; prauæ cupiditati frenum pro Deo iniiciat, gaudensque relinquat, quæcumque molestada caro expetisset, ut pro ijs tam largam habeat ab illo compensationem? Abrah. 2. c. 1.

Vide Centones 2. Tomi in eandem festiuitatem.

De Augustissimo Altaris Sacramento.

QVando Saluator noster Diuinissimum Eucharistiæ Sacramentum instituerat, statim in montem oliuarum cum Discipulis Sacramentum Cœnæ refectis abiit, de quo Sanctus Matthæus c. 2. 6. ita: *Et hymno dicto exierunt in montem Oliueti.* Quod Oliua Sacris literis solenne misericordiæ sit symbolum, id tam notorium, ut otiosum sit probare. Cur ergo Dominus post illius Sacramenti institutionem in eum montem cum Discipulis suis secessit? Respondet Chrysostomus: *Ut & nos ad manus pauperum exeamus, ibi enim mons Oliuarum est.* Hæc ille homil. 84. in Matth. Vide eiusdem hom. 60. ad Popul. Antioch.

Dictum est supra, quare Christus, & Discipuli post

post Sacrosanctam coenam hymno dicto exierunt in montem Oliueta. Alia nunc occurrit causa, ob quam Dominus Discipulos suos post susceptum illud Sanctissimum Sacramentum, post cantatum etiam immortalium gratiarum hymnum, adducere in montem misericordiae (cuius symbolum est oliua) voluit. Eam his verbis nonnemo reddit: Indicatur, quod etiam si Eucharistiam susceperis, etiam si hymnum letum cecineris, adhuc in montem Oliuarum conscendere, id est, ad Dei misericordiam confugere debeas. Pretiosissimo corpore, & sanguine roborati erant Discipuli, sacro cantu adhuc se communierant, & nihilominus in montem se non securitatis, sed misericordiae receperunt. Nemo quippe in hac vita securum se putare debet, quantumvis sibi tectus, communitusque videatur, Abrach. 197. c. 1. & seqq. Maxima Christiani hominis securitas est, hoc sibi persuasum habere, nullam esse in hac vita securitatem. Ibid. 199. o.

Cum tribus modis diuinissimum corpus Domini nostri in Sacrosancta illius caena sumatur, nempe, Sacramentaliter tantum, spiritualiter tantum, Sacramentaliterque & spiritualiter simul, ut cumulatorem ex illo Sacramento fructum referas, plurimum interest, affectu illud ante praecipere, quam recipias effectu. PPP. 413. o.

Tam purus autem, & mundus, & laetus, & perpolitus ad Augustissimi Eucharistici cibi sumptionem homo deberet, si fieri posset, accedere, ac si iam iam baptizatus esset. Ibid. 417.

Qui sacramentaliter tantum corpus Christi sumunt, quod faciunt peccatores, ij pro eo ut inueniant vitam, incurrunt in mortem, & qui bibaturi erant ambrosiam immortalitatis, hauriunt poculum interitus. Quod autem morte quidam inde occumbant, unde in vitam alij redeunt, & venenum ex eo sugant, e quo theriacam alij accipiunt, ea summa infelicitas est, & prodigiola calamitas. Ibid. 422. o.

Iam damna, & incommoda huius augustissimi Sacramenti non suam a cibo illo coelesti originem ducunt, sed a malo statu, & peruersa dispositione temerarij, & caeci peccatoris, qui eum percipit. Ibid. 426. o.

Panis hic suauissimus dulcissima defatigatio est humani intellectus, cui perhonorificum est tam amabili martyrio cruciari. Ibid. 431. o.

Lauta haec mensa est etiam amabilis excruciatio voluntatis, dum illi non permittit videre faciem eius, quem & proximum habet, & plurimum diligit.

Sed quaestiosa est voluntati omnis illa vexatio, lucrosa poena, & afflictatio. Ibid. 434. o.

Dulcissimum hoc Corporis, & sanguinis dominici beneficium, quia diuinorum donorum maximum est, idcirco validissime torquet memoriam, sed haec a vicina voluntate habere commodato potest, unde sua leuiorem faciat cruciatus miseriam. Ibid. 437. o.

De Gloriosa Transfiguratione Domini nostri.



Esplenduit facies eius sicut sol, & vestimenta autem eius facta sunt alba sicut nix. Angelici Doctoris observatio est, quod Christus, cum adhuc mortalis secundum carnem esset, ostendit se in monte in habitu glorioso, quando corpus eius nondum erat glorificatum, post Resurrectionem vero cum iam corpus eius verè esset gloriosum, nec habitum gloriae unquam amplius dimissurum, peregrinis Emmaumentem petentibus se in habitu peregrini, & personatum hortulanum Magdalene ostendit. Causa nunc quaeritur, ob quam Redemptor noster per magnifico illo splendore in praecelsi Thaboris vertice sese amicare voluit, quando carnem nondum glorificatam, sed passioni, & morti natam etiamnum vestiebat, econtra vero peregrinum, hortulanumque; assimilare, & hoc, quod erat, dissimulare, cum corpus iam haberet, quod & gloriosum, & partem tot cruciatuum tolerantia gloriam perpetuo retenturum erat?

Voluit Christus tam gloriosè, cum adhuc humilis, tam humiliter, cum iam gloriosus, vestire, ut eo exemplo nos institueret, ne quisquam desperet, in quantamvis miseriarum abyssum descenderit, quantiscunque poenis affligetur, fieri enim posse, ut vno fauentioris fortunae aspiritu ex imo miseriarum in supremum felicitatis fastigium euehatur: Deinde id etiam fecit, ne is, qui omnibus huius vitae bonis circumfluit, nimium propterea superbiat, fieri enim etiam posse, ut idem fluctus, qui pauperem in editum locum extulit, ipsum diu fortunatum inde ad infima deturbet, & ex Thabore gratiae in humilem hortulani conditionem praecipitet, sic ut deinceps in vagis peregrinis, & vilibus mendicabulis sit, qui nuper in principibus, & summatibus. PPP. 296. col. 1. & 2. & seqq.

Itaque stabilitatem sibi in huius vitae qualibuscunque successibus promittere nemo debet, nam & lapsus

plius resurgere, & in altum euadere potest, & in sublimi positus ruinæ, prolapsionisq; periculo semper est expositus, Ibid. 294. o.

Hic est Filius meus dilectus, in quo mihi bene complacuit. Dicebat hæc apud Matthæum è nube Pater cælestis, quæ cum audirent Discipuli, ceciderunt in faciem suam, & timuerunt valde. Antehæc cum in Iordane baptizaretur Christus tantundem dicebat Pater æternus Matth. 3. cæliq; aperti sunt, & Spiritus S. in columbæ specie descendit, & nemo conterritus dicitur. Cur in summo Thabore expauesciti, & prope exanimati fuerint Discipulorum charissimi, & apud Iordanem nemo metu perculsus, cum tamen utrobique eadem verba fuerint audita? Causam Chrysostomus, & Euthymius coniectant ex discrimine loci, in quo utriq; auditores erant. Qui in Thabor verba Patris audiebant, editissimo in loco erant, duxit enim illos Dominus in montem excelsum, Matth. 17. Qui apud Iordanem audiebant, in loco humili erant. Illi ergo in Thabor timuerunt, quia altitudo magna erat, ij apud Iordanem nihil formidabant, quia in plano erant, inquit Euthymius. Abrah. 59 & seqq. Quicunq; fauentioris fortunæ benevolentia sublimem felicitatis gradum tenent, pluribus, & maioribus auxiliorum copijs opus habent, quam illi, quos grauior calamitas depressos, & humi afflictos tenet. Ibid. 58. o.

De Sancto Thoma Apostolo.

Dominus meus, & Deus meus. Hæc incredulus Discipulus cælesti, & triumphatori Magistro dixit, quando sacram Indulgentiæ portam, diuinum, inquam, iatus tetigerat, tantique Domini inflammatus amore, attonitoque similis singulari cum affectus ardore, humilitate, deuotione, contritione in ea verba erupit, tanquam dixisset: Quidni certò, indubitaròq; credam, quòd inuictus, & omnipotens in vitam redijsti? Hæc fuit perfectissima confessio, per quam Sanctus Thomas gratiæ, & amicitia diuinæ lucrum fecit. Dominus meus, & Deus aiebat. Lyrani commentarius in ista sic habet: *Supra vocauerat Iesum Dominum, sed non Deum.* Verum nunc utroq; nomine appellat, sicq; partibus omnibus explet suam confessionem, & gratiam reddit. PP2. 469. c. 1. & 2. Est illius præ quidem confessio, qui Christum pro Domino habet, agnoscitq;

(ipse namq; Discipulis suis antè dixerat, *Vos vocatis me Magister, & Domine, & bene dicitis, sum etenim, Ioan. 13.*) non satis tamen nobis est, quòd Dominus noster sit, qui Deus est, nisi curemus, ut & Deus noster sit, qui Dominus est, Ibid. 466. o.

Multa habet hoc caput, quæ aberuatis Ecclesiæ vtiliter predicari queant.

De Sancto Nicolao Episcopo, & Confessore.

Homo peregrè proficiscens vocauit seruos suos, & tradidit illis bona sua. Matth. 25.

Homo ille Redemptor noster est, qui cum in ea carne, quam assumpsit, in cælum abiit, peregrè profectus est, carnis enim locus proprius terra est, ut velut ad peregrinandum ducta fuerit, cum in cælum subducta. Ita S. Thomas in sua catena ex Magno Gregorio. Quinam illius serui? Apostoli, eorumq; successores Episcopi, quos posuit spiritus Sanctus regere Ecclesiam Dei, quam acquisiuit sanguine suo, ut ait Paulus Act. 20. His vocatis doctrinam Euangeliorum tradidit Christus, ut inquit rursum S. Thomas ex B. Hieronymo, aliaq; dona, & bona in ædificationem corporis sui, quod est Ecclesia. Quòdnam verò ea parabola spectat? Inducitur contra eos, qui non modo pecunijs, sed nec Verbo, nec alio modo prodesse volunt gregi sibi commissi. Ita ferè Greg. apud eundem S. Thomam. Quid ergo ijs fiet Episcopis, qui non modo non subministrant egentibus subditis, aurum, ut Nicolaus, sed etiam prægrauant eos immodicis exactionibus, idque ut non necessarias domos, & palatia superuacanea construant: Centum prope anni sunt, quando pius ac doctus Hieronymus ab Oleastro has dabat querimonias. *Sunt proch dolor multi Rectores communiatum, qui pro publica vtilitate multi aperunt à populo, sed nihil Enquam, etiam si super sit, communiatu restitunt, sed in suas, & in alios quoslibet vsus conuertunt, non considerantes, populum de caterò libentiori animo donaturum, & plura, cum viderit, quæ offert, fideliter à ministris, & gubernatoribus dispensari.* Hæc ille in annot. morali in c. 36. Ex. Terribiles certè minas, & horrenda supplicia effulminat Deus in illos, siue Episcopos, siue Principes, & Reges, qui opprimunt pauperes subditos, emunguntq; & quæ illis extorserunt, in vsus priuatos profun-

profundunt. Abrah. 111. o. *Multa sunt in hoc capite, quæ multis Principes huius ætatis, & tempestatis nostra, multa cum attentione legere, & pensare debeant.*

Pueris hodieque explorata est Sancti Nicolai in pauperes benignitas, quæ ex eo vel maximè eluxit, quòd cum sciret suorum subditorum quempiam tam pauperem, ut filias suas, quas collocare in matrimonium per inopiã non poterat, prostituere vellet, ut corpore corpus alerent, non expectauit illum supplicem, atq; ut iuari rogaret, sed non imploratus noctu iniecit in eius domum tantum auri, quantum collocationi filiarum sat esset. Non exigua liberalitas est, pauperi fores nostras inclamanti subuenire, occurrere verò sine expectatis precibus, & opem suam, lauamenq; vltro offerre, maxima, & integerrima prolixitas videtur. Abrah. 109. o. Talis fuit Abrahæ liberalitas, quam vide ibi accuratè expensam. Vide Commune Confessorum.

De Sancto Stephano Protomartyre.

Et intuentes Stephanum omnes, qui erant in consilio, viderunt faciem eius tanquam faciem Angeli. Act. 6.

Quanta vultus elegantia fuerit, quæ fecit, ut tam iuratis, & dæmone plenis hostibus angelicus videretur vultus eius, quem alioquin videre præ odio non poterant. Quamobrem ita replenduerit vultus eius, id vide apud Nouarianum. Id mihi permirum, quòd tam Angelica pulchritudo vel non emollire Iudæorum præsentium animos, ut mitescerent, potuerit. Nam tamen etsi nulla habeas arma, milites nullos, nulla tamen sunt arma, nulli milites tam validi ad expugnandum, tam potentes ad subigendum, quàm formæ liberalioris elegantia, & venustas. PP2. 482. o.

Jacobem luctator Angelus superare non potuit, Rachel solis formæ decentioris armis facile cepit, diuturnæq; seruituti, quod mireris, sic additum tenuit, ut longam, grauemque lætantissimè seruire seruitutem, & paucos dies reputaret, qui erant plures anni.

In laudem corporalis formositatis si plura desideras, inde pete.

Tom. IV.

Postea genibus B. Stephanus clamauit voce magna orans pro hostibus suis.

S. Augustinus tanquam præsens adfuisse, ubi supplex pro hostibus suis Stephanus inter saxorum imbrem submissis in terram poplitibus preces simul, & animam fundebat, sic eum appellabat: *Ege genu in hac vinea, fortissime operarie. Ege, inquam, genu in opere huius vineæ, fortissime operarie. Magnum opus tuum, egregium, & laudandum multum. Multum altum sedisti, qui odium inimicorum de corde exuisti.* Omnino magnum, & peregrinum opus illud fuit. Nam rerum arduarum, & operosarum facile difficillima est condonatio iniuriarum, & obliuio contumeliarum. PP2. 609. o.

At quòd difficilior pugna contra naturam ad vindicandum valde propensam, eò illustrior victoria. Ibid. 611. o.

Et vindicta quædam, sed noua, sed mundo insolens, & pænè prorsum incognita, sed diuina fuit, quòd B. Stephanus pro ijs orauit, à quibus lapidabatur. Nullum certè sublimius vlciscendi genus, quàm exhibere bona ijs, à quibus acceperis mala, & pijs beneficiorum armis illum oppugnare, qui sanguinario iniuriarum bello laceffit. Ibid. 617. o.

Habes in his tribus cap. multa docta, & moralia.

De Sancto Stephano Protomartyre.

Ecce video celos apertos. & Filium hominis stantem à dextris Dei. Act. 7.

Quærit hic nonnemo, cur solâ celorum apertorum visione, & Filij hominis aspectu, neque simul terrenis præsidij munitus fuerit B. Stephanus, quando non recumbebat in lapide, ut Iacob, sed excipiens lapides occumbebat. Respondet autem, quòd amanti IESVM IESVS sufficiebat. Addo, sat illi fuisse vidisse IESVM, ex cuius voluntate sciebat descendere, quòd pro ipsius gloria, & fidei assertionem lapidibus obrutus extingueretur, ut animus oppressos à corpore vi, & pondere saxorum expressus per apertos celos liber, expeditusque ingrederetur.

Ascendebant pariter in montem sacrificij perficiendi causa Abraham, & Isaac, & hic quidem humeris imposita ferens ligna, quibus imponendus, & exurendus erat, ille verò portans ignem. Nesciebat rationalis hostia, quòd hostia futurus ipse esset, quare

D

quare patri dicebat: *Ecce ignis, & ligna, & victimam holocausti?* Genes. 22. Respondit ille: Non te hæc cura sollicitet, *Deus providebit sibi victimam holocausti, fili mi.* Cum hæc pater diceret, & Filius audiret, *pergebant pariter*, quod sacer scriptor his verbis monendum putavit, & Sanctus senecio quidem ignem, obediens Filius autem ligna portabat. Sed cum esse curiosula adolescentia soleat, auidaq; sciendi, mirum est, quodd non plures Isaac movit quæstiones. Quid verò causæ? *Ut Dei nomen audiret, nullum vitæ verbum addidit* (ita respondet Chrysostomus) *nec curiosus quidquam inquisivit, & sic, adeo prudens erat hic puer.* Mos servorum Dei proprius id habet, ut cum Deo ordinante aliquid fieri intelligunt, inclinent ceruicem, submittant humeros, lætanterq; excipiant onera, quæ sibi iniici purant. PP. 2. 499. c. 1.

Verbum Dei habeo ad te, dicebat Aod Egloni homini ethnico, qui statim ac audiuit, surrexit de throno suo, Iudic. 3. Confodere idololatram regem Aod volebat, sed per sublime solum, in quo sedebat, non poterat. Ut ergo surgeret, & descenderet, id efficere posse putavit, si diceret, ex Deo habere, quæ nuntiaret. Neq; tamen quisquam esset Deus, Israelitarumq; an Chananæorum, ex quo mandata haberet, explicabat. Nimirum Aod prudenter arbitrabatur, surrecturum Eglon de folio suo, reverenterq; auditurum, quæ dicere velle simulabat, si modo crederet negotia Dei esse, de quibus cum illo communicatum veniret. Ita ferè Abulensis Ibid. 498. c. 1. & 2.

Si homo Ethnicus simul ac nomen Dei audiuit, etiam nescius qualisnam Dei, statim surrexit de throno suo, quid mirum, quodd Stephanus, qui vidit coelos apertos, & scivit ex illius providentia descendere imbrem crepitantium saxorum, quibus obruebatur, cum gaudio, & voluptate diluvium illud excepit? Cur homo Christianus sciens omnes calamitates, anxietates, ærumnas ex veri Dei ordinatione proficisci non eas hilariter amplectatur, non etiam surgat ut dispositioni illius, quam debet, reverentiam exhibeat? Ibid.

Chrysostomus vafricitiei, & dolositati, veteratorique arti impostoris dæmonis tribuit, quodd vxor Tobris, cum maritum suum ad induendum laqueum, desperandumq; incitabat, non Deum apud illum accusavit tanquam miseriarum, in quas proleptus esset, autorem. Quando ergo murum illum adamantinum præstigiæ peritissimus artifex dæmon per suppetias pulvis omniq; scelus demoliri opta-

bat, fecit ut calamitates, quibus vexabatur, commemoraret, Dei autem mentionem nullam faceret. Quamobrem? Quia cum efferatus hostis ægrè ferret, quodd S. Iob omnes suas ærumnas in Deum tanquam earum primam originem referret, ac diceret: *Dominus dedit, Dominus abstulit, sicut Domino placuit, ita factum est, sit nomen Domini benedictum*, & ad hanc anchoram patientiæ suæ miserè agitatam nauticulam alligaret, cauit ne subsidaria mulier Dei mentionem faceret, experiretur, num deicere illum posset, si Dei recordationem ei adimeret, sciens servos Dei in omnibus suis aduersitatibus non habere aliud præsentis solatium, quam quodd sciunt ex Dei ordinatione, quæcunq; patiuntur, descendere. Ibid. 497. & seq.

Sic omnes ijs, quæ Deus ordinat, & disponit, tam demissè, humiliterq; obtemperare debemus, ut hæc sit nostra maxima semper consolatio, quodd scimus ab illo constituta, quæcunq; patimur, siue toleramus. Ibid. 497. o.

Crebris, ac magnis vocibus Iacobtem suam Rachel inelamabat: *Da mihi liberos, alioquin moriar*, Gen. 30. siue ut Hebræus Caietani vertit: *En moritur ego*, præut iam dudum sobolem ex te intolerantissimè expecto. Cumq; ille respondisset: *Nam pro Deo ego sum, qui prius te fructu ventris tui?* Videns Rachel, quodd Iacob iuste responderat, redargutionem illius, sterilitatemq; suam patienter toleravit, quam sibi à Deo inflictam intellexit. Sic debet illud cordis nostri conquietatio, & oris infrenatio esse, quodd scimus à provida maiestate Dei ordinari, quæ patimur. Ibid.

Hæc facient ad consolandum tristes, & ærumnosos. In Centonibus Primi & Secundi Tomi, habes multa de hoc Festo.

De Sancto Ioanne Evangelista.



Idem Discipulum illum, quem diligebat Iesus. Quærit S. Petrus Damianus, quomodo Ioannes Evangelista meruerit, ut Discipulorum dilectissimus diceretur. Quem diligebat Iesus, se in postremis Evangelij sui capitulis se iterum iterumque nominat. Hinc acceperunt Sacri Doctores, ut eum dilectum Domini appellandum putarent. Hoc nomine & sponsus in Canticis, & Christus à suo æterno Patre donatur. Cur verò etiam Ioannes? Respondet S. Damianus: *Arctissime se in suis Re-*
demptione

emptoris, ac dilectoris amore commixti, propter quem scilicet conjugalis thori fœdera abdicant, in nuptijs sci. Cœnæ celebratis, à quibus eum, ut ex communi sententia Lyranus affirmat, Christum vocant ante consummationem matrimonij. Vide nunc quàm prolixè Deus reddit, quod pro illo relinquit. Ioannes pro Christo nomen, remq; sponsi reliquit, Christus amorem Ioannis vxorij, quamquam licitum, & honestum in sui amorem spiritalem mutauit, fecitq; ut qui dilectione coniugali peritura perituram deperire mulierem volebat, totum se in virginis mentis transferret affectum, & Virginis Filium Virginem Virgo charitate immortalis demoreretur, iamq; non aliter vocaretur, quàm Discipulus, quem diligebat Iesus, & suo ipsius nomine, quod est Dilectus, illum donaret. Abrah. 104. c. 1. Igitur Pro Deo aliquid perdere, lucrum est, non damnum, inquit Alcuinus.

Testari hoc Abraham quoque potest, qui Dei iussu præputium, tantillam carnis suæ particulam dedit, & amplissimum, nec inane, nomen accepit, ut qui antea Abram dicebatur, posthæc Abraham, hoc est, pater multarum gentium appellaretur, & esset.

Imparem se Moyses tanti populi gubernationi sentiebat, sociosq; laboris à Deo petebat, qui iussit quosdam ad ostium tabernaculi adduci, & ait: *Auferam de spiritu tuo, & tradam eum, & sustentent tecum omnes populi.* Num. 1. *Illud aufer à de spiritu tuo, Hebræus Caietani transtulit, Grandibo de spiritu tuo, hoc est, faciam, ut grandescat sapientia, quâ præditus es. Auferam & grandibo! Qui auferit, non grandit, non auget, sed minuit. Quid ergo aiebat, Dominus, Auferam & grandibo, detraham de spiritu, & maiorem faciam? Deus tam est liberalis, ut nihil cuiquam auferat, quin grandius restituat. Quare quod dicebat, velle de Moysis spiritu auferre, tantundem erat quantum velle eum magnis incrementis reddere.* Ibid. 104. c. 2. Quare ut alij lucra expetunt, sic debent Christiani optare suarum rerum pro Deo iacturam, ut qui magna dispendia ingentibus beneficijs compenset. Ibid. 163. o.

Conuersus Petrus vidit illum Discipulum, quem diligebat Iesus sequentem, qui & recubuit in cœna super pectus eius, & dixit, Domine, quis est, qui tradet te? Ioan. 21. Rupertus in hæc ita querit: Quare Ioannes vtrâ solitam sua persona descriptionem nunc addidit, Discipulus ille, qui & recubuit in cœna super pectus eius, & dixit, Domine, quis est, qui

tradet te? Cùm enim multos iam in locis mentionem sui fecerit, dicendo, quem diligebat Iesus, hic in suis designationem addidit, qui & recubuit in cœna super pectus eius, & dixit, Domine, quis est, qui tradet te? Sciscitabatur ex Petro Christus semel, & iterum, iterumque: Diligis me? Tale quid interrogatus Petrus obuertit caput, videntq; Ioannem sequentem, velut inuicem percontabatur: Domine hic autem quid? Cùm hoc narrat Ioannes, simul addendum putauit, Petrum hoc non de quouis alio, sed de illo quæsiisse, qui paulò antè, cùm in cœna Dominica caput in pectus Christi deposuisset, interrogauerit eum ex Petro, quis illius proditor futurus esset, velut verbis alijs apertius dixisset: O quanta vicissitudo rerum humanarum! quàm variæ, & mutabiles sortes mortalium! Ex me hoc arbitrari potest qui aliundè fortè nescit. Nam ego ille ocellus Christi, ille discipulus eius dilectus, ille, qui caput meum in pectus illius reclinavi, ille, per quos Petrus sciscitari debuit, quis futurus proditor esset, cùm id interrogare ipse non auderet, ego ille, inquam, nunc Petro vicissim opus habeo, ut de me, quid mihi futurum, quærat. PPP. 295. c. 1. & seq.

Reuera stabilitatem sibi in huius vitæ successibus, & prosperitatibus promittere nemo potest, nam & qui humili in loco est, in altum exsurgere potest, & in sublimi positus ruinæ periculo semper est expostus. Ibid. 294. o.

In Centonibus primi & secundi Tomi habes plura de hoc Fæsto.

FESTA IANVARII.

De Sancto Raymundo Confessore Ordinis Prædicat.

Sanctus Raymundus Generalis totius Ordinis Prædicatorum Magister magno omnium consensu declaratus, officio post biennium, quo illud susceperat, se abdicauit. *Ex bulla Canonizationis eius. Itanè honorem fugit, quo illum tanti Ordinis viri summæ omnes paribus calculis dignum iudicauerunt? Fecit, quod boni omnes, qui quò magis honorantur, eò ampliùs se contrahunt, ac demittunt, secus ac mali, insolescunt ex laudibus. Abrah. 100. o.*

Erat Vir Sanctus à Sacris Confessionibus Iacobo Aragonum Regi, Rex autem turpibus implicatus pellicis

pellicis amoribus cum offendiculo Catholici regni publico. Cum autem sciret Beatus Raymundus, quod talibus peccatis grauiter offenderetur Deus, & regum suorum non modò luere scelera, sed & imitari procliuiter solerent subditi (*facilius est quippe, si dicere fas est, errare naturam, quàm dissimilem sui Princeps posset formare rempublicam*, de quo vide PP. 520. c. 1. vbi hoc affirmat Cassiodorus, & exponit Nissenus) eò quod Principes, & omnes vniuersim superiores sint quoddam primum mobile, cuius motum leuiter sequantur subditi, Abrah. 108. o. vt regem à flagitijs abduceret, & Dei flagella à populo subdito auerteret, & populum ipsum à perpetrationse similium peccatorum prohiberet, omnem mouit lapidem, regemq; ex officio identidem monuit, & de periculo proprio, de scandalòq; alieno, atq; aliud ferè nihil obtinuit, nisi quod ille promitteret emendationem, sed non dimitteret proximam peccandi occasionem.

Verè piceas, & glutinosas manus habet fœda illa cum mulierculis consuetudo, vt non facile euadere possit, quem illa semel inuaserit. Num. 25. Cum Moyse præciperet Iudicibus Israël, vt occideret vniuersosq; proximos suos, qui initiati essent Beelphegor, ecce vnus de filijs Israël intravit coram fratribus suis ad scortum Madianitidem, eidente Moyse, & omni turba filiorum Israël, qui stebant ante fores tabernaculi. Pudendum facinus, quod alius perpetrare non potuit, nisi qui amore cæcatus prorsum obbrutuerat.

S. Gregorius Nyssenus in l. de vita Moyse versùs fin. quærit, vtrum salutare quoddam consilium hac re historia sacra præbuerit. Et quid ex tam propudioso facto haurire possimus, quod in vsum nostrum transferamus? Illud saltem documenti inde accipere possumus, respondet Nyssenus, quod cum multi sint morbi, & agitudines animi, quibus homines capiuntur, nihil tantam in nos vim habere, quantam spurcissima hac libido. Nam si viri illi, qui Egyptiorum equitatum diuinitus relictis non timuerunt, qui Amalecitas fuderunt, simul ac cæsa sunt mulieres, voluptatis mancipia facti sunt, quid aliud nos instruit, qui hoc refert, quàm voluptatem hanc cauendam esse, qua insillatombus suis viros armis instructos superauit, quodq; impudentius est, palàm agi turpitudinem persuasit? Ita bestialis ad libidinem impetus in pecudes homines vertit.

Ita nihil nouum erat, quod regem illum à turpi mulieris, cui semel se traderat, commercio abstrahere facile non posset Raymundus, qui cum hoc vi-

deret, & videre diutius non posset, dimissionem & licentiam nauigandi ex insulis Balearibus in Caraloniā petijt, sed non impetrauit. Immodò verò cum iterum, atque iterum eam abeundi facultatem rogasset, Rex, qui sciebat Raymundi sanctitatem, neque ignorabat, tales viros iustos hoc esse mundo, quod columna est domui, ratio animo eorumq; opulentijs meritis reliquos homines locupletari, (Abr. 156. o. & deinceps) ne fulcrum illud suo regno subtraheretur, pœnam capitis publico decreto constituit illi, quicunq; Raymundum confessorium suum trans mare veheret. Quare cum aliter euadere non posset, expandit super aquis maris pallium, inscendensq; insolentem nouus nauarchus celocem centum sexaginta sex milliaria intra sex horas traiecit.

Sacer Mediolanensium Archianeistes Ambrosius Serm. 14. de S. Nazario refert, quod Cæsaris iussu in vasti maris gurgites deiecto ambulare super aquas diuinā prouidentia concessum est, sicut rerum obstupescence naturā per insueti itineris nouas vias inferens gressum, tumentia maris dorsa calcaret. Hæc ille totidem ferè verbis. Raymundum nulla quidem Cæsaris iussio in vasti maris gurgites, sed Regis cætera boni intemperans libido in eam necessitatem coniecit, vt miraculum à Deo efflagitare debuerit, quo euaderet, ne tam grauis scandalum spectator esse cogeretur. Et Nazarius quidem tumentia maris dorsa calcavit, atque ira perrexit, Raymundus verò taneum spatium tantillo tempore emensus, neque pedem mouit, sed illius spiritus, qui inter primordia mundi ferebatur super aquas, flatus, atque impulsu per æquor delatus Maiorica Barcinonem intra horas quas dixi peruenit.

In Centonibus primis & secundis Tomi inuenies alia de eodem Sancto.

De Sancto Antonio Abbate.



Rebrò dæmonem S. Antonius ieiunio, & oratione vicerat, & fugarat, nec tamen frequens de satana triumphus securum illum reddebat. Refert hoc illius apud Athanasium historia.

Vna hæc Christianorum maxima securitas est, hoc sibi persuasum habere, nullam esse in hac vita securitatem Abrah. 191. o.

Dauid rogabat sibi auferri opprobrium, quod suspicabatur, hoc est, adimi peccata, quibus ne for-

re implicatus, contaminatusq; esset, subuerebatur. Sciebat nimirum se hominem esse, & sibi cauebat, vt poterat, inquit B. Ambrosius.

Genesis 12. dicitur Abraham progressus ad montem, qui est contra Orientem Bethel, & ibi tetendisse tabernaculum suum. LXX. verterunt hæc vltima: *Et ibi castra metatus est.* Tam pacificus homo erat Abraham, vt consobriño suo Lot optionem reliquerit terræ, quancunq; vellet, ne quam iurgandi cum illo occasio esset. Cur ergo castra metatus est, tanquam in hostes moueret? Fuerunt illi eo verbo vsi, vt ostenderent Patriarcham fuisse semper expeditum, atque accinctum, & sic vixisse in media pace, vt vigilantissimus miles iuxta hostes solet.

Christus apud Lucam 24. c. iubeat Apostolos sedere in ciuitate, quoadusque induerentur virtute ex alto. In quæ verba notat Theophylactus, quod non dixit, quousque acciperent virtutem ex alto, sed quousque induerentur eâ, vt declararet, custodiâ spiritualis armaturæ omnino induendos, & maxime securos fore, si nunquam curâ vacui essent, vt propterea velut cataphractus eos facere vellet, & armare lorica virtutis, quæ non alibi, quam in ipsâ coelorum officina fabrilis cusa esset. Ibid. 191. & seqq.

De Sancto Antonio refert B. Athanasius, se iussimè in oratione pernoctasse. Nihil ergo mirum, quod tantum fuit illius aduersus dæmones robur. Nam oratio est aurum, quo Deus superatur, tantaque est humilis orationis potestas, vt Deus videatur debere illi obuertere tergum, ne ab ea vincatur. PP2. 585. o. *Multa habet hoc C. in commendationem orationis.*

At si alia quæuis oratio est aurum, quo Deus vincitur, id constans, & assidua oratio maxime habet. PPP. 280. o. Exemplis id euincam *Deprecatus est Isaac*, siue vt alia versio habet, *multiplicauit preces pro uxore sua Rebecca sterili.* Pertinaci orandi contentione in validissimam diuini pectoris arcem totos viginti annos arietabar, nec de animo quidquam remittebat in tam diuturno obsecrationum conflictu, nec interpeſcebat aliquando inter precandi assidua & tam longa certamina, itaq; de natura iniquiore triumphauit, Deumq; adduxit, ne dicam adegit, vt concederet, quamdiu negauerat, sterili vxori fecunditatem. Ibid. c. I. Anna Samuelis sancti pientissima mater eisdem perseverantis orationis armis ad expugnandum naturæ autorem fortiter, ac feliciter vsa fuit, de qua S. Petrus Chry-

sologus Serm. 73. sic habet: *Anna Sara conſterilis lachrymis orationum suarum tamdiu madefecit ardiditatem sui corporis, & natura, quamdiu fuerat longo vita tempore negata posteritas.* Non posset ergo Antonius, qui plerumq; pernox in oratione erat, talibus armis subigere dæmonem, quibus alij contra Deum fortes fuerunt?

Sit homo quispiam inclusus loco tam diligenter undique obturato, vt nulla in eum lux penetrare possit. Sint in eodem loco plurimi hostes in illius exitum coniurati, qui & videri nequeant, & videant ipsi optime quem mactare & maxime velint, & optime possint. Quanto in periculo, quanto in timore, & tremore miser ille versaretur, cui talibus cum hostibus tali in loco decertandum esset? Quis non miseretur ærumnosum illum eiusmodi inimicorum ferociæ expositum? At quam insanus esset, qui tanto in discrimine positus negligenter se haberet & oscitanter viueret? Hoc verò est, quod hominibus accidit, inquit S. Antonius Epist. 3. dicens: *Acquisiuius domum tenebrosam, ac praliis plenam.* Duobus malis laboramus. Nam & in mundo obscuritatum, & confusionum tenebris pleto viuimus, & hostes habemus, à quibus perpetuo bello vexamur, eosque tam proximos, quam insensos, qui cum nos perspectos habeant, illi oculos nostros latent, robustique cum infirmis, & astuti cum rudibus, & periti cum inexpertis, & semper vigiles cum somniculosis dimicant. Quid mirum ergo, quod Antonius noctes plerumque in oratione duxit insomnes? PP2. 624. c. 2.

Qui cum inimico semper vigilante pugnat, nunquam dormire debet, sed in maxima tranquillitate periculosissimum bellum timere. Ibid. 622. o.

De SS. Fabiano & Sebastianiano.

V Ide in Festo Omnium Sanctorum, vbi multa reperies, de quibus in eorum laudem differere pro Concione possis.

De Sancta Agnete Virgine & Martyre.

V Ide commune Virginum, vbi plurima habes in illius Festi Euangelium,

De Sancto Vincentio Martire.

Vide commune vnius Martyris.

De Sancto Paulo Apostolo Conuerso.

Ex vita illius, quam vel ipse in Epistolis, vel in Actis Apostolicis sanctus Lucas describit.

Paulus, quando etiam dum Saulus miuas, & cædes spirabat in discipulos Christi, cum literis Principis Sacerdotum contendit Damascum. Ex litera, quantum Lucas refert, illud habebant, ut si quos inuenisset viæ, & viæ Christianæ Professores, eos vinciret, victosq; perduceret in Ierusalem, ut in illa metropoli supplicia maiore in captos auctoritate decernerentur, & cum alii eorum exemplo perterrescerent, tum ampliorem ex Iudaismi, & legis veteris defensione gloriam sibi apud summum Paulus conflaret. Ego de talibus literis affirmare ausim fuisse chiographum, quo se Deo mortis æternæ poenas debere fatebatur. Ipse ille ex Saulo iam Paulus ad Colossenses 2. ait, quod Christus donauit nobis omnia delicta, delens quod aduersum nos erat chiographum decreti. Quale dicit chiographum? Istud, quod dicit chiographum, peccatorum nostrorum cautio fuit, inquit Origenes, additque unusquisque enim nostrum in his, que delinquit, efficitur debitor, & peccati sui literas scribit. Poenis inferorum se obnoxium velut datâ cautione fateatur, quisquis peccato mortali obstringit. PPP. 363. c. 1. Quando ergo Paulus mortali aduersus primos Christicolæ furebat odio, literis, quas per viam conferebat, non tam probatam dabat facultatem vincendi illos, quam testatum faciebat suum mortis æternæ debitum. Sic quilibet peccator, quoties lethaliter DEVM offendit, velut dato chiographo se poenis inferorum obnoxium facit, tanquam aperte diceret: Ego peccatis meis testor, & fidem facio, quod Deo poenam æternam debeo. Peccator hominibus est, sibi ipsi poenarum suarum æternarum sepulchrum conficiens, & mortis supplicium adorans. Ibid. 363. o.

Deuteronomij 28. ei, qui Dominicorum præ-

ceptorum sit transgressor, dicitur: *Maledictus eris in ciuitate, maledictus in agro, maledictus fructus ventris tui, maledictus eris ingrediens, & egrediens, &c.* Ex Ruperti obseruatione nunquam dicitur, quod talis præuicator à Deo maledictus erit, sed quod ille supplicia quidem decernat, non tam eorum sit autor, quia sicut Iherò suarum trirerem, in quas compingitur, est causa, sic qualibet peccator suarum sibi poenarum est parens, & sator. Ibid. 363. c. 1.

Et Christus in supremo mundi die prius inuitabit, & admittet electos in cælum, quàm maledictos iubeat ire in ignem æternum, ut ostendat propoliti sui fuisse pondus seruare animas, quàm perdere. Ibid. 363. c. 2. Propterea etiam illos vocabit benedictos Patris sui, non verò hos maledictos eiusdem Patris, ut significet, quod Pater velut omnes plurimum amat, sic omnium salutem, vitamque æternam desiderat, damnationem, & supplicia non optat. Ibid. c. 2.

Et quomodo supplicia optet Dominus, qui tam inuitè punit, ut necessum sit, multis exhortationibus illum adducere, ut flagellum in manus sumat? Ibid. 364. o.

Quam gratus, acceptusque erat Paulus summis Iudeorum, quamdiu hostis Christianorum? Cum adhuc spiraret minas, & cædes in discipulos Domini, tantum illi deferebant Principes Sacerdotum, ut literas, vnâque amplissimam darent potestatem vincendi, & Ierosolymam pertrahendi, quoscunque inueniret nascentis nouæ fidei viros, & mulieres. Simul verò ac desistere, ab ea crudelitate, & aliud agere Paulus cepit, consilium fecerunt in Sinum Iudæ, & eum interficerent. Act. 9. 23. Quomodo nuper tam charus, & pretiosus, qui nunc tam exosus, vilis, & despicibilis? Nuper utilis erat Iudæis, idcirco habebatur bonus: Nobis enim res quæque bona est, interea dum commodis nostris seruit. PP2. 607. o.

Non habemus regem, nisi Cæsarem, dicebant perfidiosissimi Iudæi. Acerbam, & morte nihilo mitiorem vitam sub graui Cæsaris seruitute agebant, & crudelissimum eius dominatum intolerantissime ferebant, & tamen Rex, & pater illis, non tyrannus, vel hostis videbatur. Quid ita? Quia per illum fieri posse videbatur, ut Christus à viuis auferretur. Quem tyrannum, & hostem reputabant, prostentur solum regem, & Iesu crucifixionem obtineant, inquit Caietanus ibid. 609. c. 1.

Quamdiu in amorib. Ence Dido erat, tamdiu Veneris

Veneris filium, & summorum deorum nepotem illum faciebat. Postquam verò deamare, & odisse cepit, iam non ex dijs parentibus, sed ex dura filice, & cauibz natum volebat. Ibid. 608. c. 1. & 2.

Quemadmodum ante conuersionem suam Paulus crudeliter persequabatur bonos, ita post conuersionem suam vehementer defugiebat malos. Barnabas in Actis Apostolorum socium prædicationis adsciscere volebat quendam Ioannem, cognomento Marcum. *Paulus autem rogabat eum, (Et qui discessisset ab eò de Pamphylia, & non isset cum eis in opus) non debere recipi.* Act. 15. Quare noluit recipi? Quoniam in ipsa aciei fronte constitutus nimis inuiciliter egerat, eum meritò Paulus abiiecit, ne illius quasi contagione vires corrumpere aliorum. Ita Chrysostom. Vnus defes miles totum reddere ignauum exercitum potest, & integrum bonorum hominum cæcum malus vicius deprauare. Abrah. 194. & seq. Sunt contagiosa eorū etiam mortuorum vicina corpora, quorum fuit vita bona. Quàm periculosa ergo erit societas viuorum, quorum sunt tam mala opera? Ibid. 194. o.

Differebat sanctus Ambrosius aliquando apud populum de auium natura, & lapsus memoriā non satis recordabatur eorum, quæ dicere proposuerat, obliuionemque suam non alteri, quàm suæ cum auiibus literaræ consuetudini adscribebat, dicens: *Sermo nobis huiusmodi cum ipsis auolauerat; quasi & cogitationes auolare ab auiibus discant, quæ per meditationem etiam cum ipsis diuicū communi-
cent.*

Argutulum hoc, morale magis illud, quod Angelicus Doctor ait, fidem sancti Lot ex derisione generorum ipsius fuisse aliquantū turbatam, & obscuratam. Indicabat generis suis socer proximū vrbis, hominumque, quotquot in ea futurum incendium reperiret, incendium, hortabatur secum exire, & certam, vicinamque ex conflagratione mortem fugere. At ille *Sic me est ex quasi ludens loqui,* Gen. 19. Cum ergo ij sic facerent, etiam ipse cepit hæsitare, & quod mirum est, cum prius credidisset Angelis, modo ita tardabat, & negligebat exire, inquit S. Doctor, *ut cum esset mane, cogerent eum Angeli, & dissimulante illo apprehenderent manum eius,* ipsumque, & vxorem, & filias amborum extraherent magis, quàm educerent. Quod generi cum risu acceperunt, & jocum interpretati sunt minas Angelorum, id fecit, ut etiam socer fide titubaret, & penè ludum putaret, quod ab illis cælestibus muntiis acceperat. Tam facile inrepercit, & refri-

gescit, qui cum talibus etiam non diu, nec multum consuecit.

Denique *in celo permanet verbum DEI,* & tranquillitas perpetua, *quia inde deiectus est diabolus, in terris non permanet,* sed omnia miscentur tumultibus, *quia hic totus aduenit,* inquit rursus S. Ambrosius. Ibid. 195. c. 1.

S. Ioannes Chrysostomus quærit, cur Deus, qui Paulum Apostolis cæteris quoad gratiarum dona parem fecit, non in eo etiam exæquarit, ut illi inter conuersionis ipsius primordia nomen aliud daret, quando luce illum secundum oculos corporis cæcauit, & visu interiore rectæ fidei donauit. Petrus ante conuersionem non ita, neque Cephas, sed Simon Ioannis, aut Bar Ionæ vocabantur, Iacobus, & Ioannes Boanerges dicti sunt, postquam facti Apostoli. *Quam ob causam ergo non etiam statim mutauit nomen Pauli?* quærit ille homil. 3. de Conuers. Pauli.

Retinuit Paulus aliquot à conuersione annis veterem Sauli appellationem, quod hoc magnificentie Christi existimatio, & magnitudo gloriæ eius postulare. Fuerat ille immanis insectator Ecclesiæ, certum habens in rudera illam detrahère, prorsumque extinguere, si vires animum non desinitissent. Dum hoc exitium machinaretur, excussum equo terræ illum propitius DEVS afflixit, & ex fera bestia micem hominem, prædicatorem suæ fidei ex persecutore fecit. Dicit nunc Chrysostomus: *Si statim conuerso Paulo mutatum esset & nomen eius, tunc minus manifesta fuisset eius conuersio, nemo enim sciret, quod persecutor ille esset Euangelista.* Si quis per illos primos Pauli conuersi dies fuisset Damascus, vidissetque illum continuo versari in synagogis, maioreque contentione afferere Christi gloriam, quàm paulò antè persecutus fuerit eius Ecclesiam, & nunc confundere vi disputationum suarum Iudæos, quorum gratiā omnia contrā Christianos fecerat, quemuis alium potius hunc tam acrem, nouæ fidei prædicatorem existimasset, nisi retentura Sauli nomen illi persuasum fuisset, ipsum illummet esse, qui antè hac ita ferocierit in Christum, cuius nunc sit testis, & assertor à quo & subactus. Sed non extinctus fuerit. *Tomo Primo 484. b. Eum gloriosissimum reputat Dei maiestas triumphum, cum hostem intercipit vinum.* Ibid. 483. o.

Ne Paulum magnitudo reuelationum extolleret, & ne raptus extra se in tertium coelum etiam supra se per inanem gloriam efferretur, datus est illi stimulus carnis, qui suæ illum fragilitatis perpetuo commo-

commonefaceret, ut infirmitas corporis bonam animam conseruaret valetudinem. Sic beneficia DEI nunquam dantur sine pensione alicuius miseriam. Sed & miseriam, calamitatisque pensione neminem grauat Deus, quem non beneficii alicuius donatio-
ne leuet. PP2. 495. o.

Rachel peruenusta erat, sed huic naturæ beneficium pondus sterilitatis appensum erat, ne inde nimium efferretur. Liam varia natura lippam, sed fecundam fecerat, ut turpitudinem faciei numerosa soboles tolerabilem redderet. Rursum ne Rachel suam sterilitatem in desperationem adduceret, tandem concepit, & peperit. Lia verò tantisper cessauit parere, ne pareret illi superbiam, si liberos continuo pareret. *Ecce quanta diuina sapientia in rebus ordinatio!* clamat Abulenſis ibid. c. 1. & 2.

Viginti annos Rebecca improlis in matrimonio transiit, post quos Deus tum illius bonæ mulieris, tum Isaac mariti precibus execratus concessit donum fecunditatis. Sacer historicus hanc remita reddidit: *Dedit Dominus conceptum Rebecca, sed collidebantur in utero eius paruuli.* Gen. 24. In his illud trillere sed mysteria plura, & magnam emphasin habet, quam vide accuratè expensam. Ibid. 496. c. 1.

Cum multas post Conuersionem B. Paulus persecutiones, calamitatesque perpeſſus fuerit, vnum illud intolerantissimè ferebat, quod à carnis quodam stimulo noctu, atque interdum miserè affligeretur. Cælo ergo supplices protendens manus petebat ab illa vexatione liberari. Hanc rem ipse ita describit: *Datus est mihi stimulus carnis meæ angelus satana, qui me colaphizet, propter quod ser rogaui Dominum, ut discederet à me.* 2. Corinth. 12. Responsum humillimis eius precibus tale datum fuit, *Sufficit tibi gratia mea.* S. Chrysostomus ea verba tali paraphrasi illustrat: *Ea quidem, quæ tibi dantur, atque acerba eueniunt, cernis, quæ verò tu facis; non animaduertis, quæ inimici tui inferunt, cernis, & quæ ego in te confero, non consideras.* Videtur Apostolus inter suas angustias positus eas tantum cogitasse iniurias, quibus illum satanæ furor onerabat. Dominus autem iubeat in illis iniuriis attendere non quod graues, & onerosæ essent, sed quod lucrosæ, & meritoria &c. PP2. 663. c. 1.

Ita curare debemus, ut rem quamlibet eâ parte aspiciamus, quâ nos releuare, & recreare possit, non quâ offendere queat. Ibid. 662. o.

Paulus seruus Dei, Apostolus autem Iesu Christi. Ita habent prima verba Epistolæ illius ad Titum.

S. Hieronymus ait, quod se Paulus Apostolum Christi scribit, id tale sibi videri, quale si dixisset præfectum prætorio Augusti Cæsaris, aut magistrum exercitus Imperatoris Tiberii, & voluisse eâ nominis autoritate terrere lectores, & indicare, omnes, qui in Christum crederent, debere sibi esse subiectos. At si omnes sibi subiectos volebat propter illum magnificum Apostoli titulum, cur primo loco se humilem seruum nominat, cum hinc de autoritate illius decedere posset, quantum dignitatis ex Apostoli titulo accedebat? Respondet Glossa: *Humilitas non tollit potestatem, & dignitatem.* Abrah. 116. col. 1. & 2. Nullam, nullam omnino autoritatis iacturam ex humilitate quisquam aliquando fecit. Ibid. 115. o.

Abraham ipse lauit pedes suorum hospitem, ipse pinguem situlum portauit humeris de armento, inquit S. Hieronymus, ipse nullum humanitatis officium erubuit, nec per hoc de gradu suæ exultationis cecidit. Christus seruilem formam induit, seruileque lauandorum pedum officium Discipulis exhibuit, ut ipsis manibus, quibus omnia tradita à Patre sciebat, & non ignorans se à summo Deo exisse, in mediastinorum infimum ordinem submisit, neque timuit minui gloriam suam humili lotionem pedum, ut inquit Theophylactus. Sudaria, semicinctiaque Pauli & ad sordidas operas vilis officii, & ad stupenda miracula, erant vsui, nam & languores ab ægrosis, & ab obfessis spiritus nequam egrediebantur, ad quos sudaria illa, semicinctiaque à corpore Pauli deserebantur. Nihil ergo de sudariorum, semicinctiorumque virtute, ac dignitate detrahebat, quod etiam ad humilia officia adhibebantur, nec suam exultationem quisquam amittit per hoc, quod se demittit. Solum peccatum dedecet hominem, cæterorum, quæcunque homo facit, dum pro Deo agit, nihil illi inhonoricum. Ibid. 116. o.

Neque egrotare secundum carnem est delictum, neque in damna, & tribulationes incidere est lapsus, atque ruina, sed in temptationibus non probatum inuenitur, & per impatientiam offendere, aiebat ferè S. Ephræm. Paulus etiam gloriabatur in infirmitatibus, & ærumnis suis, passimque velut iactabat sua vincula, famem, sitim, nuditatem, tam nihil probrosa hæc putabat. Et filii Israël in manu excelsa, siue capite discooperto egrediebantur de Ægypto, ut docerent, nullam in domo Dei esse dedecorosa seruitutem, nullam ignominiosam ignominiam, nisi peccatum. Ministrare infirmis, munda-

re eorum vulnera, curare aegritudines numerabant Iudæi in operibus vilibus, & seruilibus, sed Christus talia Sabbatis faciebat, vt ostenderet nihil in eis esse vile, aut seruale. Cæcus ille apud Lucam 18. magnâ contentione succlamabat in publica via: *IESU fili David, miserere mei*; & quamvis tacere iuberent, qui per viam præibant, valde enim inurbanè, & rusticè factum putabant, quod vnus sordidus mendiculus tot hominum honoratorum aures inconditis vocibus suis obtunderet, ipse tamen multò etiam magis clamabat, *Græle enim est*, vt inquit Chrysostomus, *pro culu diuino pudorem deponere*. Ibid. 117. c. 2.

Muti sibi faciem à Deo scelerum suorum indulgentiam promittunt, quando hodierno die audiunt, Paulum, cum adhuc spiraret minas, & cædes in Discipulos Domini, cum literis, & milite armatus, Damascum contenderet, vt omnes Christi sectatores vnâ occisione extingueret, in mediâ via, quâ velut furis innectus in necem recens natæ Ecclesiæ deproperabat, in viam sanctitatis ab amantissimo Deo reductum, quando etiam legunt illud eiusdem Pauli 1. Tim. 1. 15. *Qui prius blasphemus fus, & persecutor, & contumeliosus, misericordiam Dei consecutus sum*. Sed hi nescio an attendant, fatiscè expendant illud, quod Paulus ibidem subdit: *Ignorans feci in incredulitate*; quod si facerent, fortè plùs timoris, quàm solatii à Pauli exemplo haurirent, veriti scilicet, ne grauius puniantur, qui Deum scientes irritant, quem ille ignorans offendit. Nam ille seruus, qui cognouit voluntatem Domini sui, & non fecit secundum voluntatem eius, vapulabit multis, qui autem non cognouit, vt Paulus, & fecit digna plagis, vapulabit paucis. Lucæ 12. Abrah. 134. col. 1.

Paulus peccator terræ fuit, cuius exemplum non plurimum consolari potest peccatores cœli. Sunt peccatores terræ, & sunt peccatores cœli, & quamuis vtrorumque infelicitas sit dolenda, & deploranda, magis tamen miserandi sunt transgressores cœli, quàm terræ. Ibid. 133. o.

Nec quisquam tamen desperet, vel si peccator cœli diu fuerit, quia non sunt aegritudines animæ, quales corporis infirmitates, nam si quidam carnis morbi sunt insanabiles, animæ nullum incurabile malum. Ibid. 137. o.

Timete nihilominus, qui animæ arcem peccato diu permisit, cum enim eam semel occupauit, tantas vires acquirit, vt penè spem omnem rursus extirbandi auferat. Ibid. 135. o.

Tom. IV.

Vt sanctum Lot Sodomis eximerent Angeli, apprehenderunt manum eius. Gen. 19. quod Oleaster putat etiam verti posse, *Fortificauerunt se*, hoc est, totas vires, & omne robur suum huc verterunt, vt illum eriperent. Lot Symbolum peccatoris est diu peccatis affluens. Vt talem quempiam à suis vitiis abstrahas, viribus Angelicis, iisque maximis opus est. Propterea periculosissimum est tolerare peccatum, quoad incrementum faciat, & radices agat.

Surde, ac mute spiritum, ego præcipio tibi, exi ab eo, & amplius ne introas in eum. Ita apud S. Marcum c. 9. dicebat Christus cuidam malo spiritui, qui hospitem suum iam in aquas, iam in flammâs, iactabat, & omnia faciebat, quibus illum ex misero mortuum faceret. Nulli dæmoni simile præceptum imposuit, nulli, quod memini, ne hospitium suum repeteret, interdixit. Quare autem huic vni? Quia *ab infantia*, à primulis annis, ab incunabilis illum tenuerat, & vexarat, idcirco tam graui præcepto exturbauit, viamque ei omnem, per quam redire posset, obturauit. Vide quàm sit operosum expellere dæmonem à diuturna possessione. Ibid. c. 2.

Lazarus dormiens figura est peccatoris, qui non diu assueuerit offensis Dei. Idem verò mortuus viuum Symbolum inueterati peccatoris. Lazarus dormiens vocatur à Christo amicus: *Lazarus amicus noster dormit*; Ioan. 11. Mortuo tale nomen non datur. De illo enim sic tantum aiebat Christus: *Lazarus mortuus est*. Exclamat Chrysostomus: *Vides quomodo quando dormientem vocat, amicum appellet, quando verò manifestè de morte meminit, iam penè amicitia obliuiscitur*? Quid ita? Quia quando peccati herba adhuc est tenera, quando culpa est velut horarius quidam somnus, spes est, quod peccator facile redibit in amicitiam Dei: At cum ex somno transitur ad mortem, iam non dicitur amicus, non quia resurgere non possit, sed quia difficulter resurgit. Ibid. 136. col. 1.

De Pilato ait Matthæus 27. consueuisse per diem solennem populo dimittere vnum vincitum. Marcus 15. ait, solitum fuisse hoc facere. Lucas c. 23. dicit: *Necesse habebat dimittere eis*. Quod ex gratia inchoatum, consuetudine confirmatum fuit, demum in necessitatem conuersum est. Sic peccatum cum transit in consuetudinem, postremo in necessitatem vertitur, vt qui solebat, & consueuerat, denique *necesse habeat* agere, quod diu egit malè.

Peccatum est animæ aegritudo, peccatum mors est animæ alioquin immortalis, inquit Basilus Ma-

E

gnus:

gnus : Cum ergo venenata, & acuta inducias non pariantur, ut ait Celsus, statim herba doloris, & the-riacâ poenitentiae curandum est. Ibid. 137. c. 1.

Quod per ignorantiam fecerit in primos Chris-tianos Paulus, id ex Paulo ipso paulò antè diximus. Nonnimis mirum ergo, quod facillè misericordiam est consecutus. Facillè namque exorari finit pietas Dei, ut condonet, quæ ignoranter egimus malè. Abrah. 151. o.

Testatur hoc dare potest Abimelech, & præter illum Moyse, qui Leuit. 4. solis ex ignorantia pro-fectis peccatis constitutum sacrificium expiatorum narrat.

Oculum, qui subsannat patrem, effodiant corui, inquit Salomon Prov. 30. Cur oculi immorigero-rum liberorum potiùs, quàm lingua, vel alia mem-bra, quibus parentes offendere solent, luant? Quia oculi vident, quos rident, adeò meditatio eos offen-dunt, adeò meritò corui configunt illos, qui tam sunt impudentes, ut aspernari non erubescant, quos vident. Ibid. 152. c. 1.

Bis petierunt filii Israël cum murmure panem, & primâ quidem vice impunes, secundâ verò vapu-lârunt. Quare? Ignorabant panis cælestis suavitatem, cum primùm ab Ægypto. digressi suspirârunt carnes, quare facillè inuenerunt huius cupiditatis veniam: Quando verò post illum panem iam præ-gustatum carnes nihilominus iteratò expetierunt, suæ concupiscentiæ iam ex malitia quadam profe-ctæ poenas dare debuerunt. Sic ferè S. Cyrillus Alexandrinus. Ibid. 153. c. 1.

Sanctus Ioannes Chrysostomus querit, cuiusnam fuerit maior charitas, Moysi-nè erga suum popu-lum, an Pauli erga cognatos. Cum Dominus populû illû pro suo pudendo sacrilegæ idololatriæ scelere mastrare vellet, procurrens Moyse, & medium se obiciens, stansque à populo aiebat: *Aut dimitte illis hanc noxam, aut si non facis, dele me de libro tuo, quem scripsisti*, Exod. 32. quibus hunc Expositores plerique volunt subesse sensum: Aut vnam omni-bus veniam concede, aut me cum omnibus vnâ obtrunca. Ingens charitas, nemo inficias ierit. Et quid Paulus? *Opebam ego ipse anathema esse à Chri-sto pro fratribus meis, qui sunt cognati mei secundum carnem*, aiebat ille Rom. 9. Esse anathema à Christo. Expositoribus idem est, quod subire iacturam quie-tis, vitæ, bonorum omnium huius mundi pro vti-litate cognatorum spirituali curanda. Est qui di-cat, Paulum voluisse beatâ illâ quiete æternum ca-tere, si aliorum beatitudo per hoc procurari posset,

quod ipse suam perderet. De quæstione proposita nunc pronuntiat Chrysostomus, dicens, ardentio-rem fuisse Pauli erga suos cognatos, quàm Moyse erga populum amorem. Quamobrem illud? Quia Moyse cum cæteris optauit perire, Paulus, pro cæteris, non enim cum pereuntibus perire voluit, sed ut saluarentur alii, ipse de gloriæ æternitate de-cedere. Abrah. 190. c. 2.

Nulla certè magis illustria, nobilitioraque pericu-la, seu damna, quàm quæ pro honore, & vtilitate suscipiuntur aliorum. Ibid. 189. o.

FESTA FEBRVARII.

De Sancta Agatha Virgine & Martyre.

Accesserunt ad IESVM Pharisei ten-tantes eum. Matth. 19.

Entantes eum. Origenes apud Sanctum Thomam ait: *Tentato Domino, nullus Di-scepulorum eius, qui posuit est ad docendum grauius ferat, si tentatus fuerit à quibus-dam.* Idque primò, qui enim à Christo nomen ha-bet, debet curare, ut sit imitator Christi, & talem in omni vita se præstare, quales requirit Christiani nominis excellentia. PPP. 321. c. 2. Deinde quia tentari bonum, vinci autem malum. Tomo secun-dò 190. o.

Accesserunt Pharisei tentantes. Sectabantur turbæ Christum, ut sancta probæ vitæ monita ab eo acciperent, insectabantur Pharisei, qui religio-siores cæteris haberi volebant, & esse debebant, Chri-stum, ut tentarent. Communis hic morbus est, ut sua officia curent negligentius, qui diligentius de-bent. Abrah. 33. o.

Quis tantam à vulgo expectasset deuotionem? Quis non maiorem sperasset à Phariseis pietatem, ardentiorēque salutis spiritualis cupiditatem? Sic fit nonnunquam, ut plura, & maiora, & admiranda inueniamus, vbi minora, & pauciora sperabamus. PPP. 394. o.

Si licet homini dimittere, & uxorem suam quacunq; ex causa? Neminem leuiter suspicari malum de-bemus. PP2. 549. o. Hos tamen, qui talia ex Do-mino seiscitabantur, fuisse homines lubricos, & tar-pi libidini effictum dedutos fuisse sine vilo temera-

rii iudicii periculo dixerō. *Sicut enim si videas hominem assidue amicissimas medicorum colentem, intelligis quia infirmus est: Ita & cum videas virum, sine mulierem de dimittendis vxoribus, aut viri interrogantes, cognosce quia vir ille lasciuus est, mulier illa meretricia est, nam matrimonio castitas delectatur, libido autem quasi vinculo coniugis alligata torquetur.* Sic Chrysostomus apud S. Thomam in catena. Vnde verò hoc cognoscām? Ex lingua. Ea namque animi seereta difficulter, ac vix tegere nouit. Tomo primò 155. o. Et omnis existimatio hominis seu bona, seu mala, est à lingua. Ibidem 221. o.

Si ita est causa hominis cum vxore, non expedit nubere. S. Hieronymus apud S. Thomam in hæc sic ait: *Græue pondus vxor est, si excepta causa fornicationis eam dimittere non licet. Quid enim si temulenta fuerit, si iracunda, si malis moribus? Etiamne tenenda erit? Videntes ergo Apostoli græue vxorum iugum, proferunt animi sui motum.* Omnino græue, & ponderosissimum onus vxor est: Nam cum omnis status, & quæcunque vitæ professio habeat suas molestias, & ærumnas, vnus coniugii status omnium laboriosissimus, & ærumnosissimus est. Tomo 2. pag. 409. o. Reliquis vitæ humanæ conditionibus labores dantur minutatim, mulieribus iuncti prægrauantur omnibus. Abrah. 196. o.

Non omnes capiunt verbum istud. Id Chrysostomus apud S. Thomam ibid. tale est, quale si dixisset: *Non omnes hoc possunt, vt iniuges viuant, & à mulierum congressu se contineant.* Sed quare non possunt? Respondet idem ibidem: *Ideo non omnes capere possunt, quia non omnes volunt.* Multa sunt, quæ dicimus non posse, tantum quia nolumus. Homo rex quidam fecit nuptias filio suo, & inuitauit multos, & ii apud Lucam 14. c. rogabant se haberi excusatos, eo quod ob alia negotia non possent venire, apud Matthæum verò 22. perspicuè dicitur: *Et volebant Genere.* His datum est à Deo continere à mulieribus, qui petierunt, qui vulerunt, qui vt acciperent, laborauerunt, inquit S. Hieronymus in cat. aurea B. Thomæ ibidem. Superi namque laboribus omnia vendunt, vt ethnici aiebant. Et vt in mundo numis, sic oratione à Deo omnia obtinentur. Tomo 2. pag. 292. o. Neminem autem sua imbecillitas excusat ab eo faciendo, quod fecerunt multi, & laboris impendio, orationisque subsidio potuerunt omnes. PP2, 614. o.

Vis scire, quare aliqui nolint? Quia laborem fugiunt, & timent periculum, Qui laborem euitant,

ii non cogitant gloriam. Immo non cogitat de labore, qui concupiscit gloriam continentibus constitutam. Sic fere Chrysostomus apud S. Thomam ibidem. Cum enim nemo sit adituro gloriam, qui non antè subierit pœnam, & laborem, (PPP. 263. o.) certum est, non cogitare de labore, qui seriò appetit gloriam cælestem.

Sunt Eunuchi, qui de matris sterore nati sunt. S. Hieronymus ait, Eunuchos ex vtero matris eos esse, qui sunt frigidioris naturæ, ideòq; non appetentes libidinis. Beatus Chrysostomus vult sic nasci quosdam eunuchos, vt alii nascuntur sex digitos habentes, aut quatuor. Causam autem reddens, quare nonnulli cum eo naturæ defectu nascantur, inquit: Si enim Deus sicut ab initio constituit vnamquamque naturam, sic dimitteret eam immutabiliter semper in suo ordine permanere, in obliuionem apud homines deduceretur operatio Dei. Ideò igitur natura rerum conuertitur interdum contra suam naturam, vt semper Deus naturæ Opifex in memoriam reducatur. Hæc ille apud S. Thomam ibid. Tantundem dicit S. Basilus Seleucus, inquit, falli sæpè naturam, vt ministra imperantis Dei videatur, & solus ille omnium auctor habeatur. Vide Tom. 2. pag. 434. c. 1. Deus nimirum vt est omnis boni fons, sic & haberi ab omnibus cupit. Ibid. pag. 432. o.

Ex vita S. Agathæ.

Summa ingenuitas est, in qua seruitus Christi comprobatur, aiebat illa apud Metaphrasten. Rectè illud: Nam vt est apud Basilium Magnum: *Sufficit nobis ad omnem dignitatem, talis, ac tanti Domini seruos appellari.* Et ille, qui dignus iudicatus est, & Deo seruiret, aliunde laudem peteret, tanquam ipsi non satis sit appellatio Domini ad omnem gloriam, & claritudinis exuperantiam! Tom. 2. pag. 486. c. 2. Nullum habet domus Dei locum, officium nullum, quod non sit illustre, & perhonorificum. Ibid. 485. o. Poterat ergo S. Agatha suam ingenuitatem & nobilitatem inde optimè demonstrare, quod esset ancilla Christi, cuius omnes domestici possunt esse illustres, & gloriosi. Ibid. 385. o.

Agatha latissime, & gloriosanter ibat ad carcerem pro Deo, & quasi ad epulas inuitata. Quid mirum? Tanta nimirum est illius, qui pro Deo patitur, sublimitas, vt maiorem expetere, nisi ad Dei celsitudinem aspires, non possit. Tom. 2. pag. 514. o. Et tam gloriosum est pro illo pati, vt qui de hac re loqui-

loquitur, facili sermone labi queat, crucisque, siue poenae, & gloriae nomina confundere, alteramque pro altero vsurpare, Ibid. 276. o.

Medicinam carnalem corpori meo nunquam exhibui, dicebat illa S. Petro venienti e coelis, vt abscis-
sa mamillae vulnus sanaret. Sciebat sapientissima virgo, quod neglectus corporis est profectus spiri-
tus. Tom. 1. pag. 13. o. & faciebat quod Iusti so-
lent, qui animae gloriam procurant, corpori poe-
nas. Ibid. 15. o.

*Custodes terris fugerunt, relicto carcere aperto, ipsa autem cum posset fugere, noluit, ne custodes con-
ceret in periculum.* Simile quid Paulus, & Silas fe-
cerunt. Act. 16. quos cum custos carceris non dis-
fugisse vidit, cum posset, tremefactus cecidit ad
pedes eorum, Deique seruos statim eos arbitratus
interrogauit, quid sibi faciendum, vt saluus fieret.

Quaerit Chrysostomus, cur non incarnatione rem
istam factam putauit potius, quam illorum sancti-
tate. Responder, custodem, cum vidisset Paulum,
& Silam diffugere potuisse, nec diffugisse, sed ad
huc cauisse, ne quam ipse sibi vim afferret, ita secum
reputasse: Qui suorum periculorum negligentes
a discrimine alios seruant, ii coelestes homines sunt,
quibus merito adgeniculari, & vitae melioris agen-
dae consultoribus uti debemus. Tomo 2. pag. 345.
c. 1. Coelestis ergo virgo fuit Agatha, quae non ef-
fugit, cum posset, ne mortem custodes carceris in-
currerent per ipsius fugam, &c.

*De eodem Festo habes pauca quadam in Centoni-
bus primi Tomi.*

De Sancto Ignatio Episcopo & Martyre.

Vide commune vnius Martyris.

FESTA MARTII.

De Sancto Thoma Aquinate Doctore Ecclesiae Ange- lico.



Vid sibi velint alae, quibuscum deli-
neari solet Doctor Angelicus? For-
te an sola Poetarum fingendi libido
has illi de nihilo addidit? A sapien-
tissimis hominibus prudentissime ex-
cogitatum fuit, vt alatus pingeretur sanctus Tho-

mas. Quo consilio, aut documento id sunt com-
menti? Eo vt omnes intelligerent, Thomam non
miraculo, sed consuetis medijs, & vitarum industriam
in cacumen gradus Doctoralis peruenisse. Ad per-
petuum literarum studium adhibebat ille crebram,
ardentemque orationem, atque his alis euolabat in
tam sublime scientiae fastigium, vt nihil nouum, aut
insolens esset, quod Doctoralis laurus, cathedraque
illi offerretur. At videre alium, qui in sublimem
cathedram absque scientiae alis euolet, sellamque
Doctoralem inuadat, quam humeris ferre forsam
queat, sufficiente autem literaturam sustinere non
possit, hoc miraculum est, quod nemo facile intelli-
gat. Sic item miraculum est, quod pedum episco-
pale nonnulli acceptant, qui ne pastorale quidem
apud greges gerere sunt idonei, & animarum curam
suscipiunt, ne animalium quidem cura apti. Abrah.
23. c. 1.

Sic & Plinio miraculum visum, quod aliquid na-
sceretur, vt viveret sine vlla radice. Multa eius-
modi miracula videas quotidie. Sunt qui nullas ra-
dices, hoc est, nec stabilia bona, nec mobilia ha-
bent, & viuunt tamen splendidius, profususque, &
vestiunt pretiosius, quam alij opulentissimi. Annon
hoc miraculum? Ibid. 22. c. 1.

Theophrasto mirum visum, quod flores quidam
odorem suauissimum exhalant, quorum pars alia
nulla bene oleat. Mirius, quod mulierum quarun-
dam vestitus diues, & plurimus ex gemmis splendor,
& odor, quarum truncus, rami, radix, pars nulla
bene olet, parentes nimirum sunt tenues, & obscuri,
genus mendicum, cognati egentes, & nullo nume-
ro. Ibid. 23. c. 1.

Eiusmodi autem miracula examinare, & sus-
pectos splendores discutere, non est vana curiositas,
sed prudentia, & nonnunquam necessitas. Ibid. 21. o.

Vide etiam loca, vbi simile argumentum tracta-
tur, ad calcem adscripta illius Capituli.

FESTA APRILIS.

De Sancto Vincentio Fer- rerio.

Habes plurima in Centonibus 1. & 2. Tomi.

De Sancto Petro Martyre
Ordinis Prædicat.

Sanctus Petrus Martyr puer annorum septem, cum scholas frequentaret Catholicas, aliquando à patruo hæretico interrogatus, quidam in ijs didicisset, respondit, Christianæ fidei Symbolum didicisse, quod sic haberet: *Credo in Deum Patrem omnipotentem, creatorem celi & terra.* Cumq; patruus, parensque, utpotè Manichæi, dæmonem mundi Conditorum crederent, Petrus tamen nullis eorum siue blanditijs, siue minacijs à fidei constantia, & ab eo, quod semel in ludo literario combiberat, dimoueri potuit. *Ex bulla Canoniz. actum eius.*

O quanti refert, pueros à teneris annis exercere, & erudire ad pietatem, & probitatem, & sanam doctrinam! Abrah. 169. o.

Elaborare plurimum debent parentes, ut non fiant liberos suos cum malis versari maximè primulis vitæ, & dilucescentis rationis annis. Sic monet eruditus Olearius. Sic fecit pia mater Sara, quæ videns filium Agar Ægyptiæ ludentem cum filio suo Isaac, nullam viro suo Abraham quierem permisit, quousq; Isaacem ancillæ filium domo exturbaret, ne illius consuetudine puer Isaac contaminaretur.

Theophylactus cum non satis admirari posset, quod infestus dæmon potuerit abripere Iudam, quando etiamnum vnus ex duodecim erat, suscitaretque mortuos, & faceret miracula, & frueretur spirituali, & viuificâ doctrinâ Domini, ita exclamabat: *Et ubi posthac salutis spes nobis, qui sponte à iuventute nos ipsos malitia mancipamus?* Si tanta fuit vis mali dæmonis, ut euerteret, ac peruerteret Apostolum, qui prodigia operabatur, semperque stipabat vitam, & iuxta fontem degebat sanctitatis; indiudivus comes Saluatoris, quam expectare salutem possunt, qui penè simul & viuere, & vitijs se tradere incipiunt? Ibid.

Cum hac fructuosè dies pro concione semper possint, & plura de tali argumento habeat hoc Caput, diligenter perlegere illud, & omnem illius prædicandæ occasionem studiosè captare ardens Ecclesiastes debet.

Sanctissimus hic Martyr tamen sciret, quam infensos haberet hæreticos, & ubique sibi ab illis adornari insidias, non propterea officium suum inquisitionis prætermisit, aut remisit quidquam de studio extirpandi illos. Non fuit ex ignavis illis, & pusilli animuli hominibus, qui in periculis censeant quidquid

putatur periculosum, & omne illud, quod fortuito accidere potest, tanquam certum, præsentaneumq; discrimen timent. Abrah. 17. o.

O quantum hic aberat à muliebri quorundam delicatolorum mollitie, qui cum nullum vnguem ex ieiunio incommodum acceperint, aiunt ieiunare non posse, ne abstinencia capiti, aut stomacho nocumentum adferat, & somnum adimat, & valetudini officiat: Cum ille ieiunio ita corpus suum emaciasset, & vires extenuasset, ut os ad comedendum aperire amplius non posset, neque tamen à ieiunandi consuetudine prorsum desisteret? Mollicillos istos tali verborum sale perfricat S. Bernardus: *Delicata nimis medicina, prius alligari, quam vulnerari, emplastrum adhiberi, ubi casura non est.* Ibid.

Quantæ abstinentiæ fuerit Sanctus Petrus Martyr, id ex eis, quæ in Centon. 2. Tomi, in eius laudem annotauimus, videas. Qui verò tantus cultor fuit ieiunij, quid mirum, quod tam forriter fidei hostibus resistit, ut de vitâ decedere maluerit, quam fidei propugnationem deserere. Ieiunium enim tam est forte, ac validum scutum, ut Christus ipse, ac si vires alias nullas habuisset, illud sub mortis horam arripere, eoq; se contra hostes suos tutari voluerit. PPP 254. o.

Quærebatur aliquando apud Deum pro nobis crucifixum S. Petrus Martyr, quod murmura pateretur, grauesq; iniurias à maleuolis hominibus acciperet. Quid illi responsi datum ab eo, qui non qualemvis iniuriam, sed ignominiosissimam mortem pro sceleratis excepit, vide in Centonibus 2. Tom.

Quod omnibus sanctis communiter euenit, ut pene soli sua bona ignorent, quod est apud Magnum Gregorium, id B. Petro Martyri accidit, qui si se sanctum esse nouisset, etiam hoc concessisset, iustos esse signa, in quæ mali linguarum suarum iaculis collineent, & in hoc positos esse, ut maledicentiæ improborum sint expositi.

Tomo primo 467. o.

Habent viri boni, quod Sol, & Luna, illustrissima mundi lumina. Nihil agunt hi Serenissimi siderum Principes, nisi ut orbi terrarum toti, partibusque illius omnibus præfint, ac profint. In hoc toti sunt, tamque efficitur, & enixè rebus attendunt subditorum, ut perpetuo, celerissimoq; motu feruntur ad omnia officia, quibuscunq; utilitati earum commodare possunt. Fit ut ex occultis naturæ passionibus nonnihil deficiant, aut laborent, aut insolens aliquid committant, itaq; omnium oculi, atq; ora in

eos conuertuntur. Seneca lib. 7. natural. qq. c. 1. in hanc rem sic ait: *Sol spectatorem, nisi cum deficiat, non habet. Nemo observat Lunam nisi laborantem. Hac tamen non annotamus, quamdiu Ordo servatur. Si quid turbatum est, aut prater consuetudinem emicuit, spectamus, interrogamus, ostendimus.* Planè id bonis omnibus plerumq; accidit. Sunt illi athlantes mundi, eumq; suis precibus, & meritis sustentant. (Abrah. 156. o.) *Reuera fulcrum generis humani iustus est,* inquit Philo Iudæus in lib. de migrat. Abrahæ. Et rursus: *Quod columna in domo, mens in anima, hoc in humano genere homo iustus,* Ibid. 157.

Sed cum sancti suas in hac vita habeant animi ægritudines, nuncq; alacrius, nunc legnius aut remissius agant (nulla enim quamvis perfecti hominis anima tam est harmonicum instrumentum, ut semper sint iuste contentæ eius fides, & non aliquando vel aliquantum dissonent nervi, ut habes PP. 2. 458. o.) si minimùm eos deficere, si vel nonnihil laborare, aut ab ordine vel culmum latum declinare coniungat, ex templo videas, qui notent, spectent, interrogent, & quod peius est, digito intento, ut plurimi videant, ostendant, quodque pessimum est, bona, vel certe dubia in partem deterioreu ceu mala interpretentur, perq; domos, & compita circumferant.

O quàm mali homines, qui mala hominum aliorum etiam parva facilè notant, spectant, aliq; ostendunt! O quàm parum Christiani, hoc est, Christi imitatores sunt, qui tales!

S. Lucas 18. c. ait: *Assumpsit Iesus duodecim.* Id apud Mathæum sic habet: *Assumpsit duodecim Discipulos secretò.* Cur eos à via, & turba hominum, qui sequebantur, abduxit, ut seorsim illis velut in aurem loqueretur? Futurum erat, ut Salome Mater Iacobi, & Ioannis veniret, & ex filijs pro filijs prima subfellia imprudenter peteret, ac propterea increpanda esset ambiciosorum Discipulorum superbia. Ut ne istorum duorum germanorum infirmitas, & arroganti palàm fieret, ex hominibus se propripuit, suoq; Discipulos abstraxit, ne extraneis ista innotesceret ambitio, quæ seipsam iamiam proditura erat. Ita ferè Chrysostomus Tomo primo 251. o. Benè ergò dixi, quòd parum habent ex Christo, & Deo, qui aliorum leuiter ostendunt, & in publicum offerunt errata. Immodò plurimum ex malo dæmone habent, suntq; illius Prophetæ.

Ut hoc exponam, notandum ex Epist. 58. S. Paulini ad Augustinum, varia esse Prophetarum genera,

Nam alij futura prædicunt, ut Isaias c. 7. Conceptionem Filij Dei ex virgine. Alij præterita, ut Eli-seus simoniam Giezi 4. Reg. 4. Alij prophetias recitant. Sic 1. Paralip. c. 25. *Magistratus exercitus segregauit filios Asaph, ut Prophetarent in citharis, & psalterijs.* Alij dicuntur prophetare, quia laudes Dei canunt. Sic Num. 11. aiebat Moyses: *Quis tribuat mihi, ut omnis populus propheta sit,* hoc est, Deum laudet? Est quoq; prophetare idem, quod docere. Vnde 1. Cor. 14. dicitur: *Amulamini spiritualia, magis autem ut prophetetis,* id est, doceatis. Et Act. 13. *Erant in Ecclesia Prophetæ, & Doctores.* Item prophetare est exercere officium prolocutoris, vnde Exod. 7. dicitur: *Aaron erit Prophetæ tuus,* id est, prolocutor. Est deniq; etiam Prophetæ, qui aliena refert, sicut Saul, qui *prophetauit in medio domus sua,* ut dicitur 1. Reg. 18. v. 10. Hæc ferè ille, qui à S. Hieronymo accepisse videtur, quod de Saulis prophetandi modo affirmat, de quo S. Hieronymus L. qq. in 1. Reg. sic habet: *More arreptitiorum prophetauit, & prophetauit suum in hoc loco nihil aliud est intelligendum, nisi aliena retulisse.*

Ergò qui aliena errata etiam non omnino palàm, sed priuati in medio domus suæ referunt, prophetæ sunt, sed dæmonis. Quid ergò qui in medio foro narrant? Etiam dico plusquam aliquis ex illo Saulis Ordine prophetæ. Prophetæ sunt, qui & præterita referunt & futura sed mendaciter, & pernitiabiliter. Præterita narrabant, qui autores erant illius famæ, quæ ad Dauidem peruenit, & sic habuit: *Percussit Absalom omnes filios regis, & non remansit ex eis saltem unus.* 2. Reg. 13. cum tamen solum Absalonem trucidasset Amnon propter illatum sorori flagitium. Futura prælegebant quadringenti circiter viri, quid Achab regi Israël 3. Reg. 22. prædicebant: *Ascende in Ramoth Galaad, & dabis eam Dominus in manu regis.* Hi mendacis dæmonis mendaces prophetæ erant. Ad talium prophetarum gregem spectant, qui aliena mala vel præterita memorant, vel quæ futura somniant, aut suspicantur, narrant.

At si ii, qui proximis suos temerè iudicant, sunt quidam secundi Luciferi, Deique iurisdictionem sibi usurpare, & autoritatem per tyrannidem occupare tentant, ut habes Abrah. 125. o. quo loco eos reponemus, qui etiam aliis indicant, quæ temerè iudicant?

Aliud habeo dignum notatu, quòd Saul vnus ex illo maledicorum prophetarum ordine, non qualicunque dæmonis, sed mali dæmonis prophetæ fuit,

se fertur. Sic enim habes ubi supra: *Inuasi spiritus Dominus malus Saul*. Spiritus fornicationis Amodeus, spiritus superbix Lucifer, spiritus auaritiæ Mammon, & quidquid id genus spirituum, mali spiritus sunt, sed hoc mali nomen videntur non mereri, si cum iis spiritibus comparentur, qui faciunt prophetas de aliis male loquentes. Qui fornicatur, peccat, sed in corpus suum. 1. Cor. 6. 18. Qui manè consurgunt ad bibendum vinum, & fortes sunt ad miscendam ebrietatem, & hi peccant, sed *sua corda grauanti crapula*, Lucæ 21. infirmitatesque sibi, & mortem celeriorē adferunt, quia *in multis escis erit infirmitas, & propter crapulam multi obierunt*, Ecclesiæ 37. 34. Auarus, qui diuitiarum immodico tenetur amore, *animam venalem habet*, verum suam, Ecclesiæ 10. 10. Sed eiusmodi prophetæ, qui aliena mala referunt, alius noxi sunt, & famam adiungunt, quam nonnulli vitæ nihilo inferiorem æstimant.

Sed quid faciemus prophetis istis tam perniciosiss, quos spiritus Domini malus si non inuasi, inspirat tamen, si forte ad nos veniant, & mala nobis aliorum referant? Sepiamus aures nostras spinis, & non demus fidem iis, quæ dicunt.

Sic fecit Pontifex Sanctissimus Gregorius Magnus. Illius ætate quidam Constantius Episcopus Mediolanensis male audire coeperat, sic ut fama increbrescens ad ipsum usque Pontificem Maximum perueniret. Sollicitus de subditi salute supremus Pastor literas ad eum dabat consolatorias, & monitorias, quarum hæc ferè summa: Quod antiquus humani generis inimicus te linguarum iaculis per homines maledicos configendum putarit, id relatu multorum pridem accepi. Tu inter hæc solum Dei de te districtum iudicium time, & ad eor semper recurre propriam, quem enim conscientia sua defendit, is & inter accusationem liber est, ut & liber sine accusatione esse non potest, quem illa sola accusat. *Huc de re vide Perrochæ 4. & ser. de proditiōe Iuda Tom. 1.* Tum hoc tibi persuadeas velim, non me, non alium quemuis cordatum esse, qui linguosorum istorum criminationibus vel tantillum moueatur, ut propter eas vel suspicari sinistrum quid de te incipiat. Absit enim à Christianorum iudicio, inquit, & ea, quæ de te maledicorum rumoribus conficta sunt, credamus in qualemcunque modulum suspicionis adduci.

Quid verò si persona grauis, & fide digna narret quidpiam, quod vel viderit ipsa, vel ab his, qui viderunt, cerceque sciunt, acceperit, nonne fidem

dabimus? Absit à Christianorum iudicio, ut talia etiam à talibus extrà iudicij locum dicta credamus. Cur istud? Quia ex sacri eloquii testimonio habemus, quod maiora mala, cum fortasse dicuntur, credi non debeant. Quale illud sacri eloquii testimonium? Sodomitarum, ac Gomorrhæi homines pessimi erant, eorumque flagitia tam turpia, ut & foetore terram impleant, & clamore coelos attingerent, atque inde vindictam in suos autores deprecarent. Et quid Dominus noster? Crediditne exemplum clamoribus, qui de consceleratissimorum istorum improbitate ad ipsum ascendebant? Id ex eo intelligetis, quod dixit quando illos clamores aliquamdiu audiuit. Quid enim ait? *Descendam*, inquit, *& videam virum clamorem, quem audiui, opere compleuerint, an non est ista, & sciam*. Gen. 18. 21. Exclamat in hæc S. Gregorius: *Quo descenderet Deus, & quæ essent facta, cognosceret? Aut quid non is, qui ubique est, sciret?* Qui ergo aiebat Deus, qui & ubique erat, & omnia sciebat, descendam ut videam? Respondet Magnus Doctor, hoc idcirco dixisse, *& nostra ignorantia exemplum discretionis daret*, quod doceret, quomodo deberemus mala grauius audita non credere, quando & ipse se dicit, ad cognoscendum descendere, de quo omnibus liquet, quod etiam non descendens omnia sciret. Hæc ferè ille lib. 6. Epist. 14. c. 178. Addo. Si omniscius Deus non statim, ut videtur, crederet tantis clamoribus, quos ipsa flagitiosorum hominum scelera edebant, quis facile credat incertis rumoribus, quos odium sæpè, & maleuolentia de solis suspicionibus excitat?

FESTA MAIL.

De Sanctis Philippo, & Iacobo.

Vide commune Apostolorum infra.

De Sancto Antonino Archiepiscopo Ordinis Prædic.



*E*cce Sacerdos magnus, qui in diebus suis placuit Deo, & inuentus est iustus. Canit hoc elogium Ecclesia cuiuslibet Episcopo, qui rectè, laudabiliterque Sacerdotale suū procurauerit officij velut diceret: En tibi sacerdotè eximiū, qui se Deo probauit, quoad vixit, cuius cum ad trutinam vita vocaretur, reperta est iusta, & talis,

talibus, quæ eadem, & laurum promereretur perpetuam.

Apud sanctum Antoninum cadere ea verba satis testatur facit Ecclesia, quæ illi ea singulariter etiam occidit. At pictores, si quid eorum ad hanc rem valeret auctoritas, idem comprobant. Delineant ii Antoninum trutinam manu alterâ præferentem. Occasionem ita pingendi dedit quidem alia historia, sed mihi etiam dicere velle videntur: *Ecce Sacerdos magnus, qui inuentus est iustus, & tam iustus, ut iustitiæ insignē trutinam ubique circumferat. Sed quomodo magnus, qui cum Antonius ante dictus esset, quando baptizatus, dein appellatus est Antoninus, quando religiosam togam induit, idque propter pusillam corporis staturam? Parvulus homulus fuit, si de corporis mensura illum arbitreris, sed magnus in diebus suis. Quid est magnus in diebus suis? Respondet Innocentius III. Pontifex Maximus: Non tam in diebus temporum, quam in diebus virtutum, singula namque virtutes sunt singuli dies, qui mentem illuminant.* PPP. 293. c. 2.

Itaque si quæras, qua in re magnus fuerit ille alioquin paucillo corpore Antoninus, respondebo, magnum fuisse in diebus non volubilis, & variabilis temporis, sed suis, hoc est, illustrissimarum virtutum, quæ cum illo propemodum infinitæ fuerint, magnitudo eiusdem etiam propè infinita fuit.

Isaias c. 65. ait: *Non erit tibi amplius infans dierum, & senex, qui non impleat dies suos, hoc est, non erit posthæc infans vetulus (vetulum enim scriptura hominem dierum vocat) neque vetulus infans, non enim implent dies suos, qui infantes decedunt. Sed qui hoc vel nuntiis, vel promissi? quid novæ, & inauditæ locutionis?*

Sunt infantes quidam vetuli, sunt & vetuli quidam infantes. Qui multum ætatis in tempore vixerunt sine probitate, longævi pueri, siue vetuli infantes dicendi sunt, ut aiebat Philo ibid. 287. c. 2. Homines improbi, & scelerati sunt pueri, infantes adeo quoad eam ætatem, quæ præcipua est, & ex virtutum diebus constatur, atque ex meritis, & officiis Deo exhibitis crescit. Qui absque probitate, & pietate consensuit, idè absque vita vixit, & vitæ sine annis habet, & sine multis diebus longævam ætatem, nec enim quidquam est vita, cuius studia Dei laudi, gloriæ, cultui non dicantur. Declarat hoc mox Propheta inquit: *Puer centum annorum morietur.* Quis ille tam annosus puer? *Pecator centum annorum.* Pecator ergo tametsi, quod ad corporis annos attinet, decrepitu sit, Dei tamen æstimatione, & coeli cal-

culacione velut recens natus infantulus est, verè enim vivere est sanctè, ac meritorie vivere, & qui abundat virtutibus, ille multorum dierum hominibus dici potest, tametsi ætatis corporalis dies non multos numeret. Ergo veterani infantes sunt, qui magis in diebus non temporum, sed suis, sed virtutum, sed meritorum, & operum bonorum. Ex his veteranis infantibus fuerunt Ioannes Baptista, Nicolaus Episcopus, Dominicus, Thomas Aquinas, Samuel, qui ministrabat ante faciem Domini, quando puer, 1. Reg. 2. & sanctissimus Florentinorum Archiepiscopus Antoninus, qui etiamnum puer sacræ ædes, & Conciones tam deuotus quotidie adibat, ut totius ciuitatis in se ora, oculosque conuerteret. Ibid. 292. c. 1. & 2.

Zachæum mihi videre videor, quoties Antoninus animo occurrit, tanta est morum similitudo, quæ hic illum expressit. Zachæus staturâ pusillus, ut est apud Lucam, siue nanus, ut Anthonius Alexandrinus affirmat, erat: Et Antoninus tam parvulus erat, ut Antonij nomen nimis magnum illi esset, adeoque Antoninum vocandum putarent, qui Christo militem adlegerunt. Zachæus ascendit in arborem sycomorum, siue ficum fatuam, ut Christum videret: Antoninus crucem (quæ per ficum fatuam, Augustino ita exponente, significata, & gentibus, ut Paulus aiebat, stulticia fuit) excepit, cum religiosæ vitæ genus suscepit, ut Christum sequeretur, & consequi post hanc vitam posset ubi illum æternum beatus videret. Zachæus dimidium bonorum suorum dedit pauperibus: Antoninus omnia sua erogabat in pauperes, calices, utensilia tum sacra, tum domestica, ipsa adeo conspectilia, quibus ad legendum utebatur. Parum dixi. Etiam commodatorem accipiebat ab alijs, quibus pauperiem inquam leuaret, postquam sua omnia dispertisset. Romam Florentinorum legatus ad Pontificem missus, cum propius ab Urbe in pauperem incidisset, totum palatium suum ei dedit, oppidum prolixior, quam Martinius, qui dimidium chlamydem dare satis putauit. Zachæus filius Abraham dictus fuit, quia ut ille filium, & hæredem obtulit, ita hic substantiam, & hereditatem. Ita Chrysostomus apud Novarinum. Maiore igitur iure dici filius Abraham potuit Antoninus, qui non substantiam, & hereditatem tantum, sed etiam seipsum Domino obtulit, triplicisque voti insolubili nexu adstrinxit, & propriam suam voluntatem gladio obedientiæ Deo victimam mactauit, &c.

Deus bone quantum fugit Antoninus, ut Archiepiscopatum Florentinum effugeret, quam alij dignitatem

etiam v
ut asse
rat, qu
tamen,
Quand
fere no
patitur

Die n
ab oculi
nisi rib
cero suo
nales ou
fomines
tur, ne
iniurijs
villimo
Corneli
nec vrm
simpas
564. c.

De S
Vi



in terra
in quo p
dat. Qu
ne, vel d
opulenti
brandum
sinapis g
uenit, vt
æstimare
quod in
& magn
amus, ubi
mur. PPP
Si tibi
occurris
bus oble
tates. Se
ta tantu
sum moni
Tam

tatem velis, quod aiunt, & remis prosequantur, ut assequi possent! At si quidem *bonum opus desiderat, qui Episcopatum desiderat*, 1. Tim. 3. qui fugit tamen, vitat onus oneribus alijs omnibus grauius. Quantum enim distat cælum à terra, tantum differt molestia, quam sustinent Prælati, ab ea, quam patiuntur subditi. PP2. 561. o.

Dixi noctem, astu crebar, & gelu, fugiebatq; somnus ab oculis meis, sicq; per viginti annos in domo tua seruauit tibi, dicebat iuste itatur Iacob inhumano socero suo, Gen. 31. ac dicere potest quisquis rationales oues curandas suscepit. Nemo enim alijs insomnes noctes ducit, nemo alijs gelu, æstuque vritur, nemo alijs omnibus cælorum, hominumque iniurijs est expositus, quam qui humeros suos grauissimo imperandi oneri submitit. Ibid. Ut sanctus Cornelius *Episcopatum nec voluit, nec desiderauit, nec vixit, & quidam fecit, & Episcopum fieret, sed ipse vixit passus est, & Episcopatum coactus acciperet*. Ibid. 564. c. 1. Sic & B. Antonius.

De Sancta Catharina Senensi, Virgine Seraphica Ordin. Prædicat.



Simile est regnum cælorum grano sinapis. Itanè grano tantillo inest aliquid simile regno cælorum! Quis tale quid suspicari potuisset? inquit S. Petrus Chrysologus. *Querens in cælo, & in terra Dominus, nihil inuenit, nisi granum sinapis, in quo potentiam totam superna dominationis includat*. Quis non magis immani montium magnitudine, vel diffusi maris latè patentibus spatijs, vel auri opulentiâ, vel margaritarum diuite pretio adumbrandum regnum illud putasset? In exiguo tamen sinapis grano similitudinem regni sui Christus inuenit, ut nos doceret non spectare exteriora, non æstimare rem de his, quæ forinsecus apparent, eò quòd in minimis maior sæpe vis reperiri soleat, & magnam virtutum affluentiam aliquando reperiamus, vbi summam esse earum inopiam arbitrabamur. PPP. 396. c. 2.

Si tibi Catharina Senensis quinquennis puella occurrisset, crepundia, & nuces, & nugamenta, quibus oblectari ætas illa solet, videre apud eam putasses. Sed Angeli cernebant apud eam cælestis vitæ tantam similitudinem, ut manibus tam pretiosum monile exciperent, perq; scalas domesticas sur-

sum, ac deorsum ferrent, ut alijs dulces infantes ad oblectationem circumgestare solent. Inuissiles eam domi agram, reperisses in humili strato, duroque & neglecto lecto decubentem B. Raymundus Capuanus tamen illius confessarius inuenit eam aliquando non iam regnum cælorum quadam similitudine referentem, sed ipsum cælorum Conditorum Christum de facie representantem, &c.

Ita fit nonnunquam, ut vbi minora, & pauciora speramus, ibi & plura, & maiora, & admiranda inueniamus. Ibid. 394. o.

Obseruiebat beatissima hæc Virgo ægrotanti cuidam mulieri, quæ gratuita illius obsequia non aliter accipiebat, acsi debittissima officia fuissent, eamque sibi ex sola misericordia ministrandi de turpi familiaritate non solum temerè suspectam habebat, sed etiam indignè, & improbè traducebat, infamabatque (de quo vide, quæ in Cent. 2. Tomi diximus) neque tamen famulari illi intermittebat, tamen etiam à parente sua grauius increparetur, quòd non destitueret eam, à qua tam turpiter proscinderetur. Ea pura, & puta Virginis misericordia fuit, quæ à benefaciendo non destitit, quamuis non solum nullam speraret ab infirma remunerationem, sed etiam mutuum acciperet, eamque multam pro beneficijs iniuriam. Quem spes remunerationis, & positum ob oculos lucrum ad benè agendum mouet, ille quæstus, & commodi proprii studiosus, nõ sincere amans vocari potest. Ibid. 397. o.

Simile est regnum cælorum grano sinapis, quod minimum quidem est omnibus seminibus. Matth. 13. Si oculorum arbitrium de grano sinapis requiras, quid tam exiguum, quàm illud? Inuenit tamen in eo totius amplissimi cælorum regni similitudinem ille, cuius iudicium falli non potest. Itaque magnitudo, & præstantia rei non est alligata eius moli, sed virtuti, non enim de facie, aut aspectu, sed de pretio æstimatur. PPP. 237. o.

Ego sum Deus Abraham patri tui, dicebat Dominus ad Isaac Gen: 26. neque tamen angustis limitibus dominium suum circumscripit, quia vnus Abraham illi omnium instar erat, & tæpi apud eum reputabatur, quanti alijs homines. Ita ferè Chrysostomus. Hinc videas magnitudinem rei non in mole, sed in qualitate positam esse, alioquin & rude saxum paruo adamante præstantius esset.

Rebecca post diuturnam sterilitatem vnicum tantum partum habuit, satiq; felix fuisset, si etiam solum Iacob peperisset, quia hic illi pro numerosissima prole esse poterat.

Propterea fortunatior est, cui filius vnicus probus, quam cui plurimi improbi. *Ne iucunderis in filiis impiis, si multiplicentur, melior namq; est vnus timens Deum, quam mille filij impij*, aiebat Siracides Ecclis. 16.

Plūs potuit vnus Iosue, qui solis cursum stetit, quam totus mundus. *Veniat omnis mundus magis autem duo, aut tres, aut quatuor, aut decem, & viginti mundi, dicant, & faciant hoc*, inquit Chrysostomus.

Ismaël decem filios genuit, Isaac tota progenies Abrahæ fuit, & illum vocat, *generationes* Abrahæ. Vnius natiuitas nomen generationum habet, vt agnoscamus, magnitudinem rei non in multitudine, sed in bonitate sitam esse. Ibid. 239. c. 1.

Quadrimula puellula, & quinquennium vixdum ingressa domus paternæ scalas inire, ac deire cœpit, perq; gradus singulos adgeniculari, & Virginem virginum salutatione Angelicâ deuenerari, idq; tam piè & ardentè, vt Angeli oblectari isto religioso ergâ Reginam suam officio, Catharinam, quæ illud exhibebat velut pro mutua beneuolentia palmis suis vrbantè exciperent, perq; gradus illos sursum, ac deorsum veherent. Vbi mihi inuenias hodie talem in tali ætacula pietatem, si etiam parentum, quorum est maxima rectè educandorum liberorum sollicitudo & vigilantissima cura, domos circumeas? Alios atque eheu nimis multos reperias, qui rudibus illis annis tam sint docti malè agere, rixari, probra dicere, minas, & pugnos intentare, acsi processioribus annis adulti homines essent.

Nempè ad peccandum ab vtero materno plurimi velut maturi viri prodeunt, quibus ad condiscendam rectè virtutem vix tota, eaq; longa vita sufficit. PPP. 215. o.

Alter gemellorum, quos in vtero suo colluctantes sancta Rebecca senerat, qui prior egressus est, totum in morem pellis hispidus erat, *vocatumq; est nomen eius Esau*, Gen. 25. quod Lyrano, Abulensi, Oleastro, alijsq; idem est ac *factus, consummatus, absolutus*. Tam pilosus erupit, qui primus, vt suo aspectu terrorem incurere videntibus posset, tam hispidus, quam prociustiore ætate vir esse posset, tamarufus, ac si multo sanguine tinctus. Magnum certè hominis omnibus partibus absoluti inditium erat, quodd cum tam densa, proluxaq; pilorum lanugine foras prodijt. Esau allegoricè peccatorem refert, cui sit tam pertinax cum virtute conflictus, quam fuit diuturna illius ergâ fratrem suum Iacob simulas. Et quod ab aluo materna qualis quidam pro-

uectioribus annis vir exijt, eo significati fuerunt quidam, quorum est in primula ætate tanta peccandi peritia, quanta virorum aliàs adultiorum. Ibid.

Orabat quondam in templo Anna tam ardentè, quam vehementer optabat filium, pro quo supplicabat. Os precantis Sacerdos Heli obseruabat, cumq; illius tantum moueri labia videret, & vocem nullam audiret, *astimauit eam temulentam*, & hoc illi probrum dixit: *Uiquequò ebria eris?* 1. Reg. 1. A quo astimauit temulentam? *Quia nimis morabatur in orando*, inquit Abulensis. Indenè verò? Immo, *qui à gratia breuiter fit*, inquit idem, præter communem morem est, moras trahere in oratione, multum temporis dare precibus, & cultui spiritus, talia namque perfunctoriè, obiter, cursimq; plerumq; tractantur, quando non planè intermittuntur. Ibid.

O quoties ebria audiuisset Catharina, si quis Heli orationum eius arbiter fuisset! Cum diebus noctes dabat precibus, interq; domesticas aulinæ operas cum manu veru ad ignem versaret, tantus in anima eius à meditatione illius exardescere ignis, vt vi suâ corpus in ærem attolleret, ibiq; diuiculè inter cælum, terramq; pendulum attineter, donec vtrq; loca secum decernerent, quis eam deinceps contubernalem sibi haberet. Fugisses, credo, tantam ab arreptitia, Heli, nec iam vino, sed spiritu non bono plenam dixisses, si ab orationis ardore sursum agi, & pendere in aère vidisses.

Multa habet præterea hoc Caput, quæ ad laudem huius Seraphicæ Virginis, & Virilitatem auditorum dici pro Concione queant.

Qui ex vita Sanctæ, & Seraphicæ Virginis solum ea perpendat, quæ nos de illa in Tomi II. Indice de Sanctis magno verborum compendia memorauimus, vix absq; stupore leget tam multas, insignitasq; gratias, quibus eam beneuolentissimus Deus, à quo diluiscere aliquantulum apud eam ratio cœpit, cumulatissimè ornavit. Mentior, nisi in maximam admirationem te rapiant, quæ ibi carptim ex innumeris vitæ eius gestis attingimus, nisi profusum saxeus sis, & omni sensu destitutus. Si ex altera parte videas, quantum illa pro Deo & fecit, & tolerauit, non tibi nimis nona accidit effusior Dei ergâ illam liberalitas. Ergâ eos namque est prolixior Dei munificentia, qui alacrius, studiosiusq; illi obseruiunt. Abrah. 129. o.

Ab Abrahamo ad hospitium inuitato Angeli mox admiserunt officium, dixeruntq;: *Fac ut loquar* ea, &c. Gen. 18. Rogati à Lot, vt ad se diuerterent,

respon-

responderunt: *Minimè sed in plateis manebimus*, Gen. 18. & vix multis precibus exorari permiserunt, vt hospitalitatem admitterent. Quid tam prompti erga patrum, tam difficiles erga consobrinum? Abraham oppidò sanctior erat, pluribusque, & maioribus officijs eum honorem meruerat, quam Lot.

Cum sancto sanctus eris, cum viro innocente innocens eris, Psal. 17. Innocens est, qui baptismalem nunquam scedauit puritatem, sanctus qui eam contaminauit, sed lachrymis, & omni genere pœnialium operum rursùm diluit maculas, vt Petrus, Paulus, Magdalena, bonus Latro. Cum sancto ergo sanctus, innocens cum innocente est Deus, quia quemlibet pro suorum meritorum mensura remunerat. Ibid. 130. c. 1.

Etiā in futura vita retribuet mihi Dominus secundum iustitiam meam, & secundum puritatem manuum mearum retribuet mihi. Ita exponit Magnus Greg. dicens: *Quia in hac vita nobis est discretio operum, eris in alia procul dubio dignitatum discretio, & quo hic alium superat, illic retributione transcendat*. Ibid.

S. Bernardus ait, illorum Seraphinorum, quos Isaia vidit, altero cœlestes, altero terrestres representatos, id est homines, quorum corpus in terris, animus, & conuersatio in cœlis est. Remigius Altifiodorensis illud cuiusdam Angeli ad Iesum Sacerdotem magnum sordidis indutum, *dabo tibi ambulantes de his, qui nunc hic assistunt*, Zachar. 3. erantque Angeli, sic exponit: *Dedit Dominus Filio suo de Angelorum numero ministros, quia sanctos suos adhuc in carne positos similes fecit Angelis, unde Apostolus dicebat, Municipatus noster in cœlis est*. Verum ergo est, quod dixit Bernardus, habere Christum etiā in terris quosdam suos Angelos, & Seraphinos. Seraphin idem est, quod ardens. Christus autem ad homines descendit, vt ignem sui amoris illis subijceret, per quem fierent ex hominibus Seraphini. *Ignem veni mittere in terram*, siue hominum corda terrena, & quid volo nisi vt accendatur, (Lucæ 12.) vt vi illius, & vehementiâ colliquefacti homines transfundantur in Seraphinos?

Quærit, porrò vitrà Sanctus Bernardus, cur Deus homines, creaturarum rationalium facili exetemas, & vilissimas, in tam sublimem statum euehat, & Seraphinis cœlorum, quorum ordo est supremus Angelorum, exæquet? Respondet Doctor melissius, & ad Luciferum conuersus ait: *Vt tabescas amplius, & limore torquearis, non qualescunque, nec*

inferioris alicuius ordinis Angelos, sed Seraphim posuit. Homo in Seraphim per ardentem Dei amorem transformatur, vt dæmon illum videns inuideat, & crudelissimè torqueatur. Nam cum is ex supremo illo Seraphinorum ordine in abyssum inferni prolapsus fuerit, absque intolerabili cruciatu videre non potest, quod miser quidam è luto factus homulus obtineat sedem beatiatis, ex qua ipse in putentissimam mundi sentinam pudendissimā prolapione decidit. To. 1. p. 295. b. Hinc accipio, quamobrem sauis ille Orci lauernio sanctissimam Virginem Catharinam Senensem tam & mortaliter semper odit, & immaniter vexauit, non per se tantum, sed etiā per auxiliares suos famæ eius, & exultationi clam, palamque detrahens, cum aliter incommodare illi non posset. Videbat illam adhuc paruulā à sanctis Angelis tanquam curru ipsius Dei per æra vehi, quos sibi velut ad obsequium, & reuerentiam adstare optabat, quando aiebat: *Sedebam in monte testamenti*, Isa. 14. Videbat tantam esse erga illam Christi beneuolentiam, vt ad cellulam eius è cœlo descenderet, Psalmsque cum ea Dauidicos alternatim legeret, vt iam non duo Seraphim, quemadmodum apud Isaia, sed Seraphinorum Dominus, & Seraphica Virgo laudes diuinas mutuo, vicissimque celebrarent. Videbat illam ardentissimi amoris vehementiâ in Christum sic transformatam, vt ipsum non solum de coronæ spinæ regio diademate, verum & de facie referret. Cum inter horum aspectum recogitaret, se, quoddam olim eidem Altissimo per turpem ambitionem similis esse voluerit, in sordum despicabilissimumque cacodæmonem deformatum, quomodo videre poterat, pauperem puellam hoc obtinuisse dignitatis, & in eum euectam statum, à quo ipse exciderit, & non inuidere, & quod inde sit, non odisse, quam Deo tam charam cernebat?

S. Gregorius Nazianzenus Orat. 37. ait: *Quo puriorem cernit malus dæmon animam eò, enixius commaculare, atque inquinare contendit, quo sanctiorem, chariorem sponso suo Christo eam videt, eò fraudulentius persequitur, & tentat pertinacius, & conspurcandæ illius pulchritudini contentiosius insistit*. PP2. 557. c. 1. Testari hoc beatissima Virgo Catharina Senensis potuit, quam cum validissimo animi proposito ad perpetuæ castitatis studium obfirmatam Orci lauerniones vidissent, scdissimas nudorum vtriusque sexus hominum figuras induerunt, atque in eis tam nefandas commixtiones in secretiore pudicissimæ Christi Sponsæ cubili assu-

mulârunt, vt audire sit horror, atque ita repræsentârunt, vt etiam clausis, & oppositâ manu obturatis oculis eas cernere cogeretur. Sic vniuersim crudeliùs eos persequitur, quos studiosiùs, & accuratiùs Deo seruire obseruat. Ibid. 355. o. Vt meritò dixerit Cassiodorus: *Graviores insidias antiquis aduersarij tunc subimus, quando Dei dona suscipimus.* Ibid. 356. c. 2.

FESTA IVNII.

De Sancto Ioanne Baptista Nato.



Elizabeth impletum est tempus parientis, & peperit filium. Processerat in diebus suis, & tam vetula erat Elizabeth, quando hunc filium suum concepit, vt erubesceret sætus, quamvis legitimi gestare inditia, & grauari alienæ ætatis onere, quæ regendis liberis aptior esset, quàm erendis. Tantusque pudor propter longæuam ætatem eam inceserat, vt toris quinque mensibus se occultaret, cum alius non sui temporis fructu tumesceret. Ità ferè S. Ambrosius apud B. Thomam in catena. Quare in tam longos annos prorogauit Deus beneficium, quo hoc tam sanctum par coniugum exhilarare, & felicitare volebat? Mihi similis videtur causa ei, ob quam Sara concepit, & peperit filium in senectute sua, Gen. 21.

Nam sicut hanc gratiam distulit Dominus in festam Saræ senectutem, ei que nonnisi iam decrepitæ filium dedit, qui totum mundum gaudio, domum paternam risu impleuit, vt donum ex se alioquin pretiosum haberet etiam ex tardatione maiorem æstimationem. Abrah. 161. c. 1. Sic Elizabethæ post diuturnam expectationem, & post desperatum iam omnem conceptum concessit vt mater fieret non cuiusvis filij, sed Ioannis, qui inter natos è mulieribus maximus suâ natiuitate omnes in admirationem rapuit, & lætificauit, vt carior esset, digniorque haberetur, qui longis desiderijs concessus.

Ita vt pretium cuique rei concilietur, concedi nisi post longam expectationem non debet, solet enim quod faciliè datur, faciliè vilescere, deque exi-
stimatione sua cadere. Ibi. 159. o.

Christus his, qui in nomine eius credunt, dedit potestatem filios Dei fieri Ioan. 1. non autem statim esse filios Dei, Quamobrem? *Non statim fecit*

eos filios Dei, ne per ignauiam perdant gratiam, sed dedit potestatem, quò diligentiores fiant, nimirum vt tantæ dignitatis gloria cum differretur diutius, expecteretur auidius, & seruaretur cautius. Ita ferè S. Chrysostomus ibid. Vide calcem illius capituli, atque inde perge ad loca ibidem subnotata, inueniesque plurima de hoc argumento alibi tractata.

Sæctus Petrus Chrysologus serm. 89. obseruat, quod B. Lucas, vt extolleret Ioannis hodie nati gloriam, Zachariæ patris, & Elizabethæ matris genus dixit, auos memorauit, titulos locutus est, gradus digressit, dilatauit insignia, denique oratores magnos, & excellentes ingenio imitatus est, qui quoties illustrium virorum parant narrare virtutes, auos, atque nosque commemorant, vt ad honorem presentium accedat dignitas antiquorum, & laus patrum filiorum redundet ad gloriam. Hæc ferè ille. Sed non est honorificum, & gloriosum à nobilibus, & gloriosis parentibus esse oriundum, nisi nobiliter viuas, & gloriosis operibus studeas, quisque enim suorum operum est filius. Abrah. 166. o.

Fruolum est, proauorum iactare titulos, aiebat S. Petrus Dominicanus.

Iosue filius Nun dictus fuit à patre, quamdiu ipse nihil præclarè gessit, at simulac propriis factis clarescere capit, perpetuò deinceps Iosue appellatus fuit, nullâ patris mentione factâ (quod doctissimus Arias Montanus obseruauit) quia iam suorum operum filius factus fuerat.

Iemini idem est, quod *dextera*. Dextera autem solertiz, & sagacitatis symbolum est. Ergò Chusai, qui antea Arachites à patre suo nominari solebat, post hæc cum suâ dexteritate consilium Achitophelis dissipasset, ab illo egregio facinore cognomen Iemini accepit, alterumque à patre veniens nomen obliteratum fuit, magis enim nobilitant præclara gesta propria, quàm sanguis illustrium auorū. *Mos Scriptura sacra ab studiis, tanquam à parentibus filios nominare,* inquit Euthymius. Ibid. 167. c. 1.

At si ab studiis propriis tanquam à parentibus nominamur, vt ille aiebat, idque ex more scripturæ, quæ Iosue, & Chusai inde nominauit, possumus nobis nos ipsi magnificum per heroica facta nomen comparare, & excitare genus, ac familiam, nec quenquam contristare debet obscuritas, tenuitas, vilitas maiorum, ex quibus originem duxit. Abrah. 167. o.

Elizabeth Zachariæ magnum virum genuit, Ioannem Baptistam. Ita canit sancta mater Ecclesia. Virum! Et magnum virum! Et quomodo illi clamabant,

bant, quis putas puer iste erit? quomodo item die octavo venerunt circumcidere puerum, si vir, & vir magnus iam erat? Hi ex sæculi more ætatem ex tempore æstimabant. Ecclesia verò ut sponsa Dei loquitur, in cuius domo nulla est nisi meritorum, & sanctitatis antiquitas, & ille annis maior, qui meritis. PPP. 287. o. Et quoniam Ioannes adhuc in utero matris repletus spiritu sancto fuit, magnum virum illū mater genuit quia valdè sanctum edidit.

Iacob antiquior Deo, quàm Esau fuit, quia ille pius, ac probus, hic verò profanus, ut Apostolus illum vocat, gulositati, aliisque vitiis deditus erat. Ibidem.

De Abraham, & Sara dicit scriptura: *Erant ambo senes, promectaq; ætatis.* Gen. 8. Origenes, & Philo notarunt, hos primū à sacro scriptore vocari senes, cum plurimi plurimis sæculis eos superauerint, ut Seth, Enoch, Cainan, Marhufalem, Lamech, &c. *Neminem legimus hac appellatione dignum habitum, inquit Philo, nam reuera senior non ex longitudine temporis, sed ex laudata vita putatur. Siquidem qui multum ætatis in tempore vixerunt sine probitate, longæus pueri dicendi sunt.* Dictum verè, & pulchre.

Paulus Philemoni dilecto, & adiutori nostro, & Appia sorori charissima, & Archippo commilitoni nostro &c. Phil. v. 1. & 2. Obserua in his cum B. Anselmo, quòd Paulus Appiam mulierem in medio duorum cõmilitionum posuit, & præposuit eorum alteri. Quo documento? *Ut videatur non sexus rationem habere, sed meriti,* inquit ille ib. 288. c. 1.

De sæculi more descendit, quòd Ieremias se puerum vocauit, quando vocabatur à Deo, ut officiū prædicationis susceperet. Sed à D E O, qui aliter de ætate pronuntiat, audiuit: *Noli dicere, puer sum,* Ierem. 1. virtus enim annos facit, & annos eos, qui sunt rudes ætate. Ibid. 288. c. 2.

Dicere ergò illi debuerunt: *Quis putas vir magnus iste erit?* Ætatis enim magnitudo non ex dierum numero, sed multitudine meritorum pensanda est, ille namque solum viuit, qui meretur, ille plures dies numerat, qui virtutibus præstat. Ibid. 290. o. *Habes in utroque hoc c. pulchra, & docta.*

Quis putas puer iste erit? Luc. 2. Magis extollere non potuerunt hi montani Iudæi Ioannem, quàm cum dixerunt, effari se non posse, quis ille, quantusque futurus esset. Artificiose namque Rhetorices solertia est, dissimulare, quid res quæpiam sit, ut sic magis amplificetur per tacitam exaggerationem. Abrah. 63. o. Sic DEVS Abraham di-

cebat, se futurum illius mercedem magnam æmis, nec tamen vllā comparatione magnitudinem illam exposuit, ut ita maiorem illi constaret admiratio-nem. Sic Daniel cum Babylonios cum leona, cum vrsu Persas, Macedonas cum Pardo contulit Romanos cum nulla ferarum similitum comparauit. Causa huius apud S. Hieronymum ea est, *ut formidolosam faceret bestiam, vocabulum tacuit, quod cum supra leonem, & vrsu, & pardum in tribus regibus posueris, Romanum nulli bestia comparabit, ut tacite simul indicaret omni ferā magis ferus fuisse Romanos.* Sic & Prophetia regis aiebat, magnam esse multitudinem dulcedinis D E I, quam absconderit timenibus se, Pl. 31. quæ idcò absconditur, ut aptius declaratur, ut ille ait. Ibid. 64. c. 1.

Inuuebant patri eius, quem vellet vocari filium suum. Surdus ergò fuit Zacharias, apud quem stultè alioquin nutibus egissent, cum verbis uti potuissent. Idem vocabulum κωφός & surdum significat, & mutum, ut aiunt Chrysostomus, Theophylactus, Euthymius. Rectè illud, nam & idem homo, qui mutus est, consequenter fit surdus, & cui lingua impedita est, eius auditum quoq; obstrus necessarium est, inquit Lactantius. Quamobrem illud: *Ut quia vocem emittere non potest, ne admittere quidem possit.* Vide hinc admirabilem Naturæ providentiam, quæ sic humani corporis disposuit facultates, ut quo momento lingua promere verba desinit, etiam aures haurire nulla possint. Quo documento? Illo, ut dicamus, quòd officia ab aliis frustra expectat, qui non præstat, & quòd dare debeat, qui vult accipere.

Cum res penè omnes, etiam sordidissimæ, & indignissimæ habuerint religiosum apud cæcos Gentiles cultum, sola cæca Mors neque venerationem habuit, neq; templum. Quid ita? Quia & ipsa nemini vnquam detulit, nulli gratificata vnquam fuit, sed ergà omnes tetrica & inexorabilis semper fuit. Non debuit ergò habere honorem ab aliquo, quæ nulli impendit. Sic & frustra petit debitum, qui quod debet, non soluit, inquit Glossa quædam. Vulneratum sibi cor ab vno oculorum sponsæ sponsus Cant. 4. aiebat. Cur vnus illum maximè oculus ex omnibus membris fauciauit: Oculus quia potest videre, & videri, illex, & index solet esse amoris, inquit Balduinus. Non habere membra cætera, quod oculi, qui mutus spectant, cum spectantur, & pares vices reddunt, intuitum intuitu excipientes. Hi ergò & indicant, & alliciunt amorem, qui aspectum

aspectu compensant, & obtutu merentur obtutum. Abrah. 91. c. 1. & 2.

Et inmerunt patri eius, quem vellet vocari filium suum. Fuisse etiam surdum, neque mutum tantum, id ex his verbis colligunt boni autores paulo ante memorati. Quare linguæ, simulque auditus usu orbatus bonus Zacharias fuerit? Respondet Theophylactus: *Merito duo hac passus est, & quod non audires, & quod non loqueretur, quia enim non obedierat, condemnatur et surdus fit, & quia contraxerat, & sitileat.* Abrah. 139. c. 2. Solet nimirum DEVS affinis, & analogia peccatis supplicia irrogare. Ibid. 138. o. Quare cur Deus ignem contra naturæ conditionem deorsum ad vastandos turpes Sodomitas submittere voluit, respondebitq; Chrysostomus: *Erat iusta retributio his, qui natura subvertierant leges, feminas in masculis quærentes, & inuertiatur & in eis natura ordo, & fiat eis naufragium ex igne quasi ex aqua.*

Per peccatum obbrutescit homo, iuxta illud Ps. 48. *Homo cum in honore esset, non intellexit, comparatus est iumentis insipientibus, & similis factus est illis.* Merito ergo capite minui posset, quisquis mortaliter peccat. Quamobrem? *Quia capite solo à bestiis distamus, & rescisso capite reliqui corporis truncus bestiarum corpori comparatur, & ideo sapientia ex te iure fraudatur, qui sapientia non potius genere rationem.* Ita S. Ambrosius.

Quod vel Lamech, vel alius quis Cainum interfecerit, scripturæ litera non dicit, ut ferè est apud Burgensem. Sed cur scriptura non æquè Caini, atque Abelis mortem commemorat? Respondeo. Cum iustitiæ Dei consuetudo hoc habeat, ut ex eo peccatori pœnam plerumque adornet, quo ille ad culpam usus fuit, facile est cogitare gladio periisse, qui gladio feruit, & superuacaneum fuit narrare, quod res ipsa loquitur.

Cuderat in corde suo Absalon cogitatus impios, consilia nefaria, machinationes sanguinarias. Itaque lanceis cor illud transuerberatum fuit, quod tam improba proposita aduersus optimum patrem concepta erant. Ita ferè Abulensis.

Multos in natiuitate Ioannis gauisuros Archangelus parenti eius denuntiabat. At si alii, siue ii cognati, siue vicini lætari fuerunt, quando Ioannes natus, quantam ex tali filio voluptatem parentes eius hauserint! Nam esse genitores liberorum sanctorum tanta est felicitas, ut humana cum illa certare, & comparari alia nulla possit. Abrah. 162. o.

Isaac idem est, quod risus. Senicula mater illius,

quando recens puerpera erat, inquebat: *Resum fecit mihi Deus, quicunque audierit, corridebit mihi.* Gen. 21. Merito autem à risu nomen accepit filius, qui tantam lætitiæ voluptatem peperit suis parentibus, merito putauit Sara, gauisuros omnes quotquot illum natum intelligerent, quia tam sunt fortunati talibus liberis parentes, ut congaudere, & congratulari eis omnes possint.

Vehementer cupiebat Dominus, sed non nisi consentiente Moyse, occidere sacrilegum populum, qui per summam impudentiam diuinum cultum inani, & inanimi vituli simulachro exhibuerat. Vide autem quibus promissis Moysen in eam sententiam pertrahere voluerit. Si me dimiseris Moyses, inquebat, *& irascatur furor meus contra eos, & deleam eos, faciam te in gentem magnam, hoc est, in generationem sanctorum, ut exponit Glossa interlinearis.* Non putauit efficacius Moysen permouere ad assentiendum posse, quàm si promitteret, vel le proborum, & piorum liberorum patrem facere.

Plurima bona imprecatus fuit cæcus ex senio Isaac suo Jacob, & Brugenſi non satis ampla videtur benedictio, quam illi Gen. 27. v. 28. & 29. impertit. Quid ita? *Non legitur, quod Iacob fuisset benedictus à patre suo de propagatione hominum, inquit ille, tanquam putaret, perfectæ benedictionis eximiationem non mereri eam, quæ non simul optet sanctos liberos.*

S. Gregorius Nazianzenus mirum illud hac de re pronuntiat. *Qui simul & multos, & probos, atque honestos filios habuerit, in fabulis fortasse reperias. Mihi maximum, & clarissimum esse videtur, felicitas in liberis.* Ibid. 163. c. 2.

Quantæ ergo felicitas fuit Zachariæ, & Elizabeth, quorum filius in vtero sanctificatus materno ab ipso Deo visitari meruit, & magnus fuit coram Domino, ac tam magnus, ut in summum summi Dei verticem suâ manu peruenire potuerit!

In Festo Apostolorum Petri, & Pauli.

Quem dicunt homines esse filium hominis? Quærebat hoc ex discipulis suis Christus. Origenes apud S. Thomam in catena aurea vult hoc interrogasse, ut nos semper scrutemur, qualis opinio sit apud homines de nobis, ut si quid malè dicitur, occasione illius præcindamus? Hæc ibi. Sed quid si falsi aliquid de nobis comminiscantur? Dummo-

do habeamus Deum nobis additum, dicta de nobis aliorum ne curemus. Abrah. 97. o.

Quod Abrahæ Dominus aiebat: *Ambula coram me, & esto perfectus*, hoc multis bonis autoribus tale est, quale si dixisset: *Mihi solum attende, ceteros ne cura*, labora ut mihi placeas, hominum gratiam bonam, malamque susque deque habe. Nam si iustam offensæ causam nemini præbeas, hominum iudicia, arbitria, dicta contemnere potes, & benè contentus viuere, dum me contentum habeas.

Dauid beatum illum dicebat, non qui non peccârit, sed cui Deus peccatum non imputârit. Cuius hanc reddit causam S. Pet. Damianus: *Omne enim, quod ipse nobis non imputare decreuerit, sic est, quasi non fuerit*, ut qui illum additum habet, non habeat quod metuat.

Sponsa nigram se dicebat, sed formosam, & de hac pulchritudine sibi gratulabatur. Sed quomodo formosa, si nigra? Et quid æquè deueniunt mulierem faciem, ac attror? *Nigra sum iudicio mundi*, respondet pro illa Petrus de Aliaco, *formosa iudicio Dei*, cumque his oculis sim elegans, nihil curo, quod mundo videar deformis.

De Lazaro mortuo dicebat Christus: *Eamus ad eum*. Sed quomodo ad illum, qui iam non erat ille? *Viuebat Christo & Deo*, inquit Theophylactus. Qui Christo viuebat, ut viuus haberi debebat, quanquã aliis mortuus esset.

Ut Deo quidam viuunt, qui hominibus mortui, sic & hominibus alii nonnulli viuunt, qui Deo mortui. Dauid de huius sæculi quibusdam diuitibus aiebat: *Dormierunt somnum suum*, Pl. 75. Dormisse somnum suum idem est, quod mortuos obisse mortem suam. Itaque mortui erant, priusquam morerentur. Omnino. *Benè somnum suum dormiant saculares viri, quia licet sæculo vigilent, Deo dormiunt*, inquit S. Ambrosius. Ibid. 99. & seq.

Vos autem quem me esse dicitis? Quæsierat Dominus ex Discipulis suis: *Quem dicunt homines esse Filium hominis?* velut aliis verbis dixisset: *Quam in mundo existimationem obtineo?* Quid de me vulgò dicitur? Quid de vita, deque miraculis meis in foro, & per compita loquuntur? At illi dixerunt: *Alii Ioannem Baptistam te affirmant, alii autem esse Eliam contendunt, alii vero Ieremiam, aut unum ex Prophetis esse volunt*. Cum hæc ille audisset, nihil quidem miratus fuit tot capitum tam varias esse sententias, conuersus verò ad Discipulos suos ait illis: *Vos autem quem me esse dicitis?* Quodnam est vestrum de me iudicium? Quæ vestra de meo Patre

sententia? Quo me genitore natum censeis? Quid est, quod Dominus noster, qui eo consilio iudicium de se aliorum exquisierat, ne quis in agnitione illius hallucinaretur, aut erraret, cæterorum opinionones susque deque habuit, & solam Apostolorum valere sententiam voluit, cum ait: *Vos autem quem me esse dicitis?*

Hanc mouit, & soluit quæstionem S. Ioannes Chrysostomus, sic ex Christo ad Apostolos dicens: *Nullam imperita multitudinis rationem, Vestræ meorum præconum habeo. In vobis res humane nutant, in vobis perscrutantur. Et quemadmodum Vestræ cognitio publicam mortalium beneficium, sic Vestræ iustitia totius orbis detrimentum, adeo vos quem me dicitis?* Destinati erant Apostoli Principes Ecclesiæ, Pastores gregis dominici, atque in his Petrus caput omnium Christi fidelium. In illis, post Deum, collocata erat veritas, & recta cognitio reconditorum legis novæ mysteriorum. Postposito igitur totius orbis reliqui iudicio, solam Apostolorum de se requirit sententiam, ut ex qua seu vera, seu erronea cæterorum omnium vel rectum, vel sinistrum penderet arbitrium. Dum capita, superioresque modò rectè sentiant, errorem subditorum metuere non possumus, nec debemus. At si Principes hallucinentur, quid aliud timere possumus, quam ne falsâ opinione imbuant etiam eos, quos susceperunt gubernandos? PP2. 519. c. 1.

Tanta nempe est vis, & efficacia exempli, ut plus videatur liberum suâ tyrannide opprimere arbitrium, quam mouere voluntatem. Ibid. 518. o.

Ad finem istius cap. adscripti alia ex Tomo 2. loca, unde plura mutuari possis, si de hoc argumento differrere apud auditores fortè placeat.

Quod vna vilis ostiaria ancillula Petro mentienti, & negandi occasionem præbuit, ob hoc ille postea etiam pietissimis mulieribus, interque has etiam Magdalenæ, vera nuntiantibus credere noluit, Merito illud. Nam quod semel exitij nostri causa fuit, semper timeri tanquam suspectum salutis nostræ instrumentum debet. PP2. 552. o.

Postquam Laban Iacobrem sæpè iam circumuenerat, & mercedem eius decem vicibus mutauerat, voluit ab illo emigrare, stultitiæ se arguendum arbitrans, si fidem deinceps haberet homini, à quo tam crebram fraudem passus fuerat.

De Ephraim ait Oseas 7. *Factus est quasi columba seducta non habens cor*. His verbis hominum de illa tribu simplicitatem cum imprudentia coniunctam notare voluit. *Si causam requiris*, ob quam Ephra-

im eam exorde columba confertur, ipse eam statim *Prophetia* adfert, cum subdit: *Aegyptum inuocabant, ad Assyrios abierunt; inquit Pelusiora. Nullos habuerunt Israelitæ infensiores hostes, quam Aegyptios, & Assyrios. Stulte ergo fecerunt, quod eorum opem positi in angustiis requisierunt. Ibid. 552. c. 2.*

Ab Ammonitis in supremam necessitatem redacti Israelitæ Brennum ducem Iephthe implorârunt, ut is exercitus moderationem suscipere, velut certi de liberatione, si talem haberent belli imperatorem. At ille cum stomacho respondit: *Nonne Vos essis, qui odistis me, & eiectus de domo Patris mei? Iud. 1. vbi Lyranus: Non statim credit eis propter eâ, quâ passus fuit ab eis. Ibid. 553. c. 2.*

Putarunt quidam non contemnendi autores demoni animam lobtis commendatam, ut eam tanquam Angelus quidam custos tutaretur, cum ei dictum fuit: *Animam illius serua; Iob. 2.*

Verum Olympiadorus ait: *Non id Deus mandauit diabolo, ut pro Iobis anima salute excubaret? Quidni? Responder: Nam qui tandem hostem à bene merendi suapte sponte, ac naturâ abhorrentem tuenda anima praefecisset? Sic noli commodorum tuorum curam illi credere, quem exitij tui cupidum venatorem nosti. Ibid. 554. c. 1.*

Quamquam Saul Dauidi pro ingentibus beneficijs plurimum se deuinctum cum lachrymis fastus esset, & suam cum illo amicitiam validissimè redintegrasset, *Dauid tamen, & Viri eius ascenderunt ad tutiora loca. 1. Reg. 24. Quamobrem? Quia non crediderunt verbis Saulis, cuius infidelitatem, & instabilitatem, & odium roties fuerant experti, &c. Ita Carthusianus. Ibid. 554. c. 2.*

Cum eatenus finis boni, quatenus à malè agendi occasione procul positi, debemus illam sic vitare, ut etiam Angelos humanis lineamentis tectos fugiamus. Abrah. 118. o.

Petrus bonus erat, quamdiu in collegio Apostolico positus, simulac in aulam, & atrium Principis Sacerdotum incidit, Christum negauit, factus latro in domo Caiphæ, cum latro factus sit Petrus in cruce, ut ait Sanctus Drogo. Si Petrus aulam fugisset, effugisset negationem. Tanti refert vitare occasionem.

Summates Iudæorum decreuerant, neci dandum Christum, cauerant tamen, ne hoc in die festo fieret. Fortè cum à concilio, vbi mors Christo constituta erat, digressi sunt, hoc alter alteri quàm enixe commendauit. *Non in die festo. Et nihilominus in*

parascæue, ut est apud S. Ioannem c. 19. v. 14. Hoc est, in ipsa ad magnum festum præparatione, in cruce actus est. Qui factum? Responder Chrysostomus: *Quamquam ita statueretur, ut ne occideretur in die festo, non tamen expectauerunt, sed inuenso proditore occasionem arripuerunt. Facit hoc casus, ut maxime faciamus, quæ minimè antè voluimus.*

De Lot dicitur Gen. 14. *Habitabat in Sodomis. In ea verba sic ait Origenes: Alia eius bene gesta non legimus. Cetera à charitate in pauperes, ab hospitalitate erga peregrinos luculentissimè illum Sacra Scriptura tum vetus Moysis, tum noua Pauli commendat. Quid ergo sibi vult illud Origenis, quod alia facta sancti Lot non nouimus, quàm quod in Sodomis habitauit? Sodomitæ pessimi erant, & peccatores caram Domino nimis. Quod ergo inter eos vixit, qui quàm malo exemplo, tam magno numero ad peccandum præbant, & inter promptas peccandi occasiones constantiam tenuit, id tam stupendum opus fuit, ut alia eius facinora, quantumvis præclara, & illustria, omnia obsecret, ac velut oppanso velo tegat. Bene ergo dicebat Origenes, bene gesta sancti Lot alia non nouisse, quàm quod in Sodomis habitauit, nam gesta illius quæcunq; alia in magnis, & memorabilibus operibus recenseri non possunt, si cum eo componantur, quod iuxta ignem non incaluit, proximè niuem non refriguit, inter medios obsænos castus perdurauit.*

Agari fugitiuæ apparuit Angelus in solitudine, quæ postquam ab eo solatia, monitaque varia accepisset, ait: vidisse posteriora eius, quo visa fuerit, Gen. 16.

Quomodo potuit videre posteriora eius, à quo videbatur? An fortè à tergo Angelus præferebat oculos, ut sic posteriora videntis se videret? Viderit illam Angelus antè quàm videretur, & loqueretur, simul autem loqui, & obvertere tergum capir, itaq; posteriora vidit eius, à quo visa fuit. Sed cur illi dorsum obuertit hominis figuram indurus Angelus? *Ad modestiam, & puritatem edocendam ita obuersa vultu loquebatur solum cum sola muliere in eremo, inquit Fernandus. Poterat Angelus os, oculos, vultum totum mulieri solitariae sine periculo exhibere, voluit tamen secus facere, ut vir, & mulier, quos ad colloquendum in loco priuato, & solitario necessitas cogit, non oculos oculis misceant, cum misceant Sermones, idq; propter occasionis periculum, postquam etiam Angelus noluit de facie agnoscere ab ancilla, quacum verbis communicauit. Si*

Angeli

Angeli tam sunt cauti, qui tam securi, cur homines periculo expositi non timeant? Ibid. 119. & seq.

Quo tempore Petrus seruabatur in carcere, *fi-
bat oratio ab Ecclesia sine intermissione ad Deum pro
eo.* Refert Lucas Act. 12. S. Ioannes Chrysostomus ait, non temerè scripsisse Lucam, *preces pro Pe-
tro assiduas ab Ecclesia fuisse, sed ut à nobis intelligen-
retur, quantam vim habeant preces in calo, et à
periculo Petrum, & Paulum eripiant, Ecclesia co-
lumnas, Apostolorum Principes, terrarum orbis
manus, commune totius terra, marisque propugnacu-
lum.*

Omnis apud Deum plurimum valet oratio, sed
assidua, & quæ sit sine intermissione, ea illum magis
capit, & subigit. PPP. 280. o.

Viginti annis *deprecatus est* Deum Isaac pro Re-
becca vxore sua, siue ut alia litera habet, *multiplica-
uit preces,* cumq; tam pertinaci orandi contentio-
ne in validissimam pectoris diuini arcem arietaret,
nec de animo quidquam remittebat in tam diutur-
no obsecrationum conflictu, nec interpecebat ali-
quando illius feruor iater precandi assidua, tamque
longa certamina, quare & illustre sui laboris conse-
cutus est præmium, nam *exaudiuit eum Dominus,*
& dedit conceptum Rebecca, & Isaac filium obtinuit,
Deus qualem, & quantum! Verbo, Iacobtem.
Ibid. & seqq. ubi multa pulchra de efficacitate assi-
duæ, & pertinacis orationis.

De Commemoratione S. Pauli.

Vide supra de illius Conuersione.

FESTA IULII. De Sancta Maria Magda- lena.



Sanctus Lucas postquã narrasset cura-
tum à Christo seruum Centurionis, &
redanimatum filium viduæ Naimiticæ,
hæc subiungit: *Etece mulier, quæ erat
in ciuitate peccatrix, &c.* tanquã dixisset: Op-
pido grandis miraculum vobis referam. Quale
nam illud? Mulieris conuersionem memorabo, quæ
vestium luxui, & impuræ vitæ consuetudini renun-
tians sanctitatem colere, & malefacta sua amaris la-
chrymis diluere cepit. Insinquare hic videtur Euan-

Tom. IV,

gelista, tam ingens miraculum esse conuersionem
hominis libidinosi, vt minùs existimari possit curaf-
se desperatum ægrum, & resuscitasse mortuum,
quàm ad castam mentem redaxisse hominem carnis
inquinamenti deditum. Abrah. 50. c. 1.

Cùm vitia cætera carceres quidam sint, carnis la-
sciuia infernus est. Ibid. 48. o.

*Utr cognouit, quod IESVS accubisset, attulit ala-
bastrum unguenti.* Sapienter hæc verba discutit do-
ctus Maldonatus: *Apparet eam mulierem excita-
tam famâ Christi, occasionem antè quæsiuisse, et sua
ad eius pedes peccata projiceret.* Opportunitatem
quæsiuit offerendi cælesti medico sua vulnera cu-
randa. Quare simulac cognouit, eum esse in domo
Pharisæi, loco scilicet curationi idoneo, protinus
accurrit, & præsentem auidè arripuit occasionem.
Non enim adfert salutem medicina, nisi opportunè
exhibita, vel accepta, vertiturque in venenum, si
intempestiuè accipitur. Abrah. 72. o.

Propterea Christus, *et vidit Iudeos ad sermones
obsurdescere,* resuscitatione filii Iairi, talibusque
factis ipsos instituit, ac medicina medicinam accom-
modat, *miraculisq; miracula,* inquit S. Alterius. Me-
dicinæ medicinam accommodare est commodo
tempore & opportunis occasionibus (quod Christus
faciebat) eam adhibere.

*Cum audisset David, quod tonderet Nabal gregem
suum, misit decem iuuenes,* 1. Reg. 25. vtannonam
ab eo peterent. Per id tempus instituebant custo-
des pecorum ex more pastoritio conuiuia, & diem
illum celebrabant, quibus oues suis velleribus nu-
dabant. Et cùm sint plerique tunc profusiores ad-
dandam, cùm effusiores in vinum, idcirco David
tunc implorandam putauit beneficentiam Nabalis,
cùm illum ex copiosiore vino hilariorẽ, largitio-
remq; fore putauit.

Tempus dilectionis, & tempus odij, inquit Salo-
mon Eccles. 3. Quodnam illud? Quod dilectioni,
est adedò vtile, commodum, opportunum, inquit
Nyssenus.

Paralyticum illum, quamdiu in grabatulo de-
cumbat, non monuit Dominus cauere deinceps
peccata, ne quid illi deterius accideret, sed quando
illum posthæc in templo inuenit, *tunc tempestiuam
adhibuit admonitionem,* inquit Chrysostomus.

*Utr cognouit, Magdalena, quod IESVS accubisset
in domo Pharisæi, attulit alabastrum unguenti, &
stans retro secus pedes eius, lachrymis caput riga-
re, &c.*

Nimis mulierem, & minùs quàm par erat, ve-
recundam

G

recundam dicat quis fuisse hac vice Magdalenam, si attentius, quæ hic fecit, dispiciat. Nobilis forma erat, & peropulenta, & toti urbi nota. Quam parum ergo decuit illam, quod in medium conuiuium, in locum, ubi virorum, eorumque primariorum ad festa gaudia inuitatorum amplissimus conuentus erat, importuna irruit, illachrymans, & altum ciuilans, & miserabiliter vociferans, & communem lætitiæ voluptatem tragicis istis actionibus interpellans, & non satis recta caput, sed capillamentum ut iubas spargens, & laxam humi trahens vestem, sola & incomitata, neque ullam rationem habens murmurationis, & obtræctionis publicæ, cui causam non qualemcumque ministravit. Ita ferè S. Augustinus. Nonne consiliarius fuisset, occasionem remedij expectare magis opportunam, & tempus aliud commodius, quam tunc se insinuasæ, quando vel stulta putari potuit, vel omnino effrons, vel prorsum desperabunda? Quomodo ergo mulier aliquin cordata, & prudens, & optimis moribus imbuta neque vulgi diſſectia, neque virorum spectatissimorum scommata curauit.

Respondet Magnus Doctor: *Quæ flebat in sui fornicatione fortasse esse frontosa, frontosa facta est ad salutem.* Fabula vulgi erat, & quanquam non ignoraret, quam malè apud omnes audiret, voluptatibus nihilominus suis, ob quas tam malè audiebat, perlicenter indulgebat, non curans quod senibus opprobrio, infantibus esset ludibrio, tanquam fronte non perfricuiſſet solum, verum etiam posuisset totam. Ergo quam nulla verecundia prohibuit, quod minus turpibus consuetudinibus, suspectis congressibus, inconcessis cum impare sexu commerciis, & vsui virorum libidinosorum familiari vacaret, ea etiam curare non debuit notam ciuitatis, & diſſectia hominum, nec erubescere ora virorum, quamuis summatum, cum ex incendio scelerum suorum, & è media flagitiorum Babylone prioripere se voluit. Præclare, si fas est dici, actum fuisset, si pudor illam ab emendatione vitæ prohibuisset, quam absterre à malè agendo verecundia non potuit. PP2. 567. & seq.

Perindignè, & nimisquam probrosè agitur cum bonis indefectilibus, & æternis (in quibus est salus animæ, si tamen illi per nos perennare liceat) quod non vel eodem loco habentur, quo peritura, fluxa, caduca, quales sunt corporis voluptates. Ib. 565. o.

Dixit, nocturnè, Iacob assu vrebatur, & gelu, fugiebatque somnum ab oculis eius, ut brutas oves sollicitus

pastor rectè custodiret. Si ergo sic laborabat, & vigilabat, qui pascebat oves Laban, quanto labore, quantum vigilia debet intendere, qui pascit oves Dei? dicebat sanctissimus Pontifex Damascus. Ibid.

Si qui secundum carnem agrotant, sua cum inferunt natura, & seruent quæcumque ipsi præscripserunt medici, nonne multò magis decet in morem gerere, quibus cura animarum nostrarum est credita? dicebat S. Ephræm ibid. 565. c. 1.

Quale est, si diabolo semper operante, & adiciens te quotidie ad iniquitates ingenia, opus Dei aut cessaueris, aut proficere destiteris? dicebat Tertullianus ibid. 569. c. 1. Vide ea verba ibi pulchrè expofita, & totum illud caput diligenter perlege, quod ubi in fructuosè dicere ex suggesto poterit.

Accessit ad pedes eius. Lucæ 7. Quamobrem? Respondet S. Augustinus in Psal. 140. Quia eius vestigia sequi cupiebat. Perdiderat Dei gratiam quando secuta carnis illecebrosæ ductum fuit post concupiscentias suas. Ut amissam recuperaret gratiam, apud Christi pedes eam requirit. Deus namque tametsi ut res alia perdatur, vix tamen ibi inueniri potest, ubi perditus fuit. Abrah. 3. o.

Stans retrò lachrymis capitis rigare pedes Domini Magdalena, & capillum capiti sui tergebat, & osculabatur pedes eius, & unguento ungebat. Luc. 7. Vbi sunt, qui penitentiam ceu feram bestiam metunt, & ad illius studium, exercitationemque non aliter accedunt, ac illi terram promissionis, qui ab ignavis hominibus persuasi erant, quod deuoraret habitatores suos? Num. 13. 33. Penitentia, & mortificationis opera dura sunt, & laboriosa, non quia verè ita res habeat, sed quia homines sic existimant. PPP. 339. o.

Quidquid inconditum, acidum, amarulentum est in actibus virtutum, & vsu bonorum operum, id de nostra pusillanimitate, & ignauia magis, quam de illorum asperitate natua venit. PP2. 448. o.

In vtroque loco habes plurima, ex quibus sermones non paucos conficere, & fructuosè pro Concione dicere queas.

Mundi autem voluptates, quæ videntur suaves, & odoratæ rosæ, sunt reuerà aculeatæ spinæ. PPP. 341. o. Hoc illi nunc certatim apud inferos clamant, ubi hæc passim audiuntur ciuiantium voces: *Lassati sumus in via iniquitatis, & perditionis, & ambulamus in via difficilis, Sap. 5. 7. Talia dixerunt in inferno hi, qui peccauerunt, ibid. v. 14. quæ cum viuerent, & ad peccandum se mutuo prouocarent, aiebant: Coronemus nos rosas, antequam mar-*
cessant,

cessant, & non pratereat nos flos temporis, nullum pratum sit, quod non pertranseat luxuria nostra. Ibid. c. 2.

Ecce quantos nunc patiuntur aculeos ex illis quondam, ut putabant, rosis, floribus, pratis!

Hic si sciret quæ, & qualis est mulier, quæ tangit eum. Iudicii, quod de aliis facimus, aqua sapere cordis terram solet, per quam transit. PPP. 380. o. Pharisæus Christi hospitor id probatum dedit. Non videbat ille hanc mulierem, idcirco & Christo ignotam putabat. Vides hanc mulierem? dicebat Dominus Simoni Pharisæo, quod non interrogasset, si visam ab illo sciisset. Deinde solum vidit tetigisse (quæ tangit eum) non vidit lachrymas tantâ copiam fudisse, non vidit rigasse, terfisse, & fixis oculis reuerentissimè deueneratam fuisse pedes Saluatoris. Ergo maximam partem non vidit, quam si rectè vidisset, ingressu domus suæ eam prohibuisset, tãq; longas in ea necere moras non permisisset.

Quod in seipso aliquis minime sensit, is nec alteri id adesse affirmans nunquam crediderit, qui autem ita aliquando se affectum sensit, is profectò ad assensendum faciliorem se præbet, inquit S. Gregorius Nazianzenus ibid.

Remittuntur ei peccata multa, dicebat Christus Pharisæo murmuratori. Et Magdalene suorum scelerum penitenti: Remittuntur tibi peccata. Cur huic non item dicit: Remittuntur tibi peccata multa? Vtrumq; coram multis dicebat Christus. Cur ergo non iteratò dixit, remitti ei multa peccata, ut semel dixerat? Causa erat, quare semel memorauit, ut ex multitudine flagitiorum illius innotesceret magnitudo indulgentis misericordiæ illius, cui nulla tanta occurrere possit peccatorum copia, quâ non facilè, ac gratuitò remittere queat, soleatq;ue. Erat etiam causa, cur non repeteret. Nemo sua sibi palam vitio vitia dari absque rubore audire potest. Attulerat ruborem semel Magdalene Dominus, ut Deo gloriam adferret. Cum ergo Magdalena semel audiuisset, remissa sibi esse peccata multa, atque inde certior facta esset de condonatione illorum, non voluit Christus ei denudò obtrudere grauitatem, multitudinemq;ue eorum, quòd illorum commemoratione iteratà nequicquam confusa fuisset. Non debet autem facilè aliquid dici, quod alijs adferre mororem, aut ruborem possit, nisi admodum grauis causa aliud non permittat. Abrah. 102. c. 2. Prudentum certè, & cordatorum proprium est, tacere, quæ mouere stomachum, aut adferre molestiam possint, nisi fortè necessitas cogat non dissimulare. Ibid. 101. o.

Sic Deus Abrahæ annuntiabat, quòd illustris, & generosus, & numerosus posteritatis parens futurus, sed hoc dissimulauit, quòd plerosq; tam flagitiosos, & contaminatos filios habiturus esset. Dicebat illi: Crescere te faciam vehementissimè, & ponam te in Gentibus, regesq; ex te egredientur, Gen. 17. Sed non dixit, quòd prater Dauidem, & Ezechiam, & Iosiam omnes peccaturi, capitalesq;ue Domini, & veritatis, ac virtutis hostes futuri essent.

Sic Christus Apostolis prædixit, fore ut occideretur, apud Marcum, & Lucam c. 9. Sed ita dixit, ut ignorarent verbum, & non intelligerent, nimirum, ut ne ante tempus tristitia afficerentur, & timore exterrerentur, inquit Theophylactus.

Quòd Apostoli tam exoti futuri essent, ut obsequium se præstare Deo putaret, quisquis eos mactaret, hæc non ab initio, sed penè sub ipsam abitus sui horam extremam Christus eis dixit Ioan. 16. Cur non ab initio? Quia vobiscum eram, inquit ibid. Noluit eos intempestiuâ calamitatum futurarum commemoratione percellere, quousq; diutius reticere non posset.

Certò prænouerat Deus, quæ mala Salomon, & alij posteri acturi essent. Noluit tamen hæc Dauidi nisi tanquam dubia denuntiare, dicens: Si indignè aliquid Salomon egerit, arguam eum in virga virorum, &c. 2. Reg. 7. ne illum sine causa contristaret, inquit Abulensis. Sic absque causa vrgente aliquem affligere nemo prudens solet. Ibid. 103. c. 1. & 2.

Remittuntur tibi peccata tua. Fides tuæ salutem fecit, inquebat Christus ad mulierem, quæ fuerat in ciuitate peccatrix, velut dixisset. Culpas tibi omnes, vnâque pœnas totas condono, lachrymæ cordis tui diluerunt turpitudinem flagitiorum tuorum, amor tuus magnus fuit, quoniam dilexisti multum, charitatem fides exæquat, ut benè in pace abire possis.

Caietani obseruatio habet, quòd præter externa Magdalene officia ergà Dominum, quæ videre omnes potuerunt, duæ ab illo producuntur in publicum virtutes, quæ cum intus laterent, inaccessæ erant præsentium oculis, & cognitioni. Eæ virtutes sunt fides, & charitas. Ut autem suorum scelerum indulgentiam à Christo consequeretur, debuit non solum fidem, charitatemq; habere, sed etiam spem. Cur ergo hanc Dominus præterijt?

Respondet Caietanus: Spes in officijs eius satis patebat, nisi enim sperasset veniam, non tot fecisset. Erat Magdalena mulier nobilis, & summo loco nata, & fauentioris naturæ ornamentis insignitè exculsa,

cultā, quanta vix eius vr̄bis, in qua morabatur, alia. Illa omnibus existimationis suæ incommodis contemptis, & mundum muliebrem superiorem oblita, laxo capillamento, & passis cirris, & spretā grauitate nuperā, cum antehac benē comitata comiter, atque vr̄banē ab omnibus salutaretur, & coleretur, sola nunc per plateas accurrebat, vel non cogitans, vel non curans, quid homines dicturi essent, & in medio splendori conuiuij fiebat, ingemiscebat, suspirabat, nec finem faciebat dissuauandi pedes illius, & capillis tanquā linteo abstergebat vnguentis, quibus eos perfuderat. Quæ tanta & fecit, & erogauit, putas nihil in vicem sperauit, & expectauit? *Spes in officijs eius satū patebat, nisi enim sperasset veniam, &c.* PP2. 481. c. 1.

Non est quisquam tantā cognationis necessitudine alteri coniunctus, tamque familiaris etiam, & intimus amicus, qui vel pedem moueat, nisi lucris stimulo excitatus. Ibidem 478. o.

Quancūq̃ Iacob esset consobrinus Labanī, hic tamen putabat illum de studio, & solitudine curandorum gregum remissurum, nisi mercedem illi offerret arbitriam. *Voluitq̃, cum eo conuenire, ut labentius seruaret, inquit Abulensis.*

Pulchra, neque pauca hoc Caput ministrabit, quæ in huius saculi, non Dei Politicos fide, ac similitudine officiosulos dicit queant.

De Sancto Iacobo Apostolo.

Acceſſit mater filiorum Zebedæ cum filiis suis. Cur non dixit: Mater Iacobi, & Ioannis? An quia non tam mater, quā nouerca censeretur debet, quæ filiorum ambitionem fouebat, & de temporali eorum felicitate plus satis sollicita erat? Itā ferē Nouarinus in Matth.

Multæ matres ergā liberos suos, filias maxime sunt, quales ergā oua sua Struthiones. Vide in hanc rem pulchrā Tomo primo 106. a.

O quanta infelicitas liberorum, quos improbæ, genuerunt, & educarunt matres! *Filius magis conuersatur cum matre, quando tener est, & quando possunt fieri fortes impressiones in eo, & ideo si mater malè imbuat filium suum in tenera ætate, semper erit vir malus, nisi ex magna Dei misericordia, & labore dirigatur.* Itā sapientissimus Abulensis in c. 24. Genes.

Hanc dixero causam esse, quare improbæ quædam mulieres, Deo sic providente, maneat impro-

les, ut quæ non nisi Orco suos nutrituræ sint liberos. Vnam certò scio, quæ sterilitate propter suam impietatem, & superbiam damnata fuerit, ne similem sui crearet sobolem. Volo rem hanc verbis plusculis exponere.

2. Regum 6. c. ducebatur Arca Dei ex domo Obededom in ciuitatem Dauid. Aderat hic pientissimus Rex præsens solennitati, neque solum aderat, sed & festiuitatis pars magna erat. Septem enim choros Symphoniacorum secum habebat, & victimam plurimam mactabat, & non contentus vel aliorum hominum vocibus, vel brutorum sanguine, & carnibus honorasse Deum, ipse quoque ludebat, & totis viribus coram Domino subsultabat. Vidit hoc vxor eius Michol, & primum quidem *despexit illum in corde suo*, (ibid. v. 16.) deinde etiam verbis contumeliosis dehonestauit, & turpia petulanter probra dixit, & hoc præter multa ad summam ignominiam obiecit, quod velut vnus è scurris nudatus fuisset. Non hæc segniorem, immò verò alacriorem reddiderunt Dauidem, ut magis, magisque & ludere, & vilesceere velle diceret, quod illam submissionem tam gratam Deo sciebat, quam displicuisse mulieri videbat. De hac re sic ait S. Ambrosius Epist. 30. ad Sabinum: *Non erubuit Dauid famæ ac opiniones, nec opprobria apud mulieres subire pro religione obsequio recundatus est, ludebat enim Domino puer suus, & ideo amplius placuit, quia ita se humilauit, & regale posthaberet fastigium, & strimum exhiberet Deo quasi seruulus ministerium.* Quid Michol? Fortè an impudè religiosissimi viri pietati humilitatem risit. Dicat hoc nobis sacer huius historię scriptor. *Igitur Michol filia Saul non est natus filius eius, in drem moriū sua, ait ille ibid. v. 23.*

Risit virum suum Michol, & scurrilitatē interpretata est, quod erat religiosa pietas, igitur non est natus ei Filius, An solius contumeliæ causā factum, quod mansit illiberis? Non ob id tantū sterilitate mulcata fuit, quod ludenti coram Domino, & subsultanti viro suo illuſt, & insultauit, verū etiam, ne superbos crearet mater superba liberos, inquit rursum B. Ambrosius. Itanè ergo certò futurum erat, ut non nisi superbam prolem educaret superba mater, quæ pareret? Vix alios sperare possis ex tali matre liberos. Causam ex Abulensi, præfati sumus.

Accessit adorans, & petens. Quod latinus dicit adorasse, id Græco est inclinasse sese, aut genua in terram submisisse, quod Maldonatus eò pertinuisse interpretatur, ut Christi sibi gratiam, beneuolentiamque

riamque supplex pro filiis, mater conciliaret. Proprium est hominis humiliare se, cum quid ambit, & obliuisci benefactorem cum exambijt, quod prestat. PP2. 601. o.

Receperat se Dauid ab irato Saulo in desertum Idumæ, & in antro Odollam viuum velut sepelierrat, quando in extrema presentanei periculi necessitate positus, & auxilium Dei vehementer suspirans aiebat: *Sit in te anima mea, quam multipliciter tibi caro mea*, Psal. 62. Dicit in hæc S. Augustinus: *Modo oratio, quam dicit sitis, cum sitis transferit, transfert oratio*. Quamdiu febrientem ardens sitis vexat, quam ardentem aspirat ad fontes, quotquot vbi libet nouit. Totum immergere se in flumen velit, si per vires, & tempus liceat. Abit febris, simulque illum & sitis, & omnis fontium, & aquarum cupiditas destituit. Sic plurimi hominum cum ærumnarum sui laborant, vehementer ad Deum omnis boni fontem desiderio feruntur, humiliterque illum, & contentis vocibus inclamant, acceduntque adorantes, & petentes: Verum cum angustia sitis præterijt, præterijt & memoria fontis &c. Ibid. 601. c. 2.

Sunt plurimi hominum quales illi apud Bernardum, importuni & accipiant, inquieti donec accipiant, ingrati ubi acceperint, largissimi promissores, & parcissimi exhibitores. Ibid. c. 2.

Dixerat Pharaon ad Moysen, & Aaron: *Orate Dominum, ut auferat ranas a me*, & dimittam populum, videns autem quod esset requies, ingratus cor suum, & non audiuit eos. Exod. 8.

Sic faciunt multi, inquit Lyranus: *qui cum in afflictione positi sunt, multa Deo promittunt, sed ex ira periculum positi retractant*, Ibid. 602. c. 1.

Multi sunt in hoc capite, quibus profanorum huius sæculi politicorum, & simulatorum officiosorum magnificas sponsores, & insolentia submissionis Verba delineat, & perfringit, quibus aliorum, quorum benevolentia indigent, opera eblunduntur, quorum frequens in Concione Verba esse possit.

Dic & sedeant hi duo filij mei. His verbis Salome Mater Iacobi, & Ioannis Apostolorum, ut affirmat S. Matthæus, Christum pro filiis appellabat. B. Marcus ait, filios ipsos his verbis ad Christum vfos: *Magister volumus, ut quodcumque petierimus, facias nobis*, Marc. 10. 35. Malum exordium orationis, cuius funem ducit voluntas propria, quæ tametsi gemma pretiosissima sit, & donum Dei gratuitum, magno tamen sæpè nobis constare solet. Abrah. 30. o. Hæc enim fecit, ut Lot incideret in Sodo-

mam. Hæc fecit, ut Ierosolymitæ peruenire in veri Dei cognitionem, ex qua salus eorum pendebat æterna, non potuerint. Hæc fecit, ut Abraham post devictos Reges sibi timeret, veritus ne male egisset, quod iniussus, & ex propria sententia egerat. Hæc etiam fecit, ut Lot in turpissimum incestum prolaberetur.

Dic & sedeant hi duo filij mei, unus ad dextram tuam, & unus ad sinistram in regno tuo, Matth. 20. Collaterales Christi esse optabant, ideoque Dominus difficile se illorum votis præbebat, ut doceret, non facile admittendos quosque in familiare consortium, maxime cum quibus communicare de tuis rebus debeas. Et quoniam superioribus omnibus mors ex laterum dolore minatur, & interitus ex ea parte affertur solet, vigilanter curare debent, ut sanos, & rectos consiliarios à latere habeant, ne tam acuto ex morbo decedant. Abrah. 153. o.

Abimelech nocturnum quoddam vehementer sollicitabat visum, & statim de nocte consurgens vocauit omnes seruos suos, & locutus est omnia Verba hæc in auribus eorum, timueruntque omnes Viri Valde: Gen. 20. Ita debent Principes, quoties occurrit arduum aliquid, statim accersere consiliarios, sed hoc autem curare, ut quam rectissimos habeant.

Eugenio Papæ dicebant S. Bernardus: *Non te dixeris sanum dolentem latera, hoc est, ne dixeris bonum innitentem malis*, subaudi consultoribus, Consiliarij quidam sunt cæci, scilicet, non videntes quid sit consultum, & vtile, quidam claudi, qui in vtramvis partem inclinant, nihil certum statuere possunt, nisi hos tales Dauid antè abstulisset, intrare Ierosolymam non potuisset. Ibid. & 154. c. 1. & 2.

Dic & sedeant hi duo filij mei, &c. Sic obsecrabit Christum Salome pro filiis Mater. Sciens autem Christus, has à filiis causas preces, illis etiam respondit. *Potestis bibere calicem, quem ego bibiturus sum?* Matth. 20. quod est apud Marcum: *Potestis baptismo, quo ego baptizor, baptizari?* Et illi promptè, atque extemplo: *Possimus*, nihilque tam arduum occurret, quod non læranter aggrediemur, dum preces nostræ modò obtineant, & exambiamus sedes, quas cupimus.

Euthymius ait: *Omnia promittunt, petitionem consequi cupientes. Chrysostomus autem dicit, quod nec poculo, & baptismo intellectis solà animi promptitudine gratiam quærebant*. Quamquam nescirent vel quid calix sibi veller, quem haukturi erant, vel quid baptismus esset, quo baptizandi dicebantur antè, quam in locum superiorem peruenire possent,

omnia tamen promittunt, ad omnia se offerunt & facienda, & ferenda, quæcunq; Dominus pro illorum sublelliorum consecutione & fieri, & ferri vellet. Ita præcipitat hominem dominandi libido, quem semel inuasit. PPP. 313. c. 1.

Immo ita cæcat, ut nihili duceret, Deum ipsum in crucem agere, dum per hoc appetentiæ isti satisfacere, & obtinere principatum posset. Ibid. o.

Crucifixionem suam vocat Christus exaltationem, idq; minimum ter. *Exaltari oportet Filium hominis*, aiebat Nicodemo Ioan. 3. dein reliquis Iudæis communiter apud eundem c. 8. *Cum exaltaveritis Filium hominis*, Ecc. 12. *Ego si exaltatus fuero à terra*. Dicebat olim Propheta regius: *Accedet homo ad cor altum*, Psal. 63. id est, efficietur arrogans, ambitiosus honoris, cupidus imperandi, regnandi libido illum exoculabit. Et quid hinc fiet? *Exaltabitur Deus*, hoc est, ut superbus eiusmodi homo sui voti compos fiat, in ligno suspendet, si fieri possit, & cruci affiget ipsum Deum.

Non de nihilo accensa est contentio inter Apostolos, quis eorum videretur esse maior, quando illud ex Christo nocte cænz audierunt. *Ecce manus tradentis me tecum est in mensa*, Luc. 22. Simul enim ac hoc intellexerunt, corrixari cæperunt, quis eorum videretur primatum, & præfecturam collegij Apostolici post Christi mortem ambire, ut illum non dubitarent fore Saluatoris proditorem, quem viderent esse primariæ dignitatis cupidum. Ita ferè autor sermonum, ad fratres in eremo Serm. 28. Ibid. 314. c. 1. & 2.

Et unus ad sinistram. S. Laurentius Iustinianus apud Nouarinum in c. 20. Matthæi ait: *Collocandi erant ad Christi dexteram miseratione diuinâ, sed ipsi pernitiôsâ perissione secum damnandis constituti flagitabant ad sinistram*.

Sic quod maximè demoritur homo, id illi celeritatem adferre mortem solet. PP2. 637. o. Qui vitiauerat Dinam, cum non posset habere coniugem, nisi antè circumcideretur, non dissulit quæstam, quod periebatur, expleret. Sed quantâ festinatione matrimonium accelerabat, tantâ maturatione mortem accerbabat. Tertio namq; die, quo grauissimus erat ex circumcisione suscepta dolor, occisus tum ipse, tum omnis suæ urbis masculus fuit.

Nauseam Israëlitis manna mouit, carnesq; petierunt, & consecuti sunt. Sed adhuc esca cerum erant in ore ipsorum, & ira Dei ascendit super eos, Psalm. 77. *Consecuti sunt, quod desiderarunt, & ingluuiem impleverunt, seruntamen satiæ panis depen-*

derunt, inquit Theodoretus. Perdidit illos, quod perditè appetierunt. Ibid. 638. c. 1.

Asæel pedum pernicitare mortem, quam effugere posse putabat incurrit. Ib. 638. c. 1. & 2. *Ferūt certè Gentiliū fabula fuisse regē quendam* (Midam volunt) *qui quidquid tangebatur, aurum fiebat*, inquit S. Ambrosius. At quo fructu id fiebat illo, ut ipsa manilla digitis apprehensa rigescerent, & cibus in ore crepitaret, ferretq; non alimenta, sed inferret vulnera, & in gutture potus hæreret, nec penetrare facilis, nec redire. Hæc ferè idem. *Digna beneficia voris, digna tanto munere precatore*. Ibid. c. 2.

Rachel morituram se clamabat, aut verius in mortuis recenseri posse putabat, quamdiu sine liberis erat. Simul autem eniti secundum filium, & agere animam cæpit. Ibid. 639. c. 1. *Vide in hanc rem plura ibidem*.

Nescitis quid petatis. Petebant enim, ut alter eorum ad sinistram Christi statueretur, ad eam verò statueretur hædi, & ii, quibus dicitur: *Ite maledicti in ignem æternum &c.* Quam turpiter ergo hallucinabantur, qui tale quid rogabant. Nec miror tamen istam quantumvis grauem, & enormem prolapsionem, quia ambitiosorum obsecratio erat. Antè verò ignis adurere, & lucere sol desinet, quam errare homo arrogans, sibi quæ nimum tribuens. PPP. 373. o.

Nescitis quid petatis. S. Chrysi. in catena aurea B. Thomæ ait, decem reliquos discipulos ex hac Domini increpatione intellexisse, quidnam si duo Iacobus & Ioannes petierint, adeoque indignatos fuisse, maximè cum simul recordarentur, quod etiam in transfiguratione præ se honorati fuissent. Ut video de inuidia nata est cæterorum Apostolorum indignatio aduersus hos duos fratres, & de inuidia non solum illius honoris, quo in monte Thabor singulariter ornati fuerant, sed etiam de primatu, quem ne consequerentur, tam vehementer timebāt quam auidè ipsi adipisci cupiebant. Itaque si fortunatorum catalogo inseri potest, qui inuidiosorum sortem est expertus, si ægotasse quæri non potest, qui inuidentiæ morbo non laborauit (PPP. 382. o.) duo illi fratres quidem in felicitas numerari possunt, quia inuidiosi fuerunt, reliqui verò decem malè valuisse dici, quia inuidiæ malo correpti.

Perquam prolixus est Nissemus in huius argumenti tractatione, si materia deficere non posset Ecclesiasten, qui de illo differere pro Concione vellet.

Habuit hoc magnus Hispanorum patronus Iacobus de suorum Clientum ingenio, quod initio suo

Apostolo

Apostolatus promptus ad arma fuit, ignem inferre cupiens Samaritanis, à quibus hospitii repulsam Christus passus erat: *Domine, Vis dicimus, ut ignis descendat de calo, & consumat illos?* dicebat ille, & frater eius Ioannes apud Lucam 9. Increpauit eos Dominus, ac meritò, quia siquidem ad benefaciendum sine longa deliberatione deproperare absque periculo, ut videretur, possumus, ad inferenda supplicia tamen suspensio pede cunctanter pergere debemus, multoque & maturo consilio uti. Abrah. 123. o.

Perspectissimam habebat Deus Sodomitarum improbitatem, & tamen aiebat: *Descendam, & videbo &c.* Cur hoc? *Ad instruendum iudices, qui licet delictum cognoscant per famam, velut singulares persona, donec eis perfectè constiterit, peccatum esse commissum, sententiarum non debent, sed primò res gesta inquirere veritatem,* inquit Abulenſis.

Neminem Deus ad pœnas damnat, nisi cui pro malis scelerum suorum meritis iure sit indignatus, quique antè fecerit, ob quod plecti dignus sit. At verò vitam, gratiam, & omne genus beneficii cuique propria voluntate tribuit. Ita exponit Basiliius illud ex Ps. 29. *Ira in indignatione eius, & ira in voluntate eius.* Eo exemplo docemur, ad irrogandas pœnas maturum consilium adhibendum, beneficia sine consultatione longa pro arbitrato conferri posse.

Virgas, & scutres, quibus Romani prætores olim plectebant scelera, valde colligatas præferebant. Quid ita? *Signum est non oportere magistratus iracundiam promptam, ac dissolutam esse,* inquit Plutarchus.

Ad ipsam suam veniebat Deus saliens, similis caprea, hinnuloque, cernorum, Cant. 2. Postquam peccarunt Protoparentes, audierunt vocem illius deambulantis in paradiso ad auram post meridiem, Gen. 3. Quare tam celer ad sponsam, tam tardus ad lapsos Protoplastos? Retardabatur, & lentis gradibus incedebat, & potè qui veniebat tristem mortaliū inferre sententiam, ad sponsam verò veniens festinabat, & latè admodum saltibus aduolabat, æterna reparationis offerens medicinam. Sic Galfridus. Disceant hinc Iudices, ut ad auferendum agendum lento pede pergant, ad benefaciendum volent, si volunt.

Quidam apud Senecam tyrannus irato, & festino iudicio tres occidit innocentissimos milites. Primum, quia incommittatus veniebat. Secundum, quod priori causam mortis fuisset, quia seriùs aduenerat. Tertium, scilicet licetorem, quod primum non satis celeriter obruncasset. Contrà ac sanctus rex Iob,

qui causam, quam nesciebat, diligentissimè inuestigabat, Iob 29. qua in re notandum vidit Magnus Gregorius, ne ad proferendam sententiam precipites simus, neque indiscussa iudicemus. Ibid.

Sed illud in verbis Iacobi, & Ioannis sapienter pressit Nouarinus, quod non aiebant, *Domine dic, & iube, ut ignis descendat*, nouerant quippè illius mansuetudinem, & clementiam, quodque per se id facturus non esset. Tam inuito nempe, repugnanteque animo Deus ad irrogandas pœnas adducit, ut velut pro miraculo haberi possit, cum infert supplicia. Abrah. 128. o.

Vesperì venerunt Sodomam Angeli, qui eam exusturi, Gen. 19. ad Abrahæ tentorium in ipso feruore diei Gen. 18. Tardè velle, ut dicitur, nolentes est. Repugnante ergò voluntate, & velut nolentes venerunt qui tam cunctanter, & nonnisi sub seram noctem ad inferendum ignem Sodomis venerunt.

In fatali illo, & supremo mundi expirantis die etiam virtutes calorū, ut est apud Lucam 21. mouebuntur. Chrysostomus ait: *Angelos tremor apprehendet. Et cur Angeli tremant? Terrebutur constanti iudicio.* Dei Iudicis, & diei illius furor in momento, in ista oculis consummabitur, 1. Corinth. 15. & hanc tam celeriter transcuram, hoc est, momentaneam iram vocat ille constantiam irati iudicis: Quia cum plectere sit valde alienum ab ingenio Dei, integrum sæculum, & totam æternitatem sibi vertere videtur ad puniendum, cum vnicui momentum ad castigandum adhibet. Ibid. 128. c. 2.

In illa hora, inquit S. Ioannes c. 5. procedant, qui mala egerunt, in resurrectionem iudicis. Et nonne ut cruciatus dependant æternos, reuiuiscunt? Ioannes nihilominus ait, resurrecturos (quod ad Deum attinet) ut iudicium subeant, pœnis ille non oblectatur, sed has ipsi sibi commeruerunt, & confarunt peccatores. Ita ferè Caietanus.

Propterea etiam tunc mittet Filius hominis Angelos suos, ut colligant de regno eius omnia scandala, & eos, qui faciunt iniquitatem, & mittant eos in caminum ignis, Matth. 13. ubi Eurythius obseruauit, quod per se quidem seminauit ostendens quod sibi proprium est beneficia prestare, per alios verò puta angelos supplicia inferre, demonstrans quod sit à se aliis punire.

Apud Ieremiam sic minabatur Dominus: *Cadens in gladio, & in fame, & erunt in miraculum.* LXX. transferunt: *Erunt in perditionem.* Et Chaldaus:

Erunt

Erunt in castitatem. Itaque quod vulgato miraculo, hoc LXX. & Chaldaeo dicitur, perditio & castitas, tanquam miraculo adscribi possit, si quos Deus gladio, aut fame perdat. Ibid. 129. c. 2.

FESTA AVGVSTI.

De Sancto Dominico Ord. Præd. Fundatore.

SI amor æstimari de memoria potest (vt habes in vita Abraham 15. o.) maximus fuit S. Dominici erga salutem peccatorum, qui eius ætate vivebant, amor, quorum tam viuam, cum viueret, habebat memoriam, vt pro eorum conuersione noctibus singulis non preces tantum, neque lachrymas solum, sed & sanguinem funderet, corpus suum duris flagellis castigans, & conserpens, & hoc asperioris poenitentiae sacrificium Deo pro illis offerens, libentissimè impendens sanguinem suum, & superimpendi ipse totus cupiens pro animabus eorum, vt Paulus pro Corinthiis 2. Corinth. 12. 15. Vt suum hic Apostolus erga Philippenses affectum testaretur, aiebat: *Gratias ago Deo meo in omni memoria vestri, semper in cunctis orationibus meis, Philip. 1. 3. 4.* Sic enim ea exponit Primasius, inquiens: *Ostendit circa eos dilectionem suam, pro quibus semper exorat, (ibid. 16. c. 1.)* Quantam ergo dilectionem ostendit S. Dominicus erga coetaneos suos peccatores, pro quibus non modò flagranter exorabat, sed etiam flagris carnem suam immaniter exarabat, idque non semel, & iterum, sed in singulas noctes!

De hoc Festo habes prolixum sermonem in Centonibus secundi Tomi. Vnde etiam commune Doctorum.

De Sancto Augustino Episcopo & magno Ecclesiae Doctore.

IN tribus, quæ seruo Dei seruanda S. Augustinus monebat, hoc primum erat, *vt exorem nunquam cuiquam posceret, idque dum inter se coniugati iurgantur, cum maledicant, per quem coniuncti sunt.* Refert Possidonius. *Pronubos saepe dixit omnibus denouerunt nupti, etiam ipso die, quo skalami frassunt, inquit S. Chrysostomus. Addit*

porro: Quin & multi iuuenes, cum iuendi matrimonio potestas esset, non aliam ob causam ab exore du-cenda abhoruerunt, quam ob molestias, quas id vita genus haberet. PPP. 261. c. 1. Est quidem Matrimonium Sacramentum sanctum, sed status illius plerumque valde ærumnosus. Ibid. 259. o. Vt merito S. August. suaserit, neminem debere alteri esse conciliatorem nuptiarum.

Inumbrare aliorum maculas, & famæ labes seruare rectas tam enixè studuit Magnus Augustinus, vt neminem veller mensæ socium, quem sciret detractioni addictum. Non qualiscunque hæc illius laus est. Nam tegere, & excusare proximorum errata tam est gratum Dei oculis opus, vt velit eum, qui hoc facit non solum velut Angelum è cælis dilapsum, sed etiam tanquam perdilectum filium suum haberi. Abrah. 122. o.

Ibat ad sumendum supplicia de impuris Sodomitis sanctissimus Deus, & aiebat: *Num celare potero Abraham, quæ gesturus sum?* Gen. 18. Quid ni potuisset? Quare ergo sic loquebatur? *Quia Deus est valde difficilis ad publicandum occultæ criminis nostræ,* inquit S. Thomas. Si penas inferendas Sodomitis aperuisset Abraham, commemorare debuisset etiam culpas, ob quas infligere veller. Et quia vix facere potest, vt scelera nostra prodar, etiam vix à se impetrare poterat, vt supplicium indicaret.

Lucas ait de Christo, vocasse ad Apostolatam Simonem, qui vocabatur zelotes, & Iudam Iacobi, & Iudam Iscariotem. Cum Simonem à singulari erga Dei cultum ardore, & alterum Iudam à parente descriperit, cur non etiam postremum Iudam à suo prodicionis scelere denotauit? Respondet Chrysostomus: *Illum de animi sui virtute nuncupauit, istius malitia nomen abscondit, & ideo non dixit, Iudas proditor, vt te doceret, detractiones nescire, & accusationes declinare.*

Aristotelis pulchra obseruatio est, vnum quodque animal infirmum sui corporis loco aliquo esse, ac partes infirmiores naturam semper integere consueuisse. Si in naturalibus, vbi sine animi vitio vitium est corporis, tam vigilanter teguntur defectus, quanto studio debent occultari ægrotudines animi, quas suâ culpâ sibi quisque accersit?

Cur aqua illa piscinæ mouebatur, vt languentes in ea curarentur? *Turbabat Angelus aquam ne languentium vulnere turpitudine apparetur,* inquit Chrysostomus. Fædæ erant multorum plagæ, quæ ne incurrerent in oculos alienos, dum illi essent intra aquas, mouebat eas Angelus. Ergo quidam è

cælo

cælo Angelus est, qui cum audit aliorum ladi famâ, nudari turpitudinem, & detegi vulnera, ex charitate, aut miseratione abruptis, aut interpellat detractione colloquia, aut criminatorias quouis modo turbat narrationes.

Cum Petrus videret Christum in monte transfiguratum, nesciens quid diceret (vt est apud Marcum) dicebat: Domine, si vis, faciamus hic tria tabernacula. Et adhuc eo loquente, ecce nubes lucida obumbravit eos, nimirum vt Petri multis modis errantis, & ex dzmone volente Christum à Moyse, & Elia separari, loquentis imprudentes sermones interceperet, obnuberetque. Simul Christus tegere errata Petri capit, & vox Patris insonuit: Hic est filius meus dilectus. Et rectè tunc vestimenta illius facta sunt alba sicut nix, nam quemadmodum nix omnia immunda non solum cooperit, sed etiam venustat, ita ille turpes Petri prolapsiones occultabat obtensâ nube, tanquam pallio iniecto. Talis filii instar sunt, qui eiusdem instar agunt, vt Augustinû meritò in Angelis, & filiis Deo dilectis recensere possimus.

Vt verò charus Deo Patri filius est, qui aliorum amat inuibrare scditatem, ita qui proximum temere iudicat, leuiterque illi maculas allinit, quidam Lucifer est, Dei que autoritatem occupare per tyrannidem tentat. Abrah. 12. 5. o. Quod Deus cum ad illum clamor Sodomitarum ascendisset dixit, velle descendere, & videre vtrum clamorem opere complessent. Gen. 18. id fecit, vt nemo cæco impetu, & ausu temerario ad iudicandum leuiter aliorum dicta, seu facta deproperet. Hæc doctrina vilissima est, & plurimum commendari, & inculcari debet, nam maxima pars generis humani in discreto iudicio ad reprehendum prompta, & parata esse probatur, inquit S. Augustinus.

Temerarii eiusmodi iudices peccant in totam sacrosanctam Trinitatem, inuaduntque ea, quæ sunt Personæ cuiusque propria.

Tempora posuit Pater in sua potestate, Act. 1. Horum notitiam sibi arrogant, dum hunc vel iam esse flagitiosum, vel fore sceleratum affirmant, qui superiora pœnitendo expiauit, & à futuris cauere proposuit. Filii sapientiam inuadunt, dum de secretis, quorum ille solus conscius, pronuntiant. Spiritus sancti benignitatem vel maximè offendit, cum eos in reprobis numerant, quos ille in libro beatorum descriptos habet. Hæc ferè Ioannes Cluniacensis.

Propter suam iudicandi temeritatem damnatus
Tom. IV,

est Phariseus, Lucæ 18. de quo hæc ferè S. Dorotheus: Neque ex hoc iudicatus à Domino est, quod peritum à rapinis, iniustitia, adulterio affirmauit, neque quod non esse cæterorum similem dixit, sed ob hoc, quia ad Publicanum conuersus, neque inquit & hic Publicanus. Tunc enim iudicatus est, tunc actum est eius &c. Multa solius stultitiæ plena, cæterum vacua, & inania verba effurierat Phariseus, atque tulit Deus, sed hoc tolerare non potuit, quod addidit, Solus etiam hic Publicanus. Quare? Quia iudicauit ipsam personam, dispositionem mentis, & breuiter dicam, omnem ipsius vitam. Velut alter quidam Lucifer inuadere iurisdictionem Dei, & similis esse altissimo voluit adeo etiam tanquam ille inemendabilis fuit.

Dauid obsecrabat Deum: Iudica iudicium meum, & redime me. Psalm. 118. Quale hoc iudicium? Illud, quo alij res occultas, & dubias censere solent, inquit ferè S. Ambrosius. Nota, quod ex persona peccatoris loquitur, qui suum temerarium cupit iudicari, & castigari iudicium. Quare castigari, & non condonari quoad pœnam? Quia illud vitium tam est exosum Deo, vt culpæ remissionem precari potuerit, pœnæ indulgentiam rogare ausus non fuerit. Iudica, Domine, inquit, temerarium iudicium meum, & plecte, ac puni. Vt verò meriti supplicij gratiam consequeretur, commonebat Deum misericordiarum suarum, velut earum immemorem ipsum tanti sceleris magnitudo fecisset, dicens: Misericordia tua multa, Domine, quas cum in memoriam reuocas, illud simul recogita, quod operum tuorum gloriosissimum est misericorditer condonare offensas. Cur misericordiam eius hac occasione sic extollit? Quia dixerat, Iudica iudicium meum, ideo subiecit miserationes Dei nimium multis esse, grane est enim de alio iudicare. Ita S. Ambrosius.

Apud Lucam 6. ex obseruatione S. Dorothei comparauit Christus festucæ peccata quæuis alia, iudicium autem temerarium trabi, quia excedit omne peccatum iudicium temerarium, inquit ille, & quantum inter est inter pondera trabis, & paleæ, seu festucæ, tantum superat illud peccatum
• sua grauitate quoduis aliud. Ibid. 126.

c. 2. & seqq.

95)(*)(50

De Sancto Ioanne Baptista Decollato.



Um esset Ioannes in vinculis, in quibus & decollatus est propter reprehensum Herodis tam publicum incedum, misit duos ex discipulis suis ad Christum, ut interrogarent eum, num ipse esset ille venturus, non quod Ioanni hæc res dubia esset, sed ut discipuli, qui dubii erant, fierent certiores. Ergo ea legatio ad aliorum utilitatem dirigebatur. Quis hoc non videat? S. Chrysostomus ait, id Ioannis factum esse, *super humanam naturam*, & insolentissimum hominibus facinus, quod *missus in carcerem non de suo periculo sollicitus erat, sed de aliorum salute cogitabat*. Mos enim, & consuetudo communis hoc habet, ut suam quisque rem curet, suisque studeat, & inuigilet commodis. At veri amoris integritas in maiorem celsitudinem peruenire non potest, quam cum alienam infelicitatem sic deplorat, & leuat, ut propriam. PPP. 274. o.

Cur Ioannes, cum è carcere discipulos suos ad Christum ablegauit, non suam illi captiuitatem, & innocentiam, non vel iniuriam, quam ab obscuro Herode patiebatur, nuntiavit, contraque regem tam flagitiosum, & crudelem querimonias dedit, qui contra fas omne in illo facinoroso infami diuersorio inculpatum compeditum atinebat? *Quod Herodes illi faciebat pro pana, ille suscipiebat pro beneficio, & ut deus quasi Dei misericordiam fruerebatur*. Ita S. Chrysostomus. Duo erant in illa ignominiosa captiuitate, quam patiebatur Baptista, alterum ira, feritas, ac tyrannis incestu Regis, alterum merendi occasio, patientie fructus, & magnus animæ quæstus, quem facere in carcere poterat, Ioannes ergo non loci, in quo versabatur, vilitatem, sed bene merendi occasionem, quæ se ibi offerebat, attendit, & carcer illi vilis fuit non præclaræ suæ famæ nubes, sed gloriæ cælum, & sanctæ sæenerationis locus, acceperatque pro beneficio, quod Herodes deputabat supplicio. PPP. 306. c. 2. Ita ubi sunt, quæ & commodo, & offendiculo esse possint, debemus ea spectare quâ parte commodant, non quâ officiunt. Ibid. 305. o.

Non licet tibi habere uxorem fratris tui, dicebat Ioannes Herodi, quâ sui incestu cum fratria Herodiade consuetudine ingens non subditis tantum suis, sed & vicinis regnis præbebat offendiculum.

Quo animo salubria boni monitoris verba acceperit, ex eo licet æstimare, quod illum trucidasset, nisi vulgi merus eum à cæde retardasset. *Volens illum occidere, timuit populum*, inquit S. Matth. 14. Itaque prædicatorem virginem præuaricator incestus vitæ exuere voluit. Quid illum à scelere absteruit? *Timuit populum*. Non amor Dei, non horror tam iniuste occisionis viri tanti, & tam sancti, sed populi metus, & motus publici formido illum tantisper coercuit.

Hocine verò tibi solum manus obstringit ut ne mortem Ioanni inferas? Neque tu diu abstinebis, neque ille multos posthac soles videbit. Factum ita, nam paulò post *misit, & decollauit Ioannem in carcere*. Pulchre in hanc rem disserit S. Petrus Chrysologus: *Facile deus est à iustitia, qui in causis non Deum, sed hominem pertimescit. Hic timor peccandi facultatem disferre potest, auferre non potest soluitatem*. Abrah. 187. c. 2. & seq.

Ita leuiter intereunt virtutum opera, quæ Deum non spectant, neque ab illius amore, & obseruantia veniunt. Quare ut in bonorum operum studiis perduremus, inter bene agendum Deum solum respiciamus. Ibid. o.

Adficere animum ad mandandum filium vñigenitum, & vnicè charum Abraham non potuisset, nisi propter Deum fecisset. Ibid.

Numero non sunt, & nullius pretii, qui vel solo hominum intuitu, vel priuæ utilitatis suæ amore seruant legē Dei, & sectantur. quod bonum est, nam eorum virtus, ut in fragili fundamento construitur, sic intercidit facile. *Solus est Dei timor, qui fugat crimina, innocentiam seruat, mentes corrigit, peccetum tribuit facultatem*, inquit Chrysologus. ibid. 188. c. 1.

Malograna, siue punice flores facile amittunt, quia *nexus eorum debilissimus est*, vertebraeque delicatulas, & tenellas habet, inquit Theophrastus, eam ob causam leui spiritu deiecitur. Si quæras, cur ille à vita pœnitente destitit, cur illa vitæ solitaria, & modestiæ studio deposito depositum semel mundum muliebrem resumpsit, & ad vanum putidulæ curiculæ cultum est reuersa? respondebo, quia *nexus eorum debilissimus*. Populi aurâ, & plausu hominum fouebatur illius pœnitentia, ista latebras coluit, ut in admiratione esset, ac propterea amorum bene cæpta leuiter corruerunt. *Nihil perpetuum, quod videtur*, aiebat S. Ignatius, quod sic accipio, ac si dixisset, diu stabile esse non posse, quid agitur solum ut videatur, & non pro solo Deo.

Nam

Nam sol...

centiam

Non lo...

& incestu...

rudine...

nihil no...

conuictu...

pitris pub...

equè ac...

senferint...

quam in...

Herodis...

murmura...

infamem...

erat anim...

tibi habet...

diuites er...

quis in m...

nuit? Qu...

lus. Mul...

rum nun...

admonde...

etiam, q...

ret. Sed...

habebat...

num argu...

nuntiata...

nihil me...

ille rerum...

c. 1.

Abund...

syllabis, v...

Effici...

uit Ioann...

virtutum...

citatem, il...

rator Domi...

rum emine...

occisus? Z...

mi amonu...

ex quano...

tur, perfe...

virtuti. Sic...

crepius fui...

sanctissim...

numero, se...

290. o.

Cum pro...

los contra...

Christus, va...

Nam *sola est Dei timor, qui fugat crimina, & inuocentiam seruat.*

Non licet tibi habere uxorem fratris tui. Nefariâ & incestam Herodis regis cum fratria sua consuetudinem nemo ignorat, nisi qui de sacris historiis nihil nouit. Crebra per annum fit scandalosi illius conuictus mentio. Non dubito quin passim in compositis publicis, & in conuentibus priuatis pauperes æquæ ac diuites de turpi illo pellicatu pessimè tum senserint, tum locuti fuerint, vixque aliud dixerint, quàm intolerabilem esse perniciosi exempli illam Herodis cum fratris sui vxore amicitiolam. Ad murmurandum nulli deerat lingua, ad arguendum infamem istam consuetudinem soli Ioanni supererat animus: *Discebat enim illi Ioannes, non licet tibi habere eam.* S. Chrysostomus exclamat: *Quot diuites erant tempore Herodis? Quot potentes? Et quis in medium prorupit? Quis tyrannum increpauit? Quis contemptus leges eius est? Diuitum nullus.* Multus erat per id tempus virorum magnorum numerus, atque in his nullus, qui non clam admorderet obscenam illam familiaritatem, nullus etiam, qui regem adire, & palàm obiurgare auderet. *Sed qui neq; lectum neq; lectum, neq; mensam habebat, ille solus, ac primus omni libertate tyrannum arguit, & presentibus omnibus, ac audientibus nuntiata sententia eum damnauit.* Cur vnus hic nihil metuebat, cum omnes alii timerent? Quia ille rerum omnium inops erat, hi diuites. PP2. 598. c. 1.

Abundare, & timere differunt plurimum literis, syllabis, vocabulis, sed reapse nihil. Ibid. 597. o.

Effoeminatus Herodes misso spiculatore decollauit Ioannem in carcere. Marci 6. Fuit Ioannes, si virtutum eius copias spectas, maximus, si vitæ sanctitatem, illustrissimus, denique vt *spiritum ponderator Dominus* aiebat, omnium ex mulieribus natorum eminentissimus. Cur ergo in ipso ætatis flore occisus? *Præcursoris eratam triginta duorum, & semis annorum esse voluit Christus, & quia curat non ex quanto tempore, sed ex quanto corde sibi seruiatur, perfectionem meriti non tempori adscriberet, sed virtuti.* Sic Algerus. PPP. 191. c. 2. & seqq. Decrepitus fuit Ioannes, quando obruncatus, quia sanctissimus, ætatis enim magnitudo non ex dierum numero, sed multitudine meritorum pensanda. Ibi. 290. o.

Cum pro vno Ioanne occiso, duodecim Apostolos contra dæmonem emisisset ad prædicandum Christus, variaque cum per hunc, tum per illos ede-

rentur miracula, variè de Christo opinari homines cœperunt, alijs affirmantibus, esse illum Eliam, aut quempiam ex Prophetis, Herode autem dicente: *Ipse est Ioannes, quem ego decollauit.* Marci 6. Ridet S. Petrus Chrysologus hoc scelorum caput dicens: *Ipse rex sapiens, egregius iudex, censor morum, disciplina custos, vindex innocentia, scilicet, quod decollauerit Ioannem dicit, quare decollauerit, tacet, ne potestatem regiam tanti facti confunderet turpitudine.* Hæc ille serm. 173. Putauerit Herodes magnum aliquid fecisse, quod virum tam magnam minui capite iussit, causam etiam addidisset, ob quam hoc iussit, ita incesti adulterij sui scditatem simul patefecisset. Verum fecit, quod homines plerique solent, qui optimè nouerunt & commemorare ea, quæ ad sui commendationem faciant & dissimulare, quæ labeculam qualemcunq; aspergant. PP2. 642. o.

FESTA SEPTEMBRIS.

In Festo S. Crucis Exaltatæ.

Autore Interprete.

Sicut Moyses exaltauit serpentem in deserto, ita exaltari oportet filium hominis. Gen. 3.



Vditors de Episcopo hodie argumentato paucis vobiscum agam, & de Sacramento abscondito à sæculis in Deo, de sapientia ante sæcula in salutem nostram prædestinata, de qua Paulus in mysterio, in absconso, neque omni passim vulgo, sed prouectioribus tantum loquebatur, populariter, ne vel nimia prolixitate molestus sit noster sermo, vel immodicâ sublimitate, ac subtilitate (quam ego in mea dictione nullam agnosco) inaccessus, obscurus, & infructuosus.

Copiosissimum porro argumentum voco Sacrosanctæ Crucis Dominicæ hodie exaltatæ mysterium quod vnum est totius scripturæ, omniumque sacrorum librorum caput, summa, & epilogus, de quo apud Iacobum Pintum lib. 2. Crucifixi, tit. 1. loco 1. num. 22. Alexander monachus autor antiquus ex antiquis multis ostendit, etiam diu ante quàm in Caluariz monte palàm ostentaretur, ab ipso orbis principio,

principio, in vniuersa hac rerum machina semper re-
lux esse. De quo D. Hieronymus in caput 11. in Mar-
ci Tom. 4. (si tamen is illorum commentariorum
autor) ait, nihil esse nisi figuram quadratam mundi:
de quo apud eundem Pintum lib. 1. tit. 1. loco 1.
num. 12. Prudentius canit, nascente mundo, vt
primum factus est homo, expressum esse signis, ex-
peditum literis, aduentum eius mille per miracula
ore consono vatum prænunciatum, & nec Reges,
nec Prophetas, nec Iudices, nec Principes destitisse
virtute bellis, cultibus sacris, stylo pingere formam
crucis, prænnotatamque crucem, & adumbratam
prius, & vetustis combibitam sæculis. Quid copio-
sius argumento, quod tractarunt, nec pertractarunt
tamen omnia non modò sacræ scripturæ, sed etiam
sæculorum volumina? Quid verò tam & copiosum,
& absconditum, quàm liber scriptus intus, & foris,
& obsignatus, & inuolutus, quem ex Isaïæ 29. capite
etiam sciens literas nesciat legere, vt Ioannes, ille
arcanissimorum Dei mysteriorum conscius, fleue-
rit Apoc. suæ cap. 5. quòd non inueniretur, qui a-
periret librum, & solueret signacula eius? Hic liber
D. Bernardo serm. 1. de resurrect. crucis signaculum
est, idemque agnus stans tanquàm occisus, id est,
crucifixus, qui & stantis speciem referebat in cruce,
& semetipsum explicauit, & expandit maiusculis fo-
raminum characteribus, & vulnerum coelaturis in-
sculptum. Hic planè est liber ille intus, & foris scri-
ptus, inquit D. Hieronymus Episcopus, de vera circumci-
sione Tom. 4. secretus, & publicus, apertus, & oper-
tus, paginis superioribus videndus, interioribus non
videndus, quia incomprehensibilis. Intus scriptus est,
cùm propheta dicat: Generationem eius quis enar-
rabit? foris scriptus, cùm Euangelista ait: Liber ge-
nerationis Iesu Christi filij David, &c. Intus scribi-
tur, cùm per Ioannem dicitur: In principio erat Ver-
bum; Foris scribitur per Matthæum: Generatio au-
tem Christi sic habet.

Foris scribitur, cùm Dominus esurijt: Intus scri-
bitur, cùm quinque panibus multa hominum millia
saturauit. Foris scribitur, cùm Amica morte lachry-
matur. Intus scribitur, cùm ipsam, quem flebat, ex-
suscitat. Foris scribitur, cùm affigitur cruci: Intus
scribitur, cùm Paradisum latroni promittit in cruce.
Foris scribitur, cùm spiritum moriens secundum ra-
tionem humana carnis emittit: Intus scribitur, cùm
in passione sol fugit, dies absconditur, terra concu-
tur. Foris scribitur, cùm sepelitur: Intus scribitur,
cùm tertia die sepulchri liminibus remota erumpit
in lucem. Hæc D. Hieronymus.

Fuerit autem liber hic olim septem, & pluribus
sigillis obsignatus, & inuolutus, in die illo tamen
(sc. quo in Cruce expansus, & tam insignitis vul-
nerum, ac vibicum literis notatus fuit) audient sur-
di verbalibus signati, & oculis cæcorum videbunt, &
exaltabunt, inquit Isaïas cap. 29. De tam copioso
ergò argumento breuiter, de libro isto iam euoluto,
& luculento populariter vobis velut prælegam, qua-
re Christus potius talem Crucis, quàm aliam mor-
tem opperere voluerit, & quamobrem illum in
Crucis probroffissimo stipite exaltatum Ioannes dica-
t, Si quid moribus aptum inter hæc occurrerit,
id eum cæteris donabo liberaliter, modò vacuis au-
ribus, & exoccupatis animis ea accipiat, quod
tamen vehementer spero, plurimum etiam oro,
ac rogo.

Exaltari oportet Filium hominis, &c.

Quare ergo Christus hoc genus mortis elegit,
vt è sublimi stipite pendulus moreretur poti-
us, quàm aliud quoduis è tam multis, quibus
illius Martyres vitæ concesserunt? Vetus hæc
questio est, quam in sermone inter Augustinianos
81. de tem. quidam sic proponit: legimus in Euan-
gelio, quòd Pharisæi veluerunt eum precipitare de
monte, & ille transiens per medium illorum ibat. Luc.
4. 29. Alibi quoque legimus, quòd Iudæi tulerunt
lapides, & racerent in eum, ipse verò abscondit se, &
exiit de templo. Ioan. 8. 59.

Quare noluit Dominus precipitari, vel lapidari,
aut etiam gladio truncari? Quare vnam inter omnes
Crucis mortem oppetiit? Hinc mortem, Aud.
Christus mortem oppetiit modò, sed & appetijt tam ve-
hementer, vt semel illius post longa, & ardentissi-
ma desideria copiam nactus, præ gaudio vix matrem
suam posthæc nouerit, iamque nec illum mundus,
nec seipsum ille capere potuerit. Nemo hæc subli-
lia dicat, nisi hoc nomine censere velit, quæ pulchra
sunt, & iucunda, quia rara, pluseulog; labore de
scripturæ, vt Pactum abdicioribus recessibus eruat.
Tantum non passim obuia sunt apud qualescunque
promiscuè scripturæ tractatores, alioquin facilima,
& conspicua, quantum sol eum sudum est cælum,
quod ostendo & explico.

Drogon Hostiensis ait de Sacramento Dominicæ
passionis serm. 1. Christum in Cruce Pascha mandu-
casse, eamque velut palmam quandam inscendisse,
cuius dactylos (sic palmæ fructus, dulces illos, vo-
cat) manibus, pedibus exporrectis, velut vinctis
quibus.

quibusdam collegit. Quid se facturum his verbis ante affirmarat: *Cum exaltatus fuero à terra, omnia traham ad me. Quæ omnia? Cælum, terram, & inferos. E cælo Patrem ad se traxit, quia clamor eius introiit in conspectum eius & in aures eius*, quando preces, supplicationesq; ut est apud Paulum Hebr. 5. 7. *Cum clamore valido, & lachrymis offerens exauditus est pro sua reuerentia*. Terram suo tractu adeo concussit, ut contremiscens varijs locis hiaret, aperitq; monumentis mortuos, velut quædam viscera sua Crucifixi Epulonis mentæ expromeret, transmitteretq; Ab inferis animas habuit rediit. uis illis corporibus restas. Hæc ferè Drogon.

Putas parum auidè manducauit? Dicat hoc Petrus Cellensis, autor grauis, quàm doctus, ac verustus, de panibus cap. 22. *Pungebatur, inquit ille, crucifigebatur, impinguabatur*. Hæc ille. Saginabant Christum pungenium clauorum, spinarumq; dolores, & cruores, & quæ præterea è cælo, terra, & inferis fercula attraxerat, animoque inde in primis ita augeſcebat, ut propè denosse Matrem suam, iamq; & mundus ipsi, & ipse sibi angustus esse cæperit.

Sed aliunde primùm videamus, quantum animi magnitudine creuerit, postquam in palmam Crucis penetravit, pœnisque, & opprobrijs saturatus est, quando & mortem absorbit, ac deglutit.

Sponsa, quæ sponſum alijs hōis, ac locis Dilectum, & fratrem, talibusq; cognatæ necessitudinis blandis nominibus familiariter compellabat, Regem vocabat, dum in accubitu suo illum cerneret, Cant. 1. *Dum esset Rex in accubitu suo*, inquit, *nardus mea dedit odorem suum*, in quæ Glossa interlinearis: *Dum esset Rex in accubitu Crucis*. Dum illum in Cruce accumbentem vidit, non hic dilectum, non fratrem dicit, neque cum illo quidem loquitur, quamvis de illo, quod habet S. Bernardi obseruatio, quæ ante cum illo velut cum amatissimo, & Germano fratre, & coniunctissimo loqui, & agere solita.

Quidni etiam hic, ubi illum in suo Crucis accubitu vidit? Hic illum palmæ fructus saginabant, impinguabant, tantumq; animi, & maiestatis magnitudine auxerant, ut non satis reuerenter facturam se sponsa putaret, si illum iam pro superiori consuetudine familiaris conueniret, aut inferiori quàm Regis titulo etiam absentem compellaret, qui hoc loco tanta fecisse magnitudinis incrementa sibi ipse est visus, ut visum sit mirum Ambrosio, tanto Doctori, in c. 27. *Lucæ*, quod inter hæc Matrem suam tamen nosse potuerit.

Solus Ioannes me docet, inquit Magnus Mediolanensis Antistes, *quod ilij non docuerunt, quemadmodum in Cruce positus appellauerit matrem*. Quæ cum S. Latrone egit Saluator, ea D. Chrysostomus homil. 2. de Cruce & Latrone Rom. 3. plurimorum, taliumq; miraculorum loco habet, quasi Christus illa effecerit, *Et ex omni parte eius Diuitias sentiat, quæ voluit Latronis mentem commutare*. Cumq; ea omnia Lucas diligentissimè annotarit, Ioannes Tacitus præterijt, agnitamq; à Christo è Cruce Matrem conscripsit. Quid verò hoc præ illo? Respondet D. Ambrosius: *Pluris putauit, quod victor suppliciorum, atq; pœnarum pietatis officia diuidebat, quàm quod regnum cæleste donabat*. Hæc ille. Fuerit magnum, & plurimorum miraculorum instar, quod Latronis mentem commutauit, animamq; toto cælorum regno donauit, pluris tamen putauit Ioannes, quod pietatis officia diuisit, matremq; adeo non denouit, ut illam etiam Ioanni omni obseruantia studio, colendam cōmendarit. Sed quare pluri putauit? Quia in Cruce positus, tantam capiebat ex loco diu plurimum expecto voluntatem, tantumq; animo augeſcebat, cum in stipite factus fuit sublimis, ut non tam magnum visum fuerit Ioanni, dedisse latroni regnum, quàm inde matrem nosse potuisse.

Quod ne quis miretur, dicam, eadem Ambrosij autoritate fretus, etiam aliquid ampliùs. Tam ardentibus votis Crucis inire solium Christus petijt, ut in ipso vitæ primulo momento, vix carnem indutus Patrem feruentissimè compellârit: *Ecco Venio, & faciam voluntatem tuam Deus*, hoc est, ut Crucis arâ incensâ pro veteribus hostijs nouam offeram, & meo sanguine diluam humanorum scelerum maculas, quas abolere illa holocausta non potuerunt. Vbi verò talium votorum aliquando compos factus penetravit in Crucem, in tantam magnitudinem animus illius excreuit, ut iam non mundus illum, nec seipsum ille caperet. Audi enim quid è Cruce dixerit: *Pater, aiebat, in manus tuas commendo spiritum meum*, *Vide magnum mysterium*, clamat hic Ambrosius. Quale illud? *Nunc commendat in manibus Patris spiritum suum, nunc sedet in gremio Patris, quia totum alius non eapit Christum*. Nemo oscitanter accipiat, quod vigilantissimè dictum est ab Ambrosio: *Nunc commendat in manibus Patris spiritum suum*, cum scilicet Crucis aliquando positus, quia tunc in tantam se amplitudinem ex voluptate obtentæ Crucis explicauit animus, ut cum nec ipse illum, nec mundus totus

deinceps capere posset, Patri commendandum, & immenso illius gremio reponendum putâre.

Quid verò illius desideria in Crucem tam vehementer inflammavit? Hoc nimirum est, quod primum exponere promisi. Varias autem tam arden- ter expetitæ Crucis causas inuenio. Adferam huc duas, aut plurimum tres de plurimis. Prima apud Augustinum, quem supra dixi, sic habet: *In Cruce mors voluit vniq; causa salutis nostra, mors enim Christi signum est salutis nostra.* Hæc ibi, quorum hæc est sententia, quod Christus in Cruce mori voluit, ut & salutem nobis adterret, & quomodo curare eam ipsi debeamus ostenderet. *Noluit ergo lapidari, aut etiam gladio perire, quia videlicet nos semper nobiscum lapides, aut ferrum ferre non possumus, quibus defendamur, elegit verò Crucem, qua leui motu manus exprimitur, quæ & contra inimicos & versutas munimur.* Hæc ille iterum. Non lapidibus ergo opprimi, non oberuncari ferro, sed Crucis stipite occidi voluit, ut eodem Crucis fuisse omnia pericula nostra, ea maximè, quæ à malo dæmone imminet, depellere disceremus.

Pretio empti esis, non sis seruus hominum, aiebat Paulus 1. Cor. 6. in qua sic commentatur D. Chrysostomus homil. 55. in Matth. Pretium hic Crucem appellauit, quam non sicut puer digito in corpore, sed magnâ profecto fide in mente formare oportet, nam si hoc modo eam impresseris, nullus scelerum dæmonum, cum bastam videris, quæ lethale vulnus accipit, congruè tecum audebit. Si enim nos ingenti horrore concutimur, cum scilicet modo loca, in quibus capite damnati pœnas persoluant videremus, quid passurum putas diabolum, si mucronem tenere te videris, quo vires eius Christus dissoluit, & caput draconis magnâ rotauit?

Quantum est hoc Dei beneficium, Auditores, ut hostem, cuius potestati, ut ait Iob cap. 41. & 24. nulla super terram comparari potest, qui factus est & nullum timeret, solo Crucis signo, eoq; digitis solum ficto fugare queamus, quodcum inde S. David prauidit modo, in humillimam gratiarum actionem effusus aiebat, Psalmo 143. *Benedictus Dominus Deus meus, qui docet manus meas ad prælum, & digitos meos ad bellum.* Sed quid hic de Crucis signo? Plurimum, inquit Theodoretus, tantum si ad Prophetæ verba attentum animum aduertras: *Nam à diaboli tyrannide liberati, à Deo pugnare manibus, & digitis docti sumus, manibus quidem insulam operantes, & per digitos Crucis signum frontibus imponentes.* Hæc ille pulchrè, & appositè.

S. Ephræm Crucem *baculum claudorum vocat.* Claudii autem propè omnes sumus, idq; pede vtroque, ut quæ voluptas, ac tristitia in hanc, illam uè partem plerumque inclinant, ut ne rectâ per virtutis tramitem progrediamur. Effundimur plerumq; in cibos, ventriculumque vltra mensuram distendimus, & cum sint multi, qui ad hoc solum viuunt, ut edant, pauci interim edunt ut viuant, ex quo fit, ut honorabile connubium dehoneſtetur, & thorax im-maculatus sæpè sordet, eorum, qui, ut est apud Salomonem Sapient. 14. neque vitam, neque sup̄tias mundas iam custodiunt, *Vasa sua possident non in sanctificatione & honore, sed in passione desiderij, & Gentis, quæ ignorant Deum,* ut loquitur Paulus 1. Thes. 4. 5. Hinc etiam adeò prona in libidinem effunditur mollis iuuentus, hinc tam crebra, ac deplorenda pudicitia, & castitatis naufragia. Omnes verò vna voluptas claudos facit, ut ne rectâ ad temperantiam amissim pergant. Iam tristitia sæpè multos impedit, ut boni operis, quod cum difficultate quapiam coniunctum est, vsum intermittant, non ieiunare ad carnis petulantiam coercendam, & nec vigilare, nec orare ament, tamen earum rerum præsidio non corpus modò in officio continere, sed & multam eruditionem comparare, & Dei beneuolentiam sibi acquirere possint, ut ne dicam, quod eadem tristitia primum quidem impatientiam excitat, deinceps verò ad similes, rixas, consumelias, cædes adeò, & immortales hostilitates impellit.

Qui ex talibus impeditos habent pedes, ijs claudis suæ crucis baculum reliquit Dominus, quo is illa mala prius à se depulerat, & proſtigarat. De voluptate Christum in Eremita satan tentabat, ubi vertere lapides in panes suadebat, sed non persuadebat: cumq; incassum adhiberi hanc machinam cerneret, ad tristitiam longè validiorem bastam se conuertit, omnesq; aduersus Christum inflammatis discipulos, & proderent, negarent, fugerent, milites ut illuderent, prætereuntes ut blasphemarent, falsos testes, ut illum mendacijs onerarent, Iudæos vniuersim, ut calumnijs incescerent, & tanquam maleficum morti addicerent, & hæc omnia agens, quod maximè voluit, minimè egit, baculo enim suo in-hrens Christus quam non capi voluptate, tam non moueri tristitiâ potuit. Hæc ferè Calceas Patriarcha Tom. II. Biblioth. vel P.P. Hunc igitur baculum assumamus, quoties adire mensam, aut periculum necessitas aliqua cogit, ut ne ex voluptate, aut tristitia claudicantes impeditis pedibus per viam virtutis feramur, Cruce studiosè obarmemur, quo-

tices

ries cibis sumendus, quoties corpori aliud quidvis indulgendum, quoties iniurijs lacessimur, quoties ærumnis alijs exercemur, quoties calamitatem aliquam prævidemus, aut timemus, taliq; baculo non solum nitamur, sed & inuadamus dæmonem tentatorem, vt ne propius accedere aufit, & præualere tentando non possit.

D. Chrysostomus, & ex illo Ioannes Calceas Patriarcha, Theophenes Cerameus Archiepiscopus, autores Græci, tum alij aiunt, idcirco Christum in excelsa ligno, & non sub tecto, sed sub libero cælo immolatum, vt ær sanctificaretur per eum, qui terram tum sacris vestigijs, tum fuso inde sanguine iam consecrarat. Iudæis in vno Hierosolymorum templo, eoq; solo offerre sacrificium, & facere oblationem fas erat: At verò ab ortu solis & usque ad occasum, magnum est nomen meum in Gentibus, hoc est, nobis ad ipsam ab ethnicismo conuersis, & in omni loco sacrificatur, & offertur nomini meo oblatio munda, ait ipse Dominus Malach. 1. 11. Quare in omni loco nunc agit, quod tunc in solo Hierosolymorum templo? Respondent pulchrè, & sapienter Chrysostomus fer. de Cruce & latrone.

Quia tunc omnem latè terram fumus, & graeolentia sacrificiorum Gentilicorum contaminarant, aded in vno solo Iudææ templo sacrificia peragebantur, terq; in anno ex iussu Dei coibant homines: At deinceps clamare ausus fuit Apostolus, & præcipere 1. Tim. 2. Volo & vos orare in omni loco, quia Christus omnem suo sanguine, & vestigio terram sacrarat: Ne verò solus beneficiorum Crucifixi expers ær esset, stipite sublimis fieri, æremq; etiam extensione manuum purgare voluit, & contra aëreas potestates obmunire, vt ne illo in nostram perniciem pro sua libidine abuti possent. Ni crucis clauam potestates, quæ sunt in cælestibus, hoc est, dæmones pertimescerent, iam pridem penè omnem ærem vitiaissent, ignemque inde rebus humanis intulissent, aut nouo diluuiò orbem inuoluissent, vt duplici nomine inexputabiles gratias Cruci Domino debeamus, qui & insensas illas inferorum ymbras, ne in superis nocere, quantum volunt, valeant, prohibet, terramque sacravit, vt templum deinceps ædificare, vt libet, liceat, nec iam sit pagus sine oratorio, non arx, non domus aliqua honoratior sine ara, & larario. Vide quas vices Deo reponas, felix, & sancta Agrippina Colonia, qui te tantis cumulauit honoribus, vt vix sit absque templo platea, in quod se in vltus tuos adduci Sacerdotum ver-

bis quot dies non permittat. Vide quàm inueniabilis erit olim negligentia tua, si non assidue limina domus Dei teras, quam ille tuis ædibus proximam constituit, vt excusare torporem nequeas, si inuisere negligas, qui eorum, quæ ad salutem tuam spectant, nihil prætermittit.

Iam illa quoq; præcipua fuit causa, cur Deus crucem maluerit, quòd illa exaltari cum fuit necesse, inquit Lactantius Firmianus lib. 4. Inst. c. 26. quod ne cui obscurum sit, ita etiam exponit: Nam quentiam is, qui patibulo suspenditur, & conspicuus est omnibus, & ceteris altior, cruci potius electa, qua sanctificare illum tam conspicuum, tamq; sublimem, & ad eum cognoscendum pariter, atque colendum cunctæ nationes ex omni orbe concurrerent. Crucem maluit, ait, quia in ea exaltari illum necesse fuit, planè ad sensum non modò Ioannis, qui ait, oportuisse exaltari filium hominis, sed etiam ipsius filii hominis, qui item dicebat, oportuisse se pati, & ita intrare in gloriam suam. Paulus verò, inquit, decuisse autorem salutis omnium per passionem consummari. Heb. 11. 10.

Quanta huc adferre possem, ni me breuitatis pollicitatio prohiberet: Perstringam reliqua, ne sic quidem futuris multus, si multa dicam paucis. Necesse fuit, & oportuit exaltari in crucem Christum. Primò, quia in Cruce fuit sensus Christi. Quis cognouit sensum Domini? aiebat Paul. 1. Cor. 2. 16. vbi sensus Domini, ex Anselmo, is est, quòd Deus mori voluit, quo viveret homo. In Crucis morte fuit sensus Christi, dicam vernacula, quod non possum satis eloqui latinà, videri & Err & Ut hat alle seine Sinn und den gantzen Aopff auff das Creutz gesetzt/oder geschlagen / Crucem vigilans cogitauit, somniauit dormiens. Necesse ergo fuit in Crucem agi, vt his votis fieret satis quibus se huc ita obstinaret. vt Andreas Cretensis Archiepiscopus dicere ausus fuerit: Si crux non esset, Christus in terra non esset, non humanitatem induisset Deus. Orat. 1. In hoc Festum. Secundò necesse fuit cruce exaltari Christum, quia per illam solam esse conspicuus voluit. Erat ille Deus, & homo è nobilissima Patriarcharum, Regum, Principum, ac Sacerdotum prosapia oriundus, ante crucem tamen esse obscurus, & ignotus aded voluit, vt Apostolis preciperet Matth. 16. 20. Ne cui dicerent, quia ipse esset Iesus Christus. Exinde verò vbi vix se prædicare prohibuerat, capite ostendere discipulis, quia oporteres enim ire Hierosolymam, & multa pati à Senioribus, & Scribis, tanquam dixisset, inquit S. Hieronymus: Tunc me prædicare,

dicat, cum ista passus fuero, sublimis, & conspicuus non nisi per Crucem esse volo.

Non indicans nescire aliquid inter vos, nisi Iesum Christum, & hunc crucifixum, aiebat Paulus Corinthiis, tanquam & illi Christus vix de alio, quam de Cruce notus fuerit, Christo haud dubium id agere, qui in Paulo loquebatur, ut dicitur 2. Corinth. 13. Ergo necesse fuit, & oportuit exaltari in Cruce Christum, ob id etiam, quia si Crux cum Christo elevata non esset, Christiani populus in aeternum perisset, ut habet S. Augustinus Serm. 50. de tempore.

Decuit etiam sic fieri, quia maiorem ex Cruce, quam mundi condicione gloriam Christum retulit, ut loquitur D. Chrysostomus. Nimirum nobilius est in gloriam multos adducere per passionem, quam in hunc mundum per creationem.

Decuit 2. quia sic praedixerat olim David: De torrente in Gaba bibis, propterea exaltabit caput, ubi S. Augustinus, quia de torrente bibis, propterea exaltabit caput. (quia humiliatum est, & factus subditus & scilicet, ad mortem, mortem autem Crucis). Vbi S. Augustinus verba Psalmistae verbis Pauli ex 2. cap. Epistolae ad Philipp. pulchre nectit. Primum, quia Christus non solum ex voluntate Patris bibit calicem passionis, sed ut suam hac in re obedientiam testaretur, etiam caput in Cruce inclinavit, & humiliavit, ut caput omnium erigeretur, & suum ipse super omnia caput erigeret. Secundum, ut videas illum ad bibendum de torrente sese demisisse, quasi ad viatores allusum fuerit, qui ex itinere fessi, sitique & illi laborantes, in torrentem, quem proximum offendunt, incurvant sese: ut olim Gedeonis milites Iud. 7. 5. Atque ad bibendum cum ore caput in aquas demerunt, indeque rursus erigunt: Ita Christus in Cruce salutis nostrae sitientissimus, sese, ut potuit, caput inclinando, demisit, & ad mortem usque gustandam, inclinato etiam capite humiliavit, epotaque iam morte, & absorpta in victoria, iterum exaltavit caput, factus inde merito caput, principium, primogenitus ex mortuis, & primum regens in omnibus.

Indicabo terram decentiae rationem, & velut eminus solum ostendam, tum finiam. Assimilauerat olim superbia hominem Dei imagine insignem iumentis, atque in bestiarum stabulum, indignum deiecerat! Decebat ergo, ut Christus per humilitatem contemptibilis ligni Crucis exaltaret denuo hominem, faceretque iam non bestiarum modo Dominum, sed & coelorum Principem, & universi caput, ac Monarcham,

Si oportuit, si necessum fuit exaltari in Cruce filium Dei, & ita intrare in gloriam Dei, erras quisquis ad hanc gloriam nisi per Crucem aspiras. Si decuit innocuum, sceleris omnis purum, ac nesciū, humiliari, itaque exaltari, vide quā te deceat humiliari post tot Dei offensas, & cum penitente Davide ascensiones ponere in corde tuo, sed in valle lachrymarum, atque hinc de virtute proficere. Sic age, sic viue, & vide Deum Deorum in Sion. Amen, Amen. Dixi.

De Sancto Matthæo Apostolo & Euangelista.



Apharnao digrediens Dominus vidit hominem sedentem in telonio, iussitque sequi, qui hilariter, celeriterque obtemperans, exemplo relicto omnibus surgens secutus est eum. Ita B. Lucas de Matthæo, qui sedebat in telonio incubans quaestui, immergit in lucra.

S. Paschasius in c. 9. Matth. ait: *Quaritur, cum sicut Lucas insinuat, relicto omnibus secutus sit Christum Matthæus, quomodo postea in domo sua suis sumptibus pascat eum cum publicanis, & peccatoribus?* Vnde tanta impendia homini, qui se iam rebus omnibus nudauerat, ut magnum convivium in domo sua, quod Lucas ait, facere posset? Respondet: *Hinc liquet, quod res votis magis, quam manu relinquatur.* Nondum de sua domo, rebusque decesserat, dicit nihilominus Euangelista, reliquisse omnia, propter solam voluntatem, quā certum, deliberatūque habebat abdicare se domo, familiā, opum copiis omnibus. Et hæc voluntas pro opere acceptata fuit. Abrah. 186 c. 1.

Hinc intelliges, quod in domo Dei gratum, probatumque habetur, quod volumus, & non possumus, non verò illud, quod possumus, & non volumus. Ibid. 185. o.

Integrum sermonem ex his, quæ in hoc capite prolato tractat, facile cudet, qui non prorsum iners, imperitus, brutus sit faber.

Sequere me, & surgens secutus est eum. Publicani, per id tempus multi erant. Erat turba multa Publicanorum, inquit B. Lucas c. 6. 29. Hi cum Christo mensæ acumbant, sed non sequebantur eum. Poterat eorum exemplo retardari Matthæus, ut non obtemperaret Christo, neque Comitem se illi adiunxisset, si magis attendisset quid ab aliis

sebat,

sebat, quod
vult suo
quid ipse
Non er
tum, ai
pantibus
Hippo
oportet n
sed & ag
cum med
medicum
ut moner
adiunger
maz spirit
Sic qu
diā non fa
licitudine
De be
thzo, sic
cam, ne
vniuersa
Euangeli
gelum de
ceteris E
quam du
xemplo, &
uangelis
tulisse pri
mum, non
tenere pri
Reliqu
Matthæo
eod quod
cuiusque
De S. M
feminibus
viditare
cam c. 1
quando d
manerent,
S. Ambros
intelligere
esse conter
Quantū
etiam cibi
contentus
blicaus ef
Hanc vict
debemus, c
bo content
Tom. IV

ſiebat, quàm quid ipſe facere deberet. Qui autem vult ſuo officio ſatisfacere, non quid alii agant, ſed quid ipſe agere teneatur, conſideret. Abrah. 5. o.

Non eſt opus Valentiſſimis medicum, ſed malè habentibus, aiebat Dominus Matth. 9. Pharifeiſis murmurantibus, quòd manducaret cum peccatoribus.

Hippocrates dicit: *Ad perficiendam curationem oportet non ſolum medicum ſuum præſtare officium, ſed & ægrotantem ſuum exequi, etenim agri eſt, & cum medico morbo reſiſtens.* Quòd ergo Chriſtus medicum ſe vocat, cum nos ſimus ægroti, id fecit, ut moneret, quòd debeamus ad ipſius opitulationē adiungere diligentiam noſtram, ſi volumus ab animæ ſpiritualibus morbis liberari. Abrah. 205. c. 2.

Sic quanquam Deus ſua bonitate, & miſericordiā nos ſaluet, & beer, non tamen vult nos omni ſolitudine vacuos, & feriatis, ſeu otioſos. Ib. 204. o.

De beatiffimo Apoloſo, & Euangelifta Matthæo, ſic ait S. Petrus Damianus: *Vt audenter dicam, nemo poſt Chriſtum eſt, cui magis debeat ſanctiæ vniuerſali Eccleſiæ, quia primus omnium Matthæus Euangelium ſcripſit. Quia igitur ad ſanctum Euangelium deſcribendum primus iſte prorupit, ſcribendi cæteris Euangeliftis viam præceſſor aperuit, & tanquam dux vexillum ſequentibus prætulit, ſicq; eos exemplo, & ſcriberent, incitauit. Illi ergo debemus Euangelium, quem Euangelica narrationis conſtat inſuſſe principium, & quem in cæteris nouimus primum, non ambigimus inter eos cuiusdam priuilegijs tenere primatum.* PP2. 443. c. 1.

Reliquorum ergo Euangeliftarum hiftorias vni Matthæo quodammodo tenemur ferre acceptas, eò quòd ille rarum fecerit initium, & principium cuiuſque rei ſit pars illius potiſſima. Ibid. 441. o.

De S. Matthæo refert Clemens Alexandrinus, ſeminibus, baccis, atque oleribus abſque carnibus vitare ſolitus. Dixerat Dominus apud S. Lucam c. 10. omnibus communiter Apoloſis, ut quando domum quampiā intrarent, in eadem manerent, ederentque quæ apud illos eſſent. Id S. Ambroſius lib. 7. in Lucam ſic vult dictum, ut intelligerent, ſe cibo, potuque oblato oportere eſſe contentos.

Quantum ex ea doctrina Matthæus profecit, qui etiam cibus, quos dixi, tam parabilibus, & vilibus contentus erat, tamenſi antehac, cum adhuc publicanus eſſet, magnifica conuiuia inſtruere ſolitus. Hanc victus parſimoniam imitari omnes meritò debemus, cum & natura noſtra parco, tenuique cibo contenta ſit, & profana, effuſaque victus intem-

perantia incolumitati officiat, facultates opum exhauriat, & mundo ſupremum exitium adfert. PPP. 343. o.

Inuenies in hoc c. multa, quibus immoderatum, & pernitiabilem Sybariticarum menſarum luxum perſtringere poſſis.

De Sancto Michaële, & omnibus Angelis.

In Euangelium Feſti.



Vis putas maior eſt in regno calorum?

Tale quid ex Chriſto ſciſcitantur eius Diſcipuli Matth. 18. Marcus c. 9. ait, diſputaſſe illos mutuo per viam, quis eorum maior eſſet. Apud Lucā

c. 22. *facta eſt conſentio inter eos, qui eorum videretur eſſe maior.* Et apud Matthæum quidem, & Marcum exemplo parui pueri illorum perſtrinxit ſuperbiam, apud Lucam verò ſua ipſius humilitate confundit eorum arrogantiam, dicens: *Quis maior eſt, qui recumbit, an qui miniſtrat, nonne qui recubabit? Ego autem in medio veſtrum ſum, ſicut qui miniſtrat, quod Chryſoſtomo apud S. Thomam tale eſt, quale ſi dixiſſet apertius? Si ego, qui nullo ego, quo vniuerſa egent celeſtia, & terreſtria, ad miniſterſalem gradum condeſcendi, quāto magis vos debetis mutuo ſeruire, nec velle dominari, quorum alter alterius operā opus habet: Cum talibus verbis illorum tumorem compreſſiſſet, ſubiecit: Vos autem eſtis, qui permanſiſtis mecum in tentationibus meis.* Hoc autem eſt, quod ait: Ne ſitis ambitioſi, quia fortiter mecum inter aduerſa perduraſtis, nec paſſi eſtis, ut paſſio vos vlla à latere meo auelleret. Sed quid ad curandam ſuperbiam eorum facere potuit commemoratio conſtantiæ, quā illi inter varias Iudeorum calumnias, & alias ærumnas adhaſerant? Plurimum, ait Caietanus: Reuocat enim ante oculos eorum, quòd ſecum perſeuerauerint, ac ſi apertius diceret: *Conſiderate tanti temporis laborem, quem exantiſtiſtis mecum perſeuerando, & hinc pendite quā dedecet vos in ambitionis vitium modò incidere, & per inanem gloriam pueriliter prodigere theſauros meritum, quos per moleſtā tolerantiam grauiffimarum aduerſitatum comparaſtis, & pretioſas meritum opes cum vani ambitus leui aura commutare.* PP2. 509. c. 1. & 2.

Quòd homines tam ſint mortaliter inſenſi ſuis animis

animabus, ut æterna bona sua cum temporalibus permutent, id insignis amentia est, tamque rarum prodigium, ut quò magis videtur, eò maiori sit admirationi, & quò sæpius auditur, eò magis obstupesciat. Ibid. 508. o.

Angeli eorum semper vident faciem Patris mei, qui in cælis est. Matth. 18. Quorum Angeli: Pu-
gilorum, paruulorum. Itane verò quilibet etiam
pusillus habet suum Angelum, hoc est, cælorum,
palatium ab officiis, & custodem? Omnino, inquit
S. Laurentius Iustinianus: *Adest enim unicuique, no-
strum etiam minimo Angelus bonus, Angelus Domi-
ni, &c.* Sic ille a quod Nouarinum.

Angeli illi, quos Isaïas c. 6. vidit, cum sex alas
haberent, duabus velabant faciem Domini sedentis
super solium excelsum, & eleuatum, duabus vela-
bant pedes eiusdem, & duabus volabant. Itaque
extremis alis ad velandum, ad volandum mediis ute-
bantur. Cur solis in medio positis alis ad volandum
utiebantur? *Ad designandum, quòd Angeli semper
sunt parati ad diuina ascendere, & ad inferiora de-
scendere secundum Domini voluntatem, ideo volatus
in medio loco disponitur, quasi ad utrumque paratus.*
Ita Lyranus. Abrah. 147. c. 1. & 2.

Non supremis, non infimis alis volabant Angeli,
ne alterutrum remigio, vel sursum semper, vel
deorsum contenderent, sed mediis, quibus aut su-
periora petere, vel infernè se demittere pro volun-
tate imperantis Dei possent. Indicatum eà re fuit,
Angelos promptos, paratosque fuisse pergere, quo-
cunque eos Deus destinaret, vel si mendiculi alicuius
Lazari anima in sinum Abrahamæ perferenda, vel
si Habacuc quidam cum canistro, & cibariis in lacum
leonum deportandus, vel si recens effusus ab utero
matris pupulus custodiendus, & curandus, vel si la-
pis ab ostio monumenti piis mulieribus reuoluen-
dus, vel si Agar fugitiua famula in viam, & ad men-
tem sanioerem reducenda, vel si lamenta moerenti-
um ærumnosorum Deo in cælis offerenda.

Nihil tam vile est, quod Angeli in Dei sui obse-
quiū non faciant, inquit Nouarinus in c. 28. Matth.
Plurima faciunt Angeli, quæ vires nostras superant,
sed hoc imitari possumus, ac debemus, ut Deo quid-
uis imperanti promptè, ac humiliter obtempe-
ramus.

Nam verus Dei seruus tam debet esse illius a-
mans, quando ab eo cæditur, quam humilis, quan-
do indulgenter habetur. Ibid. 146. o.

Tantus erat Propheta regii erga Deum amor, ut
non contentus, quòd ipse illum laudaret, etiam An-

gelos ad celebrandum alternatim eiusdem laudes
ardentibus votis, & contentis vocibus inuitaret, di-
cens: *Benedicite Domino omnes Angeli eius, bene-
dicite Domino omnes Virtutes eius;* Psal. 102. Nec
dissimulauit sacer Propheta modum laudum, & ora-
tionum, quibus communem daturi erant operam
Angeli, dicens: *Facientes Verbum illius ad audien-
dam Vocem sermonum eius, ministri eius, qui faciunt
Voluntatem eius,* velut dixisset: Facite quæcunque
illum velle nostis, quidquid voce imperat, vel an-
nuntius oculis, explete, estote famuli eius promptissi-
mi, & expeditissimi ad complenda omnia iussa illius.
Inuitauerat David Angelos, ut communibus laudi-
bus communem Dominum colerent, benedicerent,
magnificarent, statimque subiungebat, ut volunta-
tem eius facerent, præcepta eius opere perfec-
rent. Quid verò connexionis inter inuitationem
ad orandum, & exhortationem ad faciendum, quæ
iuberentur? Quomodo qui vacare laudibus iussa-
rat, mox dare operam explendis iussionibus consu-
luit?

Respondet S. Augustinus, Dauidem valde conse-
quenter locutum, quando primum sic appellauit
cælorum ephebos: *Benedicite Domino omnes Ange-
li eius,* ac statim addidit: *Facite Verbum illius.* Itane
laudare verbum Dei est benedicere illi? Illenè Deum
laudat, & orat, qui operatur quæ illi grata putat?
Immo verò, inquit ille: *Si bene benedicere Dominum,
fac Verbum eius, Voluntatem eius.* Si vis vacare ora-
tioni, quæ Deo sit accepta, sepone interdum om-
nem orationem, intermitte meditationem, cessa
parumper ab illius laudibus, quando aliz statui tui
occupationes aliò te vocant, quando ex officio fa-
cere aliud teneris, cui dum diligenter vacas, gratifi-
simam Deo laudem offers. Optimum genus orandi
est, Deum aliquando pro Deo relinquere. PP. 589.
c. 2. Et consulendum nonnunquam aliquibus, ut
Deum pro Deo relinquunt, quò sibi eum magis de-
uinciant. Ibid. 588. o.

S. Ioannes Chrysostomus quatit. *Quid in Ange-
lis magnificum prædicamus?* A quo illos commen-
dare amplissimè, & extollere plurimum possumus?
A Rege cantore hoc accipies inquit, qui de ijs sic
ait: *Benedicite Domino omnes Angeli eius potentes
Virtute facientes Verbum illius, ad audiendam Vocem
sermonum eius.* Psal. 102. Cum plurima essent, à
quibus prædicare beatos illos spiritus posset, post-
quam generatim dixisset, illos esse potentes virtu-
te, hoc est, omnibus gratis cumularos, cunctis præ-
rogatiuis exultos, & perfectionibus ornatos, mox

ab obedientia speciatim eos extollit, quæ tanta sit, ut simul & faciant, quæ Deus facere iubet & aures interim arrectas habeant ad auscultandum, quæ post absoluta priora iterum, iterumque fieri velit: *Facientes Verbum illius ad audiendam vocem sermonum eius*, tanquam inde euincere vellet, illos esse potentes virtute, siue circumfluere omnibus virtutibus, & quoddam cunctarum gratiarum cimeliarium esse, quod sint verè, prompteque obediens. *Quid ergo in Angelis magnificum prædicamus? Perfecto quia cum omni cura obediunt Deo. Quod David quoque admirando dicebat, Potentes virtute, facientes Verbum illius. Hinc enim bono æquale est nihil, prorsus etiam si sint milles incorporei, hoc est enim, quod maxime præstat eos beatos, quia obediunt præceptis Dei.* Hæc Chrysostomus. Abr. 177. c. 1.

Confirmatos esse in gratia Angelos sana theologia docet. Ea gratia facit, ut non peccent beati illi spiritus. Etenim verò aliud, quod illos cohibere posset ab offendendo Deo, si communem solum gratiam haberent? Nullus Angelorum vellet manum suam ad mensam Diuinitatis extendere, nullus iuxta Deum, à quo conditus est, sedere, similique; Altissimo esse vellet, *vidit namque, consortem naturæ suæ Luciferum aliquando gulam desiderij sui ad hanc mensam extendisse, & non exinde diuinitatem, sed mortem degustasse, idcirco abstinet, & superponit digitum oris suo, nec manum conferens mensæ, nec os aperiens negata diuinitati, & velut eam deglutire.* Ità Petrus Cellensis. Ex immoderata Luciferi ambitione, & damnatorum angelorum miserabili prolapsione documenta hauserunt alij, & permanere humiles didicerunt. PPP. 233. c. 1. & 2.

Ex aliena clade discere, quid debeas vitare, est pulchra ratio curandi emolumenta propria. Ibid. 232. o.

Nimium præceptis est, qui transire contendit, & ubi aliam cecidisse conspexerit, & vehementer infrenis est, cui non incutitur timor, alio pereuntie. In subuersione labentium eos experimenta perterreant, aiebat S. Cyprianus ibid.

Theophylactus affirmat fabulam fuisse, quod Sadducei Christo de muliere vna septem ex ordine fratribus nupta proposuerunt. *Pone quòd duo acceperint ipsam, & mortui sint, inquit ille, qui fieri potuit. & tertius nuptias non recusarit, periculis præcedentium admonitus?* Sit ita, quòd secundus spe liberorum supparandorum duxerit quam frater improlem reliquerat, ceteri plusquam insani fuissent,

nisi eos priorum infelicitas fecisset sapere, & fugere mortem.

Visitans speciem tuam (is est proximus noster ex Richardo Victorino) *non peccabis*, dicebat Iob 5. quia dum aliorum hominum errata intuemur emendare propria discimus.

S. Ennodius suadet illi, qui sit inops aliorum librorum, alienis incommodis, & supplicijs pro libris uti, & aliorum errata pro Bibliotheca habere, atque in ea perpetuo versari, & discere. Gratoso ergo sit pro libro Aman, avaro diues epulo, David præfidenti, sapienti Salomone, Samson robusto, superbo Antiochus, belluoni populus Israëliticus, qui ex cibo, quem demoriebatur, mortuus est, &c.

Compendiosum est felicitatis genus, alterius periculo discere, quid debeas deuitare. Ita S. Zenon. Ibid. 233. c. 2.

De Sancto Hieronymo Doctore Ecclesiæ.



Vare Isaac mactari iussus? Quid peccauit innocens adolescens, ut immolari, & exuri, & in cineres verti mereretur? Abulensis ait: apud homines innocentem fuisse Isaacum, & nemini incommodatæ, apud Deum non item, sed peccasse venialiter, & peccato veniali homines ad mortem obligari. Si vnum peccatum veniale morti obnoxium facit, quibus supplicijs digna erunt tot immania scelera, quibus Deus tam grauiter offenditur. Hinc natus scelerum horror, qui sanctos perfudit, hinc eorum implacabile aduersus peccata odium, ex quorum acerbis pœnis, quibus sua errata vindicauerunt, & quod dies plebunt, possunt sumere peccatores exemplum asperæ pœnitentiæ pro suis flagitijs suscipiendæ. Abrah. 180. o.

Habes in hoc c. prolixam quandam, pulchramque pœnitentiam, quæ se B. Hieronymum tantum non mactauit, expensionem, quam non in illius tantum, sed etiam SS. Francisci, Bertrandi, aliorumque quotquot duriores in carnem suam fuerunt Festo pro concione cum fructu proponere queas.

Vide Commune Doctorem.

FESTA OCTOBRIS.

De Sancto Francisco Ordinis Minorum Fundatore Sc- raphico.



Pulencia, & concordia tam mortali-
ter sunt sibi infensæ, vt vbi illa impe-
rat, hæc viuere non possit. Abrah.
23. o. Seraphicus ergo Patriarcha
Franciscus, vt suos haberet quàm
maximè concordēs, voluit esse omninò pauperes.
Militia nempe est vita hominis super terram, &
multi partem vitæ magnam in militia transmittunt,
vt vilem terram quampiam obtineant. Ibid. 23. c. 2.
& seqq.

Et si nullam aliam causam habuisset relinquendi
mundanas diuitias, ob hoc procul eas abicere po-
tuisset, ne quis illi propter eas litem moueret, si-
cut aliquando earundem ergò à patre suo ad Epi-
scopum pertractus fuit. Quia ligare tam misera
res est, vt opulentissimi regni iacturam numerare
quis in felicitate possit, si per eam iacturam fiat, vt
non affligeretur iudicijs. Abrah. 25. o.

In *Centonibus primi & secundi Tomi inuenies
multa de hoc Festo.*

De Sancto Luca Euangelista.



Iohannes, & Lucas non longis tempo-
rum intervallis à se abfuerunt, & cum
uterque Christi veri Dei, ac hominis
historiam scribendam suscepit, Io-
hannes tamen circa Diuinitatem eius
occupatus fuit maximè, Lucas omne studium suum
ad recensendas curationes miraculosas, quas cæle-
stis medicus fecit, potissimum vertit. *Nihil aliud in
illa reperimus historia*, inquit S. Petrus Damianus,
nisi duntaxat languentium medicinam. Cur Lucas
nobis Saluatorem de medicinæ incomparabili peri-
tia solum commendare voluit?

Respondet Eminentissimus Cardinalis, causam
huius facile diuinare posse. qui consideraret, quàm
potenter sua quemque inclinatio trahat, & abripiat.
Describit itaque Lucas Redemptorem mundi tan-
quam medicum, quia medicus est ille, qui scribit.
Itaque solent homines procliuius sequi, quo eos
sua propensio ducit. Abrah. 149. c. 1.

Tam æquale habent dominium consuetudo & in-
clinatio, vt æquè difficile sit illam obliuisci ac hanc
superare. Ibid. 148. o. *Vide in duorum primorum
Tomorum Indice rerum Verbo consuetudo, & occu-
rent, qua huc causa fiat apta.*

De Sancto Ludouico Ber- trando Ord. Præd. Con- fessore.



Beatus Ludouicus Bertrandus septies
prudētissimè obijt officium Magi-
stri Nouitiorum, quorum defectus
vel minimos acriter corripbat. Re-
fert P. M. Vincentius Iustinianus qui
annos cum illo plusculos vixit. Non vna causa fuit,
quare in leues defectus non leniter animaduvertebat.
Porro & hoc illum mouere, quod ex eorum dissi-
mulatione grauias nasci solere incommoda non ne-
sciret, & paulatim in magna peccata dilabi eos, qui
minima negligunt. Non sunt per ludū ferenda vitia,
etiam quæ videntur ludicra, grauis enim semper est
negligentia, quæ irreparabilem damnorum potest
esse occasio, vel causa. Abrah. 172. o.

Sancta, & vetula erat Sara, & tam vehementer ta-
men inflammata aduersus Ismaëlem fuit, vt eum do-
mi suæ amplius tolerare non posset, adeoq; virum
suum inuclamarer, dicens: *Eijce ancillam, & filium
eius.* Quid enim mali fecit? Vidit enim ludentem
cum filio suo. Quid lusus hoc fuit? Oleastro vide-
tur Ismaël risisse Isaacum, & cum eo pueriliter al-
tercatus fuisse quisnam hæres futurus esset totius
substantiæ paternæ, vt propterea dixerit Sara: *Non
eris hæres filius ancille cum filio meo Isaac.* Caieta-
nus apud eundem putat, quod Ismaël etiam alios
pueros adduxit, vt illuderent Isaac. Talemnè ve-
rò ob causam mulier talis tantoperè commota ani-
mo fuit? Fuit & iure meritò, tamen solus lusus fu-
it, quidquid cum Isaac vel Ismaël solus, vel alij eti-
am ab eo incitati fecerunt. Nam quod tunc per lu-
dum fiebat, fieri posthæc ferid poterat, cum adole-
uissent ambo. Itaque in herba malum succidit, &
scintillam extinxit, ne exurgeret incendium.

In plagis Ægypti etiam sciniphes numeratæ fue-
runt. Et plagam facere animalcula tantillula potu-
erunt? *Hoc animal ita subtile est, & minutum. Et
oculis visum nisi acutè cernenti effugiat. corpus tamen
cum infederit, acerrimo teret bar stimulo*, inquit Ori-
genes.

genes. Sciniphum ergo plaga in cæteri Ægypti plagis immanioribus numeratur, ut videamus quantum peccata, quæ minutula videntur, fugitare debeamus, quia sæpè ex vitio, quod muscula videtur, elephas nascitur. *Parua quidem sciniphes, superbi Pharaonis tamen, & totius Ægypti superauere virtutem*, inquit S. Petrus Damianus.

Plurima de tali argumento habes tum in illo capite, tum in alijs locis ad finem adscriptis.

Quo tempore supremam regij Conuentus Valentiniani præfecturam (Prioratum vocant) suscepit, ut omnes statim inter ipsa officij primordia intelligerent, quid de ipsius gubernandi more sperare deberent, quæuè illius vel vnica, vel prima cura futura esset, hanc suæ cellæ ostio cum scheda affixit sententiam: *Si hominibus placerem, seruus Christi non essem.* Rectè illud proq; imitatione Pauli, qui Galatis c. 1. tantundem scribebat. Dummodò habeamus Deum contentum, & benevolentem, non est cur hominum dicta, factaque curemus. Abrah. 97. o.

In Centonibus primi & secundi Tomi dedi plurima de hoc Viro Sanctissimo.

De Sancta Vrsula, & vndecim millibus Virginibus.

Vide commune Virginum.

De SS. Simone, & Iuda.

Vide commune Apostolorum.

FESTA NOVEMBRIS.

De Festo Omnium Sanctorum.

Beati pauperes spiritu, quoniam ipsorum est regnum celorum. Querit Sanctus Gregorius Nyssenus, cur felix illa patria, in qua Beati sempiternâ gaudent quiete, vocatur regnum. Cur ab eo regni nomine primum suum, illum in monte, sermonem exorsus est Christus, dicens:

Beati pauperes, quoniam &c. ac si dixisset: Beati, qui huius vitæ bona temporalia volentes, libentesq; propter me reliquerint, quia in futura vita Reges erunt, qui hinc spontanei sunt pauperes. An forte aliud apud non erat nomen, quo donari illa coele-

stis habitatio posset, quàm regni? Potuit sacer Magister aliâ appellatione coelestem paradysum denotare: Verùm ut prudens Concionator ad ingenium auditorum se accommodare, & sagax piscator gratissimo cibo hamum tegere, & ita incautum allectare piscem solet, ita Diuinus Magister, ut homines attraheret, dulcem, & expetissimam regni escam hamo prædicationis circumposuit, beatamq; illam patriam vocauit regnum, ut auidis auribus, quæ dicebantur, haurirent, & ex desiderio regnandi paupertatis voluntariæ hamum arriperent, atq; ita salui fierent. Nihil est, quod auidius expetat homo, quàm regnare, adeoq; Christus putauit, nullo alio efficacius, quàm regni promissione, posse hominem per mouere ad amorem paupertatis. Ita ferè Nyssenus PPP. 309. c. 1.

Dominandi cupido omnibus affectibus flagrantior est, inquit Cornelius Tacitus, estque pestis tam communis, ut in totum terrarum orbem sua contragiam diffundat, cum alia peccata soleant esse infirmitates particulares. (Ibid. 308. o.) Et vna imperandi libido ita cæcat hominem quem semel inuasit, ut nihil duceret, Deum ipsum in crucem agere, dum per hoc modò ambitioni illi suæ satisfacere, & obtinere principatum posset. Ibid. 312. o.

Beati pauperes spiritu. S. Laurentius Iustinianus cum ea verba expenderet, sic exclamabat. *O beatas paupertatis voluntarias nihil in hoc seculo possidens, nihil formidans! Non irruentes piratas, non insidiantes latrones, non terra sterilitatem, non aeris tempestates pauescit*, cum ea omnia miseri diuites pertimescant. Quare quos fauentioris fortunæ beneuolentia opulentos fecit, ij pluribus, & maioribus etiam auxiliorum copijs opus habent, quàm illi quos vel libera electio, vel mundi ærumnæ inopes, rerumq; præsentium egentes fecerunt, & humi afflictos tenent. Abrah. 58. o.

Concionabatur in festo in cælos assumptæ Angelorum Reginae B. Ildephonis, & aiebat: *Oremus, ut in prosperis sit protectrix*, cum magis illius inter aduersitates expetendum subsidium & præsidium videretur. Sed hoc fecit Sanctus Archiepiscopus, sciens rerum mundanarum conditionem, sciens quibus in periculis versari soleant, qui bonis, & felicitatibus affluunt temporalibus.

In principio mundi Spiritus Domini ferebatur super aquas, Gen. 1. siue incubabat aqua, ut est apud Basilium Magnum. Cur non æquè incubabat terræ, eamq; pariter fouebat? Aquæ occupabant omnia, terra verò erat inani, & vacua. Aquæ diuites symbolo

symbolo referebant, terra inopes, & rebus omnibus vacuos. Aquis ergo incubabat Spiritus Sanctus, quia copiosi indigent singulari fomento, & adiumento Dei, non terræ, quia pauperes nihil in hoc sæculo possidentes nihil formidant.

De turturibus aiunt, ad Aquilonem absq; rectore volare, ad Austrum verò sine duce non pergere. Sic illi qui in frigore aduersitatis habitant, non egent rectore, quia vexatio dat intellectum. Sed illi, qui ad austrum mundanæ felicitatis anhelant, rectore indigent, qui ducat, & moderatore. Eapropter Nazianzenus aiebat: *Profecto facilius esse videtur aduersam fortunam ferre, quam secundam conseruare.* Ibid. 59. c. 1. & 2.

Beati pauperes spiritu. Beati qui persecutionem patiuntur propter iustitiam. Matth. 5. Paupertas spiritus, id est, humilitas facit, vt ne præsens felicitas, & gloria reddat superbos, & persecutiones temporales ferre patienter facile potest, quisquis se ex eis fore æternum beatum, serid cogitat. Sed ob id etiam neque extolli prosperis, nec frangi, dei iugum aduersis debemus, quod par sit verumque conditio, quia neq; hæc perpetuo durabunt, nec illa semper manebunt. Abrah. 144. o.

Mons Thabor ad Occasum situs est. In eo Christus & ostendit gloriam suam, & apud Moysen atque Eliam commemorauit ignominiosam passionem suam, quam completurus erat in Ierusalem. Quare autem in illo monte ad occasum sito: Vt mysticæ ea actione institueremur, quod nec efferri huius vitæ gloria, nec dei iugum ærumnis debeamus, vtræq; enim representatur sicut & illæ Christi, in parte ad occasum vergente, & diu permanere neutra potest. Ibi. 145. c. 1.

Paulus iubet 1. Cor. 7. vt qui stent, tanquam non stentes sint, & qui gaudent, tanquam non gaudentes. Causam huius reddit, dicens: *Præterit enim figura huius mundi.* Et quid sibi vult istud? S. Theodoro Studitæ idem est, quod labitur, præter equitat, nec vel diurnam stabilitatem obiciens, sed qui heri nitidus, hodie squalidus, nunc extollitur ille, nunc alter dignitate ruit, hic è paupere fit diues, alius è diuie pauper, milleq; mutationibus, atq; vicibus nostra ærumnosa subiecta est vita &c.

Chrysostomus & alij legunt: *Præterit scænahuius mundi.* Simulata est omnis, quæcunq; in scænis repræsentatur siue gratia siue infelicitas, & siue in speciem minui capite, siue in regum thronum effertur aliquem videamus, nihil mouemur talium rerum ficticiarum spectaculo: Ita nec mœrore contabescere debet, qui flet, neque insolescere, qui gau-

det; quia præterit scæna huius mundi, & inanes quædam repræsentationes sunt, quæcunq; hinc accidunt.

Nuper Abraham armauerat trecentos vernaculos domus suæ, quibus reges Syria debellaret, & nunc baculo in manus assumpto ipse, & uxor eius cogitur ad Gerarum descendere, ibiq; mendicare, inquit Oleaster in illud ex c. 20. Gen. *Et peregrinatus est in Gerarum.* Ibid. 146. c. 1.

Beati pauperes. Beati, qui persecutionem patiuntur &c. Beati eritis, cum vos oderint homines, &c. Tam parum mali habent, paupertas, persecutiones, odia hominum, & cætera talia, quæ mundus mala malè vocat, vt Christus etiam beatos prædicet eos, qui illa patiuntur. Malum culpæ verè malum est, cui mala alia omnia cedunt. PP. 2. 646. o.

Itaq; S. Chrysostomus dicebat: *Collachrymandum est, non cum in paupertate sumus, sed cum peccamus, hoc quippe est, quod lacrymas meretur, nam alia erummodi sunt, & risum etiam ceteri debeant.* Propterea & Christus gaudere, & exultare iubeat eos, qui propter ipsum probrosis onerarentur mendacijs. Ibid. *Non contristabit iustum, quidquid ei acciderit,* inquit ab Paræmiastes Prou. 12. & Hugo Cardinalis: *Præsens prosperitas, & tribulatio adest, & abest iusto præter eius corruptionem, & conturbationem,* quoniam accidentia sunt, quæ homini adueniunt, desituuntque eum absque illius interitu. Ibid. 647. c. 2.

Beati pauperes. Beati qui lugent. Beati, qui persecutionem patiuntur &c. Nihil ergo mali habet paupertas, nihil luctus præsens, nihil persecutiones, & ærumnæ temporales. Nihil omnino. Solum peccatum malum est. Abrah. 35. o. Hoc nomen Christus peccato dedit, cum nocte cænæ Patrem obsecraret, vt Discipulos seruaret à malo. Ioan. 17. Hoc solum malum laceret Paulus timuit, cum tribulationem, angustiam, famem, nuditatem, pericula, persecutiones, gladium, & cætera talia, quæ mundus in malis malè censet, pronocauit, Rom. 8. Omnes Christi dolores, quamuis immanissimi, & intolerabilissimi fuerint, piæ videntur fuisse, quia eos absque peccato tolerauit. Ibid. 37. c. 2.

Beati, qui esuriunt & sitiunt iustitiam. Non quauis perfunctoria iustitiæ cupiditas, sed longa esuries, & diuturna sitis beatorum facit. Sic neque mitis, qui vnâ semel vituperationem, aut aliam qualemvis iniuriam patienter accipit: Neque beatus pauper, qui vnâ aliquando æquanimiter, ac latenter fert egestatem, sed omnem constanter exci-

pietate inopiam. Ita neminem censere in sanctis possumus propter primum virtutis actum, ea enim nimis præpropere pietas est, uti & præceps impietas, eum perditum peccatorem arbitrari, qui semel aliquid egerit malè. Abrah. 65. o.

Iudas Ioan. 18. dicitur scisse locum, in quo repturus esset Christum. Vnde sciuit? An quia semel eò diuertere vidit? Inde sciuit, quia frequenter Iesus conuenerat illuc cum Discipulis suis.

Scit dæmon, quod boni properant ad paradysum, inquit Hugo Card. Vnde notit? Ex hoc, quod frequenter visitant, & animo obeunt cælum, inquit ille rursus.

Vnus ex vobis diabolus est, aiebat de Iuda Christus Ioan. 6. Non dicebat, *erat*, aut *erat*, sed *est*, ut indicaret peccatum præsens non in vno actu, sed in vso, inquit Caietanus. Diu, multumq; affluerat Iudas calumniari, propterea dictus est diabolus, non ob vnam solam delationem.

Malè Iosephem vocarunt somniatorem fratres eius, quia somniator sonat frequentiam & ipse bis tantum somniaret. Caphas semel prophetauit, neque ob id tamen mox in Prophetis numeratus. Ibid. 66. c. 2.

Beati qui lugent, qui esuriunt, & sitiunt iustitiam, qui persecutionem patiuntur. Hæc dicebat in monte coelestis Magister, postquam regnum coelorum pauperibus spiritu, & terræ possessionem mitibus addidisset. Expendit autem in superioribus verbis S. Gregorius Nyssenus, quod Dominus beatos pronuntiavit non eos, qui luxerint & sitierint iustitiam, & passi fuerint persecutionem, sed qui nunc lugeant, siciant, patiantur, dicens: *Magis conueniens erat, ut eos, qui luxissent, beatos iudicaret, non eos, qui lugerent.* At si ita est, cur beatos dicit hos, qui hodie sunt, non qui olim fuerunt in mœrore, & luctu positi? Respondetur, vtrumque hoc est, & præsentem, & præteritum à Domino commendari luctum, sed quod eos, qui nunc in præsentem lugent, peculiariter beatos pronuntiat, hoc peculiari, eoque mysterio factum, ut intelligam non satis esse olim luxisse, sitiuisse, esurisse iustitiam &c. sed vbi bene actorum præteriorum merita salua maneant, & augeant, necessum esse ijs immorari, neq; ab eorum vso, & exercitatione feriari. PP2. 455. c. 2.

Qui virtutis iter ingredi caput, debet in eadem via semper pergere, manet enim retro, cum non progreditur. Ibid. 455. o.

Vidit scalam Iacob, inquit S. Bernardus, *& inscala angelos, vbi nullus residens, nullus subsistens appa-*

ruit, sed vel ascendere vel descendere videbantur. Versi quatenus palam daretur intelligi inter profectus & defectum in hoc statu mortalis vite nihil medii inueniri. Ibid. 455. c. 1.

Profectus perstudiosi fuerunt parentes Baptiste, de quibus S. Lucas dicit: *Erant ambo iusti ante Deum, incedentes in omnibus mandatis Domini, in quæ Hugo ita: Rectè postquam dixit, iusti, addidit Incedentes, in quo profectus est operis &c.* Ibid. 456. c. 1. & 2.

Profectus studium, & sollicitudo debent ob id etiam nobis esse quam maximè cordi, quod nullius anima sit tam harmonicum instrumentum, ut non aliquando eius nervi dissoluantur, aut non relaxentur contentæ fides. Ibid. 458. o.

Ut autem in supremum perfectionis cacumen perueniamus, necessum est, ut hinc spe, illinc timore stipati, ac suffulti ascendamus. Ibid. 461. o.

Nec quisquam putet vno, quod aiunt, saltu in illud cacumen penetrare posse. Nam cum nemo se repente in infimum insolentia præcipitet, quamquam facile sit hoc agere, quomodo Christianus in summum perfectionis apicem, quod tam arduum est, & operosum, vno volatu vult subito peruenire? Ibid. 464. o.

Beati pacifici. Merito beati dicti pacifici, quia in alma, & amabili pace omnes felicitates, & bona omnia continentur. PP2. 472. o.

Sansusne est Laban? Id sciscitabatur Iacob ex pastoribus Haran. Alij id transferunt: *Paxne est illi?* quia pacis nomine omnia bona intelligunt Hebraei. Et Poëta canit: *Pax optima rerum, quas homines nouisse datum.*

Pace non modò ij, quibus natura sensum dedit, sed etiam iella, atq; agri latari mibi videntur, inquit Cicero.

Pacis statuam Athenis ad mulieris Plutum puerum diuitiarum deum manu tenentis speciem esse effictam Pausanias auctor est, diuitiæ enim pace magis, quam bello parantur.

Christus ab hac vita in alteram demigraturus aiebat Discipulis suis: *Pacem relinquo vobis, pacem meam do vobis.* Ioan. 14. *Qui autem pacem dedit, vno verbo omnia dedit.* inquit Glossa Ibid. 474. c. 1.

Beati pacifici. Ut ne pax dissoluatur, & rumpatur concordia, debemus aliquando de nostro honore, ac iure cedere, idq; exemplo Abrahæ, Pauli, ipsiusq; Dei. Abrah. 26. o.

Beati, qui lugent. Ergone omnes, qui lugent? beati? Nequaquam, sed qui peccata deplorant, quæ perpe-

perpetrârunt, vel committere possunt, si gratia Dei, quod facile accidit destituantur. Facile accidit, aio, quia qui beneuolentissimum habet Deum, leuiter excidere ex gratia illius potest, vt proinde minus sapiat, qui nimis præfidit. Abrah. 60. o.

Dauidi beatus dicitur vir, qui non abiit in consilio impiorum. In hac vita nemo beatus, nemo ergo etiam in hac vita qui non abierit in consilio impiorum, itaque nemo etiam, qui non habeat, quod lugeat.

Christi sanctitas consummatissima, & testatissima erat, locus, in quo à dæmone tentabatur templum Sacrosanctum Ierosolymitanum. Nihil horum tamen deterruit diabolum, quod minus cum illo congrederetur, & posse de illo referre victoriam speraret. Ergo neq; sanctitati nostræ nimium tribuere, neque loco fidere debemus, sed perpetuo lugere propter periculum in quo versamur, ne tam versuto, & importuno ac valido hosti succumbamus.

Cur putas dictum Abrahæ post insignem obtentam victoriam, *Noli timere*? Verebatur ille, ne aliqua sibi vana gloria de tali victoria obrepisset. Vt namque homo erat, sic fieri potuisse putauit, quod vanus quidam cogitatus incauto animo furtiuè se insinuasset. Ibib. 61. & seqq.

Beati misericordes. Qui miseriam alienam miseratur, & dolenti condoler, hominem se egregiè probat, quem verò ærumnæ proximorum non mouent, irrationalis potius, quam intellectu præditus homo videtur. Abrah. 50. 6.

Beati misericordes, &c. Varia sunt misericordiarum etiam corporalis opera, quorum cultores sic amat misericors Deus, vt eos solos, qui talib. studuerunt in vita prædicaturus à morte, idque coram toto mundo videatur. Nam cum pro extremo tribunali supremus Iudex sedebit, hoc solum toto mundo auscultante dicet: *Venite benedicti Patris mei, &c. Esuriui enim, situi, hospes eram, &c. nudus, &c. infirmus, &c. in carcere* (Matth. 25.) & omnem miseriam meam piâ ope vestra leuastis. Quo spectant illa tam multa miserationum genera, quæ olim ob aures cælorum, ac terræ deprædicabit Dominus? Quo consilio illa commemorare Dominus voluit? *Varias humanitatis partes recenset, & si quidem possumus omnes impleamus, sin autem, saltem eas, quas possumus.* Ità Euthymius. Cui per tenues facultulas non licet dare vestem nudo, is per corporis vires poterit visitare infirmum, & qui ne hoc quidem per affectam valetudinem potest, det calicem frigida, det bona verba, qui non habet aliud. PPP. 219.

62. 1.

S. Chrysostomus differebat quondam de varijs virtutibus, & gestis præclaris eorum, quos omnes hodie vno communi festo celebramus, & aiebat: *Tanquam ornamenta quadam proposuit Patrum certamina, & unusquisque nostrum ad quam soluerit certationem seipsum conformet.* Constituit nobis ex Deo sancta Mater Ecclesia hodie ob oculos pugnas, & virtutes, & benefacta Sanctorum Maiorum nostrorum, & quos vetus lex peperit, & quos noua edidit, vt ex his sibi quisque sumat, quæ statui suo magis conueniunt, & cum ingenio, & viribus magis congruunt. Cum ait Chrys. *certamina*, adde, & gesta Sanctorum nobis *tanquam ornamenta*, sue etiâ monilia nobis proposita, alludere videtur ad officinas mercatorum, & auri fabricum. Apud hos est reperire variam conficiendarum vestium materiam, pannum rudem, & subtilem, sericum, bombycinum, laneum vestitum, gemmas pretij summi, infimi, medijs. Hinc sibi viri, ac mulieres, plebei, & nobiles, summates, atque infimates, quisque pro sui status, & facultatum conditione coëmit. Talem hodie officinam aperit Ecclesia, inq; ea exponit tanquam ornamenta quadam omnium Sanctorum gesta, vt ex his sibi deligat, quæcunq; per vires commodius exequi posse putat. Hic est inuenire Apostolos, Martyres, Confessores, Doctores, Viduas, Virgines, Coniugas, &c. *& unusquisque nostrum, ad quam soluerit certationem, seipsum conformet.* Ibid. 220. c. 1. & 2.

Non omnia possunt omnes, nemo tamen est qui nihil possit eorum, quæ ante ipsum fecerunt alij, & qui maximum consequi non potest, non proinde committere debet, quin minora tentet, ac procuret. Ibid. 218. o.

Brutus sit, aut nimisquam rudis in arte concionatoria, qui non optimum Sermonem ad Festum Omnium Sanctorum ex hoc cap. adornare sciat.

Gaudete, & exultate, merces enim vestra copiosa est in cælis. His verbis Dominus præsentem appellabat Apostolos, quos beatos pronuntiabat si conuitia, maledicta, calumnias æquanimiter tolerarent, adeo exultare gaudio iubebat propter ingentem remunerationem, quam constitutam haberent in cælis.

Nullum tale connubium, quale gaudij, & risus cum patientia, nemo enim adibit gloriam, nisi ante subierit pœnam. PPP. 263. o.

Isaac accepit Rebeccam uxorem, Rebecca patientiam significat, Isaac risum. Rebecca ergo nupta est Isaac, vt intelligamus quam coniugata sine

pati

pati & ridere, tolerare pro Deo probra, & gaudere, longanimitèr excipere iniurias & exultare, &c.

Quando Samuel tulit cornu olei, & vnxit Dauidem in medio fratrum eius, 1. Reg. 16. non tam regem inaugurauit, quàm persecutionibus omnibusq; semel ærumnis iniuriauit. Nam ab eo tempore & fratres illum vexabant, & Saul vbiq; insectabatur, vt occideret, & nullus locus securum habebat. Quare tanta passus, antequàm regni quietam possessionem adeptus. *Non statim sceptriger in solio sedit, purpurâ insignis, & diademate clarus, vel coronâ aureâ splendidus, sed prius egenus, & vagus, profugusq; & exul prius amaritudinis totius, & infelicitatis, quàm nectareos, aut mellitos Regum populi liquores epotauit.* Ità Rupertus.

Sic tamen in baptismo vncti sumus reges coronæ gloriæ, prius tamen quàm eius possessionem ineamus, Dauidis nobis fortuna subeunda, sic vt antè patiamur aduersa in terris, quàm latè rideamus in cælis.

Vadam ad montem myrrhæ, & ad collem thuris, inquit Sponsa Cant. 4. Prius ergo myrrhæ, (quæ amaritudinis symbolum receptissimum est) transijt, quàm ad collem thuris, hoc est, aspectum Deitatis perueniret. *Per hoc ostenditur, quod qui cum Christo fuerit myrrhæ particeps, omnino erit etiam particeps thuris, nam qui fuerit cum eo passus, simul etiam conglorificabitur.* Ità S. Greg. Nyssenus.

In frage Ierichunti illata seuerissimè prohibuit Dominus, ne quis regularum illius ciuitatis vel minimum quid sibi retineret, in excidio ciuitatis Hai totam eius suppellectilem & bona omnia libidini & spoliatiōi militum permisit. Cur hic magis, quàm ibi? Nullam operam contulerant milites ad expugnandam Ierichuntē, at in Hai occupanda fuit aliquis militaris virtutis vsus. Ità ferè Andreas Masius. Noluit Deus esse præmium, vbi nullus fuit labor, vt nemo palmam sine defatigatione exantillata spondeat. Ibid. 265. c. 2.

Arctam esse portam, & angustam viam, quæ in cælum ducit, id ex eo etiam comperies, si omnes ex ordine percurras vias, quas in hodierno Euangelio designat Dominus, inieruntq; omnes, quotquot nunc cum Deo viuunt beati.

Sed quid causæ sit, cur Deus electos suos per angustam viarum, per arctam paupertatis, per tristitia luctus, per dura iniuriarum voluit tendere in cælum? Rationes alias alibi dedimus, causæ præsentī illa commoda, nimirum vt ex suis angustijs, & miserijs discerent, condolecere ærumnis alienis. Voluit

Tom. IV.

ergo Deus suos in hac vita miseros esse, vt essent misericordes, & suis humeris periclitari pondera temporalium malorum, vt ea experti faciliè mouerentur ad leuandum alios, quos viderent prægrauatos.

Exodi 22. v. 21. aiebat Dominus: *Aduenam non contristabis, neque affliges eum, aduenam enim & ipse fustis in terra Ægypti.*

Pulchra est Oleastri annotatio moralis in ea verba, & sic habet: *Optima pietatis magistra, experta indigentia, unde cum te ad misericordiā prouocare solueris, cogita an simile aliquando malum sis passus, aut te passurum timeas.* Quemadmodum ergo Deus Israelitas voluit diu peregrinari, & duram seruitutem tolerare in Ægypto, vt liberi effecti essent erga peregrinos prolixī, erga afflictos humani: Sic etiam electos suos voluit exerceri vitæ præsentis incommodis, vt erga alios secum in via positos miseros pia haberent viscera. Itaque quoniam & nos vel aliquando labimur, vel casui expositi sumus, plurimum congruit cum nostræ caducæ naturæ fragilitate, vt miseros lapsos miseremur, & erigamus. Abrah. 52. o.

Octo habemus in huius Festi Euangelio, quæ nos in beatitudinem, hoc est, finem nostrum vltimum, tanquam viæ quædam ducere possint. Nulla tam est compendiosa in locum tam absitum via, vt vnico, quod aiunt, saltu in eum peruenire queas.

Summa est illius temeritas, qui summum dērepente statim posse attingere prædidit. PPP. 221. o.

Iuxta putem habitabat Isaac, hoc est, morabatur in discutiendis profunditatibus scripturarum, vt ait Glossa interl. non primo statim momento in altitudinem mysteriorum penetrauit.

Nemo primo statim passu perfectionem assequitur. Etiam natura nihil magnum voluit effici citò, cuius ea est lex, vt maiora animalia diutius visceribus parentum continerentur.

Ezechielem Angelus non statim in cælum ipsum, sed inter terram, & cælum leuauit. Ezech. 8.

Dauid Psalmum 118. per literas Hebræorum digessit, vt homo noster tanquam paruulus ab infantia per literarum elementa formatus vsque ad maturitatem virtutis paulatim excreseat. Sic Ambr.

Rebecca prius in aures, & armillas, demum vasa aurea, & argentea, & vestes accepit, cuius mysterium vide Magno Gregorio enudatum. Ibidem 222. c. 2.

Non vias tantum nobis demonstrauit Christus, quibus itur in cælum, sed etiam viarum duces

dedit,

K

dedit, quot sancti nos in cælum præcesserunt. Franciscum dedit, ut ad paupertatem spiritus nobis præiret, Elizabetham, quæ misericordes esse doceret, Bertrandum, qui lugere erudiret, Paulum, qui ad anteriora seipsum extendens, esuriem, sitimque iustitiæ, & desiderium perfectionis in nobis excitaret suo exemplo, &c. Tot yiz cælorum ductores, tot viræ bonæ doctores ignavia, & ignorantia nostra requirit.

Verùm ut quis peccandi artis peritiſſimus euadat, alio quàm se magistro non eget, & vnusquili- bet sibi ipſi & supremus architectus, & prototypon esse potest. PPP. 242. o.

Nihil minoris negotii, difficultatisq; est, quàm fieri malum, etsi nemo ducem se nobis ad vitium præbeat, rara tamen, atque ardua est virtutis adeptio, quamlibet etiam multis modis ad eam inuitemur, ac retrahamur. Ita S. Greg. Nazianzenus Ibid. 244. c. 2. Expendit hæc Verba accuratè Nissenus, multaq; habet in hoc capite, quæ multum facere possint ad coarguendum, existendumq; torporem nostrum.

Omnium Sanctorum, qui ex nostro conuiſu in contubernium Dei commigrarunt, festum læti celebrare non possunt, sed mæsti, lugentesque agere debent, qui nihil minus, quàm sancti sunt, & non student esse illorum similes.

Quæſitum fuit à doctis, quamobrem Deus voluerit, ut sanctus Lot inter illos sordidos, & contaminatos Sodomitæ degeret. Respondet vnus è multis, id factum, ut suo bono exemplo, & conuersatione Sodomitæ ad odium peccatorum, & virtutis amorem excitaret, & siquidem illius consuetudine, & hortatu non efficerentur meliores, de pœnis posthæc sibi irrogatis iustè queri non possent. Abrah. 32. c. 2. Ita solet Deus submittere pia exempla, & monita, ut peccatores, qui per ea non abſtrahantur à malis, non habeant aliquam iustæ querimoniz causam, cum à Deo subiiciuntur pœnis. Ibid. 32. o.

Quid ergo in die illo mundi supremo tunc dicemus, qui legem Dei leuiter nunc præterimus, quædo tantam videbimus nobis impositam nubem testium, qui nos suo exemplo ad illius obseruantiam tam ardentè sunt cohortati, neque habuerunt obsequentes? Et quomodo gaudere hodie possunt, qui festum agentes Omnium Sanctorum nullius sanctitatem imitantur, sciuntque quàm graues huius negligentiz sint daturi rationes, & pœnas?

De Sancto Martino Episcopo.



Vm B. Martinus obitum suum imminere dixisset, tunc luctum, & meror omnium, vox plangentium, & precantium, ne pastor eues deserat. Hæc Sulpitius in illius vita. Quid sibi voluerunt illo merore, & luctu? Sciebant ii, qui tunc moriebant, & lugebant, quod amici Dei, in quibus Martinus erat, essent validi athlantes, quorum humeris niteretur machina mundi, quodque hunc illi suis precibus, & meritis suffulcirent. Abrah. 156. o. Facere ergo non poterant, quin acerbè plorarent, cum illam suò contubernio subtrahi columnam cernerent.

Pulebra in eam rem habes toto illo capite, & alia in locis ad calcem illius adnotatis.

De Sancta Cæcilia Virgine & Martyre.

Vide commune Virginum.

De Sancta Catharina Virgine & Martyre.

Vide commune Virginum.

De Communi Apostolorum.



Vntes predicate sed nolite possidere aurum, neq; argentum, neque pecuniam in Zonis vestris, aiebat Christus Discipulis suis, cum eos ad promulgandum Euangelium emittebat. Ergone voluit illos aut famelicos, aut mendiculos? Neutrum. Cibus enim illis tanquam operariis debebatur ab his, quibus spiritalia seminabant, & qui illos ad laborandum destinabat, eiusdem erat curare, ut necessaria ipsi ministrarentur, quod tam cumulatè præstitit, ut omnium agrorum suorum pretia fideles quidam ad pedes Apostolorum deponerent, vnde tum ipsi, tum alii multi abundè viuere possent.

Ita quisquis rem aliquam curandam ex Dei iussione suscipit, ut officium prædicationis susceperit

Aposto-

Apostoli, certò sibi promittere potest, quòd subministrabit quæcunque ad perficiendum sunt necessaria, qui imperavit laborem. PP2. 569. o.

Post inauguratam, & confirmatam iuramento amicitiam cum Labano iter suum Iacob prosequebatur, videntique obuiam venire Angelorum copias aiebat: *Castra Dei sunt hac*, & exercitus superiorum spirituum inde huc submissi, ut mihi sint præsidio. Nec errauit, ad hoc enim missi fuerant, ut illum per viam defenderent. Dei iussu iter hoc susceperat Iacob, qui ei dixerat: *Reuertere in terram patrum tuorum, & ad generationem tuam*, si verò quæpiam per viam occurrerint difficultates, noli metueri, quia ego ero tecum, ego comes, & custos. Ibidem.

Verus quæstio est, an peccarit Moyses, cum occidit Ægyptium. Caietano videtur hæc à sacro Scriptore iam decisa dubitatio, qui refert, quòd Moyses non antè trucidauit insolentem Ægyptiū, quam circumspexisset huc, atque illuc, & nullum adesse vidisset, qui cælis spectator, & renuntiator esse posset. Facitne hæc circumspectio, ut nullā ratione, quod Moyses fecit, excusari possit? Facit. Huiusmodi enim circumspectio signum est humana cautela, non diuina inspirationis. Videtur iniussu Dei occidisse hominem, qui homines alios conscios cædis habere timuit. Si enim Deus illi suggessisset, ut interficeret Ægyptium; animi etiam robur illi addidisset, ut nullum metueret periculum. Mos enim Dei istud habet, ut cum aliquem discrimini exponit, etiam perficendi audaciam subministret. Ibid. 570. & seq.

Tametsi verò facer peregrinus Iacob secum ferret amplissimum saluum conductum omnipotentis Protectoris, ut securè terrā, marique itinerari posset: Nihilominus cum intellexit fratrem suum Esau in via esse, timens eius stomachum pio surreptæ benedictionis furto commotum, legatos ad illum cum muneribus misit, qui furorem irati lenire studerent. Submiserat illi Deus numerosissimum exercitum, & leuis armaturæ, sed ex solis Angelis constat milites, quos ad se iuuandum è cælo designatos tam nihil dubitabat, ut diceret: *Castra Dei sunt hac*, & suppetiæ mihi ab illo missæ; nihilofecius tamen misit extemplo legatos, qui mitigarent fratrem, & transeundi licentiam peterent. Quorsum hæc placandi fratris industria illi, qui parata sciebat suæ defensionis castra Dei? Respondeo. Sciuit quòd auxilium, & opitulatio Dei non semper

excludit studium, & sollicitudinem cooperationis humanæ. Ibid. 572. o.

Pax huic domus. Inter cætera monita, quæ Dominus discipulis suis dedit, cum illos ad disseminandum Euangelium misit, præcipuum illud fuit, ut hospites suos tali verborum formulâ salutarerent: *Pax huic domus*; Matth. 10. hoc est, ut illis quietè, & absque timore pacatè viuere apprecarentur. De hac re doctus quidam sic ait: *Id si expendas quantum sit, fateberis nihil in tota vita præclarum esse.* Pax contrariatur bello, bellum plenum est timore, tumultuatione, perturbatione, curis. Optare ergo domui alicui pacem, est precari, ut sit vacua omni timore, perturbatione, inquiete, anxietate, quæ talia sunt, ut nemo prudens sit, qui cum illis non mauelit esse mendicus, quàm rex, aut Imperator cum timore. PP2. 578. c. 1. Ut crudelitatem timoris cognoscas, satis est scire, quòd mors & pulchra est, si cum illo componatur, & suavis medicina dolorum, quos ille adfert. Ibid. 575. o.

Verè terribile est mortis mysterium, & etiam ante tormentum sufficiat timor ad cruciatum, inquit S. Nilus. Ad crudelem mortem misero homini sat est ipse mortis vnicus, ac solus timor. Ibid. 575. c. 2.

Tantum malum est timor, ut Cain à quocunque primùm obuio trucidari optaret, quòd mortis, quam commertuisse sciebat, semel vnâ occisione timorem euaderet. Verùm Dominus non præsentem statim damnauit supplicio, quòd confestim ei calamitatis sensum adimeret, sed mille mortes intendendo, ut sentiret alios super alios pauores, &c. Ita Philo ibid. 576. & seq.

Nolite possidere aurum. Alii apud Nouarinum transferunt: *Ne comparetis*, siue *Nolite comparare.* Præcepit ergò Dominus non vexari, non torqueri corradendarum pecuniarum sollicitudine, ac studio. Feriari ergò à labore imperauit. Nihil noui. Similem habemus aliam eiusdem Domini iussionem vetustissimam æquè, ac grauissimam. *Septem diebus azyma comedetis, in die primo non erit fermentatum in domibus vestris. Quicumque comederit fermentatum, peribit anima illa de Israël*, aiebat iam olim per Moysen Exod. 12.

Admiratus hanc legem S. Gaudentius ait: *Si fermentatum fieri iussisset, diligentia illic necessaria esset, ne deesset. Quòd iussit, desiderata est, non laboris.* Non habere fermentatū, aut non subigere farinam fermento, est feriari, & nihil agere, otium autem ex seipis nimisquam vehementer amant homines. Cui ergò Dominus, cum illos vult otiosos, ac feri-

atos, id sub certa capitis pœna imperandum putauit? Respondet Gaudentius: *Negligentiam iubet, & obedientiam probet.* Quamuis appetitus humanus quierem, otium, vacationem nimio opere amet, quia tamē deprauata voluntas magis inclinatur in uerita, putauit otium Hebræis sub comminatione mortis præcipiendum, ut qui sciret, nec otium acceptaturos, sed vetitum laborem potius arrepturos, neque obtemperaturos ut feriantur, nisi tanti supplicii metus eis obedientiam extorqueret. PP2 631. c. 1. & 2. Tam vehementer nitimur in vetitū, eaque auditiū appetimus, quæ seuerius negantur. Ibidem 628. o.

Nolite possidere aurum, neque argentum, &c. Voluit Christus Discipulos suos esse pauperes, ut esset intrepidi concionatores. Ecclesiasticæ opulenti sunt mericulosi: Nam abundare, & timere quāquam literis, syllabis, uocabulis plurimum discrepent, reapse tamen nihil differunt. PP2. 597. o. At pauperes sunt imperterriti. Ioannes, qui neque lectū, neque lectum, neque mensam habebat, solus ac primus incestam Herodis cum sua fratria consuetudinem publicè audacter arguebat, cum diuitum nullus tantum haberet animi, ut id faceret. Ibid. 597. c. 2.

Tertullianus suadebat mollibus quibusdam mulieribus stare expeditas, ad omnem vim, & nihil habere, quod relinquere timerent. Aptius hoc cadit in Concionatores. Ibid. 599. c. 1. & 2.

Prædicator diues *timet pro domo, pro famulis, pro agris, pro opibus, ne quis aliquid ex his auferat, &c.* qui multorum est dominus, multorum seruus esse cogitur. inquit Chrysostomus ibid. 600. c. 1.

Elias tam inops erat, ut qui virum pilosum, & pannosum, & Zonā pelliceā accinctum renibus audiret, illum statim intelligeret. Et hic inops Elias prophetas falsos plurimos vnâ occisione deleuit. Hic regi Achab intrepidè restitit. Hic igne è coelis aduocato quinquagenos milites semel, & iterum consumpsit. Hic regi Ochoziæ suam idolomaniam exprobrauit. Hic coelum pro suo arbitrariū nunc clausit, nunc reserauit. Hic terrori fuit omnibus hominibus. Hic Deum iuramento adstrictum tenuit triennio, & vltra, ne quam interea guttulam aquæ è loco superiore deplueret. Quare hic omnia ista: *Quia nihil præter melosē possidebat.*

Nihil enim, nihil omnino sic liberè loqui, & in rerum discrimine fiduciam habere, & contrā capriciuitatem satis munitum, & fortem facit, ut nihil possidere, & nullis secularibus obtrui negotiis. Ibid. c. 2.

Nolite portare sacculum, neque peram neque calceamenta. Lucæ 10. Similia habes Matth. 10. ubi & aurum & argentum, & pecunia omnis Apostolis interdicebatur, & dicebatur: *Gratiū accepistis, gratis date.* Quamobrem voluit Dominus, ut nullam vel circumferrent, vel admitterent pecuniam: Primo, ne Iudas, qui loculos habebat, de potestate faciendi miracula pecuniam congregare veller. Sic Glossa apud S. Thomam in cap. Matth. 10. Deinde ne prædicationis munus ob quæstum exercere putarentur, amouet istam suspicionem, præcipiens, ut nihil secum deferrent. Ita ex alijs Nouariis in Matth. Tam graue nimirum scelus est, accipere pretium pro eo, quod gratuito dare debeas, ut Discipulos suos ne suspectos quidem de illo esse voluerit.

S. Paulus de se aiebat 2. Cor. 2. *Non sumus adulterantes uerbum Dei.* Chrysostomo adulterare hoc est, cum quis pecuniā vendit, quod gratis dare debebat. Adulterium fuisse, ex quo Thamar grauida erat, uult Tostatus. Illud putatitium adulterium uolebat Iudas igne vindicare. Si ergo adulterium committit, qui pretio vendit, quod gratis dare debuit, igitur talis meretur, ut rogo iniectus igne conflaret. Quo ergo supplicio ille Iudex multandus, qui pecuniam admittit pro eo, quod non solum gratuito, verum etiam ex iusticia facere tenebatur? PP2. 488. & seq.

Nulla maior malicia, aut crudelior iniquitas, quam accipere lucrum, aut pecuniam pro eo, quod dare, vel facere iusticia debeas. Ibidem 488. o.

Hic inuenies pulchra, quibus corruptos Iudæos merum amatores perstringas.

Ece ego mitto vos sicut oues in medio luporum. Matth. 10. Quamuis mites mores omnem hominem deceant, eis tamen maximè conueniunt qui sunt aliorum doctores. *Qui enim locum prædicationis suscipit, mala inferre non debet, sed tolerare, &c.* ex sua mansuetudine iram sententium mitiget, luposq; conuertat in oues. Ita S. Greg. Magnus apud Nouarium. Nullum tam efficax incantamentum ad placandum stomachosissimos, & ad occupandum animos eorum, qui maximè barbaro, iracundo, & efferrato sunt animo, quam uerba amica, & suauis sermo. PP2. 604. o.

Hac mando uobis, & diligati inuicem. Ioan. 15. Dixerat illis antehac Christus: *Itē, ecce ego mitto uos sicut agnos inter lupos;* Luc. 10. 3. Dixerat: *Iniciet uobis manus suas, & persequantur, tradentes in Synagogas, & custodias, trahentes ad reges, & præst-*

des; Luc. 21. 12. Dixit item in hoc Evangelio: Non est servus maior domino suo, si me persecuti sunt, & vos persequentur. Dicturus erat paulo post: Euntes in mundum universum predicate Evangelium omni creatura; Marc. 16. 15. Ut hoc laboriosum officium hilariter susciperent, ut in medios lupos intrepide se inferrent, ut omnes persecutiones forti animo adirent, & tolerarent, unâ charitate eos obarmandos putavit, certus nec prædicationis laborem defugituros, nec luporum ferociam formidaturos, nec frangendos persecutionibus, si charitate solum inflammati, recti, ac muniti essent. Nam ubi charitas est, quid est quod possit deesse? inquit Magnus Augustinus apud S. Thomam c. 15. Ioannis apte in rem præsentem, & verè. Qui enim charitate affluit, illum nec animus desituere potest ad occurrendum lupis, nec vires deficere ad excipiendas quasvis pro Deo ærumnas, nec vllus defatigare labor. Immo nescit, quid sit charitas, qui laborem sentit, paradisus namque eius, qui amat, est delassari his, quibus dat operam. PP2. 491. o.

Amplissimum campum hoc tibi caput aperiet, per quem excurrere, & vagari longâ oratione queas.

De Communi vnus Martyris.

Siquis vult post me venire, abneget semetipsum, & tollat crucem suam, &c. S. Ambrosius in Ps. 72. ad finem expendit hæc tam aride, & asperè, ut videtur, dicta, Tollite crucem tuam, & sequere me, si vis post me venire, & meus esse discipulus. Cum arduum sit crucem tollere, & animam periculis, mortis corpus offerre, & negare quod sis, cum velis etiam esse, quod non sis, ut loquitur idem Ambrosius l. 7. in Lucam in principio, quid est, quod Christus tam absolute vult esse crucis baiulos, & sui ipsorum velut iuratos hostes, qui velint esse ipsius imitatores, neque infirmitatem mentis humanæ promissione al cuius remunerationis sustentat, quod fecisset, si addidisset ad verba superiora, se laurum quietis æternæ paratam, inque constitutam habere, qui ut ipsum sequantur, semetipsos abnegauerint, & crucis mortificationem in suo corpore circumtulerint? Respondet S. Doctor, Christum ibi perfecto locutum, qui non præmio ducitur ad perfectionem, sed perfectione consummatur ad præmium. Imitatores enim Christi non propter spem boni sunt, sed pro amore virtutis, sicut & Christus ideo passus est, quia benefacere eum dele-

tauit, non quia incrementum gloriæ ex sua passione querebat. Hæc ille ibi. Qui ergo benè excultus est disciplinâ cælesti, is Christum imitari debet, hoc enim est illum sequi, ut sit ut ille passus est nullâ cupiditate lucri, sed solo amore benefaciendi, ita & ipse ad ferenda mala, & facienda bona incitetur non desiderio præmii, non spe remunerationis, sed solâ cupidine ferendi aduersa, & facienda, quæ Deo scit esse grata. Tomo primò, Periochâ 3. Dominicæ 4. in Quadrag. p. 301. c. 2.

Vult Dominus, ut quicumque illum amant, non ob aliud ament, quàm quod amare amant, quod iste sit amor, quem maximi æstimat, eaque voluntatis benevolentia, quam & summè probat, & prolixè remunerat. Ibid. pag. 299. o.

Qui vult venire post me, abneget semetipsum, & tollat crucem suam. Matth. 16. Apud Lucam 9. iubet quotidie crucem tollere. Crux est, quidquid affligit, & cruciat. Ut autem hoc leuiter feras, illud efficiet, si cogites, quod nomen afflictionum, & calamitatum non merentur, quæ simul cum vita expirant. Abrah. 74. o. ærumnas præsentis vocat Christus viam, & portam, dicens: Quam angusta porta est, & arcta via, quæ ducit ad vitam! Matth. 7. Theophylactus ait: Neq. minima consolatio est, vocare ipsam portam, ac viam, neutra siquidem permanet, sed transit. Omnino plurimum imminuit pondus calamitatum mundanarum, quod eas præterire nouimus.

Infirmitatem Lazari non esse ad mortem Christus aiebat. Sed quomodo non ad mortem, ex qua mortuus fuit? Respondet Theophylactus, non fuisse, ad mortem diuturnam, sed quadriuanam solum, talis autem mors nomen mortis non merebatur, ut absolute affirmare Christus potuerit, non fuisse Lazari infirmitatem ad mortem. Sic & possumus dicere, ærumnas præsentis, quia temporales sunt, non mereri nomen ærumnarum, maxime si cum æternis comparentur.

Comicæ miseræ, hoc est, solæ quædam representationes verarum miseriarum sunt eæ, quas hic toleramus.

Ut mors Christi, eiusq. absentia lenior Discipulis accideret, dicebat eis Christus, se non amplius triduo absuturum. Hoc abire sic fuit, ac redire, ut eum non defuisse perluceat, inquit S. Ioannes Chrysostomus. Ut Christus velut non absuit, qui solo triduo absuit: Ità vitæ huius aduersitates velut non grauant, quæ paruo tempore solum grauant. Ibid. 75. & seqq.

Qui vult Venire post me, sequatur me. Chrysostomus in catena S. Thomæ ait: *Cum Saluator sit pius, & benignus, nullum inuitum, aut coactum habere vult famulum, sed spontaneos, & gratias agentes et pro famulatu.* Quid facturi sunt, Domine, illi spontanei imitatores, vt tibi pro famulatu gratias agere possint, ac debeant? Abnegabunt semetipsos, & tollent crucem suam. Abnegatio sui ipsius Basilio quidem est totalis præteritorum obliuio, & recessus à proprijs voluntatibus, Origeni verò abstinentia cuiuslibet criminis. Crucem autem tollere est appetere mortem pro Christo tolerandam, & mortificare membra, quæ sunt super terram, & viriliter disponi ad omne periculum sustinendum pro Deo. Sic idem Magnus Basilus. Itaq; hæc à seruis suis officia Christus requirit. I. vt præteritarum voluptatum, quibus antehac affluerint, omnem prorsus memoriam, simulq; voluntatem propriam totam abijciant. II. vt ab omni deinceps flagitio abstineant, neque hoc solum, sed etiam virtutibus sedulo studeant, & qui lubrici fuerunt, in posterum castos seipsos custodiant. III. vt mortificent membra sua, quæ sunt super terram, & viriliter se disponant ad omne periculum, mortem aded, eamque probrosam pro Domino sustinendam. IV. vt beneficium arbitrentur, quod ad talia officia admittuntur, proq; eo gratias agant. Quæ spe lucri isti facient vt gratias agere debere videant? *Qui enim perdidit animam suam propter me,* inquit, *saluam faciet eam;* hoc est, qui mei gratia fecerit, quæ dicta sunt, ei inuicem conferam gratiam, quæ animam suam cælo inferat, æternumq; saluet. Si corporale aliquod polliceris vel oblectamentum, vel emolumentum, Domine, plures, promptioresq; reperris obsequentes: Nam quando proponitur lucrum temporale, omnia alacriter sustinere volumus, etiam si quid iaboriosum sit, & valde ærumnosum, & sordidum, & pœnam in præsentem, & futuro sæculo præbens; propter nostram autem salutem, & vt supernum nobis conciliemus auxilium, remissis, & supini, & dissoluti videmur. Ità S. Chrysost. PP. 2. 485. c. 1.

Felicissimus foret homo, si quàm est expeditus, & alacer, & velox ad curandas res corporis, tam esset sollicitus ad agendum negotium animæ. Ibid. 484. o.

At nunc pars hominum maxima, cheu, caducum propediem interituræ venustatis, & fugacis, turpique voluptatis florem sic demoritur, vt mortis pericula sæpè contemnat, qui eius vsuram expetissit, &

ad diuinæ pulchritudinis, quæ perpetuò durabit, spectatoresque suos beabit, visionem consequendam perpauci conueniunt, & cum peritura inhiante confectemur, pro sempiternis vix pedem loco mouere nouimus.

Para mihi hospitium, nam spero per orationes vestras donari me vobis. Ità scribebat quondam Paulus viro nobili, & amico suo familiari Philemoni. Certum est, quod Paulus non petijt sibi adornari domum, vt in ea magnificè exciperetur, & haberetur. Cur ergo?

Respondent SS. Hieronymus, & Anselmus: *Quia in celebri urbis erat loco, ad quem facile conueniretur. Deinde quia ab omni importunitate vacua erat, & ampla, quæ plurimos caperet audientium, nec proxima spectaculorum locis, nec turpi vicinia (prostituli, seu lupanaris) detestabili &c.* At quid obesse poterat, quod vel theatrum, vel meritoriarum mulierum domui vicina esset ea, ad quam Paulus diuerteret? Si propius à se abfuissent Ecclesia, & theatrum, prædicator, & comedus, lupa, & lux Evangelica, maiorem hominum partem ad se abstraxissent dæmon, & mundus suis vanitatibus, & voluptatibus, quàm Paulus suis veritatibus, frequentiusq; concurrissent homines ad vana spectacula, quàm ad sacra oracula, &c. Ibid. 485. c. 2.

Quàm alacriter, lætanterq; obtulerunt mulieres Hebrææ sua monilia, vt ex eis fundereur idolum! Ausfer nunc ab vxore, aut filia ornamentorū quodpiam, quod ad Dei cultum verti debeat, vix tota die stetur, &urbationem domus compescere poteris, cum tamen facile prætiosis spoliari sinant ad vana, ludicra, &c. Ita ferè Oleaster Ibid. 487. c. 1.

Sunt multa in hoc capite, quæ feruens Concionator stiliter dicere pro vobis queat.

Si quis vult Venire post me, Chrys. apud S. Thomam annotamentum in ea verba Christi sic habet: *Vide quod non coactum facit sermonem. Non enim dixit, oportet vos hac pati, sed si quis vult.* Sciuit nimirum Dominus, coactorum seruorum non posse esse constantia, vel diuturna officia. Nam firmitudinem ab eo, quod per vim fit, expectare, tale est, quale sit quis in debili arista montem stabilem consistere posse præfideret. PP. 2. 546. o.

Si quis vult post me Venire, tollat crucem suam, &c. Math. 16. Hugonis Cardinalis in ea verba commentatio talis est: *Suam* dicit, non *meam*, quasi dicat: *Dolor meus non sufficit, nisi adsit & vester.* Efficacitatis infinitæ sunt merita Christi, efficacia ta-

men nostræ saluationi non erunt, nisi ad ea accedant, & opera bona nostra. Abrah. 165. c. 1.

Vna itaq; spes est, quæ laboribus, & studijs nititur alienis, vera enim spes à diligentia pendet propria. Ibid. 164. o.

Abraham non fecit epulum, nisi quando Isaac ablatatus, per se & capere cibū, & carpere viam potuit, quia debet esse magnum gaudium spiritualis ætatis, quando talis factus est homo, qui pascatur solido cibo, idq; manibus proprijs, non alienis, inquit ferè S. Aug.

Non fuit satis sanctis illis mulieribus, quod Nicodemus comparasset totas centum libras vnguenti, nisi & ipsæ emerent aromata. Ibid. 164. c. 2.

Tollat crucem suam. Non dicit, tollat crucem meam, sed suam. Nam crucem Domini, & quanta ille tolerauit, ferre nemo potest: Ne quis ergo putet, ab omni crucis tolerantia se liberum esse, quia grauissimam Domini crucem portare non potest: idcirco ait: *Tollat crucem suam*, & pro Deo patiat, quantum per vires potest. Sic qui non valet efficere, quidquid vellet, non proinde excusatur ab eo, quod potest, Abrah. 76. o. Non potuit Sara habere ex suo corpore liberos proprios, non tamen prætermisit sibi procurare, quod poterat, ex famula Agar adoptiuos. Vimus, quamquam infrugiferissima arbor, potuit Deo placere apud Isaiam 41. tantum quia vitem cum suo fructu sustentat, quæ fructum ipsa nullum profert. Sponsa osculum sponsi, vnguentumque obtinere non poterat, rogabat nihilominus, vt vel odor nominis illius aqua se pernoctaret.

Si quis summa desperet, tamen est pulchrum in se eundem, tertiusq; consistere, aiebat Cicero apud Quintilianum. Et S. Ambrosius: *Si mors esse non potes, esto Gel colles*. Miles, cui detruncatæ manus, cum pugnare nequeat, voce tamen, & clamore confirmare suos, & rem iuuare communem potest.

Buccinarum, quibus soli ex officio infonabant sacerdotes, clangore deiciendi erant muri Hierichuntis, iussus fuit nihilofecius omnis populus clamare vociferatione maximâ, vt laici homines, quoniam aliud non poterant, talem clamore rem promouerent publicam. Sic qui totum aliquod negotium pertractare non potest, non omne propterea studium deponat. Ibid. 77. & seq.

Tollat crucem suam. Christi crucem vnus aliquando Simon Cyrenæus excepit, sed per vim insolentium militum coactus, qui angariauerunt eum, *vt tolleret*. Cum autem Dominus optet tales, qui

sponte crucem suscipiant, dicit: *Qui vult venire post me, tollat crucem suam*; ne inuitus obtemperet, si meam tollere iubeam, cui impares sunt hominum imbecilli humeri. Domino seruimus, cuius ea est suauitas, humanitas, ac moderatio, vt nemini onus maius, quàm ferre commodè possit, iniiciat. PPP. 387. o.

In celeberrimis illis Canæ nuptijs erat aliquid, quod nolebat Dominus, erat aliud, quod præcipiebat, erat tertium, quod ipse volebat, & faciebat. Erant hydræ inanes, id nolebat, itaque imperabat impleri, denique volebat, vt aqua in vinum transmutaretur, & hoc ipse effecit. Implere aquâ, quod homines poterant, iussit, vt autem aqua in vinum verteretur, cum id facere homines nequirent, ipse fecit. Ibid. 288. c. 1. ex S. Bernardo.

Apud Matthæum 9. cum cæcos quosdam donare visu vellent Christus, prius sciscitabatur ex eis, vtrum id facere, posse crederent, & apud eundem Ibid. arreptitium quendam dæmone excoeravit nihil tale interrogatum. Quid causæ? Arreptitius mutus, & intellectus vsu destitutus nec intelligere, nec respondere poterat, cæci & promptam linguam habebant, & vsum rationis liberum, & cum intelligere, tum credere, tum dare responsum poterant. Non exigit plūs diuina bonitas à quoquam, quàm præstare queat. Ita ferè Euthymius ibid.

Quare vnusquisq; tanti debitor est, quantum ingenij sui vires exsoluere valent, nec quisquam apud Deum soluendo non est, dum vlti à facultate non petat, sed misericordia eius ijs, quæ possumus, contentatur, inquit Paulus Burgensis Ibid. 390. & seq.

Tollat crucem suam quotidie. S. Petrus Damianus aiebat, diem huius sæculi nullum esse alium, quàm veneris, quo Christus in cruce mortuus fuit. *Tota hac vita sexta feria est*, inquit ille, *quia scilicet crucem post Dominum basulare subemur*. Veneris dies est omnis huius vitæ dies, quia passioni, & cruci ferendæ destinatus, in quo laborare, & sudare oporteat, vt ab illo transeamus ad dominicum diem resurrectionis. Qui hæc vult inuertere tempora, & feriatum diem facere ex operoso, & præsentem habere voluptatem, & futuram consequi lætitiâ, ille spe suâ frustrabitur, & aliud, quàm expectabat, inueniet. Abrah. 97. c. 1.

Cum enim fieri non possit, vt quis habeat huius vitæ gloriâ simul, & futuræ, necessum est hic seminare lachrymas, vt ibi metamus lætitiâ Ibid. 96. o.

Qui in templum Salomonicum per Aquilonarem portam

portam ingrediebatur, egrediebatur, per meridianam, nullusque per eam portam exibat, per quam intrauerat. Aquilo ærumnarum præsentium symbolum est. Meridies typus beatitudinis securitæ. Qui ergo in hac vita per Aquilonarem portam tolerantie mundanarum calamitatum ingreditur, egredietur per quietis portam, & gloriæ in vitam futuram.

Cum olea bene germinat, tunc male fructificat, cumq; bene fructificat, male germinat, inquit Theop. Si quæratur germinet male oleæ, quo anno fructificat bene, respondet, inde fieri, quod non sit tanta naturæ vis, ut tribuere vtrumque, pingui illi arbori queat, cumq; virg; satisfacere parti non valeat, necesse habet absumere alteram, & alteram seruet. Ita puta, neminem posse hic luxuriare germine, & ibi post hæc abundare fructu, hic ducere in bonis dies suos, & ibi videre voluptatem domus Dei, quia Deus non vult vtriq; satisfacere parti, neq; tantâ quemq; consequenter cumulare gloriâ, sed qui futuram vult assequi, debet hic Christum per ignominias, & ærumnas sequi, *necessumq; habet, alteram absumere lætitiâ, & alteram faciat*.

Etiâ in naturalibus indicat nobis Deus, quid in moralibus eueniat. *Autumnus serenitas*, inquit Plinius, *venturam hyemem facit*, neq; tempora alijs alia succedunt, nisi quæ diuersas, aduersasq; habent qualitates. Non hyemem hyems, sed æstas, nec ætatem ver, sed autumnus excipit. Gaudesne in hac vita varijs corporis oblectationibus, & inter carnis voluptates autumnum huius temporis exis? Malum omen, quia immittis, & sæua, atque vtiâ non eriam æterna cruciatuum hyems te manet. Alterutrum debet esse, ut vel hoc mundo fruaris, vel æterno, vtroq; gaudere nemo potest. Ibid.

Abnegat semetipsum, ait Christus, qui vult meus esse contubernalis, quia neminem admitto in meam familiaritatem, nisi qui renuntiare, & crucem suam excipere, eaque onustus me sequi velit. Quid est abnegare seipsum. Qui alium abnegauit, tamen virgis cædi, & alijs malis modis pessimè haberi videat, non dolet, non mouetur, utpote ab eo abalienatus.

Ita ex Chrysostomo Theophylactus. Abnegat ergo semetipsum, qui non magis dolet suos cruciatus, quam dolores aliorum, quibus est insensus, quos si vel in frusta cædi, vel raptari in malam crucem videat, non illachrymat, sed neque suspirat. Abrah. 199. c. 2

Est hoc peruulgatum hominum vitium, ut quæ

proximè eos non attingunt, tamen si proxima habeant, tanquam procul posita aspiciant. Ibid. 198. o. Abnegabit ergo homo semetipsum si mala, quæ patiatur, sic accipiat tanquam alijs procul absitis sint insidita.

Id fecisse sanctos martyres B. Gregorius Nazianzenus his verbis Orat. 9. affirmabat: *Alacris animo velut in alienis corporibus dimiscarunt*. Ut namque exiguum dolorem nobis adserunt flagra, quæ inferuntur alijs: Ita Martyres sua non magis sentiebant tormenta, quàm si ea in corporibus exceperent alienis. Ibid. 199. c. 2.

Qui perdidit animam suam propter me, saluam faciet illam. Lucæ 9. 24. Sanctus Remigius in catena aurea B. Thomæ in c. 10. Matthæi, & similia Domini verba ait, animam non accipi pro substantia spiritus, qui corpus nostrum format & viuificat, cum dicitur, *qui perdidit animam suam*, sed pro hac vita præsentem, eiusq; dilectione, & voluptatibus. Ergo qui perdidit animam, id est, qui hanc temporalem lucem, & eius dilectiones, & voluptates propter confessionem nominis Christi contempserit, anima sua inueniet æternam salutem, inquit S. Remigius ibid. *Sic itaq; perficit damnum anima in salutem, detrimento enim brevis vitæ, finem immortalitatis acquiritur*. S. Hilarius ibid. Quare ut alij lucra expetunt, sic debent Christiani optare suarum rerum pro Deo iacturam, cum æterna de manu ipsius accipiant, eaq; plurima, qui paucula, & temporalia pro illo perdunt. Abrah. 103. o.

De Communi plurimorum Martyrum.

Vide in Festo Omnium Sanctorum.

De vno Confessore Pontifice.



Vge seruo bone, & fidelis, quia in paucis fuit fidelis, super multa te constituiam, intra in gaudium Domini tui; Matth. 25. v. 21. & 22. Hæc dicta fratre duobus seruis, quorum alter quinque, alter duo talenta ad negotiationem acceperat. Sancti Chrysostomus, Pelusiotæ, Theophylactus, quærunto quomodo ijs, quorum imparia erant talenta, par gratia facta est, quando vtriq; promissum, quod super omnia bona constituendi essent. Qui quinque talenta acceperat, is sublimiore in gradu constitutus fuit, cui duo solum credita sunt, inferiore dignitate

gnitate
uerfa pri
nisteria
quod &
duo.
etiam pa
parum
plurim
quisq; en
bene eger
Ergo m
pla occu
qualecun
partes on
Mund
gura, siue
rith. 7.
Velut in
nus loqu
& qui nu
post bellu
ponens, i
Sic in mu
diuerfa
ritas rep
personar
obscuran
primas, t
dicabuli
temperet
Principen
mediat
qui felic
magnope
ter person
damo dedi
mercedu
producent
c. 1. & 47
Euge (ser
delu, sup
seruo cui
pisset, alia
tem Domi
vocat qui
ingentem
quod sup
delem rep
tio fidelit
gnis incre
Tom. I

gnitate ornatus videtur. Quomodo ergo non diuersa præmia, quorum fuerunt tam differentia ministeria? Respondet Theophylactus pulchre: *Vide, quod* *Et is, qui quinque talenta acceperat, Et is, qui duo, eadem bona consequantur. Quando enim quis etiam pauca acceperit, Et datum sibi donum, licet paruum sit, bene dispensarit, aequalem honorem adepturus est cum eo, qui magna habuit, Et fecit. Vnusquisque enim Et acceperit, ita Et excelsus videbitur, si bene egerit.* PP2. 471. c. 1. & 2.

Ergo non magnus est, quem officia magna, & ampla occupatum habent, sed qui ministerium suum qualecunque probè curat, & officij etiam exigui partes omnes labore magno procurat. Ibid. 469. o.

Mundus hic scæna quædam est (præterit enim figura, siue scæna, ut LXX. habent, huius mundi, 1. Corinth. 7.) in qua variaz personæ exprimentur. Et *Velut in theatrorum pompis*, ut S. Gregorius Nyssenus loquitur, *nunc hi, nunc illi censentur apparere, Et qui nunc seruus, aut homo priuatus apparet, paulo post bellator cernitur, Et rursus habitum subditi deponens, Imperatoris personam, Et cultum assumit*: Sic in mundo ut sunt varij status, ita etiam personæ diuersæ repræsentantur. Sed ut tolerantia, & dexterritas repræsentationis non in eo posita est, ut quis personam sublimem, aut humilem, illustrem, aut obscuram referat, sed ut etiam viuâ imitatione exprimat, tametsi rusticani pastoris sit, aut vilis mendicabuli: Sic nihil interest, *utrum quis præsit, aut obtemperet*, inquit S. Nazianzenus utrum Regem, Principem, Episcopum, aut gregarium militem, aut mediastinum agat. Felix enim, & magnus est, non qui felicem, & magnam personam, refert, sed qui magnoperè curat, ut feliciter, solerterq; repræsentet personam, quamcunq; illi Deus repræsentandam dedit. *Lapidida enim, ut est apud S. Ephræm, incidendis lapidibus, Et faber ferrarius tundendo, producendoque ferro mercedem recipient.* Ibid. 469. c. 1. & 470. c. 2.

Euge serue bone, Et fidelis, quia in pauca fuisti fidelis, supra multa te constituam, dicebat Dominus seruo cuidam suo, qui cum quinque talenta accepisset, alia quinque lucratus fuerat. Hic liberalitatem Domini quidam ex eo arbitrantur, quod pauca vocat quinque talenta; quæ tamen pecuniæ vim ingentem faciant. Ego verò inde etiam æstimo, quod supra multa eum constituit, quem in pauca fidelem reperit, hæc enim permagnifica commendatio fidelitatis eius fuit, & exultationem illius magnis incrementis auxit.

Tom. IV.

Soli ergo ex omnibus dominis supremo Domino seruire & maximè debemus, & facillimè possumus, nemo enim illi ministrat, qui non maior fiat, & augetur. PP2. 505. o.

Domine ecce mina tua, quam habui repositam in sudario, dicebat apud Lucam 19. domino suo quidam ignauus seruus, qui cum ab eo accepisset pecuniam, deberetque eam tanto corporis & ingenij conatu ad negotiationem, lucrumque exponere, ut necessum esset semper circumferre sudarium ad abstergendum natum de laboris contentione madorum, ipse otio se, & torpori, & somno tradidit, ut ne sudaret. Itaque cum non requireret amplius sudarium, ipsum simul cum pecunia terræ infodit. *Non est hic seruus laudatus, neque honorem promeruit, sed potius tanquam iners condemnatus est*, inquit B. Cyrillus apud S. Thomam & nequam dictus, quia cum sudario facies mortuorum velari solent (quod in quatruiduano Lazaro videre licuit) qui domini sui pecuniam sudario inuoluit, eam velut mortuam habuit, adeoque otiosam dimisit, & neque auxit, neque tractauit. Ità ferè Theophylactus apud eundem. Ergo nequam famuli iners otium otiosam reddidit pecuniam, & quod lucrum ex illa nullum fecit, turpis illius pigritia fecit. Sic quod in domo Dei parum proficimus, id fit, quia negligenter ei seruimus, ut enim quisq; ei famulatur, ita & augetur meritis. PP2. 500. o.

Multam ex Lia sobolem Iacob genuerat. Poterat inde satis arbitrari Rachel, quod is impotentia generandi minimè laboraret. Quando verò eius rogatu etiam grauidauit Balam famulam, *didicist manifestè per ancillam, quod Iacob non fuit in causa, quare ipsa liberis careret*. Sic Abulenſis ibid. Itaq; suo solius vitio improlis Rachel fuit. Id multis animabus accidit, quarum infœcunditas non ab impotentia Sponsi cœlestis, sed ipsarum vitio nascitur. Ibid. c. 2. Dei namque amor igni comparatur, *quo enim crebrius agitur, vehementius inardescit, Et nunquam ex sua natura (dummodò materia non deficiat) ardere desistit*, inquit B. Laurentius Iustinianus.

De vno Confessore Abbate.

Ece nos reliquimus omnia, Et secuti sumus te, &c. *Et* dicebat Christo Petrus Matthæi 19. velut pluribus dixisset: *Audiuius ex te, Magister ac Domine, difficulter obtenturos regnum Dei, qui sunt diuites.* Ecce hinc nos, qui nos omnibus nudauimus, ob id tantum, ut tecum versari, ac morari possumus,

L

quid

quid ergo fiet nobis. Respondit Dominus: *Vos, qui secuti estis me, sedebitis super sedes duodecim.* Ergo nunc indices olim erunt, qui nunc pro Deo pauperes? Sed quid? Tantumne sedebunt, & otiantur, soloq; titulo Iudicum, & loco gaudebunt? Nec otiose sedebitis, sed iudicantes duodecim tribus Israël. Ita exponit Iansenius. Non sola argo inaniter loca consiliatorum, ministrorum publicorum, iudicum occupabitis, sed officia etiam talium propria vos occupatos habebunt. PPP. 318. c. 2.

Qui præfecturæ nomen admisit, neque officium exercet, is probroso titulo gaudet, quo dedecoretur, & honorificam habet ignominiam, quâ dehonoretur. Ibid. o.

Domine vñ dicimus, Et ignis descendat de caelo, & consumat istos barbaros, & erga te tam inhospitalis Samaritanos? dicebat Iacobus, & Ioannes Christo Lucæ 9.

Quare hi illud ex omnibus dixerunt Apostolis? Cur fulmine tales percelli ii potissimum optarunt? Bene præsumunt quod ad sermonem suum ignis de caelo descenderet, quoniam filii sunt tonitru, inquit S. Ambrosius. Probrio ducebant, vocari, & non esse filii tonitru. Verè deridiculus est, qui magnos dignitatum titulos iactitat, & nihil eis dignum agit.

Nomen habes, quod viuas, & mortuus es, dicebat Episcopo Sardicensi ex Deo. Respicitur ad nomē Episcopi, quod Græcè significat inspectorem, & speculatorem, inquit Alcazar. Dicere ergo voluit: Nomen Episcopi habes, hoc est, hominis, qui pernox, perdiusque vigil salutis aliorum prospiciat, & mortuus es, negligensque & oscitabundus dormis, quid enim tam mortis simile, quàm dormientis aspectus? inquit Chrysologus serm. 24. Ibid. 320. c. 2.

Fortunati, qui pro Deo fortunis suis vel ipsi renuntiant, vel per vim ab aliis exuuntur. Nulla enim felicior iactura, quàm quæ pro Deo toleratur, & quæ fluosissimum damnum est, lucrosissimumque incommodum est, quod pro illo sustinetur. Abrah. 1. o.

Vos qui secuti estis me, subaudi, relictis omnibus, quacumq; habuistis, ut legit S. Greg. Nyssenus, in regeneratione sedebitis super sedes. Quod hic dicitur, in regeneratione, Syrus habet, in sæculo nouo, & illud, super sedes, apud Chrysostomum est: *Super solia, & apud S. Gaudentium, super thronos.* Hoc est ergo, quod Christus suis Apostolis promittit: Vos, qui in hoc vetere, & antiquato, idèdque pro-

pediem interituro sæculo lacera retia, ruinosa turguriola, & magis laboriosum, quàm lucrosum piseandi officium & reculas illiusmodi relinquentes in meum contubernium vos tradidistis, in nouo sæculo, eodque semper duraturo sedebitis, & in thronis sedebitis, hoc est, in beato, & honorifico, ac glorioso otio aternitatem ageris. Quanta merces eorum, qui pro Deo tantula reliquerunt? Sic Moysen, qui pro Dei obseruantia noluit putari filius filiarum regis, fecit Deum regis. Habet hoc mos Dei ut permagnificè etiam non magna remuneret. Ibid. 1. & seq.

De Communi Doctorum.



Os estis lux mundi, Vos estis sal terra.

Lucis, & salis nomine donantur Doctores Apostoli, & animarum Prælati, ut quod lucis proprium est, videant, & arguant malefacta subditorum, sive auditorum, & mordeant etiam, quod sal facit, si res ita postulat. Nam qui dissimulant vel taciti prætereunt suorum peccata, iidem peccare docent. Nulla enim efficacior vox est ad persuadendum flagitium, excitandamque peccandi audaciam, quàm Superioris videntis, & coniuuentis taciturnitas, & dissimulatio. Abrah. 86. o.

Sara in suum Abraham inuehebatur, dicens: *Inq. agis contra me,* Gen. 16. quia illius coniuuentia factum putabat, quod Agar ancilla tam contumax, & contumeliosa in dominam esset, petulantiamque famulæ hero dissimulanti adscripsit.

Si quis puerum lauante in præterfluente videat, & prævideat submersionis discrimen, nec moueat periclitabundum, illeque suffocetur, estne is causa mortis eius, qui non aperuit periculum incauto, quod prænouerat? S. Augustinus respondet: Si videas puerum adire periculum, cum in aqua, nec auocas clamore si fortè abstrahere manu non potes, tua patientia illius mors est.

Dauid Ps. 49. grauiter laxum quendam, ignauūque, & remissum Prælatum increpat, dicens: *Sed videbas furem, currebas cum eo.* S. Pacianus legit: *Concurrebas cum eo.* Alii: *Silebas ad eum.* Concursum Philosophi vocant opitulationem Dei, quæ causarum secundarum operationem sic iuuat, ut nec sol absque illa luceret nec adureret ignis. Prælati ergo videns subditum malè agere, & silens quid facit? Concurrit cum eo. Taciturnitas Prælati consocij vitæ sceleratæ suorum, & silentis, aut dissimulantis

lantis quidam moralis concursus est, vt licentiùs peccent, & impudentiùs delinquant.

De mercenario aiebat Christus Ioan. 10. *Videt lupum venientem & fugit.* Quomodo fugit? *Fugit silentio,* inquit Caietanus. Et S. Gregorius: *Fugit, quia iniustitiam vidit, & tacuit. Fugit, quia se sub silentio abscondit.* Prælatus silens, & absens, & inanimatus, & idolum pastoris idem sunt. Dum Herodes pro Concione diceret Act. 12. sordidi quidam palpones fucclamabant, *Des voces, & non hominis esse,* quas dabat, & confestim percussit eum *Angelus Domini, & consumptus à vermis,* vt idola, & statux lignex consumi à teredinibus omnes solent, *expiravit.* Sed cur ille percussus, & non magis affentator populus consumptus fuit? *Quia populum non reprehenderit, neq; adulationem imptram, & insaniam repudiavit, nam dum eam acceptavit, etiam ad maiorem ipsos impietatem assuefecit, atque erudiuit.* Ita S. Ildorus. Ibid. 87. c. 1. & 2.

Vos estis lux mundi. Aristotelis observatio est, quòd lux, quamvis pertenuis sit, & velox non penetrat corpora densa, quæ tamen strepitus crassior pervadit. Quid causæ sit, apud illum vide in Problemat. sect. 11. num. 94. Mihi illud hic percunctari libet, quamobrem quidam Doctores, Concionatores, Superiores, Confessarii, qui pro conditione, & assimilatione lucis sunt blandi, lenes, & nimis faciles erga suos auditores, vel subditos, tam parùm boni apud eos efficiant, cùm è contrà alii, qui perstreperunt minaciis, & terrent verbis asperioribus, plurimùm promoveant? Respondeo hoc fieri, quòd homines plerique magis ducantur timore, quàm amore, vt faciliùs ad eorum animos penetrer strepitus indignationis, quàm lux blanda dilectionis. Abrah. 69. c. 1. & 2. Cùm ergò Doctor, superiorque omnis debeat & amori esse, & timori, etiam debet facere, ob quæ & ametur, & timeatur. Ibid. 67. o. Non solùm lux, sed & sal debet esse.

Apud Matth. 16. c. obiurgabat Christus Discipulos suos his tam salis verbis. *Quid cogitatis intrà vos, modica fides, quia panes non habetis?* ac si dixisset: O perpusillæ & fidei, & memoriz homines, qui non recordamini miraculi quinque illorum panum, quibus cùm quinque hominum millia saturasset, tanta fuit reliquorum fragmentorum copia, vt duodecim cophini vix ea caperent! Vt video, non intelligitis quòd de pane materiali locutus non fui, quando à fermento Phariseorum cauere iussi. Quid ea increpatio effecit? Id, quod *tunc intellexerunt,*

quia non dixerat cauendum à fermento panum, sed à doctrina Phariseorum. Exclamat hic Euthymius: *Vidisti premissam increpationem? Vide etiam fructum eius.* Excitavit enim mentem eorum, quæ dormiebat, & intellexerunt. Quid hinc accipimus? Quòd non oportet ubiq; missem esse præceptorem, sed quandoque asperum fieri.

Sic Elias, cùm primùm se oculis vulgi permisit, perasperum, tamque subausterum exhibuit, vt non tam verba, quàm fulmina ore promere videretur, eaque ratione tanquam scuticâ quadam insolentiam populi coercuit, vt ferè ait S. Gregorius Nyssenus.

Sic & Christus, cùm pietatem suam multis miraculorum beneficiis manifesta flet, siculneam maledictiono fixit, & arefecit Matth. 21. vt seueritatem quoque suam demonstraret, indicaretque posse etiam adimere vitam, & momento, si vellet, extinguere peccatores.

Idem Dominus noster iamiam moriturus, simul & animam, & magnam vocem emisit Matth. 27. Origenes ait: *Magna facta sunt ex eo, quòd magnâ voce clamauerit.* Quænam illa magna? Velut templi scissum, terra mota, saxa dissilierunt, monumeta aperta sunt, mortui multi redierunt in vitam. Ita quando subditus velut mortuus est, quando durus vt saxum, immobilis vt terra, faciat Doctor, aut Prælatus, quod Christus, det magnam vocem, contractâ fronte seueritatem indicet, & videbit magna fieri. Ibid.

Non potest ciuitas abscondi supra montem posita. Matth. 5. Præsides Ecclesiæ dicuntur hic Domino ciuitas. Chrysostomus apud S. Thomam in catena ait, per eam appellationem eos moneri esse sollicitos de propriæ vitæ moribus, tanquam qui oculis omnium sint expositi.

Ciuitatis à pago rusticano hoc est inter varia discrimen, quod in ciuitate, qui de via lassus, & famelicus venit, obuium habet hospitium, in quod proquiere diuertat, & cibum, quo esuriem leuet, in pago nihil tale ferè reperitur. Quod si in ciuitate nihil tale inueniretur, probro daretur loco, pago tamen earum rerum penuriam nemo dare solet vitio. Ciuitatis ergò nomine donantur Prælati, vt inde discant, quàm instructi debeant esse ab annona boni exempli, ab ornamento virtutum, ab apparatu totius sanctitatis. Si enim secus veniat, id non dolorem modò subditis, sed & scandalum parere potest. Abrah. 151. c. 1.

Prælati vt sunt loco, & officii dignitate aliis su-

blimiores, ira etiam virtute, ac perfectione deberent esse superiores, quia honorem sanctitas exequare debet. Ibid. 149. o.

Abimelech arbitratus Saram sororem Abraham, appetiit eam, idque etiam Deo teste, simplici corde, & tamen Abraham, qui dissimulauerat, quod vxor esset, aiebat: *Quid peccauimus in re quia induxisti super regnum meum peccatum grande?* Gen. 20. Quomodo id, quod simplici corde fecit rex, & solam speciem quandam peccati habebat, & bonâ intentione tentatum à rege fuerat, peccatum grande nominatur? Hinc vide, quàm sint immania superiorum peccata, cum sunt vera, quando etiam ea, quæ solùm videntur peccata vocantur grandia. Ibidem.

Vos estis lux mundi. Quod est Sol mundo, hoc Doctor rudibus Christi fidelibus. Sol, & homo generant hominem, inquit Aristoteles. Doctores ergo Ecclesiæ vocantur Soles mundi vt inde intelligamus, quod sunt parentes hominum non minùs quàm homines ipsi. Nec inæptè Patres Ecclesiæ vocantur, qui sunt illius Magistri, & Doctores, quisque enim tam vocari filius illius suo modo potest, à quo secundùm spiritum eruditus ad virtutem, quàm eius, à quo secundùm carnem est genitus in vitam. PPP. 239. o.

Abraham multos habuit liberos, specialiter tamen dicitur genuisse Isaac, quia dum huic & vitam corporalem dedit, & bonos mores suâ institutione impressit, velut bis pater fuit, carnis puta, & spiritus.

Dauid Ps. 33. clamabat: *Venite filii, audite me, timorem Domini docebo vos.* Quos vocat? Non liberos tantùm suos, sed etiam omnes omninò homines. Ergone omnes homines tantâ necessitudine coniunctos habebat, vt essent filii? Respondet Magnus Basilius: *Vox est magistri amantissimi, ac per viscera patris ad disciplinam inuitantis, nam & discipulus magistri filius est spiritualis, quicumque enim ab aliquo pietatis formam accipit, is profectò ab eo quasi fingitur, & in lucem educitur.*

Demosthenes cum ita impeditus linguâ esset, vt artis Rhetorices, quam affectabat, primam literam effari non posset, vsu & exercitatione effecit, vt consummatissimus orator euaderet. Quare de illo Valerius Maximus dicebat: *Alterum Demosthenem mater, alterum industria enixa est.* Itaque & industria suæ quodammodo filius fuit.

Cis pater Saulis alibi dicitur habuisse patrem Ner, alibi Abielem. Itanè binos habuit patres? Ner

dictus fuit pater Cis, non quòd eum genuerit, sed quòd educauerit. Ita sanctus Hieronymus. Per suam institutionem morum formam nouam illi indidit, eaque ob causam pater eius appellatus fuit. Et iure, tam enim parentes nostri sunt, qui autores bonæ vitæ, quàm qui genitores primæ.

Sic luceat lux vestra coram hominibus, & glorificent Patrem vestrum, quicumque ea vident. Cur non ait, *Vt glorificent Deum, qui in cælis est?* Patris honor redundat in filios, & naturaliter queritur ab eis. Cum ergò Christus sciret, quàm vehemens sit in homine appetitus gloriæ & quòd ab omni eius concupiscentia prorsus auelli vix possit, iussit sic facere bona opera, vt cogitet in Patrem suum inde peruenire gloriam atque ex illo in se recidere, quasi putasset, quòd nec Deo bonorum operum officia deferret, nisi inter benè agendum illū vt patrem respiceret, sciretque se vt filium ab eo haberi, qui honoris commune cum eo habeat lucrū. Ita ferè Caietanus. PPP. 309. c. 2. Homo tam effusim amat propriam suam existimationem, tamque impotente gloriæ laborat ambitione, vt eam ne Deo quidem cedere posse videatur, nisi illum vt Patrem proprium spectet, idque simul secum reputet, quòd nihil amittat, cum illum in communionem gloriæ admittit. Ibid.

Cætera vitia omnia solent esse infirmitates singulares, solus dominandi ambitus pestis est tam communis, vt in totum terrarum orbem sua contagia diffundat. Ibid. 308. o.

Multa, eaq; pulchra, & docta habes in eo C. de tali argumento.

Vos estis lux mundi. Omnis, qui malè agit, odit lucem. Ioan. 3. Moraliter etiam illi oderunt lucem, qui prædicatores suos benè docentes odijs, & detractionibus insequuntur. Ità ferè venerabilis Beda apud S. Thomam in catena, Nec oderunt tantùm, sed etiam metunt, quia non veniunt ad lucem, & non arguantur opera eorum, quæ S. Ambrosius apud Nouarinum sic legit: *Quarunt latibula delictorum suorum, tam vehementer lucis aspectum, & prædicatorum obiurgationes formidant, vt præ timore sese abdant, & occultent.*

Reuerà nullus meticulosior Peccatore lepus, vt nec aliquis formidabilior Iusto leo. PPP. 399. o.

Simul opulescere Isaac, & tam formidabilis esse cepit ijs, apud quos morabatur, vt eum à terra sua profigandum putarent, & rex ipse illi exulare præciperet, dicens: *Recede à nobis, quia potentior valde factus*

falsus es
mo turb
Heroc
minùs cū
rentur f
Eic est lo
Marth. I
quus est
virtutem
tribus im
Habebe
men aieb
vbi Chryl
bitabant
Salida re
quidem, l
ciat, nhr
tem. Ibid
Vos eff
eclipsin
retur, in
mundo co
stoli ergò
vt intellig
eorum er
deri, qua
tatur. C
seruis ra
omnium
existimar
Audiui
uersus la
runt pat
Eus est i
maledice
credidit n
bat. Et q
quia bene
tam facil
vidit tinc
fixerant.
Quar
postquam
perant, &
bant temp
cata instig
berent fa
leuiter no
cidisse à
tum. Du

factus es nobis; Gen. 26. cum ille è contra nihil animo turbaretur ex illa expulsiōe.

Herodes Ioannem obrūcari iusserat, & nihilo minus cum varia ad illum Christi miracula perferrentur, satellitibus suis, & domesticis aulicis aiebat: *Hic est Ioannes Baptista, ipse surrexit à mortuis, &c.* Matth. 14. In quæ Euthymius: *Talis est, qui iniquus est, & etiam mortuos timeat, & talis est, qui virtutem colit, & pauperem, etiam post mortem virtutibus immittat.* Ibid. 400. c. 1.

Habebant Iudæi viuos Christi Apostolos, & tamen aiebant: *Quid faciemus hominibus istis; Act. 4.* vbi Chrysostomus: *In manibus illos habebant, & dubitabant secum, quid de eis facerent. Tanta, tamq̃ valida res est virtus, tamq̃ imbecillitas malitia, & illa quidem, licet patitur, vincat, hac verò etsi quid faciat, nihil proficit, nisi quod suam prodat infirmitatem.* Ibid. c. 2.

Vos estis lux mundi. Lux mundi sol est, qui siue eclipsin patiatur, siue obiectu alicuius nubis obscuratur, in omnium statim oculos incurrit, sitq; toti mundo conspicuus qualiscunq; ille defectus. Apostoli ergo, & viri Apostolici dicuntur soles mundi, vt intelligant, suos defectus, & quantulacunq; sint eorum erratula, latere non posse, sed tam facile videri, quàm facile Solis itius obscuratio quævis notatur. Quamquàm hæc ita habeant, de bonis Dei seruis tamen malam habere suspicionem minimè omnium debemus, cum neminem aliorum leuiter existimare malum liceat. PP2. 549. o.

Audiuit Laban filiorum suorum calumnias aduersus Iacob dicentium: *Tulit Iacob omnia quæ fuerunt patris nostri, & de illius facultate ditatus factus est in chalybis;* Gen. 31. Audiuit, & cum eorum maledicentiam increpare, & compescere deberet, credidit mendacio, quod toruo aspectu satis indicabat. Et qui aliquando dixerat: *Experimento didici, quia benedixit mihi Deus propter te,* non debuit tam facile aures præbere rumori, quem veneno inuidiæ tincta corda per summam improbitatem confixerant.

Quarar quispiam, quamobrem longo intervallo postquam sanctum Iob tam misere afflictum percepserant, venerunt amici ad eum. Respondeo: Putabant temporales ærumnas nemini, nisi propter peccata infligi. Cum autem sancti Iob exploratam haberent sanctitatem, tam grauius afflictum credere leuiter noluerunt, ne simul credere cogereunt excidisse à sanctitate in peccata, atque ob ea multatum. Dum itaque cunctabantur credere illum af-

flictiari, ne peccasse & flagitiosum factum etiam putare deberent, etiam cunctati sunt illum inuicere, quousq; plurimorum relationibus indubitam haberent eius miseriam. Hæc fere Olympiodorus. Sic ægrè de bonis mala credere debemus. Ibid. 549. c. 2. & seqq.

Vos estis sal terra. Nihil est, quod ita soli commo alieno natum videatur, vt sal, qui ad hoc tantum inuentus, vt conseruandis à corruptione alijs seruiat, quod nisi faciat, sed aliundè euanescat, ad nihilum ealet eltrā, nisi vt mittatur foras; & concalcetur ab hominibus, adeoq; etiam bestiis. Hoc ex sale mutuari debent prædicatores Euangelici, vt non curent, tamen studio, ac labore concionandi seipsos exhauriant, & extenuent, & conficiant, vt auditoribus suis profint. Sic Paulus frigora, nuditatem, famem, sitim, pericula quæuis gaudenter tolerabat, per quæ salutem aliorum commodabat, & libentissimè non sua tantum impendebat, sed ipse etiam superimpendi paratus erat pro animabus Corinthiorum, 2. Corinth. 12. & cum omnes debeamus pro fratribus animas ponere, vt ait S. Ioan. 1. epist. c. 3. tum concionatores Euangelici vel maxime.

Nec putent inanem esse operam suam, quam alijs impendunt, quia incrementum proprium nullā arte facilius, magisq; industriè, solerterq; curatur, quàm si quis profectui studeat aliorum, in domo enim Dei sibi emolumenta comparat, qui alijs bona accumulat. PP2. 511. o.

Qui eltraneo mærore (sue labore) se afficiunt ob peccata proximorum, haudquaquam per id lætitiā exinaniunt suam, serius auctiorem eam, & cumulatorem reddunt, inquit Magnus P. Basilius ibid. 512. c. 1.

Qui soluerit unum de mandatis istis minimis, & sic docuerit, minimus vocabitur in regno calorū, qui autem fecerit, & docuerit, &c. Quænam illa minima mandata, quorum prætergressor nomen minimi sibi acquirat? S. Chrysost. in cat. D. Thomæ vult illa Christi mandata, non irascaris fratri tuo, non concupisces uxorem alienam, dici minima fortasse quia talia sint, si comparentur cum occisione, & adulterio actuali. *Qui ergo soluerit unum ex istis minimis, sic vt venialiter oderit, vel concupiscat, minimus vocabitur.* *Qui autem fecerit, hoc est, nec leuiter vel oderit, vel concupierit, non iam magnus habendus est,* inquit Sanctus Augustinus ibidem, quia parum est non inardescere irā, non incallescere libidine coniugis alienæ, magnus autem euadet, si fecerit,

fecerit, & docuerit quæ Christus docet, hoc est, si & dilexerit inimicos suos, & oculum, animumque prohibuerit ab aliena. Quorsum ista? Vt si quem videris nec irascentem, nec liberioribus oculis spectantem alienas, non statim de primo aspectu, aut congressu censeas illius magnitudinem, sed opera pluscula, & maiuscula expectes, quæ ipsius virtutibus fidem, actionibus existimationem conciliant. PP2. 475. o.

Iustum menssem Iacob opilio tyro exegerat apud Labanum, ut hic illius mores, diligentiam solerti- amque experiretur, priusquam ei custodiendas oues absolute commendaret, ac mercedem constitueret. Hinc discit, ut neminem simulac vides, vel pessimum, vel optimum censeas, neque inconsulto experimen- to de operum alienorum quantitate, conditione statim pronunties.

Noli mox Apostolum Iesu Christi dicere, quem seruum Dei putaueris, quia non omnis, qui seruus statim & Apostolus, inquit Primasius. Ibid. 476. c. 2.

Semel, iterumque hortum conclusum vocabat Sponsam suam Sponsus, quia omnis generis flores & fructus in ea videbat, quibus pascere visus, oblectaretur olfactus, recrearetur gustus, & sensuum reliquorum quilibet suam haberet voluptatem, Cyprus cum nardo, nardus & crocus, fistula, & cinna- momum cum cunctis lignis Libani, myrrha, & aloë cum omnibus primis inguentis, (Cant. 4.) erant in horto illo. Vbi tantum flos unus est, quis ibi hortum esse desinat? inquit Gilbertus ibid. c. 2. Sic nec vna plantatio castitatis, nec vna iustitia potest horti integritatem explere, inquit idem ibid. 477. c. 1.

Et sicut senectam vnus crinis, ut ait S. Greg. Nazianzenus, non facit, neque capularem senem eum pronuntiare possumus, cuius vnum quendam capillum prima capitis inalbavit: Sic nec Sancti Antonij similem eum, qui vno die arctius seruauerit ieiunium, nec alterum Iobtem illum, qui semel iniuriolam quampiam æquanimiter rulerit. Ibid. 478. c. 1.

De Confessore Simplici.

Vendite, quæ possidetis, & date eleemosynam, Lucæ 12. S. Petrus Chrysologus serm. 22. in ea verba sic ait: Homo, tali monito Christi se ditare soluit, non nudare, neque solum ditare, sed etiam à grauissimo morbo liberare. Auri enim custos, & seruator argenti securitatem non habet, nescit quietem: Et cui dæst securitas, & quies perit, panis diues est ille, non censu, maxime

cum etiam perpetuam sit laboraret plura habendi, quæ nullo alio facilius extinguitur, quam aqua prolixæ erogationis, & eleemosynarum. PPP. 357. o.

Complacuit patri & fratri dare vobis regnum. Si reges futuri sunt, quomodo iubet, ut vendant possessiones suas siue omnia bona sua, ut est apud Franciscum Lucam Brugesem, & erogent in pauperes, sequæ ipsos in pauperum ordinem redigant? Immo quia reges futuri erant, idcirco terrenas opes suas contemnere debuerunt, paupertas enim Evangelica facit reges, iuxta illud: Beati pauperes spiritu, quoniam ipsorum est regnum celorum; Matth. 5. vbi S. Bernardus apud Nouarinum ait: Regnum celorum paupertate emittitur. Regius certe animus est, qui transitoria hæc calcare nouit, & vera nobilitas non est illa, quæ suam à sanguine originem trahit, quàm ea, quæ de contemptu omnis præsentis felicitatis, & virtute descendit. PPP. 241. o.

Vendite quæ possidetis, & date eleemosynam; Lucæ 12. Hæc dicebat Christus discipulis suis, qui perfecti esse volebant. Sed reuerà quilibet Christianus eas vendere, & erogare in pauperes mave- lit, quàm earum gratiam litigare, & iudicio contendere. Res enim miserrima est, quod experientia quotidiana contestatur litigare, ut beatus sit regno amplissimo renuntiare, quàm in iudicio litigare. Abrah. 25. o.

Propterea Dominus quidam qui cum alio controuersiam habebat iudiciariam, dicebat: Ego consentiens aduersario tuo curo, dum es in via cum eo; Matth. 5. nec villam defuge conditionem tamen onerosam, dum per eam modò euitare litem possis. Quantumvis enim tua causa triumphet, plus lucri facies, si desertâ lite perdas, quàm si contendens quæstum aliquem facias. Maximum quippè lucrum est, euasisse tadia, pœnales dubiorum euentuum expectationes, & innumeras animi anxietates, nec in bonis recenseri bona debent, quæ per tot mala tardè, ægrè, & sæpè male parantur.

Addebat Christus ibidem v. 39. Ego autem dico vobis, non resistere malo. Quis ille malus? Quidam eum esse volunt, qui velit eripere bona per litem. Chrysostomo malus ille diabolus est. Ex utraq; hæc sententiâ sit, malum, cui non resistere Dominus consulit, litem esse, & cacodæmonem, & utrumque horum idem esse. Ibid. 25. c. 2.

S. Petrus Damianus ait de Aduocatis, eos non minùs providere generi humano, quàm si clypeis, thoracibusque se, patriamque propugnent. Armatum hinc pingit aduocatum. Quamobrem? Quia

ad

ad tribunal pugnatum vadit, tamq; bellum est, quod ibi agitur, quam quod ruri geritur. Ibid. 26. c. 1.

David perdit regnum ad se pertinens reliquit Isobese, ne litium concertationibus repetere cogeretur. Ibid.

Sint lumbi vestri praeincti: Duplices lumbi sunt, alij carnis, alij mentis. Quare 1. Pet. 1. dicitur: *Succincti lumbos mentis vestra sobris perfecti sperate*, &c. Utrosq; debemus succingere. *Lumbos autem carnis succingere, est luxuriam ab effectu refrenare. Lumbos autem mentis succingere, est hanc etiam a cogitatione refringere*. Ita S. Greg. lib. 21. Mor. c. 2. Mentis verò, seu cordis lumbi ante omnia coercendi, quia è corde tanquam fonte scaturiunt cogitationes immundæ, è cogitationibus opera impura, ut primordiis malorum statim occurratur, & peccatum in herba radicibus succidatur: Nam si crescere sinas, ita inualefcit, ut consuetudo necessitatem pariat. Abrah. 28. o.

Peccavit Adam, & mox à prandio, *ad auram post meridiem*, inquit Sacer Moyses, aduenit Deus, & *ne modicum quidem distulit* (ut loquitur Chrysostomus) *sed ad optulandum festinavit*, & *ne dum grassaretur vlcus, fieret incurabile vulnus, prænuntiæque, & acceleravit, & velociter crescenti vulnere adfuit*. Ibid. 29. c. 2. Plurima in hanc rem submisistrabunt loca ad finem illius cap. subnotata.

Sint lumbi vestri praeincti. S. Petrus Chrysologus in ea verba sic ait: *Dominus lumbos nostros astringi iubet baltheo castitatis*. Castos ergò vult eos habere Deus, qui militare ipsi volunt. Meritò illud: Nam si secularia castra non casta facilis excipit interitus (Abrah. 46. o.) spirituale cum viris bellum multò minus feliciter agere potest, qui non est castus, sed luxuriæ succumbit.

Sint lumbi vestri praeincti. De militiæ spiritualis cingulo hæc non pauci intelligunt, ut veluti milites, qui ad bellum vadunt, præcingunt sese, quo sint expeditiores, ita qui pugnam contra vitia facram aggrediuntur, omnia de medio impedimenta submoueant. Bonum est autem citò assuescere armis militiæ sacræ, ut ferendi molestiam consuetudo leuet, tolerabilioremque faciat. PP. 2. 452. o.

Sint lumbi vestri praeincti. S. Petrus Chrysologus serm. 24. ait: *Dixisse suffecerat, estote praeincti*, cur lumbos potissimum nominat? Cur tantà iubentis reuerentiæ lumborum facit magnopere mentionem? *Quare quare? Quia in lumbis est tota corporis causa, ex lumbis tota carnis negotia susstantur, in lumbis tota est humani lapsus, humana fragilitatis*

occafio. Hæc ille. Lumbos ergò vel maxime succingere iubemur, quia inde plurima nobis mala profluunt. Ibi autem maiore auxiliorum vi succurrendum, ubi grauiore necessitates opem enixius inclamant, & postulant. PPP. 278. o. Neque nostris tantum, verum etiam aliorum maioribus malis maiore ope subvenire debemus, sic ut ubi plures simul concurrunt necessitates, grauiorem ante omnia depellamus calamitatem.

Rex pœnitens ait: *Misericordiâ Domini plena est terra*, Pl. 118. in qua S. Ambrosius: *Fortasse dicas, quâ ratione non dictum est, Misericordiâ Domini plenum est coelum*: Respondet autem: *Licet auxilio Domini fulciantur etiam calites, tamen non tantâ eius indigent misericordiâ quantâ ea, qua sunt inferiora, ac terrena, non enim illi carnis in volucro vestiuntur, in qua est frequentis erroris illecebra*. Ad iuandos homines vim sui brachii magis exerit Dominus, quam ad opitulandum Angelis, quia illi auxilio eius magis quam hi opus habent. Ibidem 278. c. 1. & 2.

Sint lumbi vestri praeincti. His verbis ex Theophylacto apud S. Thomam in catena talis subest sensus. *Estote semper proclives ad exequendum opera Domini nostri, & cincti lumbos sunt, qui practicâ exequentur, nam talis est ministrantium habitus*. Vult ergò Dominus seruos suos laboriosos, non pigros, non ignauos, non mollicellos, non dissolutos, sed tam impigros, & strenuos, ac serios operarios, ut fluxas etiam vestes cingulo collectas habeant, ne quod operandi studio impedimentum adferant. Non sunt ergò in seruis Dei, qui mollem in delitiis vitam agunt, & corporis fluxas consecretur voluptates, ii enim quantalocumque mox franguntur labore, ac de viâ mox timent, si qua illis ex re etiam leui, & exigua obueniat molestiola. PPP. 335. o.

De Agar sic ait sacer Scriptor: *Affligente eam Sarat, fugam inuit*, Gen. 16. Nihil durius, quam par erat, in suam ancillam Sara statuebat, ancillæ tamen intolerabilis videbatur qualiscunq; heræ suæ obiurgatio, ut cum ferre non posse putaret, fugâ se proriperet. Habent hoc qui magnos habent spiritus, ut omnem defugiant disciplinam, & grauem putent omnem iussionem. Ita ferè Abulenfis.

Angeli, qui cum Iscob colluctabatur, corpus erat phantasticum, & fictitium, & membra nil nisi levis, & densior aër, & pauculas tantum horas corpus illud qualecunq; gestarat, & tamen, *conluctatus homini toto corporis pondere dimissi desiderabat*

ab eo, à quo desinebatur, vt loquitur Tertullianus. Quia cum esset purus spiritus, & pondera ferre nunquam solitus, onera corporis quamuis aërei, & leuissimi circumferens, tanquam lassitudini obnoxius esset, sic angī, & affligari, defatigarique videbatur, vt abeundi, abiiciendique ponderis gratiam vehementer obsecraret. Sic ii, qui totam in lautitiis suauiter exegerunt vitam, quolibet aëris aspiro facillè offenduntur. Omne frigus bonam eorum valerudinem lædit, quilibet calor eos suffocat, quilibet infirmitas, ærumna, pœna deuicit, frangit, mastrat, &c. Ibid. 337. c. 1.

Propterea Vegetius affirmabat, aptiores esse bello eos, qui ruri inter glebas nati, duris laboribus à pueritia assueuerunt, quam homines vrbanos delicatè vestire, & lautè viuere solitos. Ibid. 338. c. 1.

Propterea & Elau, qui lautis buccis, & perdicum, leporum, turdorum, taliumque cupediarum esui assueuerat, cum exiguum famem post venationem sentiret, has cœlo, & fratri voces dabat: *En fame morior*, tanquam sepulchrum sibi parari rogasset. Ibid. 338. c. 2.

Lucerna ardent in manibus Vestris. Inter alias sacras, & cum Ecclesia natas caeremonias, quæ ad baptismum adhibentur, sunt hæc, quod baptizandus oleo inungitur, & candela accensa ei in manus datur, fortè vt ad lumen illud videat se paulò post moriturum, & non solum lucernam ardentem in manibus habeat, sed etiam oleum in vase, vnde lampadem suam nutriat, ne extinguatur, neue imparatum illum inueniat sponsus, quando ad nuptias venit. Quemadmodum ergo quod Magdalena Christum morti proximum vixit, hoc ad sepeliendum illum fecit: Sic Christiani baptizandi, & baptizati *inguntur*, & efficiuntur *Christi ad recordationem eius, qui inguens initionem pro sepultura sua habuit.* (ita ferè S. Iustinus Martyr apud Rmū Nuzam homil. 31. n. 26.) Et velut iamiam morituris accensa candela in manus datur, sic & recens baptizatis, vt inde à baptismo inā mortem ob oculos habeant, quemadmodum habent, qui extremum vncti, & candelam in manibus habent.

Qui sic mortem meditatur, & mortis seuto obarmatur, is tam securus viuī, vt nec ab hoste attingi, nec feriri ab aduersario quopiam timere debeat. PPP. 351. o.

Iugis hac cogitatio salutare quoddam auulterum est aduersus quodcunque peccatum, inquit S. Basilius Magnus ibid. 353. c. 1.

Dauid se liberatum aiebat ab incurfu, & damo-

no meridiano. Hæc alii vertunt: *A morsu insidiantis, infantiensū meridiæ.* Alii: *A peste, ab existans morbo.* Alii: *A plaga, & concussione.* Alii: *A morbo immedicabili.* Quale illud dæmonium meridianum? *Meridies* *Umbrā caret, solē lucēte super Veritatem.* Ita S. Grēg. Nyssenus, *Umbrā* dicitur ipsa mortalitas. Vt enim *umbrā* videtur corpus, & non est corpus: Sic mors talem reddit hominem, vt videatur homo, & non sit homo; dæmon ergo meridianus est, qui adimit *umbrā*, siue recordationem mortalitatis. Et à tali dæmonio fuisse liberatum, id Dauidi perinde fuit, ac si à rabidi canis lethali morsu curatus, vel à peste, & exitiali, & immedicabili morbo sanatus esset. Reuerā nullum manifestus, magisque præsentaneum discrimen, quam id, in quo ille versatur, qui vitam sibi promittens longiorem, mortis omnem deponit cogitationem. Ibid. 353. c. 2.

Et lucerna ardent in manibus Vestris. Quare Christus vult seruos suos habere lucernas ardent in manibus suis: Dixit quidam argutulus, tam puros sceleris debere esse seruos Christi, tam mundos ab omni peccati labecula, vt maiora eis obtrudere errata nec inuidiosissimum, ac malevolentissimum possit, quam intermissam lotionem manuum ante sumptionem cibi. Et quoniam homo, quantumuis excelsam & perpolitam habere animam putat, semper tamen inuenit, quod emundet, emendet (PP. 650. o.) si ad lumen rectè, attenteque se aspiciat, idecirco debet semper habere in manibus lucernas ardent, ad quarum fulgorem videat, quidquid in se obscurum habet.

Estes similes hominibus expectantibus dominum suū. O quam molestum accidit homini vigilare, & expectare dominum, quem tamen venturū certò noverit, quando tamen venturus sit, minimè scire queat! Pœnalius tormentum est animi pendere, quam duro ligno fixum hære. Abrah. 178. o.

Sancius Daniel quondam languit, & ægrotauit per dies. Causam ægrotationis eam dicit fuisse, quod stuperet ad visionem, & non esset, qui interpretaretur. Dan. 8. Bestias viderat, earum mysterium illi Angelus quidam enudarat, sed non totum, quia *reges audierat, & eorum nomina nesciebat, futura cognouerat, & quo tempore futura essent, dubius fluctuabat*, inquit S. Hieron. Hoc illum languidum, infirmumque reddebant. Quomodo ergo sine languore expectare illi suum dominum possint, quæ venturum sciunt, sed quando illud, nesciunt?

S. Ambr. ait, esse reos, qui mori malint, quam diu

diu dubii pendere, quis causæ eorum futurus sit euentus. Et videtur illi in his fuisse David, cum ait: *Iudica iudicium meum, & redame me, propter eloquium tuum & iustificame me*, Pl. 118. velut dixisset apertius: Vnum te magnum in modum, Domine, oro, & obsecro, vt causæ meæ finem verbo imponas, quamdiu enim suspensus, timidus & incertus, quem res mea sit habitura exitum, hæreo, acerbiorẽ vitam duco, quàm captiuus, qui sit alioquin miserimus. Ergo propter eloquium tuum & iustificame me, quod feceris, si me perplexum vitæ sui finis tam dubiæ exueris. Nouæ vitæ me tibi debitorem constitueris, si ab hac tam ambigua exemeris. Qualis ergo vita eorum, qui dominum, cuius omnino incertus aduentus, dubii prætolari iubentur?

Qualis agricolarum, quæ *rota est*, quod aiunt, *Gleus*, *semper paratam doloris habens causam, nunc quidem siccitatem, nunc pluviam, nunc & redinem, nunc rubiginem, nunc & elatum intempestiuum con-* *querens*, vt est apud Platonem. Sic expectabundorum vitæ inter formidinum, dubitationumque scopulos fluctuans *rota & gleus est*, & immortalem in animo vermem timoris perpetui nutriunt, qui comorificandi nullum finem facit.

Idem S. Ambrosius existimat, nihil esse post damni, & sensus pœnam, quo acerbior Deus cruciet dæmones, quàm quòd illos incertos, dubiosque habeat, quid de pœnis eorum futurum, & an aliquando augenda supplicia. Non vult diabolus scire dolores, quos aliquando sentiet, ne aliquando securus sit, & hoc interim intolerantissimè ferat, quòd nesciat, quid posthæc feret. Quàm miseri ergo, qui scire nequeunt, quando veniet dominus, ne aliquando securi sint, & quasdam dæmonum pœnas velut dependunt!

Simili supplicio addixit Deus Abraham. Dicebat illi. *Tolle filium tuum*, cumque duos haberet, utrũ tolleret, hæsitabat. Dicebat iterum: *Tolle filium tuum & iugentum*. Duo illi ex duabus vxoribus v-nigeniti erant, quem horum immolaret, nesciebat. Dicebat rursus: *Tolle & iugentum, quem diligis*. Ambos charos habebat, itaq; quem Dominus mactatum velleret, dubium illi manebat. Quare illum tamdiu animi pendere, quare tam crebris dubitationibus exagitare, & afficere voluit? Et maiorem haberet mercedem, vt quo acerbior cruciabat, eò amplius, opulentiũque præmium illi pro constante tolerantia rependeret. Hanc eandem ob causam voluit Deus seruos suos incertè sui aduentus dubiæ expectatione torquere, vt remuneret posthæc

copiosius. Hanc ob causam voluit suum Bertrandum perpetuò lugere, & flere, dubiumque esse, damnarinẽ deberet, an saluari, vt deinceps affluentiore consolatione perfunderet.

Beati serui illi, quos cum Generit Dominus, inuenerit vigilantes. Quare beati? Quia illi Dominus posthac praeinget se, & transiens ministrabit illis, quos habuit vigilantes ministros. Magna remuneratio, quæ omnem hominem, qui non prorsum torpeat, excitare queat, vt lubens somno pro Deo renuntiet, sed amplius præmium addicitur prudenti, & fidei dispensatori, qui suprà familiam Domini constitutus sit, vt det illis in tempore tritici mensuram, quia hunc super omnia bona sua constituet. Caietanus monet videre disparitatem præmii constituti his, qui ad fores excubent, confestimque aperiant, & iis, qui totam familiam gubernant. Hinc autem dispensatorem ampliore mercede remunerat, quàm vigilantes seruos, quia operosius est totam domum gubernare, quàm vnius portæ custodem esse.

In domo autem Dei beneficia trutinantur ad pœdera officiorum, & quanta est inter bonos Doctores distantia meritum, tanta & præmiorum. Abraham. 130. c. 1.

Ergo omnes, vniuersum illos est prolixior Deus, qui diligentius illi seruiunt. Ibidem 129. o.

Beati serui, quos inuenerit Dominus vigilantes, quia praeinget se, & faciet illos discumbere, & transiens ministrabit illis. S. Petrus Chrysologus serm. 24. in hæc verba sic disserit: *Præinget se Deus, & faciet seruos discumbere, & ministrabit eis. En mutatio inaudita rerum! En pauenda conuersio seruitutis! Quia parumper seruus in domini sui expectatione succinctus, & sustinendi finem breui fatigatione portauit, & talionem reddat, discumbenti homini Deum astat, & astat in caelestibus, & epulanti seruo seruit Dominus, & seruit accinctus, & pueris suis, ministris suis ministerium facit Christus, & facit in patris tam gloria constitutus*. Hæc ille. Quanta dignitas creaturæ, habere à suis officiis creatorem! Quanta beatitas serui, seruum habere illum, idque in coelis, qui sit rerum omnium supremus Dominus! Et quare felicitas tanta comparatur? Breui fatigatione, temporariâ expectatione in terris. Verè tam exiguo acquiritur, vt velut inuenisse in compitis, aut furto accepisse videatur, quisquis eam consequitur. PPP. 267. o.

Theophylacto verisimile videtur, quòd Ioseph, cum diues esset, aurum dederit Pilato pro corpore IESV. Facinorosi, ac turbulenti hominis opinio-

M

nem

Tom. IV.

nem habebat Dominus apud Iudæos, quando in cruce obiit. Perarduum ergo fuit, honorifico sepulchro illum à morte inferre: Hæc autem difficultas solo auro auferri potuit, quod est aries, quo obfirmatissimæ portæ sternuntur. Pro magno auro ergo datum est corpus IESV Iosephi, *nam cum sit seditiosus esset occisus, reliquum erat, ut in sepulchro abiceretur*, inquit ferè Theophylactus. Sed quomodo hoc cohæret cum illo, quod Marcus ait: *Pilatus donauit corpus Ioseph*? Si donauit, gratis dedit, quod & Græcum verbum apertè indicat. Si gratuito dedit, quomodo pro auro? Tam ingens erat illius diuinissimi cadaveris pretium, ut gratis dono accepisse Ioseph dici queat, quantumuis illud auri sit, quod pro eo erogauit, ac velut inuenerit, tamen etiam totius mundi copiis sibi comparasset. Ibid. 269. c. 1. & 2.

At cum homo pius tam exiguo sibi nundinetur immensas cœli diuitias, peccator momentaneam voluptatulam, ô Deus, quàm magnis sumptibus parat! Dicere potest infelix quisque damnatus illud Ionathæ: *Gustans gustans in summitate virga, quæ erat in manu mea, paululum mellis, & ecce morior*. 1. Reg. 14. Vide hoc pulchrè expensum ibid. 268. c. 1.

Beati serui illi, quos cum venerit dominus, inuenerit vigilantes. Beati autem non solum propter futuram remunerationem, verum etiam propter præsentem conditionem, nempe qui vni tantum Domino seruiunt.

Non sine causa Moyses, cum legem promulgaret, aiebat: *Audi Israël, & observa, ut facias, quæ præcepit tibi Dominus*, & immortalis Deo immortales pro insignito datæ legis beneficio gratias agæ, atque ut non grauare illi seruias, *audi Israël, Dominus Deus noster, Dominus vnus est*, qui si aliud nihil haberet boni, quàm quoddam vnus est, id satis esset ut perlibenter facias, quidquid ille imperat. Pulchra est in hanc rem commentatio Oleastri quæ sic habet: *Considera, ô homo, à quot laboribus nos Deus eripuit. Difficile est multis Dominis seruire, quanto magis multis diis? Ne ergo labores in mulierum deorum tam diuersa poscentium cultura, ostendit tibi Deus tuam suam vnitatem. Nemo, ait Christus, potest duobus dominis seruire, vnius duobus, aut pluribus diis, quos triginta milia in orbe fuisse historia producit. Vide ergo quomodo pauper homo, qui vni Deo vix sufficit, posset triginta milibus ministrare*. PP2. 659. c. 1.

Adorare, & confiteri Deum, qui vnus sit, non

solum magis est salutare, sed etiam minus laboriosum. Ibid. 658. o.

Beatum pronuntiat eum, non quem inuenerit antehac vigilasse, sed tunc, cum venerit, constanter, perseveranterque vigilantem. Sic & Lucæ 22. dicitur beatus futurus seruus, quem cum venerit dominus eius, inuenerit ita facientem, hoc est, domesticis suam annonam in tempore ministrantem, quia perpetuè quietis, & immortalis beatitudinis laurus non est strenuè incipientibus constituta, sed perseverantibus, & pensum bonæ operationis constanter absoluentibus præparata. Non enim qui diu benè vixit, saluus erit, nisi & bonis actibus immortalis fuerit. Abrah. 12. o.

Et si in secunda vigilia venerit, & si in tertia vigilia venerit, & ita inuenerit. In quatuor vigiliis nox olim diuidebatur, & quæ habet vnam ætatem vitæ humanæ signabat, prima puerilem, secunda iuuenilem, tertia virilem, quarta senilem. Ita Magnus Greg. apud S. Thomam. Cur ergo quartam (ut de prima nihil dicam) hic prærerit? Cur non dicit: *Et si in quarta vigilia venerit*, & senem decrepitem inuenerit vigilantem, & operibus poenitentiae inuigilantem? Eò quod rari sint, qui in curuam senectam reliquerint studium bonorum operum, ac tum demum seriam serò poenitentiam agant. Nihilominus *quis in secunda vigilia vigilare noluist, tertia vigilia remedia non amittas, & qui conuerit in pueritia neglexit, saltem in tempore iuuentutis, vel senectutis resistat*. Sic B. Gregorius iterum apud eundem. Nam tamen rari sunt poenitentes senes, non tamen nulli.

Certe si nulli essent poenitentes seri, cur impiger ille, ac sollicitus paterfamilias ad singulas horas excurrisset conductum operarios in vineam suam, primoque mane, & horâ tertiâ, & sextâ, & nonâ, & vndecimâ adeò, hoc est, extremâ forum omne percurlasset, ut vineæ suæ cultores sibi compararet? Si aliquam ætatem Dominus iudicaret conuersionis remedio ineptam, non diuersis temporibus operarios vocaret ad vineam. In diuersitatem quippe horarum non incongruè accipitur ætatum diuersitas, ita ut ætas puerilis accipiat in mane, pubertas in tertia, iuuentus in sexta, grauitas declinantis ætatis in nonâ, & in vndecima similis ipsa nouissima. Ita S. Fulgentius. PPP. 393. & seq.

Deniq; humana terra nulla tam sterilis, nulla tam infecunda, ut ferre poenitentiae fructum non possit. Ibid. 391. o. *Habes in hoc capite multa, quibus in bonam spem erigere pusillanimes possis*.

Si sciret paterfamilias quâ horâ fur veniret, Vigilaret &c. Quid ergo faciet homo, qui horam mortis suæ quidem ignorat, scit tamen, quod truculentus animarum latro diabolus, cum aliquin semper circumeat quærens quem deuoret, tunc maxime ferociat, & in illam horam seruet omnem solertiam suæ astutiam, & ingenij vafritiem totam? PP2. 537. o.

Adversarius noster non quiescit, & in nostrum pernegit hostis interitum obsidet omnes vias nostras, egressusque, & aditus omnium diligenter explorat, & insidiasque & vestigijs comes indiscretus affigitur, ac sepes egressibus nostris obijcit, & pedibus interserit, & in plano quoque latentem salebram malè cautus offendit. Ita S. Paulinus pulchrè, perque eleganter.

Nihil est in hoc capite, quod stultissime discere pro concione predicator queat.

Quâ horâ non putatis, Filius hominis veniet. Trita est illa inter sacros Expositores interrogatio, quam obrem nobis Dominus sui aduentus horam voluerit esse ignotam. Magnus Gregorius ita respondet: *Horam ultimam idcirco nobis Dominus voluit esse incognitam, ut dum illam prauideri non possumus, ad illam sine intermissione præparemur.* Hæc ille in cat. aur. S. Thomæ.

Politici ergo Christiani possimum illud esse debet, ut ad eam sese benè disponat horam, ex qua omne illius bonum, malumque pendet, maxime cum post redditas semel supremo Iudici rationes, tam nulla sit reliqua ad aliud tribunal prouocatio, quam nullus in eius sententiam potest cadere error. PP2. 527. c. 2.

Quod semel factum malè, non habet remedium, quo curari possit, aut corrigi, id priusquam fiat, diligentissime considerandum, quomodo rectè fiat. Ibid. 525. o. Cura ergo ut bonâ morte hinc abeas, quia malum æternum sequitur.

Suam autem saluationem ita quisque procurare, & quærere debet, ut cogitet, quod ipse saluus fiat, siue damnetur, id tantum esse, quantum si totus mundus saluus fiat, aut damnetur. Ibid. 528. o.

Estote parati, quia quâ horâ non putatis, Filius hominis veniet. Quibus hoc dicitur? Apostolis, illis à Christo ad omnem sanctitatem institutis. Et vos, aiebat illis, *estote parati.* Etiam his voluit esse incertam sui aduentus horam, & incognitam, ut dum illam prauideri non possent, ad illam sine intermissione se præparent, ut ferè loquitur Magnus Gregorius apud S. Thomam. Quod ergo homines flagitiosi in illa hora benè sperare volunt, ubi sancti

iubentur timere, desperatio est, quam versutus daemon fiduciæ specie colorat. Abrah. 183. o.

Abraham iussu filium suum in monte immolare, ligna in holocaustum concidit, neque tamen ligna illa in syluâ, quod aiunt, tulit, quia fortè in loco immolationis ligna non inuenisset & si præfixo non ea contulisset, forsân delusum se vidisset, quando id minime sperasset. Ita qui ad mortem pergitur, ligna concisa, hoc est, quæcunque ad illam feliciter obeundam spectant, conferamus, certi quod ibi non reperiemus, quæ hic non parauerimus. Hoc timuerunt etiam illi, qui à primis ætatis maturæ horis usque in curuam senectam id vel solum, vel maxime egerunt, ut se quanto maximo possent studio ad sanctum obitum, & abitum compararent.

Apud Lucam quidam nocte mediâ rogabat amicum (is Christus est) ut panes daret commodatè. In cubili, hoc est, coelo positus, recusabat dare panes, dicens: *Pueri mei mecum sunt in cubili.* Ergonè solos pueros in coelis habet Deus, & non alios adultiores paternos? Pueri cum Deo regnare feruntur, ut intelligamus, eos, qui à primis pueritiæ annis ad postremam mortis horam se præparant, maiorem, securioremque obtinendæ beatitudinis spem simul sibi parare. Ita ferè exponit S. Gregorius Nyssenus.

Dictum fuerat Petro: *Præquam Vocem gallus tu dederit, ter me es negaturus.* Marc. 14. Negauit Petrus semel, & iterum, gallusque statim succinuit negationi, sed galli signum Petrus vix tandem, cum tertio negasset, recordatus fuit. Quid tam serò? *Dictum Verbum præ timore exciderat,* inquit Euthymius. Tam multi Petrum exagitabant, & hinc quidem garrula ancilla accusabat, illinc barbari ministri vellicabant, & infestabant, ut quancumque verba Christi, cum singulari affectu ab illo prolata plurimam mererentur considerationem, & gallus semel cantaret, ille tamen nec recogitare Domini comminationem, nec audiret galli cantum primum sic illi merus, vexatio, turbatio animum distraxerat, & memoriam omnem ademerat. Si Petrus tam citò & verba Christi, & suæ negationis signa oblitus fuit, quod à multis hominibus inter quos versabatur, incurfaretur: Quomodo tu vis tui satis compos esse in hora mortis, quando tamen fortè phrenitis (quod sæpè fit) neque auferat memoriam, neque adferat delirium, peccata tamen accusant, demonia exagitant, mundus vocat, curæ angunt? Rationis iudicium vel nunc corruptum habet, quem spes tam in-

certa lactat. Ibid. 184. c. 2. *Hæc Gellius: Gellius in cultuaveris.*

Vigilate, quia nescitis quâ hora Dominus venietur sit. Hæc vana causa est, quare insomnem, quantum fieri potest, vitam exigere debeamus. Altera ista, quod hostem habemus & vaserimum, & truculentissimum, & potentissimum, & exitio nostro æterno continuè inuigilantem. *Vigilandum omnino, & somnus ab oculis auferendus,* inquit S. Petrus Damianus, *quia latrones multi obsident iter nostrum toxicata misilibus formidandi, nullum proprius intentatum transire sustinentes. Diabolus ita inexorabile odium adversus nos exercet, ut nunquam ab eo inducias vel in tunc oculi potuerimus extorquere.* PP2. 622. c. 2.

Cui cum inimico semper vigilante res est, is nunquam dormire debet, sed in maxima tranquillitate, & securitate periculosissimum bellum timere. Ibid. 622. c.

Candelabrum illud vetus aureum posuit Moyses in tabernaculo testimonij è regione mensæ panum propositionis in parte australi, quæ ex opposito Aquilonem spectabat. De hoc candelabro ait Origenes: *Istud candelabrum in austrum collocat, ut ad Aquilonem respiciat.*

Cum istud candelabrum Symbolum esset vigilantie, cur sic collocatum fuit, ut Aquilonem magis, quam aliam partem respiceret? Causa similis est ei, ob quam Dominus vult nos lucernas ardentes habere in manibus nostris, ut ad eam tunc lucem attendamus ad malum, quodcumque nobis ab Aquilone, à quo omne malum pandendum Ieremias aiebat, hoc est, à diabolo adferri potest. Candelabrum ergo è regione Aquilonis fuit positum, & lucernas ardentes præferre iubemur, quia *accenso lumine, id est vigilanti corde respicere sepe debet homo ad Aquilonem, & observare eum, qui ab Aquilone est, ab Aquilone enim accenduntur mala in universa terra. Vigilans ergo, & sollicitus, & ardens intueatur semper astutias diaboli, & semper assuetus, unde sit ventura tentatio, unde hostis irruat, unde inimicus obrepit.* Ita Origenes Ibid. 624. c. 1.

Perpulchrè Tertullianus docet, qualis debeat esse habitus corporis, forma vultus, & gestus Christiani patientis, dicens: *Os taciturnitatis honore sit signatum, color qualis securus, & innoxius.* Quid præterea requirit à Christiano quam patiente, tam taciturno, tamq; hilari vultu, quam is esse possit, qui neque alicuius sceleris est sibi conscius, neque hostem, quem timeat, vllum habet? An permittit,

ut dormiat? Aut in otio degat, omniq; sollicitudine vacuus dormiat? Nequaquam, sed *motus frequens sit capitis in diabolum, & minax risu,* ait, tanquam dixisset: Tamen patientia securitatis suæ conscia sit taciturna, & muteat, & tam sereno sit vultu, quam timoris experte animo, nihilominus caput identidem obuerit ad cacodæmonem, ei-que sic arridet, ut minas per eosdem oculos simul intenter. Itaque non satis est patientiæ suæ æquanimitas, neque sufficit, quod inter eundem semel caput obuerit, intentisque oculis oculos dæmonis obseruet, ut se ab illius insidijs seruet, sed multò sæpius obuertere debet caput, quam mouere pedem, cum videat nullam sibi promittere posse quietem, nullam non timere cladem ab eo, qui tam insensum, infestumque habeat inimicum, &c. Ibid. 624. c. 2.

Cum nobis præcipit Dominus, quæ ipsi sunt grata, id facit, quia nobis sunt commoda. Amat Dominus vigilias, ipse tam peruigil custos noster, ut non dormiter vnquam, neque dormiat. Quod autem eas nobis commendat, id solo profectus nostri desiderio facit, cum ipse vigiliarum nostrarum minimè sit indigus. Apud Matth. 26. Dormiebant tres Discipulorum charissimi, cumque eorum somnolentiam semel, & iterum increpasset, deniq; sub ipsum tempus aduentantis cum manu militum Iudæ aiebat: *Dormite iam, & requiescite.* Itane verò tunc somno se traderent, quando vigilantes cum armis instabant? Iussit eos tunc dormire, quando pro magistro vel maxime vigilare debuissent? Discipuli videbantur, ostendens quod opus non habebat illorum subsidio, inquit Theophylactus. Nunquam aliquid nobis mandat Dominus, quod officij nostri egeat, sed quod nos amet. Abrah. 6. o.

Prudentes, vnaque fatuæ Virgines per diu expectarant Sponsum, & Sponsam, ut cum eis optatas intrarent ad nuptias, sed longioris expectationis radio fractæ dormitarunt alie, alie etiam profundiore somno oppressæ dormierunt. Vt ne dilatio aduentus Sponsi, ac Sponsæ, nuptiarumque eas frangeret, & affligeret, illud facere poterat, si non desideria sua, sed merita, non beatitudinem, quam suspirabant, sed quàm indignæ eâ essent considerassent. Abrah. 82. o.

Sic & Sara potuisset æquanimius expectasse suæ fecunditatis tempus, si maiorem suorum meritorum, quam desideriorum rationem habuisset.

Christus exiguum vocabat tempus, quo in passione abfuturus erat, dicens: *Modicum, & iam non videbitis.*

Videbitis
in Cant.
Videbitis
gum est
ius ab
visa fuit
mnibus
modicum
la mome
culis pari
Vrumque
Indtemp
non mod
Sic Me
spirabant
annis quin
modo cito
ætares tar
sita illorum
niam hæc
uis tardare
Sic & H
eum, quia
nardus vbi
dabit, sem
est, & non
nostra hæ
non ferius
Isaac, c
viginti an
um, ut Re
constanter
set, nisi ho
eis pœtisse
cupimus, a
in nostra m
miserant. I
Dormit
Vique. N
resocillare
est, honest
cum spiritus
78. o.
Quinqu
dixit illu
sent, non f
fuerunt, &
neglexeru
Chrysol
tatio sic ha

Videbitis me; Ican. 16. S. Bernardus Serm. 74. in Cant. ait: *Pie Domine, modicum dicit, quod non videbitis me?* Saluum sit verbum Domini mei, longum est, & multum valde nimis. Certè horaria eius absentia totis, iisque plurimis sæculis prolixior visa fuit Matri eius Sanctissimæ, & Discipulis, & omnibus, à quibus verè amabatur. Quomodo ergò modicum tempus appellavit Christus, cuius singula momenta cuius Deum amanti animæ totis sæculis paria visa sunt? Respondet Doctor mellissimus: Verumque verum, nempe quod & modicum fuit illud tempus, & non modicum, modicum meritis, & non modicum votis.

Sic Messiam, quem Iudæi olim vehementer suspirabant, Prophetæ citò venturum dicebant, qui annis quingentis post venit, inquit Pius II. Quomodo citò venturum asserabant, qui tot seculorum ætates tardabat? Respiciebant Prophetæ non anxia istorum populorum desideria, sed merita, & quoniam hæc perexigua erant, citò veniebat, quantumvis tardaret Messias.

Sic & Habacuc aiebat: *Si moram fecerit, expecta eum, quia veniens veniet, & non tardabit.* S. Bernardus ubi supra rursum querit: *Quomodo non tardabit, si moram fecerit, nisi quod ad meritum satis est, & non satis ad votum?* Constantius in preces nostras sæpè descendit Deus, quam vellemus, sed non serius, quam mereamur.

Isaac, quod Chrysostomus affirmat, & probat, viginti annis perseveravit orans, ac deprecans Deum, ut Rebeccam sterilitate sua leuaret. Tandiu constanter in una oratione perdurare non potuisset, nisi hoc, quod optabat, ad lucem suæ indignitatis petisset. Sic ut seram obreptionem eorum, quæ cupimus, æquanimiter toleremus, figamus oculos in nostra merita, & non in desideria, ut non obdormiscant. Ibid. 83. & 84.

Dormitauerunt omnes. Ergò etiam prudentes. Vtique. Nec enim contrà prudentiam est, somno refocillare fractas corporis vires. Immo sapientia est, honestà recreatione nonnunquam relaxare arcum spiritus, ne nimium tensus rumpatur. Abrah. 78. o.

Quinque autem ex eis erant fatuæ. Quare fatuæ dictæ istæ quinque? Quia cum virginitatem seruassent, non sumperunt oleum secum, hoc est avaræ fuerunt, & miseras inopum per eleemosynas leuare neglexerunt.

Chrysostomi, & Euthymij in hanc rem commentatio sic habet. *Oleum vocat eleemosyna virtutem.*

Has ergò merito stultas vocavit, quæ cum acrem, ac vehementem corporis amorem, quo sexus alter in alterum inflammatur, deuicissent, maioremq; sustinissent laborem, tenacitate deuicta sunt, illud enim bellum violentius est, magisq; tyrannicum.

Potuit Filia Iephte à se impetrare, ut necem sibi à patre inferendam non curaret, sed hilariter excipere parata esset, quod tamen virgo, & innupta moritura esset, quin id toto bimestri non suis tantum, verum etiam mutuatitiis multarum aliarum virginum oculis deploraret, facere non potuit: Tanto vehementior est in virgine nubendi, quam viuendi appetitus. Quam insanæ ergò fuerunt quinque illæ Virgines, quæ cum istam nubendi concupiscentiam perdomuissent, vilis pecuniolæ amorem vincere non potuerunt, & succubuerunt, imbecillo hosti, cum potentissimum subegissent! Abrah. 199. c. 2.

Quisquis maiora præstat, & intermittit minora, tolerat grauiora, & non fert leuiora, is vel ingenij inopiâ, vel infirmitate voluntatis laborat. Ibid. 199. o.

Cassianus aiebat: *Nonnullos mundi huius maximas facultates, & non solum multa auri, atq; argenti talenta, verum etiam prædiorum magnificentiam contemnentes posthac videmus pro scalpello, pro graphio, pro acu, pro calamo commoueri.* Hi ad chorum fatuarum Virginum pertinent. Ibid. 202. c. 1.

Qui maiora pericula superauit, validum habet argumentum, quo convinci queat, si tamen sapiat, ut minora intrepide, & magno animo aggrediatur. PP. 549. o. Quinq; illæ ex Evangelio Virgines indiffractilibus calitatis certaminibus discrimina grauiora superarant, intestinumque congenitarum concupiscentiarum hostem (qui & Paulum laceßere, & colaphizare ausus fuit, & Dauides, Solomones, ac Samsones deiecit) subegerant, ut integritati virginitatis earum nihil decerpere potuerit. Si non tam fatuæ fuissent, oleum necessarium tempestiuè sibi comparassent, & avaritiam, quæ hoc prohibebat, oppidòque infirmior hostis est, intrepido animo oppugnassent, postquam ex hoste potentiore deuicto intellexerant, quam faciliè imbecilliorum conficere possent. Vicerant gigante, ergò pygmæum leuius fundere posse vidissent, si sapuissent.

Dormitauerunt omnes & dormierunt. Hoc quidam ita accipiunt, ut dormitasse Virgines prudentes, & aliquantulam corpori quietem permisisse putent, fatuas verò dormisse, hoc est, totas somno, & otio habenas permisisse. Quod si ita est, quid mirum, quod nouissime, nimisq; serò illæ venerunt sub

horam mortis, & aduentantis iudicis, quæ somnolentæ per omnem vitam fuerunt? Ex mala vita sperare mortem bonam, est expectare fructus dulces ex radice amara. PP2. 543. o.

Date nobis de oleo Vestro. Meritò fatuæ Virgines dictæ sunt, quæ oleo aliunde commendicato suas fouere lampades voluerunt. Proprium ipsæ sibi comparasse tempestiuè oleum debuerant, & non alienæ rem tantam fidere misericordiæ. Ita non satis prouidè fit, cum curæ committitur alienæ, quod studio potest, ac debet fieri proprio. PP2. 530. o. Dicitur hoc maximè propter eos, qui pleræque quæ pro animarum suarum salute fieri volunt, testamentorum suorum executoribus curanda reliquunt, idq; malè, & periculosè. Nam si quis ea, quæ curare ipse potuit, & illi necessaria sūt, neglexit, per mirum sit, si alium reperiat, qui talia, quæ ad ipsum parum spectant, diligenter tractat, ac perficiat.

Propterea quidam eximie eruditus aiebat: *Mul-
tò esse præstantius, atq; eligibilius, hominem, quam-
diu hanc vitam degit, rectè factis Deo satisfacere,
quam testamentariis committere, & ea exequantur
opera, atq; suffragia, quæ ipse pro se agenda commen-
dauit, & à Purgatorij penis eripiat, non tam di-
sputatione, quam suasionem indiget.* Hæc ille Ibid.
c. 2.

Et S. David inquebat: *Non est sanitas in carne
mea, afflictus sum, & humiliatus sum nimis, &c.*
quæ apud Magnum Basilium hunc habent sensum,
ac si dixisset: *Non expectaui, & vnus aliquis externè
hoc meum corpus puniret inflicto & ulnere pessimo, ipse
ex me malum poenam & laticem expetere, &c.* Ipsi
ergo in carne mea, quod illa male egit, pleetere
volui, carnis voluptates afflictationibus eiusdem
carnis vindicaui, & expiaui, & debita mea, quæ in
carne contraxi, in carne etiam, & cute mea lui,
neque eorum solutionem solitudini, aut fidei seu
cognati, seu amici, seu etiam filij testamentarij re-
liqui. Filius me adhuc in viuis agentem bello laces-
sit, & insectatus fuit, amici mei, & proximi mei ad-
uersum me appropinquauerunt, & steterunt. (Psalm.
37.) cum adhuc inter eos mortalis degerem, quid
officij sperare ab eis post mortem possim? Quomodo
me vitâ functum bono Deo commendabit, qui vi-
uentem benefactorem non satis amauit? Ibid. 530.
c. 2. & seq.

Abraham ipse sibi testamentarius fuit, cum ad-
huc vixit: Nam vt ne cum illo pax liberorum mu-
tua interiret, dedit cuncta, quæ possederat, Isaac, fi-
lijs autem concubinarum largitus est munera, & se-

parauit eos ab Isaac filio suo, dum adhuc ipse vixeret.
Gen. 25. Rectè dum adhuc ipse vixeret, bona sua
suis pro cuiusque conditione distribuit, sic enim o-
mnes habuerunt, vnde commodè, & pacificè viue-
rent, cum non fuerunt relictæ in potestate testamen-
tariorum, quorum nonnulli eo officio victum sibi
parant, quemadmodum alij vsu manuum. Ibid.
532. c. 1.

*Pulchra & rariorum hanc in rem monita habet hoc
caput, quæ tam sapè inculcari debeant, quam sunt
pleriq; negligentes eorum, quæ ad animam spectant.*

Qui autem vult de rebus animæ suæ disponere,
faciat hoc ante morbum, & non reiiciat in horas
vitæ extremas. Nam stultissima temeritas est eo-
rum, qui non timent ne tunc offendant, cum infir-
mi fuerint, vbi fortissimi ceciderunt. Ibid. 534. o.
Inuenies in hoc c. multa, quæ fructuosa esse pos-
sint auditoribus.

Lampades nostræ extinguuntur. Saluianus apud
Nouarium in c. 25. Matthæi ait, fatuas virgines
suâ præfidentia perijisse, putasse nimirum se habere
oleum: *Nisi enim habere se credidissent, prouidissent
& haberent, nam cum apostolus ait Dominum, muta-
re velent, & omni studio, atq; ambitione perquire-
rent, absq; dubio etiam antè quæfissent, nisi eas ha-
bendi fiducia decessisset.* Hæc ille. Ita homo ipse suæ
sibi perditionis est architectus, satorque, & sator,
Deus neminem infelicitat, nisi qui ipse prior esse
infelix velit. Abrah. 80. o.

Sara cum vidit Abrahamo ex Agare genitum
Ismaëlem, simul intellexit, solo suo vicio fieri, quod
ipsa improlis esset, non Abrahæ impotentia. Ità
cum anima sterilis est, id solâ illius culpâ euenit,
Deo adscribi non debet.

Date nobis de oleo Vestro, aiebant fatuæ virgines,
quæ non satis olei ipsæ sibi comparauerunt, sed
nihil obtinuerunt, & luse illas suæ præfidentia, si al-
ieno prudentium oleo suam inopiam depellere
posse sperârunt. Hinc discamus non fidere sum-
mam causam, & saluationis negotium studio alie-
no. PP2. 502. o.

Novissime veniunt & reliquæ Virgines. Vix re-
clusum fuerat cælum, vix ingressæ cum Sponso
prudentes ad nuptiarum gaudia, quando apperie-
runt & ceteræ paulò serius, & toto cælo æternum
exclusæ fuerunt. Quam ingens exitium tarditas
non magna peperit! Spirituales infirmitates, &
corporales illud commune habent, quod ex paruis
malis, si negligantur, mala immedicabilia nascun-
tur.

tur. PPz. 635. o. *Vt benè dixerit ille: O quam parvis Venerunt summa mala principijs!*

Et quia de Virginibus agit Euangelium, quod tractamus, virginis exemplo vincamus, quod diximus. *Egressa est Dina, & videret mulieres regionis illius, cumq; ornatum illarum inornata videre nollet, adedq; comptula prodijisset, in oculos simul atque animum filij regis incurrens, & ducem vim ab eo passa, marcidum temerati pudoris lilium domũ retulit, quæ extulerat nitidum, ac viuidum. Hinc factum, vt duo illius ex utroq; parente germani fratres & vindictam animo conciperent, & necem tum stupratori Principi, tum parenti Regi, tum amplissimæ ciuitatis viris omnibus, & masculis inferrent, &c. Ibid. 637. c. 2.*

Domine, Domine aperi nobis. S. Paschasius ait: Non scribitur, quod cum lampadibus ornatũ Venerint. Inerant emptum oleum, sed quod cum oleo redierint, non inuenio ibidem, vbi abiisse pro emendo lego. Quid facerent in nuptijs, quæ cum inornatis, & vacuis oleo lampadibus adueniebant? Magnis vocibus petebant admitti, tanquàm magnum nuptijs celestibus adferre ornamentum vellent, quæ neque accensas lampades habebant, quarum splendore collustrare vtrũq; nuptiale epulum possent.

Similes fatuarum istarum virginum sunt quidam fordidi, & versuti homines, qui suam gratificandi, & obseruendi promptitudinem iactanter ostentare solent, quando vel ipsi præstare nequeunt, vel alij admittere non possunt, vel non sunt vsui, quæ offerunt officia. PPz. 558. o.

Ex his erat Laban, qui has aduersus Iacob, quod clam abiisset, dedit querimonias: *Cur ignorante me fugere voluisti, nec indicare mihi, & prosequer te cum gaudio, & canticis, & tympanis, & citharis?* Gen. 31. qui tamen nihil horum fortè vel cogitauerat. O quam multos hodie numeramus Labanos! Ibid.

Domine, Domine aperi nobis. At ille respondit: Nescio vos, facto comprobans, quod antè verbis affirmarar, cum ait: Non omnis, qui dicit mihi, Domine, Domine, intrabit in regnum colorum, Matth. 7. Quia regnum colorum sola verbarum officia non obtinent, vt inquit S. Hilarius. Non est æterna saluatio similis aliquorum vulnere, quæ solis certis quibusdam verbis curantur, quia immortalis quies pretio mortalis ægonis comparatur. PPz. 591. o. Debuerant fugasse somnũ ab oculis suis, vt non dormirent, debuerant accepisse oleum in vasis suis cum lampadibus, debuerant secutæ fuisse bonum satia-

rum virginum exemplum, quæ strenuâ vigilantia suâ, & diligente olei procuracione, lampadumque custodia sine verbis vllis introierunt cum Sponso ad beatas nuptias.

Vetus prouerbium est: *Non erit Israëlita, qui prius non fuerit Iacobita*, hoc est: Nemo videbit Deum, hoc enim significat Israël, qui non antè fuerit Iacob, siue luctator: Nullus eò perueniet Christianus, vt eius tempora corona quietis æternæ cingat, qui non antè per frontem, perq; faciem totam, & omne corpus tota sudoris diluuiâ fuderit, qui non antè cum suis passionibus acriter depugnauerit. Ibid. 591. c. 2.

De Zelpha duos filios suscepit Lia. Primus dictus fuit Gad, id est, accinctus; secundus Aser, id est, beatus, quia per ignominiam passionis peruenitur ad gloriam beatitudinis. Ita ferè Hugo Cardinalis ibid. 592. c. 1.

Afflictio flos est fructuum, qui sperantur, inquit S. Gregorius Nyssenus ibid. 593. c. 2. Vt ergo ex lege naturæ flos præcedit, fructus sequitur, ita ex ordinatione Dei afflictio, & ærumnarum tolerantia præcedit, fructus autè beatitudinis sequitur.

Amen dico vobis, nescio vos. Hoc responsum non per Angelum, sed per seipsum dat Sponsus, vt à quo infelices virginæ cælum expectabant, inexpectatum illud, & terribilissimum, *Nescio vos*, audientes ad inferos ablegarentur. O quam intolerabile hoc omnibus accider, qui cælum sperabant, si ab illo, à quo sperabant, audiant, *Nescio vos!* Nam affligi ab eo, à quo beari, aut remunerari sperabas, tam crudele genus tormenti est, vt par illi nullum esse posse videatur.

Non potuit ferre Sara contemni ab Agar famula, à qua plurimum amoris, & honoris iure expectabat.

Ad exaggerationem pressurarum, quas sub mundi expirantis tempus patientur, dicebat Christus fore, vt à parentibus fratribus cognatis, amicis tradantur, & morte afficiuntur quidam, quos dies ille viuos inueniet, Luc. 21.

Quod Saulem, cui vitam non semel seruauerat, quod Absalonem, cui etiam dederat, haberet persecutores Dauid, id tam pænale vulnus illi inflixit, vt medicamentum, quo vulneris acerbitas mitigaretur, à Deo magnis vocibus deposceret, ipso titulo penultimi octonarii Psalmi 118. qui est S I N, quod significat, *super vulnus*, subaudi, cataplasma posco, quod mihi inflixerunt principes, qui me persecuti sunt gratis.

Quod

Quodd Iudas Christum prodidit, hoc gaudium attulit Iudæis, non solum quodd sic capere illum commodè possent, sed etiam quodd ille à suis odio haberi inciperet, inquit Euthymius, & hoc illi maximos allaturum dolores scirent.

Amen dico vobis, nescio vos. Ex qua regula, Domine, potes nescire eas, quæ castam duxerunt vitam, & aliquamdiu habuerunt ardentes lampades, & abierunt, vt extinctas empto oleo rursum accenderent, & surrexerunt ad vocem clamoris nocte mediâ, & nunc ad contestandam suam erga te fidem succlamant: *Domine, Domine, aperi nobis*: Respondet Magnus Augustinus apud S. Thomam in cat. aur. *Ex illa scilicet regula, quia non habet ars Dei, id est, eius sapientia, vt intrent in gaudium eius, qui non coram Deo, sed vt placerent hominibus conati sunt aliquid secundum præcepta eius operari. Fecerint ea, quæ supra commemoravi, plura etiam fecerint, non Deo tamen sed hominibus illa fecerunt. Quàm ergo stultæ etiam hæc in re, quodd à Deo petunt remunerationem, cui nullum exhibuerunt officium. S. Hieronymus similiter loquitur, dicens: Qui ignorat, ignorabitur. Licet ergo Virgines fuerint & corporis puritate, & vera fidei confessione, tamen quia oleum non habent, ignorantur à sponso. Sed quomodo ignorabant Deum, vt propterea ignoratæ fuerint, quæ magnis vocibus clamabant: Domine, Domine, aperi nobis, nec inclamassent, aut implorassent, illum, si nescissent? Oleum, id est, charitas Dei eas destituebat, non ergo nouerant illum, quoniam qui non diligit, non nouit Deum, Ioan. 1. c. 4. v. 8. Merito ergo ignorabantur, quæ ignorabant, merito inofficiosum, vt sic dicam, expertæ sunt Deum, quæ erga illum fuerunt inofficiosa, merito non intrarunt in nuptiarum gaudium, quarum maius fuit placendi hominibus, quàm seruiendi Deo studium. Sanè perquàm otiosus est, & valde, vanâ imaginatione laborat vnusquilibet homo, qui putat alios erga se fore largos cum ipse in neminem sit prolixus. Abrah. 90. o.*

Quis diligeret Ismaëlem omnibus insensum *Manus eius contra omnes.* Et quid inde? *Manus omnium contra eum, Gen. 16. Commune est, vt omnes aduersentur ei, qui omnium aduersarius est, inquit Oleaster. Insigniter amicos, qui sperat omnes erga se fore beneficos, & comes, cum ipse sit erga omnes auarus, & rusticus.*

Vt quid etiam terram occupat? Dicebat quidam rusticola de ficulnea, à qua optatos toto triennio frustra expectarat fructus. Caietanus ait, *Terram*

occupat, idem esse ac onerat. Sed cur onerosa terra planta, quæ otiosa? Respondet: *Significatur quodd onus est terra, sugens illam, & tamen fructum non reddens.* Quomodo non sit permolesta terra arbor, quæ cum illius magna copia bibat humorem, nullum reponit prouentum? Sic onerosus est, & odiosus, qui protensâ manu vult semper accipere, & nunquam aliquid reddere. Ibid. c. 2.

Nescio vos. S. Chrysostomus ait: *Vocem illam terribilem audierunt, non noui vos, quæ vel gehennâ fuit grauior.*

Qui Deum, à quo similia possit audire, non timet iudicem, is vel iudicio laborat rationis, vel fidei lumine est destitutus. PP2. 540. o.

Pro Concione Funebris.

In Funere Pueri, vel Adolescentis cuiuspiam.

SE Heophylactus in c. 9. Ioannis ait: *Quodd spe vides pueros mori, scias quodd Deus propter misericordiam præcipiat illorum vitam, & ne cum superuixerint, deteriores fiant, & in malum suarum animarum, & aliorum mulorum conuertantur.* Ergo in beneficiis numerari debet, quando puero auferitur vita, quæ mortem illius animæ adferre posset, si diuturna esset. Abrah. 143. c. 2.

Cum delusum se à Magis Herodes videret, iussit Bethlehemitas pueros bimulos omnes, & quotquot his minores interimere, si fortè in his recens natum Iudæorum regem contrucidare posset. Cur permiserit Deus tam luctuosam innoxiorum infantum eadem: *Fortassis hi prohi futuri non erant, inquit Euthymius. Duplici beneficio hi à Deo affecti. Nam & martyres effecti, & omni periculo peccandi erepti fuerunt. Quanta autem gratia, quodd & tam insignem illis contulit gloriam, & abstulit vitam, per quam æternâ potuerunt excidere vitâ?*

Quodd Domianus *subuerit vniuersos habitantes orbis* istarum nefandarum, Sodoma, inquam, & cæterarum consccleratarum, id sacer textus expressè habet Gen. 19. v. 25. Ergo & pueros vnâ extinxit. Res indubitata est. Sed cur poenarum consortes fuerunt infantes, qui non complices scelerum? Præuidit Deus, paruulos illos, si adoluerent, quousque per ætatem peccare possent, similes parentum futuros. Pietas ergo fuit, quodd illis adempta vita, quæ damnationis occasio futura erat, vt est beneuo-

benéuolentia furioso eripere cultrum, quo sibi gulam præsecaret, si ferrum ei relinqueretur. Ita ferè antiquus Alcuinus.

Ieremias populi sui ærumnas deplorans etiam hæc elachrymabatur c. 4. v. 10. *Manus mulierum misericordiam coxerunt filios suos, facti sunt cibi earum.* Tanta erat tunc diræ famis necessitas, ut ab illa coactæ mulieres afferrent manus suis liberis, mortuosque inferrent ventriculis, quos vteris viuos paulò antè effuderant. Et has misericordium mulierum manus Ieremias rectè vocat, quæ mortem iis consueuerunt, quibus dederant vitam? Rectissime inquit Rupertus Abbas, idque non modo quia compendiosius mortem perpessi sunt, quando longæ fami per citam iugulationem erepti, *Verum etiam quia plurimam adaugendorum scelerum necessitatem euaserunt.* Ieremias ibidem ait, melius fuisse occisis gladio, quàm interemptis fame. Misericordes ergo erant matres, quæ subitam gladio accellerant mortem, ne prolixam paterentur filii ex longa esurie, tum & peccandi necessitatem omnem cum vita sustulerunt.

Denique felicissima est iactura vitæ, quæ diuinis non impenditur officiis, minores enim penas dabit peccator, qui dies vixerit pauciores. Ibid. 142. o.

Nisi efficiamini sicut paruuli, non intrabitis in regnum celorum, aiebat Christus Discipulis suis Matth. 18. Cum ergo talium sit regnum cælorum, ut dicitur Matth. 19. non verè eos amat, quisquis in puerili ætate decedentes deplorat, nisi quòd illis etiam suam in illud beatum regnum protectionem inuidere, & repugnare Christo videatur, qui dicit: *Sinite paruulos venire ad me, &c.*

Nemo immaturam mortem vocet pueri, quæ ætate immaturà è viuus abripitur, in quibus vix esse cæperat. Qui sic loquuntur, ut alia plurima sciant, hoc tamen, quare infans recens natus fasciis inuoluatur, nesciunt. Et quæ huius causa? *Simul atque editus in lucem, & susceptus est, manus, pedesque eius fasciis constringuntur, atque iis vinculis impeditus fruitur &beribus.* Nuper est infans ad vitam ingressus, nec interposita mora mortuorum pannis amictur, natura enim finis memoriam reuocat iis, qui nascuntur. O vita primordium mortis prodromum! Ita Clemens Alexandrinus. Mortuorum indumèta populo vixdum nato incipiuntur. Matura ergo cuiuscunque infantis mors est, quem illa suis vestimentis indutum, & sibi velut initiatum rapit. PPP. 250. c. 2.

Puero Iesu recens nato tanquam defuncto, ut lo-
Tom. IV.

quitur S. Ambrosius, myrrham Regès magi offerbant, quæ mortui solebant perungi, ut indicarent, idem esse nasci, quod mori, quia quòd morimur, ex eo nascitur, quòd nascimur, itaque non mirum de-
nasci puerum, qui sit natus. Ibid. 248. c. 2.

Isaias cum cætera Magorum dona prænuntia-
set, aurum scilicet regis dignitatis insigne, & thus diuinitatis inditium, myrrham, quæ mortalitatem eius designaret, præterijt. Quid ita? Respondet Hugo Cardinalis. *Quia eius mortalitas satis erat aperta, & perquam manifestum, quòd moriturus esset sicut cæteri homines, qui more communi ori-*
turus. Ibid. 249. c. 1.

Denique omnes ex eo malo morimur, quòd nati sumus, nec alius morbus huc requiritur, ut vel puer, vel quisquis alius è vita abeat, quàm quòd in vitam intrauit. Ibid. 248. o.

Parcas à pariendo dictas quidam graues autores volunt. Sed quomodo à pariendo, quæ vitam non pariunt, sed eripiunt! Respondet nonnemo: *Credo* Parcas à pariendo dictas, *quòd statim à partu vitam infantis succidunt.* Ibid. 251. c. 2.

Vestis ex se generat unèa, quæ illà depascatur. Propterea S. Iob. aiebat, se consumendum *quasi vestimentum, quod comeditur à cineâ,* ut indicaret, carnem nostram sui interitus autorem circumferre, & ex se generare, ex quo pereat. Ibid. 251. c. 2.

In Funere cuiuscunque alterius.

Si quem vestrum interrogarem, quidnam illud a-
stro panno testum huc allatum, illatumque ter-
ræ fuit, fortè responderet, N. vel N. frigidam ca-
dauæ esse. Quid si ego dicam, librum esse, quam-
uis malè compactum, immò solutum talem tamen,
quem omnes legere sciant, & per frequenter debe-
ant, ut in eo suas miseras dispiciant? Verissimum dicam.

Nam non est alius liber, qui magis luculentè tra-
dat, magisque ad viuum vitæ humanæ ærumnas, ca-
lamitates, infelicitates exprimat, quàm vnicus mor-
tis vacuus folijs codex. PPP. 252. o.

*Habet multa erudita hoc caput, quæ in funere seu
viri, seu famine, seu patris familias, seu militis conci-
onari queat. Vide in Indicibus rerum Verbo Mors.*

ms (*) 500

N

Pro

Pro Concione ad Iudices, qui de ciuilibus, criminalibusq; causis pronuntiant.



Iudices criminales ad inferenda supplicia lentis gradibus, & suspenso pede cūctanter progredi debent, muloque, & maturo consilio vti. Abrah. 123. o.

Habes in eo cap. multa, quæ vehementer inculcari debeant omnibus iudicibus, qui de ciuilibus causis, sed imprimis de capitalibus pronuntiant.

Ad omnes iudices erudiendos tam rectum, exactumque iudicem se Deus monstravit, ut ne dæmonem quidem ante damnare volueris, quàm illum audisset. Ibid. 123. r. o.

Descendam, & videbo, aiebat ibi, quo docere nos vult, quod opus sit magnâ diligentia peccatores condemnandi, & sententiam ferenda. Ita Chrysostomus.

Non est Romanis consuetudo damnare aliquem hominem, priusquam quis accusatur præsentem habeat accusatores, locumq; defendendi accipiat ad abluenda crimina. Ita S. Paulus Act. 25. Romani tunc Gentiles erant. Quid ergo faciant Catholici, quos supremus Iudex gestis, & exemplis rectè iudicandi modum docuit? Ibid.

Numerius apud Iulianum apostatam accusatus latrocinij negabat delictum. Tum accusator Delphidius: *Ecquid, florentissime Cæsar, nocens esse poterit? Quam, si negare sufficiat?* Et Cæsar: *Ecquid innocens esse poteris, si accusare sufficiat?* Dictum optime ab hominum pessimo. Ibid. 232. c. 1.

Adam? Sibi es? His verbis appellabat primum peccatorem Iudex supremus, & sceleris complicem uxorem istis: *Quare hoc fecisti?* In hæc Abulenſis ita: *Licet Dominus cognosceret peccata Adæ, & Ewæ, tamen priusquam puniret, interrogauit eos, ut seruaret ordinem iudicium, prius inquirens, quàm damnans.*

Ut citharædi prius singulas chordas sonantes audiunt, & contemperant, quàm citharam pulsent: Sic Iudex rectus prius fides, seu nervos attentis auribus arbitretur, audiatque non solum accusatores, sed etiam accusatos quàm sententiam ferat.

Eiecturus Dominus à misero homine sanguinarium dæmonium prius illud interrogat: *Quod est tibi nomen?* Lucæ 8. Interrogabat, non ignorans, sed implens iudicem, seruans ordinem cogitationis. No-

men interrogat, Et de conditione discutiat, indice de reatu, adducat de crimine Deum se esse datâ sententiâ per demonſtret. Hæc S. Petrus Chrysologus, in quibus sunt multa, quæ vide accuratè expensa. Ibid. 133. c. 1. Vide etiam PP. 525. o. Quod totum caput in eodem argumento versatur.

Quando rectus iustitiæ ordo in plectendis sceleribus, & flagitiosis hominibus seruatur, tam grata est oculis Dei punitio delictorum, ut quodammodo æquè oblectetur spectaculo penduli è paribulo furis, ac sacrificantis ad aram sacerdotis. PP. 640. o.

Pro Sermone in Dedicatione Ecclesiæ.



T ecce Vir nomine Zacharias, & hic Princeps erat publicanorum, & ipse diues. Cum in horum verborum commentationem incidisset S. Ambrosius, velut obstupescens facilitate Christi, quæ talem Virum tamque improbum hominem in gratiam admisit, succlamabat. *Quis iam de se desperet, quando & iste, cui census ex fraude, ad salutem peruenit?*

Verè nunquam Dominus in hac vita portam misericordiæ clauē iustitiæ sic claudit, ut non aliquam indulgentiæ, & pietati rimam relinquat. Abrah. 54. o.

Victus, captus, & abductus fuit Lot, non defuit tamen nuntius, qui confobrini captiuitatem patris indicaret: *Ecce enim, qui euaserat, nuntiavit Abram,* Gen. 14. Per quem ereptus fuit. Sic quantumuis succenseat Dominus, rimulam tamen semper aliquam relinquit, per quam in gratiam illius insinuare se peccator possit.

Apostoli iussi sunt pedum suorum puluerem in oculos eorum, à quibus non susceperentur, excutere, sed hoc nihilominus inter abeundum dicere: *Tamen hoc scitote, quia appropinquauit regnum Dei,* Lucæ 10. In ea verba Caietanus ita scribebat: *Benignus Dominus non sibi obſtante repulſâ, priuare eos notitiæ eius, quod repellant, sed manifestari eis materiam, qua prædicanda erat, & vel sic respiciant.* Ibid.

Solam partem vasorum domus Dei abstulit Ierusalem Nabuchodonosor, quædam reliqua fecit, ut Iudæi illis ad cultum Domini vti possent. Dan. 1. Ita Deo permittente partem vasorum sacrorum animæ nostræ tygius prædator sæpè aufert, neque illi depeculari omnia conceditur, sed relinquere nonnulla

nulla cogitur, per quæ reuerti ad gratiam possumus. Ibid. 55. c. 1. Turpissima & grauissima est desperatio eius, qui ibi diffinisse posse reperire veniam, ubi Zachæus, talesque obuiam habuerunt misericordiam. PPP. 255. o.

Vide & PP. 514. o. *Ubi proluxè, & doctè idem argumentum tractatur.*

Præcurrens ascendit in arborem sycomorum. Quis? Zachæus. Qualis ille? *Princeps publicanorum, & ipse diues, & copiosorum opulentissimus.* Solent diuites, & Principes maiestatem quandam, & grauitatem, præsertim coram multitudine, præferre, & seruare, & omni modo curare, ne quid agant, ob quod in contemptum apud vulgus veniant. Zachæus verò licet prædiues, & Princeps in suo ordine esset, nihilominus tanquam vnus è multis ascendit in arborem, confertâ hominum turbâ præsentē & spectantē, & fortè etiam ridente, ac sugillante. Ità ferè Nouarinus. Sed vulgi de se opinionem, & risum, & sannas insuper habebat, dummodò Christi aspectu frui posset. Ità non est cur hominum dicta, factaque curemus, dummodò Deum habeamus beneuolum. Abrah. 97. o.

Ecce dimidium bonorum meorum Domine, do pauperibus, aiebat Christo Zachæus. Quod verè & ex animo Deum amare Zachæus iam tunc coeperit, id mihi ex eo persuadeo, quod illius gratiâ suorum bonorum facultates in pauperes erogauit, atq; ita erogauit, vt Theophylactus affirmet, *fuisse omnino nudatum,* & S. Gregorius Nazianzenus Orat. 16. & 40. dicat, *omnes opes suas Christo domum suam ingredienti obrulisse, & donasse,* & Theophylactus iterum, *nullas ei fuisse relictas diuitias.*

Nam cum homo suarum opum facultates pro Deo relinquit, hoc à vero, & sincero amore fieri videtur, solet enim homini non alius talis Deus esse, qualis diuitiarum copia. PP. 660. o. *Pulchra habet hoc caput, quibus ferre auaros possis.*

Hodie salus domus huic facta est, aiebat Dominus Lucæ 19. quando vidit Zachæum aditare coram se supplicem, peccatæque suæ desinentem, & non solum aliena cum quadruplo scœnore reddere paratum, sed etiam suas facultates erogare in pauperes promptum. Cateranus in illa Domini verba ait: *Significatur facta salus non soli Zachæo, sed etiam familia eius.* Sed quomodo id significatur, cum solus Zachæus sua scelera deplorasse feratur? Immo quia Zachæus hoc faciebat, toti domui eius allata salus fuit. Nonne ille paterfamilias erat? Erat. Nonne dolore, & pœnitundine sua flagitia damnabat? Da-

mnabat. Ergò propè certum erat, omnes illius domesticos tantundem facturos, vt meritò Christus diceret: *Hodie salus domus huic facta est,* membra enim caput sequuntur, & quando paterfamilias est pius, omnes domesticos eius numerare in pijs potes. Abrah. 108. c. 1. Nam cum superior sit quoddam primum mobile, omnes subditi ad illius exemplum se componunt. Ibid. 108. o.

Circumcidebatur Abraham, statimq; eodem die circumcissus est & Ismaël filius eius. *Et omnes viri domus illius, tam vernaculi, quàm emptitij, & alienigena pariter circumcisi sunt.* Gen. 17. Tantum valuit vnum, solumq; patrisfamilias exemplum.

Quando filij Israël cum Arca transierunt Iordanem, tunc sacer hic fluuius statim eis liberum iter præbuit, steteruntq; aquæ superiores, & inslar montium cacuminatæ sunt, inferioresq; descenderunt, Iosue 3. S. Greg. Nazianzenus vult, quod Iordanis cognatum mare imitatus est. Mare, quod caput est omnium fluminum, tantundem antè fecerat, quando filij Israël, vt effugerent furorem à tergo imminentium hostium, *ingressi sunt per medium sicci maris,* Exod. 14. Tanta ergò est virtus exempli, vt cum superiores faciunt miracula, subditi quoq; talia ex eorum imitatione faciant. Ibid. c. 2.

De eodē Dedicationis Festo.

Autore Interprete.

Zachæe festinans descende, quia hodie in domo tua oportet me manere. Matth. 19.

Vltronci hospites optimi. Id tritum proverbium habet, & Germani nostrâ vernaculâ ita efferimus: *Engeladene Gëst seynd die besten.* Qui enim suâ sponte se hospitem offert, & nihil secum affert, contentus est parabili cibo, quemcunq; in promptu habet is, apud quem diuertit. Qui verò alium inuitat, curare simul debet vt laudè illum, ac pollucibiliter habeat. Habuit olim Ioseph Ægyptius fratres suos conuiuas, & sic habuit, vt sacer scriptor Gen. 43. inebriatos fuisse dicat, non quod remulenti fuerint, sed quia generosioribus vinis ad hilaritatem maiorem inflammati, & cibis tum pluribus, tum deliciarioribus recreati. Ex prudente doctissimi Oleastri obseruatione docet locus iste, non debere conuiuia esse defectuosa, meliusq; esse non inuitare, quàm in conuiuio penuriam, aut defectum aliquem rei ostendere. De Satyro fratre suo sic ait B. Ambrosius: *Nunquàm accuratioribus epulis, aut conge-*

congestis fercula delectatus est, nisi cum amicos ad epulas rogaret. Sequebatur Christum multitudo magna hominum iniustorum, & nec vocatorum, nec quaesitorum. Quomodo hospites istos vltroneos tractauit? Præter panem hordeaceum, & pisces duos nihil eis apposuit, si potum prætereā exhibuit, is haustus aquæ ex præterfluente fuit. Idem ipse ad prandium, & ad cœnam *docuit multos, & misit seruum dicere multis, Et venirent.* In horum victum tauros, & altitia mastrauit. Tanto discrimine excipi debent hospites non vocati, & inuitati. Hæc ex Nissen Tom. II. pag. 414. c. 1.

Magnâ itaque sollicitudine, & sumptuosâ lautorum ciborum accuratione Zachæum Christus hodie leuauit, quando apud illum, quod S. Ambrosius sapienter annotauit, se non inuitatus inuitauit, dicens: *In domo tua oportet me manere.* Quanta obtulerit ille Domino, quamuis vltroneo hospiti, post hæc dicam. Quantis ergo impendijs conuiuium instruxisset, si cum, quod Pharisæus apud Lucam c. 7. fecerat, rogasset, & inuississet!

Ego vos hodie, quotquot adestis, hospites habeo vltroneos, & qui sponte vestrâ huc venistis, ut proinde si frugalius habeam, nemo dare vitio, aut inhospitalitati, siue inhumanitati, nimisq; parsimoniz tribuere possit. Opportunè tamen hodie, si aliquando adeoq; gratissimi venistis, quando nimirum, Deo ita providente, parata habeo fercula non solum varia, sed & lauta, & exquisita, & peregrina, & ex abditissimis terræ, mariumq; oris fortuito allata. Atque ut non nesciatis, quale vobis adornaturus sim epulum paucis exponam. Sanctus Ioan. Chrysostomus Constantinopoli pullum submisit visco, & arundine capsum, Rabbi Salomon turtures, aut columbas in plumes, Sanctus Petrus Apostolus piscem, quem prope Capharnaum hamo in mari cepit, B. Lucas vitulum saginarum, magnus Baptista ex Iordane agnum, Sanctus Ambrosius pomum, idque ex ficu fatua sapientissimum.

Has totas vobis lectissimorum ciborum delicias, si rectè nequeo, at eo tamen, quem dixi, ordine importatas proponam, ac sub finem, ne oculos, animosque vestros suo fraudem oblectamento, camelum in medium conuiuij locum adducam, qui se detuberet, atque extenuet, ut transire per foramen acus possit.

Salomonicum conuiuium, quale hoc est, quod vobis addixi, non de cibis, sed de operibus est bonis, quod enim melius epulantur animi, quam bonis factis? inquit S. Ambrosius lib. 1. offic. c. 31. & rursum

serm. 33. *Ipsa est refectio, qua saginat animam, qua impinguat viscera, cum de diuinis scripturis cibum eloquij perennu accipimus, ipsa est esca, qua vitam æternam tribuit, & insidias à nobis diabolice temptationis excludit.* Auribus ergo audis excipite cibum qualicumq; meâ industriâ præparatum, & in memoriam, intellectus ventriculum, abdite, atque inde ad animarum alimoniam crebrò expromite, & cupide vertite.

Zachæe festinans descende.

PVillus staturâ erat Zachæus, quod cum de illo solo scriptura referat, meritò admiratus fuit Ambrosius. *Nanus erat*, inquit Ammonius Alexandrinus autor peruerus To. 3. Biblioth. vet. PP. Adeo cum videre Iesum, quod percupiebat, præ turba non posset, quod natura minus habebat, ascensu suppleuit arboris, ut loquitur venerabilis Bedæ, & totâ pedum, lacertorumq; contentione velut quoddam alarum remigio in proximam sycomorum euolauit, ut inter ramos pullaster videret, quem videre homo inter homines nequibat. Vidit videndū fuit cupidum Christus, & tantâ capiendū illius auditate captus fuit, ut vehemente illius desiderio inflammatus succellamaret: *Zachæe festinans descende.* Hæc dixit, & statim cepit tam efflicim expetitum pullastrum. Quomodo verò cepit? Respondet S. Ioannes Chrysostomus in catena PP. Græcorum in c. 19. Lucæ: *Egregrus & itq; auceps ab arbore animam deducit calamo sermonis, protendit autem instar arandinis cursuam vocem omnia potentem allucere, attraxitq; Zachæum instar pulli alucum, per alas mentis illum apprehendens, & Publicanorum princeps autoritate Christo non secus ac visco quodam agglutinatū fuit.*

Habetis hic pullum, Auditores, ab egregio aucupe Christo calamo sermonis, & vocis Omnipotentis arundine capsum. Hunc in quatuor partes secabo, totidem enim in illo inuenio, ex quo homo noster interior citare, & auferre, ac saginari possit.

Primum illud est, quod è turba se proripuit pullus noster, ut videre Christum posset, insensa, aut certe exosa plurimum semper Christo turba fuit, quæ velut turba quidam sapè vel à Christo homines, vel ab hominibus Christum abstulit, aut prohibuit. Nota, inquit Hugo Cardinalis, quod turba impedit languidum, illum, qui annis triginta & octo apud piscinam Probaticam decubuit, ne recipiat sanitatem, Ioan. 5. Item mortua puella suscitacione præcra-

procrastinat. Matth. 9. Item increpat cacum, & taceat, Matth. 20. Item paralyticum excludit, ne ante Iesum veniat, Marci 2. Item parentes retardat, ne Iesum adeant, Marci 13. Item cace illuminationem prorogat, Marci 8. Item Iesum affligit, & comprimit, Lucæ 8. Præ turba hodie videre Iesum Zachæus non poterat. Tisus Bostrensis ait, quod duplex illum turba prohibuit, ne dulci, atque salubri fructu conspectu Christi possit, nempe vitiorum, & virorum.

Nemo est, qui non videre Iesum cupiat, non solum quando olim beatus, sed etiam in hoc tempore peregrinationis, inprimis cum orationi vacat, quam ut ardentissimam semper esse quisque optat, ita Iesum, ex quo inflammatur, attentissime inter precandum cogitare, & ipsi, si fieri posset, oculis vespere vellet. Sed plurimorum plerumque friget, & gelat oratio. Scitis unde? Ex turba. Quia cum turbæ familiaritatem, fauorem, plausus, assentationem, convicium, sales, iocos officiis Dei sæpe cariora, & vilia negotia otio religioso antiquiora habeant, ad omnia mundana strenui, & robusti, ad sola diuina obsequia imbecilles, & pusillanimi, fit, ut inter precandum nihil minus, quam Iesum videant, sed vel ea ruminant, quæ antè per aures, vel per oculos hauserunt, vel alia his affinia vana cogitent. Quantos sæpe audimus, qui has, aut similes dant querimonia: O quam crucior, quod mentis tam variè per vagas cogitationes hac, atque illac effunditur animus, quoties me ad orandum compono! Quam multiplices mihi occurrunt rerum extranearum imagines, quando vni, ac soli Deo intemè coniungi per attentissimam orationem volo! Unde illa hominibus deuotè orare volentibus turbatio, & cogitationum insolentium, nimisque liberarum tumultuatio? A turbis vitiorum, quibus affueverunt, aut virorum, aliorumque hominum, quibus cum consueverunt, istæ animi excitantur euagationes.

Apud Lucam 18. cæcus quidam secus viam sedens dari sibi oculorum lumen à prætereunte Christo petebat, cumque eam ob rem magnas voces daret, increpabant eum, qui præbant Dominum. S. Gregorius Magnus homil. 2. in Euangelia ita querit: *Quid designant isti, qui Iesum venientem præcedunt?* Responder autem. *Desideriorum carnalium turbæ, tumultusque vitiorum. Hi tentationibus suis cogitationem nostram dissipant, & voces cordis in oratione perturbant.* Et paulò post: *Mala, quæ fecimus, cogitationis nostra suis imaginibus illa in ipsa nos oratione nostra perturbant.* Itaque cum Zachæo è

turba secedat, vitiorum inprimis, tum & virorum, aliorumque hominum, quisque Deum attentioribus oculis inter precandum optat arbitrari, curetque, ut iis præsertim diebus, quos religiosa maiorum pietas religioso Dei cultui destinauit, secum moretur, neque aliò moueatur, quam ubi vel solus cum Deo loqui, vel solum loquentem sibi Deum audire possit.

Alterum illud ex pullo nostro vobis appono, nempe, quod non satis putauit deseruisse turbam, nisi in sycomorum, siue ficum fatuam euolare, quæ multis Patribus crucis Dominicæ symbolum fuit, in quibus vnus Augustinus apud Nouarinum sic ait: *Ideo vos Iesum videre non potestis, quia sycomorum ascendere erubescitis. Apprehēdat Zachæus sycomorum, ascendat humilis crucem. Parum est, ascendat, ne de cruce Christi erubescat in fronte, illam figat. Ebi sedes pudor: is est, ibi omnino, in quo membro erubescitur, ibi figatur, & ibi non erubescitur.*

Mihi sycomorus quædam, siue ficus fatua videtur Rosarium Marianum, quod à cruce incipit, & in crucem desinit, & tot ramos habet, quot mysteria vitæ Christi orantibus repræsentat. Hoc hereticis scandalum parit, qui putant, (nisi ita existimare fingunt) nos numerare Deo preces, quas memorie iuuandæ causâ, atque ut sciamus, quantam pensi nostri, quod nobis ipsi ex pietate præfiximus, partem exsoluerimus, ad sacros calculos certo numero recitamus, quasi verò & David numerauit Deo suas orationes, qui septies in die laudem illi dicebat, & Christus ipse, qui tertio dicebat Patri suo eundem sermonem, & Lutherani certâ mensurâ dimetiantur Deo suas preces, qui opposito pileo velut excipiunt orationes, quas illi affundant. Verum sit illis ludionibus scandalum Rosarium, sit infidelibus stultitia, nobis tamen Dei virtutem, & sapientiam Christum, qualis ante crucem, qualis in cruce, qualis à morte crucis inter nos fuit, ob oculos ponit, ut illum ex hac ficu fatua cernamus, quem admodum è sycomoro illum Zachæus vidit: O quam blandum, ac beneuolum se nostris animæ obtutibus, quam dulcem, ac suauem faucibus cordis sæpe offerret, si è mediis rerum cæterarum turbis nos aliquando in angulum domesticum, & latebras reciperemus, atque ibi hanc sycomorum iniremus, perque eius ramos, hoc est sacrosanctâ vitæ Christi mysteria piis meditationibus oberraremus, & attenti pensaremus, quantum Deo pro omnibus, quæ in corpore suo pro nobis egit, ac tolerauit, quantum pro corpore ipso nobis in perpetuam alimoniam

relicto, proque beneficiis numero infinitis, pretio incomparabilibus, quæ nobis præstitit, & post hanc vitam exhibebit, debeamus! Habete itaque hoc iam secundum ex pullo nostro, ut sycomorum crebrò inscendatis, & apprehendatis ramos eius, unde in transitu nunc visendum se Dominus præbeat, & spè posthac semper videndi faciat, nec dubitetis conspectu eius olim perpetuò fruturos, si vos ille nunc habeat videndi sui cupidos.

Tertium accipite. S. Petrus Chrysologus serm. 54. ait, sat magnum animo fuisse Zachæum, qui voluerit Iesum videre, nec enim aliud maius habent, quàm ut Deum videant, qui sunt magni in illo beato regno celorum. Hoc tamen illi mirum visum, quòd iussus est Zachæus descendere, si benè ascenderat. Dixerim, eo mysterio iussus descendere, ut intelligeret, demissione, ac humilitate erigi hominem in eam celsitudinem, ut ad videndum Deum perueniat. Domus Dei certè hoc habet, ut nemo exaltetur, nisi qui se antè humiliaverit, nec quicquam nisi descensu ascendant. Hanc in rem vide integram Periocham, & in eo multa Tom. 2. pag. 236. Cum Dominus octo ad beatitudinem vias indicaret primam ostendit paupertatem spiritus, quam Patres & plurimi, & maximi volunt esse humilitatem eorum, qui non abundant spiritu, & sensu proprio, sed velut molæ, passim licèt sint alis, conquiescunt, donec eos Deus suo spiritu circumagat, & in orbè pro arbitratu suo rotet. Deum ergò nemo videbit unquam, nisi cum Zachæo descendat, & efficiatur, quod Christus alibi dicebat, sicut paruulus.

Discite nunc à Zachæo humilitatem, ut ne subfelia superiora appetatis in conuentibus sacris, quando illis apud Lucam 14. datum est vitio, quòd primos accubitus inuaderent in profanis nuptiis. Neque ad ipsas sacras aras in templis propius adeatis, nisi cum sacra fames panem vitæ sumere cogit, quoniam & hoc in laudibus Publicani Evangelici numeratur, quòd à longè stetit, scilicet, *ab altaribus*, ut exponit Caietanus, tanquam putasset profanandam partem illam templi sacrationem, si vicinior illi steter.

Quantum illud habere ex hoc pullo, ut discatis promptè, hilariterque obedire Deo, quoties ab illo ad quodcunque vitæ melioris genus, vel pietatis opus vocamini. *Zachæus iussu consilio, & iustificatus festinans interpretatur*, inquit Hugo Cardinalis, nam qui consilio Domini credit, festinat iustificari, Ecclesiasticosq; obtemperat dicenti: *Non tardes conuertere ad Dominum, & ne differas de die in diem*.

Clam, palamque Deus variis modis sæpè vocat ad bona diuersa, idque vel monitis suis clandestinis, vel aliorum parentibus exemplis, vel piis monitis, & sacris concionibus, vel graubus ex amicorum morte, vel propria infirmitate, vel bonorum direptione, ac vastatione ærumnis. Qui Zachæus est, idem simul ac monita eiusmodi accepit, festinat iustificari, maxime quando mortiferi peccati alicuius venenum hausisse nouit, ut velut saucius ceruus ad fontem aquæ concitus accurrit, sic ille ad medicinalis penitentiae remedium festinus confugiat, neque unquam diu mortuam in viuo corpore circumfert animam, idque primo, quòd tam nesciat, quòd viuet postredie, ut à peccatis exurgere possit, quàm nouit, quòd Dominus, quacunque die ingemuerit peccator, paratus sit penitenti donare suarum noxarum veniam, denique quia primordiis lethalis mali statim occurrendum, ut in herba radicibus succidatur, nam si crescere sinas, ira inualefcit, ut consuetudo necessitatem pariat. Abrah. 28. *Vide etiam loca ad finem illius c. ex aliis libris adscripta.*

S. Thomas Doctor Angelicus crebrò, ac multum mirabatur, tantam posse esse quorundam temeritatem, ut pernoctare cum peccati mortalis conscientia auderent. Putatisne de nihilo id miratus fuerit princeps scholæ Theologicæ Thomas? Somnus horaria quædam mors est, & mortis tam viua imago ut S. August. in Psalmum tertium dicat, *in scripturis pro morte innumerabiliter positum*. Sic velut mortuus est, qui dormit, quamdiu somno sepultus, etiam quasi horarius quidam damnatus est, qui mortuam, in corpore sic mortuo habet animam, & neque sæculo viuit, nec Deo. Et non obstupescat Angelicus Thomas, cum intelligit, tantam esse quorundam hominum audaciam, ut non timeant omnibus illis horis esse prædamnati, quibus somno, & peccato sunt defuncti, & non differunt ab his, qui apud inferos degunt, nisi quòd horum sit æterna, & irreuocabilis damnatio illorum temporalis, qui tamen ad illam æternam per mortem subitanam momento facere transitum possint.

Hic ego vos multis exhortarer ad citam confessionem (cuius erit olim tam inueniabilis negligentia, quam nunc magna (biq; confessorum copia) quoties id laborantis animæ gravis necessitas postulat, nisi id à vobis studiosè, ac religiosè fieri existimarem, ac vererè nimium vnius puli buccis infarciendos conuiuas, ubi & non pauca, neque exigua fercula sunt reliqua, quæ frustra tanto inde opere con-

re conquiescerim, nisi in esum, vsumque vestrum etiam tradam.

Post pullum ergo turtures columbasque offero, de quibus Leuitici lib. c. 1. narrat, non prius in holocaustum Domino oblatas, quam plumæ earum abicerentur in locum, in quem cineres effundi solerent. Sed quid peccarunt plumæ turturum, aut columbarum, ut non vna cum auibus cremarentur, & sacrentur Domino? Respondet Rabbi Salomon apud Cornelium à Lapide Leuit. 1. v. 16. his verbis: *Quia aues plumæ volant ad segetes alienas, easque rapiunt, & vastant, ideo noluit eas Deo sibi adoleri, quod sint instrumenta rapiendi, Deo enim non placent oblationes de rapina.* Vultis nunc videre (immò gustare vultis) auem, quæ seipsam nudauit plumis, quibus in aliorum bona inuolauerat, ut his rapinæ instrumentis euulsis, & abiectis gratum Deo holocaustum fieret? *Stans autem Zachæus, ait Lucas, ante fores domus suæ, ut vult Chrysostomus siue ante mensam, ut putat Cardinalis Caietanus, dixit ad Christum: Ecce dimisimus bonorum meorum, Domine, do pauperibus, & si quid aliquem defraudauit, reddo quadruplum.* Submonet hic Theophylactus: *Considera quomodo omnino fuerit nudatus.* Quomodo autem omnino nudatus? Potuit enim tam multis bonis circumfluxisse ex negotiatione licita, vel ex hereditate paterna, vel ex vxore opulenta, ut inde quadruplo refarciret, damna alijs illata, neque tamen huc expenderet omnia sua. Quasi verò tota principis publicanorum vita, & substantia ex furtis, ac rapinis non sic coaluerit, ut omnia sua, quæcunque ab eter-molynis erant reliqua, huc vertere necessum fuerit, ut cuique redderet sua. Quid ergo fecit: *Omnes opes suas Christo domum suam ingredienti obtulit, & donauit,* inquit Sanctus Gregorius Nazianzenus orat. 16. & 40. *Nulla illi diuitia relictæ fuerunt, iterum ait Theophylactus, addam ego, nulla ergo pluma reliqua fuerunt.*

Diuitiæ nimirum plumæ sunt, quibus homo alius in alterius tectum, tectumque sæpe inuehitur, iuxta illud Domini apud Ieremiam 7. c. 5. queruli: *Saturauit eos, & machati sunt.* Talibus plumis multis sublimiter volant, & velant, quòd latere alios volunt, efficiuntque, ut nulla sit ijs inaccessa dignitas, nulla non tecta siue generis, siue corporis, siue morum fœditas. Hi, quamuis senis diuitiarum per vim, vel fraudem contractarum alis instructi necessum habeant quatuor ex his ad famæ, aut familiæ turpitudinem velandam explicare, duabus tamen sic volant, ut earum remigio eò perueniant, quò a-

lius honestis, & ingenuis natalibus oriundus, & bonis moribus instructus, & optimo ingenio præditus, & variâ scientiâ excultus, sed rerum inops, & pauper aspirare non auit. Vide Tomi II. Indicem rerum verbo, *Pecunia*, vbi de pecuniæ potestate, quam in mundo obtinet, plurima reperies.

Zachæus ergo cum se abdicare principatu, ac Deo consecrare vellet, plumas simul omnes sibi euulsit, abiecitque, diuitias, inquam, semel totas, quarum adminiculo in summum dignitatis apicem euolârat, inque aliorum facultates tam perditè inuolârat, ut dicat de illo Sanctus Augustinus serm. 35. de verbis Domini secundum Lucam c. 3. *Multos oppressit, multos abstulit, multa congegit, atq; inde habuit diuitias.* Et B. Ambrosio visum est, tam fuisse perditum hominem, & rerum alienarum tam rapacem depeculatorem, ut putârit, neminem de se posse desperare, quando *hic peruenit ad veniam, cui census ex fraude.*

Accipite ex hac implumi aue, siue turture, seu columba (nam & confessoris, & poenitentis, quos volucres ille adumbrant, partes omnes per omnem vitam posteriorem dil. genter executus fuit) ut procul abijcatis, quæcunque vos ad inconcessa ferre possunt, & vel oculum eruatis, vel pedem, manumque detruncetis, quæcunque ex his sint vobis scandalo, hoc est, ut omnem consuetudinem etiam familiarissimam, & intimam, & coniunctissimam amici & qui pro manibus, pedibus oculis vobis sit, relinquatis, dum sit offendiculo, & vel ad improbitatem incitamento, vel impedimento ad virtutem, denique si quid aliquem (quod facillè accidit) defraudastis, vel simpliciter restituatis, ne duriusculè agam, si extigam à prouestiore Christiano, ut reddat, quod fecit profelytus Zechæus, quadruplum, præsertim qui famæ alienæ ereptæ est reus, fur inter omnes fures miterrimus, ut cui ex rapto plerumque nihil manet reliquum, nisi dura, & probrosa, adeoque difficilis restituendi necessitas.

Heus verò cede piscem, si quem habes, sympostiarcha, ut alternis cibis exacuamus orexin, & non obtundamus eisdem ferculis. Insignem nobis piscem Petrus submisit, qui hamo captus etiam stare in ore habet, ut sit vñ, si quos præterea sumptus conuiuium fortè requirat. Piscis, cuius in ore stater, avarum Origeni significat, *Et qui nil nisi de pecunijs loqui norit.* Cum videris huiusmodi hominem, inquit ille, ab alia correptum ponere pecuniæ non solum verba ex ore, sed etiam concupiscentiam ex mente, tum eum dicas in mari fuisse, & in falsis rebus.

rebus huius vitæ, & in fluctibus solitudinum, & habuisse in ore suo staterem, quamdiu infidelis extitit, & auarus, ascendisse autem de mari ad hamum rationabilem, & comprehensum, atque saluatum. Hæc ille pleraque homil. 4. in Matth.

Talis piscis Zachæus fuit, qui publicanus fuit *enim munus furti quoddam genus est, quod punitioni non subiaceret, inuerecundus auaritia modus, negotiorum ratione, ac titulo carens, terminus denique, ac finis iniquitatis, quod Christus declarare volens, & que meretrices, ac publicanos tanquam maximorum exemplam aliorum inducit. Hoc morbo Zachæus laborauit, priusquam ad Iesum accederet, inquit Asterius in cat. Patrum græcorum. Tali munere functus fuit, ac ne ignauiter, aut parum strenuè id fecisse putes, Princeps publicanorum, hoc est, inter impunes fures maximus, & furacissimus fuit, qui perditis operibus in perditam ciuitate egisse scribitur principatum. Ita S. Petrus Chrysologus serm. 54. Sed hodie illum è mari Christus extraxit, & staterem ipsiusmet ex ore, & corde posuit, cum omnes opes suas, vt ex Nazianzeno diximus, pauperibus, & Christo dedit, atque ita omnem auaritiæ, & habendi sitim sibi ademit, quæ nullo alio facilius extinguitur, quam aqua liberalis, & prolixæ in egentes erogationis. Vide hanc in rem multa, & pulchra. PPP. 357. o.*

Accipite ab hoc pisce non sperare in incerto diuitiarum, quod Timotheus diuitibus præcipere ab Apostolo est iussus 1. Tim. 6. 17. neque cor apponere, diuitia si fortè affluant, quod cum David opere primum docuisset, tum illis diuinissimis verbis sapientissimè suauiter, in quæ sic differit Magnus Basilus: *Admirare hanc vocem (diuitiæ si affluant) fluxa est diuitiarum natura; possidentes torrente citius præterit, atque deserit, alios alio modo apta mutare dominos. Hæc ille in Psal. 61. Omnino non fluxæ modò sunt, sed & tam fallaces, quàm: falsæ diuitiæ terrenæ, quæ custodes suos in primis produnt, nec obseruantia suæ aliam mercedem rependunt, quàm vt nectum humo iniectâ obrui sinant, à quibus illæ holofercis oculis inclusæ, ferro etiam, & chalybe aduersus omnem raptorum vim, atque infidias munitæ fuerunt.*

Assas nunc bubulas ex vitulo saginato, & ouillas ex agno ferculorum extremas appono, vt ex ijs etiam domum vobiscum, quantum cuique lubitum, feratis, postquam hic ingluuiem probè impleueritis. Hunc vitulum apud Lucam inueni. Ipse autem vitulus saginatus Dominus est, sed secundum carnem

saturatus opprobrijs, inquit S. Augustinus lib. 2. Euangelic. qq. 133. Ille hodie plurima deuorauit ad saturitatem usque scribarum, ac Phariseorum murmura, hanc saginam suam arbitratu, si per illorum tolerantiam adferre salutem Zachæo posset, apud quem etiam, vt ex Ambrosio initio dixi, se non inuitatus inuitauit, & dixit: *In domo tua oportet me manere, idque vt exponit per commodum in rem præsentem Cardinalis Caietanus, necessitate fructus, quem quærebat, non enim deerant Christo hospitibus, sed ad salutem peccatorum efficiendam oportebat ipsius suam conuictare exhibere se conuiuium peccatoribus. Cohærent cum his illa Cyrilli, Alexandrini, quæ subijcio: Cum Christi scopus esset omnes homines saluos facere, blandum se, ac beneuolum exhibet, & confidentiam præbens dixit: Festinans descende, &c. Ipse idem scilicet est agnus Dei, qui abstulit peccata mundi, quando agnus mansuetus esse cepit, & non abstulit in illa vetere lege, quamdiu qualis taurus ferus suo cornu ferijt.*

Sumant sibi hinc Religiosi, quod tamen si hominum secularium conuiuium quærere ambiciosè non debeant, ob eas causas, quas illis apud S. Basilium Magnum lib. institutionis monasticæ c. 7. videndas relinquo, tunc verò posse etiam non inuitatos se inuitare, cum lucellum aliquod spirituale sperant, quale hodie Christus fecit. Sumamus hinc omnes, vt cum gaudio pro Christo murmura accipiamus, ac rideamus præ lætitia, cum ridemur pro sedulitate obseruendi Deo, quando Christus se ijs saginari opprobrijs putauit, quæ pro nostræ salutis procuratione sustinuit.

Ac ne sit absque bellarijs conuiuium, ecce novum, ex Ambrosio, noui temporis pomum Zachæum in sycomoro, malum in ficu fatua sapientissimum. Qua in re? Ea, inquit Chrysostomus, quod dimidium bonorum dedit pauperibus, dimidium creditoribus. *Pulchrè diuidit inuictitiam, inquit ille in cat. Græcorum, & secit auaritiæ, nam validum est, quod integrum, & vnitum, diuisum autem debile, ea propter substantiam suam in duas diuidit partes, atque ita naturam, vel potius consuetudinem superat & vincit. In his illud premere: Validum est, quod vnitum, diuisum autem debile. Id tam verum est, vt diuisio, siue dissensio Christianorum sit triumphus dæmonum (Tom. 1. 222. o.) qui tamen animis unitos aggredi non aufunt (ibid. c. 1.) Et parum est, quod de dæmonijs dixi, etiam Deum vires destituerent videntur, quibus unitos animis, & concordēs homines expugnet. (ibid. 232. c. 1.)*

Hic

Hic ego
in Zachæo
sitâ gibbi
nes, & pub
pro censu
que ad
Breue
positâ gibbi
qui abieci
enim hodie
non hono
sue oncti
quia per e
luatur, qu
ratur, vt
Sed chem
misitro,

Eorum

Nu

Eorum
diu probat
c. 2. Ofæ 2
quem non a
o.) ijs min
viam.

Atreatus
helant, ob i
deteriora D
optima sine
bus terrenis
conditioe
Tom. IV.

Hic ego venerabilem Bedam video, qui intento in Zachæum digito vociferatur: *Ecce camelus deposita gibbi sarcinâ per foramen acus tranſit, hoc eſt diues, & publicanus reſiſto onere diuitiarum, contempto cenſu fraudum, anguſtam portam, arctamq; viam, quæ ad vitam ducit, aſcendit.*

Breue, ſed rarum ſpectaculum, camelus, qui deposita gibbi ſarcinâ per foramen acus tranſeat, diues, qui abiectis opibus viam arctam ingreditur. Quis enim hodie diuitiarum cumulum gibbum putat, & non honori magis eas eſſe exiſtimat, quæ reuera ſunt oneri? In honoribus autem diuitias cenſent, quia per eas ad officia honorifica ſublimiter extolluntur, quaſi non ſint pondera, quibus ſuſſum feruntur, vt lancem leuiorem grauior eleuat.

Sed ehem quid facio? Dum ſercula ex alijs alia miniſtro, potum nultum propino, quaſi caninum

velim eſſe conuiuium, ſine abſtemium, vt ille vocat, epulum. Fontem tamen proximum indicaui, qui frigidam magnâ copiâ fundit. Si diuitiarum, ſi rei cuiuſquam alterius ſiti laboras, eroga illas, diſperge, da cum Zachæo pauperibus, aqua enim dandi omnem habendi ſitim auferit, quantum nulla res alia, quod paulò ante ex PPP. dixi. Vis non ardere intemperante opum deſiderio? Subijce illas, ſi non è domo, vt camelus nollet Euangelicus, ſaltem ab animo, vt ne cor apponas, & nec malè retineas, nec prodige in luxum effundas, nec iniuſtè, aut nimis auidè corradas, ſed inde tibi primum, quæ victui pro ſtatu conditione ſunt neceſſaria uſurpes, tum reliqua Chriſto pauperi offeras, & ab illo in vicem expectes aquam, ex qua qui bibit, non ſitiet amplius in æternum. Amen.

Dixi.

INDICVLVS

Eorum, quæ Superiores Regulares ex Niſſeni Tomo Secundo pro exhortatione ad Religioſos ſubditos mutuari ſibi poſſunt.

Numerus Paginam, A. columnam primam, B. ſecundam, O. totam Periocham notat.

PRO NOVITIIS.



Admonendi qui petunt habitum, ne cum exire è ſæculo volunt, ſæculi voluptates antè deguſtare velint, quia non eſt bonus tranſitus à vitijs, ad virtutes. To. II. 341. b. & ſeq. vbi pulchra.

Eorum qui è ſæculo veniunt, paucos neque niſi diu probatos admittendos docet pulchrè Ribera in c. 2. Oſez. 204. a. Nemini certè facilè credendum, quem non antea benè exploratum habeamus (144. o.) ijs minimè, qui communem nobiſcum acturi vitam.

Attentus delectus eorum, qui ad monaſticam anhelant, ob id etiam habendus, quod mundus ferè deteriora Deo obtrudere ſoleat. (246. b.) cum illi optima ſint offerenda, certè viliora quàm Principibus terrenis præſentari non debeant, ne ſit inferior conditione Dominus quàm illius ſeruus. (245. o.)

Tom. IV.

In religioſos ordines neminem leuiter adſciſcendum, Chriſtus ſuo exemplo docuit, qui ſcribam illum apud Matthæum, poſitis in medio multis & magnis difficultatibus deterruit, non ſuſcepit, quanquam dixerat, *Magiſter, ſequar te quocunq; tenebis.* (123. a.) cauſa verò illius repudiati talis fuit, ob quam multi ab aſcetatum conſortio cohiberi debeant. Vide eam ibid.

Qui autem ſtatim religioſum init, qualis alius, qui nauem inſcendit. (123. a.) Verùm autem ſeruum Dei ſemper ſe probabit, ſi illi eadem frontis, & animi hilaritate ſub quouis ſeu beneuolentiore, ſeu tetrico, & aſtutiori magiſtro per omnem vitam ſeruiat. (224. o.)

Superiores qualeſcunque ſemper timeant offendere Religioſi ſubditi, quàm maximè, quia iniurias ijs illatas Deus tam inique accipit, vt illis plectendis tota inferorum ſupplicia videantur imparia. (199. o.)

O

Qui

Qui Religiosam vestem susceptum veniunt, ij toto corpore in terram effusi misericordiam Dei, atque hominum implorant. Quid sibi vult ille occusus? Vivere deinceps Deo volunt, qui se ita solo affligunt, & quoniam id nemo facere potest nisi qui sibi mortuus. (Tom. 1. Perio. 6. Ser. 1. in die Cinerum) ideo antequam servitutis Religiosæ insignia induant, in terram decubiti locum sepulturae toto corpore sibi demeruntur, tanquam mori parati, & tumulo inferri prompti, ut Deo posthæc rectè servire queant.

Niniuitarum Rex fectur sedisse, & cum illo populus, ut habet Tostatus, se extendisse in Cinerem, ut eo gestu significarent, propediem morituros. (153. b.) ad hunc modum se extendunt in terra, qui gratiam Religiosæ vestis petunt, ut indicent se iamiam morituros. Debent autem & tunc, & deinceps sæpè mori, ut demum semel moriantur benè. Rei enim momentosæ, quæ non nisi semel fieri potest, ut fiat rectè, crebrò faciendum est periculum. (153. o.)

Religiosis tyronibus abraditur coma, ut ne capillis prehendi queant, inquit S. Antiochus Cincinni ex S. Auguſt. Tract. 30 in Ioan. superflua corporis videntur, ut superflua est temporalium maior copia, quàm corporis necessitas exigit. Quod ergo capilli demeruntur talibus, eò monentur, debere abdicare se omnibus, quæ corpori in vivis alendo non sunt necessaria, sic, ut nullus novaculam fugiat capillus, hoc est nulla temporalium concupiscentiola maneat reliqua, quod hæc dæmoni sit satis, ut hominem in orcum abripiat. (170. b.) nec enim ille curat, tametsi fores omnibus alijs peccatis obstruas, dum vni soli aditum permittas. (170. o.) Ille apud Magnum Basilium ex senatore asceta, & *syncreticum perdidit, & Monachum non fecit*, qui exiguam facultatum suarum partem sibi reservarat, cum abdicare se omnibus debuerat. (171. a.)

Temporalium autem bonorum abdicatio non videri gravis debet his, qui volunt relicto mundo pauperem Christum sequi, nam cuius mediocriter prudenti levis accidit minorum etiam iactura, per quam fit, ut lucretur maiora. (55. o.) res autem terrenæ quibus renunciant, qui & sæculo, nihil sunt, si cum æterna vita conferantur. (59. o.) quam pro illis ex Dei promissione expectant.

Cum autem morituri omnia coactè deferere debeant, cur non sponte derelinquant, cum ars sit, eaque quætuosissima, virtutem facere de necessitate? (77. o.)

Mediocritas Novitij plurimum inculcanda, quæ Christus ipse docuit, qui plerumque in medio esse voluit. (8. o. & 145. o.) vbi multa pulchra.

Monendi, quod Christus suavitè quidem baiulare crucem (quod facere ceperunt, cum sacram vestem suscepserunt) sed non querere sepulturam. (11. a.)

S. Petrus Damianus tamen mallebat novitios incitatiores, & plus satis ferventes, quàm ignavos, torpentes, desides, remissos. (512. a.) eò quod abundans diligentia non noceat. (510. b. o.)

Novitij non debent indigne ferre, si aliquando flagris, ut pueri, vapulent, maxime, si pueriliter, ut sit, agant. Sic enim fit in domo Dei, in qua & ipse Christus donec puer fuit, ut puer voluit haberi, & tractari. (232. b.)

Novitij curare debent, ut cum tali veste exeant è mundo, cum quali intrarunt ordinem. (137. a.)

Pag. 26. a. b. habes duo loca, vnum ex Marco, & Deuteronomio, alterum ex Paulo, quibus excitare possis novitios religiosos, ut se totos tradant Deo, & exhibeant.

Pro cæteris Religiosis Clericis, quæ tamen ad Novitios etiam spectant.

Desiderium profectus, & studium insatiabile perfectionis commendari ante omnia debet Religiosis, & potest ex prima Periocha Dom. 3. post Pascha, (33. o.) vbi & vide, quæ ad calcem adnotata. Vide & Periocham 4. Dom. 5. post Pascha. (66. o.)

Perfectionis autem apex cum sit cacuminosus, & præcellus, nemo in illum repente penetrare posse præfidat. (462. o.)

Propter eandem illius sublimitatem, nemo per viam quiescat, alioquin non attinget. (464. o.)

Cogitent non ob aliud secessum petijisse, parentesque & liberos, & vxores, & agros, & facultates reliquisse, quàm ut extrâ omnem sæculi tumultum Deo & animæ, cuius negotia ex otio & per quietem tractanda (122. o.) vacare liberius, & expeditius possent, & in illo primo proposito constanter perdurent, quia non est satis alacriter, & strenuè capisse, sed qui in finem fortiter perseverarint, ille saluus erit. (499. o.)

Obedientiæ autem optimam rationem habeant, ita fiet, ut miracula faciant. Cum ab Apostolis iam

iam

iam abiurus esset Christus, hæc illis apud Matthæum mandauit: *Euntes docete omnes gentes, &c. Illi autem profecti prædicauerunt ubiq.* Sic Marcus c. vit. Quid illam promptam obedientiam consecutum est? Dominus ijs cooperatus fuit, & sermonem confirmauit sequentibus signis. In hæc S. Thomas in sua cat. ex Magno Gregorio sic differit: *Quid in his considerandum est, nisi quod præceptum obedientia, obedientiam vero signa secuta sint?* Est graue, & per arduum prædicationis munus (de quo vide Indicem rerum Tomi I.) quia tamen illud S. Apostoli obtemperanter adierunt, Christus statim illis cooperatus fuit, & miracula fecit, vt illorum obedientia laborem fructuosum, gloriosumque redderet. Sic Religiosi, qui iniunctos labores, quibus etiam impares sunt, humiliter suscipiunt, debent sibi omnem ex Deo opem promittere, & hoc simul polliceri, quod ille miraculo augebit vires eorum, qui promptè adoriuntur, quod sunt iussi, ne irremuneratam reliquisse obedientiam videatur.

Ad acuemdam obedientia promptitudinem illud faciet, si cogitent, grauius delinquere eum qui officium prætermittit, ad quod spontaneâ pollicitatione se ipsum damnauit, & nõ seruat pactum. (413. 2.) Quicunque autem rei alicui perficiendæ se ipsum offert (vt se Dei officijs perpetuis offerunt Religiosi) is accuratè, & exactè illam pertractare debet. (412. o.)

Religiosi cogitent, se vel maximè esse operarios vineæ Dominicæ (212. b.) Monendi vt Chorum, scholas, cæteraq; loca laboris communis, hilariter, gaudentesq; adeant, quod Deo non sint grata, quæ grauatè fiunt. Huc vadit tota Periocha. 49. vide quæ ad finem illius ex To. I. adscripti. Debent summopere curare vt summa cum alacritate persoluant Deo sua officia, quia nonnunquam sauius est nihil, quàm remissè agere (247. o.) Non enim amat Dominus domi suæ seruos, qui velut inuiti officia sua exequuntur. (377. o.) Cuius ea est ratio, quod ferè nihil benè fiat ab inuitis. (422. o.)

Debent autem perlibenter noctu conuenire ad laudes Dei. Primùm, quia honorificum est tunc vigilare, cum alij omnes dormiunt, aut certè malis studijs inuigilant, & magnis præmijs remunerabit eos Sponsus, quos vigilantes inuenerit, cum mediâ nocte venerit. (244. b.)

Secundò, quia hac in re præclarum exemplum habemus à Christo, qui pernoctare solitus fuit in oratione Dei, vt est apud Lucam c. 6. de quo nocturno orationis studio Christi sic ait Diuus Cyril-

lus Alexand. apud S. Thomam in Lucam, vbi supra in cat. hæc dignissima, quæ Religiosi omnes identidem lectitent, & ruminent: *Exurge igitur & in tempore noctis, purior enim est tunc temporis anima, ipsa tenebra, & silentium nimium possunt ad compositionem sufficienter perducere. Tunc non vexat inania gloria, non accidia, non concitatio occupat, non sic ignis ferri sequestrat rubiginem, velut nocturna oratio rubiginem peccatorum. Quem de die solis astus perussit, nocte refrigeratur, quemlibet rorem superant nocturna lachryma, & contra concupiscentiam valent, & quemlibet timorem, si verò prædicto rore non foueatur homo, arescit sub die. Quapropter licet non multum ores noctu, semel horâ vigilando, & sufficit: Ostende quod non solum ad corpus nox pertinet, sed etiam ad animum. Hæc ille. In eandem sententiam alter Cyrillus catech. 9. sic ait: *Quid est ad sapientiam nocte commodius? In hac enim persapè de Deo cogitamus. In hac lectioni, & contemplationi sacrarum literarum vacamus. Quando autem magis in psalmodiam, & orationem mens nostra componitur? Nunquid non noctu? & peccata persapè nostra noctu in memoriam reuocamus.**

Tertiò, debent non solum interdium, sed etiam noctu libenter adesse laudibus Dei, qui posthac cupiunt viuere cum illis custodibus murorum Ierusalem, de quibus Isaias 62. 6. ait: *Totâ die & totâ nocte in perpetuum non tacebunt.*

Sanctus Greg. Nyss. in tract. 2. in Psal. ait, manifestum esse, homines in alterutro, seu bono seu malo, in quo nunc sunt, fore ibidem post hanc vitam. De S. Ioanne Baptista inquit B. Cyrill. Hierosol. cat. 14. in lybmo occurrisset Christo, testificatumq; esse, & dixisse: *Tu es, qui venturus es: Hoc Ioannes toto prædicationis suæ tempore, & iamiam moriturus fecerat. Argumento ergo est, hoc quemque facturum à morte, quod in viuis fecerat. Agite itaque Religiosi, laudate constanter ac perseueranter noctu, diuq; Dominum de cælis, donec essis in terris, certi, quod cum beati habitabitis in domo Domini, in sæcula sæculorum laudabitis eundem, sempiternaq; erit vobis sancta hæc exercitatio in patria, quâ in tempore huius peregrinationis assueuistis.*

Orationem ament Religiosi, quam vehementer odit dæmon (292. b.) Quâ verò alacritate cantare debeant, discant à Dauide. (283. b.)

Silentium illis etiam percharum esse debet, eritque, si cogitant; primò, quod sæpè leui locutione perditur bonum, quod magno labore partum, & paratum fuit. (45. a.) Secundò, quanta mala Moy-

illi thauraturgo, illi Dei familiari, ac gratioſo attulit verbum vnicum incautè ab eo prolatum, quod vide obſeruatum à S. Ephrām (170. b.) & à Religioſo qui parum loquitur, multum expecta. (417. o.)

Ad facilem obſeruantiam ſilentij facit cuſtodia cellæ, quæ debet hoc eſſe Religioſo, quod Moyſi ſua ſcicella. Imitentur ergo eius vagitum (221. b.) cellas autem ſtudioſè obſeruent, quia ſi eas demon inuenerit apertas, introſilit, & animam ipſi obedi-entem corrumpit. (449. b.) Debent autem peculiariter amare naturale monaſterium, & in eo manere. (299. b.) Tepidis Religioſis monaſterium carcer, deuotis ſæcularibus carceres ſunt monaſteria. (342. a.)

Religioſi attendant, quid ipſi agere debeant, non quid faciant alij. (202. o.)

Amicitias mulierum omnes fugiant, (394. o.) priuatis vel maximè, exemplo S. Ioan. Euangeliftæ. (396. b.)

Studeant eſſe humilitate compiti. (237. b.)

Descendant, vt aſcendant. (236. o.)

In rectè ordinatis Conuentibus debent 1. ſinguli ſuum locum tenere. (145. o. & 273. a.) Secundo non ſolius ætatis, ſed meritum cuiuſque & dignitatis poſſimum ratio haberi. (235. o. & 272. o. & 310. o.) Tertiò, omnia ſuo tempore fieri, actum aliquin non de Conuentibus ſolum, ſed & mundo toto, ſi locorum, & temporum ratio inſuper habeatur, (316. o.) quiſque etiam ſuo officio attendat, nec ſe ingerat alieno. (468. o.)

Religioſi non debent committere, vt præceptis cogi neceſſum ſit, ad ſua officia, nam qui germanus Dei ſeruus videri amat, is ſua ſponte adit, quæ illi placere exiſtimat. (49. o.)

Religioſi ſuum animum ab omnium rerum terrenarum amore exoccupatiſſimum habeant, nam ſi Chriſti humanitas amori Apoſtolorum afferre impedimentum potuit, quid res ceteræ faciant, ſi eas anxius diligas? (36. o.) Et habemus Deum tam in amando delicatum, vt & ſolem, qui nos ſpectat velut timeat riualet. (205. o.)

Odiu & ſimilitates procul eſſe debent à religioſis domibus, valde enim alienum eſt à ratione, quod ſe mutuo inſeſcentur, quorum eſt commune vitæ genus. (287. o.)

Pro Fratribus Laicis ſeu Conuerſis.

Reuereantur Laici plurimum ſuperiores, & omnes Sacerdotes, quibus ſummus Deus ipſe non parum detulit. (429. o.)

Laici debent quoſuis labores, & qualeſcunque Conuentuum operas communes hilariter ſuſcipere, domus enim Dei auſura habet officium, quod non ſit perhonenſum, (485. o.) & non amat Deus ſeruus inuitos. (377. o.)

Vt autem rædium laboris eos non inuadat, quem pro Deo ſeruus illius impendunt, illud faciet, ſi cogitent, quàm abundè Dominus compenſet, quidquid pro illo vel facimus, vel toleramus, (346. o.) at quod ille verus Dei ſeruus eſt qui commodorum ſuorum inmemor, vel incurius, vtilitati ſtudet alienæ. (344. o.)

Illud etiam Laicis multum adimit de onere quotidiani laboris, ſi reputent ſecum oppidè grauiora eſſe, quæ Dominus noſter pro omnibus nobis, & tulit, & fecit, magnum enim leuamen adfert ſeruo, cùm recordatur Dominum ſuum grauiora his, quæ ipſe patitur, toleraſſe. (73. o.)

Cùm Deo manibus melius, quàm lingua reſpondetur, (155. o.) reſpondere illius vocationi, & expectationi Fratres Laici optimè poſſunt, quorum omnia ſtudia ſunt manualia. Nec debent manualium laborum tempus dare priuaris orationibus, optimè enim orat, qui ſuum officium rectè vt debet, curat. (389. o.)

Non debent Fratres Laici eſſe ſicut vacca ſugdis, neque noſſe literaturam, ſue numeros, aut arithmeticam (35. b.) immò quando plurimum deſudauerunt, debent putare nihil, aut parum egiſſe exemplo Chriſti. (33. o.) Debent amare naturale monaſterium (de quo 399. b.) & curare, vt inter medias operas ſuas ſartorias, ſutorias, culinarias cælum animo crebrius obeant. Sic enim habet D. Chryſoſt. *Ecce viro in foro verſanti, aut iter facienti aſtente precari, alteri item in officina ſedenti, ac coria ſuenti animam ad Deum dirigere. Ecce ſeruo (Laico) obſervanti, aut ſurſum, deorſum curſanti ſcilicet in culina, ſi non facit ire in Eccleſiam precationem intimam ex pectore eſſe. (400. a.)*

In benè inſtitutis domibus quiſque ſuum officiū curat, neuo inuadit alienum (468. o.) Ab initio mundi voluit Deus ſe fieri; Gen. 3. 23. 24. Emiſit ille de paradifo voluptatis, eiecitq; Adam. Nonne & E-

& Euam? Immo ambos protoplastos, nam quod dicitur Deus emisisse hominem, & eiecisse Adam, repetitio eiusdem sententiae est, inquit Rupertus lib. 3. in Gen. c. 3. 1. & Adam idem est quod homo. Notate autem quod dicitur emissus homo, & eiec-tus Adam, ut operaretur terram, de qua sumptus est. An ergo uterque ut emissus, vel eiec-tus, sic etiam terram operari iussus? Respondet venerabilis Abbas: *Licet in Adam vir simul, & mulier intelligantur, & uterque sit eiec-tus, & emissus, tamen quod dictum est, Et operaretur terram, de qua sumptus est, melius de solo viro accipitur.* Dicam ego paulo aliter, nec tamen omnino contradicam Ruperto. Parentes ambo ut eiec-ti, sic operari terram, de qua sumpti, sunt iussi. De qua terra sumptus est Adam? Ex ea, quam pedibus calcamus: quamam Eua? Ex animata corporis virilis terra. Terram ergo quisque suam operari iussus est. Adam nimirum illam insensitivam, à qua portabatur. Eua vero illam, quam Adam circumferebat. Adam humum, ex qua formatus, Eua coctam, ex qua illam supremus Architectus edificavit. Proin cum dicitur, *Et operaretur terram, de qua sumptus est, commodè subauditur, & mulier operaretur circa calcum viri, de quo sumpta est,* inquit magnus Abbas. Sic ergo ab initio à summo Patrefamilias distributæ sunt operæ, ut vir agrum, virum mulier colat, & curet. Merito illud: Nam ut quæque rectè fiant, illi demandanda sunt, qui melius agere noverit, (273. o.) vir autem rusticus, & publicis negotijs aptior est, mulier domesticis, virum ergo foris labor expectat, mulierem domi. Laici ergo quibus curæ domestica ferè commendatur, hanc strenuè tractent, in pistrino, culina, & sua quisque officina, non in libris versentur, quos non de nihilo ijs auferri sacra nostra constitutio præcipit, quod sit canina, qualem Plato ordinavit, Respub. ubi officiorum confusio, Laicos intus ferè ut mulieres domestica cura adstringit, Clericis extrà sua est occupatio siue in cathedra, siue in pulpito, siue in confessionali, iisque agro Ecclesiæ colendo, seminando, perpurgando studeant. Laicorum verò industria in eo potissimum versari debet, ut Clericorum corpora, & quæ ad illorum alimoniam pertinent, curent.

Laici tamen Ordin. Præd. debent etiam esse prædicatores. At nonne hoc fuerit invadere officium alienum Clericorum Sacerdotum? Minime. De Christo ait Matthæus: *Et aperiens os suum docebat,* &c. quid fuit opus addere aperuisse os suum, ut doceret, cum nemo docere, nisi aperto ore possit?

Immo verò & sine ore aperto docere quilibet potest, inquit Chrysostom. apud S. Thomam in car. & Christus manibus, ac reliquo corporis gestu plurima docuit. Hunc per facta docendi modum debent servare Laici, & hic est efficacior, quam prædicatio per sola verba. (493. o.)

Pro Studentibus, Professoribus, & Concionatoribus.

Literarum sacrarum ardens studium discant Religiosi ab homine seculari, eoque aulico Regine Candacis gratio 159. b. præsertim Concionatores, qui videant in ser. De S. Ioanne Bapt. quæ in illud. *Et scripsit dicens,* ex SS. Ambrosio & Thoma ibi notauimus. Thesaurus absconditus in agro sunt sacræ Scripturæ in quibus reposita est notitia Saluatoris. Ita S. Thom. in car. Matth. 13. ex D. Hieronymo: consentit S. August. qui ibid. ait thesaurum absconditum in agro esse duo testamenta in Ecclesia. Verè thesaurus est notitia sacrarum Scripturarum, & substantia Sacerdotii nostri, inquit S. Dionys. l. de Eccles. Hierarch. c. 1. ut S. Ioanni 1. canon. 3. 17. substantia mundi dicitur periturarum copia opum. Hunc thesaurum, cum quis ex parte intellectus attigerit (inquit porro ultra ex D. Aug. S. Thom.) sentit illic magna latere. Quid verò facit, ut eum sibi obtineat? Vadit, & vendit omnia, & emit illum, id est contemptu temporalium comparat sibi otium, ut sit diues cognitione Dei. Sapienter obseruatum à Pio II. Pont. Max. quod numi quasi quid sensus habeant, fugiant domos sapientum, & eorum, quos bonarum literarum amor tener. In promptu causa est, vidente nim à sapientibus, & literarum studiosis non tantum non honorari (quod fatui ferè faciunt) sed etiam insuper haberi. 2to. b. Contemnunt musarum amasi omnè vxoriam, & quamuis aliam carnis voluptatem, scientes, quod & Gentilis quidam intellexit, neminè posse simul & vxori, & Philosophiæ vacare, & diuitem esse, qui vxori coniunctus: contemnunt diuitias, scientes quod spinæ sunt, quæ mentem lacerant, & confodiunt, ut studiis animus saucius vacare non possit: Contemnunt ciborum oblectamenta, scientes, non posse habere mentem tenuem, cui venter pinguis: Contemnunt mundum totum, nec se implicant negotiis secularibus, quod ea solitudinibus suis animum vehementer distrahere, & facile extinguere soleant semen, si quod auditu, vel lectione.

lectione hauserit : Somnus ipse fugit ab oculis eorum, quibus studia esse oculis chariora videt. Tanti emunt otium, quod bonis literis dare possit, qui sunt in earum amoribus.

Ad amorem sacrarum literarum præclaro nos exemplo adhortatur Paulus, qui è vinculis hæc Timotheo scribebat : *Penulam veniens affer tecum & libros maxime autem membranas*, 2. Timoth.

4. 13. Exclamat hic S. Thom. *Quid egubat Paulus librum, qui plenus erat Spiritu sancto.* Respondet Doctor Angelicus : *Quanto magis appropinquabat morti, tanto magis instabat scribis (fortè studio) scripturarum, sicut de B. Ambrosio dicitur, quod & ad ultimam aegritudinem non cessaverit scribere.*

Et quid membranz, quas maxime Apostolus afferri petebat? Respondet S. Thomas : *sunt charta, & schedula, ubi scripserat Epistolas, & prædicationes suas.* Graviter ergo obiurgandi Concionatores nostrates quàm multi, qui non scribunt, quæ dicturi sunt, nisi fortè summa capita, ex quo fit, ut de rebus sacris sæpè sordide, & ineptè dicant. Miseros nos! Si tam socordes fuissent Patres Ecclesiæ, & satis putassent verbo edificare fideles, & scribendi labore supersedissent, quibus multo amplius debemus, quod scripta sua nobis posteris reliquerunt, quàm quod sui homines verbo erudierunt. 360. o.

S. Ioan. Chrysostom. hom. 10. in 2. Tim. ait *Quid Pauli libri opus erat, cum esset migraturus ad Dominum?* Respondet autem tunc maxime eguisse, ut eos fidelibus commendaret habendos, & vice doctrinæ illius servandos. Itaque Apostolus, ut per omne tempus, à quo ad Christum venit, erudiendorum aliorum officium diligentissime procuravit, ita huic studio immori, & post mortem eum per se non posset, per libros dare operam voluit. Verè mors umbra vitæ 480. o. sic enim & Elias in igneo curru ab equis igneis, è mundo abreptus fuit 480. b. quem pater eius Sabacha vidit igne tanquam fasciis inuolui, & flammâ ignis veluti cibo ali, quando primum in mundum natus fuit, ut S. Dorotheus, Epiphanius, Metaphrastes apud Surium, & Sanctius in c. 17. 3. Reg. n. 4. referunt.

Quod Paulus morti vicinus petierit sibi libros, & membranas adferri, id Hugoni Cardinali argumentum est pro studio, *aus enim volebat studere, non obstante morte imminente, & in aliis studium commendare.* Hæc ille. Frontem non habet, qui non erubescit, dum Pauli tantum in sacras literas amorem cum sua ignavia componit. *Adverte, ait, bonus Cornelius à lap. quam otium fugeris Paulus, quam*

que studio sacra scriptura addictus fueris, & illi immortet vellet, nimirum tam diu nobis discendum est, quamdiu vivitur, inquit Solon. 1. Timot. 4. 13. aiebat iterum Paulus Dum venio attende lectioni. Vbi Chrysost. Thi. 13. *Timotheum ecce admonet lectionis operam dare. Audiamus hoc omnes intentius, & discamus divinorum meditationem scripturarum minime negligere.*

Pro Magistris Novitiorum.

Magistri Novitiorum, sicut uniuersim omnis Præceptoris officium est, & obiurgare, & consolari, ac vtrinque excitare 268. o. de quo vide & indicem de sanctis in communi Apostolorum.

Magistri Novitiorum, & omnes superiores Regulares, studiosè lærent, & obseruent Periochâ quintam Dominicæ septuag. 485. o.

Magistri Novitiorum magis amari appetant quàm timeri, ut enim animo subigas, id morum comitate, & suauitate verborum facilius, quàm vllis vel spiculis, vel reticulis effeceris. 107. o.

Doceant fratres amanter & lætanter ea facere, ad quæ venerunt, nihil enim benè fit ab invito 422. o. & perspicuum est, rem esse nullam, quæ rectè peragi possit, nisi amore comite inquiebat ille. 424. c. 1.

Doceant Novitios à primo peccato studiosissimè cauere, quod hoc ferè damnosissimum sit, nec quicquam periculosius, quàm semel cæpisse malè agere. 507. o.

Doceant non diligere solum, sed & amare, & deperire orationis studium, nam ut in mundo numis, sic oratione apud Deum omnia impetratur. 292. o.

Studeant illis ubique quantum negotia ferunt, adesse, quia ut aliorum superiorum, ita & Magistrorum absentiam confusiones facile sequuntur 437. o.

Neque tamen nunquam Deum imitentur, cuius palpebræ interrogant filios hominum, quod vide commodè expositum. 436. b.

De Prioribus & Superioribus Conuentuum.

Priores Monasteriorum monendi, ut quantum fieri potest, continuè sint præsentés, non modò in domo, sed & in refectorio & in choro nam Prælatorum absentia confusionum parens est 437. o. & cum ii non intersunt diuinis officiis, ferè vacuus est chorus. 439. b. quod Olcaffer noster notauit, vti nam non videamus ipsi.

Praelati habeant magnam, & diligentem rationem bonæ vitæ, nam eorum efficax est exemplum ad permouendos quosvis subditos. 363. a. & omnis conuentuum salus, aut perniciēs in superioribus posita est. 21. o.

Cum autem tam arduum sit curandarum animarum officium, vt & ipse Christus illud pertinuisset videatur 18. o. non debet id cuius facillē committi, nec leuiter ab aliquo suscipi, nisi qui diligentissimā illius habere rationem velit.

Non debent superiores vel maiorem, vel etiam parem habere carnis, & cuticulæ suæ, ac ouium rationem, sed in harum vsus ita se totos conuētere, vt præter illarum utilitatem nihil curent 27. o.

Qui sibi blandus, & lenis, aliis asper, & durus ille nihili superior, & idolum quoddam Pastoris est. 171. o.

Monendi superiores, vt diligentissimē rudeant, quomodo cum fructu monere subditos queant, nam cum omnia alia suum opportunum tempus requirant, tum vna maximē postulat aliorum correptio maturitatem, & prudentiam. 64. o.

Pro Exhortatione ad Religiosos.

Ex Tomo tertio Nissenii.

VT hoc alacriter, gaudenterque mundo renuntient, quos Deus ex illo & lætanter hoc faciant, cogitent, quod pro vno parente quem relinquunt, plurimos inueniunt patres, & pro paucis fratribus, sororibus, cognatis tot fratres, sorores, & spiritu affines, quos sunt illius Ordinis, cui se tradunt, religiosi alumni, quotque sacræ vestales. Sic Abraham de terra sua, & cognatione, & patria domo iussu Dei egressus factus est in gentem magnam, Gen. 12. & amplissimarum regionum dominus, postquam ab vna patria sua pro Deo sponte exulauit. Abrah. 3. c. 1. & 2.

Novitii religiosi non debent quauis statim difficultate frangi, non cadere animo ob quamuis ieiuniorum, vigiliarum, meditationum molestiam, non leuiter timere, ne perdurare inter suscepti Ordinis labores non possint. Abrah. 19. c. 1. quia magna ignauia est timere pericula, quæ fortuitō accidere possunt. Ibid. 17. o. & laurus beatitudinis solis fortiter perseverantibus est præparata ibid. 12. o.

Quoniam ex nimia acceleratione solent longæ moræ resurgere, plurimum refert ad regulam discre-

tionis ita moderari, & distribuere iter, vt perdurabili passu, & continuâ professione perfici queat. PP2. 619. o.

Sic Iacob, cum ei se frater Esau socium itineris offerret, veritus ne cuncti vno die morerentur greges, si celerius eos ambulare, nimiumque laborare cogeret, aiebat: *Precedat dominus meus, & ego paulatim sequar vestigia eius, sicut videro, parvulos meos posse*, Gen. 33. Habeat hic novitii, & quicumque imprudentes Religiosi, quod discant, & imitentur, qui prætermissa virium suarum expensione tam properanter, cursimque feruntur per viam spiritus, vt antè deficiant, quàm perficiant iter & inepti reddantur ad reliquum curriculum perficiendum. Ibid. 620. c. 1.

Verum & pulchrum est illud Bernardi: *Discretio omni virtuti ordinem ponit, ordo medium tribuit etiam, & perpetuitatem*. Vnde Propheta ait: *Ordinatione tuâ perseverat dies, diem virtutem appellans*. Vbi itinerandi nullus est ordo, nullus modus, discretio nulla, quomodo rectè sua cuique dici mēsurā designari, & continuari profectio poreſt? Ibid.

Etiā Apostolos suos iussit Dominus *ire seorsum in desertum locum, & requiescere pusillum* Marci 6. ne diuturnitate concionandi se conficerent. Ibid. c. 1.

Deus disponit omnia suauiter, atque idcirco attingit a fine usque ad finem fortiter. Tu fortiter inchoas, sepius consummas. Cur hoc, nisi quia non disponit omnia suauiter, nec scit operari sapienter? Incipis, curris, festinas, anhelus lassaris, deficiſ, & non discessis ad finem, sed ne ad medium pertingis. Ita Richardus de S. Victore ibid. 621. c. 1.

Optimè faciunt, qui Christi iugum ab adolescentia suscipiunt. Bonum quippè est citò assuescere armis laboris, vt ferendi molestiam consuetudo leuet, & tolerabiliorem faciat. PP2. 452. o.

Postquam Deo certum fuit, Adamum post præuaricationem ad remum vitæ laboriosæ damnare, non diu in paradiso viuere permisit. Nam si multos dies inter arborum amœnitatem, & fontium irrigua, & florum fragrantiam, & herbarum virorem, & harmonicarum auium concentum, & iucundum illius tam felicitis loci otium transmississet, demum verò electus fuisset, vt stiuam tractaret, & glebas subigeret, & terram vomere proscinderet, victumque labore, ac sudore pararet &c. id acerbiorē illi cruciatum, doloremque intolerabiliorem attulisset. Ibid. 453. c. 1.

Gratius nocet, quidquid inexpertum accidit, inquebat

quiebat ille: *Et nolite inebriari est, non quod bibax esset, & ebriosus, sed quia bibendi & sum nullum teneret.* Ita S. Basil. Mag. ibid. 453. c. 2.

Pulchrum est illud Senecæ axioma: *Nullo melius nomine de nobis natura meruit, quam quod cum sciret, quibus arumnis nasceremur, calamitatum molimentum consuetudinem inuenit, ut infamilitatem gravissima adducens.* Ib. 454. c. 2.

Concionantis in domo quadam Christi sermonem importunus nuntius interpellabat, dicens: *Ecce mater tua, & fratres tui foris stant, quærentes te.* Matth. 12. Et extendens manum suam ad discipulos suos dixit: *Ecce mater mea, & fratres mei. Quicumque enim fecerit voluntatem Patris mei, qui in calce est, ipse meus frater, & soror, & mater est.* S. Petrus Damianus ad Monachos suos ex his verbis Dominicis ita diserebat: *Notate, fratres, notate dignitatem vestram, si adimplentes voluntatem Dei, frangitis voluntatem vestram.* Ad religiosos ascetas, ut præfatus sum, dirigebatur hæc oratio, quos Damianus iubebat attendere, quod abnegantes propriam voluntatem renuntiarentque mundo, parentibus, & cognatis in summum nobilitatis gradum pervenirent fierentque Christi non solum fratres, & sorores, sed etiam matres, & parentes, quod totum secundum carnem esse non potuit illa Virgo, quæ secundum carnem mater fuit: *Nos autem hæc simul omnia Christo per spiritum sumus,* pergit Cardinalis. Abrah. 105. col. 2.

Quanta ergo felicitas est, pro Deo aliquid perdere, qui paucula relinquenti in vicem plurima reddit! Quanta misericordia admittere hominem ad contubernium religiosum, ut fiat frater soror, & mater Christi! Itaque ut alii lucra expectant, sic nos Christiani optemus rerum nostrarum pro Deo tam prolixo remuneratore iacturam. Ibid. 103. o.

Religiosi debent lætanter propriæ renuntiare voluntati. Tameñ enim hæc gemma sit pretiosissima, & gratuitum Dei donum, sæpè tamen ingentia nobis damna parit. Abrah. 30. o. Per hanc quippe Lot primum in turpe nefandorum Sodomitæ consortium, dein etiam in incestum multò turpiorem incidit. Per hanc factum ut Ierosolymitæ pervenire non possent in veri Dei cognitionem, ex qua eorum salus æterna pendebat. Ibid. 31. c. 2.

Vera obedientia tam grandem confert existimationem, ut prorsus sanctum, omnibusque virtutibus confectum arbitrari possimus illum, qui eam enixe colit, & humiliter, demissèque exercet. Abrah. 176. o.

Religiosi, qui rectam in cælum tenere viam volunt, humiliter ad amissam voluntatis incedant alienæ, neque arroganter, ductum sequantur propriæ. Nam antè ignis adurere, & lucere sol desinet, quàm errare homo nimium sibi prædicens. PPP. 373. o. *Multa habet hoc caput, quæ capita Religiosorum suis subditi fructuose inculcare possint.* Notabilissimum in eo illud, quod S. Ephræm ex sententia cuiusdam veteris monachi in palæstra vitæ spiritualis plurimum exercitati ait. *Si conspexeris adolescentem, siue novitium ascetam propriâ voluntate in cælum ascendentem tene ipsum, expedit enim ipsi. Id vero de illo quoque intellige, qui cum atate sit senex, mente tamen est iunior?* Ibid. 376. c. 1.

Quàm felices religiosi vel ex eo, quod sunt iniuges! Percurrebat animo S. Aug. omnes huius vitæ status, cumque in eos incidisset, qui se continent, & calibatur devoverunt, sic aiebat: *Alia ex munere Dei maius aliquid vult, & statuit nec nuptias pati. &c. Quid est nuptias pati? Ducere uxorem, vel nubere marito. Et hæc passio est: Omnino, eaque quàm diuturna, tam acerba. Iungi enim matrimonio, est addici remo curarum, & ærummarum, quas hic status magno agmine secum ducit.* Abrah. 196. col. 2.

Reliquis vitæ humanæ statibus minutatim dantur labores, conjugati prægravantur omnibus. Ib. o. *Sibi multa in hanc rem selecta.* Optabilis ergo necessitas, quæ Religiosos prohibet à nuptiis.

S. Theodorus studira, cum Monachos hortaretur, ut immortales Deo Patri referrent gratias, quod ipsos in amicum status religiosi viridarium adduxisset, inquebat: *Quod post studium est iuge in Domino gaudium?* tanquam dixisset: *Exercitatio monastica quidnam est aliud, quàm terredre cæli, ubi non secus ac in delitiosa paradiso in perpetuo laudum divinarum cantu, & Angelorum iucundissima societate vivitur?* subiicit autem: *Nam sibi matrimonium est, ac servitus, & quæ ex his molestia manant, misera hæc hominum generi dirivitus insita distractio, difficile est in Domino gaudere.* PPP. 259. c. 2. & 260. c. 1.

Quamquam matrimonium sit sanctum Sacramentum, non tamen hoc facit, quin statum illius plurimæ plerumque comitentur ærummæ, & varii labores excipiant. Ibid. 259. o. Quare ter, quaterque, & millies beatos se putare debent Religiosi, quibus Dei beneficio singulari concessum est, calibem ducere vitam.

Non debent deficere animis, si primis statim diebus

bus non intel-
cū postior
sequeas præce-
Et non possit
ius non se
Tilum hominu
dens enim, Ma-
lureis dicta est
rabant verbum
sententi illud
auribus ea ingi-
re animis, scilicet
percepturi est
visuri, quod il-
larum die illi
Theophylactus
tò tunc enucle-
intelligi ceru-
rent ergo pui-
ram, & cum
qui possint,
namque quæ
priora intelli-

Sunt qui lo-
gerunt, glori-
sacro mores
ut corrigeret
Eucherius Lu-
nostros, & tem-
quicumque ille
diem vixisse re-
sistit, quem sin-
lum diem vixisse
maculant, qui
vit. Illam, inq-
am suis perven-
diem vixisse p-
guiz transgre-
recte usurpata
297. & seq.
gnitudo non e-
meritorum pe-
benè vivendo
longævus est,
290. o.
Postquam vi-
perat Abrah-
cum: Ambula-
Cur tam long-
gum studere p-
Tom. IV.

bus non intelligunt, quæ vel legunt, vel audiunt, cum posterior sol sæpè sit magister prioris, & dies sequens præcedenti nonnunquam eructet verbum, & nox postridiana pridiana indicet scientiam. Christus non semel dixit discipulis suis Doctor optimus: *Filius hominis tradetur in manus hominum, & occident eum*, Marci 9. Audierunt hæc illi, & tanquam surdis dicta essent, non intellexerunt. *At illi ignorabant verbum istud, & erat velatum ante eos, ut non sentirent illud*, Luc. 9. 45. Poterat Christus, qui auribus ea ingerebat, etiam sensum illorum insinere animis, sciebat verò quòd illa tunc demùm rectè percepturi essent, cum eum à morte redituum visuri, quòd satis esse arbitratus fuit, ut non primo statim die illis rem enudaret, quanquam & aliam Theophylactus excogitavit causam, ob quam meritò tunc enucleare sua dicta nolebat iis, à quibus non intelligi cernebat. Abrah. 102. col. 1. Benè sperent ergò pii religiosi, qui sacris literis dant operam, & cum sint tardiore ingenio non statim assequi possunt, quæ siue legunt, siue audiunt, ex his namque quæ posthæc legent vel audient, etiam illa priora intelligunt.

Sunt qui longà vità, quam in veste religiosa exegerunt, gloriantur, nec satis curant, utrùm vestitui sacro mores responderint. Horum prædilectam ut corrigeret Eusebius Emisenus, siue ut alii volunt, Eucherius Lugdunensis, sic aiebat: Solemus annos nostros, & temporum spatia supputare. Non te fallat, quicunque ille est numerus dierum. Illum tantum diem vixisse te computa, in quo malis desideriis resististi, quem sine illius regula transgressione duxisti. Illum diem vixisse te computa, quem non malitia commaculasti, qui peccato non cessasti, qui diabolo repugnasti. Illum, inquam, diem applica ad vitam tuam, cuius & tu peruenisti ad animam tuam. Si illum tantum diem vixisse putare debet religiosus, quem sine regulæ transgressione duxit, non ergo susceptæ, sed rectè usurpatæ sacræ vestis tempus numeret (PPP. 293. & seq.) quia & ætatis religiosæ magnitudo non ex dierum numero, sed multitudine meritorum pensatur, nam & ille solum vivit, qui benè vivendo vitam meretur æternam, ille magis longævusest, qui virtutum magis abundans. Ibid. 290. o.

Postquam nonaginta, & novem annorum esse ceperat Abraham, apparuit ei Dominus, dixitque ad eum: *Ambula coram me, & esto perfectus*, Gen. 17. Cur tam longæva sancti Abrahæ exprimitur ætas, cum studere perfectioni, & coram Domino ambu-

lare iubetur? Ut nobis documento sit, quòd simile progrediendi, ac Deo serviendi studium nunquam dimittere debeamus, tamen inter illius officia fortè incanuerimus.

Cum Deus nullum benefaciendi nobis finem faciat, quare nos ab illius officijs unquam desistamus? Abrah. 92. o.

Ætas nulla, quamvis capulo proxima, emeritos apud Deum senes facit.

Corinthios homines sæculares his tam acerbis verbis perstringebat Paulus: *Iam saturati estis, iam diuises facti estis*, velut ex mente Chrysostomi illud iam prementis dixisset: *Ludite vos turpiter, & periculosè, estis; à ratione aliena vestra opinio, quæ hoc habet, ut iam saturos, & expletos, iam peropulentos vos putetis: Insatiabiles enim res est pietas, & mentis puerilis est, existimare se totum accepisse*, inquit os aureum.

Si puerum à domo, quantum iactus est lapidis, abducas, vel mox delassatur, vel mundi finem attigisse putat. Si crystallum ei des, adamantem arbitratur, cui totus sit impar mundus. Sic qui vnâ eleemosynâ, vnâ corporis verberatione, vno ieiunio arbitratur in supremum penitentiam, & liberalitatis cacumen peruenisse, nã ille puerili est animo, & iudicio, quantumvis capite incano.

Semper *ficus Ecclesia similatur*, inquit Chrysostomus, scire autem expediens est, quòd *senescens ficus ferrilior euadat*, inquit Constantinus Imperator. Hinc accipiant senes, imprimis Religiosi, ut quò sunt prouectiores ætate, eò sint fecundiores fructibus pietatis, ut fructuum, & annorum copiâ pariter augeantur, & cum sunt ex graui senectute incurui, sint ad officia Dei erecti & expediti.

Curant viam mandatorum Dei instar boni equi, cuius hæc nota est, quando stans impatienter tolerat quærem, & terram pedibus pulsans, cursum meditat, inquit Cassius Vticensis.

Solam in via officiorum diuinorum impatienter ferant quietem, & remissionem senes cætera ferant æquanimiter effectæ ætatis incommoda, & cursum semper meditentur, ad Dei cultum celeres, licet ad alia tardi.

Nihil organorum nostrorum natura post, sed antè tantum composuit, inquit Cyrillus in apologis. Cur hoc? A fronte, non à tergo posuit omnia sentiendi instrumenta supremus opifex, ut eâ structurâ nos tacitè moneret, in pietatis, & sanctitatis itinere progrediendum semper esse, nunquam retrò ab-

Apostolis suis aiebat Christus: *In hoc clarificatus est Pater meus, & fructum plurimum asseratis, & efficiamini mei Discipuli*; Ioan. 15. Iam erant Discipuli, quomodo ergo futurum erat, ut efficerentur eius Discipuli? Et erant iam Discipuli per eius cooptationem, & efficiebantur per continuum studium, perseverantemque contentionem proficiendi sub disciplina eius. Ita ferè Caietanus: Petrus, Andreas, alijque quamvis decrepiti, & cruci, mortique proximi, efficiebantur Christi discipuli, aut certe ita fructificare, & gratificari, Deo studebant, quasi ad collegium illius nondum admissi essent, sed etiam dum aspirassent. Ibid. 93. c. 2.

Nunquam se perfectum putet Religiosus, quantumvis enim perpolita sit anima, quantumvis ornatis moribus, semper inueniet, quod plus expoliat, & emundet. Abrah. 105. o. In domo Abrahæ omne masculinum circumcidi debuit, Gen. 17. *Nec senex profelytus, nec infans Vernaculus excipitur, quia omnis aetas peccato obnoxia, & ideo omni aetate sacramento idonea*, inquit Sanctus Ambrosius. Nullus ergo præsumat, quod tam sit purus, ut circumcissione, refectione, purgatione non egeat. Ipse adeo *aetatis maturioris Abraham circumcidi iubetur*, inquit ille rursùm.

Christus tamen baptizaret in Spiritu Sancto, & igne, Matth. 3. & peccata dilueret, habebat nihilominus ventilabrum in manu sua, eoq; permundabat aream suam, idq; ne quis torpeat suscepto baptismate, inquit Euthymius, qui scilicet ætate maturâ baptizatus fuerit, talis enim homo, quantâcunque diligentiam, curamque adhibeat, vix efficere potest, quin offendant, & committat, quod rursùm emundari debeat.

Expoliauerat se, illa de Canticis tunicâ suâ, hoc est, noxijs affectibus, quos cum originis peccato ab Adam accepserat, & tamen statim querebatur, sibi posthæc ablatum pallium. Vnde illi recens nuda tæ pallium, ut iterùm spoliari posset. Inde quod nulla tam pura anima, quæ non aliquid tunicarum pellicearum Adæ habeat. Anima quævis nuda est, velut sentinam quandam circumferens, semper exhauriri debeat. Ibid. 106.

Religiosi superiores cum & amari debeant, & timeri, etiam facere debent, ob quæ tum diligantur, tum metuantur. Abrah. 67. o.

Postquam Protoparentum inobedientiam verbis acerbis Conditor illorum egregie depexisset, *fecit eis tunicas pelliceas, & induit eos*, Gen. 3. Oleastri prudens in hanc rem annotamentum sic habet:

Decet locus iste, Prælatos debere non solum castigare subditos suos ob peccata, sed etiam amoris signa castigatis ostendere, nam etsi peccator castigandus sit, homo tamen fovendus est. Exemplo ergo supremi Domini debent Prælati inferiores demulcere humanitate subditos, postquam eorum delicta seueriore censurâ perculerunt, sic ut in transgressionem vadat acrimonia correptionis, transgressores verò foueat blanda compassio charitatis. Abrah. 89. c. 1.

Omnis vniversum quorumvis superiorum animaduersio, ut ne sit instructuosa, sic instituenda est, ut peccato deiecto, & prostrato erectus maneat peccator. Ibid. 88. o.

Sic David Psal. 7. rogabat Deum, ut in ira exurgeret, & exaltaretur in finibus inimicorum suorum, non ut eos interficeret, sed ut consumeret nequitiam peccatorum, *non ut sumeret penam de inimicis*, inquit Chrysostomus, *sed ut inimici cessarent ab improbitate.*

Sic Euphrates magnus Philosophus, & orator apud Plinium *insectabatur vitia, non homines, nec castigabat errantes, sed emendabat.*

Sic Christus cum ira circumspexit, & aspexit Iudeos, simulque contristatus est super cæcitate eorum, qui interrogari liceretne Sabbatis benè, an malè facere, nihil responderunt, *& sua ira contra vitium, condolentiâ ad homines*, inquit Caietanus.

Sic David aiebat: *Irascimini, & nolite peccare*, Pl. 4. Sive ut alii legunt, *Nolite errare. Errat, cuius iaculum aliò quàm in scopum fertur. Ita errant, qui cum peccatum conficere deberent, peccatorem spiculis suæ obiurgationis configunt, & vulnerant.*

Alcon Cretensis dexterrimus iaculator, cum eius filium draco inuasisset, tantâ arte direxit sagittam, ut ea in vulnere serpentis deficeret, & ad filium non perveniret, simulque & illum perimeret, & hunc seruaret. Hunc imitari sic configamus draconem peccati, ut illæsus abeat peccator. *In inimicis occide errorem, sed fove charitatem*, aiebat Mauricius Hilaresus.

Religiosi debent etiam suas habere vacationes, & ne æreus spiritus nimium tensus rumpatur, honestâ recreatione nonnunquam est relaxandus. Abrah. 78. o.

Angusta via est, & arcta porta, quæ fert in cælum, Matth. 7. atque ideo latum mandatum est necessarium, inquit S. Ambrosius in illud Pl. 118. *Latum mandatum tuum nimis*, velut dixisset: Quoniam stricta est semita, & austera disciplina, & rigidum vitæ asperioris institutum, ea propter habet etiam suas

suas animi relaxationes, & honestas recreationes, ne in via, quam tenent, deficiant.

Ipsi Apostoli iussi fuerunt venire *seorsum in desertum locum, & requiescere possunt*, Marci 6. postquam à prædicationis labore redierunt. Ex Theophylasti annotamento, *quiescere fecit Christus Discipulos suos, ut sciant Prælatis, laborantes, in verbo, & doctrina dignos, quibus detur sua quies, &c.*

Ipsa Ecclesia quadragesimalis ieiunii laborem lætæ admirabilis conuiuii à Christo instituti commemoratione leuat.

Arbores aded spiritum desiderant aliquem, vel solutionem, vel meatuum relaxationem, ut volebat Theophrastus, & quod caret alternâ requie, durable non est. Ibid. 80. c. 1.

Permittendæ sunt Religiosis recreationes, sic tamen, ut modestiæ limites non prætergrediantur. PPP. 377. o. Permittebat & Christus Apostolis, ut ederent, ac biberent, quæ apud illos essent, ad quos diuerterent, Lucæ 10. addidit tamen: *Dignus est enim operarius mercede sua*, ut dum victum ab hospitibus suis exhibitum acciperent, cogitarent se illum sumere tanquam alumnos scholæ Christi, & famulos domesticos, & operarios vineæ illius, ex quo feret, ut temperanter cibum caperent, moderationemque, & frugalitatem, quæ tales deceret, seruant. Ita ferè Euthymius. Ibid. 378. c. 2.

Paulus Philippenses hortabatur, inquiens: *Gaudete in Domino semper, iterum dico gaudere*. Sed mox addebat: *Modestia vestra nota sit omnibus hominibus*. Cur ista? S Thomæ ea talia sunt, qualia si dixisset: *Ita sit moderatum gaudium vestrum, ut non vertatur in dissolutionem*, ut omnibus sine offendi- culi periculo innotescere queat, & nemo scandalum inde accipere possit si fortè intelligat.

Dei præsentia magnum est adipiscendæ perfectionis adiumentum. Dicebat Deus Abrahæ: *Ambula coram me*; quod ita exponit Ambulensis: *Sic ambula in omni conuersatione morum, ut si me coram te semper videres*. Et istud est præcipuum, quod hominem tollit à peccato, scilicet continua memoria de Deo in actibus nostris. Hæc ille. Inexplicabilia, & innumera sunt commoda, quæ animæ confert Dei recordatio continua. Abrah. 94. o.

Plurimum utilitatis Dauidi attulit, quod coram Deo malum fecit, hoc est, illum, cum offendit, recordatus fuit? Itanè plius habet, qui malum coram Deo facit? querit Origenes, & respondet: *Illud profectò, quod continuo panitet, & dicit: Peccavi*. Quando inter impia vitæ flagitiosa studia memo-

riam Dei retinemus, spes manet reliqua, quod illum per lachrymas conciliabimus. At qui discedit à conspectu Dei (ut Cain, qui egressus est à facie Domini) nescit conuersari, & peccatum panitendo purgare, inquit rursus Origenes.

Sanctus Ignatius aiebat, præsentis Dei recordationem sibi vnicum semper visum remedium, quo homo contineri in officio queat: *Memento Dei, & non peccabis*, scribebat in Ep. 3.

Tametsi populus Iudaicus valde propenderet ad idololatriam, præseate tamen Iosue, ut ferè loquitur Tostatus, non erat præsumptio, aut periculum, quod adoraret duodecim lapides è Iordane exemptos. Si hosce infrenare potuit homo præsens, præsens Deus quid non faciat?

Chrysostomus suos Auditores aliquando monebat rogare Deum, ut Apostolicum munus assequerentur. Quodnam? An variarum linguarum donum? Aut excitandorum mortuorum, aliorumque miraculorum patratorum gratiam? Nihil tale, sed illud, *ut præsentem Deum habeamus*, inquit ille, quasi tunc quis vitam Apostolicam imitetur, quando Deum semper ob oculos habet. Ibid. 95. & seq.

Sunt Religiosi, qui cum se alicubi nonnullis tentationibus vexari, aut tristitiâ affligi, aut non satis commodè haberi vident, in alia monasteria transmitti, importunè rogant, in quæ cum peruenierint, eisdem vrgentur bellis, & eò peius semper habent, quod crebrius locum ex loco mutant. Sed quid iuuat euadere loca, & suarum cupiditatum ubique circumferre vincula? PPP. 216. c. 2.

Cum homo seipsum conducit, quocunque vadat, felicitas eius non in mutatione locorum, sed in emendatione morum sita est? Ibid. 215. o. *Habes multa in hoc cap. & alio in loco ad finem illius annotato, qua declamare apud relegendos posui*.

Religiosus velut piscis extrâ recessus, & solitudinis suæ aquas facile perit. PPP. 322. o. *Plurima reperient in hoc capite supremi conuentuum religiosorum moderatores, quibus permouere subditos queant, ut ament latere, & publicum crebramque cum extraneis consuetudinem fugere*.

Pro exhortatione in Vestitione alicuius Monialis.

Non tam difficile negotium est abscondere Nigrem, quam clausam domi tenere mulierem, neque mortem acerbiorē consciscere mulieri possis, quam si eam domi reconditâ serues. PP. 625. o.

Si ita res habet cum illo sexu, profectò sola omnipotens dextera Dei facit, quòd se quædam ipsæ intra monasteriorum angusta septa includunt, & solenni voto ad talem vitam obstringunt, in qua perpetuam seruare solitudinem debeant.

Amat hoc genus exire, amat hinc inde discurrere, inquit Oleaster, ac propterea Deus superuacaneum duxit mulieribus imperare, quod viris præcepit, nimirum vt ter in anno in templo apparerent. Ibid. c. 2.

Puripharis vxor suspicata Iosephiten putare, quòd non seridò ipsius concubitus appeteret, sed magis tentandæ, & explorandæ fidelitatis illius gratiâ, vt illi persuasissimum faceret, ex penitissimo animo descendere, quod toties rogârat, *Dormi mecum, quid fecit? Publico festo instante, cuius festiuitatem fœminas quoq; frequentare mos erat, finxit morbum apud maritum,* inquit Iosephus, & domi sola mansit. Egritudinem simulauit, vt ne domo exiret. Ostentandi, & omnium oculis exponendi sese occasionem alioquin experitissimam volens, ac lubens præterlabi permittens, Iosephiten de sua enixa voluntate certiore reddidit, vehementissimoque amore illum prosequi non obscure significauit, sed grauisimo, & luculentissimo argumento euicis, ac demonstratum dedit. Quæ enim domo prodire cum possit, non prodit, quæ publicos conuentus, propalamque videri, & videre negligit, ea haud dubium plurimum amat, & perditè charam habet gratiam eius, cuius gratiâ hoc facit. Ibid. 626. c. 1. & 2.

Dubitatum ab aliquibus fuit, vtrum filia Iephte reapse à patre ferro truncata, dein rogo imposita, & exusta fuerit, vt esset holocaustum, quod ille vouerat.

Lyranus ex sententiâ Hebræorum sic hac de re ait: *Sine praiudicio, & per modum collationis potest dici, quòd Iephte filia non fuit sacrificata Domino per mortem corporalem, sed potius per ciuile, seu spirituale. Itaq; fuit sacrificata Domino per obseruationem virginicitatis, viuendo in orationibus, ieiunijs, & pijs operibus.* Ergo quòd Iephte filiam suam vitæ solitariæ addixit, & ad eum modum sacrificauit, tantundem fuit, quantum si victimam mactasset, idque ex sententiâ sapientiorum Hebræorum, sine quorum consilio, & approbatione nihil ille mouare ausus fuit. Itaque qui Iephte iussuerunt, vt filiam, quam non mactaret victimam gladio, claustro includeret, eaq; ratione sacrificaret, videntur sensisse id perinde esse. Et reuera vt sunt mulieres pleræque impatientes

recessus, & insensæ latebris, & solitarijs inimicæ patriaribus, sic eodem loco habent excludi à communi consuetudine hominum, quo prorsum è viuis tolli, & quæ secreto viua includitur, ea tale id reputat, quale si mortua tumulo inferatur, & obruatur, humo. Ibid. 627. c. 2.

In Festo Beatissimæ Virginis Matris Dei in Templo Præsentatæ.

*Autore Ad. R. P. M. CHRISTOPHORO
de AVENDANNO Carmelitâ Hispano.*

*Interprete F. Ioanne Freylinck Ordinis
Prædicatorum.*

Loquente IESU ad Turbas extollens vocem quædam Mulier, &c. Luc. 11.



Reemoniarum, quibus Deus mysticum holocausti sacrificium celebrari voluit, vna è cæteris fuit, vt quo die illud litaretur, personarent tubis, quòd Deus significabat, placere sibi quòd talis victimæ oblatio ad aures omnium perueniret: *Caneti tuba super holocaustis,* aiebat Num. 10. 10. Considerationem profectò meretur, cur Deus hoc sacrificium magis, quàm alia voluerit tubarum clangore celebrari, qui alioquin singulari studio, ac solitudine curauit, & cavit, ne opera nostra bona vanæ gloriæ aura affaret, eò quòd per hanc illa vitari soleant. Verùm si propriam holocausti conditionem expendas, non fuerit difficile repetire causam, ob quam id ille præcepit. Inter holocaustum, & sacrificium, quod vocabatur pacificum, hæc erat differentia, quòd in hoc non solum Deus habebat partem, cui adolebantur intestina, verùm etiam Sacerdos, & ille, qui offerebat, verùm in holocausto omnia ad solius Dei gloriam cremabantur, & consumebantur. Magno semper honori duxit Deus exhibere se gratum, & sacrificium, quod ipsi debebatur, voluit omnibus innotescere, ac propterea iussit perstreperè tubis, quoties holocausta immolabantur, vt omnes intelligerent, quòd haberet amicos, qui animo prompto, ac deuoto ipsi obseruarent.

Hodie Sacratissima Virgo fecit ex seipsa purissi-

ma

num holocaustum, totam se officijs Dei, & templi offerens, & voluntatem quidem per obedientiam, tenerum corpus per castitatem, per paupertatem verò exiguum suppellectilem, quæ hæreditario illi à parentibus obuenire poterat, & sensus exteriores per claustri recessum consecrans, in quem se trimula puellula abdere cepit. Hodie denique per abnegationem sui ipsius mortua est mundo, quæ vitam ex sua carne Filio Dei data erat. Ratio postulat, ut holocausti tam solennis dies festiuissimè, ingentiq; plausu celebretur, ea propter insonent litui, perstreant buccinæ, *canetis tubis super holocaustis*, ad cœli, terræque aures perueniat, quodd Deus inuenit creaturam, quæ non maior trimula totam se eius officijs dedicauit.

S. I.

Quod cœlorum Regina tam tenera in ætate in Templo sese obtulit, pro Pharo fuit, quæ multis Virginibus viam ostendit, per quam in portu domus Dei nauem suam collocarent.

DE illis ex libri Canticorum c. 7. verbis: *Quàm pulchri sunt, gressus tui in calceamentis, Filia Principis!* Multi aiunt, esse Sponsi, ijsque prædicare celerem Sponsæ suæ incesum. Alij volunt esse ipsiusmet Sponsæ dicta, & quodd ijs dilaudet passus suæ cuiusdam sororis, quæ iuerit, ut Sponsam se Sponso suo offerret. Veritas est, æque opinioni magis securæ conformis, quodd hæc laus (si cum Ruperto sentiamus) ad commendationem gressuum Regine cœlorum dirigatur. Acque ego cum tanti Doctoris bonâ venia aio, eos huius Virginis passus talibus verbis prædicari, quibus templum hodie perijt quando ut Deo se offerret, abiit.

In veteribus quibundam codicibus verba eæ sic habent: *Quàm pulchri sunt gressus tui in calceamentis, Filia Abraham!* Filia autem, siue neptis Abrahamæ idem est, quodd illud nostræ Vulgaræ, *Filia Principis*, Abraham enim, ex phrasi Scripturæ, significat Principem. Quando Sara in terra Chanaan diem suum obiit, maritusque superstes locum sepulturæ emit, cui defunctæ cadaver inferret, dicebant Chananæi: *Princeps Deus es apud nos*; Gen. 21. 23, donâruntque Abraham titulo Principis, ut tantundem sit, *Filia Abraham*, quantum *Filia Principis*. Vocatur autem Beatissima Virgo Filia Abrahamæ, non solum quodd ab illo descendit, verum etiam quia opus illius maximè heroicum imitata fuit, illud quo futurum suum macrare victimam voluit. Quàm ingens

decrepiti hominis animus; qui pupillas suas immolare voluit, quando certum habuit litare Isaacum tam tenera in ætate, & cibum offerre Deo, quem illi vnicè gratum sciebat. Ipse enim per Michæam Prophetam, qualia amet fercula, indicauit, cum ait: *Præcoquis fici desiderauit anima mea*; Mich. 7. 1. Alia translatio habet: *Gratiore, & maturiore fici expetiui*, quæ primæ sint, sed & præcoces, qualis erat Isaac, qui etiamnum puer fuit maturus Deo, Dani & Samuel, sed præ omnibus cœlorum Regina, quæ cum triennis puella esset, gratissima fuit palato Dei, quando illi in Templo sese obtulit, sequens ea in re vestigia proauis sui Abrahamæ, consecrans illi animæ suæ partum primogenitum, hoc est, purissimum suum affectum, & deuotissimam perpetuè seruiendi voluntatem.

Quidam Hebraizantium legunt verba superiora in hunc modum: *O quàm pulchri sunt gressus tui in calceamentis, Filia Aminadab!* Sic legit & S. Ambrosius Serm. 17. in Psal. 118. approbans eam versionem, quæ huic solennitati suprâ alias commoda est.

Celebris hic Dux Aminadab fuit Pater Naasson, & auus Mattis Dei, ac propterea meminit illius S. Mathæus in genealogia Christi, & Mariæ dicens: *Aminadab autem genuit Naasson*. Cum populo Israelitico ex Ægypto ad terram promissionis contendenti sœuus à tergo persecutor cum ingenti exercitu immineret Pharo, & Moyses virgâ mare aperuisset, viamque, quâ effugere hostem posset, quantum huius gladium, tantum insolentis itineris transitum omnes formidabant, quando Aminadab timore omni abiecto primus per arenaria vada, & medium aqueorum montium pergens, cæteros suo exemplo ad sequendum pertraxit. Ita ferè Lyranus in c. 12. Exodi.

Cum ergo Spiritus S. præuideret charam hanc puellulam, quæ prima complauit iter, ut illius exemplo prouocaret multæ Virgines consecrarent Deosnam Virginitatem, cerneretque eam pergentem ad Templum aiebat: *O quàm pulchri sunt gressus tui in calceamentis, Filia Aminadab!* velut alijs verbis dixisset: O pretiosa puella quantum accedis ad similitudinem aui tui Aminadab! Nam velle primus inuit viam, quam autè nemo triuerat, aliorumque ductor, & incitator, ut sequerentur, fuit: Sic te, quæ in templo prima primulos tuos annos, Deo, virginitatemq; tuam obtulisti, imitantur Virgines aliæ, suæque corpora, & annos, & integritatem eidem consecrant,

Hinc est, quod beatissima Dei Parens à S. Ambrosio in 1. lib. de institut. Virg. nominatur *Virginitatis Magistra*, ubi & ista habet: *Maria signum sacra Virginitatis extulit, & Virginitatis vexillum leuauit*. Et S. Thomas 1. p. q. 18. art. 4. affirmat, quod illa prima Deo votum Virginitatis nuncupauit.

Et S. Ioannes Damascenus vocat illam *Virginum Reginam*, quam omnes respiciant, quæ suam Deo volunt dedicare Virginitatem. S. Hieronymus visitato illo suo magisterio, & purioris sermonis nitore sic pronuntiat in Epist. ad Pammachium: *Igitur Christus, & Maria viri usque sexus Virginitatis dedicauerunt principia*. Christus viris Religiosis, & Castimonialibus Maria prototypi loco fuerunt, quod insipientes discerent suam Deo consecrare Virginitatem.

Hinc iam elucescet sensus istorum verborum ex c. 4. Cant. *Collum tuum sicut turris David, quæ adificata est cum propugnaculis*. Pono hic, quod Rupertus per collum Ecclesiæ intelligit Mariam Virginem, quia illa inclinat caput Ecclesiæ, quod est Christus, ut aspiciat necessitates corporis huius mystici, tum etiam, quia per illam fundimus voces, & promimus verba in coelo.

Litera eorum verborum Originalis sic habet: *Quæ adificata, vel constructa est ad disciplinas*, scilicet tradendas. Apertius, & aptius in rem præsentem transtulit Pagninus: *Quæ adificata est ad docendum*.

Fuit ergo turris ea, qualis illa ciuitatis Ianuensis, quæ Phari instar est, ad cuius fulgorem dirigunt cursum, qui nauigio per vicinum mare feruntur, ne in scopulos impingant, & naufragium faciant, antequam in portum securi perueniant.

Talis Pharus est Maria in Templo sese Deo inter ipsa vitæ primordia consecrans, quæ multas virgines docet, ut si in periculoso mundi huius mari perire nolunt, in portum status Religiosi se recipiant, & perpetuæ integritatis voto Creatori se obstringant.

Absoluamus hunc discursum expositione Sancti Hieronymi, qui ea verba, *Quam pulchra sunt gressus tui in calceamentis*, in lib. contra Iovinianum adfert, & intelligit de ijs, qui proficentur humilitatem, & in religioso vitæ instituto suam Domino dedicant puritatem.

Scitis in quo posita sit pulchritudo calcei? Si me respondere oportet, dico in eo consistere, quod paucas habeat puncturas (wenig stich) ut tunc possumus dicere virgini religioso, *quam pulchri sunt*

gressus tui in calceamentis, quando raro superiores suas, æqualesque sorores aculeis appetit verbis. Sunt enim nonnullæ Virginum sacrarum, quæ Christi sponsæ esse debent, tam parum mortificatæ, tamque parum humiles, ut vitæ partem bonam male transigant inter has tam vanas cogitationes, verum pro sua dignitate æstimentur, & honorentur à suo Ordine.

Moralitas huius S. I.

Quam egregie instituit omnes personas spirituales hæc puellula, quamque insigne documentum tradidit, qui per virtutis iter quærunct suum cœlestem sponsum, quam scilicet prompti debeant esse, expeditique eorum pedes, quam celeres passus! Aristoteles in suis Problematis inuestigat causam, cur tardè, & lento passu progrediens fatigetur citius, quam qui celeriore, & incitatore gressu pergit. Respondet, id fieri, quia dum subsistit, refrigerant in corpore spiritus animales, quibus omnis peragitur motus, adeoque facilius languescimus, & lassamur morosè pergentes, quam cum mediocriter acceleramus gradum, ipso enim motu magis accenduntur, & inardescunt spiritus. Hæc est viua effigies eius, quod euenit in passibus, quibus progredimur per viam virtutis, nam vii sunt tardi, ac lentī, ita pedetentim pergitur, refrigeratque & languescit spiritus, & remittit feruor, quo susceptum fuit iter & propterea facile defatigamur. Et res manifesta est, quod exiguum habet proficiscendi voluntatem, qui paulatim, & velut impeditis pedibus per semitam virtutis progreditur, quia refrigerat spiritus, quo peragitur motus. In Genesi legitur historia, quæ huic proposito est peropportuna. Grauis fuit duorum fratrum, Iacob, & Esau controuersia, & longiturna huius erga illum simulas. Medius intercessit Deus, remque ita composuit, & Esau ed adegit, ut reuertenti è Mesopotamia Iacobi obuiam iret, & vitæ comitem se offerret, ac diceret: *Gradiamur simul, ero socius itineris tui*, Gen. 33. 12. Verum quid respondit Iacob? Quod textus sequentes ibi his verbis referunt: *Nosti domine mi, quod paruulos habeam teneros, & oues, & boues factas mecum, quas si plus in ambulando fecero laborare, morientur enā die cuncti greges. Præcedat Dominus meus ante seruum suum, & ego sequar paulatim Vestigia eius sicut Gidero paruulos meos posse*; ibid. v. 13. 14.

Aduertisne ista? Oprobriat Iacob aliud quidpiam ardentius, quam ut redire in gratiam fratris sui Esau posset. Nihil æquè cupiebat? Nonè Esau ipsius

met suam illi amicitiam, & societatem offerebat? Omnino. *Gradiamur simul* verbis humanis dicebat.

Quam importuna sunt ergo illa Iacobitis excusationes? Oves meæ, domine, inquit, & boues sunt fœtæ, & filii mei teneri, quam paruuli, si accelerare iter, & plus solito maturare coëgero, mortem omnibus vnâ vnâ dies adferet, præeat itaq; Dominus, & frater meus, ego velligia eius sensim legam, & paulatim sequar, sicut videro paruulos meos posse.

O Iacob paulatim! Pederentimné, & ad mensuram incessus paruulorum vis progredi? Nihil dico amplius, ego enim hinc accipio, quod nolis viæ socium habere fratrem, si enim id velles, possent greges, liberi, & domestici cæteri pergere soli, tu vero cum fratre comite viam carpere. Itaque fieri non potest, quin tua erga illum voluntas, & propensio refrixerit.

Habes hic iterum viam delineationem eius, quod accidit animæ, quam conscientie scrupuli urgens, ut experat amicitiam Dei. Sed quando suprema maiestas beneuolam se exhibet, comitatumque suum offert, dicens: *Gradiamur simul, erog, socius itineris tui*; mox obuertit oculos ad res huius mundi, & quanquam habeat voluntatem proficiscendi, paulatim tamen iter illud conficere cupit.

Habet ille concubinam, dicitq; ei Deus: *Gradiamur simul, erog, socius itineris tui*. Sed respondet ille: *Nolite, Domine, quod sum obligatus isti mulieri, quæ grauida est, & sui honoris dispendium tulit, ut meæ seruiret voluptati. Hancne ego mori permitram? Morietur autem hñâ die. Præcedat Dominus meus, & ego paulatim sequar, paulatim me istâ muliere, & consuetudine illius abdicabo.*

Dicit Dominus alteri, qui rem alienam sibi iniuste usurpat: *Gradiamur simul*. Et quid respondet? O mi Deus, uxorem habeo, & oneratus sum liberis, & adhuc exultationem meam fouere debeo. Si restituo aliena, hæc omnia morientur hñâ die simul. *Præcedat Dominus meus, paulatim sequar*, & reddam, quæ contrâ fas retinui hæcenus. O te infelicem! Itane paulatim vis proficisci? Næ tu nullam habes adiungendi te Deo socium voluntatem. Cum enim tam lento gradu pergis, refrigescit spiritus, & feruor, quorum cœpisti. Nec satis promptis, expeditisq; pedibus eum proficisci dicit, quisquis recogitat, quantum hinc à cælo absit, quod est perlongum interuallum. Fortunata ea anima, quæ hoc iter totâ pedum contentione percurrit, ut ad Deum

perueniat, ut ad eam dici queat: *Quam pulchri sunt gressus tui!*

Sanctus Paulus in hanc rem ita scribit: *Abundantiùs oportet obseruare nos ea, quæ audimus, ne forte pereffluamus*; Hebr. 2. 1. Quid est, quod dicit? Nonne satis est amare Deum, & obseruare legem illius? Satis est, at si remissè, perfunctorie, languidè facias, perdenda salutis manifesto te periculo exponis. *Ne forte*. Non ego affirmo, quod iacturam facies æternæ salutis, fieri tamen possit, ut perderes.

Et hoc metaphorâ myricæ subinducit, dicens, *Pereffluamus*. Non est verbum aliud, quo totam istius vim, & energiam exprimas. Contigerit tibi aliquando habere vas testaceum.

Implesti illud pretioso liquore, sed non obseruasti exiguum in vase rimulam, per quam omnis ille liquor paulatim, guttulatimque elapsus fecit, ut nihil inuenires reliquum, cum integrum requireres, & reperire putares. Charitas pretiosissimus quidam liquor est. De ea dicit Apostolus: *Charitas Dei diffusa est in cordibus nostris*, Rom. 5. *Habemus autem istum thesaurum in vasis fictilibus*; 2. Corinth. 4. Isque tam plenis rimarum, ut nisi summâ diligentia ea obserues, sensim perstilleat, & omnia elabuntur.

Et hoc est, *ne forte pereffluamus*. Intepescet enim paulatim charitas, & omnia peribunt. Non dico hoc, quod multis peccatis venialibus possit extingui charitas, sed quia illa venialia fœres aperiunt grauioribus, per quæ illa fœgatur.

Mendacium leue vocat aliud, quod pondera habeat, à furto exiguo proxima via est ad maius, & cum ista minora non curamus, solet Deus negligentiam istam nostram sic plectere, ut liquorem charitatis elabi nobis sinat. Et hoc vult dicere Sanctus Paulus, cum ait: *Abundantiùs oportet nos obseruare ea, quæ audimus, ne forte pereffluamus*.

Confirmo hoc illo Ecclesiastici c. 7. 21. *Cor fatui quasi vas confractum*. Fatuus, & peccator duo sunt eiusdem hominis sceleribus affueri epitheta in sacris literis, nullus enim tam amens, & insanus, quam qui in eum peccare audet, qui cum sit omnipotens, quamcumq; iniuriolam suam æterno vindicare supplicio potest.

Cor ergo fatui, siue quod idem est, peccatoris quasi vas confractum, quia sicut torum effunditur, quidquid tali vasi seruandum infunditur, ita corda quorundam flagitiosorum hominum sic omni ex parte hiant, ut ex illis dilabatur quidquid siue Ecclesia piarum exhortationum, vel Deus donorum, ac misericordiarum infundat.

Imitemur ergo cœlestem hanc puellulam, & superos istos thesauros sollicitè custodiamus, & magno in pretio habeamus, acceleremusque iter nostrum, & tam ardentem per viam virtutis contendamus, ut feliciter obtineamus præmium gratiæ in hoc mundo, & gloriæ in futuro.

Ex his facile fuerit prolixum, & fructuosum conficere Sermonem, si illud paulò pluribus amplifikes, quòd dicitur charitas paulatim dilabi per rimulas peccatorum ventisum, non quòd hac illam effundant, sed quia fores aperiant mortalibus, quæ extinguunt. Nissenus autem PP. 635. o. magnâ copiam dabit, unde plurimum exaggerare possum. Vide etiam ad finem illius c. adscriptum locum ex Tomo II. Vbi idem argumentum doctè tractatur.

S. II.

In quo exponitur Euangelium, quod in hac solennitate legitur, simulq; declaratur, esse artificium prudentiæ, quando magnis vocibus, & clamoribus predicatur, quod propter suam magnitudinem verbis pro dignitate laudari non potest.

Diligenter notandum est illud Euangelistæ: *Extollens vocem quadam mulier de turba dixit, Beatus Venter, &c.* In his istud premite: *Extollens vocem.* Sed quid sibi vult, quòd Marcella (hanc enim fuisse aiunt, quæ è medio vulgo succlamârit) vocem tantoperè extulit, ut laudes Christi, & Mariæ efferrer? Scitis quid sit causæ?

Sancto Ioanni in sua Apocalypsi visa est mulier amicta sole. Græcus legit: *Vestita admiratione.* Ea mulier Sanctis Augustino, & Bernardo est Mater Dei. Dicit ergo Sanctus Ioannes, vidisse eam *vestitam admiratione.*

Ingrederis officinam pictoris, videsque plurimas imagines, omnes elegantes, easque proinde multis verbis prædicas. Inter omnes incidunt oculi in vnam præstantissimam excellentissimam cuiusdam pictoris, cui concedere Apelles debeat, atque hic, cum te verba deficiant, adducis supercilia, unâque humeros, & parcens verbis admiratione tantum, & stupore eam dilaudas.

Sancti alij possunt verbis à nobis commendari, & M A R I A Virgo solâ admiratione, ut quæ *vestita sit admiratione.* Virgo illa, & Mater est. Non capio hoc, inquis. Admirare ergo. Mater est, & filia eiusdem Dei. Non intelligo, quod dicitur, ais. Igitur admirare. Vix concepta fuit, quando tantâ gratiâ benivolentissimus Deus animulam eius cumulavit,

quanta non est omnium simul Angelorum, his enim per partes data est, M A R I A E autem tota se plenitudo gratiæ infudit, inquit ferè S. Hieronymus. Transcendit caput meum, quod hic audio. Admirare, quod ingenio non allequeris. Propterea enim Aristoteles dicit, quòd *magnorum non est laus, sed admiratio.* Et Aulus Gellius lib. 4. ait: *Admiratio, quæ maxima est, non parit verba, sed silentium.* Ingens proinde admiratio muta est, & inops verborum, & affluens stupore. Mater Dei res tam magna est, & supera, tam sublimis, & incomparabilis sanctitatis, & venustatis, ut & Angeli ineptos se agnoscant illi satis deprædicandæ, & propterea illam admirantur.

Quare S. Epiphanius in Serm. de laudibus Virginis sic exclamat: *O Virgo Sanctissima, quæ exercitum Angelorum in stuporem adduxisti, stupendum miraculum in celis mulier amicta sole, siue ut ex Græca versione diximus, mulier vestita admiratione!* Attonitos, atque elingues reddit Angelos, magnitudo M A R I A E, ut negotium enumerandarum laudum illius suscipere præ stupore non possint.

Verum quando quis tenetur loqui, non satisfacit officio suo, si tantum admiretur. Quid ergo faciet ille, qui & loqui debet, & eloqui quod vellet, non potest, ne sordidus videatur, & parcus? Dicam. Vociferetur. Hoc enim est prudentiæ insigne artificium, ut qui linguâ satis exprimere non potest, quæ animo concepit, neque ingenij partus edere, quibus exaquet rem, quam commendare velit, succlamet quantâ maximâ laterum contentione potest, quæadmodum S. Marcella *extollens vocem, &c.*

Tale quoddam consilium suggessit etiam David, qui in simili cogitatione versabatur, cum dicebat Psal. 32. *Bene psallite ei in vociferatione.* Notate quod ait, *in vociferatione*, quasi dixisset, extollite vocem sicut Marcella, succlamate, solâ enim admiratione non satis fit obligationi, & verba nimis tenuia sunt, & imparia laudationi, si exprimantur. Quid ergo faciemus? *Bene psallite ei in vociferatione*, siue ut legit S. Remigius, *ineffabiliter*, hoc est, ita ut verba proloqui non possitis. Nam si verba ef-fari, & efferre sermone aliquid velis, inditio est non magni æstimare eum, quem laudare cupis, aut non satis cognoscere, cuius si rectam haberes notitiam, obstupescas eius magnitudine, contentis vocibus indicares encomia, quæ proloqui verbis nequis. Genebrardus vult Davidicis verbis talem subesse sensum, qualem si diceret: *Bene psallite ei in clamore*, hoc est, confusus, & operosis vocibus.

Nihil

Nihil
dis ex Plā
lo erit hō
la verb
eius in m
lum solā
mō, tun
Seraph
trum; S
nonnō con
leria erat
bat, ut lau
& stupore
boni apud
pinqui era
toniti tan
mare verb
bantur, &
fuit, Sanct
vel remissi
Eodem
Antiphon
est, magni
prosequim
cie David
Finito hu
habuit ma
quā non
sed imitat
clamavit,
& cetera.

Exerci
Templo su
facere tan
citacionis
Sanctus
Sierens q
Templo di
sui regulan
oracionibus
manuum in
incubabat
pareret, de
per Deo pr
tioni opera
2. ceterius p
eam horam
Tom. IV

Nihil minus mysterij habent illa eiusdem Davidis ex Psal. 26. *Circumsus, & immolans in tabernaculo eius hostiam vociferationis.* Sanctus Remigius illa verba sic declarat, ac si David dixisset: *Gratia eius in me vacua non fuit*; hoc est, quando ego illum solâ vociferatione laudavi, tunc satisfeci officio meo, tunc gratiâ eius cumulâtè repletus fui.

Seraphim illi apud Isaiam clamabant alter ad alterum: *Sanctus, Sanctus, Sanctus.* Ista vociferatio nonnè confusio erat? Sed non absq; artificio, & solertia erat. Officium illorum Angelorum requirebat, ut laudarent Deum. Per admirationem solam, & stuporem non ei satisfaciebant, cognitio summi boni apud illos magna erat, vicinitas, quâ illi propinqui erant, proxima, quare velut absorpti, & attoniti tantâ magnitudine, cum articulata diu formare verba non possent, quod poterant, vociferabantur, & identidem, vicissimque clamabant: *Sanctus, Sanctus, Sanctus*, idque sine vlla intermissione, vel remissione.

Eodem artificio vititur Ecclesia in illa solenni Antiphona *Salve*, inquit: *Ad te clamamus*, hoc est, magnis vocibus te appellamus, laudesque tuas prosequimur, ô Virgo purissima. Hoc est, quod dicit David: *Benedixisse es in vociferatione.*

Finito hunc discursum, & aio, quod S. Marcella habuit magnam cognitionem dignitatis Matris Dei, quia non voluit illam exaltare solâ admiratione, sed imitatione Seraphinorum extollens vocem succlamavit, & dixit: *Beatus Venter, qui te portavit, & ubera, qua suxisti, beata.*

S. III.

Exercitium præcipuum MARIÆ puellæ in Templo fuit vacare orationi, & illa omnes docet facere tantundem. Excellentia huius sacræ exercitationis expenditur.

Sanctus Bonaventura To. 2. de meditat. c. 3. referens quomodo gratiosa hæc puella tempus in Templo distribuerit, sic ait: *Beatissima Virgo hanc sibi regulam statuerat, ut à mane usque ad tertiam orationibus instaret, à tertia usque ad nonam operum manuum intendebat, à nona orationem suam iterum incipiebat, à qua non recedebat, quousq; Angelus appareret, de cuius manu escam accipere solebat.* Semper Deo præsens aderat hæc Virgo, continuam orationi operam dabat, sub matutinam creperam verò præteritis precibus vacabat, quâ inquam, idq; in eam horam usque, quæ nobis est nona, submissisque

Tom. IV.

in terram poplitibus singulari affectu à Deo expectabat remedium generis humani, & incarnationem Verbi. A nona nostra ad tertiam usque operabatur, quæ ad Templi ornamentum faciebant. A labore redibat ad orationem, in eaque perstabat, donec Angelus illi ministraret cibum siue è cælo allatum, siue in terris aliunde acceptum. Hæc faciens omnes docuit studere orationi.

Volo videamus, quid sit oratio, & quomodo rectè institui debeat. S. Thomas 2. 2. q. 83. art. 2. S. Ioannes Damascenus lib. 3. fidei orthodoxæ, S. Augustinus serm. 230. de Temp. denique S. Chrysostomus homil. 30. in Genesin affirmant maxima beneficia, quæ Deus præstare hominibus, ut eos spiritualibus bonis locupletet, constituit, non aliter ab eo conferri, quàm per orationem. Propterea magnus Tertullianus ait: *Horrendum est diem sine oratione transire*, horrendum transigere diem, quò non per orationem ad Deum recurras, eumque tuum perpetuum benefactorem, Deumque ac Dominum agnoscas.

Illà de Canticorum 4. c. verba, *Collum tuum sicut turris David*, Theodoretus exponit de oratione, dicitq; orationem esse collum Ecclesiæ. Tria sunt officia colli in corpore humano. Primò, servit respirationi, deinde submittit caput, ut attendat, & prospiciat necessitatibus corporis, tertio, velut canalis quidam est, per quem nutrimentum ad cætera membra descendit.

Oratio vocatur collum huius corporis mystici, scilicet Ecclesiæ, quia tria ista officia præstat. Primum enim tota Ecclesia, & omnes fideles respirant per orationem, & ipsa est respiratio animæ. Propterea S. Paulus 1. Thessal. 5. ait: *Sine intermissione orate*, quoniam oratio est halitus animæ, quo deficiente simul vita spiritualis deficiet.

Omnes sensus ferri ab opere suo possunt, sola respiratio vacare nunquam potest. Oculi nonnunquam condormiscunt, aures non audiunt, olfactus nihil odoratur, & somno sepulti hominis sensus omnes conquiescunt, halitus diu retinere non potest, simul enim respirare, & vivere definit. Similiter & quædam virtutem opera nonnunquam intermittere aliquamdiu possumus, nec enim semper dare eleemosynas, aut flagris verberare carnem possumus, ferri ab oratione nunquam debemus, quia est respiratio animæ, ut diximus, eamque ob causam Dominus apud Lucam 18. aiebat: *Oportet semper orare, & nunquam deficere.*

Quæro. Potestne ergo homo perpetuò versari in ora-

in oratione? S. Augustinus huic occurrit difficultati, exponens quomodo intelligi debeat istud Pauli, *sine intermissione orate*. Dicit autem ita: *Desiderium tuum oratio tua, continuo desiderasti, continuo orasti*. Itaque cum aliud non possumus, desiderio saltem Deo adhaere praesentes debemus, ne suus animae habitus intercludatur.

Secundum colli officium est inclinare, & demittere caput, ut tori succurrat corpori. Hoc facit oratio tanquam collum Ecclesiae, inclinans caput illius, hoc est Christum, ut videat necessitates corporis mystici suorum fidelium, eisque succurrat.

Tertium officium colli est deferre cibum, ac submittere nutritioni omnium membrorum. Oratio impetrat Ecclesiae omnia, quae habet bona. Quam S. Augustinus dicit: *Oratio iusti clavis est caelestis, ascendit precatio, & descendit Dei misericordia*. Hæc sunt officia, quæ præstat oratio, propter quæ iure merito vocatur collum Ecclesiae.

Reliquum est scire, quidnam petere debeamus, & quemadmodum. Quid obsecrare debeamus, & quomodo precari, id Christus per os S. Iohannis aperuit, dicens: *Si quid petieritis Patrem in nomine meo, dabit vobis*, Ioh. 16. In his observa, quod primum docet, illam esse efficacissimam orationem, quæ fit communiter à multis. Propterea ait: *Si quid petieritis*, in plurali, velut dixisset: Communes in conueniunt preces simul fundite, multorum enim orationes citius exaudiuntur à meo Patre.

Atque ut videas efficacitatem orationis communiter factæ, animaduerte, quod cum victi essent Iacobus, & Petrus Apostoli, Iacobus truncatus capite fuit, quia Ecclesia pro illo non rogauit, Petrus autem liber euasit, quia oratio fiebat ab Ecclesia *sine intermissione ad Deum pro eo*. Act. 12.

Sed illud hic studiosè notandum, quod Petrus in carcere erat victus catenis, & compeditus, cumque ad illum noctu venisset Angelus, excirauit eum (dormiebat namque) ac iussit surgere *Velociter*: velut dixisset: Age Petre, atque extemplo, & quam celerrimè heri potest, ab hoc carcere te proripe. Sed cur *Velociter*? Quid mali fuisset, si paulò cunctantiùs inde excessisset? Excubitiæ dormiebant, fores patebant, Deus suam omnipotentiam, ut liberaretur, interposuerat, fortissimus quidam Angelus minister delegatus fuerat, ut illum eximeret, quæ hic timendi occasio erat? Nulla. Cur ergo dixit Angelus: *Surge Velociter*? Quia tota pro Petro obsecrabat Ecclesia, orationi autem, quæ fit communiter à tam multis, non scit Deus

vel momento negare, aut differre auxilium. *Oratio fiebat ab Ecclesia sine intermissione pro eo*. Ergo surge *Velociter*, Petre, aiebat ex Deo Angelus, velut Deus ipse dixisset: Tota pro te communiter fundit preces Ecclesia, volo ut mea sponsa videat efficaciam talis orationis, quæ ab hominum cætu frequente funditur. Arbitrari autem hoc ex eo sponsa Dei potuit, quod cum Christus plurimum gaudeat triumphis martyrum, & Petrus postmodum esset facturus martyrium, cum illum sospitauit, se voluptate, quam ex eius passione habere tunc poterat, fraudauit, ut ne orationi, quæ à multis fiebat, deesset. Sanctus Iohannes Chrysostomus in ea cogitatione fuit, quando hom. 29. ad Pop. sic ait: *Fu discere, quanta sit orationis sanctæ in Ecclesia potestas? Vinctus erat Petrus, multisq; catenis circumdatus, oratio autem fiebat ab Ecclesia pro eo, & statim eum ex carcere liberauit. Quid hæc igitur est oratione potentius, quæ columnam Ecclesiæ adiungit?*

Promamus alium conceptum nihilo inelegantior prioris. Ingrediebatur Ionas Niniuem succlamans: *Adhuc quadraginta dies, & Ninive subuertetur*. LXX. legunt: *Adhuc tres dies, & Ninive subuertetur*. Quomodo hæc tam pugnantia, ut videtur, dicta in concordiam adducemus? Ex vulgata editione quadragesimus, ex LXX. Interpretum translatione tertius dies erat futurus extremus Ninivitarum. Quomodo utrumque horum esse potest? Dicam.

Duplicem Niniuem in vna considerare debemus.

Hæc altera constabat ædibus, plateis, muris, altera plena erat culpis, & peccatis. Quando propheta aiebat, post quadraginta dies subuertendam Niniuem, de materiata illa, hoc est, domibus, & muris loquebatur, quæ ad illum diem solo æquanda esset. Verùm Dei intentio eò ibat, ut Ninive culpæ, & peccatorum subuerteretur. Et quoniam mox à denuntiatione imminenti excidii Ninivita receperunt se ad seriam penitentiam, & orauerunt *fortiter ad Deum*, & tam efficax est oratio multorum communis, per eam factum est, ut DEVS intra triduum illis suas condonaret noxas, & rectè dictum, quod intra tres dies Ninive culperum fuit euersa. Sic ergo hi duo textus conciliantur, ut quantum ad mentem Prophetæ attinet, quadraginta fuerint dies, post quos diruenda erat Ninive, quod verò ad orationis communis efficacitatem spectat, tres tantum erant, post quos flagitiorum Ninive excisa fuit.

Addamus robur dictis. In choro Religiosorum hæc

hæc est solennis clausula pene omnium lectionum: *Tu autem Domine miserere nostri*, quod ab vno dictum alii hoc responso excipiunt: *DEO gratias*. Quznam sunt hæ gratiæ? Si non obtinuerunt beneficium, quod petierunt, quomodo agunt gratias? Referre gratias pro beneficio nondum accepto, vel adlatio est, vel fictio. Ecclesia nec assentari solet, nec simulare. Pro qua re ergo gratias agunt? Pro ea, quam petiit ille, qui recitauit lectionem, dicens: *Tu autem Domine miserere nostri*. Deus enim tam accuratè, ac sollicitè occurrat, & annuit his, quæ facer hominum conuentus precibus communibus ab illo exigit, vt Ecclesia, ne ingratitudinis notam incurrat, extemplo gratias referat, sic vt simul ac lector nomine communi rogat, & dicit, *Tu autem Domine miserere nostri*, alii subiungant, *DEO gratias*, præsidunt namque vix esse postularum multorum simul congregatorum nomine beneficiorum quin Deus concesserit, atque idcirco mox gratias precationi adiiciunt.

Vltimus locus, quo vim orationis communis demonstrat, sit iste. Cum illi apud Isaiam Seraphin alternatim tanquam Ecclesiæ triumphantis. Religiosi per choros orarent, & magnificarent, *DEVM*, post absolutam orationem commota sunt *superluminaria cardinum à voce clamantis*, vt inquit facer textus. Hic ante omnia aduertendum, quod cum dici, vt videtur deberet, à *voce clamantium* (duo enim vicissim dabant voces) dicitur, à *voce clamantis*. Id factum quia conuenerant, vt orationem vno spiritu funderent. Quando autem à pluribus congregatis, & consentientibus sit oratio, tremore cælum concutit, tanta est eius efficacia: *Commota sunt superluminaria cardinum à voce clamantis*.

Potens fuit oratio *MARIÆ* in templo, quia per illam de congruo, vt aiunt, obtinuit incarnationem Verbi, quam impetrare veteris Testamenti patres, & sancti eatenus non potuerant.

Omnipotentè etiam illud facit orationem, quod sit ab amico profecta. *Quis vestrum habebit amicum*, inquit Christus, *& ibit ad illum media nocte, dicens, amice, accomoda mihi tres panes*, Lucæ 11. Non cognoscit Deus Omnipotentiam superiorem suam nisi orationis venientis ab amico. Orare omnes, ac singuli possunt, & Deus æquem cuilibet præbet, quanquam sit peccator. Verùm si amicus est, qui precatur, omnia sine difficultate, ac mora obtinebit.

Peccauit populus, dixitque Deus ad Moysen:

Dimitte me, vt irascatur furor meus. Exod. 32. S. Bernardus in serm. de Magdalena hæc verba expendens ait: *Perseuendi licentiam à Moysse petiit, quæ Moysen fecit*. Res magna, & mira, quod Moysen conditor illius rogat, vt per illum sibi liceat placere, quos addicere supplicio volebat. Moyses amicus erat, obsecrauerat pro sospitatione populi, cumque illius oratio veniret ab homine, qui charus Deo amicus erat, coercuit illius omnipotentiam, vt inferre penas nequiret.

Sanctus Iacobus in sua Epistola canonica ait: *Elias homo erat passibilis*, mortalis, quales omnes sumus, rogauitque vt ne plueret, & obtinuit, vt intra triennium, & sex menses neque guttula ex cælo descenderet, & post hæc rursus orauit, & impetrauit pluuiam.

Offert se hic aliqua difficultas. Clemens Alexandrinus lib. 6. Stromatum de Domino loquens ait: *Cum sit bonus, si cessaret inquam benefacere Deus quidem cessaret esse, quod nefas est dicere*. Itaque si quis illi dixisset: Itane, Domine, totum absque pluuiæ triennium finis elabi? Nonne vides, mi Deus, quod desinis esse Deus, quia cessas benefacere? Sine vt pluat, vt tua tibi diuinitatis existimatio constet; credo respondisset: Elias non vult, ille me obseruauit, vt cohibeam pluuiam, & cum sit mihi tam carus amicus, ipsius oratio omnipotentiam meam superat. Itaque nisi Elias velit, non pluit.

Dicit Deus per os Isaïæ c. 48. *Laude mea infrenabo te ne intereas*. Vatablus legit: *Propter laudem tuam, hoc est, orationem tuam frenum iniiciam tui causa*, constringamque iulitiam meam ne te castriget.

Cum ergo hæc diuina puella tam esset grata & chara Deo, vt dicat illi Cant. 1. *Soror mea, amica mea*, & tam perseueranter in templo Deo preces offerret, non est mirum, quod mysterium incarnationis suis orationibus accelerarit.

Et est diligenter obseruandum, quod S. Augustinus serm. 29. de verbis Domini in expensione illorum verborum, *Amice accomoda mihi tres panes*, sic ait: *Per tres panes intelligenda sunt persona Trinitatis, Sibi pascas, Sibi viuas*. Itaque cum amicus esset, qui obsecratum ibat, & vnum verum solum Deum requireret, tres in illo Deo personas distinctas inuenit, quæ velut certatim illum locupletarunt. Et S. Ambrosius ait, in Deo esse *enam ad exequendum essentiam*, & tres ad benefaciendum personas, vnam, quæ cultum à nobis requirat; deitatem, res

verò, quæ nos bonis cumulent, personas. O millies fortunatæ animæ, quas Deus gratiâ illâ dignatus fuit, ut Deum haberent vnum ad obsequia, quæ exigit, trinum ad beneficia, quæ rependit, gratiâ inquam, tam stabili, & perdurabili, ut deficere nequeat, velut humani fauores & inanes sunt, & euani-
nidi.

Quanta Serò felicitatis sit, quâq̃m nullum laboris seruire Deo, qui vnus sit ad exigenda officia, trinus ad eroganda beneficia, vide apud Nissenum. PP. 658. o.

Princeps orationis circumstantia est, fundere illam cum bona fiducia obtinendi, quod petitur. Scitis, quod is, ad quem in oratione confugimus, est pater noster, ad eum confidentissimè illum obsecrare possumus. S. Petrus Chrysologus serm. 55. ait: *Negat patrem, qui de patris suspectus est largitate, qui dubius de illius liberalitate & prolixitate. Seneca lib. 1. de beneficiis ait: Nihil carius emitur, quàm quod precibus impetratur.* Loquitur hic Philosophus de iis rebus, quæ à Principibus rogantur, & magno parantur, cum precario obtinentur. At nihil vilius emitur, quàm quod à Deo per orationem impetratur, simul enim & oratur, & exoratur, quod ab illo petitur. Pater namque est, & pater celestis, & scit inopiam, egestatemque nostram, & extemplo concedit, quidquid optatur.

Tunc verò facilius, celeriusque obtinet oratio, eum id, quod petitur, ad animæ salutem, eiusque remedium pertinet, & facit. David Ps. 10. ait: *Desiderium pauperum exaudiuit Dominus.* Litera Græca sic habet: *Desiderium pauperum signauit Dominus.* Fit ut præfidi cuiusdam multi offerantur libelli supplices, interque hos vnus ab eo qui sit illi singulariter, & enixè commendatus, huius literas signo aliquo notare solet, ut ei primò statim loco, & ante omnia gratificetur, satisfaciaturque. Ita multos sæpè DEO per orationem exhibes libellos supplices, quibus res precaris temporales, & hos ille parui facit. Obsecras posthæc alia, quæ animæ tuæ negotium ac salutem concernant, perseverantiamque rogas, & charitatem, ut illum constanter & ardentius diligere possis, & has subito obsignat preces, quia his vult extemplo satisfieri? *Desiderium pauperum signauit Dominus.* Hoc est, quod Christus ipse rogare docuit, cum ait: *Si quid petieritis.* Notate illud quid, quod rem solidam, ac perdurabilem significat. Tales ergo vult Dominus res peti, in quibus sunt gratia, & gloria, quæ sunt bona, ut vocant, substantialia, & perennia, cum res tempo-


rales sint accidentia, & caducæ, & fluxæ, quarum ratio in Dei tribunali nulla habeatur.

Hoc idem affirmat David in quodam alio non minus mystico loco his verbis: *Intret in conspectu tuo oratio mea.* Psal. 84. Non semel tantum vritur his verbis sanctus Ambrosius, eaque ex Græco sic legit: *Intret in conspectu tuo dignitas mea,* hoc est, perueniat ad aures tuas, Domine, inopia, & necessitas dignitatis meæ, ut ad mei cōpassionē permonearis, quænam illa dignitas audebit apparere in conspectu Dei? Nonne dicebat Abraham, *loquar ad Dominum, cum sim pulvis.* Es. ciii. Genes. 18. Fecit hic David, quod nobilis solet, qui ventorum libidine per infidum, & iniuium diu iactatus mare, denique omnibus exhaustis ad portum ægrè appellat, cogiturque & petere eleemosynam, atque ut facilius expetatur, & obtineatur, etiam nobilem suam originem aperire, ut promptiorem inueniat hominum copiosorum beneficentiam. Ad eum modum dicit nunc rex poenitens: *Intret in conspectu tuo dignitas mea,* tanquam verbis aliis dixisset: Domine tu rex es, præbe ergo aures supplici regi, & dignitatis meæ regis necessitatibus, quæ variæ, & graues sunt, quàm est amplus status, succurre.

O quàm vile foret, si Iudices populi Deum adgeniculati sic appellarent: *Intret in conspectu tuo dignitas mea,* hoc est, da Domine, ut rectè nouerim gubernare subditos meos, & intelligam omne illud, quidquid ex iustitia facere teneor!

Dicant etiam superiores omnes, & quotquot aliis ex officio præsunt: *Intret in conspectu tuo dignitas tua,* dicant hoc verbis istis aliis: Vide Domine, quod sum præses hominum tuo sensu abundantium, & accommodare me ad ingenia multorum tam diuersa non satis scio, da mihi proinde gratiam, ut ne animæ meæ iacturam inter huius officii administrationem faciam.

De Virgine beatissima hoc mihi indubitato persuadeo, illam in templo hæc Deo sæpè inter precandum dixisse: *Intret in conspectu tuo necessitas generis humani,* & miseratus arumnosorum mortalium tam duos, ac diuturnos casus dimitte tandem in terras Filium tuum, ut indutus carnem succurrat miseris, & intolerabiliter afflicto redimat captiuos.



S. IV.

Sacratissima hæc puella, cum in Templi secessu remotam ab hominibus vitam egit, omnibus Castimonialibus simile vitæ genus amplectendi normam reliquit.

Virgo Mater Domini nostri, & Domina nostra plurimum amavit solitudinem, & recessum, eaque re nos docuit, ut similem solitariè viuendi rationem amplectamur. Solet enim Dominus eos, qui in latebras se à mundi tumultibus abdunt, multis gratiarum incrementis augere. S. Hieronymus seculum reputans vitæ solitariæ præstantiam aiebat. *Mihi oppidum carcer, solitudo paradisus est.* Vbi homines cæteri se liberrimè, & securissimè degere putabant, re autem vera obstricti, & compediti iacebant, ibi Hieronymus nil nisi carcerem videbat: *Mihi oppidum carcer est.* At solitudo inuia, eremus inculcata, arboribus syluestribus, scabris saxis, confragosisque & muscosis rupibus horrida, ea illi quidam magnæ voluptatis locus erat. Nam quod Deus singulari priuilegio concessit paradiso, ut æternitatem conferret homini, si ex fructibus arboris vitæ comedisset, id ex gratia dedit etiam solitudini, quia & ipsa paradiscus est, in qua æternitatem sibi comparant, quotquot eam ambiunt, & amant, & rectè colunt.

Proferam hic conceptum, qui magnam in se habet energiam, & autorem Philonem Iudæum, qui meo quidem iudicio nihil sapientius vnquam scripsit, vel dixit eo, quod nunc subiiciam, ait ergò, quod Deus, quamdiu in solitudine vixit, salua etiam æternitate vixit, & in summa quiete, & absque omni periculo. Transiit autem à sua solitudine ad commercium, consuetudinemque creaturarum, statimque velut iactari tempestate, & de vita decedere cæpit, & quantum ad affectum occisus est in Angelis, qui ceciderunt, quisquis enim peccat, eius malitia, quantum ad affectum, eo tendit, ut vitam Deo adimat. Ab Angelis progressus fuit ad Protoparentes nostros, & cum illi per suum peccatum morerentur, commoriebatur illis Deus, quantum ad amorem, & charitatem. Denique solitatio Deo sua constitit integra, illæque æternitas. Simul ac effundi à suo recessu ad creaturas cæpit, mortuus in illis fuit, ad modum, quo mori potuit. Itaque extrâ solitudinem neque Deus securè agere videtur.

Verba Philonis ex lib. 4. rerum diuinarum sic habent: *Dei sermo amat deserti solitarii, non mi-*

scens se turbis rerum corruptibilem. Dictio illa *Sermo* idem est, quod *Verbum*. De Verbo Dei itaque, siue secunda in Trinitate persona dicit Philo, vixisse semper in solitudine, atque in ea suam conseruasse æternitatem, & recusasse transire ad creaturas, sciebat namque quod vitæ damnum incurreret, si cum illis communicaret.

Idem in lib. de mundi opificio dicit, quod quamdiu Deus in solitudine sua persistit, æternitatem suam in seipso fouit, cum verò ad conuictum hominum transijt, eo modo, quo potuit, mortem oppetiit.

Solitudo locus est, in quo anima præparatur ad recipiendum singularia à Deo beneficia. Loquens Propheta Oseas de anima, qua cum Deus de reconditis suis mysterijs communicare volebat, sic illum loquentem inducit: *Ducam eam in solitudinem, & loquar ad cor eius*, Ose. 2.

Solitudo cella vinaria est, in qua Sponsus coelestis animas, quas maximè charas habet, pretiosissimo amoris vino inebriat, & replet suâ scientiâ: *Introduxit me Rex in cellam vinariam* dicebat illa Cant. 2. quod Paraphrastes Chaldaus vertit: *Introduxit me Dominus in domum gymnasij & doctrinae*: Solitudo schola est, ubi superus animarum Magister Christus docet Sponsas suas, quæcunque ad salutem earum pertinent, & abstrusissima mytheria. Eapropter dicit S. Petrus Damianus Opusc. 11. c. 19. de laude vitæ eremiticæ: *Solitaria vitæ coelestis doctrinae schola est, ac diuinarum artium disciplina.*

Quis possit expendere robur, quod homo solitarius sibi comparat ad vincendum Deum, quando momentosissimæ occasiones id maximè requirant? S. Gregorius Nyssenus in lib. de vita Moylis ait, quod hic Sanctissimus legislator plus apud Deum potuit, quam omnis populus reliquus, id factum, quod tam charam habuerit solitudinem, quæ illi hos animos fecerit, & tantos Spiritus generarit. *Cum ceteri homines in societate minus timeant, Moyses derelictus solus in monte audacior est factus*, inquit ille. Vnus, solusque: quidam homo, qui solus viuere amet, plus apud Deum valet, quam ingens hominum simul viuientium cætus.

Regina coelorum vitam agebat in solitudine, atque ideo plus sola potuit, quam vniuersus mundus reliquus. Et quid potuit? Accelerare mysterium incarnationis. In solitudine se disposuit ut esset Mater Dei. In solitudine fuerunt illi detecta, quæ neque supremis Cherubinis reuelata.

Prima ergò Virgo hæc docuit Moniales vitam viuere

mere solitariam. S. Gregorius Turonensis in lib. de saluati. Angelica refert, sibi de cœlo indicatum, qualem viæ rationem in Templo tenuerit Mater Dei. *Credo, inquit, Desparam, ex quo templum ingressa est, sine cuncto beatam carnem illam pugnante vixisse nunquam. Illius vestes & celsissima lana, somnus ipsius semper humo nuda, vel nudis tabulis adharebat. Nullo unquam tempore non scissauit. Famem calitatem alio pane fugabat, quæ vero à ministris templi in alimentum accipiebat, ea quorundam pauperibus erogabat.* Trimula puellula, cum se in Templo Deo consecrasset, tenerrimam, integerrimamque carnem suam, ex qua suæ humanitatis vestem summi Dei Filius accepturus erat, iniecto cilicio duriter emaciavit. Hinc facile est arbitrari, quibus præterea modis corpus suum posterioribus annis affligerit. Hinc tanquam ex autographo didicerunt sacræ vestales, quæ deinceps in Ecclesia fuerunt, omne genus disciplinæ & spontaneæ mortificationis.

S. V.

Sancta Anna cum filiam suam Deo obtulit, docuit nos reddere eidem vota nostra, & gratos exhibere illius beneficijs.

Sancti parentes Ioachim & Anna, adduxerunt filiolam suam in templum, ut eam offerrent, & consecrarent Deo. Et quis explicare possit voluptatem, & gaudium, quocum tres sanctissimæ Trinitatis personæ pretiosum, earumque illud donum exceperunt?

Dicit id S. Bernardus, cuius sunt ista ex serm. de Deipara Maria. *Pater in consecratione Virginis exhibuit claritatem, Filius humilitatem, Spiritus sanctus charitatem. Pater auctoritatem contra peccatum, Filius humilitatem contra mundum, Spiritus sanctus charitatem erga Deum & proximum.* Expendat hæc verba quidam de cœlo angelus, me enim cor, & facultas ea dignè ponderandi deficiunt.

Dicit ergo Doctor mellissimus, quod eodæ, & momento, quo hanc puellulam sancti parentes eius consecrârunt Domino, æternus Pater, ille, qui faciem suam millenis cortinis tectam aliquin, obuectamque habebat, ille, de quo Isaias c. 44. dixerat: *Verè tu es Deus absconditus, ille, qui sic se oculis negabat humanis, ut videre illum, simulque viuere nemo posset, non enim videbit me homo, & si uideret, aiebat euidam perfamiliari suo, ille, inquam, dum hæc ei Virgo dedicaretur, exhibuit claritatem.* Hic rex gloriæ præcepit Cherubinis suis, ut omnes præsentis

se exhiberent. Hic rex ipse in publicum prodijt, ut singulares creaturis omnibus præstaret gratias. Hic imperatum fuit, ut lumina & faces in toto cœli accenderentur amphitheatro. *Pater exhibuit claritatem in consecratione Virginis, Filius humilitatem.* Quomodo verò? Humilitatem filius exhibuit manifestatione desiderij, quo ardebat, cupiebatque carnem induere humanam. Hoc illis verbis indicatur. *Quem cœli capere non poterant, ubi metonymicè cœli pro cœlorum palatinis accipiuntur, qui dicuntur Filium Dei capere, hoc est, retinere non potuisse, quia ante tempus venire, & corpus ex tam formosa puella assumere volebat, & cum esset Deus insipitus, voluit humilem se, priusquam homo fieret, coram ipsis Angelis exhibere, idque pro maiore honore, & magnificentia illius, quæ mater ipsius futura erat.* Hic subest sensus ijs verbis: *Filius in consecratione Virginis exhibuit humilitatem.* Et quid Spiritus sanctus? *Exhibuit charitatem*, sollicitando Patris peccatus, & viscera Filij, ut ne differrent incarnationem usque in annum trigessimum, aut quadragessimum Virginis, sed maturarent remedium generis humani, & ex illa annos quatuordecim nata carnem sibi futurus redemptor assumeret.

Dicit præterea Bernardus: *Pater auctoritatem contra peccatum exhibuit*, cum Deo Maria oblata fuit. Et velut sacra Inquisitio in publicis actibus ad offensionem suæ auctoritatis exponit caducum, quando pro tribunali contra hæreticos, idololatrias, Mauros, striges pronuntiat: Ita pater æternus in præsentatione Mariæ exposuit caducum suæ maiestatis ad condemnandum è publico tribunali vites idoliatrias, & falsa dogmata, & pestiferas hæreses, decernens facere initium legis euangelicæ, & gratiæ ubi esset magna sanctitas, & puritas, & gratiarum ingens affluentia. Hoc est, quod dicitur Patrem voluisse suam in consecratione Virginis exhibere auctoritatem contra peccatum.

Voluit sancta Anna implere votum, quo filiam Deo addixerat, obtulitque illi hoc die sanctum purissimum viscerum suorum partum. Quod autem voto se oblacioni filia obstrinxerit, ex quibusdam S. Gregorij Nysseni verbis eruitur, quæ sic habent: *Cum autem puella tam grandis euassisset, ut mamma ad moueri eam amplius opus non esset, haud cunctata est eam ad templum adducere, atque promissum præstare.*

In his illud obseruate, quod tunc in templum adducta Virgo sanctissima dicitur, cum deinceps ad moueri mammae opus non fuit. Hinc accipitur ante

ante triennium non fuisse ablactatam: eā enim ætate primum Deo præsentata fuit. Ultra biennium præbere vbera pueris, quamvis debilibus, & infirmis matres nullæ solent, & quando sunt validioris naturæ, & conditionis, vix ultra annum lacte nutricari eos consueverunt. Quid ergo sibi vult, quod MARI A illa tam prudens, tam sana, vt nunquam ægra laborāris valetudine; tamdiu lac maternum suxit, nec alimoniam primo illo triennio aliam admisit, quousque Deo in templo oblata fuit? Trimulam autem fuisse, cū in templum adductā affirmat sanctus Hieronymus his verbis: *Cum trium annorum circulus solueretur, & oblationis tempus completum esset, &c.* & S. Epiphanius luculentē ait, quod *tertio anno oblata est in templo.*

Responsio ad propositam quæstionem in maximam S. Annæ commendationem, insignitamq; eius laudem cedit. Res certa est, & quæ multorum grauium autorum testimonio comprobari possit, quod mores cum lacte materno combibuntur. Vide Galenum lib. de alimentis, & Plinium lib. 15. cap. 13. Gellius lib. 12. cap. 1. ait: *Si aurum lacte hauriatur, aut caprarum agnalerentur, constat in illis lanam duriorē, in illis capillum gigas teneriorē.* Cū ergo mores cum lacte hauriantur, noluit MARI A in ædibus parentum suorum relinquere vbera matris, nec alium capere cibum, ne quid honorum morum in S. Anna remaneret, quod filia non imbiberet, & præclara existimatio, quam de parente sua habuit, fecit, vt omniem eius viuendi ritum studiosissimē imitaretur. O ingentem S. Annæ excellentiam!

S. Gregorius Nyssenus, vt paulō antē dictum, ait, non cunctatam esse Annam, sed tempestiuē promissum exsoluisse. Nicephorus lib. 1. hist. cap. 7. tantundem his verbis adstruit: *Promissionem mater Anna adimplet, & in templum ascendens sancta votum eam consecrat.* O quā præclarē sancti hi parentes docent gratias Deo pro beneficijs ab eo acceptis referre!

Exemplar gratitudinis summæ fuit rex poenitens David. Ibat ille, vt cum gigante conflingeret. Rex Saul cū illum tam iuuenem videret, victoriæ spem, quam conceperat, omnem adiecit, cui adolescens pastorculus aiebat: *Domine, qui eripuit me de manu leonis, & de manu ursi ipse me liberabit de manu Philisthiæ huius,* 1. Reg. 17. & quando leonem quendam interficiebat vel enecabat vsū, capita eorum, summoque pedes, & vngues in gurgustio suo tanquam trophæa Dei, ad contestandam suam erga Deū gratitudinē, suspendebat, ac propterea con-

sistebat, quod Deus facturus esset, vt de gigante triumpharet. Et quod arma regis Saulis reculauit, hoc fecit, *Et virtus Dei aperte monstraretur, & non armis, quæ fiebant, adscriberent.* Ita S. Ioannes Chrysostomus hom. 46. in Genes. Gratitude exhibita Deo spem certam illi fecit victoriæ. Obtinuit victoriam. Fuitne oblitus Deo pro accepto beneficio referre gratiam? Nequaquam, quia fundam pro trophæo reposuit. Iosephus lib. 6. antiq. cap. 11. ait, totam illam Deo adscripsisse victoriam. Quid ex tanta gratitudine consecutum fuit? Illud, inquit S. Ambrosius lib. 1. offic. cap. 35. vt nunquam ingressus fuerit prælium quin victor abiret. *Nunquam nisi consulto Deo bellum adorsus est, ideo in omnibus victor & que ad summam senectam euasit.* Sic ille.

Aliudne prætereagratitudine suā obtinuit? Hoc etiam, quod victoriam ipsius cantu celebrant virgines Hierosolymitanæ dicentes: *Percussit Saul mille, & David decem milia,* 1. Reg. 18. Percussit David alios præter gigante? Non. Quid ergo illæ dicebant, percussisse decem millia? Quia ille gratiam se exhibuit, gratitudo autem amplificat victoriam, & multiplicat trophæa, & augustiorem speciem addit triumphis, vt videantur maiores. Audite S. Basilium Seleucum, qui orat. 51. sic ait: *Gratus seruus, qui vel ante operam opera fructum offert Domino.* Quando obuiam ibat giganti, dicebat: *Ego venio ad te in nomine Domini exercitus,* 1. Reg. 17. 45. ei que offerebat victoriam. Ea gratitudo grandibat triumphum, & gigantem vnum ad vsque decem millia gigantum multiplicabat.

S. VI.

Traduntur bonæ conditiones, quas vera virgo imitatione Regine cælerum habere debet.

Sapiens in suis Prouerbijs quatuor proponit conditiones necessarias bonæ mulieri, vt sit perfecta, maximē, si virgo sit. Prima est, quod *surrexit de nocte*, hoc est, vt simul atque vsū rationis attigit, Deo se consecreret, & tempestiuē officijs Dei se tradat. Secunda, quod *considerauit semina domus suæ.* Tertia, quod *accinxit fortitudine lumbos suos.* Quarta, quod *panem otiosa non comedit.* Hæ quatuor conditiones reddunt mulierem omni laude, & præclarissimis elogijs, honorumque titulis dignam.

Primum ergo requiritur in muliere, vt maturē se tradat cultui, & officijs Dei. *Surrexit de nocte.* Plurimum semper placuit Deo, habere ab officijs iuuenes,

iuvenes siue pueros, qui & in cœlis pueros habere secum in suo cubili cuidam supplici amico dicebat Lucâ 11. Id in lege vetere præfiguratum videmus, vbi non annosa animalia, sed pullos eorum sibi offerri voluit. *Par turturum*, ait, *aut duos pullos columbarum*, Leu. 12. Et Psal. 28. *Afferte Domino filios arietum*. Et cum ad festa illa Iudaica frequens deberet concurrere populus, volebat tenellos agnos sibi immolari. Sic enim aiebat Psal. 117. *Construite diem solennem & scilicet ad cornu altaris*, quod Chaldaeus legit: *Alligate anniculum iuniorum*.

S. Gregorius Magnus ait, quod in lege antiqua Deus agnos, viculos pullos animalium brutorum sibi offerri cupiebat, eâ re præmonstrasse, quid in noua gratiæ lege futurum esset. Hæc tam certa sunt, vt non sit necessum probare.

Libet hic proponere quæstionem, & ex Deo aliquid sciscitari. Quid causæ est, quod adolescentes, pueros adeo vis habere ab officijs? Scilicet pueros esse tales, quibus credi nihil possit? Hominem etiam, illum senem, & grauem annis parum decet multâ vt puerorum operâ, & familiaritate. Antiquum dierum te vocat Daniel cap. 7. quid ergo existimationis haurire potes ex talium immatura ætate hominum seruitijs, & ministerio? Certè parum dignum te, Deus meus, videtur, quod id facis. Mihi scripturam legenti occurrit, quod illa rudis ætas cum autumnô, opprobrio, & procelloso mari comparatur. Iob 19. dicitur: *Sicut fui in diebus adolescentiæ meæ*. Id Variablis transulit: *Sicut fui in diebus Autumni, & opprobrij*. Et rersum cap. 36. ait: *Moriatur in tempestate anima eorum*. Id apud LXX sic habet: *Moriatur in adolescentia, vel in pueritia*. Adolescentia hic, vt vides, cum Autumno componitur, qui nihil habet boni. Per eam anni partem conijcit agricola semen in agrum, cum illius perdendi periculo. Est etiam incommodum modicis temporibus, qui tamen delassati sint, per frigus nihilominus discurre debent. Deinde & nubili sunt dies autumnales, & periculosa infirmitates, quæ tunc hominem corripunt, & plurima per vndabundum mare discrimina. Quare ergo vult Deus iuuenes talium rerum similes habere a ministerio?

Respondeo. Deus amat primitias, & vt prima animalia, sic & ætatem primam sibi vult offerri, & non diligit matura. Quod autem Deus expetit annos primulos, id facit, vt omnes ætates tuas in gratia finias. Tot mortis oppetit homo, quot varias ætates. Fit ex puero adolescens. Si adolescentem percontareris, quoniam ipse abierit pueritia, obijisse

diceret. Ex iuvene vir nascitur, quid iuuentuti illius accidit? Mortua est. Ex viro fit senex, virilis ætas in senili deficit, & tot mortes homo decrepitus subiit, quot mutauit ætates. Quod ergo Deus annorum nostrorum primitias exposcit, hoc facit, vt singulas ætates in gratia conficiamus, & ex infantibus faciamus virtutum studiosi pueri, ex pueris studiosi adolescentes pii, ex adolescentibus pijs viri sancti, ex sanctis viris venerabiles probitate magis, quam canitibus senes. Quare magnæ prudentiæ est, statim ac rationis aurora illucescere incipit, consecrare se Deo, & plurimum sapere, qui simul sapere, & seruire Creatori suo exorditur.

Quando Saluator mundi maledixit ficui isti, cuius Mathæus cap. 21. meminit, eamque ariditate damnavit, quod non faceret fructus, *non erat tempus ficu*, vt inquit S. Marcus cap. 11. Videtur ergo iniuriâ illam muldasse. Negat Nazianzeni scholastes Niceas, quanquam enim ficuum tempus non esset, erat tamen primorum fructuum tempus non esset, erat anno vno fructus edit. Primos tempestiue, reliquos serius. In hac ergo ficu, quæ nullos protulerat fructus, maledixit Christus quosdam homines, viros, ac mulieres, qui nec in iuuentute, nec in processiore, ac senili ætate bene viuere volunt. O quantâ confusione nos hac in parte Deus suo exemplo profundit, ac replet!

Cum scriptura de creatione mundi differit, priusquam ad diem septimum perueniret, qui est Sabbathum, & Symbolum quietis, dicit quod Deus sex continuis diebus laborauit, ac tunc subiungit: *Requiescit Dominus die septimo ab omni opere, quod prætrahat*, Genes. 2.

Theophilus Antiochenus subtiliter annotauit, quod Deus, cum primum innoscere, & mentionem sui in chronicis fieri voluit, inspirauit illorum scriptorem, qui fuit Moyses, vt opera illius ante describeret, quam ipsum memoraret, vt propterea dixerit: *In principio creauit Deus*; cum dicere debuisset: *Deus creauit in principio*. Noluit ergo Deus nomen suum iciri, nisi prius opera scirentur, & non tam per suam pulchritudinem, aut bonitatem, quam per suas actiones innoscere. Verba Theophili ex lib. 2. contra impugnatores veræ religionis sic habent: *Vt igitur Deus, qui verè est Deus ex operibus suis cognosceretur, &c.* O quantam hoc adferre confusione ijs debet, qui non tempestiue, & primis, quibus possunt, diebus laborare in operibus bonis, & Deo seruire incipiunt, tanquam in Sabbathum orij æterni,

æterni, & vacationis semper duraturæ per otium temporale venire sperent.

Alterum, quod requiritur in virgine, est vt sit prudens, & recessus amans. Nam vbi nostra Vulgara habet: *Considerant semitas domus sue*; dicit Græcus: *Angusta sunt semita domus eius*. Latebricolæ virgini, seu mulieri magnam conciliat recessus amor existimationem. E contra si quæ vagos libenter figit oculos proprios, & admittit alienos, ea Tertulliano, si virgo sit, stupri appetentiâ laborare videtur, vt cui sua virginitas sit oneri, quo leuari cupiat, quanquàm per vim accidat. *Omnis publicatio virginis stupri passio est*, inquit ille in lib. de veland. virginibus; velut dixisset: Quod virginem tædet solitudinis, quod conqueritur, se à matre in publicum egrediente non assumi comitem, *id stupri passio est*. Quod literas recipit amatorias, & quarit quocumque communicet, *id stupri passio est*. Quod identidem ad fenestram accurrit, & noctu furtiuus colloquijs, patre, ac matre insecijs, intempestiuam dat operam, *id stupri passio est*. Talis virginitas graue pondus est, quod quæ patiuntur, magno illius deponendi desiderio ardent.

Tertulliani consilium pientissimâ quâdam commentatione confirmabo. In Exodo reperies, quod cum Moyses descendit è monte, vbi cum Deo locutus fuerat, tam elegantes emicuerunt ex illius facie radij, vt necessum habuerit obnubere se velo, vt disserere ad populum posset.

Ego in his illud admiror, quod dicit Oleaster talibus verbis: *Moyfes non cognouit, quod radiasset cunctas facies sue*. Non erant luminosa cornua, quæ ille fronte præfulserit, vt plerumque solet depingi, & sæpè pro concione à nonnullis dictum. Oleaster ait, ex genis eius talem eluxisse splendorem, in quibus verecundia, vt Aristoteles affirmat, & contestatur experientia, suam habet sedem. Res est, quod rubore perfundebatur, quod se hominem terrenum coram Deo cæli præsentem videret. Cum Moyses tantis subiectus esset miserijs, Deus verò tam purus, & speciosus, vt Iob dixerit: *Cæli non sunt puri in conspectu eius, quanto magis abominabilia, & iniustus homo, qui bibit quasi aquam iniquitatem?* & ille tum suam vilitatem, tum Dei maiestatem secum reputaret, vehementer erubuit, quod ei præsens adstaret.

Hæc autem verecundia ita placuit Deo, vt illi succurreret, & splendore gloriæ eam condecoraret, maioremque autoritatem, & existimationem ei adderet. Et cum Moyses è monte reuersus cum populo.

Tom. IV.

puli vulgo loqueretur, qui est maximus verecundiæ hostis, cogitaretque esse cælestem pudorem, cuius sanguis facile vitaretur, & quouis oculo fascinari posset, ne illum perderet, sed conseruaret, velum faciei suæ iniecit, vt tutaretur. Nisi enim ille custodiatur, Deo permittente sit, vt in miserandum stuprum prolabor.

Et hoc est, quod dicebat Tertullianus: *Omnis publicatio virginis bona stupri passio est*, & nimia cum impare sexu familiaritas desiderium stupri.

Arca Testamenti semper in clausura fuerat, semel in publicum elata, statim à Philisthæis capta fuit. *Arca Dei capta est*, inquit sacer Scriptor 1. Reg. 4. Non poterat eam tutari virga, quæ intus erat, neque tabulæ legis, vel manna defendere. Denique in manus hostiles incidit, postquam claustrum suum reliquit. Idem euenit virgini, quæ non vult latere, sic vt neque lex, hoc est virtus illi succurrat, neque manna diuinarum consolationum auxilietur, ac propterea non deerunt Philisthæi, qui illam capiant, abductamque aliò permouebunt, vt susque deque habeat bona consilia, quibus illam parentes erudierunt, & educarunt.

Ego virginem cum feretro comparo, quod cum per compita defertur, inditio est, cadauer intus esse, vt propterea & vicinarum Parochiarum campanæ compulsentur. De virginibus eiusmodi, quæ vagari, & obire plateas amant, eleganter scribit S. Cyprianus in lib. de habitu Virginum: *Dum liberè enagantur Virgines volunt, esse Virgines desinunt, furis uo dedecore corrupta, vidua antequam nupta*. Et quæ virgo scire cupit, à quo spiritu regatur, videat quod propendeat. *Ductus est Iesus in desertum à spiritu*, inquit S. Matthæus c. 4. Sanctus Gregorius Magnus ait, Spiritu Sancto ductore perrexisse in deserto locum solitarium. Dæmon autem ex solitudine illum eduxit in ciuitatem, & in pinnaculo templi constituit. Videat virgo, quod illam suus spiritus ducat. Si in solitudinem, & latebras, inditio est, spiritum esse ductorem, si in Babylonem mundi, à spiritu diabolico id fieri indubitatum est. Hoc ergo est, quod dicit Sapiens: *Angusta sunt semita domus eius*.

Tertia conditio est, quod accinxit fortitudine lumbos suos. Sunt virgines nonnullæ, quæ cingunt quidem lumbos suos, & fugiunt omnem lasciuix, & sensualitatis occasionem, sed frigide & languide hoc faciunt. Scriptura dicit, quod seruo Abraham pergenti ad inquirendam sponfam Isaac, cum prope fontem quendam esset, visa fuerit Rebecca, quæ venerit allatum aquam. *Erat autem puella decora ni-*

R

mis,

ma, Virgoq; pulcherrima, & incognita viro, ait sacer Scriptor Gen. 24. At si virgo erat, cur addidit, fuisse incognitam viro? Quia multæ sunt, quæ esse virgines volunt, & visitari tamen, & intentis, emissisque spectari oculis amant. Hæ constringunt virginitatem suam, sed non validè. Aptius in rem præsentem transulerunt LXX. *Virgo erat, & vir non cognouerat eam.* Si virgo erat, quomodo cognita esse viro poterat? Dicam. Sunt multæ puellæ, & virgines, quæ mundi opinione sunt tales, sed norunt ipsæ, quod sua virginitas magis artis, quàm naturæ est filia. Hoc est, quod dicitur: *Virgo erat, & vir non cognouerat eam,* hoc est, non solâ vulgi estimatione erat integra, sed etiam viro intacta. Ita clarè exposita dedi illa Paræmiastæ: *Accinxit fortitudine lumbos suos.* Virgo se validè stringere debet.

Ad huius confirmationem facit, quod Sanctus Paulus, cum nos ad communem cum hostibus nostris, carnis specialiter conflictum incitaret, Ephes. 6. aiebat: *State succincti lumbos vestros in veritate,* hoc est, validè, fortiterque constringere lumbos vestros, non laxè, ac leniter, velut ij faciunt, qui nunc præ imbecillitate cadunt, & rursùm eriguntur. Hoc idem voluit dicere Iob c. 19. cum ait: *Tu autem accinge sicut vir lumbos tuos, & interrogabo te.* Masculâ virtute tam acutè te constringe, ut nullus maneat vanitati locus.

Quarta conditio mulieris est, ut non sit malè feriata: *Panem orosa non comedit.* Semper eam occupatam habeant extra quidem seduli manuum labores, intus verò actus contritionis.

Quarto. Quomodo mors ingressa est? Per manus. Sic enim dicit liber Sapientiæ c. 10. *Impij manibus, & verbis accerserunt illam.* Quinam fuerunt isti impij, nisi nostri Protoplasti, qui cum in paradiso otioso inutiles, & pernitiabiles cum malo dæmone miscerent sermones, & liberas ad fructus veritos extenderunt manus, verbis, & manibus aduocârunt mortem. Ergò per manus rursùm egredi mors debet. Ad hunc sensum declarat Aponius illa è Canticis verba: *Manus mea stillauerunt myrrham, & digiti mei myrrham probatissimam;* Cant. 5. Quæ sic exponit: *Manus mea stillauerunt myrrham, id est, opera anime stillauerunt myrrham per amaro gemmæ compunctionis.* Per manus ingressa est mors, per manus exire debet, quod fiet, si illæ nunquam ab opere neque corporali, neque spiritali ferientur. Apprehendant ergò fufum per diem, & per noctem flagra, quæ si adiunctas habeant lachrymas, myrrha mortis per digitos paulatim distillabit.

Hæ quatuor conditiones faciunt, ut virgo ijs ornata sit vera famula Dei, & capax misericordiarum illius.

O quam præclarè his excultra Virgo Mater Dei fuit! Primum enim se pramaturè consecrauit officijs Dei, quæ non maior trimula in Templo oblata fuit. Sanctus Gregorius Nazianzenus Orat. 20. componens Basilium Magnum cum Patriarchis, & iudicibus populi Dei, & Samuele Propheta dicit, fuisse ante natiuitatem donatum, & oblatum Deo à sua matre. Et quid inde factum? Quod statim post natiuitatem sacer, & sanctus simul ac natus. Multò verius, hoc de MARIA Virgine Domina nostra affirmari potest. Deo illam mater sua obtulerat priusquam mundo per partum intulerat. Mox ut nata fuit, mundus illi tanquam Reginæ Angelorum cum caduceo obuiam venit, & augustissima Virgo triennis velut sacra persona in Templum Deo famulatura ascendit.

Dixit aliquando David: *Et placebit Deo super vitulum nouellum cornua producentem, & Engulas;* Psal. 68. Richardus illud exponit de his, qui rudibus teneræ ætatis annis Deo se offerunt. Hi tanquam vituli nouelli cornua paruula primarum cogitationum proferunt, quæ vsus rationis in Deum dirigit. Per Engulas, quas etiam producant, intelliguntur primi passus, quibus ad officia Dei accedunt. Congruit cum his versio Pagnini, quæ sic habet: *Et pulchrior erit Domino, quam vitulus cornificans, & Engulificans,* quisquis ad Dei seruitutem primis ætatis annis accesserit, cum primum erumpere cornua, & prodire Engulæ incipiunt. Et si huic adiungimus illud S. Remigij, qui sic legit: *Et placebit Deo super omnia sacrificia legis;* quis potest esse ille vitulus, qui oblatum Deo plius quàm sacrificia alia omnia charus fuit, nisi MARIA, quæ à momento suæ conceptionis Deo cogitationes suas, passusque futuros omnes consecrauit. O quam tempestiue hæc Virgo officijs Dei se tradidit!

Secunda conditio mulieris fortis est, quod considerauit semitas domus suæ. Intelligitur hoc de homine interiore, quem intellectus peragrat, ut videat quam viam voluntas inire, quibus rebus occupari memoria debeat. Et hoc est, quod dicitur: *Considerauit semitas domus suæ.* Sed quis hoc tam accuratè facere nouit, quàm hæc sacra puellula? De illa namq; dicit Richardus: *Tota vita Mariæ erat quasi ecclasiæ, & contemplatio,* nec aliud agebat, quàm quod oraret, & meditaretur, & in continua amoris Dei exercitatione versaretur.

Tertia

Tertia mulieris fortis conditio est, quod *accinxit fortitudine lumbos suos*. Vnius MARIÆ puritatem, & integritatem omnes simul Angeli non attingunt. Ecclesiastici 32. dicitur: *Ante grandinem præbit corrumpatio, & ante verecundiam præbit gratia, & pro reuerentia accedet tibi bona gratia*. In nulla creatura præuenit gratia ruborem verecundiæ virginalis tam anticipatò, quàm in MARIA, vix enim concepta fuit, quando maximis gratiæ ornamentis ad miraculum exulta.

Adferam in huius rei corroborationem quèdam S. Ildephonsi præclarissimum conceptum. Is de virginitate MARIÆ affirmat, æternam fuisse: *Quis virginitas æterna est*. Non voluit dicere, virginitatem eius æternam deinceps fore, id enim de Sanctis Agnete, Luciæ, Agatha, alijs affirmari quoque potest, neque ingens laus esset, sed hoc vult, quod Sacratissima Dei Parens ita deperijt virginitatem, tantiq; æstimauit suam integritatem, vt si non fuisset confirmata in gratia, & totà in hoc mundo æternitate vivere potuisset, virgo per omnem illam æternitatem mansisset; & castitatem suam illibatam, intemeratamq; seruasset: Hoc significant illa: *O Virgo, cuius virginitas æterna est*. Item ista: *Accinxit fortitudine lumbos suos*.

Fuit in ea & quarta proprietas, quod *panem osiosa non comedit*. In his conficiendis, quæ ad ornatum templi faciebant, tota erat MARIA. Atque vt manibus cultui illius templi, sic totius Ecclesiæ salutis precibus suis studebat. *Te solum, ô MARIA, pro sancta Ecclesia sollicitam pro omnibus Sanctis scimus*, aiebat S. Bonauentura in Speculo Virg. c. 6. Omnes Angeli, totiq; homines vertantur in linguas, vt tantam Dominam celebrent, & magnificent. Ea nobis impetret Domini nostri gratiam, quæ est pignus gloriæ, quam mihi, & vobis concedat Deus benedictus in sæcula, Amen.

De eodem Festo Virginis Præsentatæ.

Autore Interprete.

Vnam petii à Domino, hanc requiram, vt inhabitem in domo Domini omnibus diebus vitæ meæ, vt videam voluptatem Domini, & visitem templum eius.
Psal. 22. v. 4. 5.



Vditores. Sæpè me hoc in loco fugitiuum tempus fefellit, sæpè operam meam volubilis hora lustrat, vt postquam vestris diu desudauis vsibus, vix commodare potuerim profectibus. Sed id hæcenus fecerit, neque enim plura deinceps superuacaneo labore congeram, quàm hoc breui intervallo, regerere in rem vestram commodè queam.

Vnicum ergò illud hodiè paucis tractabo, quare templo includi mater Dei voluerit, quæ domi inter religiosissimos Parentes Deo omni sacrorum officiorum genere obseruire potuit. Si promissa factis vicero, & sponsoni quidquam supererogaro, propensi animi illum indicem accipite, & in vicem pro solenni vestro studiosè attendite.

Vnam petii à Domino, &c.

TAm securus agebat S. David, vel si nudus, inter medias armatorum hostium copias, & acies, quàm intrepidus vixit alius, qui nullam hostis timeret periculum, cuius scilicet nullum vel procul subodoratur vestigium. Aiebat nimirum Psalm 26. *Dominus illuminatio mea, & salus mea, quem timebo? Si consistant aduersum me castra, non timebit cor meum, si exurgat aduersum me praelium, in hoc ego etiam sperabo*. At tametsi de bono Deo tantum præfideret, non tam bellicam gloriam expetebat tamen, quàm illud summis votis optabat, & assiduis precibus postulabat, vt liceret à bellicis laboribus feriato omnes in domo Domini vitæ exigere dies: *Vnam (subaudirem) petii à Domino*, inquebat, *hanc requiram*, hanc petere non desinam, *& inhabitem in domo Domini omnibus diebus vitæ meæ, & videam voluptatem Domini, & visitem templum eius*. Hæc tunc erant Regis, armis à puero innutriti vota.

Minus aliquid tali Parente Dei Parens, ac talis filia optarit, cupierit, expetierit? Aut tam degener fuerit, vt solam ab illo vitæ duxerit originem, neque contraxerit morum sanctorum similitudinē? De alia quauis id subuereri possis, de Virgine matre vel suspicari nemo debet. S. Bonauentura ait, quo tempore apperebat cum cælesti nuncio Archangelus, inhæsisse meditando virginem vaticinio Esaiæ, illi, quo ex virgine oriturum Messiam præfagit, tum ardentissimis votis illud suspirasse, vt vel pro mancipio esse posset Virgini, quàm conceptu illo Diuino felicitare cælum decreuisset. Et non optarit in templo primulis statim annis Deo initiari, vbi plurimus erat pietissimarum virginum con-

R 2

uentus,

uentus, è quarum choro vnâ aliquam tanto operi à Deo destinatam sperare poterat, cum se gloriosissimo illo munere prorsus indignam arbitraretur?

Rupertus lib. 3. in Cant. de Beatissima Dei matre sic ait: *Hæc prima vouit Deo votum Virginitatis.* Id eam alii in utero Matris suæ etiamnum positam fecisse existimant, rectè, si existiment tantum, neque dogma fidei esse velint. Si verò intemperatum seruare pudorem tam cita vouit, quid longâ vteretur cum mundi hominibus consuetudine, quæ tametsi inter medias sæculi perlecebras magis tuta fuit, quàm inter hostium bipennes, ac mucrones Pater eius David, conseruandæ tamen integritatis exemplum præluce virginibus aliis omnis optimæ disciplinæ magistra debuit, & templo se à teneris annis tanquam Canobio includere, vt intelligerent virgines reliquæ, quòd tum demum esse possint tutæ, quando inaccessi loci parietibus, & claustris probè munitæ. Magnus virginitatis patronus S. Gregorius Nazianzenus dicere amabat id quod in illius Orat. 43. sic habet: *Vi quisquam assiduæ voluptatis monumentis prematur, baud sustineo, eam quoque consuetudinem, quæ per aërem contrahitur, odi, ac detestor.*

Assidua voluptatis monumenta sunt, imparis sexus frequens congressus, paratæ ad voluntatem, & voluptatem ciborum lauitiæ, vestitus mollior, lectus blandior, iners otium, vitæ genus liberum, ac disciplinæ nescium. Hæc non sustineo in virginibus, quibus castè viuere in voto est, inquit Nazianzenus, quia & castitatem ea vix sustinent, adeòque infestant, vt nec à fratre tuta sit soror (Thamar, & Amnon dicere id queant ex 2. Reg. 13.) nec Patris reuerentia salacitatem infrenare filiarum satis possit (quod vnus Lot suo exemplo orbi testatum reliquit) & Paulus Timothæo, *Virgo, vt loquitur Chrysostomus, ieiunatis dedero, & in tantum aqua assueto, vt infirmaretur, & crebras morborum molestias pateretur, præcipiendam nihilominus pudicitiam duxerit ac dixerit: Te ipsum castum custodi, quasi & apud illum, ni pernox, perdisque excubaret, periclitari castitas potuerit, cui tantilli vini vsus propter imbecillum stomachum & frequentes infirmitates concessus fuit. At verò quæ per aërem contrahitur, consuetudinem, eam odi etiam, ac detestor,* pergit Nazianzenus. Quam vocat consuetudinem per aërem contractam? Eorum, qui videri, aut videre amant, futuriusque oculorum obtutibus audè, licenterque spectant, ac velut missis, per

aërem nunciis mutuo consalutant. Sed quare huic sit tam infensus consuetudini? Quòd ex, quibus prodire domo facultas, quoties voluntas, aut voluptas, dum in publico agunt, facillè oculis oculis miscant (quod apud eundem legere memini) pronubisque ad conciliandam beneuolentiam vtuntur pupillis, vt sint sæpè nuptæ prius, quàm desponsæ, & marcidum virginitatis florem domum referant, quæ vernantem extulerant.

Dicam hic non aliquid, sed quod admodum olim accidit. Virginitatis tam est fragile bonum, vt Rebecca non se amplius virginem integram, arbitrata fuerit, postquam momentaneam cum viro incognito consuetudinem eminùs, per aërem contrahere cepit, & Isaacum sponsum liberioribus oculis procul inde arbitrata fuit, adeò nuptiale flammæ exemplo sibi iniecerit, tanquam illo intuitu ex Virgine coniugem factam testari voluerit. Tertullianus hoc tantis verborum ponderibus expressit, quantis nescio an aliud quidpiam, quamuis soleat pleraque maximis. *Rebecca cum ad sponsum ignotum adhuc ignota perduceretur, simul ipsam cognouit esse, quem de longinquo perspexerat, non sustinuit dextera collusionem* (notate magnam verborum proprietatem) *nec osculi congressionem, nec salutationis communicationem, sed confessa, quòd senserat, id est spiritu nuptam, negauit virginem, Sclatari idem.* Hæc ille lib. de velandis virginibus. Tam facillè suum capite deuexo ponit flos virginitatis honorem. Vt Virgo virginum, tametsi nullum illi ab oculis vel propriis, vel alienis periculum immineret, meritò templi penetralia rudibus adhuc annis inuaserit, vel vt alias suo exemplo informaret, ac doceret, Deo, cui sacrarunt, eidem vni, tutam etiamque seruare suam pudicitiam, nec oculis hominum prostituere.

Hæc prima causa fuerit, quare ab ipsis propè incunabulis in templum tenera virguncula concesserit. Proxima huic sit, vt videret voluptatem Domini, & visitaret templum eius. Voluptatem Domini non vnâ omnes, sed in rem tamen nostram omnes interpretantur. Sunt qui voluptatem Domini dictam velint illum sacri tabernaculi locum, in quo maiestas quædam Diuinæ præsentis relucebat. Nam quia Dominum ipsum mortali indutus carne videre S. David non poterat, saltem illam templi maiestatem & augustiam Sanctorum speciem cernere cupiebat. Sic Doctus Agellius. Maiore ardebat colorum Princeps Maria Dei videndi desiderio, quòd cum exsaturare non posset, mitigare studebat,

debat, arcamque, & tabernaculum Dei interim frequens adibat, templumque illud qualecunque visitabat, quia ipsum spectare in solio gloriæ suæ Deū per carnis conditionem nondum poterat. Adiciam huc aliorum de voluptate Domini sensum, atque inde faciam pronum ad mores gradum. Ergo quidam suauem illum, ac iucundum Psalmorum cantum, & in laudes Dei composita carmina, voluptatem Domini dictam censent, quam alibi quoque (Pl. 146. 1.) *iucundam, ac decoram Des laudationē* Prophetæ penitens vocet. Hi Davidem oblectabant moduli, qui cum plurima Dei beneficia rum publica tum priuata in numeros artificiosæ orationis coegisset, tantæ eorum cupiditate tenebatur, ut vel ob id diu ac procul à templo abesse non posset, quo ea crebro audissimis haurire auribus posset. Hæc est patria domo, hæc à charissimorum Parentum dulci complexu, hæc ab omni consanguineorū grato conuictu Virginem quoque nostram in templum abstraxerunt vota, ut ab ineunte pueritia, atque à crepundis laudes Dei oblectabiliter audiret, cum reddere ipsa per ætatem vix posset.

Quod noster vulgatus ait, *Et visitem*, hoc est, crebro adeam *templum eius*, id ex Hebræo ad verbum sic transferunt alii: *Et diluculò sensum ad templum eius*. Diluculò ad templum Domini Domini mater venit, quæ sub ipsam vitæ maturioris aurore, cum à lactea ætate vix dilucescere ratio cepit sacram ædem cursu petiit, vbi hymnis, Psalmis, atque alijs id genus sacris cantibus pascere aures, atque animum, sed imprimis Deum colere posset. Quid egisset, putatis, diuinissima hæc Virgo, si illo in templo ipsum Dei filium sub augustissimo Sacramento omnium vsui, & esui expositum adire, & instaurare per illum nostræ salutis Euangelia ac beneficia audire licuisset, quorum nullum tam est exiguum, ut cum illo venire in comparisonem possint, quæ illius temporis erant maximis maiora? Et nobis, quæ nostra est vecordia, ista adeò viluerunt, ut quàm sumus ad alia ferè strenui, tam ad cultum Dei, & frequentandam templi sacra oscitabundi, & ignaui, & nemo sanum diluculò perat, cui vel stipula per viam obstat, nemo non leuiter se abstrahi sinat, & missas etiam die festo facillè missas faciat, reliquis autem feriis quantumvis feriatu de nihilo prorsum intermittat. Ut verò verius dixerit Magnus Augustinus de verbis Apostoli serm. 18. *Quia tanta dignitas præstita est.* (ut essemus fratres, & membra Christi, & mensæ illius participes) *non honor ei retribuitur, quasi non præstaretur, desiderare-*

tur, quia præstita est, contemnitur. Hæc ille. Deus meliora vertat, & spiritu suo, ac matris exemplo gelida pectora nostra ad gratitudinem, & omnem pietatem inflamment.

Alii templum Domini, ac voluptatem Domini pro eodem accipiunt, ac templum Domini illo voluptatis Domini nomine ob id donatum volunt, quod templum sit locus, vbi Dominus pro maxima sua voluptate benè mereri de hominibus, gratiūque ac fauoribus ornare, & cumulare eos sit solitus. Dictum acutè, si etiam verè, nec enim satis coherere videtur cum illo, quod Dominus Esaiæ 55. ait: *Domus mea domus orationis vocabitur cunctis Gentibus.* Non ergo rectè dicitur templum voluptas Domini, quod Dominus ipse domum orationis vocari imperauit. Immo ob id etiam rectissime voluptas Domini dicitur, quod domus orationis appellatur. Nam si ea est magna Dei voluptas, quod donorum suorum copiis inopiam nostram depellit, quod necessitatibus nostris succurrit, occurrit ærumnis, (cuius rei præclara nobis exempla in ouis, & drachmæ primum perditæ, posthæc inuentæ, in filii prodigi passis vlnis tam inihianter, lætanter, ac peramanter excepti parabolis dedit) rectissime domus orationis vocatur locus, qui voluptas Domini, & voluptas Domini, qui domus orationis, in quo dum per orationes inopiam nostram testamur, & egestatem exponimus, & tristes casus aperimus, opemque illius, & auxilium imploramus, hanc illi captandæ ex nobis voluptatis occasionem damus, cum dari ab illo nobis quæcunque necessaria postulamus.

Fuerit ergo vna quoque, è multis causa, quare mater Dei primis vitæ annis adducta in templum fuit, ut cum Deo excolendam se gratiæ donis sisteret, hanc illi simul voluptatis materiam ex se præberet.


Quantis porrò gratiæ ornamentis pro sua voluptate Virginem Deus in templo excoluerit, quam sibi matrem legerat, id tale est orationis argumentum, tractandum aggredi solus quidam sibi præsumens possit, pertractare nemo. Vnum tamen habeo, ex quo conicere vtrunque possumus, quantis donis beatissimam hanc Domicellam Dei munificentia adornarit. Quantum Angeli hominibus præstent, si naturæ vtrorumque conditiones spectes, in propatulo est. Cum verò decretum erat Numini cum natura inferiore vnius personæ inire consortium, decentius ut quidem videtur, Angelo, quàm homini copulatus, & honestius immortalis

spiritui, quàm corruptibili carni Deus spiritus coniunctus tam arctâ necessitudine fuisset.

Itaque iniuriam interpretari Angeli poterant, quando secus factum, & factum hominem, qui Deus erat, videtur. Sed quomodo iustæ (si tamen iustæ) querelæ, & indignationi Angelorum Deus occurreret? Quid faceret, ut meritò illos præterisset, & creaturarum, quæ intellectu valent, extremum hominem in tantam sublimitatem euexisse videretur? In promptu habuit quid ageret. Quid enim fecit? voluptati suæ liberalissimè indulgât, tantasque de plenitudine sua virtutum, gratiarum, priuilegiarum copias in Virginem exoneravit, ut illi Angeli facillè concederent, affirmarentque multò quàm se digniorem esse, quæ Dei filio materiam ministraret, ex qua illius spiritus corpus Deo deuinciendum concinnaret. Magna gloria conceptum hunc fraudâro, nisi Autorem illius producâ. Mellissui Bernardi in horto natus est, cuius hæc sunt ex hom. 2. super missus est: *Hæc Virgo Regina gemmis ornata virtutum* (quas ibi recensuit plurimas) *specie sua, & pulchritudine sua, in caelestibus cognita, cæli Curium in se prouocauit aspectus, ita ut & Regis animum in suis concupiscentiam inclinaret, & caelestem nuntium ad se de supernis educeret.* Hæc os gemmeum, *Ad se, inquit, educeret,* quo ille caelestis nuntius tam promptè perrexerit, quàm vehementer Deum ipsum propendere vidit, & illam tum se, tum omnibus collegis suis Angelis præstantiorem intellexit.

Quid huic virgini roganti neget Deus, qui tanta concessit neque cogitanti? Meritò ergò cum eodem Bernardo ser. in Nat. B. Virg. de aquæ ductu in fine, vos monere debeo, ac rogare, ut *quicquid istud modicum Deo offerre desideratis* (scu Rosarii, quas illa præ omnibus gratas habet, seu qualescuis preces, elemosynas, pias cogitationes) *gratissimis illis, & omni acceptione dignissimis Mariæ manibus offerendum tradere curetis, si non vultis sustinere repulsam.* Nimirum candidissima lilia sunt, nec dedignabitur ille liliorum amator quicquid illud sit, quod inter Mariæ manus inuenerit.

Amen, Amen. Dixi.



De Festo Natiuitatis Beatissimæ Virginis Matris Dei.

Autore ALEXANDRO CALAMATO
Messanensi Clerico Italo.

Interprete F. Ioanne Freylinck
Ord. Præd.

Quæ est ista, quæ progreditur quasi aurora consurgens, pulchra ut luna, electa ut sol, terribilis ut castrorum acies ordinata. Cant. 6.



Vm stupore naturæ, cum ingenti admiratione totius orbis terrarum, cum latitæ voluptate nunquam visa Angelorum, & insigni gloria Creatoris omnium nata est hodie in hac regione mortis magna DEI parens MARIA, quæ luce, & splendore natalis sui terram nostram supra quam sol iste materiarum felicitauit. Descenderunt indubitato ad hoc spectaculum Angeli pacis, festinanter accurrerunt beati illi spiritus, ut tantam admirarentur pulchritudinem, & concito volatu se inde huc submiserunt, ut inter fascias adorarent eam, quæ omnipotentem Deum conceptura, & fascijs involutura erat. O dies verè felix, & fortunatus! quies ornamentum temporis, annorum corona, opulencia sæculorum, æternitatis inuidia. Hæc die harmonicus cæli concentus auditur ad honorem, & magnificentiam eius, quæ suprema & cæli, & terræ regina nascitur. Vtinam fors nostra vellet, ut aures humanæ audirent, quàm dulciter cælum canter, quamque festiue, & studiosè hanc facram MARIE natiuitatem celebret. Sed quia illa plus nostra est, quàm cæli, eapropter dum cælum eius laudes cantu persequitur, nos admirabundi respondemus: *Quæ est ista, quæ progreditur, quasi aurora consurgens, pulchra ut luna, electa ut sol, terribilis ut castrorum acies ordinata?* Cant. 6.

Non nescio, quod multi sacrorum Expositorum, dum hunc è Canticis locum expenderunt, dixerunt, quod virgo sacrosancta diuersis temporibus fuit quasi aurora, luna, sol, & acies castrorum ordinata, id est aurora in suo die natali, quando enim nata fuit, attulit perditio mundo pulchram lucem gratiæ, & fugauit tenebrosam noctem culpæ. Luna plena diuinæ

diuinæ gratiæ
Archangelus
Lucæ 2. In
one, quæ
iellus, ut
bitauerit ea
her amiffa
ordinati in
præ omnes
niti filij sui
ficiam ager
fuit regina
candata Cai
petrius, & a
affuit regu
velle pfecta
fensionis, &
nûs place
tam in col
omnibus his
lis, & exerci
dite, ego in
1. Quæ
furgens, pul
forum acie
gruè, audite
fuo die nati
(quod Rup
minus exat
Ad eundem
ne natiuitas
eosa noctis
claræ diei
die diuina
ens initium
rum quem n
cû longum
Adamo ad n
nox ex gra
quod Hugo
apertè dixit
gini oriump
obscura. V
Nam post ex
culorum spa
clusum hab
vero egress
menter exp
quæ clausit
diem gratiæ

diuinæ gratiæ fuit in verbi incarnatione, iuxta illud Archangelī Gabrielis dictum: *Aue gratiā plena*, Lucæ 2. Instar splendentis solis fuit in sua assumptione, quando tanta fuit eius in cœlum abeuntis maiestas, vt Ioannes in sua mystica apocalypsi non dubitauerit eam vocare mulierem vestitam sole: *Mulier amicta sole*, Apoc. 12. Denique exercitus benè ordinati instar fuit in sua coronatione, quando supra omnes angelorum choros exaltata, & ad vnguenti filij sui dexteram collocata patronæ nostræ officium agere cœpit, de qua Dauid Psal. 44. ait: *Astuit regina à dextris tuis in festu deaurato, circumdata varietate*, quod alij ex origine hebræa appetiunt, & aptius in rem præsentem sic transferunt: *Astuit regina à dextris tuis in festularis*, hoc est, in veste picta scutis, quæ sunt luculentum nostræ defensionis, & patrocinij symbolum. Mihi nihilominus placeat hodie repræsentare Virginem benedictam in solo suæ gloriæ natiuitatis tempore cum omnibus his tam insignibus titulis auroræ, lunæ, solis, & exercitus benè digesti, atque ordinati. Attendite, ego incipio.

1. *Qua est ista, quæ progreditur quasi aurora confurgens, pulchra vt luna, electa vt sol, terribilis vt castrorum acies ordinata?* Cant. 6. Admodum congruè, auditores, potest vocari M A R I A aurora in suo die natali. Nam si aurora, quam nos videmus (quod Rupertus Abbas annotauit) est finis, & terminus exactæ noctis, & ineuntis diei principium: Ad eundem modum cum certa quadam proportionē natiuitas Virginis fuit terminus, & finis tenebrosæ noctis ærumnarum humanarum, & exordium claræ diei lætitiæ omnium nostrum. Nata fuit hodie diuina ista puella tanquàm noua aurora, faciens initium gaudij nostri, & finem pœnaliū laborum quem nobis obscurissimā nox peccati, attulit, cum longum illud tot sæculorum tempus, quod ab Adamo ad natiuitatem Virginis vsque effluxit, æra nox ex gratissimorum scelerum caligine fuerit, quod Hugo de sancto Victore serm. 34. his verbis apertè dixit: *Totum tempus, quod ab Adam ad Virginis ortum præcessit, quasi nox extitit, nox longa, & obscura*. Verùm o felicissimam sortem nostram! Nam post exactam hanc longam noctem, quæ tot sæculorum spatijs peccatorum horrendā caligine inclusum habuit genus humanum, mox vt ab Annæ utero egressa est MARIA, splendida, & tam vehementer expetita eluxit aurora, illa, inquam, aurora, quæ clausit noctem peccati, & inchoauit serenū diem gratiæ, illa aurora, ex qua natus est sol iusti-

tiæ. Audite Rupertum hæc dicentem, qui lib. 6. in Cant. Virginem sic appellat. *Quando nata es Virgo beata, tunc vera nobis surrexit aurora prænuntia diei sempiterni, quia sicut aurora finis est præteriti noctis, ac initium diei sequentis, sic natiuitas tua finis dolorum, & consolationis fuit initium*. Et sanctus Petrus Damianus in serm. de assumptione idem confirmat, inquit: *Natā Virgine surrexit aurora, quia Maria veri præputa luminis natiuitate suā manē clarissimum serenauit. Hæc est aurora, quam sequitur, immo de qua nascitur sol iustitiæ*.

Aurora diuina, & singularis fuit M A R I A illius manibus condita, qui solo nutu auroramque solemque conficere nouit, quemadmodum dicit rex Propheta Psal. 73. *Tu fabricatus es auroram & solem*, eamque reuerā tam elegantem, vt horrenda, & formidabilis larua videatur alia quæuis aurora, si iuxta illam constituatur, & cum ea componatur. Nascitur aurora (non inficior) coronata lilijs, capillamentum habens aureum vestita luce, curruque aduehit nubium, quem ventī tanquàm velocissimi, & alati aurigæ ducunt. Sed quid sunt hi apparatus, quid ornamenta illa, si cum ijs conferas, quibus fulget aurora, quæ hodie nascitur, coronata omnibus diuinarum gratiarum floribus, comas habens non rutilantes auro, sed cogitationibus diuinis ornatas, vestita non luce, sed puritate incorruptibili, & æterna, non curru sedens volubiliū, & inconstantium nubium, sed intra brachia, & complexus Dei æterni, & immutabilis recubans, non ventis attracta, sed Patrum veterum vehementibus suspirijs obtenta. Illam suspirauit Adam quando ex somno, in quo sacramentum salutis nostræ vt vult Hieronymus, vidit, euigilans, hæc anhelus dixit: *Os de ossibus meis, & caro de carne mea*, Gen. 2. velut alijs verbis apertius dixisset: *O aurora quando ille felicissimus dies, adueniet, quo te nasci videam os ex ossibus meis & carnem de carne mea*! Illam suspirauit Magnus Noë, quando candida columba suum differebat reditum, Gen. 8. vt vult venerabilis Beda. Illam suspirauit Abraham, quando exultauit (quod Christus Iudæis aiebat Ioan. 8.) *Et videret diem meum*. Illam suspirauit sapientissimus Salomon, quando illam intrā fascias vagientem audire cupiens aiebat: *Sonet vox tua in auribus meis, vox enim tua dulcis, & facies tua decora*, Cant. 2. 14. Illam suspirauit totus Patriarcharum, & Prophetarum chorus, quando per os Isaïæ dicebat: *Anima mea desiderauit te in nocte*, Isa. 26. Et benè dicit: *In nocte*, quia noctis suæ splendidam auroram optabant.

bant. Tantâ verò luce, tantoque sanctitatis fulgore vestita hodie nata fuit, vt suo splendore omne sanctitatis, & perfectionis illorum lumen obscurarit. Non sic obscurantur stellæ matutinæ luce exorientis solis (inquit S. Hieronymus in prologo Sophoniæ) vt omnis perfectio sanctarum faminarum veterum splendore sanctitatis huius nascentis auroræ MARIÆ velut extincta, & reapse sublata fuit: *Velut siderum igniculos MARIÆ lumen abscondit*, inquit ille, & sanctorum maximi coram illa vix quales parua scintillæ sunt visi, immò multò minùs aliquid, quia & ipsi Angeli, qui sunt quasi mare sanctitatis, præsentem illâ penè fugiunt oculos, de quo S. Petrus Damianus in serm. de Natiuit. Virginis sic ait: *Ira Angelorum hebetat dignitatem, Et in comparatione Virginis nec possint, nec debeant apparere.*

Accedit ad omnia hæcenus dicta, quod si hoc nomen *Aurora* non est aliud, quàm *aurea hora*, optimè quadrat & aptissime cadit in virginem in hoc illius natali die nomen illud *Aurora*, vt quæ hodie nata sit hora nobis fortunatissima, & optatissima, quando occasione illius cessaturum erat bellum, quod inter Deum, & homines sæculis tam multis durauerat, & pax redijt, quam sancti illi in limbo Patres tam diu, ardentèrque desiderarunt.

Opportunè hic mihi occurrit memorabilis illa lucta, quâ magni consilij angelus cum Patriarcha Iacob concertauit, & expressè præfiguratus fuit ille Dei cum hominibus, quem dixi, confictus, vt habet Theodo. q. 28. in Genesin opinio. Colluctatus fuerat Angelus totâ nocte (hoc nomine dono omne illud tempus, quo mundus splendore MARIÆ caruit) & inualuit Iacob ad Angelum, vt habes Osee 12. Sed quid? Simul ac diluiscere dies, & prodire aurora cœpit, MARIA, dico, nata fuit, debuit magni consilij Angelus dicere ad Iacob: *Dimitte me, tam enim ascendis aurora*, Genes. 32. velut alijs verbis dixisset: *Pone nunc arma*, Iacob, non est necessum amplius dimicare, quoniam ego pacem tecum inire volo, non quod tu viribus maioribus valeas, quàm ego, cum sis inualidissimus homuncio, & ego Deus, sed quia MARIAM auroram nouam prodeuntem video, quæ mundo nascitur, vt sit mea vera Mater, ad cuius præsentiam oportet me deponere arma iustæ indignationis meæ aduersus peccatores, & cum illis instaurare pacem, ideoque *dimitte me, tam enim ascendit aurora*. Theodoretus commentatio vbi supra in ea Angeli, sue Domini verba talis est: *Quod igitur magni consilij angelus dixit se ascendente aurorâ confiteretur, nihil est aliud, nisi quod Maria aspectu*

Christus infirmum se esse ostendat, & peccatori dicat, dimitte me, tam enim ascendit aurora. Quo ergo momento producere verticem, & appetere mystica hæc aurora Maria cœpit, obleratus fuit infernus, apertum cœlum, catenis confictus satanas, solutus vinculis homo, destructa mors peccati, & vita gratiæ introducta.

Itaque Virgo benedicta, illa ab æterno electa, & destinata Mater Dei, tantis aduersus Deum viribus valuit, tantumque fortitudine suâ apud illum effecit, vt iram in clementiam, iusticiam in misericordiam, vindictam in beneficentiam, bellum in pacem, odium in amorem venteret. Hoc est, quod S. Ioannes Damascenus orat. 2. de dormitione Deiparæ his verbis affirmavit. *Per hanc diuturnum illud bellum, quod nobis cum Creatore erat, sublatum, & extinctum est. Per hanc cum eo reconciliatio sancta pax, & gratia donata est.* Plurimum ergo huic sacrosanctæ Domine debemus pro auxilijs, & beneficijs ab illa aurora in nos profectis, quæ electa à Deo fuit, vt mundum felici suâ natiuitate bonis inextimabilibus locupletaret. Quæ de re sic rursus ait idem Damascenus Orat. 3. de Natiuitate Deiparæ: *Huiusmodi est Virginis natiuitas, nempe Dei faderum cum hominibus istorum renouata memoria, totius humani generis existatio, in quo nos, qui prius in tenebris, & mortis umbra sedebamus, existati & per eum collustrati sumus, inaccessibilis etiam lumine perfusi, qui ex alto nobis ortus est, Christi Iesu.* O quàm pulchra Aurora! Tanta est illius elegantia, vt non possim, quin ad Deum conuersus cum Propheta dicam: *Tu fabricatus es auroram, & solem*, Psal. 73. inferiorem quippe opificem tam insignita venustas habere non potuit, quàm te supremum, & omniscium Deum.

II. Apparuit quoque Virgo in hoc sacræ felicitis Natiuitatis suæ die qualis luna, *pulchra & Luna*, Cant. 6. Nam vt apud veteres Romanos Luna erat signum nobilitatis, & generosi sanguinis: Sic diuina hæc puella in suo natali die assimilata fuit Lunæ, vt per hoc mundo declararetur nobilissima, immò regia illius stirps, & prosapia. Regale enim exprogenie, quod Sancta testatur Ecclesiæ, *Maria exorta refulget.*

Nisi velimus dicere, quod hodie ad modum alterius cuiusdam Lunæ Virgo Sanctissima nascitur, quia sola illa ex omnibus posteris Adæ prodit in hanc lucem plena supernâ luce gratiæ. Legite Sanctum Ambrosium in suis Hexæmeris inuenietisque, quod ille postquam inquisiuit quomodo, & cum

quanta

quanta lucis
vix luna fuit
Deo perfecti
his illius ca
& videt De
na, vt habet
que Deus a
illius, quod
ter affirmare
tate Lunæ
nem, ac pro
Lunam plen
splendidi sin
prodit, ita d
nauit viuam
am, quæ illi
Est alia ca
Si oculos at
do plena, or
solis similiter
velut caput
vt officiosa
exhibeant, &
fæ Regine
tiam laudem
dum iugi m
tillant. Fi
solum in om
ptura sacra
gelos, & sup
hæc Virgo lu
norum cunct
luna, quæ r
nauentura l
nostra omnia
diuise, unde
mea. Neque
teceit, sed
entiam omni
sola inter om
luna similim
in illa comple
luc solis.

Vel dicam
ni propter be
pit. Nam si
huic mundo
Christum dicit
nisi sacrosan
plentudinem
Tom. IV.

quanta lucis plenitudine in sua creatione primum visa luna fuerit, respondet denique creatam fuisse à Deo perfectam & confertam lumine, quantum orbis illius capit, Dei enim perfecta sunt opera omnia, *Et videt Deus cuncta, quæ fecerat, Et erant valde bona*, ut habet primum caput Genesios. Iam si omnia quæ Deus à principio mundi fecit, fuerunt umbra illius, quod in lege gratiæ explendum erat, veraciter affirmare cum Ruperto ubi supra posuimus, pulchræ Lunæ figurâ eleganter representatam Virginem, ac propterea quemadmodum Deus visibilem Lunam plenam luce creauit, sic ut illustrissimam, splendidissimamque se exhibuerit, quando primum prodijt, ita & copiosa gratiæ luce perfudit, & locupletauit viam multoq; præstantiorem Lunam Mariam, quæ illi parens futura erat. *Pulchra Et Luna.*

Est alia causa, cur Virgo cum Luna comparetur. Si oculos attollamus, videbimus quod Luna, quando plena, omnibus stellis splendore præcellit, & ad solis similitudinem magis accedit, ut proinde stellæ velut captæ amore pulchritudinis eius prodeant, ut officiosa vrbauitatis cultum, obseruantiamq; illi exhibeant, & tanquam conspicui cancelli tam venustæ Reginæ sint, non solum eam comitantur, sed etiam laudes illius festiuiter quodammodo cantant, dum iugi micatu circum illam quasi certatim scintillant. Figat quisq; similiter mentis obtutus non solum in omnes homines sanctos, quos stellas scriptura sacra vocat, verum etiam in sublimiores angelos, & supremos Seraphinos, videbique, quod hæc Virgo luce gratiæ, & virtutum, & celestium donorum cunctos longè amplius superat, quàm stellas luna, quæ tam confertim plena fuit, ut sanctus Bonauentura serm. 3. de B. Virgine dicat: *Domina nostra omnia habuit Dei dona, quæ in sanctis alijs sunt diuisa, Unde dicit, In plenitudine sanctorum detentio mea.* Neque solum sanctis, & Angelis omnibus antecelluit, sed etiam tantam plenitudinem, & affluentiam omnium donorum Spiritus sancti habuit, ut sola inter omnes creaturas tanquam altera quædam luna simillima fuerit æterno soli verbi incarnati, & in illa completum illud Isa. 30. *Erit lux luna, sicut lux solis.*

Vel dicamus, quod nomen Lunæ conueniat virginis propter beneficia, quæ vnusquilibet ab illa recipit. Nam si luna tanquam æmula solis suum lumen huic mundo inferiori abundè affundit, quis post Christum dicat sanctam Ecclesiam gratijs, & donis, nisi sacrosancta virgo illius parens? *Totius gratiæ plenitudinem posuit in Maria, Et proinde si quid spes in*

Tom. IV.

nobis est, si quid gratiæ, si quid salutis, ab ea nouerimus redundare, inquit mellifluus Bernardus serm. 3. de Virg. natiuit.

Vel denique dicamus, quod virginis nomen pulchræ Lunæ, cuius incitatissimus est cursus, aptè conuenit, eò quod sollicitè, ut sanctus Anselmus lib. de excell. virg. cap. 6. ait, procurat, & confert diuinas gratias. *Pulchra Et luna.*

III. Verum progrediamur vltra, & consideremus illam similem serenissimi solis in sua natiuitate. *Electa Et sol.* Et magna est vtriusque affinitas. Nam ut hic sol, quem videmus, transiens cœnum, & sordes terræ, nihil ex eis inquinatur: Ita magna hæc Domina quasi nouus sol, quanquam nata sit ex Ioachim, & Anna parentibus, nihilominus mansit immaculata, & absque nœuo noxæ originalis, in quam omnes miserabiliter incurrimus, *Caro virginis, inquit S. Petrus Damianus in serm. de Assumptione, ex Adam assumpta maculas Adæ non admisit.*

Aut dicamus, quod instar splendidissimi solis in suo natali die eluxit virgo, eò quod velut cum sol in nostro horizonte appareat, omnes stellæ se abdunt, nec audent oculis se offerre, sic cum nouellus sol, virgo Dei mater prodijt, omnem lucem, & splendorem virtutis aliorum sanctorum obfuscauit. Hoc idem Cardinalis ibidem talibus verbis expressit. *Sol lucidius incandescens ita siderum, Et luna rapit positionem, Et sint quasi non sint, Et videri non possint. Similiter Et Virgo veri præsens luminis in illa inaccessibilis luce perlucens sic etrorumque spirituum hebetat dignitatem, Et in comparatione virginis nec debeant, nec possint apparere.*

Nisi mauelis dicere, quod Maria qualis sol quidam in sua natiuitate fuit, quod velut sol materiatus, cum horizontem nostrum ingreditur, totam terram illuminat, sic ex præsentia noui huius solis, benedictæ Virginis, inquam, non modò hæc terra inferior, verum etiam cœlestis Ierusalem omni ex parte tincta lumine fuit, de quo S. Bernardus ser. 1. de Natiuit. Virg. ita: *Maria præsentia totius illustratur orbis, adeo Et ipsa cœlestis patria clariùs rutillet virgineæ lampadis illustrata fulgoribus.*

Solis instar nascitur Virgo, inquit idem Bernardus in illud, *signum magnum, Et c.* nam si magnus ille planeta in hemisphærium nostrum aduenit, ut omnes luce suâ communiter, ac prodigè perfundat, iuxta illud euangelij de illius splendore sic pronuntiantis: *Qui solem suum eriri facit super bonos Et malos, Matth. 5.* Magna hæc Domina etiam nascitur, ut lucem diuinæ gratiæ clarissimam, & beneficia

S

cia

cia ecclesiā omnibus impertiat fidelibus, bonis, & improbis. *Maria omnibus finem misericordia aperit, Et de plenitudine eius accipiant vniuersi, capitiuū redemptionem, aeger curationem, tristis consolationem, peccator veniam, iustus gratiam, angelus latitiam,* inquit Bernardus.

Ad extremum solis nomen datur Virgini, quia sicut ea est præstantia solis, vt similem inter stellas, & planetas nullum habeat, vel etiam æqualem, sic hæc virgo gratia, donis, dignitate, ita omnibus creaturis excellit, vt nulla venire in comparisonem illius queat. Atque vt Rupertus lib. 6. in Cant. ait: *Vna est electa, quia nec inter angelos, nec inter homines similem, vel primam habet, nec sequentem est habitura.*

IV. Absoluamus sermonem, Auditores. Nascitur hodie Virgo, vt sit omnibus nobis fidelibus instar optimè ordinati, & ab inuitis militibus copiosè instructi exercitus contra infernalium dæmoniorum insidias. *Terribilis Et castrorum acies ordinata.* Cant. 6.

Tam sanguinolentum, & crudele bellum fuit inter Adamum humanæ generationis parentem, & antiquum serpentem in campo paradisi terrestris, vt factor corporum occisorum etiam nunc sentiatur, perduraturusq; sit in tempus mundi extremum. Verum quam malè habere pars satanæ incipit, cum diuinus Mariæ exercitus prodit tam numerofo, & robusto, & bellandi perito milite instructus, vt solo aspectu perterrefaciat, & exanimet, inque fugam conijciat inimicos! *Terribilis Et castrorum acies ordinata.* Itaque tam formidabilis exercitus fuit Maria, vt infernales dæmones eminè tam videntes, metu correpti fugam arripuerint. *O sanctissima filia in matris tui conspicua rebellibus angelis formidabilis!* exclamat S. Ioannes Damascenus serm. 1. de Nat. Virginis. Et Richardus de S. Victore in c. 6. Cant. ait: *Etiā ipsi principibus tenebrarum terribilis fuit, Et ad eam accedere non præsumpserunt.*

Virgo igitur exercitus fuit, in quo tot erant milites, quot illa habuit virtutes heroicas, & excellentes perfectiones. Tot hostes fudit, & confecit, quot peccata subegit. Vicit dæmones, & interemit hæreses. Tot reportauit victorias, quot suo patrocinio saluauit animas. Exercitus fuit, qui sic fregit tartareas inferorum legiones, vt sanctus Damascenus plurimū admirabundus dicat vbi supra: *O sanctissima, quæ principatus, Et potestates fefellisti, atque ignea maligni tela exinixisti, quæ in Spiritus sancti thalamo conseruata es, atq; immaculata conseruata in Dei Spem.*

Sam. Merito ergo sancti Angeli, cum illam in hoc terræ nostræ humile solum aduenire viderunt, dixerunt: Quæ est ista, quæ progreditur quasi aurora con-surgens, pulchra Et luna, electa Et sol, terribilis Et castrorum acies ordinata. Cant. 6.

Tunc sanctus David robur suum ostendit, quando 1. Reg. 17. c. solus, & inermis non alio, quam fundā, & lapide percussit, strauit, terræque gigantem Philisthæum affixit. Quoties cogitationi meæ occurrit Anna, quæ fascijs Mariam dominam nostram inuoluit, videre mihi videor in funda mysticum lapidem Mariam, quem primo notet, postea iaciat, & in caput infernalis gigantis impingat, sic vt illam in terram deiiciat, iuxta illud diuini oraculi: *Ipsa conteret caput tuum;* Gen. 3.

Vide hic, Salomon, mulierem fortem, inquit S. Bernardus homil. 2. super *Missus est*, quam tanto studio perquisiisti, cum dicebas: *Mulierem fortem quis inueniet?* Prov. 31. Quæ namq; maior fortitudo, quam illius, quæ fascijs etiamdum inuoluta perterrefaciebat inferos, vincebatque, & dissipabat, & fugabat omnes tartari copias?

Neque hic finis victoriarum illius, quia & ipsum Deum inaurato sui amoris spiculo victrix sauciavit, quod ipse faretur, dicens: *Vulnerasti cor meum, soror mea sponsa, in vno crine colli tui;* Cant. 4. Ipsa nimirum à quo inter fascijs vixit, Deum amare cepit, & ardentè, atque effusim dilexit.

Sed eheu, iste Virginis erga Deum amor nostræ nos ingratitudinis commonefacit. Cum MARIA ab incunabilis amandi Deum initium fecerit, immò & antè, quando nos illum amare incipiemus? Con-sensuimus iam, & pedem alterum in tumultu habemus, & nondum illius amandi cogitationem concepimus, qui tamen obligamur illum ex toto corde, & anima tota diligere. Recordabatur Sanctus Augustinus, lib. 1. Confess. c. 9. quam malè fecisset, quòd Deum non statim à primulis vitæ suæ horis amasset, & seriùs illum nouisse dolebat, dicens: *Serò te amauit, pulchritudo tam antiqua, serò te amauit.* Sed habebat ille qualemcūq; excusationem, eam nempe, quòd Dominum tardiùs nouisse cœpisset. Nos tale nihil obtendere possumus: Nam vt Sanctus Greg. lib. 9. Moral. c. 7. dicit, *perè à matris utero ad fidem venimus ab ipsis incunabilis.* Et potum sancta predicationis sumpsimus cum lacte carnis. Propè simul & balbutire, & Deum nouisse, deque illo loqui cœpimus, neque tamen amauimus. O te beatam Virginem, quæ illum tam tempestiue & cognouisti, & dilexisti, & corde tuo donasti!

Sed priusquam coronidem sermoni huic meo imponam, illud volo cum Sancto Gregorio Nysseno ex orat. eius de Christi Natiu. notetis, quod postquam Mater Dei in lucem mundi est edita, impo-
situm illi fuit dulcissimum nomen **MARIE**, quod significat Dominam. Voluit autem Deus sic eam vocari. Et decebat ita fieri. Nam alijs charis ser-
uis suis voluit Dominus imponi nomina, velut Isaac, qui figura Christi futurus, & Ioanni Baptista, qui præcursor illius destinatus erat. Magis ergo ratio postulabat, ut & illi nomen à Deo veniret, quæ ad hoc nata fuit, ut Deum mater pareret. Sic enim habet S. Bernar. epist. 174. *Quod vel paucis mortali-
um constat fuisse collatum, fas certe non est suspicari, tanta Virginitate negatum.*

Deinde imponere nomen rebus solum ad eum spectat, qui perfectam earum habet cognitionem. Cum ergo aptum, convenientisque nomen designan-
dum esset Matri, quæ Deiparens futura erat, quis non videt, id ab alio, quam Deo ipso fieri non debuisse, qui solus nosse poterat magnam perfectionem, & excellentiam, quacum illam creauerat?

Postremo cum nomen Matris Dei deberet esse potentissimum, sanctissimum, & amabilissimum, quod & Angeli, & homines, & demones reueren-
tur, adorarent, tremarent, congruebat ut aliquid & ex potentia Patris, & ex sapientia Filij, & ex bonitate Spiritus Sancti haberet. Propterea deuotissi-
mus Idiota lib. de contempl. virg. c. 5. aiebat: *Dedit tibi, MARIA, tota Trinitas Nomen, quod post Nomen Filij tui est super omne nomen, in Nomine tuo omne genu flectatur, celestium, terrestrium, & infero-
rum.* O nomen potens, nomen sanctum, nomen amabile!

Quid verò de virtute huius Sanctissimi Nominis dicam? Tres inuenio huius Nominis effectus singulares. Primus est, quod indignationem Dei mirabiliter placat. Hæc fortè causa est, ob quam Sanctus Petrus Chrysologus serm. 156. vocat Nomen **MARIE** *sacrosanctum Dei*, quia sacrificia instituta sunt ad conciliandum Deum, & impetrandum gratiam, quomobrem David dicebat: *Sacrificate sacrificium iustitiae, & sperate in Domino*; Psal. 4.

S. Anselmus maius aliquid dicit de efficacia Nominis **MARIE**, idque lib. 5. de excellentia Virginitatis c. 5. his verbis: *Velocior est nonnunquam salus inuocato Nomine MARIE, quam inuocato Nomine IESU* Filij sui, non quod Virgo sit maior, vel potentior Filio, sed quia dum oratio proponitur in Nomine Filij, ille tanquam index discernit merita sin-

gulorum, & nonnunquam non vult concedere beneficia gratiæ suæ, verum quando exhibetur in Nomine Virginis, *et si merita inuocantis non merentur, et exaudiantur, merita tamen Matris intercedunt, et exaudiantur.* In Nomine **MARIE** Deus considerat quantum debeat illi, & pro compensatione concedit illi gratias, quas pro suis cultoribus exposcit.

Secundò emollit dura, & obstinata corda peccatorum. Id affirmat sapientissimus Idiota ubi supra his verbis: *Tanta est Virtus tui Sanctissimi Nominis, o semper benedicta MARIA, quod mirabiliter emollit, & penetrat durissimam cordis humani.* Corda autem sic emollita conuertuntur ad Deum, pœnitentiam agunt de suis peccatis, & impetrant salutem.

Tertiò expellit dæmonia. Hac de re sic ait Sanctus Bernardus citatus à Richardo de S. Laurentio de laudib. Virg. *Non ita metuntur hostes visibiles quamlibet multitudinem castrorum copiosam, sicut aërea potestatis MARIE Vocabulum, patrocinium, & exemplum.* Quid ergo non debemus sperare ab auxilio huius Sancti Nominis, si deuotè illud inuocauerimus, maxime in tentationibus? Propterea honoremus illud, & reueremur ut debemus.

O **MARIA** Sanctissima! o diuina puella à paucis horis nata, sed à multis sæculis expectata. Beata illa hora, quæ te vidit nasci, beati oculi, qui fuerunt primi tuæ pulehritudinis spectatores, beatæ aures, quæ primum tuum vagitum audierunt, beatæ manus, quæ te exceperunt, felicissima labia, quæ tibi prima libare oscula meruerunt, beatum os, quod primum plantum tuum quacumque cantus festiuitate sedare studuit.

Nata fuit, Auditores, magna hæc paradisi regina non in superbo palatio, sed in tenui, humilique domuncula, ut per omnia similis esset filio suo, qui mundum ingredi in paupere tugurio voluit. Inuoluta autem fuit non pretiosis fasciis, sed vilibus pannutiis, quanquam esset imperatrix designata hominum, & Angelorum. Sed o Pater æterne, cur in tanta paupertate nasci sinis filiam tuam? Et tu Fili Patris coæternæ, cur permittis ut tam tenuia habeat vitæ primordia, quæ futura est mater tua? O sanctissima domina Anna, ne relinque in terra illam, quæ magis digna est cælo, sed a vagitum, & absterge lachrymas illius, quæ est risus paradisi, lacta eam, quæ lac præbitura est Dei filio, complectere, & stringe, & fove brachiis tuis quæ omnipotentem Deum suis brachiis complectetur, stringet, fovebit.

Bene autem veneris, Regina paradisi, sis benedicta millies, & amplius, o gratiosa puella, quæ tuâ nos inuisere præsentia es dignata. Non iam post hac mundus est desertum, sed hortus, non carcer, sed regnum libertatis. Vtinam o vtinam anima mea sciret quâ tibi re gratificari aut seruire posset. Vtinam intelligeret, quid tibi acceptum. Virgo gratiâ plena salua animam, fac illam tuâ infantia humilem, fac tuis lachrymis, vt illa deploret culpas suas. Salua tu illam, quia potes, & vis, & omnibus nobis, quotquot hic me auscultant, imperti tuam sanctam benedictionem. *In nomine Patris, & Filii, & Spiritus sancti, Amen.*

De eodem Beatissimæ Virginis Natæ.

Autore Interprete.

Egredietur virga de radice Iesse, & flos de radice eius ascendet. Isaia II.

Avditores hodie de stirpe Iesse virga Virgo producit Regem parituram supremum, quam mens superiore Augusti terræ cælo, at die hodierno cælum terræ peperit, vt post hæc suum terræ germinaret saluatorem. Debebat hoc mundus cælo, vt redderet, quam scenori cælum modò dederat, hac ingentis spe lucri, vt nobis agnum pateret, sed qui perditas oves in perditissimum spirituum vacuas cæli sedes hinc subueheret. Quo autem die gloriosissimam Virginem cælo solem nostrum transcripsit, supernorum gaudia ciuium capisset sine dubio cumulaui incrementis. Hac enim est, cuius saluationis vox & ipsum exultare fecit in gaudio, quem maternâ adhuc viscera conclusum tenebant, Ioannem. Quod si paruulus nec dum natus animaliquefactus est, & Maria locuta est, quid putamus quam illa fueris celestium exultatio, cum & vocem audire, & videre faciem, & beatâ eius frui præsentia merueris? quæ ferè totidem verbis ex mellifluo Bernardi ore accepi ser. 1. de Assumptione. At fuerit superiorum de Reginæ suæ in cælis ortu quantacunque exultatio, potiores tamen habuit, ac iustiores lætitiæ causas orbis, cum in terris nata fuit, quæ mater Saluatoris destinata. Homo enim in honore esset, vitamque ex voto & voluptate beatam in paradiso Dei ageret, non intellexit, rapinamque Deitatis meditatus, cum esse optaret similis altissimo, comparatus est tumentis insipientibus, adeo non pro-

intentato furto solum, sed & pro ingluuie, violatæque abstinentiæ præcepto, qualis bruta pecus in bestiariam stabulum (ita mundum ex SS. Damasceno, & Thoma nostro noster Vincentius vocat) damnatus, libertatis suæ vindicem quamdiu, tam agrè expectabat, tam turpi ergastulo inclusus spem aliquando euadendi accepit, quando tunicas pelliceas a benigno Iudice indutus, de lana diuinare capit ouiculam parentem agni futuram, qui cum olim coram tendente se obmutesceret, vellendumq; ac macrandum se præberet, tum simul pro libertatis liero sanguinem offerret.

Hic inter fletum, & risum positus Adam, vtri primas, aut plures indulgeret, dubitabat. Vtunque tamen illi acerba acciderit domicilii deploranda commutatio, & parum dignam homine communis cum pecorib. habitatio, permulcebat tamen vehementer animum, atque in risum proritabat, quando in vestis suæ vellere vellus iam Gedeonicè videre sibi videbatur, quod hodie in area mundi primum est expansum. Abraham exultauit, vt diem hunc videret, vidit, sed tam procul inde tam diu autè, tamq; illud obscurè, quam pauca agni Dei lineamenta in ariete vepribus impedito arbitrari potuit, & gaudius tamen est de vmbra, qui videndi corporis quamquam spem haberet, tempus tamen nullum sciebat.

Dauidi Nathan semen sempiternum, & posteritatem ex Maria in Christo perennaturam pollicebatur. 2. Reg. 7. tantosque is ex tali promisso animos sumpsit, vt demùm cor inuenisse putaret, quo iam quiduis aliud à Domino non expectare modò, sed & petere auderet. Posteriorum sæculorum homines, cum sæpè modicum expectare, & messis sospitatoris propinquantem aduentum tantisper præstolari hortatu Prophetarum monerentur, vel tantæ moræ impatientiâ, vel ærumnarum magnitudine, vel diuturnæ, atque indignæ captiuitatis tædio victi, ac fracti, demùm vates suos, vt vult D. Hieronymus, talibus verbis subannabant: *Expecta, reexpecta, expecta, reexpecta, modicum tibi, modicum tibi*, tanquam illos verbis suis luderent, quibus velut per iocum illi vates etiam spem vanam messis, ac Virginis matris eius fecisset. Hodiernum diem vixissent tum illi, tum Adam, Abraham, Dauid, & quotquot natalem Virginis Deiparæ præcesserunt, noua lux illis oriri visâ esset, multo sanè magis, quam Iudæis, quando Hesteris & Mardochæi beneficio Assuerum & sibi demeruerunt, & in hostes efferarunt, vt quo Iudæos perdere, & perimere destinarent, eodem illi perirent supplicio, & ferrent, quam inferre cogitarent

rant necem, quemque aliis dixerant, haberent ipsi fatalem diem, verè lux noua iis oriri visa esset, si visa oriri Maria: quæ vbi primum appetiit, maiora exemplò beneficia mundo contulit, quàm lux illa vetus, ac prima antehac vel vidit, nisi fortè digniùs aliquid summi Dei Matre sol ille ante hunc diem aliquando est arbitratus.

Expleuerit, illustrarit, adornarit radorum suorum splendore inanem, obscuram, inuestem terram lux vetus, ac prima: Hæc lux noua nubem excitauit, quæ inaccessibilem solem iustitiæ carnis suæ velo obtexit, itaque humanis temperauit obtutibus, vt deinceps nobis conspicuus esset, quem ante hæc nemo vquam viderat, nec videre quisquam saluà visâ poterat, non enim *Videbit me homo* & *viset*, aiebat iam olim familiari suo Moyfi.

Noua, quin nouissima lux oriri visa fuisset Isaïæ, si virgam de radice Iesse progressam, si florem ascendisse coram videre datum esset, qui cœlos dirumpi optabat, & cum suis luminibus extingui, nihil illorum vel orbium, vel siderum interitum arbitratus, dum videre modò hac luce virgam, & florem, quos dixi potuisset.

In his Isaïæ verbis duo mihi nonnemo obscure subindicauit, magnam gratiam initurus, si luculenter exposuisset. Primum illud est, cur flos ascendisse, idque de radice magis, quàm de ramo, feratur. Alterum cur virga egressa dicatur. Hæc ego hodie indagando persequar, quæ tametsi difficilè assequar, beneuolentia tamen vestra, & audiendi auiditas faciet, vt maiora viribus & tentare ausim, & efficere possim, si etiam tua, ô magna Dei parens pietas, quam suspiro, piis conatibus aspiret.

Egredietur virga, &c.

Virgo Dei genitrix Virga est, flos filius eius. Decantauerit, & persuaserit hoc nobis ita Ecclesia, & illud statim inquiramus, cur flos ascendisse, idque ab ipsa radice, ac de radice Iesse, magis, quàm Davidis ascendisse feratur. Mirum enim videtur, quòd de radice dicitur flos ascendere cum potius è ramo, aut virga protuberet, inquit ferè noster Hugo, in cap. 11. Isaïæ, qui me singulari beneficio ornasset, si duab. rationibus, quas huc adfert, tertiam aliquà instituto meo commodam adiunxisset. Modernus quidam scripturæ non vulgariter peritus Cornelius à lapide existimat, quòd ob id flos Christus de radice Iesse oriundus dicitur, quia sicut Regnum Davidis ex humili Iessæ stirpe est natum, sic etiam fuerit ex humili Christi prosapia restitutum, Dei

enim est ista potentia, de minimis facere magna. Omininò *excelsus Dominus humilia* semper beneuolus respexit, *suscitauitq. de puluere egenum, & eleuat de stercore pauperem, & sedeat cum principibus orbis terrarum, & solum gloria teneat.*

Postquàm semel mundum è nihilo, è limo terræ hominem condidit Deus, amat deinceps vel è nihilo, vel ex abiecto puluere omnia creare, hoc est, homines, qui suâ existimatione vel nihil sunt, vel terræ puluere nihilo meliores facere maximos. Primus credentium Pater primum, *Abram*, hoc est *Pater excelsus*, dein *Abraham*, siue *Pater multitudinis est dictus*. Genes. 18. Puluis suâ opinione ille erat, quia *loquar ad Dominum*, aiebat, *cum sim puluis, & cinis*. Ex hoc puluere in tantam sublimitatem illum Deus fastigiauit, vt Pater excelsus, & multitudinis caput, & omnium credentium vertex fieret. *Quomodo miseretur Pater filiorum, misertus est Dominus timentibus se*, inquebat David Psal. 102.

14. tanquam dixisset: Velut Pater omnes conatus suos huc conderit, vt liberi illius quàm optimi euadant, & emergant, ita Dei misericordis studia huc respiciunt, vt homines miseròs erigat, ac sublimes educat. Vnde verò ille huc tam propensus? Quia *cognouit figmentum nostrum, & recordatus est quoniam puluis sumus*, & quos semel è puluere finxit, eosdem è puluere amat deinceps semper erigere.

Educere verò è puluere suo humilia tam vehementer amat, vt nonnunquam in cineres redire aliqua sinat, vt inde ea rursus excitet. Sic nimirum ait de illo iterum David: *Auferes spiritum eorum, & deficient, & in puluerem suum reuertentur*, verum non relinquentur in puluere suo semperiternum conquiescere, aut etiam computrescere, sed *emittes spiritum tuum, & creabuntur* (de puluere velut de nihilo rursus formabuntur) sed iam augustiora, & præstantiora, quia *renouabis faciem terra*, decentiusque ornabis resecta, quàm facta.

Discamus hinc initio statim humiliare in puluere animas nostras, vt sæpè originis nostræ luteæ memores descendamus in infernum, hoc est, sepulchrum nostrum viuentes, & hoc nos esse iam cogitemus, quòd certò futuri sumus, itaque ex hac pulueris nostri humilitate, ex hac putredinis nostræ vilitate à Domino in sublimem gratiæ dignitatem excitati, demum hinc in ipsam gloriæ maiestatem assurgamus.

Videtur mihi ea etiam de causâ in Iesse ignobilem magis, quàm in Dauidem Regem primordia sua reuocasse per os Isaïæ Dominus, vt doceret nos

humilia confectari, quos cupide sublimes facit, neque ex Parentibus querere gloriam alienam, sed magis gloriose factis conflare propriam.

Duplex erat Christo generatio, vnâ ex matre homine, altera ex Patre Deo, sed filium hominis à cognitione inferiore, sed per omne passim Euangelium Christus nominat, qui venerat vt filius Dei crederetur, & id credentes faceret saluos. Et quamuis filium Dei se factis ostenderit, adeo credi & merito suo, & commodo nostro voluerit, hominis tamen filium passim seipsum dixit, idque hoc documento, vt qui etiam præclaris facinoribus splendorem sibi nominis magnum excitauit, non proinde generis sui nobilitatem vanus ostentator facile iactet, ne hoc illi accidat, quod cuidam Episcopo, de quo Hugo nosse in cap. 9. Lucæ memorat, cum ambiciosius gloriaretur, decem è stirpe sua prodiisse Reges, & post septem non inueniret alios, tum quendam commodè subiunxisse: *Ego vero non tres alios Colonsa.* Nec modò nullam ex Parentibus suis laudem Christus captauit, sed neque probra eorum sibi probro duxit ipse probus.

Quid enim necessum fuit dicere: *David genuit Salomonem ex ea, qua fuit Vria*, hoc est, adultera? Poterat Bersabeam Salomonis matrem prorsum tacere, vt aliorum Christi Proauorum tam multorum matres tacerent, voluit tamen eam diuinus spiritus à viro, cuius thorum violatæ cognominare, atque ita turpis adulterii memoriam refricare, vt doceret, quòd nemo debeat erubescere propter Progenitores, sed dare magis operam virtute sua illos clariores efficere, & quòd omnes accepti sint Deo, etiam si è scorto nati, modò virtute sint præditi.

Ita pulchrè Theophylactus. Secus hac ætate à plerisque agitur, adolescentibus maximè quos Parentum, affinium, cognatorum pudet, si tenuiter yestiant, ac viuunt, quorum inter magnas diuitias maiora vitia nequaquam erubescerent. Sic & alii vt alios contemptui habent, & viles quos vilibus natalibus oriundos norunt, ita ab solis se maioribus illustres æstimant, tanquam Parentes sint etiam animarum Autores, omnemque suam seu bonam, seu malam indolem in liberos transfundant, & habeant virtutes, à quibus vitam, Discant à Christo quot tales vt ne pudenda quidam suorum flagitia sibi pudori ducant, paupertatem verò minimè erubescant, dum non pudenda, non erubescenda ipsi quoque agant, sed tunc se verè nobiles existiment, tamen si obscurissimis Parentibus natos, si Diuinæ imaginis apud se integritatem seruent tum diuites,

quamuis mendicabilis oriundos, cum meritorum ingentes cumulos animo repositos habent. Vide PPP. 241. o. & calcem illius c. Item Tom. 2. 186. o. & calcem illius Perichæ.

Christum adeo non dispuduit suorum siue tenuium, & pauperum, siue inceptorum, & adulterorum, & idololatrarum maiorum, vt per hos non modò ortus sui lineam duxerit, sed ascendere sibi etiam visus fuerit. Hoc mysterium admirabatur noster Hugo, quòd Christus flos de Iessæa tam humili radice ascendisse dicatur, quasi hinc gloriæ incrementum fecerit, quòd à tam ingloriis maioribus ortus fuit. D. Bernardo hoc tam nihil mirum est visum, vt putârît aliter ascendere non potuisse, nisi ita primùm descenderet. Sic enim habet term. 2. de Ascen. *Christus cum per naturam Diuinitatis non haberet, quo cresceret, vel ascenderet, quia Vtriq; Deum nihil est, per descensum, quomodo cresceret, inuenit*: Nam cum in forma Dei esset æqualis Deo, nec assurgere supra illum posset, exinaniuit semetipsum, formamque serui induit, sub qua dum altissimam suam Diuinitatem vsque ad infima mediastinorum ministeria demisit, viam inuenit, quâ ascenderet, & obtineret nomen, quod est super omne nomen. Hominis infimi hanc illi gloriæ occasionem ministrârunt, dum sibi ab illo ministrari sunt passi.

Sit hoc mirum, at non certè notum, iam olim enim propè ad æmulationem, vt sic loquar, ex hominibus extremis, & peccatoribus ascendere, & fieri magnus tam magnoperè cupiit, vt nec Dauidem, hominem secundum cor suum, priorem se, & antiquiorem hac in re esse voluerit. Animos huc aduertite, quosquos rei alicuius bonæ, & selectæ auaritas tenet.

Reputabat Propheta poenitens aliquando secum, quàm indignè fieret, quòd ipse quidem domum cedrinam habitaret, arca verò in medio pellium, loco humili, & obscuro posita esset, doctusque religione neglectæ obseruantia Dei, & consensu Nathan Propheta regiam Domino si non illius maiestate dignam, at suis viribus, & sumptibus parem excitare constituit. Non displicuit Domino religiosi animi votum, ac propositum, factum tamen adeo non probauit, vt diceret: *Nunquid tu edificabis mihi domum ad habitandum?* Premite illud, tu, in quo tota conceptus energia est posita. *Nunquid tu mihi edificabis?* Et quid est, quod ais, Domine, nunquid tu mihi edificabis? Fortean is est Dauid, vt vnus

vnus ille talem mereatur repulsam, cum talem meditatur operam, & sint eius vltionea tam vilia officia? Et quo hoc loco reponam, quod vt pronam eius voluntatem exemplo remunereris, promittis velle ex illius posteris Diuinitati tuæ humanitatis excitare domicilium, & homo ex illius prosapia hominibus fieri, nec permittis vt voluntatem in opus explicans, domo domum vtcunque mereatur? Zelus quidam est, Auditores, quod cum Dauide hic agit Deus. *Conuenerunt ad Dauidem*, vt habet sacer Historicus 1. Reg. 22. 2. *omnes, qui erant in angustia constituti, & oppressi a re alieno, & amaro animo, factusq; princeps hominum talium pauperum, afflictorum, obxatorum, illorum ope copiam opum, quibus suscitare Domino domum; ac sibi gloriæ hoc monumentum volebat, contraxerat. Et Dominus: Nunquid tu adificabis mihi domum ad habitandum? Tu, qui ab afflictis tenuibus, ærumnosis, miseris vis gradum facere, atque eò assurgere, vt cum basilica mea nominis tibi celebritatem immortalem extruas? Hanc ego mihi seruo prærogatiuam, vt à talibus ascendam, neque tibi paris gloriæ communio- nem permitto.*

Atque illa rudibus istis antiquæ, & antiquandæ legis sæculis. Tempore verò legis gratiæ tam altum ascendere sibi visus est, quoties ad extremorum hominum, hoc est, publicanorum, taliumque consuetudinem se demisit, vt hos velut ad pompam, & veræ choragium gloriæ per mundum circumduceret: Nam cum varios variis malis leuaret, familiaris cum aemine, quam cum publicanis, & peccatoribus (hoc est, miserorum miserimis) egit. Apud Zachæum putauit oportere manere, apud Matth. pransit, Magdalenam ad dissuauandos, irrorandos, tergendosque pedes admisit, esto primores plebis cum omni passim vulgo immurmurent. Tam ferid autem, & ambitiosè talium hominum captauit consuetudinem, vt eò magis ascenderet, quod humiliores & abiectiores erant, ad quos maiestatem suam inclinabat.

Quorsum hæc dicta putatis, Auditores? Eò hæc attuli, vt veræ gloriæ vobis iter aperirem, ostenderemque tunc quemque sublimissimum esse, quando ad extrema Dei officia sese demittit. *Elegi abiectum esse*, velut est in Hebræo, *ad limina federe in domo Dei, magis quam habitare in tabernaculis peccatorum*, aiebat magnus ex tanta humilitate David, tanquam ex Theodoretii commentario apertius dixisset: *Ita mihi domus Dei optabilis est, et malum in ea secl humi abiectus iacere, & ante iannas illius sol-*

tari, quam in magnis, & præclaris peccatorum adibus degere.

Nam minimis, & contemptibilibus pro Deo perfungi, gradus est ad maximam gloriam, teste vel ipso, quem dixi, Dauide. Saltabat is quondam totis viribus ante Dominum, tantumque non omnino nudus, ipse sibi choraules, ipse choragus cui vxor eius Michol tale probum his tam amaris verbis dicebat: *Quam gloriosus fuit hodie Rex Israël, discooperiens se ante ancillas seruatorum suorum, & nudatus est quasi si nuderetur vnus de scurris.* Ille verò, cum sciret quibus gradibus ad veram gloriam itur, hæc generoso pectore suo dignissima reposuit: *Et ludam, & vltor fiam plusquam factus sum, & ero humilis in oculis meis, & cum ancillis, de quibus locuta es, gloriosior apparebo.* Hic hic producere scænam, & exagitare superbiam & arrogantiam nostram poteram, quæ tanta est, vt iam non modò nihil gloriæ inesse arbitremur officiis Dei humilioribus, sed & verè gloriosa eius obsequia. Tanquam parum honorifica defugiamus. Officiorum, quæ Deo pendimus, præstantissimum facile, diuinissimumque est vnum missæ sacrificium. Vbi verò mihi apud nostrates inuenias non dico militaris, vel Patritii, vel inferioris ordinis virum, sed vel adolescentem, cui modò primat ingere mentum lanugo caput, qui Sacerdoti augustissimum hoc munus peracturo præferre librum, & quæ huc præterea spectant, ministrare velit? Dicite posthæc Hispanos superbos, apud quos vt quisque est nobilissimus, ita humillimè discogitur gladio, sacrificuloque non solum librum, & anpullas ad aram præfert, sed etiam cereos accendit, & per omnia promptissimè obseruit, denique etiam inclinato ad obseruantiam capite, ac poplite inter terrarum submisso reuerentissimè manus exosculatur, precatique benedictionem, nec antè abit. Vt ne dicam, quàm crebri Xenodochia adeant, egenisque ægris cibos suis manibus ministrent, quorum cum nos passim negligentes sumus, tam verè inglorii sumus, quàm sæpè falso illis superbia crimen affingimus.

Sed me nata hodie cælorum Princeps ad se vocat, iubetque vt cur illam virgam egressam de radice. Iesaja Ilias dixerit, paucis aperiam, tum Concionem dimittam. Obsequar seruus, Domina, sine tamen vt laudis tuæ quantulumcunque illud adiungam.

Vri radix omnis in terra, & ex terra viuit, ita Iesæ, & quotquot illius veteris Legis Professores in terrenorum amore toti erant, connubis, proli, o-

uibus, opibus, & copiis toto ore, & animo inhiant, & quorum filii sicut nouellæ plantationes, quorum filia compositæ, circumornatæ ut similitudo templi festo die, quorum promptuaria plena eructantia ex hoc in illud, quorum oues foetosa, & boues crassa, hos beatos & habebant, & dicebant.

Ab his egressa est nostra Princeps infans, quæ suâ Virginitatem Deo, quàm primùm per vsum rationis potuit, conceptio voto nuncupauit, & pauperem vitam vixit, etiam cum Deo filio ditata Mater, nisi fortè auaritiæ tribuisset, quòd par turturum pro filio obtulit (quod pauperes solebant) quæ totos pro illo mundi thesauros dependisset, si quæ ac turtures habuisset. Egressa est Maria de radice terrena, quæ rerum terrenarum copiis, ac desiderijs renuntiavit prius quàm videre terram cæpit, ut humum, & quæcunque ex ea sunt, prius animo calcârit, quàm vestigio. Verè virga egressa, *Virga gracilis propter rerum, & spiritus paupertatem, sublimis per contemplationem, recta per charitatem, leuis per peccati immunitatem, flexilis per compassionem, testis per solitudinis amorem, canes, id est, daemones arcens per orationem*, inquit noster deuotus, & Doctus Hugo, amplissimam mihi syluam aperiens, vnde laudū beatæ Virginis mater iam accipere queam, quantam huc adferre nequeo. *Virga gracilis fuit, inquit, propter rerum, & spiritus paupertatem, sublimis per ingenium contemplationem*. Immo ipsa illam gracilitas, hoc est, rerum, & spiritus inopia, sublimissimam fecit.

Visum fuit Ioanni aliquando signum magnum in cælo, mulier, quæ lunam calcabat, solem vestiebat, & capite coronam stellarum duodecim præferebat.

Quid sibi voluit signum? Magno hoc signo indicatum fuit, inquit rursus Hugo noster (ne parū sit quod ei debeamus) mulierem, quæcunque Lunam, hoc est, terrena omnia (quorum luna typus est) calcet, seu contemnit, dignam esse, quæ in cælo sublimis habitet, solemque induta, etiam stelleo diademate coronetur. Ergo virga nostra humili radice hodiè egressa etiam hinc fastigiatissima fuit, quòd gracilis, quòd tenui semper censu contenta, fabro lignario, homini etiam tenui nupta, tenuem semper fortunam non solum tolerauit, sed & amauit, tunc se omnibus superiorem arbitrata, cum in altissimæ, ut Apostolus vocat, paupertatis apicem euasit. Aut si in gracili, ac tenui virga eius paupertas spiritus, quæ est humilitas, adumbrata fuit, hæc illam supra quàm paupertas rerum extulit.

Humilitas Virginis vix consensit & possit computa-

ri, inter homines. Iam olim hoc apud Rupertum Commentariorum in Cant. lib. 3. legi, quod ita dictum accipio, quasi Maria tam sibi viluerit, ut infirmitates extremos, ac propè extrâ humanæ dignitatis terminos omnes sese abiecerit, ex qua tantâ demissione in tantam altitudinem à Deo euecta fuerit, ut vix inter homines censeri possit, quæ Mater Dei effecta etiam Angelorum Hierarchicos ordines tam procul transcendit, quàm propinqua Deo facta est, quæ illius dignissima Parens. Porrit in eam sublimitatem sese erigere, quæ tam altas radices egerat virga gracilis, virga leuis, enodis, glabra, quàm nulla peccati labes foedauit, aut deformauit, à quo illam nobis Anna Mater foelici partu affudit, de qua scilicet dictum fuerat Psalm. 45. *Adiuuabit eam Deus mane diluculo*, pro quo alii verterunt, *in ipso ortu matutino*, ut sancta esset, & immaculata vix dum concepta, ac tantum non simul nata, & ex Spiritu sancto renata, & quod ibidem subditur: *Deus in medio eius non commouebitur*, scilicet tam procul abfuit, ab omni peccato mortali, quo illum à se moueret, aut repelleret, ut ne minimo quidem, ac leuissimo veniali vel tantillum aliquando commouerit, aut concitarit. Neque tantum leuis, & enodis fuit, hoc est, peccati expert, quod in hac ægritudine naturæ imitari ægrè, ac ne ægrè quidem possumus, sed etiam flexilis, de quo nobis plurimum gratulari debemus, certi de facilitate Domine nostræ, quæ se ad omnes necessitates nostras misericordia Mater inflectit, ut & iustis perseverandi gratiâ impetret, & in extremo agone positos auxiliariis copiis aduersus hostes confirmet, & defunctorum animas è piacularibus flammis eximat, & tricerberum stygium procul à nobis arceat, & peccatores ad vitam meliorem, ac beatam adducat. Dixi. Amen.

De Annuntiatione Beatæ Mariæ Virginis.



*M*um audisset salutatione Angelî Mariæ, turbata est in sermone eius, & cogitabat qualis esset ista saluatio, Luc. 1. Tametsi plurimam, eamque amabilem lucem, ut videtur, per oculos, perque faciem, & corpus totum funderet, turbata tamen est non in vultu eius, sed in sermone, inquit Emisenus. Nihilurbationis maiestas angelici vultus animo purissimæ Virginis attulit. Quid ita? Non enim Angelum, sed verbum Angeli attendit, inquit ille rursus. Non quali-

qualitatem
bat, mon
tissima Do
234. G. 1.

Ita non
auditorum
eo, quod d
maximè at
verum an
Elias ex
nem accep
cùm alimor

Verbum
predicator
satores my
bent. Tu
tem, qui ta
fici.

Miner
nos, & tex
hilominis

Quanta
homines a
lona erat, e
diligebat I
retur, Gen
Raphaël
Tobias sen
tribus ellet,

quære merc
fluo tuo car
responsum
unt ad offi
quoties au
vitam, mo
attendamus

Iethro h
ses fecit om
vocem eius
ceret, sed q
nes.

Agar villi
Guentis cui
quando iux
Ecce an
tunc, cùm
illi à Deo ip
bius Emisse
verba sic ait
mone Virgini
Tom. IV.

qualitatem Legati, sed mandatorum, quæ perferebat, momenta attentissimis cogitationibus sapientissima Domicella penficulabat. PPP. 223. c. 2. & 224. c. 1.

Ita non quis dicat, sed quid dicat, attendendum, auditorum enim salus non in eo, qui loquitur, sed in eo, quod docetur, posita est. Ibid. 223. o. Non hoc maximè attendendum, vtrum Angelus sit, qui docet, verum an doctrina, quam tradit, angelica.

Elias ex corui rostro, vel vnguibus carnem, & panem accepit, nec curauit ab impura volucri nutrir, cum alimonia esset bona.

Verbum Dei est cibum anima (Gregorius) hunc prædicatores tanquam ministri Christi, & dispensatores mysteriorum eius, vt Paulus vocat, exhibent. Tu cibum, qui offertur, pensa, non offerentem, qui tametsi improbus sit, nihil id alimoniam officit.

Minerua naues reperisse fertur, vt ait Tertullianus, & texendarum vestium artem, & Christus nihilominus naui, ac vestitu vsus fuit.

Quanta inuenerunt brutæ pecudes, quibus nos homines ad sospitandam vitam vtimur? *Venatio bona erat, nisi non bonus Venator* Esau, adeoque illum diligebat Isaac, eo quod de Venationibus illius desce-
retur, Gen. 25.

Raphaëlem, qui se viæ ducem offerebat, rogabat Tobias senior, vt indicaret, de qua domo, aut de qua tribu esset, quem ille hoc responso coarguit: *Genus quæris mercenarij, an mercenarium ipsum, qui cum filio tuo eat?* Tob. 5. Dignum cælorum palatino responsum. Quid enim domus, tribus, genus faciunt ad officium, ad quod Raphaël expetebatur? Ita quoties audimus sermonem pitum, non monitorem, vitam, moresque illius, sed solam exhortationem attendamus.

Iethro homo ethnicus erat, & nihilominus Moy-
ses fecit omnia, qua ille suggererat, Exodi 18. audiit vocem eius, & fecit omnia, quæ dixit, & non quis diceret, sed quid diceret, auscultauit, inquit Origenes.

Agar vilis, & gentilis ancilla nomen videtur, & viuentis cuidam puteo dedit, quod Isaac reliquit, quando iuxta illum habitauit. Ibid. 224. 225. 226.

Ecce ancilla Domini, aiebat mater Dei summi tunc, cum maternitatis infinita, & immensa dignitas illi à Deo ipso per Archangelum deferebatur. Eusebius Emisenus apud S. Thomam in cat. aur. in ea verba sic ait: *Alius aliud quiddam in præsentis sermone Virginis extollet, hic quidem constantiam, hic*

Tom. IV.

obedientia promptitudinem, alius quod non allecta est tam splendidis, & arduis per magnum Archangelum promissa pollicitis, alius quod non excessit modum in dando instantis, sed aequaliter cauit & Eva leuitatem, & Zacharia inobedientiam; mihi autem humilitatis profunditas non minus conficitur admiranda. Omnino admiranda est humilitas, quæ cum Deo tam coniuncta fore diceretur, quàm est filio mater, in extremum ancillarum ordinem se deiecit.

Acute dictum à Nouarino in superiora Virginis verba, laudem iustis graue pondus esse, quo pressi magis inclinentur: Nam quod magis honorantur, & effertur, eò magis se contrahunt, ac demittunt; contra acuali, & parum modesti, qui laudibus intumescunt. Abrah. 100. o.

Vna domus Abrahæ debet rei vtriusque exemplum. Postquam ille varijs à Deo gratijs, ac promissis ornatus, collocupletatusque fuisset, *cecidit pronus in faciem*, Genes. 17. tanquam indignus esset, quem Deus tam insignitis donis supra alios extulisset. Verum Agar ancilla eius *videns se concepisse*, plus animo, quàm vtero intumescens *despexit Dominam suam*, Genes. 16.

Laudarat Christus quendam legisperitum à sapiente responso duobus, neque amplius verbis dicens: *Rectè respondisti*; Lucæ 10. Et quid ille? *Laudatus legisperitus à Salvatore, quod rectè respondit, in superbiam prorupit, nullum sibi proximum putans esse, quasi nullus esset ei in iustitia comparandus.* Ita Theophylactus, & Cyrillus apud S. Thomam.

Vultis nosse, quàm sancta mulier fuerit Sara? Inde id æstimare, quod eam in os laudare his verbis Abraham ausus fuit: *Novi, quod pulchra sis mulier?* Gen. 12. Indenè verò illius arbitror sanctitatem? Inde omnino, inquit Chrysostomus, dicens: *Considera quantum confidebat moribus mulieris.* Quantum? *Non timuit, ne fortè laudibus remissior fieret, neque timuit, ne ex commendatione pulchritudinis corporalis fœdari animo inciperet.*

Rogabat Moyse quendam Hobab cognatum suum, vt comes itineris, & ductor viæ esset, cuius peritus erat. Et ille: *Non cadam tecum, sed reuertar in terram meam, in qua natus sum*; Num. 10. Pulchra est Oleatri in hæc obseruatio dicentis: *Commune est vilibus, & infimis personis tanto magis tibi opem negare, quanto te magis viderint eorum auxilio indigere, atque inde plus effreri, unde amplius se demittere deberent.*

Defecerant quidam à Christo Discipuli, quando ille ad reliquos ait: *Nonne ego vos duodecim elegi, &*

T

gnus

Unus ex vobis diabolus est; Ioan. 6. Quare non magis laudauit hos duodecim; quod non cum alijs ab illo descivissent? Vel nonnullam laudem commeruisse videretur eorum perseverantia.

Cur ergo eam prætermisit? Respondet Theophylactus: *Si laudauisset, forte humani aliquid passus fuisset, factiq; arrogantiores existimassent, se illi gratificari propter comitacionem.* Vide ergo quantum fuerit in Sara muliere, quod non vereri potuit Abraham, ne ex commendatione suæ venustatis superbi-
ret, cum Christus timere Apostolis suis potuerit, ne ex dilaudatione suæ constantiæ fierent arrogantes. Ibid. 100. & 101.

De eadem Annuntiatione Be- atæ Mariæ Virginis S E R M O.

*Autore ALEXANDRO CALAMATO
Messanensi Clerico Italo.*

*Interprete F. Ioanne Freylinck Ordinis
Prædicatorum.*

*Ecce ancilla Domini fiat mihi secundum
verbum tuum. Lucæ 1.*



Elebratur hoc sacro die mysterium omnium, quotquot vnquam sancta celebrauit Ecclesia, gloriosissimum, sublimissimum, profundissimum. Fit solennis memoria diu expectatæ, vehementerque expetitæ pacis, quæ hodie semel inter hominem perduellem, & pietissimum Deum co-
luit, composito scilicet vetere bello, quod plurimis sæculis inter illos versatum fuit. Celebratur iucunda recordatio mundi suâ primùm infelicitate e-
uersi, & perdiri, posthæc verò erecti, & restaurati. Commonentur filij Adæ, quod non amplius audient illa pœnalitæ suspiria, & ardentia desideria ve-
rerum Patrum, inter quæ dum promissum cruciabi-
liter, præstolarentur Messiam, miserabiliter succla-
mabant: *Vtinam disrumperes calos, & descenderes,* Isa. 64. *Exurge, quare obdormis, Domine? Exurge, & ne repellas in finem;* Psal. 43. Ille verò nunc ma-
gis cantus personat, *Verbum caro factum est, & ha-
bitauit in nobis,* Ioan. 1. Atque vt verbo dicam,

verbi æterni incarnati, & Annuntiationis MARIÆ gloriosus anniuersarius celebratur. O, quàm felix tempus! Quàm fortunatus dies! Tempus reuerà plenissimum gaudio, & lætitiâ. Dies dierum alio-
rum omnium fortunatissimus. Tempus, quod inui-
diam mouere cuicumque alteri tempori possit. Dies, qui solus inter omnes alios dies palmam gloriosè reportat, & laudem.

Simul enim ac hodiernus dies illuxit, principium factum est nostræ salutis, & destructa mors, & resti-
tuta vita, & oclusus infernus, & reueratam celum, & catenis constrictus Satan, & libertate donatus homo. Et omnia hæc tam læta noua per Gabrielem ardentem Seraphim magnæ Dei matri hodie dulcissi-
mis illis verbis annuntiata fuerunt: *Ecce concipies, & paries Filium,* Lucæ 1. Quod tale fuit, quale si dixisset: Aduenit iam, ô Virgo inter omnes muli-
eres benedicta, fortunata illa hora, quæ ab annis æternis fuit destinata, vt intrâ purissima viscera tua compleatur ineffabile mysterium incarnationis verbi, tuque efficiaris illius vera, & digna mater.

Hæc Auditores, est hodiernæ solemnitatis summa, in cuius commendationem cum beneuolentis Dei auxiliari gratia ostendam, inter omnia illius opera, quæ extrâ se operata est summa illa, & sacrosancta Trinitas, profundissimam, & admirabilissimam esse Incarnationem Verbi. Id illa quippè, vt docet Angelicus Doctor 3. p. q. 22. art. 3. tanquàm in claris-
simo speculo plus quàm in alio quocunq; opere di-
uina elucet attributa. Videbimus itaque in quan-
tam hodie celsitudinem euectus sit homo per assump-
tam à Verbo humanitatem. Attendite, ego dicen-
di exordium facio.

*Ecce ancilla Domini, fiat mihi secundum
verbum tuum.*

Peractum, & nimis sublime semper arbitrati sunt sancti Patres, & Doctores Ecclesiæ hoc opus in-
carnationis Verbi, & annuntiationis MARIÆ. Hinc est, quod Paulus Apostolus incarnationem hanc verbi vocat *mysterium, quod absconditum fuit à sæculo, & generationibus,* Coloss. 1. Et sanctus Cyrillus Alexandrinus ait, fuisse *sacratissimum an-
gela,* & B. Petrus Damianus Serm. de Annunt. *no-
uum omnium honorum, iuxta illud Ierem. 3. Nouum fecit Dominus super terram, scævina circumdabit vi-
rum.* Et subscribit Mellissius Bernardus serm. 2. de Aduentu, dicens esse abyssum imperferibilem, & profundissimum puteum, ex quo nullam haurire

guttam

guttam humanā intelligentiā possit: *Abyssus impetrabilis est, inquit, & puteus altus, & in quo hauriam, non est mihi.*

Hinc est, quod Propheta Dauid (cui Deus nostræ sanctæ fidei reconditissima myteria manifestauit) cum de hoc Dominicæ Incarnationis sacramento in lege vetere agere vellet, in hæc verba prorupit Psal. 118. *Defecit in saltare tuum anima mea, siue vt alij legunt: Defecit & ad deliquium.*

Et in lege Euangelicā Ioannes Baptista, qui fuit sanctus, priusquam natus, se quoque ineptum fateatur dissoluendo modo duarum naturarum, diuinæ, & humanæ in vna hypostasi subsistentium, adumbrato in corrigia calceamenti, de qua ille dicebat: *Ipse est, qui post me venturus est, qui ante me factus est, cuius ego non sum dignus, vt solam corrigiam calceamenti cum;* Ioan. 1. In quæ S. Gregorius homil. 7. in Euang. ista: *Corrigia calceamenti est ligatura mysterij Incarnationis, calceata enim venit ad nos diuinitas. Ioannes soluere corrigiam calceamenti non valet, quia Incarnationis mysterium nec ipse inuestigare sufficit, qui hoc propheta spiritu agnouit.*

Profundissimum itaque, Auditores, est hoc mysterium Incarnationis Verbi, & Annuntiationis MARIÆ, ad quod nunquam humanus, ac ne Angelicus quidem intellectus penetrare potuit. Et cum sit tale, idcirco si quis ex ne quæreret, quod Angelum Virgo interrogauit, *quomodo fiet*, aut iam factum est *istud*? quomodo ista Dei & Hominis sacrosancta coniunctio accidit: quomodo persona, quæ ab æterno ex Patre absque matre nata, in terris ex Matre sine patre renata fuit? quomodo simplex quædam, & pura domicella facta est vera mater, & Virgo tamen ilibata, & intacta remansit: Quomodo Deus immortalis, æternus, immensus, infinitus, impassibilis factus est Homo passioni subiectus, mortalis, temporalis, mensurabilis, & intra vnius corpusculi angustias arctatus? Si quis cum S. Bernardo serm. de Annuntiatione seiscitaretur: *Quomodo summus omnium factus est imus omnium?*

Potsem difficillimæ huic quæstioni occurrere cum S. Augustino epist. 2. ad Volus. ac dicere: *Ne quæras modum, & ordinem naturalem, quando supra naturam sunt, quæ sunt.* Vbi & illa subiicit: *Fateamur ergo Deum aliquid posse, quod nos fatiari necesse est inuestigare non posse.* Fateamur quæ Deus in hoc mysterio est operatus, ea in cacumine tam sublimiter fastigiato posita esse, vt intellectus perungere ad illa humanus nequeat, & lingua omnis stupore celsitudinis illorum obmutescat,

Potsem item dicere cum Concilio Toletano 2. quod hoc mysterium non esset inexplicabile, si ratio illud humana demonstrare, aut similitudine quapiam dilucidare valeret. *Si ratione ostendi posset, non esset mirabile, si exemplum haberet, non esset singulare,* inquiebat Sacrosanctum illud Concilium.

Adiungite ad omnia dicta, quod Angeli, quotquot ij sunt, non eò pertingunt, vt illud perspicere, & intellectu assequi possint. Ita docet S. Dionysius Areopagita in lib. de diuin. nominibus c. 2. dicens: *IESU in carne apparitio & ineffabilis est sermone, & omni ignota intelligentiæ, ipsi quoque antiquissimorum Angelorum primatus non satis perspecta.*

Sed quid ego dico de Angelis? Ipsi quoque Angelorum Reginæ tunc, quando iam iam futura erat Mater Dei, tam obscurum ænigma fuit hoc mysterium, vt velut non intelligeret, à cælesti nuntio exquiret eius declarationem, dicens: *Quomodo fiet istud?* Quæ verba exponens Hugo Cardinalis, ait: *Quod potuit concipere, capere non potuit.*

Potsem denique cum S. Leone Papa dicere, aliter à nobis capi tam ingens sacramentum non posset, quam si ad sanctæ fidei subsidium confugiamus. *Viramq; substantiam in vnam conuenisse personam, nisi fides credat, sermo non explicat,* inquit ille in serm. de Natiuit.

Mihi satis est dicere cum Angelico Doctore Opuſc. 60. Incarnationem Verbi factam esse opere infinitæ potentie, incomprehensibilis sapientie, & bonitatis immensæ Dei. Quæ enim maior potentia, quam illius, qui duo extrema tam diffita, hoc est, Deum & Hominem intimè coniunxit? Quæ maior sapientia, quam ad complementum, & ornamentum vniuersi coadunasse primum, & vltimum? Et quæ maior bonitas, quam ea, quæ totam se diffundit, & communicat? In alijs operibus Dei videtur ad pondus, & mensuram distributa, in hoc tota impensa, & exonerata fuit. Propterea dixit Apostolus, in Christo inhabitare omnem plenitudinem diuinitatis corporaliter. Coloss. 2.

Et reuera, Auditores, quod hoc ineffabile mysterium Verbi Incarnati factum sit operâ diuinæ omnipotentie, hoc Dauid Psal. 79. indicauit, dicens: *Excita potentiam tuam, & veni.* Insinuauitque etiam Virgo benedicta istis sui Cantici verbis: *Fecit potentiam in brachio suo;* Lucæ 2. velut & hæc, & ille dicere voluerit: Cum hoc opus omnia reliqua tum naturæ, tum gratiæ opera transcendat, idcirco extraordinaria aliqua, adeoque infinita potentia requiritur, quæ illud perficiat.

Non volo hic dicere, quod maior in Deo vis potestatis exigatur ad producendam rem aliquam maiorem, seu perfectiorem, cum in actionibus *ad extra*, ut sacri Theologi aiunt, æqualiter se exerat, sed ex parte solius termini tantum.

Cum ergo magnum hoc Incarnationis Sacramentum terminetur ad rem omnium, quæ sub imaginationem cadere possunt, excelssimam, & sublimissimam, ad hanc, inquam, ut Deus Homo, Homo Deus fiat, hinc est, quod vocare possumus opus, cuius confessio diuinam omnipotentiam postulauerit. Et ad hunc sensum dixit Doctor Angelicus ubi supra: *Quid enim potentius, quam coniungere extrema summa distantia? Magna enim potentia fuit in coniunctione disparatum elementorum, maior in coniunctione illorum ad spiritum increatum.* Ad eundem modum loquitur S. Ioannes Damascenus lib. 3. de fide orthod. dicens, quod solo isto mysterio voluit Deus manifestare mundo vltimum terminum, quem diuina omnipotentia nobis benefaciendo attingere posset. Verba illius sic habent: *Nihil maius, quam quod Deus Homo factus est: Hoc vltimum est, quod Deus efficere potuit, amplius enim aliquid efficere non valuit.*

Hæc abyssus omnipotentia tam est profunda, ut non modò homines, sed etiam dæmones quantūvis scientiā suā in eam penetrare non potuerint, immò & ipsi Angeli intellectu affecuti non fuerint, sic ut Isaias nescius quomodo ab hoc se expediret negotio, diceret: *Generationem eius quis enarrabit? Isa. 53.* Quis magnitudinem, & abditissimos recessus & mysterium totum generationis, & incarnationis Verbi æterni vnquam explicabit? S. Ambrosius contra Nestorium postquam hæc verba expendisset putaretque rem istam peruidere amplius non posse, sic ait: *Mihi impossibile est generationis huius ferre secretum, mens deficit, vox silet, non mea tantum, sed & Angelorum, supra Cherubim, & supra Seraphim, & supra omnem sensum est.* Ineffabile itaq; Incarnationis mysterium per operationem diuinæ omnipotentia factum est.

Concurrit etiam ad idem sapientia Dei, quæ tametsi mille alijs modis perficere opus humanæ redemptionis potuisset, sciuit tamen inuenire commodiorem, & aptiorem cæteris omnibus, qui quamvis sufficientes fuissent, habuissent nihilominus nonnullas imperfectiones, ut docent sacri Theologi. Modus autem ille fuit quod vestigiū rude, ac scissile mortalis carnis nostræ palliastum, in qua cum tormenta varia, mortem denique subiret, pro iniuria,

quam nos homines Patri illius æterno irrogaueramus, de toto rigore iustitiæ satisfecit in sua persona, in qua coniunxit res tam longè distantes, quàm sunt temporale, & æternum, passibile, & impassibile, homo, & Deus, fecitque ut nobis peccata nostra per misericordiam condonarentur absque offensione diuinæ iustitiæ, iuxta illud Prophetæ: *Misericordia, & Veritas obuiauerunt sibi, iustitia, & pax osculata sunt; Psal. 84.* Quod totum expendens S. Augustinus lib. 13. de Trin. c. 10. aiebat: *Ostendamus non alium modum possibilem Deo defuisse, cuius potentia omnia aequaliter subiacerent, sed sananda miseria nostra conuenientiore modum non fuisse.*

Præterea diuinæ bonitati ferre acceptum debemus hoc maximum Incarnationis opus. Nam cum bonum, ut habet S. Dionysius lib. de diu. nom. c. 4. ex sua natura sit communicatiuum, & diffusiuum sui, propterea cum Deus esset infinitè bonus, infinitè se communicabat. Et non contentus communicationibus illis æternis, quæ reperiuntur in diuinis, & à sacris Theologis vocantur *ad intra*, ubi Pater communicat infinitam suam naturam Filio æterno, & ambo simul Spiritui S. voluit etiam communicare se homini *ad extra* per Incarnationem & facere se nostri similem, hominem passibilem, & mortalem, eaq; re ostendere, tanto ardere desiderio communicandi se nobis, ut quod fieri in diuinis non poterat, fieret in humanis, & suam personam intimè naturæ coniungeret humanæ.

Nec defuit ad huius sublimissimi operis executionem misericordia diuina & pietas. Miseratus enim Deus nostras ærumnas, & infelicitates, hodie in terram venire, & fieri homo dignatus est. Vide quàm egregiè hoc Paulus 1. Tim. 3. 16. astruat, ubi sic habet: *Manifestè magnum est pietatis sacramentum, quod manifestatum est in carne.* Et Zacharias Propheta vaticinatus fuerat Lucæ 1. *Per viscera misericordia Dei nostri, in quibus nos visitauit oriens ex alto.* Et quanquàm in isto Incarnationis ineffabili mysterio admirabiliter dicta attributa eluxerint, amor tamen primas tenet, omniaq; transcendit. Charitas quippè, quæ in eius pectore ardebat, illum permouit, ut fieret homo. Et cum amor, ut S. Dionysius ubi supra docet, magnam coniungendi vim habeat (*amor est vniuersus*, inquit ille) diuinusq; erga hominem amor tam esset ingens, & superabundans, hinc factum, quod voluit non solum per gratiam, & visionem beatificam, verum etiam personaliter illi vniri & copulari.

Non recordamini, Auditores, publicum illud editum,

Autum, quod promulgauit Sanctus Ioannes Euangelista, quando ait: *Sic Deus dilexit mundum, ut Filium suum unigenitum daret*, Ioan. 3. ijs verbis, ut S. Ioannes Chrysostomus hom. 27. in Genesin ait, voluit declarare affectum amoris expectoralem, qui adegerit verbum ad suscipiendam carnem humanam, idedque vsus fuit illa particula *sic*, quæ cum cæteris verbis hunc facit sensum: Tam enixè, tam sublimiter, tam ineffabiliter Deus amauit hominè, ut illi Filium suum unigenitum dono obtulerit. *Sic Deus dilexit mundum, ut Filium suum unigenitum daret*. Neque mens sufficit, neque mens valet enumerare, (inquit Chrysostomus) nam quantumuis dixerò, multò plus prætereo. Hoc voluit Paulus docere, cum ita scribit Tit. c. 3. *Apparuit benignitas, & humanitas Saluatoris nostri Dei*. Alij ex Græco legunt: *Apparuit amor hominum*. Hoc denique affirmant sacri Doctores, ex quibus vnum fat fuerit adducere Cyrillum Alexandrinum, qui in Ioannem ait: *Homo à Deo diligitur, Quomodo enim fieri potest, ut non diligatur, propter quem unigenitus, qui est in sinu Patris, mittitur?* Et S. Augustinus in soliloquijs reliquit scriptum: *Qua maior est causa aduentus Domini, nisi ostenderet Deus dilectionem suam in nobis?*

Iam quæ lingua explicare possit, in quam excelsum cacumen sublata fuerit natura humana per hoc, quòd Verbo æterno copulata? Accipe hoc, Christiane, & lachrymas ex teneritudine funde. Priusquam Deus fieret homo (inquit Rupertus lib. 3. c. 7. in Zachariam) non erat humanæ generationis tanta dignitas, & exaltatio, quanta modò: *Antequam Deus homo fieret ex Vero Virgine*, ait ille, nullum erat pretium generis humani. Simul autem & Deus carnem nostram induere, & homo pretium habere cepit. Omnis enim hominis nobilitas, omnis honor, gloria, dignitas ex eo nascitur, quòd Deus Homo natus.

Hanc veritatem ex opinione Hugonis Cardinalis, demonstrauit Sponsa, id est, Sancta Ecclesia, quando Sponsum suum in carne mortali videre desiderabat, ut deinceps nemini despicibilis esset, apud omnes autem honorem, & reuerentiam haberet. Quare & dicebat: *Quis mihi det te fratrem meum, & genitum vera matris meæ, ut inueniam te foris, & deofuler te, & iam me nemo despiciat?* Cant. 8. I. Audite Hugonem Cardinalem, quàm diuinè hæc exponat: *Olim despectum erat genus humanum, inquit, sed per incarnationem, & unionem nostra carnis ad Deum incepit humna natura nobilitari.*

S. Ioannes in Apocalypsi sua refert, vidisse quodam die Angelum, cuius tam fuerit venerabilis aspectus, tam admirabilis, & rara formæ elegantia, tantaq; & tam insignis maiestas, ut ad pedes eius se abiciens, illi adorationis cultum exhibere voluerit, sed prohibitum esse ab Angelo, ne quid tale faceret: *Cecidi ante pedes eius, & adorarem eum, & dixit mihi, Vide ne feceris; Apoc. 19.*

Cur noluit à Ioanne adorari Angelus, qui tale obseruentiæ genus ab alijs ante illud tempus non semel tantum acceptauit? Scio quòd in agro vrbis Iericho visus fuit Angelus quidam Iosue, & cecidit Iosue pronus in terram, & adorans ait, &c. Iosue 5. 15. & Angelus hunc sibi ab illo deferri honorem tolerauit. Cur ergo similem reuerentiæ cultum à Ioanne oblatum refutauit?

Hugo Cardinalis in c. 19. Apoc. respondet, id factum, quòd Verbum Dei tempore Iosue nondum incarnatum, & homines viles, atque ignobiles erant, idcirco Angelos facillè permisisse adorari se ab ijs. Postquam verò Deus carnem humanam suscepit, & Homo factus fuerat, sic humanam extulit, & nobilitauit naturam, ut supra Angelos eam exaltaret, ac proinde nihil mirum sit, quòd Angeli ab homine adorationis cultum admittere recusarent. *Iam vident nostram naturam super se in Christo homine exaltatam, unde & timent ab homine adorari*, inquit Hugo, & ante illum S. Gregorius homil. 8. in Euang. his tam elegantibus verbis: *Quid est, quòd ante Redemptoris aduentum Angeli ab hominibus adorantur, & tacent, postmodum verò adorari refugunt, nisi quòd naturam nostram, quam prius despexerant, postquam hanc super se assumptam conspiciunt, prostratam sibi videre pertimescunt?*

Iam intelligetis causam, Auditores, ob quam veteres Patres aduentum Messie in carne tam vehementer desiderabant. Nimirum humanæ naturæ exaltationem optabant, de qua Ieremias Thren. 1. aiebat: *Vide Domine, & considera, quoniã facta sum vilis, quod hac adiectione dilucidat Hugo Cardinalis: Sed exaltata est per incarnationem*, ampliùsq; declarat similitudine mulieris ignobilis, quæ viro Principi nupta per coniugium ab humili statu in sublimem extollitur: *Facta sum gloriosa, sicut mulier ignobilis sublimatur, si contrahat cum viro nobili.*

Obseruastisne, quòd Christus Dominus noster, quando insignitum aliquod opus, vel miraculum operabatur, non Deum, sed hominem se appellabat? Cum paralytico illi sua condonare peccata, & redere bonam valetudinem vellet non Deum, sed hominem

minem se vocabat, dicens: *Visitatus*, quod *Filius hominis* habet potestatem in terra dimittendi peccata tunc ait *paralytico*: Surge, tolle lectum tuum; Matth. 9. Cum loqueretur de iudicio extremo, & tempore, quo è cælo ad iudicandum mundum descenderet, hominem se denuò nominabat, inquit: *Videbunt Filium hominis* venientem in nubibus cæli cum virtute multa & maiestate, Matth. 24. Et agens de suo in angelos imperio rursùm vocavit se hominem dicens: *Miseret Filii hominis* angelos suos, Matth. 13. 41. Denique si diligenter aduertatis, inuenietis, quod semper filium hominis se dixit, quoties opera quæpiam insignitiora faciebat vt Deus. At si eiusmodi actiones ille vt Deus, non vt homo, seu virtute diuinâ, non humanâ operabatur, cur se hominem non Deum appellabat?

Responder Abulenſis q. 127. in c. 16. Matthæi, id fecisse ad ornandam, & exaltandam naturam humanam, cum sit perhonorificum homini, quod videatur talia facere, quæ vires humanas superent. Quando Christus faciebat magna, vocabatur filius hominis, & hoc fiebat ad honorem naturæ humanæ quod talia fierent per eum, vel ab eo, qui homo erat, inquit ille.

Neque hic finis excellentiarum naturæ humanæ. Altius euecta est. Æternus enim Deus, cum pro suo amore, quo hominem ab æterno dilexit, liberare illum à seruitute dæmonis, quam peccando incurerat, veller, atque illud facere per Angelum posset, ipſus in terram descendere dignatus est, & fieri homo, & ignominiosam mortem pati. Et hoc fecit, inquit Beda, quia per incarnationis mysterium voluit non solum saluare homines, verum etiam honorare, & sic nobilitare, vt non amplius homines, sed dii essent. Si angelum ad suscipiendam carnem submisisset, ille vt non esset Deus, sic deos facere homines non posset. Audite verba venerabilis Bedæ digna suo autore. *Angelus etsi salutem daret, diuinitatem minimè conferre posset, quam ex se non habebat. Necessarium ergo fuit, vt Deus ipse de cælo veniret, & factus homo homines deos faceret.* Propterea sanctus Thomas Opusc. 57. ait: *Unigenitus Dei filius sua diuinitatis volens nos esse participes nostram naturam assumpsit, & homines deos faceret, factus est homo.* Congruit cum his illud S. Augustini: *Factus est Deus homo, & non fieret Deus.* Et sanctus Petrus Chrysologus cum stupore admiratur, quod tam sublimiter sit eleuata natura humana, vt homo intimæ cognitionis necessitudine coniunctus fuerit Deo. Et quem non attonitum reddat, cæli & terra,

carnis & Dei tantum posse prouenire commercium, & Deus in hominem, homo in Deum, Dominus in seruum, seruus verteretur in filium, fieretq; diuinitatis, & humanitatis ineffabilis modo vna, & sempiterna cognatio? Hæc ille.

Deniq; natura humana per incarnationem verbi in tantam celsitudinem est euecta, vt exaltari amplius non possit. Eò peruenit, inquit S. Augustinus, vt sit Deus, quid magnificentius dici potest? *Prædestinata est ista natura humana tanta, & tam excelsa, & summa subiectio, & quo attolleretur altius, non haberet,* inquit ille in lib. de prædest. SS. c. 15. Animos ergo sumite homines, & sublimem spem concipite, quia dii fieri potestis.

Cum hunc Dei erga homines amorem Rex propheta secum reputaret, neque causam satis intelligeret, ob quam tam magnus, & immensus Deus tam vilem creaturam tam effusim diligeret, curiosa hæc interrogatione illum appellauit dicens: *Domine, quid est homo, quod memor es eius, aut filius hominis, quoniam visitas eum,* Psal. 8. velut alijs verbis dixisset: *Quam obrem, mi Deus, maiestas tua adducitur, vt hominem, rem tam vilem, abiectione non solum vehementer amet, sed & magni æstimet.* Ad hunc modum explicat ea verba Cassiodorus dicens: *Quid est homo fragilis, & caducus, cuius memor est Dominus, & visitauit eum cum Verbum caro factum est, habiuit in nobis? Nam visitare dicimus, quando medicum ad infirmos ingreditur, quod in aduentu Domini reuerà completum est.* Et sanctus Hieronymus in expositione eiusdem Psalmi ait: *Quid est homo, id est, quale meritum stat hominis, & memor in factis eius pro eius redemptione suscepit carnem. Aut filius hominis, id est, filius Dei factus, filius Virginis, qui visitauit corpus humilitatis nostræ, quod assumere dignatus est?* Cum non minore elegancia dicit in eandem rem Origenes ita: *Magnum sanè aliquid est homo, cum tanto honore à te dignetur, & quod de ipso curas, & humanitatem induit inuisis.*

O grande miraculum! Opingentem, & stupendam bonitatem, charitatem, dignationem, quæ fecit, quod talis, ac tantus Dominus, quod rex gloriæ, & monarcha mundi tam magni fecerit vilissimum vermiculum, & ingratum peccatorem, vi eius amore ex sinu Patris, à summo cælo, ex beata illa patria in hunc tam sordidum mundum, & humilem terram nostram & miseriarum vallem descenderit, & seruus illius, atque vt Apostolus ad Philipp. 2. ait, in similitudinem hominum factus fuerit. & habitu inuentus & homo.

Homines mundani, audite vestram dignitatem, & obli-

& obstupescite. Hoc die primum verè dici potuit, quòd homo esset Deus. Quid maius vnquam visum fuit? O Adam, Adam, ecce adimpletum tuum desiderium, quo cupiebas esse sicut Deus. Vide naturam tuam ad magnitudinem altissimi exaltatam. Veniat nunc diabolus, atque vt tibi fraudem fruatur, dicat: *Erutus sicut diabolus*, Gen. 3. Loquatur denique infernus, quia dicere aliud, quàm illud Propheta ex Psal. 81. non poterit: *Ego dixi, diabolus es, & filius excelsi omnes*, farebiturque inuitus, quòd homo sit Deus, & talis, quem ipse meritò pertimescat, & formidet. O excellentia naturæ humanæ! *Videte quanta sit dignitas fidelibus, qui diabolus vocantur & filij*, exclamat S. Hieronymus. O Deus, Deus quantum nos exaltasti, & quonam euecti sumus! Hoc die homo eò peruenit, vt ad solam illius appellationem inclinentur cæli, submittat se terra, & abyssi profundius descendant, *Et in nomine Iesu omne genua flectatur, celestium, terrestrium, & infernorum*, Philipp. 2. Non potest hoc laudis dari Angelis. Nostra est hæc gloria, nosster dignitatis splendor peculiaris. *Nusquam angelos apprehendit, sed semen Abrabæ apprehendit*, dicit S. Paulus Heb. 2. *id est, naturam humanam sibi conuenit*, vt exponit Lyranus.


Dic itaque, sancte Bernarde, Deo tuo: *Ne ludeas Sclera dixeris, Domine, ecce Adam quasi vnus ex nobis factus est. Sufficit dici malitiam suam, desine vocari, nunc enim serio, & in voce exultationis respondemus tibi. Ecce Deus noster non quasi vnus, sed sublati omni moderatione dicemus, Verè vnus ex nobis factus est.* Hæc ille serm. 5. de Natiu. Domini. O excellentia! ô amor! ô artificium, & inuentum charitatis! *Scrupit calum (ita pergit Bernardus) contremiscent inferni, terrena lingua obmutescunt.*

Vide Christiane, & diligenter considera, quibus artibus singularis affectus tecum vtatur Deus, vt è manibus demonis te eripiat, & tu nihilominus male imprudens mille conquis periculis tui inuitatos modos. *Ah misera anima, quæ tam pretiosè es redempta, cur permittis corpus tibi dominari?* Exclamat S. Ambrosius lib. 9. in Luc. Propter te Deus ipse venit in terram, & factus est homo, propter te passus est, & mortuus, & pretiosissimo sanguine suo te redemit, & tu propter voluptatem aliquam terrestrem propter lucellum quoddam mundanum propter turpem libidinem, propter infernale odium, propter maledictam contumaciam in iuxis, in inuidia, auaritia, luxuria, superbia finis te ad inferos, & damnationem præcipitari. Cyrate, Auditores, vt veraciter hoc dici posthac non possit, nam ægrè obtri-

net veniam, qui suam sibi ipsi procurat perniciem, & ruinam. Cor saxæum fuerit, quòd non suam relinquat duritiem, & peccandi perniciem, si cogiter abundantiam amoris, quem erga nos hoc die exercere dignatus est æternus Deus. O quàm ille stultus est, & amens, qui propter transitoriam voluptatem iacturam facit boni sempiterni!

Exploratam ergo habentes nostram dignitatem, non eam deinceps peccatorum sordibus contamine-mus. *Per hoc incarnationis hodie in vtero Virginis primum peracta mysterium instrumur, quanta sit dignitatis humana natura, ne eam inquinemus peccando* inquit Doctor Angelicus 3. p. q. 1. art. 2. Et in huius rei consideratione positus S. Leo Papa dicebat: *Agnosce, ô Christiane, dignitatem tuam, & diuina consors factus natura noli in veterem vilitatem degenerare conuersatione redire.* Hæc ille serm. 1. de Natiu. Domini.

Aliud mihi nunc reliquum est nihil, quàm vt ad te conuertar, Virgo benedicta, quæ hodie electa es veri Dei mater vera, quæ omnium diuinarum gratiarum es aquæductus, teque obsecram, quòd supplex facio, vt à filio tuo nobis impetres rectè nosse naturæ humanæ in diuinæ personæ consortium hoc die assumptæ dignitatem, atque vt eam nullà deinceps flagitiorum turpitudine conspurcemus. Obtine, ô Virgo benedicta, vt ob oculos Dei, qui se vsque ad mensuram pupuli inrra angustos alui maternæ limites velut contraxit, & eò humiliavit, vt ex rudibus, vilibusque mortalis naturæ nostræ pannutijs pauperem togam sibi assumeret, discamus humilitari, & nostrum nihilum, ex quo descendimus, agnoscere. Obtine demùm etiam hanc gratiam, vt rerum terrenarum, fragilium, transitoriarum amore nos abdicantes, solum diligamus Creatorem, quandoquidem hæc illius incarnatione sumus prouocari, & excitati ad illum amandùm, vt in vita præseni sic facientes possimus in futura optarum, & expetitum consequi finem, propter quem ille in tuo purissimo vtero accepit carnem humanam, quæ est gloria paradisi,
Amen.



De eodem Festo Annuntiati- onis beatissimæ Virginis.

Aue gratiâ plena, Dominus tecum.

Lucæ 10.

Autore Interprete.



Vditors: *In operibus DEI sollicito quamvis homini magis se admiratio potest offerre, quam ratio.* Id Eusebius Gallicanus, vir disertus, & eloquens, de omni opere Dei generatim quidem, atque vniuersè ita pronuntiabat, dicendi occasionem tamen ex hodierna filij Dei incarnatione nactus fuit, cuius sacramentum cum inde subolfaceret, nec satis discerneret Isaïas cap. 53. 8. admirabundus exclamabat: *Generationem eius quis enarrabis?* Vbi de humana Christi generatione locutum Euangelicum vatem, Tertullianus, Iustinus, Athanasius, & ex Patribus alij, neque ij postremi, volunt apud Corneliâ lapide. S. Andreas Hierosolymitanus in salutationem Deiparæ, hoc diuinæ incarnationis *mysterium inauditum* vocat, quod *sua admiratione res admirandas cunctas longe superet*, adde & ingenia non modò sapientissimorum hominum, sed & acutissimorum, & subtilissimorum, ac sublimissimorum Angelorum. Ex his enim duo quidam apud Isaïam cap. 6. velabant faciem, ac pedes sedentis super thronum, vt inditio esset, non solùm diuinitatem Christi, in facie adumbratam, sibi inaccessam esse, verùm & *Dominicæ incarnationis mysterium*, quod ad pedes specialiter cognoscitur pertinere, vt loquitur S. Bernardus serm. 5. de verbis Isaïæ, omninò impenetrabile. Nimirùm tam excelsus est Dominus ex diuinitate, tam abiectus in carne, vt cum neque in illam sublimitatem erigere sese, neque in imam demissionis abyssum submittere posse cernerent, tegendum vtrâque patte illum putarent, & admiratione venerari voluerint *mysterium*, quod vsurpare oculis nequibant. Quid ergo tam hebere sensu ex argilla, & luto fictus homulus de hoc *Dominicæ incarnationis mysterio* dicere hodie queam, de quo iam olim testati sunt angeli, atque ex his suppremi, videndo assequi prorsùm non potuisse, adeò facere aliud non debuisse, quàm vt testis illud oculis admirarentur, & laudarent, ac dicerent, *Sanctus, Sanctus, Sanctus Dominus Deus exercituum*, è quorum acie vnus quidam eximius Gabriel, cum illud

Virgini matri hodie nunciasset, tum nono posthinc mense omnes cælo effusi votiuo cantu celebrârunt, quando *facta est cum Angelo multitudo militum celestis laudantium Deum & dicentium: Gloria in altissimis Deo, & in terra pax hominibus bonæ voluntatis*, Lucæ 2. Noctua bundus vespertilio sum, itaq; magnitudinem splendoris, quo hoc *mysterium* radiat, minimò minùs ferre queo, quem & illæ in medio die natæ semperq; positæ cælorum aquilæ tam non potuerunt tolerare, vt nubere oculos necessum habuerint,

Dicam autem ingenuè, quantum illud mihi de sacramento abscondito à sæculis in Deo ac hodie in carne primùm reuelato sit exploratum. Ego huius *mysterij* non solùm rem ipsam non intelligo, tametsi credo, verùm ne nomen quidem hodiernæ diei, quâ id factum, satis certum habeo, sic vt nesciam an Christi, an beatissimæ illius Parentis virginis an creatarum festum dicam. Atque vt ignorantia hac in re meæ nihil dissimulem, de homine quoque, cuius vnus causa maximè hodie acta videtur, minimè scio, gaudiosumne illi, an dolorosum hoc *mysteriũ* accidere debeat. Quæ me illa his in rebus dubium, an nescium faciant, ea vobis primùm exponam, tum pronuntiandi pro quauis parte arbitrium relinquam. Esse ergo totius causæ attenti Auditores, quotquot vultis esse integri & æqui Iudices.

Aue gratiâ plena, Dominus tecum.

Celestis quidam Paranympus, qui pronubus inde ad Hebræam virginem ciuem Nazareticam (Mariam appositisimo dignissimo vocabulo appellabant) delegatus, & inter creaturam & creatorem sponsalia contraheret (sic loquitur sanctus Gregorius Neocæsariensis serm. 3. de hoc festo) Superioribus illis verbis eam comiter, placidè, ac reuerenter salutauit, postulauitque vt summi Dei vni-genito filio carnem, qua cum inire nuptias posset, ex se ministraret, quod illa vbi ex Dei voto fore intellexit, humillimè, ac deuotissimè concessit. Itaq; hæc dies nuptialis Christo fuit. Fuit planè: *Tunc enim Pater nuptias filio suo fecit*, Matth. 22. quando hunc in vtero Virginis humana natura copulauit, quando Deum ante sæcula voluit fieri hominem in fine sæculorum. Ita Gregorius Magnus hom. 38. in Euangel. Et non inuitus in hæc connubia descendit, aut difficilis talibus nuptijs assensit Christus, qui Prophetâ regio teste exultauit *Et Gigas adcurrentem viam*, scilicet carnis, & vitæ mortalis, vbi quod exultasse

exultasse fertur, id Glossæ interlineari, & Hugoni Cardinali significat, per se, suâ sponte, ac pronissimâ voluntate desponsatum, quodq; cucurrisse viam dicitur. Hilaritatem prodit, quâ in eas nuptias concessit. Hilaritas porro ea tanta fuit, quâ in hæc fœdera deproperavit, vt sponsus Paranympum suum præuerrit, vt prius ille matrimonium contraxerit, quâm hic nunciare potuerit.

Hanc cogitationem S. Bernardus ijs Angeli verbis exsculpit homil. 3. supermissus est. *Aue gratiâ plena, Dominus tecum*, in quâ sic ait: *Quid mirum, si gratiâ plena erat, cum qua Dominus erat? Sed hoc potius mirandum, quomodo qui Angelum miserat ad Virginem, ab Angelo inuentus est esse cum Virgine. Itane velocior Angelo fuit Deus, & festinantem nuncium celerior ipse præueniret ad terras, vt dicere o pus haberet Angelus, tecum est iam Dominus, quem ego ad te, atq; in te venturum nunciaturus venio? Omnino pronubum suum ardens sponsus præuerrit. Nec mirum. Desiderium illi alas addidit, vt præuerreret Paranympum Angelum, ad Virginem, quam amauerat, quam sibi elegerat, cuius decorem concupierat.* Hæc ferè ita os melleum. Ergo Christo festa est, quæ illi tam incitatis votis expedita nuptialis dies, quod ne dubitares, etiam sponsa in Canticis diem hanc *solemnitatis* & *lætitiæ cordis eius* vocat, ex commentario SS. Athanasij, Ambrosij, Casiodori, Philonis, Carpathij, Bedæ, Gregorij magni, & aliorum apud Ghisler. in expositione 2. & appendice expositum in cap. 3. v. 11. Cant.

Sed iam Annunciatione beatissimæ Virginis iam pridem huic diei nomen vniuersus Ecclesiæ consensus indidit, videturq; illi multis nominibus solemnibus, & votiuâ esse. Sæctus Bern. ser. 2. de Annû. inter varias causas, quare filius Dei præ Patre, ac Spiritu S. incarnatus fuit, hanc vnâ ponit, vt Beatiss. Virgo communem haberet cum Patre filium quod factum non fuisset, si ille incarnatus non fuisset. Hæc die autem fuit incarnatus: Hæc ergo dies Festa esse, & dici sacra eidem Virgini debet, quâ in eam celsitudinem est euecta, vt illius esset mater ex tempore, cui summus D E V S est Pater ab æterno, quam D. Bernardus homil. 3. quidam vocat singularem, & excellentem prærogatiuam Mariæ, & sanctus Andreas verò dignitatem, quâ omnes superet, præstet vniuersis non solum hominibus, sed & summis celorum virtutibus, atque hinc esse quod gloriosius præ illis nomen hereditarit, mater Dei, adeo salutaris, gratia, misericordia mater appellatur, cum alius Angelus, alius Prophetæ, alius præco, alius alio tali quodam inferiore

Tom. IV.

nomine census. Sanctus Basilius Seleucus orat. 9. ad finem hanc tantam præstandam putat, vt ob eam *virtus, & potentia Despara, aut quale nutrimentum pretium matris datum, non sat cogitari possit*, ab ijs præsertim, qui non nesciunt, quantum Deus Petro Paulo, talibusq; seruis suis imperitus sit gratia. Huic ergo videtur hæc tribuenda dies, in qua tantum illi tribuit Deus, quantum vel hominum, vel Angelorum nemini.

At enim Angeli sibi hanc posse arrogare diem videntur: *Hodie namq; (vt D. Andreas Hierosolymitanus aiebat) vniuersi celestium potestatum ordines spirituales magno gaudio exultent ob Dei nobiscum reconciliationem, iucundissima enim ipsis est nostra ad DEVM reuersio, & ad statum meliorem ingressus, atque reditus, quoniam valde sunt nostra causa solliciti, atque benigni, quippe ad eorum ministerium missi, qui salutem ferrentur.* Hæc ille. Et verò si gaudium est Angelis in cælis super vno peccatore poenitentiam agente in terris, quantum gaudium fuerit hodie, quando ob id incarnatus est filius Dei, vt omnes homines per poenitentiam ad vitæ melioris studia adduceret, & cælo transcriberet? Non abs re ergo fecerit, qui hanc Angelorum solennitatem dixerit.

Ex alia parte D. Ambrosius serm. 81. circa finem, vult hodiernum Festum tam esse proprium, ac peculiare hominum, vt putet non rectè fieri, nisi nulum lætitiæ modum teneamus, nisi effusissimè hilares simus, nisi gaudia cordis exterioribus signis prodamus, cantuq; & saltu, ac tripudij testemur, eo die, quo cum Deo non solum in gratiam reuersi, sed in eiusdem quoque personæ consortium admissi, & tam coniuncti facti sumus, quâm sibi ipsi esse proximus quisque potest.

Audite, amabo, verba magni Antistitis, & Ecclesiæ Orthodoxæ patris: *solent homines sicut mos est, in votis suis, hoc est nuptiis precipue saltare, & canere. Vnde & nos habemus votiuas nuptias, in quibus saltare, & canere debeamus. Vota enim nostra celebrantur, quando Christo Ecclesia copulatur sicut ait Ioannes 3. qui habet sponsam, sponsa est; propter has ergo nuptias saltare nos conuenit.*

Quo verò exemplo id suades, Doctor sancte? Dauidis, inquit, siquidem ille Rex pariter, & Prophetæ, dum multa cecinerit, ante arcam testamenti saltasse dicitur. Rex erat Regum potentissimus, nec aures tamen, aut oculos vulgi verebatur, quin ob ea totis viribus ante arcam Domini subsultaret, & ad numeros membra æternis motibus agitaret.

V

Vultis

Vultis etiam huius tam liberi saltus, & tripudii causam. Non Rex modo, sed & Propheta erat, itaque praeuidebat in spiritu Mariam de gervine suo Christi thalamo sociandam, quando Psal. 18. aiebat: *Ipse tanquam sponsus procedens de thalamo suo*, & quomodo inter hæc sibi temperare poterat, ut ne saltatorium versaret orbem, ac sinuosi volubilitate corporis latere nesciam cordis latitiam expromeret? At si ille ante arcam veterem saltandum putavit, quæ Mariæ hodie Deo gravidæ umbra quadam pertenuis, & obscura fuit, (illa namq. intrinsecus portabat testamenti tabulas, Maria autem ipsius testamenti gestabat heredem) mirum sit nisi nobis in saltum pruriant pedes, quibus hæc cælestis, ac Deo plena arca propolita est, quæ desiderium omnium sæculorum complexa, nobis, in quos sæculorum fines devenire, salutis nostræ, & felicitatis æternæ primicias hodie attulit.

Hodie enim verbum caro factum est, clamat sanctissimus Carthusianorum Patriarcha Bruno, serm. de hoc festo. *Hodie Filius Dei incarnatus est, quod quidem nisi factum fuisset, nunquam nasceretur, nunquam pateretur, nunquam resurgeret, nunquam infernum expoliaret, nunquam calos ascenderet, nunquam Spiritum sanctum Apostolis mitteret, in quo baptizati sumus, per quem sit remissio peccatorum.* Hac est igitur prima festivitas, hac est principium, & causa omnium aliarum festivitatum. Sed quæ ratio mihi dicis festivitatum? Earum, inquit, quas omnes homines merito simul celebrare debeamus. Hac nimirum festivitate (quod Ecclesia etiam magnis vocibus canat) Dominus afflictionem populi sui respexit, ac redemptionem misit? Hac festâ die mortem quam famina intulit, famina fugavit? Hac festâ die redemptionis nostræ exordium devotè recollere, ob idque exultare plurimum & possumus, & debemus. Hominum ergo, id est, nostrum maxime proprium hoc tantum esse Festum videtur.

Sed vix nobis, nisi hoc Festo sic utimur, ut eius merito ad æterna festa perueniamus? Vix nobis, nisi tam insignito Dei beneficio omnibus religiosi cultus, ac devotæ observantiæ officiis occurrimus? Vix nobis, nisi humanitate, & benignitate Christi, quæ hoc Festo primum apparere capit, permouemur, Et abnegantes impietatem, & secularia desideria, sobriè, & iuste, & pie vivamus in hoc sæculo, expectantes beatam spem, & aduentum, non tam iterum abiectiois Christi intra humani corpusculi mensuram vel angustati, & arctati, sed gloria magni Dei, qui tunc in illo aduentu omnium, quæ hoc

die nobis attulit, ac deinceps dedit, accuratissimas rationes exactissime, seuerissimeque repetet, tam inexorabilis Iudex futurus, quàm nunc est indulgentissimus Patronus, & Saluator. Secundi enim aduentus rigor nasceretur, & acuerit ad suavitatem misericordiarum aduentus primi Tom. 2. pag. 323. o.

Apud S. Epiphanium aliquid inveni de Virgine hodie primùm Deo gratida, quod ad ea, quæ dicere capis, admodum pertinere videtur: *Ipsa est nubes tonitruus formis*, inquit, *qua fulgur interius in vtero gestat*, tanquam dixisset: Quæ verbum Dei castis gestat visceribus ea nubes similis est, sed nubes, quæ fulgurem parurit, quod illa cum pari aëris fragore, & orbis terrore abortire solet. At ô bone Deus, quid hoc audio! Talisne est Maria Dei filio prægnans, qualis nubes formidabili fulgure gravis! Id quidem affirmavit S. Epiphanius, nec affirmavit solum, sed Spiritum sanctum quoque verborum suorum autorem, & obsignatorem habere putavit, dicens: *Sermoni meo attestatur divina scriptura, dum ait: Venter tuus sicut aceruus frumenti vallatus liliis*, ex Cant. c. 7. Hic ego præ illo, quod Epiphanius supra dixit, hoc demiror, nec mirari satis possum, quod his Salomonicis verbis suam de Virginis Christo fætæ, & nubes fulgure gravidæ similitudine sententiam comprobata exultat, tanquam ita esset argumentatus: Maria venter Deum ferens est qualis aceruus tritici, isque vallatus liliis. Ergo nubes similis est fulgure gravi. Quid enim affinitatis habet optabile triticum cum ignioma nube, aut quid consequentiæ, ut sit eius vterus velut terrificum hiantis coeli iubar, quoniam est qualis aceruus tritici septus, citus, vallatus blandidulis, ac nitidulis liliis? Immo si diligenter animum aduertas, non adstipulaberis Epiphanio solum, sed dices quoque necessariâ consecutione fieri, ut sit Maria nubes tonitruus formis, quæ fulgur interius in vtero gestet, postquam is vterus Dei verbo fœtus, est sicut aceruus tritici vallatus liliis. Non video, inquis, quomodo hoc ex illo fiat. Faxo ut manibus prehendas. Nonne Maria quibus visceribus gestabat verbum Patris, eisdem ferebat aceruum tritici vallatum liliis, id est, filium Dei infinitis gratiis, donis, muneribus, fauoribus locupletatum, daturum, adornatum, quæ acervatim nobis effundere veniebat? Nonne Maria tanquam navis iustioris de longè portabat frumentum quod nobis vitæ æternæ alimonia, & omnis annonæ quæ coelo nutrire mur, futurum erat, & panis qui de coelo descendens vitam mundo daturus? Id

nemo

nemo vel inficias eat, vel nesciat. Atqui si id omnium sensus, & consensus habet, quod Maria Christum qualem aceruum tritici, hoc est, qualem gratiarum, quibus nos ornatum veniebat, cumulū viro gestabat, tum inde sit necessariū, inquit Epiphanius, ut fulgur nobis eisdem visceribus attulerit, quibus Christum. In supremi namque illius, & extremi tribunalis die quid aliud quā fulgur erūt nobis ingratis tum hoc Dei beneficium, tum cetera illius plurima, & maxima dona, quæ neque ad Autoris gloriam, neque ad animarum nostrarum usus, commoda, utilitatem conuertimus? Tunc ille Diuinus panis toties cum nausea, & absque fructu sæpius, non etiam nunquam ad iudicium acceptus triumphum nobis erit mortis, & mortis sempiternæ: Tunc immanē irruentem, & horrendē detonantem illud, *ite maledicti*, audient, qui hic & verbis suauissimis, & exemplis gloriosissimis, & gratiis magnificentissimis blandē ad se inuitantē, & ad sui obsequiā adhortantē surdis auribus prætereunt: Tunc illum sustinebunt supplicia inferentem, quem hic adferentem beneficia amare, & colere noluerunt.

Quid tam tritum & peruagatum, omniumque sæculorum Christo posteriorum admiratione celebratum, quā quod suauissimus Saluator ficulneam quandam maledictō dampnauit, atque ita perstrinxit, ut subitō exaruerit, neque fructum deinceps viliū pertulerit, quam cum famelicus conuenit, sine fructibus inuenit? At causa tamen illius extemporalis, & tam acerbæ indignationis neque vulgaris est, neque admodum exposita. Abulensis q. 106. in caput 21. Matthæi de hac re sic scribit: *Quia Christus laborauerat declinando ad ficulneam, & illa fructum non habebat, maledixit illam.* At si Christus tanto maledictō arborem fixit, quæ tantillum illius laborem frustrata fuit, quos non fulminum iactus extimescere nos possumus, qui omnem illius expectationem in horas singulas turpiter ludificamus, & mandatorum eius obseruantiam insuper habemus, & salutis nostræ incurii sumus quā qui negligentissimi, in qua illi tamen tantum operæ, & studii totis tribus suprā triginta annis posuit? Quibus nos tonitrui percellat, qui post tantam laboris impensam, quantā ab hoc die usque in horā vitæ supremam Saluator egit, crudeliter ingrati, & perditæ steriles, nullos memoris animi fructus, quos ille plurimum eluxit, nullos instituit, & vitæ sanctioris prouentus, quos vnice, atque audissimē expectit, reddimus? *Vide hos duos conceptus apud Nissemum Tom. 2. p. 325. & 326.*

Hinc vos, atque ex talibus æstimate nunc Auditores, festinē, & votiuā, an luctuosā hæc dies accidere iis possit, qui sic viuunt, sic plerisque in otio, aut nihili negotio transmittunt dies, strenui ad vitia, ignaui ad ieiunia, & alia id genus bona opera, ut magnoperē vereri debeant, nisi imprudentes, & impudentes rerum æstimatores esse velint, ne fulgur illis olim fiat, quod hodie sanctum de Spiritu sancto Parens Dei sancta concepit: Cumque de hac causa Iudices deliberatis, vitam interim vestram sic instituite, ut sit vobis Saluator, qui hodie conceptus, & factus homo in tempore est, eritque Deus benedictus in sæcula. Amen, Amen. Dixi.

In Festo Visitationis Beatissimæ Virginis.

Autore Interprete.

Exurgens Maria abiit in montana cum festinatione. Luc. 1. v. 39.



Vid non audes religiosa, ac deuota pietas? Quid non faceres, si voluntatem exæquaret facultas? Maiora viribus non promittis solum, sed & tentas, quasi velis posse, quod scis non posse.

Sed es ingeniosa, pia deuotio, ut quoniam scis non minùs placere Deo quæ volens cupis, quā quæ potens facis, facias ea interim, quæ potes, dum non potes quæcunque cupis. Ita S. Dauid non ignarus dies annorum nostrorum esse annos septuaginta, aut ut plurimum exarescant, ad octoginta pertingere, ut habet Psalm. 89. Fecit tamen religionis pietatis ambitiosa Deo obseruendi cupiditas, ut diceret: *Exultabo te, Deus meus Rex, & benedicā nomini tuo in sæculum, & in sæculum sæculi*, Psalm. 144. idque in dies singulos, perque totos illos, scilicet nimirum quod *magnus Dominus, & laudabilis nimis, & magnitudinis eius non est finis*; idē cū videret, non posse perpetuū illum & continuū laudare, ut quem corporis necessitas tam crebrō ad alia vocaret, quodque idem semper agere tam multa regni negotia non sinerent, esse Deo tamen hoc etiam gratum, quod omninō veller, si posset, quod potuit, hoc fecit, & dixit: *Generatio, & generatio laudabit opera tua, & potentiam tuam pronuntiabunt*; tanquam dixisset,

Cum teipsum, præ magnitudinis tuæ immensitate, dignis exæquare laudibus ingenii mei tenuitas nequeat, opera tamen tua, & potentiam qualibuscunque verbis si extollere non possum, dilaudare nihilominus, & cum aliis communiter prædicare quam possum debeo, tam plurimum volo.

Tale aliquid mihi hodie accidit, Auditores, laudare Virginem officiosam (quæ hodie in montana ascendens, maiestatis suæ fastigia edemisit, ut ministraret Dei famulæ Mater Dei) est animus, & iusta, vitæ magis accensa deuotio. Immori his pietatis exercitiis velim, & à morte illdem occupari æternum. Sed tu quoque, ô Domina, magna es, & laudabilis nimis, & magnitudinis etiam tuæ quam à filio Mater habes, non est finis, ut nimis quam infans sim, si paria illi de meis angustiis promere aut promittere velim.

At si Virginis Matris inaccessam amplitudinem pro dignitate celebrare non licet, libet tamen opera quædam illius admirari, & pronuntiare potentiam, hoc est, pauca de multis, quæ à conceptu filii Dei domi, forisque fecisse fertur, & quanta sit illius in promouenda hominum felicitate facilitas, ac potestas, exponere, quod cum facio, vos dicentem aquis auribus accipite.

Exurgens MARIA abiit in montana.

Vnde, à quo exercitio surrexit? *A quiete deuotionis, & orationis, quæ erat præuia omnibus operibus illius.* Ita doctus Lyranus. Sic & B. Elizabethæ viduæ apud Sancti. Bonauenturam eadē Dei Parens aperuit, gratiam, præter eam, quā primum sanctificata fuerit, nullam vnquam à Deo accepisse aliam, pro qua non supplex antè obsecrârit, & resecrârit, quam non assiduam precum meritò impetrârit.

Si non aliundè explorata mihi sit incomparabilis huius Virginis sanctitas, & admirabilis vitæ puritas, ex precum tamen usu perpetuo, & orandi tam familiari consuetudine altimare eam possum, ac dicere: Verè per omnia rectè noui viuere, quæ sic noui orare. Sed quid faceret magistra pietatis, quam ut doceret primitias omnis laboris Deo offerre, & quidquid est posterioris operis nostri, id Numini per orationem consecrare, & ab illo qualicumque negotii nostri facere principium, à quo principium fecimus vitæ? Inire viam, salutem dicere, obseruire, cum gratulari de conceptu vetulæ

maternæ certum illi erat, neque hæc tam bona opera benè fieri posse putauit, nisi Deo primum consulto, & implorato.

Habemus quod imitari magnopere debeamus, quoquoque literarum qualicumque studio exercemur, ut nunquam insalutato Deo ad libros accedamus, & tunc solum nos vel omnia, vel cetera plurima facili, ac rectè assequi ingenio, & intelligere posse credamus, si animo inter has vitæ naturæ tenebras posito facem ardens oratio præluxerit.

Seraphica nostra S. Catharina Senensis nunquam Scholas vel à limine salutauit, neque prima literarum elementa vel pingere, vel legere, ab homine docta fuit, & coram summis Pontificibus tamen, atque in medio purpuratorum Ecclesiæ Patrum confesso mulier dixit, grauissimisque legationibus apud magnos Principes perfuncta, etiam libros conscripsit, in quibus summi Theologi inueniunt, quod scire desiderant.

Atque ut recentiora promam, Sancti Didacus ex Ordine Minorum Laicus, & Theresia Virgo nullo vnquam homine Doctore, nullo studio humano vti tantam sapientiæ magnitudinem sunt affecturi, ut viri sacratoris literaturæ peritissimi eos de rebus sæpè difficillimis, & abstrusissimis tanquam oracula quædam consulere necessum habuerint.

Vnde illiteratis mulieribus, vnde viro Laico amulo tanta sapientia, ut docere possent viros scientiâ cultissimos, & peritissimos ipsi nullo homine Doctore vti? Ad frequentatæ orationis lumen viderunt, ad quæ ingenio eniti viri sapientissimi sæpè non potuerunt, totos licet neruos contenderent, & per diu, noctuque totum semper ad contemplationem animum aduerterent.

Paulus Gentium Doctor, cum apud Agrippam Regem (ut Actuum Apostolicorum liber c. 26. refert) pro se dixisset, tam hoc & sapienter, & efficaciter fecit ut festus quidam admiratus eius disertitudinem, & facundiam, sapientiamque, altum succlamauit: *Infans, Paule, multa te licet ad infantiam conuertant*; Act. 26. 24. Vnde verò Paulo scenopego, & pellicem futuri (ut eum Chrysostomus vocat) literarum tanta copia? Plurima inter raptum in coelo vidit, multa secus pedes Gamalielis didicit. Act. 22. 3. Neque pauca ex crebra librorum lectione habuit, quam tam vehementer amauit, ut in vinculis, & carceribus legendi illum fames inter vitæ satietatem teneret.

Cum alteram suam ad Timotheum daret, tam certus erat proximè impendentis mortis, ut diceret:

Ego

Ego iam delibor, & tempus resolutionis mea instat; adderetque: *Festina ad me venire cito, scilicet: tam brevis est mundorecessurus erat*, inquit Sanctus Thomas 1. 2. in c. 2. Tim. Et rogat tamen etiam illud: *Penulam, quam reliquit Troade apud Carpum, veniens affer tecum, & libros, maxime autem membranas*. Et non dicat hic aliquis cum D. Angelico: *Quorundam requirit libros Apostolus plenus Spiritu Sancto? Quanto magis appropinquabat morti, tanto magis instabat studio scripturarum*, inquit idem sanctissimus Doctor. Et noster Hugo addit, hoc fecisse, & alijs daret exemplum studendi, aut enim volebat studere, non obstante morte imminente, (notate verba quicunque literas colitis) & alijs studium commendare.

At si quidem Paulus inter vincula dabat operam libris, dabat & precibus. Sic enim habet sacer Aetium Apostolicorum Autor. *Custos misit eos in interiorem carcerem, & pedes eorum strinxit ligno, mediam autem nocte Paulus, & Silas orantes laudabant Deum*; Act. 16. 24. Hæc illi exercitatio vstratissima erat; huic dabat otium quodcumq; ab alijs negotijs reliquum, hinc ergo etiam illi tanta literarum affluentia, quantam humano studio nemo comparare posset, si etiam vsque ad infantiam, ac mania certum periculum labori sese traderet.

Hoc orationis studium vel ab Apostolorum, & Orbis magistra Virgine Matre discite, Auditores, quicumque discere cum fructu, & profectu vultis, & cæterum recte vivere, tum agere.

Ab oratione ergo assurgens, iterq; ingressa, Deo intra ventrem, & mentem incluso comite abiit in montana, idque cum festinatione. Magnum aliquid subit necessum est, cum Virgo hæc domo suâ digreditur, publicumque subit, quam Isaias *Athalma*, hoc est, *absconditam* nominandam putavit, cum de eius conceptu vaticinaretur, ut simul eam solitudinis fore amantissimam prædiceret.

Inter plurimas causas, ob quas scripturæ periti descriptum Orbem vniversum à Cæsare Augusto aiunt, eam vnâ esse volunt, ut hac necessitate Virgo Deipara patrii vicinâ domo suâ euocaretur in locum, ubi ventris sui fructum benedictum diu expectato enixu erat depositura, quasi vrbes vrbibus, & regiones regionibus, & orbi orbem misceri oportuerit, ut vnâ Virginem commune præceptum in publicum à suo recessu extraheret. Grauiissima ergo rerum maximarum pondera fuerint, quæ Virginem nostram hodie non solum domo exciuerunt, sed incitarunt etiam ut festinato (quod mulierem vix decet, nisi necessitas honestet) per viam deproperaret.

Origenes, & ex illo Titus Bostrensis, & S. Thomas in sua cat. aur. & posteriores plerique aiunt, quod Virgo maturauit iter, id eò factum, quoniam Iesus, qui in vtero illius erat, festinabat Ioannem in vtero Matris eatenus positum sanctificare, & à genitalis noxæ labe emaculare. At quia Ioannes, ut Bostrensis loquitur, non prius repletus est Spiritu Sancto, quam ea, quæ Christum Dominum vtero gestabat, sese illi adiunxisset, Virgoq; ipsa hoc ita Numini decretum nouerat, (ut talium mysteriorum conscia erat) festinandum putauit, & percurrendum iter, ut citam Ioanni etiam ipsa salutem cum salutis Autore adferret.

Cum Deum ex Deo concepit, simul Filij Dei, & filiorum hominum, nostra, inquam, mater effecta est. Dei simul & nostra mater! Omnino, inquit noster Hugo, ob id etiam inter mulieres benedicta dicta, quod & Filio Dei nobilitata, & multitudine sobolis fecundata, quia in vnico Filio Mater effecta est specialiter Electorum, quorum primogenitus Christus, quem primogenitum cum Lucæ 2. peperisse dicitur, aliorum præterea liberorum fecundo aut cum primo-genitorum Matrem fuisse indicatur. Mater ergo, & Domina etiam hominum effecta simul curare illos cepit, & currere, ut Ioanni mortuo vitam adferret, Elizabethi foetu prægrauata obseruaret, demum quæ Matris sunt, omnia diligenter, & officiosè faceret.

Cum sacramentis plena sint omnia, quæcunque Apocalypsis habet, tum illud mysterio plenissimum, quod Ioanni visa est pedibus Lunam calcare mulier, quæ ex S. Bernardi, aliorumque Interpretum sensu Virginem Matrem monstrabat. Sed quid Luna sub pedibus? Pernicitatem adumbrabat, quæ Virgo Beata in omnes sublunaris mundi vsus aduolat, nec vtrunque festinat. Lunæ cursus concitator est, quam cuiusquam planetarum reliquorum. Saturnus post annos triginta vix redit ad punctum, à quo digressus, Iupiter post duodecim, Mars post duos, Sol post dies 365. & horas nonnullas, Venus, & Mercurius idem fere tempus consumunt: At Luna diebus non amplius viginti septem, & horis aliquot totam sphaeram motu proprio quam otiosissimè transit. Mulier ergo Apocalyptica mulieris Virginis, ac magnæ magnum signum Lunam calcauit, ut ex mobili scabello intelligeres, quam celeres promoueat pedes, quoties necessitas humana opem illius postulat. Hodie cum Dei, & hominum Mater primum effecta est, velut tale Lunæ vehiculum inscendisset, quod Matris est, quod Domine, quod superiorum omnium

erga subditos officium, properauit, ut citum ferret laborantibus liberis subsidium.

Huc iam iugo pondere cadit, quod ex sponſione proxima deſignandum, quare ſolius Petri vmbra ſanari egros, & Pauli ſudaria, tum ſemicinctia depulerint morbos, exturbarint dæmones, quod Act. liber de Petro cap. 5. 15. de Paulo cap. 19. 12. reſert. Vultis expeditam, facilem, luculentam, ſed aliam, & aliam in vtroque Apoſtolo rationem? Sine emblematis rem vobis nudam, vt eſt, exponam.

Petrus erat caput Orbis, Paſtor gregis Chriſti, Pater Chriſti-fidelium. Illius ergo vmbra, quæ à præſente corpore naſcitur, depellebat infirmitates, vt intelligas, ſalutis liberorum, & ſubditorum, & familia, & Diſcipulorum magnam partem in Parentum, Magiſtrorum, Superiorum præſentia eſſe poſitam, & graues ſæpè morbos curari, modò inumbrent, modò coram adſint, qui ex officiij conditione præſunt. Multa & corporis, & animæ vulnera vel perſanarent, vel præcauerent ſuperiores, & quotidianæ velut miracula facerent, ſi vmbra ſubditis facerent. Stuprum paſſa eſt Dina, cùm ſe cupiditate videndi formiſas alienas ab vmbra Patris ſui Iacob abſtrahi paſſa. Commune hoc eſt iuuentutis, atque vtiſſimam non tam familiare, ac frequens malum, vt ardorem, vulneraque incurrat pudicitia, dum ſe refrigerijs ſubducit Superiorum, & Parentum, præceptorumq; vmbra. *Inter propinquorum*; adde ſuperiorum lumina non valent deſideria ſeruari, dies eſt *aſpectus Matris, ſol Patris*, ac Præceptoris ruſſat in ſultum, inquit S. Petrus Chryſologus ſerm. 1. Nemo in meridie ob ipſos ſolis oculos peccat, niſi cum fronte mentem exuerit, quia *qui malè agit, odes lucem*. Ita nec liberi, nec diſcipuli, nec ſubditi flagitijs ſeſe dedunt, vbi Parentes, vbi Præceptores adſunt. Quid ita? Inter eorum lumina non valent verſari deſideria, vt quorum vmbra tales animarum peſtes fugat, & procul facit.

Iam Paulus Doctör orbis erat, aded illius ſudaria, & ſemicinctia morbos, dæmonesque depellebant. Quid aded? Quoniam qui docendi munere funguntur, tantoſque huc adhibent labores, vt ſtudenti, intelligendi, explicandi conatus, & contentio excrementitium illum toro corpore fluorem exprimant, vt abſtergendo vix illum ſatis ſit linteum, tam impigrorum, ac indefeſſorum Doctörum, ſeu Magiſtrorum ſudaria, & ſemicinctia ſunt prodigioſa, nam peccata, hoc eſt, peſſimos, & maximos dæmones, vt ille vocat, exigunt, & depellunt, dum illorum naturam, ac ſœditatem, periculaque dete-

gant, & multiplicem ſæpè ignorantia, errorum, hæreſum cœcitatem ab animo depellunt. Idcirco Pauli Doctöris ſudariis tanta curandi vis, & efficacitas merat, vt hinc omnes qui docendi prouinciam obeunt, acciperent, tunc ſe plurima apud Auditores curagionum genera facturos, quando officio ſuo ita inſudarent, vt non ſudario tantum, ſed etiam ſemicinctio illis opus eſſet, ne delapſus ſuperne ſuor turpare velles poſſet.

Nemo hæc à me huc coactè adducta dicat, cadunt nimirum in Virginem, quam quæ maxime. Facta eſt illa hodie Domina, & Magiſtra mundi, ex quo Dominum, & lucem mundi geſtare vtero cepit. Itaque ſimul & inumbare Ioannem ſeruum ſuum, & laborioſo, præpropereque itinere deſudare debuit, vt cum illum, cum Parentes eius de multis, quæ hæcenus ignorabant, inſtitueret, ſicque iam & vmbra, & ſudario, & ſemicinctio optima Domina, inſatigabilis Magiſtra curaret.

Multa hæc perſuſionè attingenda ſunt, & obiter delibanda magis, quam pertractanda, in tanta copia laudis, & inopia temporis. Ex operibus virginis duo indicauimus, ſcilicet à quo opere exurrexerit, & cur viam feſtinatè inierit. Age de potentia illius vel ſubindicemus aliquid. Ambroſius & Gloſſa Ord. de hac ſic habent: *Cito aduentus Marie, & præſentia Dominiſſe benefiſſa declarantur*. Quæ illa? Ioannes, ac deinceps Parentes illius implentur Spiritu ſancto, dum Maria loquitur, velut ſe per os Virginis in illos exonerat. Iam & Elizabeth magna humilitas inuaſit, & deuotio ſingularis, cùm illius teſtum Virgo Dei Mater ſubiit. *Non enim tam clamoſa fui, quam deuota*, inquit Gloſſa interlinearis, quando magnâ voce exclamaſſe fertur: *Benedicta tu in mulieribus, &c.* Et quale illud potentiaꝝ oſtentum, quod Ioannes in vtero Matris præ gaudio exultauit, ac ſubiit, atque intrâ obſcuras illas anguſtias, vt noſter Vincentius habet, capite prono, totoque corpore ad reuerentiam compoſito vix incarnatum nondum natus humiſſimè adoraui? Sed hoc totum factum, ex quo facta eſt vox ſalutantis Virginis in auribus Matris eius.

O Auditores colite hanc Virginem, & colendos vos illi præbete, quia potens eſt, & potentiam ſuam ita omnem ad noſtros uſus conuerſit, vt propè non agnouerit ſuum, quem vtero geſtabat, filium, dum recoleret, quod ille potentia ſuam nō aliud, quam ad ſalutem hominum conuerſiſſet. *Exultauit ſpiritus meus*, inquebat, *in Deo ſalutari meo*, ſaluatore meo,

meo, quia licet ab initio conditi mundi Saluator fuerit, officium tamen saluatoris tunc assumpsit, quando factus homo. *In saluatore meo, inquit, qui per possessionem est proprius mihi, qui totum corpus eius, mediante quo saluet, meum est.* Ita Caietanus. Post hæc verò ait Virgo: *fecit potentiam*, subaudi Pater, *in brachio suo.* Brachium Dei vocatur Christus ratione naturæ humanæ, quæ est velut organum coniunctum Dei, sicut brachium est organum coniunctum hominis. At si propter eandem naturam humanam à Virgine acceptam Christus vocatur & saluare, siue Saluator, & brachium, cur non vocat suum brachium, sicut suum salutare, aut saluatorem? Quia quæ Saluator, potentiam suam ad hominum salutem conuertit: Ille verò meus est, inquit illa, sed quæ brachium, dispergit, & disperdit homines, sit ergò Patris brachium, meus autem est Saluator.

Vnum pro coronide obseruare cum nostro Hugone, quòd Virgo salutem attulit iis, qui intus erant in domo Zachariæ. Quo mysterio? Hoc inquit magnus Card. *quòd qui extra vagantur*, qui de nihilo se abstrahi sinunt à locis, ubi Virgo colitur, & saluatur, *indigne sunt saluatione Mariæ.* Esau qui foris erat, amisit benedictionem Genes 25. Et qui amant saluationes in foro, vel conuiuio, habent suas benedictiones, sed non Mariæ, quia tales sunt, quibus Christus vix dicit.

Discamus ergò nos ab illa crebrò, ac libenter orare, & hæc ante opera nostra alia discamus, & alacres esse ad officia mutua, & libenter desudare siue studendo, siue aliis modis laborando pro aliorum profectu, & amemus adesse ubi saluatur Maria, quia ex saluatione Mariæ replebimur gratiâ, ut repleti sunt Spiritu sancto Ioannes, & Parentes. Dixi.

De Assumptione B. MARIÆ Virginis.

*Autore ALEXANDRO CALAMATO
Messanenfi Clerico italo.*

*Interprete F. Ioanne Freylinck
Ord. Præd.*

Quæ est ista, quæ ascendit de deserto delitans affluens, innixa super dilectum suum? Cant. 8.



Nigine, & gloriosum fuit illud enco-
mum, quod populus Bethulæ cecini-
nit sanctæ Iudith quando illa ab ho-
stilibus phalangibus victrix cum diui-
te, & ingenti trophæo, superbo, in-
quam capite arrogantis Holofernis rediit. Elogi-
um illud sic habebat: *Tu gloria Ierusalem, tu hono-
rificentia populi nostri*, Iudith 15. c. At multò glo-
riorior, multòque præclarior, & admirabilior ea
laus est, quæ cælorum cantores magnam Dei Paren-
tem hodie ornauerunt, quando ab huius sæculi hosti-
libus copis cum trophæo, hoc est, contrito capite
antiqui serpentis in illam cælestis Ierosolymæ felici-
cem patriam beata, & immortalis triumphatrix ad-
tenuit. Cantorum autem istorum per choros alter-
natim, certatimque modulantium symphonicum
melos tale erat: *Quæ est ista, quæ ascendit de deserto delitans affluens, innixa super dilectum suum?*
Quòd ad me attinet, non inuenio nomen, nec video
titulum dignum illâ, de qua sancti Angeli inqui-
runt, in hoc illius tam triumphali die. Vellem illam
cum Ioanne vocare miraculum paradisi, qui
Apoc. 12. ait: *Signum magnum apparuit in celo, mulier amicta sole*; sed nihil noui dicit, quia miraculum illa fuit, quando etiamnum in terra nobiscum
degebat, de quo sanctus Epiphanius in serm. de lau-
dibus Deip. sic dicebat: *O Virgo sacratissima, quæ exercitus Angelorum in stuporem deduxisti, stupendum enim miraculum in celo mulier amicta sole, stupendum miraculum in terra, mulier gestans lucem in vasis.* Merito dicit Mellissius Bernardus in serm. de Assump. *Christi generationem, & MARIÆ assumptionem quis enarrabit?* Nec Angelus, nec homo, neque terra, neque cælum assumptionem hodiernam matris Dei pro dignitate laudare potest, ut quæ tota sit ineffabilis, tota ingenii nostri viribus superior. Sed quamuis totum dicendo assequi non possimus, prorsum tamen tacere non debemus. Sic enim ait sanctus Hieronymus: *Si ad hæc nemo idoneus inuenitur, tota tamen omnia celsare non debet quilibet etiam peccator à laudibus, quamuis explicare nequeat, quod sentitur.* Itaque vel nonnihil dicere constitutum habeo, & ad duo capita omnem sermonem meum reuocabo. Primò explicabo dulcem, & suauem somnum mortis, quàm MARIA Domina nostra hodie oppetit. Secundò exponam, si possum, magnificum triumphum, quocum in cælum est assumpta. Ordiamur.

I. *Quæ est ista, quæ ascendit de deserto, &c.* Omnes filii Adæ, Auditores, sub expirantis vitæ extre-
mam

tremam horam tribus plerumque subiacere solent miseris. Primum torquentur pœnalibus, & acerbissimis doloribus, quos illis adferunt ardentes febres, & lethales infirmitates, quæ cor sensim inuadunt, auferuntque illi calorem vitalem, & membris vires suas natiuas adimunt, sic vt Ecclesiasticus c. 27. v. 32. dicat: *Dolor consumet illos, antequam moriantur.* Assultum ergo grauis, & insolite melancholiz patiuntur, quæ inde nascitur, quod proximam mortem cernunt, & post pauculas horas vitam, quam summè amârunt, orbandos vident, iuxta illud sapientis: *O mors quam amara est memoria tua.* Eccl. 41.

Demum quæ lingua effari queat timorem, & terrorem, cui subiacent moribundi, interim dum animæ oculis arbitrantur hinc flagitiorum, & enormium scelerum à se perpetratorum multitudinem, inde exercitus demoniorum infernalium, quæ illis in memoriam reuocant graua vitæ indignè actæ errata, studentque illos inducere in desperationem, proponendo diuini iudicis sæpè, ac grauitèr offensus seueritatem, & strictas rationes, quas paulò post sunt reddituri. Cuius rei cogitatio cum Dauidi in animum incidisset, non sine copiosis lachrymis aiebat: *Cur timebo in die mala? Iniquitas calcaneus meos circumdabit me;* Psalm. 48. Adiungatur omnibus hæcenus dictis incertitudo propriæ salutis, nam vt sapiens Ecclesi. 9. affirmat, *nescit homo, virum amore, an odio dignus sit.* Terribilitas diuinæ iustitiæ multis grauibque iniuriis crebro irritatæ tanta est, vt Apostolus dixerit Heb. 10. *Horrendum est incidere in manus Dei uiuentis.*

Iam ab omnibus his tam cruciabilibus cogitationibus, quæ hominibus aliis communes sunt, per diuinam prouidentiam liberata Virgo benedicta fuit in felicissimo suo ex hac misera vita ad illam beatam transitu. Prima ergo gratia ea tunc illi facta est, quod nullo grauata, vel oppressa dolore fuit, sed tradidit sanctissimam animam suam in manus Filii sui tanta cum suauitate, & dulcedine, vt tunc maiore iure dicere potuerit, quod ante illam Rex Prophet. 30. *Quam magna multitudo dulcedinis tuæ, Domine, quam abscondisti timentibus te!* Præterea omni timore vacua, in morte fuit, itaque summo opere desiderabat esse proximam horam extremam, quâ in cælis aspectu Filii sui gauisura erat idque eò ampliùs, quod nunquam culpâ quapiam inquinata fuit, quæ conscientiam sub vitæ finem acerbè torquere solet. Neque in illa locum habuit timor seueri iudicis Dei, cum sciret, se fuisse cumu-

lacam diuinis grauis, & confirmatam in bono, & certiore redditam de sua beatitudine, & gloria. Denique cum semper ab Angelorum copiosa multitudine custodita fuerit, necessum est dicere, in morte nihil molestiz passam à spiritibus reprobis, maxime cum illi ipsius Virginis ita semper pertinuerint præsentiam, vt Richardus de S. Victore in c. 6. Cantic. dicat: *Etiam ipsi principibus tenebrarum terribilis fuit, et ad eam accedere, eamque tentare non præsumpserunt.* Cum ergo Virgo ab omni labore, & dolore immunis esset, gaudens, ac lætæbunda benedictam, & beatam animam tradidit Deo, S. Ioannes Damascenus Orat. 2. de dormit. Virg. in hanc rem sic ait: *Sicut antequam illo partus dolore afficeretur, peperit, ita etiam ipsius ex vita discessus doloribus caruit.*

Et quid mirum sit, quod in morte omnis labor, & dolor à Virgine procul absuit, & anima illius præterea sacro corpore cum suauissima dulcedine, & summa voluptate exempta fuit? Legite, Auditores, quod de Moyse in Deuteronomio narratur, cum hora mortis eius appetiisset, cum inexplicabili dulcedine illum subito spiritum Deo reddidisse, eò quod fidelissimus illius seruus semper fuerit, *Mortuus est Moyses seruus Domini iubente Domino,* inquit sacer scriptor ibi c. 34. quod ex Hebræo alii sic reddunt: *Mortuus est Moyses in osculo Dei,* velut inter complexus Dei, absque vllò conflictu, & agone, immò cum ingenti teneritudine, & suauitate animam egerit, neque senserit dolores, qui alios morientes afflictere solent. Iam si Moyses, quia seruus Dei fuit mori suauiter, & cum inexplicabili dulcedine, multò dignior fuit Virgo mater eo priuilegio, & beneficio, quod Moyse Deus præstitit, adeoque cum summa voluptate deposuit animam suam in manibus creatoris sui, & filii, sic vt cruciatibus mortis nec momento subiacerit. Hoc est, quod S. Ildephonsus serm. 3. de assumpt. his verbis affirmat: *Ad vocem dilecti sui, veni dilecta mea, gaudens & ridens soluta est illa beata anima Virgini, & perrexit ad Dominum, & quæ dolori non subiacerit in partu, nec labori in transitu.* Et S. Damascenus Orat. 2. de dormit. Virg. hæc adiungit: *O res summa admirationis plena, hic commendatur, & beata confetur, quæ olim luctum, & marorem, lachrymasque tristitiam offerebat, nunc gaudii, & lætæ celebratæ causa.*

Accedat ad omnia dicta, quod Deus ad maiorem Virginis lætitiâ voluit, vt Apostoli, qui toto ter-

rarum

rarum orbe dispersi erant, miraculo confluerent, præsentisque essent, cum illa beato trausitu hinc emigraret. Ita scribunt SS. Damascenus vbi supra, & Germanus in Orat. de Assumpt. Hi ergo simul congregati iubilantibus in terram poplitibus primum illam adorarunt tanquam veram incarnati verbi matrem, deinde non sine abundantissimis lachrymis, & crebris, expectoralibusque suspiriis cæperunt dolere vicinam eius mortem, rogâruntque illam, ut sui bonam apud Filium memoriam haberet. Ipsa illos in vicem consolabatur, horrabaturque remittere dolorem, quæ de morte eius illis nâcebatur, & voluntati diuinæ se accommodare, gaudereque potius de felici ipsius ad cælestem patriam emigratione. Tum Filium precabatur, ut illis, quos tanquam singulares amicos delegerat, in omni ipsorum necessitate succurreret, & suâ gratiâ cumularet viuos, & gloriâ coronaret mortuos. Denique eleuans sanctam manum omnes suâ benedictione imperciuit. Cùmque iam beatissimi abitus illius hora extrema appetisset, subductis in cœlum oculis, vidit portam paradisi aperiri, ut affirmat S. Damascenus, benedictumque Filium totâ Angelorum aulâ, magnoque agmine Patriarcharum, Prophetarum, Martyrum, Virginum, aliorumque beatorum stipatum descendere ad excipiendam animam eius, intrâ cuius vterum animatum corpus assumpserat, absorptaque fulgentissimâ, & elegantissimâ Filii specie inter Angelorum cantum, & Apostolorum planctum benedictam animam suam in manus Christi exhalauit, qui amanter, ac dulciter eam complexans in cœlum deportauit. Hac de re sic ait S. Hieronymus in serm. 1. de Assumpt. *Nulli dubium est, omnem illam cælestem Ierusalem tunc exulasse ineffabili lætitiâ, nec immerito, creditur enim, quod Saluator omnium ipse per se totus festinus occurrat, & cum gaudio eam secum in throno suo collocauit.*

Quænam gloria maior hâc excogitari potest? Quis vnquam pari cum honoris magnificentia ex hac vita emigrauit, ac Regina hæc, quæ in sua morte coram præsentibus habuit & Apostolos, & Prophetas, & Patriarchas, & Angelos, & horum omnium Dominum Dei Filium? *Felix planè Maria, inquit S. Bernardus serm. 1. Assum. & multipliciter felix, siue cum suscepit Saluatorem sine cum à Saluatore suscipitur. Vtrobique mira dignitas Matris, & utrobique amplectenda dignatio manifestat.*

II. Consideremus nunc, Auditores, quid gloriæ Virginem à morte ipsius secuta fuerit. Prima est, quod mox ut anima cum inexplicabili omnium Au-

Tom. IV.

gelorum, ac Beatorum lætitia fuit illata cœlo, corpus tantam, tamque suauem exhalauit fragrantiam, ut illi, præsentibus erant, viderentur sibi, non dico in Arabia felice, sed in ipsa paradiso versari.

Secunda gloria fuit, quod Deus ingentem illius sanctitatem multis, & præclaris miraculis quamprimum demonstrare cæpit. Nam ut Nicephorus lib. 15. histor. c. 4. refert, cùm frequens multitudo infirmorum, ad tangendum sacratissimum cadauer concurreret, factum est, ut præter spem, expectationemque omnem redirent domum benè oculati. Alij erant surdi, & redibat illis ex attractu auditus. Alij erant claudi, & reuertebantur ad suos expeditis pedibus.

Cùm hæc tam insignitorum miraculorum noua per urbem Ierosolymitanam diffiminarentur dici non potest, quanto numero ij, quibus ægrè erat, concurrere cæperint. *Omne autem genus morbi solo attactu cessit & profugit.* Tertia gloria fuit, quod cùm deferri ad sepulturam sacrosanctum illud corpus debuit, tam honorificis, & gloriosis exequijs cultum fuit, quàm nulli vnquam vel antehæc parentatum, vel parentari deinceps possit. Nam illud humeris Apostolorum exceptum fuit, qui in vallem Iosaphat cum beato onere contententes, & per viam mirificam, ut Nicephorus loquitur, *carmina concinentes*, hymnisque, & laudibus magnam Dei Parentem celebrantes tumulto venerabile illius corpus reuerentissimè, ac pietissimè intulerunt. Adiungit Sophronius, quod innumera Angelorum agmina feretrum coronârunt, & aërem harmonici concentus suauitatè per omnem viam impleuerint. Ad aliorum sanctorum exequias celebrandas magno numero sæpè descenderunt Angeli, eorumque funera cantu, & laudibus cohonestârunt, animas verò ad thronum gloriæ usque comitati sunt. Facit hoc, ut indubitatum, persuasissimumque nobis esse debeat, cœlestis militiæ exercitus maiore numero, & effusioe cum lætitia hoc die inde delapsos aduolasse, ut dominæ, & reginæ suæ supremum honorem deferrent; hymnisque & canticis spiritualibus suum gaudium testarentur. *Multo magis credendum est, inquit Sophronius in ser. de Assumptione, militiam cælestem hodierno die cum suis agminibus festinè obuiam venisse Genitrici Des, & cum omni gratulatione, canticis, & hymnis spiritualibus iubilasse.* Confirmat hæc S. Hieronymus vbi supra, sic scribens: *Non credo vnquam in cælo solenniorẽ fuisse processionem, quamuis enim magna fuerit in Christi Ascensione, ista tamen videtur fuisse solennior.*

X

Cùm

Cum venisset Apostoli ad locum constitutum, v-
bierat nouum, illudque marmoreum sepulchrum,
ibi deposuerunt pretiosum illius corporis thesaurū,
circumstantesque illud toto triduo perseuerarunt in
Dei laudibus. Et quoniam à Sanctissima Trinitate
decretum erat, vt in Empyreū Cælum adducere-
tur, non quidem quadragesimo post mortem die, vt
existimabat venerabilis Beda, nec eodem, quo è vi-
uis abiit, vt volunt alij, sed triduo postquam vitā de-
cesserat, vt sentiunt Nicephorus, SS. Ioannes Da-
masceus, Athanasius, Andreas, Cretensis, & So-
phronius: Hinc est, quod cum Christus Filius illi-
us vellet eam cum corpore, & anima cælo inferre
(quæ gratia nulli hominum quantumuis eximīā san-
ctitate ornato hæcenus collata fuit) hanc suam vo-
luntatem toti cælesti curi indicauit, vt omnes hie-
rarchiæ sese præpararent ad illam cum quanto ma-
ximo fieri posset, gloriæ, honoris, & magnificentiæ
apparatu adducendam. S. Anselmus in lib. de laud.
Virg. in hanc rem sic ait: *Crediderim omnes illius
patria cines festiuiores solito, & sublimiores nitore de-
core ad aduentum Matris Domini sui preparari, ac
nouā quadam, & ineffabili incunditate protantares
expectatione consubilare.*

Tertius iam dies agebatur, à quo animam illa e-
gerat, venitque è cælo Redemptor mundi, ingres-
susque suā omnipotentiam sepulchrum in quo exan-
gue iacebat sacræ Virginis corpus formam præfe-
rens dormientis, talibus eam verbis expergefecit:
*Surge, propera, amica mea, columba mea, formosa mea,
& veni, Cant. 2.* Et ecce amicissimā hanc inuitati-
one, verbisque illis dulcissimis, tanquam autor vitæ
reuocauit animam beatam in corpus, & ineffabili
splendore donorum impassibilitatis, subtilitatis, &
agilitatis illud ornauit, quorum virtute prodijt illa
è sepulchro rota perillustis, & splendida, atque ex
templō cinctam se vidit innumerabilibus copijs au-
licorum cælestium, & in ijs diuinum suum Filium,
qui cum illi brachium offerret, dextrā in illud in-
cumbens aiebat: *Tenuisti manum dexteram meam,
& in voluntate tua deduxisti me, & cum gloria susce-
pisti me, Psalm. 72.* cepitque cælum versùs ferri, &
Angelico pro illius honore, & gloria illa plena ad-
mirationis verba modulari: *Qua est ista, qua ascen-
dis de deserto, delitijs affluens, intra super dilectum
suum? Cant. 8.* Quibus tale quid, exponente Ber-
nardo, dicere voluerunt: *Quanta est hac, & unde es
ascendens de deserto affluens tanta deliciarum?
Nec enim pares inueniuntur delitia vel in nobis, quos
in ciuitate Domini latificat fluminis impetus, qui à*

*Sulcu gloria Solaptatis gloria petamur. Qua est ista,
qua de sub sole (Sibi nihil est nisi labor, & dolor, &
afflictio spiritus) ascendit delitijs spiritualibus afflu-
ens? Hæc ille serm. 4. de Assump. Tanta verò fuit
lætitie exultatio, tantus iubilus ciuium cælestium,
quod cernerent tam magnificè, & amplè glorifica-
tam à Filio Matrem, tanta etiam suauitas hymno-
rum, quibus illius laudes cantarunt, vt S. Bernar-
dus dicere debuerit. *Quis cogitare sufficit, quàm
gloriosa hodie mundi Regina processit, & quanto deu-
otionis affectu tota in eius occursum cælestium legionū
prodierit multitudo, quibus ad thronum gloria cantu-
is sit deducta? Et S. Anselmus in lib. de excellent.
Virg. c. 7. appositè ad ista dicit: Contempletur o-
mnino, quæ potest, quo gaudio, quâ festiuitate, quibus
concentibus iubilabant omnes beatorum spirituum or-
dines.**

Et quomodo poterat non exultare cælum, quo-
modo non festiuissimè iubilare Angelorum chorus,
quando videbat præsentem Dei sui Reginam Ma-
trem, audiebatque dulcissima verba, quibus verbo
æterno ex se incarnato affectuosas exanimatū age-
bat gratias: Legite, Auditores, quid S. Lucas refe-
rat. Audiebat Virgo ex ore Angeli ad ipsam à Deo
missi, grauidam esse Elizabetham iam vetulam, & ce-
leri passu contendens ad montana Iudææ peruenit
denique in domum Zachariæ, & brachijs deuotè, a-
manterque complexa cognatam suam, etiam reue-
renter salutauit. Vt vidit Elizabeth admirabilem
præsentiam Mariæ in cuius virginali, & purissimo
ventre verbum Patris humanā carne vestitum late-
bat, audiuitque verba humilis salutationis eius, exul-
tare in aluo materna Ioannes, & aduentum Salua-
toris sui, quia alijs modis celebrare non poterat,
saltibus colere cepit: *Et factum est, & audiuit sa-
lutationem Maria Elizabeth, exultauit infans in vte-
ro eius, & repleta est spiritu sancto Elizabeth, inquit
Lucas c. 1.* Si ergo tunc, quando Maria sine vilo
maiestatis apparatus, quando absque omni ornatu
gloriæ, sed cum vulgari vestitu, & humili forma ad-
uenit, continere, quin saltaret infans, idque pro-
pter summam lætitie voluptatem, quàm ex eius
præsentia in vtero Matris suæ percipiebat, & Mater
ipsa spiritu sancto cumulata fuit, quàm incompa-
rabiliter maius fuisse dicere necesse est illud gaudi-
um, quo totum cælum perfudit, quando vt Regina
totius creaturæ circumdata inexplicabilis maiestate
gloriæ ingressa est beatam patriam, videruntque An-
geli suprâ humanam illius venustatem, & formæ de-
centissimæ elegantiam, gloriosaque, & beatissimā
eius

eius frui presentia ceperunt? Hæc est melliflui Bernardi commentatio, qui in serm. 1. de Assump. sic ait: *Quod si parvuli, & nondum nati anima liquefacti est, & Maria locuta est, quid putamus, quam illa fuerit celestium exultatio, cum & vocem audire, & videre faciem, & beatâ eius frui presentia meruerunt.*

At subleuamus aliquantisper mentem ad contemplandam pompam, quâ cum in superam patriam inuecta Virgo benedicta fuit. Mihi sat erit, fuisse admirabiliter celebrem, & dignissimam visu, sic ut videatur gloriosior Assumptio Mariæ ascensione Christi, cum hic non habuerit alium comitatum, quàm animarum beatarum, & Angelorum, illa verò non solum à cœli palatij, omnibusque sanctorum Angelorum choris conductâ, verùm etiam, quòd multò amplius hanc magnificat festiuitatem, ab ipso Christo Deo, & homine comiter excepta fuit. In hac cogitatione fuit S. Petrus Damianus, cuius sunt ista: *Attolle oculos ad Assumptionem Virginis, & saluâ maiestatem Filij inuenies, occursum huius pompæ non mediocriter dignorem. Sola quippè Angeli Redemptori occurrere potuerunt, Matri vero cœlorum palatia penetranti. Filius ipse cum tota curiatam Angelorum, quàm Iustorum solenniter occurrens euexit ad beatâ consistorium sessionis. Neque solum Angelos habuit obuios Virgo solenni cum pompa cœlorum regiam ingrediens, sed etiam tota sanctissima Trinitas, Pater, Filius, & Spiritus sanctus illi occurrunt. Audite S. Bernardinum Senensem qui 3. p. ser. 11. art. 2. sic ait: *Non tantum Dominus Iesus homo laureatus corpore glorificato, sed & ipse Rex Deus trinus, & unus dici potest sacratissima Virgini triumphaliter occurrisse.**

S. Anselmus ubi suprà inquit causam, ob quam Christus, cum in cœlos abiit, Sanctissimâ Matrem suam inter miseras huius mundi hic in terra reliquit, cum illam secum adducere posset ad capeiendam hæreditatem gloriæ, quo tempore ipse eandem adiit, & obitu factus illo Saluatoris facto, conuersus ad illum ait: *Quomodo potuisti pati, te in regnum gloria tuæ remeantem, illam quasi orbatam in miseris mundi relinquere, & non eam statim tecum regnaturam assumes? Facti autem huius rationem perpulchram excogitauit, quæ est huiusmodi: Quòd in cœlos reuertens viæ comitē noluisse habere Matrem, id fecisti, fortassis, Domine, ne tua celestis curia veniret in dubium, cui potius occurreret, tibi & delictet Domino suo tunc regnum suum in assumpta*

carne petenti, an ipsi domina sua idem regnum iam suum materno iure effectum ascendenti.

Denique in tantam altitudinem euecta est, ut ex aliquorum Doctorum sententia proximè thronum regium Christi habeat suum locum, supràque omnes Angelorum hierarchias exaltata fuerit mediatrix Dei, & creaturarum. *Tota Christianitas nouit, inquit S. Anselmus ibid. c. 4. quæ illam super omnes cœlos exaltatam, & Angelicis choris pralatum certissimè credit.* Et S. Bernardus in ser. 5. super illud, *signum magnum, congruenter ad ista dicit: Hanc super omnes Angelorum choros, super Cherubim quoque, ac Seraphim exaltatam nefas est dubitare.*

Alij sunt in ea opinione, ut existiment virginem sedere in alio sublimi folio à dextris sui sanctissimi Filij, ad eum modum, quo ille sedet ad dexteram æterni Patris. Videre annon satis perspicuè huic ad stipuletur veritati factum illud, quod tertius liber Regum c. 2. narrat. Voluit quondam Bethsabee Mater sapientissimi Regis Salomonis illum intrâ conclauē regium conuenire, ubi ille in peropulento throno pompabiliter sedebat. Cum solertissimus ille Rex audiret, Matrem secum loqui velle, non solum à magnifico folio descendit, neque tantum ei occurrit, reuerenterque & perurbanè illam excepit, verùm etiam alterum elegantem thronum illi iuxta suum constituit, in quo Mater sederet, cumque Salomon solium suum repetisset, illa proximum inscendit, qui filio à dextris erat. *Postumque est thronus Matri Regis quæ sedet ad dexteram eius, inquit sacer scriptor. Ille pacificus Rex Salomon, inquit S. Ioan. Chrysost. est figura Christi Regis cœli, ac terræ, qui toti mundo attulit veram, & perpetuam pacem. Salomon interpretatur pacificus, inquit ille hom. 4. op. imperfecti, quoniam pacificum habuit regnum, ita & templum Deo adificaret, & ens etiam ministerio Gentium, & figura fuit nostri pacifici Christi, qui confugientibus ad se per fidem Gentibus, & bonorum operum spiritualia tributa soluentibus pacificum habuit regnum, ita, & suis lapidibus non solum Indais, sed & Gentibus unum templum Deo adificauerit & inuenit.*

Mythicam Bethsabeam, & Matrem veram celestis Salomonis, qui de seipso Matth. 12. aiebat: *Ecce plusquam Salomon hic, possumus dicere fuisse virginem benedictam, quæ tunc ex domestico suo cubili in aulam regis æterni interiorem ingressa est, quando relicta hac terrâ inferiore cœlum gloriosius inuiit. Si ergo Salomon tanquam gratissimus filius, ut suam ergâ Matrem obseruantiam ostendaret, congru-*

congruoque honore eam ornaret, comitatus aulicis illi obuiam iuit, atque ut decebat, veneratus fuit, Deum immortalem, quanto maiore cum honorificentia putatis dignissimam Matrem suam, verus Salomon Christus excepit? Descendit è throno gloriæ, quem supernus Rex pacis occupat, sanctissimamque Parentem cum perhonorifica pompa excipiens & super omnes creaturas exaltans, ad maiorem eius gloriam thronum illi singularem excitari iussit, in quo à dextris illius perpetuum conquiesceret. Ita affirmat S. Bernardinus de Senis serm. 11. art. 2. & 3. dicens: *Contemplantur mirificam oblationem, quia surrexit Salomon in occursum matris sue, mirificam Generationem, quia adorauit eam, altissimam sublimationem, quia positus est thronus matris regis, immediatissimam coniunctionem, quia sedet ad dexteram eius. Surrexit igitur gloriosus Iesus in occursum sue dilectissimæ Matris, & sicut benedictus Iesus sedet à dextris Patris, id est, in posterioribus bonis paternis, sic Virgo gloriosa in posterioribus bonis filij sui Iesu iuxta illum in throno sublimata confedit.*

Ut finem faciam, Auditores, dico, quod velut mundus non habet locum excellentiorem eo, quem dedit Maria Deo, quando descendit è cælo, qui fuit purissimus illius uterus: Sic in cælo non est solum opulentiùs illo, quod in Beata Patria obtinuit à Filio suo Maria. *Nec in terris locus dignior Gerere Virginis templum, in quo Filium Dei Maria suscepit, nec in cælis regali solio, in quo Mariam Maria Filius sublimauit,* inquit S. Bernardus serm. 1. de Assumpt. Tam admirabilis, tamque ingens est gloria hæc virginis, ut quemadmodum sol cum in alterum hemisphærium commigrat, quantumvis innumera stellas cælum adornant, aliud tamen nihil videtur, nisi nox obscura, & tenebræ: Ita si virgo è cælo tolleretur, tametsi sancti reliqui omnes in eo manerent, velut atra nox locus ille Beatorum videretur, cum illa sola possit gloriosum reddere locum illum, & clarissimum lumen toti mundo adferre. Tolle corpus hoc solare, quod illuminat mundum, ubi dies? Tolle Mariam hanc maris stellam, quid nisi caligo inuolvens exclamat iterum Bernardus.

Quid iam nos faciemus, Auditores, cum videmus tantà Domina, tamque singulari patrona nos destitutos? An tristem in maiore vitam transmitteremus, quia tanto bono non gaudemus? Ita conuenire videtur. Verum sanctus Bernardus deuotissimus huius virginis cliens nos consolatur, dicens, quanquam cælum ex diuina ordinatione nobis abstulerit Mariam quæ erat magnum bonum, & tum ornamen-

tum, tum adiumentum nostrum, id tamen verissimum esse, quod illam obrinimus patronam nostram, postquam ex nobis in cælos abiit, ut dicere homo possit, præmisisse illam aduocaram, ut tanquam Mater misericordiæ, & summi Dei, negotia, quæcunque ad salutem nostram spectant, melius, potentiusque procuret *Aduocata præmisit peregrinatione nostra, quæ tæquæ iudicis mater, & mater misericordiæ suppliciter, & efficaciter salutem nostram negotia pertractabit.* Hæc ille serm. 1. de Assumpt. Ex his conficit Doctor mellissimus, quod homines potius lætari debeant, quam contristari in hoc sacrosancto assumptæ in cælos virginis.

At quid nos faciemus in hoc felicissimo die, quo ex hac vita mortali abiit Virgo, & cælestem patriam ingressa est, facta Regina cæli, ac terræ? Omnes terræ affusi dicamus ei. O Virgo benedicta cæli, ac terræ imperatrix lætatur anima mea, quod te tam vehementer magnificaram vider! O quantum gaudet cor meum consideratione beatitudinis, & felicitatis tue! Quisque nostrum ex penitissimo animo ad te suspirans, benignum à tua benignitate expectat subsidium, & auxilium. Roga Virgo Mater Filium tuum, ut peccata nostra nobis condonet, & miseri corporis vinculis exsolutos in cælum beatos perducatur, ubi tu nunc viuas per omnia sæcula sæculorum, Amen.

De eodem Festo Beatissimæ Virginis Assumptæ.

Autore Interprete.

Maria sedens secus pedes Domini audiebat verbum illius. LUC. 10.



Auditores. Non me vel naturæ conditio, vel gratiæ dignatio Angelum fecit, Angelorum tamen vocibus compellere Angelos, ac dicere, *quid statis aspicientes in cælum?* Ob id audeo, quod illos inter suauius suspiria, ac dulces lachrymas fixis nunc in cælum, nunc in se mutuo obrutibus talia alios ex alijs percontantes audire videor: *Quæ est ista, quæ ascendit de deserto delictijs affluens? quæ est ista? quæ est ista?* quasi in admirationem, ac stuporem eos verterit triumphalis è mundo Regine sue Domine nostræ abitus. Sed quid illud sciscitmini, Angeli attoniti? Fortè an inter mulieres ceteras

teras non eam noſtis, vt hanc ob cauſam, quæ ſit, interrogetis? Splendicat adeò vultus eius, vt radiorum micatur orbem vbique impleat terrarum, & inter hos vobis obſcurum eſſe queat, quænam illa aſcendat? Quæ mulier alia talè capite coronâ, quæ talè reliquo corpore veſtitâ, quæ parè ſeu formæ elegantiâ, ſeu gratiæ magnitudinè, ſeu gloriæ maiestâtè præ ſe tulit, qualem hæc, quæ nunc cœlos petit vt vos huius dubios illa faciat? Matrem Dei cœlorum Reginam, orbis Dominam, tantis cœlum dotauit, & ditauit meritorum copijs, vt inferiora ſint hominum, & Angelorum merita, vel ſi in vnum cumulum componas omnia: & quæ ſit iſta, quæ aſcendit, quæ ritis, quaſi alia eſſe poſſit, quàm quæ ab æterno electa vt Deum mater pareret? Immo immo ea ipſa eſt, quæ inter feminas nec primam ſimilem viſa eſt, nec habere ſequentem, ea eſt, quæ virgineis plantis caput Acherontici ſerpentis contriunt, ea eſt, quæ tametiſi creaturarum omnium puriſſimam, ſanctiſſimam, Deoque cariſſimam ſciet, ſibi tamen vileſcebat, interque ſamulas Dei ſe deputabat, adeò ſecus pedes illius ſedebat, vt verbum illius audiret, obedire parata, quidquid iuberet? Ea eſt, quam tanto cum plauſu, obſequio, ſamulatu omnium cœleſtis regiæ aulicorum, procerum inter gloriæ ſplendores ſereniſſimam ſumma cœlorum adire ſaltigia cernitis. Agite ergo beati Angeli, & vertite ſtuporem in hilaritatem, in iubilos admirationem, & choros chori omnes ducite, & noua gaudia nouis cantibus concelebrate. Sed cum hæc Angelos rogo, quid nos faciamus, non ſatis video. Deſtituit nos hæc dies matre, ſed quali matre? Orbitas ea planctum requirere videtur, cum è contrâ plauſum exigat non tolli modò exemplum, ſed & matris in tantam ſublimitatem prouectæ meritum. Rem tamen attentius conſideranti, videtur prorsus id faciendum, vt & Virgini, & nobis gratulemur de illius in cœlos Aſſumptione, & tam felici, quàm beato, ac ſperato abitu. Tres huius rei cauſas producam, iſſque totam orationem abſoluam, dum vos interim, quod oro, atque obteſtor, attentos habeam.

MARIA ſedens ſecus pedes Domini, &c.

I. Hodie MARIA Virgo cœlos aſcendit, gaudere quia cum Chriſto regnat in æternum. Ita canit Eccleſia, eoque primam cauſam reddit, cur & illis, & nobis gratulari debeamus, quod Dei Patris hodie primum cum Deo regnare, & ſincero

ſemel gaudio perfrui cœpit, cuius nulla antehac fuit, mera quia nulla abſque mœrore voluptas. Recurre animo per omnia Virginis feſta, & gaudia, inquit deuotiſſimus Granatenſis ſerm. 3. de hoc die, inuenieſque nihil illi tam fauſtum ac felix eueniſſe, quod non aliqua triſtitia interpellârit. Magna fuit lætitia, quando mundi Saluatorem Virgo eſt enixa, quàm & Angeli cœleſtibus canticis, & diuinis laudibus cumulârunt: Sed huic lætitiæ negatus toto oppido hoſpitiij locus, ſtabuli horror, & indignitas, duritia præſepij, pauperes panni, & infantis, tum lactis inopia, plurimum detraxerunt. Magna fuit Virginis lætitia, cum octauo à natali die dolciſſimum, ac reuerendiſſimum nomen Ieſu (quod eſt ſuper omne nomen) puero fuit impoſitum, ſed hanc ſubitus dolor excepiſt, quando renellum puſionem ſuum ſimul lachrymas, & ſanguinem in Circumciſione verrere vidit.

Magna deinceps lætitia conſecuta eſt, quando Simeon, & Anna, ambo ſeneciones, ambo Dei ſpiritu pleni, tam præclarum Puerum, cum in templo offerretur, teſtimonium dixerunt, vbi Pater & Mater mirabantur ſuper hijs, quæ dicebantur de illo? Sed quàm citus hanc lætitiâ abrupti luctus, quando ſenex poſt laudum præconia, etiam agones, & certamina filij, tum matris dolorem, & gladium, qui animam illius penetraturus eſſet, tanto antè ſignificauit, vt huius vnius præſagij felle totam amaricare vitam reliquam poſſet tantorum tam certâ expectatione malorum, vel ſi triſte aliud nihil occurreret. Iam verò Reſurrectionis feſtiſſimum gaudium, quanquàm magnâ voluptate totum Virginis animum inſudit, recentis ſanguinis tamen, & paſſionis eum acerbiffimæ, tum probroſiſſimæ imaginem ab eius mente non ſtatim penitus aboleuit. Aſcenſionis porro Dominicæ gloria, & lætitia quàm magna, & miranda fuit! Quid enim mirabilius, quid Deo homine dignius, quàm quod in cœlum cœlorum Conditor, ac Dominus per medios aëris globos, vi propriâ penetrauit? At neque hæc lætitia omnis prorsum doloris expers fuit, quod nullus inſciabatur, niſi qui veliſt fuiſſe ferrea, & abſque ſenſu tenerrimæ Virginis viſcera, quæ viderint, talem à ſe tam procul abſtrahi ſuum, ſeq; in hæc ærumnarum valle orbem relinqui, nec grauiter mota fuerint. At verò huius diei gaudia nulla interpellauit triſtitia, huius lucis ſerentatem nulla mœoris obſcurauit nubecula, huius feſti fuit mera, & ſyncera voluptas, nullis admixta doloribus, quo regnare cum Filio Mater in cœlis cœpit, vbi non eſt am-

plius luctus, neque dolor, sed iuge alleluia per omnes vicos ab omnibus certatim cantatur, quia omnium est communis, & certa de perpetuitate lœtitia.

Hæc ergo prima causa est, ob quam nos gaude-
re, & congaudere magnæ Dei, & nostræ Matri oporteat, quoniam hodie sæculo nequàm erepta, vbi nulla sine tempestate dies, nulla sine fluctibus quies, & securæ stationis litus ingressa, Filioque suo, & toti Trinitati assidens meras captat ab eius intuitu voluptates, gaudia integra, synceram lœtitiā. Et quis non congaudeat illi, quis de illius felicitate non ex animo lætetur, quæ est causa omnis nostræ lœtitiæ & mater felicitatis, illumque peperit, qui nos solus beare, & felicitare æternum potest?

II. At si Virgini possumus, nobis certe gratulari debemus, quod in cœlos euecta, Filio Iudici, Mater patrona perpetuo pro nobis supplex assidet, ut nullus tam deiecto sit animo, qui non facile assurgere queat, dum cogitet, qualem apud Deum aduocatum habeat. Felices fuerunt semper liberi, qui bonis matribus cari, & commendati. Perierat Isaac domesticus in præceptis nactus exemplo, nisi mater Sara adibus exegisset Ismaëlem, qui iustus non bonos iam cum illo ludere cæperat. Quod Iacob benedictionem paternam (quæ illius xui, & populi homines Deo velut initiabantur) fratri suo Esau præripuit, hoc matri suæ Rebecæ debet, cuius industria, & maior erga illum propensio fecit, ut illi non solum pater præ germano fratre bene precaretur, sed Rachel quoque, & Lia connubio, & plurima deinceps felicitas fortuna obueniret. Erat Ioseph patri suo Iacob omnium liberorum amatissimus si forte puer benevolentiam tantam ipse meruit, at mater Rachel multò antè impetrauit. Moysen infantem fluuius hauisset idem, qui tot Hebræorum pueros alios, nisi ingeniosa matris eius pietas fuscillam scirpeam, & reliquam de 2. cap. Exodi tragædiam, quæ illum seruauit, commenta fuisset. Quod primus à patre Davide imperium Salomon adiit, hanc ei Bersabee gratiam mater eblandita fuerat. Quod cum patre in gratiam Absalon redijt, non mater, sed matris tamen optimæ officio functa Thecutes fecit. O miseros Hebræos quo tempore Aman Asfueri gratus omnibus illius regnis pro summa libidine moderabatur! Vnam ille omnibus fatalem diem dixerat, quo & contrucidasset, nisi Hester obuiam iisset, quæ non auerit modò, sed in hostile caput conuertit perniciem. Sic & filij Zebedæi optimissimum causæ suæ exitum sperare poterant, si

iustæ modò rei patronam matrem subornassent.

Quid non ergo speremus, quantumvis miseri mortales, de Virginis Marris patrocinio, quæ & ed impensius audit peccatores, quod sine illis nunquàm facta fuisset tanto digna filio? Ludat coram nobis, quem volet Iudam Ismaël, non illudet tamen, dum mater nostra Sara saluti nostræ, ut facit aduigilet: Irrugiat, & insaniet Esau, & mortem intenter, non inferet tamen, dum illa mater Rebecca nobis consular, & prospiciat.

Oderint nos fratres, nec possint nobis pacificè loqui, in cisternas, aut carceres abijciant, ac venundent demum, gratia Rachelis faciet, ut primum omnia patienter toleremus, postremo etiam pro compedibus torques induamus, & sceptrâ vinculis permitemus. Iubeat nos Pharaos fluuiio mergi, parata habet seruandi remedia mater, quæ vndequaq; affluit misericordiâ. Sit iustus de causis iratus nobis David pater, noster, Thecutes tamen nostræ verbis suis animum illius expugnabit, ut noxarum gratiam faciat, vel si fratrum sanguine manus cum Absalone impiauerimus. Decernant in nos certam mortis sententiam quotquot circum nos hostiles exercitus, eamque & Regum suorum, & Principis adeo tenebrarum sigillo obsignent, & diem facinoræ certum paribus votis præscribant, Hester Hester nostra suo illos malo inuoluet, & omne à nobis in suos autores amolietur exitum, dum sit nostrum ad hanc quale Mardochei ad illam tam enixum, tam plenum fiduciæ perfugium. Nam quæ Deum tam vehementer amat, quam nec ipsa verbis suis satis eloqui posset, ea de amare homines nequit ea non potest, quin nos plurimum quoque amet, interque omnia discrimina seruet, ac sospitet.

Habet enim hoc eximium ille verus amor, ut quò magis ergà Deum inardescit, ed ergà homines amplius flagret. Vultis id peruerustò adumbratum mysterio oculis subijciam? Vigentes quintus annus inierat, à quò Ezechiel, & populares eius transmigrarent, quando vir quidam æneum habitum præferens, Ezechielem procul inde in fastigiati montis summum cacumen abripuit, vnde inter plurima, quæ attentissimis auribus, & oculis arbitrari iussus, vidit thalamum, quem vir ille, quæ latum, quæ longum, pari calamo est mensus: *Mensus est thalamum duo calamo in longum, & uno calamo in latum*, inquit rextus sacer Ezech. 40. 7. Quid sibi velit hoc loco thalamus? Charitatis symbolum fuit, inquit Magnus Gregorius, in qua cœlestis Sponsus conquiescit, *Deum enim charitas est, & qui manet*

in charitate, in Deo manet, & Deus in eo; 1. Ioan. 4. Huius thalami longitudini latitudo æqualis est, quia charitas quantum se in Deum supra erigit, tantum se per fraternæ salutis amorem in latum porrigit, ut quod est in Deum æstuantior, eò sit in homines alios incitator. Iam si Virginis erga Deum charitas omni humano arbitratu plurimum est superior, fit ut nec eâ parte metiri illam quisquam homo possit, quâ homines spectat. Etsi omnem humani ingenij mensuram amor Virginis erga homines excedit, ut eam ex æquare æstimando non possimus, lætari proinde infirmitas nostra supra modum suum debet, quod hodie primum proxima Filio suo Iudici nostro sedere in cœlis capit Mater, cuius erga nos charitatis magnitudinem ut scimus esse omni censurâ nostrâ maiorem, ita & nouimus esse omni miseriâ, & infelicitate nostrâ multo ampliorem, ut nulla nos possit tam profunda ærumnarum abyssus forbere, nullum tam diffitum, aut ingens malum inuenire, quod illius charitas depellere non valeat, ac velit. Acceptani ferte doctam hanc commentationem sapientissimo Granatensi, ex cuius conc. 2. §. 3. de hoc Festo eam excerpti.

III. Sed sperare bene de Virginis inexplicabili charitate, etiam sceleratissimus, & obduratissimus quisque potest, ac lætari ferè ille solus, qui morum imitatione filium, & genuinum alumnum se Virginis probat, tam securus scilicet gratiæ virginalis, quam certus, *quicquid in nobis est spei, ac virtutis, id totum ab ea redundasse, ut S. Bernardus loquitur, quæ ascendit delictijs affluens.*

Non possum, quin hoc loco vos compellem quibus suis aliquando noster deuotissimus Granatensis: *Quid nostra refert fratres, aiebat ille, quod Virginis gloriam predicamus, si ab eiusdem gloria communi ignauia nostrâ secludimur?* Addam hoc de meo: Quid verò, si charitatem illius erga Deum, ac homines diu admiramur, & multis extollimus, neque similiter utroque diligere curamus, ut de illa, Deo autem antè omnia in cœlis aliquando coram gaudeamus? Sed quis nolit esse beatus ex Deo? Quis non ad istam felicitatem votis omnibus aspiret, ut post Deum virginem illius Matrem in gloria sua videat, de qua multa sæpè, quanta satis nunquam audivit? Hæc languidis votis plerique optant, verum incitatis, ardentibusque ac iustis desiderijs vix pauci efflagitant.

Audite hanc in rem ex suis confessionibus Augustinum: *Ille cœlestem hæreditatem verè, & ex animo desiderat, qui eam q̃s, quæ in terra præstantissima ha-*

bentur, facile antepont. O Deus, quoruscunque nostrum cœlestem hæreditatem rebus terræ præstantissimus antepont? Quotus verò est, qui non vilissima, & abiectissima illi præferat? Si enim quoties turpi cogitatu scientes oblectamur, tametsi ab opere abhorreat animus, lethaliiter peccamus, & summo illi bono renunciamus, annon leuissima, & indignissima huius mundi antiquiora illo ducimus? Quod cum facimus, quonam modo nos iusto eius boni desiderio flagrare dicimus?

Quoniam verò hæc peruersitas ab immodico rerum terrenarum amore proficiscitur, huc ante omnia necessum est exuat, cuius animus in cœlum anhelat, quisquis per scalam Iacob ad superos aspirat, cuius cum multi sint gradus, infimus tamen à terra primus statim eleuatur, ex quo intelligimus terram primum deferendam ei, qui assurgere in cœlum cupit.

Atque hæc terræ desertio non initium modò est, sed etiam pars iam magna, & portio sanctitatis: *Quemadmodum enim quæ Deo initiata sunt* (ut sacra vasa, altaria, &c.) *à prophanijs & sibus secernuntur,* inquit Origenes, *ita qui vera sanctitatis amatores existunt, terrenis curis, ac rebus implicari minime debent.* Hoc est, quod Petrus Apostolus obnixè à nobis postulat, cum ait: *Obsecro vos tanquam aduenas, & peregrinos abstinere à carnalibus desiderijs, quæ militant aduersus animam;* 1. Petr. 2. Peregrinus omnes per viam delitias tanquam itineris moras præterit, hospitiumque aliud ex alio mutat, nec alicubi diuturnam sedem figit, sed omnia loca media festinus transit, dum patriam anhelus petit. Tales peregrinos Petrus non omnes cupit rogatq; abstinere à carnalibus desiderijs, ne animas nostras à cœlo illa abstineant. Neque Petrus hæc primus cupit. Iam olim ante illum prædixit Dominus: *Omnes qui reliqui fuerint de vniuersis gentibus* (hoc est, omnes quotquot superstites persecutioni Ecclesiæ Christianæ) *ascendent & adorent Dominum Regem exercituum, & celebrent festiuitatem tabernaculorum.* Mense anni septimo solenne erat Iudæis celebrare ferias tabernaculorum diebus septem, per quas sub vmbraculis agebant, ut eorum dierum recordarentur, quibus maiores illorum sub tentorijs, ac papilionibus vixerunt; quamdiu per desertum terram promissionis petierunt, ut habes Leuit. 23. Sed quid est hoc, quod vnum illud tabernaculorum festum etiam à Christiano populo vult obseruari, qui cætera omnia antiquauit per aduentum Christi? Vult spiritualiter à nobis semper agi, quod Iudæi

Iudæi hodièq; carnaliter obseruant, vt omnia mundi domicilia, quocunq; illa titulo ad nos spectant, pro tabernaculis habeamus, & habitemus velut in tentorijs, & sponte deseramus, quæ necessariò in morte relinquenda, vt sicut illi annos quadraginta desertum tanquam peregrini obierunt, fixamque patriam inquisierunt. Ita & nos quamdiu in hoc corpore militamus, peregrinos mundi nos esse credentes, ad cæleste regnum, quod nobis ab origine mundi est paratum, indefesso conatu pergamus, & ob id solum in hanc lucem nos editos intelligamus, vt brevis xui spatio pietatem colentes, & autorem tantæ felicitatis Deum debitis obsequijs promerentes, sempiternæ quietis sedem occupemus. Hanc verò spiritualem peregrinationem tantoperè à nobis Deus exigit, vt ijs, qui sæcù faciunt, qui festum tabernaculorum ad morem Christianum non celebrant, qui terrenis cupiditatibus tanquam ciues per otium vacant, neque vt peregrini renunciant, minetur, imbrem cæli, hoc est, suam gratiam defuturam, quæ sola mentem reficit, sola eius sitim extinguit, sola terram cordis nostri fecundat, sola feracem fructuum æternæ vitæ facit. Quæ verò grauior esse, quàm legis illa poena possit? Nam quæ non infunditur cæli imbre terra, ea *spina & tribulus proferi, adeò reprobata est, & maledictio proxima, & consummatio illius in combustionem*, quo vos proximè Apostolico fulmine perstrinxit. Sed quare hunc peregrini hominis affectum, & animum tantoperè nobis commendat Dominus? Omnino quia intelligebat, omnium malorum nostrorum causam esse, quòd in hoc mundo non tanquam incolæ, sed tanquam ciues, & domestici conuersamur. Sic enim ferè viuimus, sic rebus terrenis affixi sumus, velut ad hanc solum vitam nati essemus, & neque iudicium à morte, neque vllum seu proëmium, siue supplicium expectaremus. Hi sunt, quos Propheta in terra obliuionis degere significauit, cum ait: *Nunquid cognoscuntur in tenebris mirabilatus, aut iustitia tua in terra obliuionis?* Psal. 87. Quid terram obliuionis appellas? Lethæas fortè aquas, quibuscum defunctorum animæ omniùm, quæ hic geruntur, obliuionem præfortibus inferorum bibant? Risu digna fabula. Habet tamen aquas harum similes malus dæmon, quas plurimis affatim propinasse, omnemque sui ipsorum memoriã ademisse videtur, vt nunquam finis cuius gratiã à Deo conditi, nunquam eorum, quæ ad hunc finem consequendum necessaria sunt, recorderentur. Hanc tu inhabitas terram, cuius animum

nunquam ferè seriùs per omnem vitam cogitatus Dei, ac salutis tuæ subit, qui nunquam ad te ingrederis, vt intà te rationem cui in eas, ac dicas: Quis me condidit? Ad quid condidit? Quis Autor, & quis finis vitæ meæ? Quid hactenus designauit? In quæ vitam, & annos expendi? Quis me exitus manet? Quæ fors post hanc vitam? Qui vix vnquã talia, aut certè nunquam seriò cogitas, in terra obliuionis tanquam ciuis habitas exul, & peregrinus cæli futurus, nisi meliora posthac agas.

Sic enim ait Propheta: *Oblitus es legem Dei tui, obliuiscar & ego filiorum tuorum.* Os. 4. & Apostolus: *Ignorans ignorabitur*, funestamque illam vocem audiit: *Amen dico vobis, nescio vos.*

Viuamus ergò in hoc sæculo tanquam hospites, & aduenæ, vt viuamus in futuro tanquam ciues, & domestici, & in via se positum, donec in hac vita est, sibi quicque persuaदेat, vt non magis afficiatur animo præsentibus, quàm prudens, & festinus viator arboribus, agris, ædibus, quas per viam offendit, ac transit.

Sed ais: Hæc ad eos pertinent, qui monasterijs inclusi, & à molestissimis huius sæculi curis feriatam faciliè in Deum se recipere possunt, quàm se omnibus alijs leuiter exonerantur. Habet status nostri religiosi felicitas, fateor, quod non omnis alius status, sed Martha sæpe nimium quantum turbatur, de vno in primis necessario non satis sollicita.

Fortè Magdalena, & Martha tunc communiter viuebant, cum ad illas Christus victus gratiã ingressus, adeò ex æquo ad illas res familiaris pertinuerit, sed illa rem hanc tanquam peregrina curabat, hæc tanquam domestica, illa prudenter decernebat, non esse iustum *relinquere verbum Dei, & ministrare mensa*, hæc ita totum instruendæ mensæ animum addixerat, vt & sororem ab auditu verbi Dei auocare institueret. Denique Mater Dei eadem Materfamilias fuit, *qua manum suam*, hoc est, maritum (qui illi pro manibus erat) *misi ad foris*, ad opera fabrilis, *& digiti eius apprehenderunt fufum*, vt & ipsa victum, vestitumque filio compararet, quando ad hæc pauper senectio vix sufficeret. S. Basilus cap. 6. constit. Monach. ait, Parentes Christi, vt potè tenues, & non satis copiis instructos, solitos in assiduis corporis laboribus versari, & sibi quotidianum victum comparare. D. Ambrosius ait, beatam Virginem fuisse domestico operosa secreta, & scimus Marthæ officio ergà Christum diu, multumq; functam, & inter hæc tamen ad pedes Christi sedere adeò amabat, vt S. Vincentius ex aliorum etiam

sancto;


sanctorum reuelatione dicat, sæpe filium tenellum paulo aduolentem rogasse, ut varia sibi de cœlo, ac vario animarum statu panderet. Mariæ adiutorio Martha opus habet, nulla vobis prosperè cedent negotia, si prorsum negligitis otia sacra. Optimam partem cum Maria eligit, & Deo pro status vestri conditione vacate, qui Deo frui cupidi. Dixi, Amē. Amen.

De Compassione, & Doloribus iuxta Filii sui Crucem stantis Virginis.

Autore ALEXANDRO CALAMATO
Messanensi Clerico Italo.

Interprete F. Ioanne Freylinck
Ord. Prad.

Stabat iuxta Crucem IESU Maria Mater eius. Ioan. 19. c.

 Spectaculum magis tragicum, luctuosior, & lachrymabilior historia in sacris literis nulla reperitur hac, quam Euangelista Ioannes refert de martyrio magnæ Dei Parentis, cum ait, stetit proxime Crucem, tanquam Spectatricem chari, & amatissimi filii sui Iesu Christi ex ea penduli: *Stabat iuxta Crucem Iesu Maria mater eius.* Et reuerà, Auditores, acutus fuit doloris gladius, qui benedictæ Virginis animam pertransiit, quando in Caluariæ monte Cruci affixum suum Filium vidit, & sanguinem, qui per spinarum vulnera ex capite manabat, & per clauorum fissuras ex manibus, pedibusque profluebat, & nudum illi, qui agros floribus vestit, & sticulosum creatorem aquarum, & redimitum spinis, qui gloriâ coronat electos in coelis.

Ut verbo dicam, omnium acerborum dulcissimi Filii dolorum moelissima spectatrix Maria fuit. *Stabat iuxta Crucem Iesu Maria, &c.* O dolores! O cruciatus Virginis! Benè potest illa dicere omnibus vobis, quotquot huc concurristis, ut condoliscatis illi: *O vos omnes, qui transitu per istam, attendite, & videte, si est dolor similis, sicut dolor meus!* Thren. 5. De istis doloribus, de tali martyrio hodie apud vos disseram. Attendite.

Stabat iuxta Crucem Iesu Maria mater eius. Non

Tom. IV.

credo, Auditores, posse acerbiorum in hoc mundo inueniri dolorem, quàm sit patris, aut matris, qui occisum ob oculos suos mori videant dilectum filium suum, omnis enim alius cruciatus nullus, si cum hoc comparetur. Hinc intelligetis insignem mali dæmonis astum, quo ille, Deo ita permittente, magnanimum cor patientissimi Iobis deicere, & validum eius pectus subigere voluit. Quibus armis ad hanc rem cum usum putatis? Audite, amabo, & notate malum pessimi veteratoris diaboli dolum. Corruit domus fratris natu maioris, oppressitque, & extinxit non solum filios, & filias sancti Iob, sed etiam totam familiam, & quotquot in eisdem ædibus ab eorum officiis erant. Qui autem Iob tam funesta noua pertulit, his verbis ea recensuit: *Filius tuus, & filia tus descenditibus, & bibentibus vinum in domo fratris sui primogeniti, repente ventus vehemens irruit à regione deserti, & concussit quatuor angulos domus, qua corruens oppressit liberos tuos, & mortui sunt, & effugi ego solus, & annuntia rem tibi;* Iob 1. Sed dic mihi, o infauite nuntie, si domus corruens omnes oppressit, cur non omnes commemoras, qui sunt extincti, sed liberorum solam facis mentionem? O crudele inuentum? inquit Olympiodorus antiquissimus Ecclesiæ Doctor. Sciebat dæmon hunc esse intolerabilissimum cruciatum, quem adferre sancto Iob poterat, propterea solam liberorum internecionem illi nuntiat, & tam funesta noua ad ipsum perfert. *Germana proli præcipue meminit, & iusti naturam exulceraret.* Et postea subiungit: *Neg, enim dixit, supra omnes, qui intus erant, cecidit, intersectorumq; omnium sepulchrum unum domus effecta est, sed magis propria memoriam ei natura offerens, ac luculentas ei plagas insigens, dixit, cecidit super filios tuos.*

O Virgo dolorosa, quid sunt filii Iob cum tuo Filio vnigenito comparati, & quid mors illorum, si eam cum morte Iesu Nazareni conferas? Dolor tuus profectò longè acerbior fuit quàm Iobis. Propterea beatus Amadeus loquens de cruciatu Virginis, qui illi ex mortuo Filio natus fuit, sic ait hom. 5. de B. Virg. *Torquebatur magis, quàm si torqueretur in se, quia supra se incomparabiliter diligebat id, unde dolebat.*

Nihilominus inter tantas afflictionum tempestates, vides moribundum, & expirabundum delictum suum, armatâ inuidiâ fortitudine validè obfisteat doloribus tam vehementibus, & *stabat iuxta Crucem Iesu non corpore tantum erecto, sed & animo inconculso, atque excelso.*

Y

Tan-

Tanquam rem stupendam refert sacra Scriptura id, quod accidit matri Machabæorum, mulieri, cuius par erat fortitudo, ac dolor, quando crudelium filiorum suorum interuentionem vidit, qui illa coram præfente fuerunt occisi, adeoque ferebat illa in oculis, quod in carne omnes, ut aiebat S. Augustinus Serm. 109. de diuersis.

Idem dicere possumus de Virgine Matre spectatrice immantium Filii sui tormentorum: *Erebat in oculis, quod in carne omnes.* Res est, quam nemo audire possit, qui non condolenscens illachrymet, & tantæ fortitudinis consideratione non toto animo obitupefcat. Hinc S. Cyprianus in lib. de exhortat. ad marty. sic dicit de illa martyrum Machabæorum matre? *Tam grande martyrium Deo præbuit virtute oculorum suorum, quam præbuerunt filii omnes passione membrorum;* velut aliis verbis dixisset! Siquidem sancti Machabæi passi sunt in corpore, mater propter omnes patiebatur in oculis, videns illos tam efferratè torqueri, concepri, mutilari adustulari. Et apud S. Augustinum loco citato, *illa videndo in omnibus passa est, & in se vna experta omnes poenas, quibus filiorum suorum carnes atrocissimè laniari conspiciebat.*

Iam si mater Machabæorum ita sensit cruciatus, & tormenta suorum filiorum, quid dicam de sanctissima Virgine, quæ Filium suum incomparabiliter vehementius amabat? Dicam, ex Filii doloribus corporalibus tam cruciabiliter exulceratam fuisse animo, ut nulla illud explicare lingua possit. *Non credo planè enarrare, & vel cogitari posse dolorem Virginis, nisi tantum fuisse credamus, quantum inquam dolere potuit de tali filio talis mater,* inquit S. Bernardus in Serm. de lamentat. Virginis.

Et reuerà, Auditores, nonne vobis videtur fuisse ingratum Virginis dolorem, cum tam inhumanè crudeliterque tractari Filium suum coram videret? Quanto amore putatis repletam fuisse illius animam? Ah tam acerbi, intolerabileque erant illius animi cruciatus, ut maximæ voluptatis loco habuisset, si tunc mortua fuisset.

Cum enim oculis suis arbitraretur poenas Filii, vox illam defecit, tantoque dolore oppressa fuit anima illius benedicta, ut iucunda tunc mors accidisset, si quæ eam à viuis simul, & sæuissimis cruciatibus exemptisset. In horum meditatione positus S. Bernardus ibidem dicebat: *Iuxta crucem stabat emortua mater, qua ipsum ex Spiritu sancto concepit. Vox illi non erat quia dolore attrita tacens pallescat,*

quasi mortua viuens vivebat moriens, nec mori poterat, quia viuens mortua erat.

Hinc est, quod nullum in sacratissimo corpore suo Filius passus est probum, vel tormentum, quo non transfueretur cor, & anima luctuosæ Virginis Matris. Quot flagris, verberibus, spinis, clauis lacerabatur corpus Filij, tot speculis confgebatur anima Matris. *Quod in carne Christi agebant clauis, hoc est in eius mente compassio naturalis, & affectionis materna angustia operabatur,* inquit Arnoldus Carnotensis. Idem S. Hieronymus his verbis affirmat: *Eius dilectio amplius fortis, quam mors fuit, quia mortem Christi suam fecit.* Lancea, quæ Christi pectus ferijt, nullum illi, ut qui mortuus erat, dolorem attulit, solum, autem matris cor transfixit. Sic affirmat mellissimus Bernardus ubi supra dicens: *Ipsius planè non attigit animam crudelis illa lancea qua ipse aperuit latus, sed tuam Virgo, animam pertransiit.*

Res est, Auditores, quod Redemptor noster tempore amarissimæ passionis, & mortis suæ, quem pro peccatis nostris pertulit, cum in illis doloribus versaretur, quibus mundus nunquam habuit pares, merebatur omne genus condolenscenciæ, idque ex lege charitatis, iustitiæ, & communis naturæ. Condolenscere illi Pater æternus, & Spiritus Sanctus non poterat, cum illi essent ipsa impassibilitas, & beatitudo: Non Angeli sancti, quia status beatitudinis, in quo erant, omne genus tristitiæ, & doloris excludit: Non mundus, quia & idololatriæ, aliorumque peccatorum tenebris inuolutus totus erat, & hanc atrocem, crudelēque persecutionem, ac mortem, Christo inferebat. Ad miseram, afflictamque Matrem ergo hoc compassionis officium pertinebat, quæ animam suam Filij tormenta omnia excipiebat. Propterea S. Damascenus lib. 2. de fide orthod. c. 15. dicebat: *Quos in partu dolores effugerat, passionis tempore sustinuit.* Nec mirum est, quod Virgo tantos sentiret dolores, quo tempore Christus patiebatur, quia ut nemo ardentius illā Redemptorem dilexit, ita acerbiora ex illius pœnis cruciamenta nemo pertulit: In hanc rem Richardus de S. Victore in c. 6. Cant. sic habet: *Sicut non fuit amor, sicut amor esset, et a non fuit dolor similis dolori eius.*

Atque ut verum dicam, Auditores, si ipsæ adeo creaturæ sensibus omnibus destitutæ aliquem ex morte Christi sensum doloris ostenderunt, dum saxa dissilierunt, terra contremuit, velum templi ruptum est, & sol obscuratus, Deus bone, quàm ineffabilem fuisse credere debemus illum dolorem, qui animam

animam Virginis transfixit, quæ sic amabat Filium suum, ut nulla in comparationem eius venire creatura posset! *Tunc terra tremuit, petra scissa sunt, & luminaria obscurata. Cogitare nunc licet, quantus dolor tunc infuit Matri, cum sic dolebant, quæ insensibilia erant,* inquit S. Bernardus ubi supra.

Dicam magnum aliquid, sed à vobis, si deuoti cultores MARIÆ estis, planctum in vicem magnum expecto. Tam ingens fuit cruciatus Virginis ex morte IESU vnici Filij sui, ut Sanctus Bernardus de Senis affirmet, omnes derepente interituras fuisse creaturas, si per illas dispersitus fuisset dolor, quem ipsa sola pertulit. Sic enim habet tom. 1. serm. 61. art. 3. c. 2. *Tantus fuit dolor Virginis, quod si in omnes creaturas, quæ dolorem pati possent, diuideretur, omnes subito interirent.* Et quod illa inter istam inexplicabilem cruciamentorum inundationem constans, & inuicta propè Filij morientis crucem perstitit, quod ex Ioanne identidem iam dixi, id factum, quia omnipotentia Dei, ut S. Anselmus ait, in viuis illam conseruauit. Verba eius sic habent: *Crediderim te nullo pacto potuisse stimulos tanti cruciatus, quin vitam amitteres, sustinere, nisi spiritus dulcissimi Filij tui te intus doceret.*

Addit S. Bernardus de Senis, dolorem, quem Virgo iuxta crucem sustinuit, fuisse talem, ut neque totum, neque partem eius aliquam vel homo, vel Angelus etiam dicendo exprimere potuerit. *Virgini dolor fuit maior, & plus, quam omnes creatura portare possent, quanto enim plus amabat Christum, tanto plus dolebat, & amor suus, quam ipsa portabat Christo, fuit infinitus,* inquit ille serm. 45. Quapropter S. Ioannes hoc solum insinuaui, dicens: *Stabat autem iuxta crucem Iesu Maria mater eius.*

Innumerabiles fuerunt cruciatus, quotquot omnes simul Martyres pro Christo tolerarunt, sed non possunt comparari cum illis, quos Virgo pro eodem exaltauit. *Ipsa fuit martyr in anima,* inquit Richardus de S. Laurentio lib. 3. de laudib. Virginis, *& gladius doloris, qui pertransiit animam eius in benigni passione, pro amarissimo omnium martyrio computabatur.*

Sed quid ego aio, quod tormenta MARIÆ Martyrum omnium cruciatus exæquarint? Dico plus, quod longè illos superarint, sic ut nulli videantur illorum dolores (ut sic loquar) si cum ijs conferantur, quos MARIA iuxta crucem degustauit. De hac re sic ait S. Anselmus: *Quidquid crudelitatis inflictum est corporibus Martyrum, leue fuit, aut potius nihil comparatiue tua passionis.*

Quis vidit vnquam duo specula ex aduerso opposita, quæ & splendores, quos aliundè excipiunt, & figuras, quas referunt, inuicem sibi transmittunt? Talia specula mihi considera Christum in cruce pendentem, & Matrem iuxta stantem. Christus edebat animam, Mater compatiebatur. Christus edebat animam, animo Mater deficiebat, & dulcissimam quandam vicissitudine teneri affectus mutuo doloris sensu, & consensu sibi respondebant. Sancti Laurentij Iustiniani lib. de triumph. Christi agone c. 10. fuit ille cogitatus, quando sic ait: *Clarissimum passionis Christi speculum erat cor Virginis, necnon & perfecta matris imago. In illo cernebantur, & agnoscebantur spina, conuicia, verbera, & redemptionis vulnera.* Itaque spina, quæ caput Christi pungebat, erat radius, siue aculeus, qui cor Matris fodiebat, & clauus, qui manum Filij penetrabat, erat gladius, qui animam Virginis pertransibat. Id Richardus de S. Laurentio ubi supra expendens inquebat: *Quid est, quod Dominus dicit per Isam, Torcular calcatus solus, & de gentibus non est vir mecum? Verum est, Domine, quod non est vir tecum, sed Sna mulier aderat, quæ te crucifixo omnia vulnera, quæ tu suscepisti in corpore, suscepit in corde.*

Dixerunt aliqui cum S. Augustino? Mariam omnes Christi sensisse dolores. Si duarum cithararum iuxta se positarum nerui æqualiter adducantur, ambæ pariter resonabunt, ut ait S. Gregorius, tametsi vnā solam tangendi peritus pulset. Christus cithara erat, de quo Psalmista ait Psal. 65. *Exurge psalterium, & cithara.* Huius nerui distenti in cruce fuerunt, ut acutum redderet dolorum sonum, qui de se ad Patrem ait psal. 39. *Corpus autem aptasti mihi.* Virgo Mater altera cithara erat, eaque tam consona citharæ superiori, quam erat illius mens, & anima tota conformis voluntati Christi. Quando ergo cithara superior (quæ Christus erat) percutiebatur, etiam inferior (Mater illius iuxta crucem posita) pares doloris sonos edebat. *Crux & clauus Filij fuerunt & Matris,* inquit S. Augustinus in ser. de Passione. *Erant enim duæ mystica cithara, quarum Sna sonante resonat & altera, nullo etiam pulsante. Iesu dolente dolet & Maria, Christo crucifixo crucifigitur & Maria.* Immensi, infiniti fuerunt dolores, quos Christus pro nostra salute sustinuit in cruce. Ita dicere possumus, quod Christus, & Maria quodammodo fuerunt pares in pœnis, & Christus quidem corpore crucifixus fuit, Maria animo, & quot dolores Christus in corpore pertulit, totidem Mater in anima excepit. Audite S. Hieronymum,

nymum, quàm præclarè hoc dicat: *Quor laſiones in corpore Filij, tot Vulnera in corde Matris. Claus, quibus corpus Chriſti pendebat in cruce, & cor Virginis crucifixum habebant.* Quis ergò non appellabit inexplicabiles, & immenſos dolores Virginis iuxta crucem ſtantis, quæ inde *mortua fuiſſet*, vt S. Bernardinus de Senis loquitur, *ſi Spiritus ſanctus eam non confortaffet.*

Vltra progredior, Auditores, & aio, Martyrium Virginis propter mortem Filij prolixius fuiſſe illo, quod omnes ſimul ſancti Martyres ſunt paſſi. Illius enim cruciatus durauit triginta tribus annis continuis, quibus charus illius Filius in hoc mundo vixit. Sic affirmat Rupertus Abbas, & comprobatur ex cap. Cant. 4. vbi Spiritus Sanctus volens commendare pulchritudinem Mariæ, laudandi initium facit à capillis, dicens: *Capilli tui ſicut greges caprarum. quæ aſcenderunt de monte Galaad.* Iſtis capillis, inquit Rupertus, ſignificantur cogitationes Virginis, & gregibus caprarum ſancti Martyres. Quod ergò Spiritus Sanctus dicere voluit, tale eſt: Sicut Martyres illi fuerunt à tyrannis varijs modis cruciati, ita tu, Virgo per totum vitæ tuæ curriculum plurimis pœnalibus cogitationibus torta, & afflictata. Tu omnibus illis tuæ vitæ annis tecum reputaſti paſſionem, quam Filius tuus aliquando ſubiturus erat, atque ij cogitatus tanquam immanes carnifices animam tuam crudeliter lacerarunt. Audite Rupertum, *Hæc ſimilitudo in capillis, quia tu, o Maria, longum in cogitationibus tuis, præſcia paſſionis Filij tui, percuſiſti martirium, ſicut illi diu egentes, anguſtiati, afflictati.*

Iam intelligo difficillimum illum ex 7. Cant. c. locum, vbi Sponſus volens laudare capillamentum Sponſæ, confert illud cum purpura, dicens: *Coma capitis tui ſicut purpura regis ſincta canalibus.* Hæc verba per commodè in rem præſentem exponit S. Ambroſius, inquiens: *Capilli tui ſicut purpura ſanguinis Chriſti ſincta, ſed iuncta canalibus crucis, ſtabat enim Maria iuxta canalibus crucis, capillis in purpuram ſanguine Chriſti conuerſis.* Hæc verba apud Ambroſium non reperi, Volebat ergò dicere, quicquid illorum autor, quod cum Virgo ſtaret proximè crucem Chriſti, & ex plagis carnis illius riuus ſanguinis manarent, ex eo defluerit in caput benedictæ Virginis, ex quo capilli eius tanquam purpura quædam regia rubere cæperint. Cum capilli, vt diximus, ſint Symbolum cogitationum, Richardus de S. Laurentio ſic ea verba exponit, tanquam dictum fuiſſet: *Coma tua, id eſt, cogitationes*

tua tinctæ ſunt in memoria Dominica Paſſionis, & ſic effectæ ſunt cogitationes tue, quaſi recentem viderent ſanguinem, de Vulneribus Filij tui diſillantem, Et Dionyſius Carthuſianus idem dicit his luculentis verbis. Coma capitis tui, id eſt, congeries, multitudo, & abundantia cogitationum tuarum ſicut purpura regis iuncta canalibus, Dominica Paſſionis recordationibus rubricata.

Hinc profecta eſt, Auditores, illa venerabilis de Euangelio Simeonis ſententia, quam Sanctus Senex auribus Virginis intimaui, dicens: *Tuam ipſius animam pertransibit gladius; Lucæ 2. Rupertus Abbas ait, hæc fuiſſe prophetiam à Spiritu Sancto dictam, per quam nobis ſignificaretur, multo tempore antè fuiſſe Virginis cor tranſfixum, per meditationem ſecuturæ Paſſionis Dominicæ, quàm Chriſtus Filius eius crucifixus eſſet, Nolite, inquit Sanctus Abbas ex nomine Virginis, nolite ſolum attendere diem, ſed horam illam, in qua vidi dilectum meum ab impijs comprehenſum. Nam tunc quidem gladius animam meam pertransiit, ſed antequam ſic pertransiret, longum per me tranſitum fecit.*

Nec mirum videatur, quod Virgo pœnaliter ſenſerit in anima tormenta ſui Filij futura, quia legebat diuinas Scripturas, inquit S. Ambroſius in c. 2. Lucæ, & in ijs videbat expreſſos cruciatus, quos à Verbo incarnato exantlandos Prophetæ prædixerant. *Iſtum gladium in cor, & animam Virginis profundè immerſum habuit, quia Dei myſteria profundius penetrauit, & Verba Dei de Chriſti Paſſione ſemper in corde medullitè portauit.* O Deus, quàm acutus hic gladius fuit, qui cor Virginis tam viuè tranſſiit, etiam cum ſolum legeret, & recogitaret, quantum amabilis Ieſus paſſurus eſſet!

Hoc ipſa indicare Virgo voluit, quando de Chriſto loquens ait: *Fasciculus myrrhæ dilectum meum mihi, inter ſcabra mea commorabitur.* Cant. 4. Hoc Ruperto tale fuit, quale ſi dixiſſet: Vix Mater Verbi effecta fui, quando legens ſacras Scripturas, & Propheticæ ſapientiæ Spiritu impleta intellexi ſcabra illius tormenta, & ſic cum illum tenerum infantulum inter brachia mea habui, & pectori meo, vberibusque appreſſi, recogitauit dolores, & cruciatus, quos toleraturus eſſet, ac propterea cordi meo amariffimæ cuiuſdam myrrhæ inſtar erat. *Prophetiſſa eram, inquit Rupertus ex Virgine & ex quo Mater eius facta ſum, ſcui enim iſta paſſarum. Cum igitur talem Filium ſinu meo fouerem, vltis geſtarem, qualem, quantum, quamq; prolixam me putatis Materni doloris percuſiſſe paſſionem.* Hinc eſt, quod dico, *Fasciculus*

ius myrrha dilectus meus mihi, inter vbera mea commorabitur.

Confirmat hæc omnia S. Brigitta lib. 4. Reuel. c. 23. dicens, quod cum puerum Iesum vlnis exceptum gestabat Virgo Mater, vt erat vates ita videbat illum cruci affligendum, qui Deus simul, & homo esset. Præbebat illi virgineum lac, & plangebatur, sciens quod Sanctissimum illius os felle amarican- dum esset, & aceto. Extendebat brachia infans Deus in complexum colli virginis, & illachrymabat Mater, quia sciebat eadem brachia duro ligno affligenda. Amore Materno illum distauiabatur, & morebat, quia cognoscebat illi proditorium à perfidioso Iuda osculum figendum. Fascijs tenera illa membra stringebat, & suspirabat, quia cogitabat, quod illa duris funibus vincienda erant. Ad manum illum ducebat, & animi dolo, quia non ignorabat, ab vno tribunali ad aliud illum ducturum, & rapturum. Si videbat dormientem, somno mortis in cruce defunctum videre putabat. Vita ergo Virginis continuum Martyrium fuit. Audite verba S. Brigittæ, quæ sunt affectuosa. Melius quàm propheta Maria præfatus Filij sui Passione, idem cum lassans cogitabat, quod felle, & aceto esset potandus in cruce. Quando fascijs involuebatur, funes cogitabat, quibus ligandus ab impijs carnisficibus. Quando cum manibus gestabat, videbatur illi, quod cruci brachijs esset confixus. Quando osculabatur, Iuda osculum cogitabat. Quando manu ducebat de vno loco ad alium, ad tribunalia ducendum cogitabat. Quando amplectabatur, cruci affligendum cogitabat. Quando denique dormiebat, in cruce mortuum contemplantur. O mœsta Mater! O luctuosa Maria, tui etiam pij cogitatus fuerunt acuti gladij, qui animã tuam transverberarant! Et tuam ipsius animam doloris gladius pertransibit.

Nihil iam miror, Auditores, quod cælestis Spiritus Virginem componat cum lilij, quæ in medio spinarum versentur, dicens: *Sicut lilium inter spinas, sic amica mea inter Filias*; Cant. 2. Nam vt Rupertus dicit: *Maria fuit lilium inter spinas, quia quacunq; spina Filium, eadem Matrem confixerunt, & lacerauerunt vultuibus dolentia, & compassionis*. Id Guilielmus Parisiensis apud Del-rio confirmat, inquit: *Quot vultura Filius accipiebat in carne, tot pia Mater accipiebat in corde*.

Tam acerbi (dicam enim iterum) fuerunt dolores magnæ Matris Dei iuxta crucem Filij, vt Simeon, cum eos spiritu præuideret, optarit potius mori, quàm viuus coram addare passioni illius.

Propterea cum Virgo Mater (vt est apud Lucam c. 2.) in vlnis suis deportaret carum Filium suum, vt in templo secundum consuetudinem Hebræorum præsentaret, Simeonq; illum manibus exciperet, oculos in vultum eius diuinum figens, aiebat: *Nunc dimittis seruum tuum, Domine, secundum Verbum tuum in pace*.

Hæc verba expendens S. Timotheus Ierolymitanus in orat. de præsentat. apud Metaphrasten 2. Februarij sic dicebat: O bone fenecio, nonne tu ille, qui tam vehementer suspirabas liberationem Israël? De te quippè sic ait Spiritus Sanctus: *Simeon iustus, & timoratus expectabat redemptionem Israël*. Quid ergo est, quod iam optas mori, antequàm expletum videas tuum tam ardens, quàm iustum desiderium?

Respondet Timotheus, dubium non esse, quod iustus Simeon flagranter desiderabat redemptionem Israël, sed quia spiritu prophetico præuidit inenarrabiles cruciatus, quos Maria ex passione, & morte Filij sui perceptura erat, cui nimirum iam vaticinatus fuerat: *Tuam ipsius animam doloris gladius pertransibit*, ea propter mortis gratiam petijisse, priusquàm tantæ compassionis spectator fieret. *Dimitte nunc obsecro, Domine* (ita ex Simeone Timotheus loquitur) *ne videam Iudeorum in te faci- nus, ne videam simul & Matrem tecum clausa cruci affixam*.

Demum tam ingens fuit dolor Virginis ex morte Filij, inquit S. Bernardus, vt nemo eam arbitrari posset, quin eisdem oculis, quibus videbat, simul fletet. *Dolor eius cunctos intuentes ad dolorem compellebat, & q; à lachrymis continere valebant, qui eam plorantem conspicerent*. Addit mellifluus Bernardus, tam tenerum, & amorum fuisse mœstæ Virginis planctum, vt multi illius fletu ad condolendum excitarentur, & collachrymari, quanquàm repugnantes cogerentur, vt si quis illi fortè per viam occurreret, eius exemplo ad complorandum permoueretur. *Tam præplorabat, inquit ille, tam amarè dolebat, & si sui ploratus pietate multos etiam inuitos ad lachrymas prouocaret. Ferebat planctus, quocunq; Maria transibat, omnesq; plorabant, qui obuiabant ei*.

Finem imponam sermoni meo, Auditores, si hoc solum dixerò, quod cum essent ineffabiles dolores, quos tolerauit Virgo Sanctissima ex morte amabilissimi Ies v, non fuit tamen, ô crudelitatem! qui condoleretur illi, aut verbo suauiore cruciatus illius mitigare studeret: *Non est, qui consoletur eam ex omnibus charis eius*, dicebat Ierem. Thren. 1. O luctuosa

Quosa mater! ò mœsta Virgo! non habes, qui tibi compatiatur, sitq; solatio. Vos ergò, animæ peccatrices, plangite, quæ vestris flagitijs crucifixiis Filium Virginis, plorate, & perpetratorum scelerum veniam deposcite.

Ô Virgo Beatissima, populus hic, qui me de tuis cruciatibus dicentem audiuit, promittit, nolle deinceps, vnquam offendere dilectum Filium tuum, promittit, & velle melioris studij vitæ constanter posthæ sectari. Ecce omnes malè vixisse pœnitent, & indulgentiam noxarum supplices obsecrant, vt exabscerent, tu Mater misericordiæ apud crucifixum tuum IESVM facere nullo negotio potes. Age ergò genitrix gratiæ, & in gratiam nos tui Filij reduc, vt per illum obtineamus gloriam, Amen.

De eodem Compassionis, & Dolorum Virginis Ma- tris Felto.

Autore Ad. R. P. M. CHRISTOPHORO
de AVENDANNO Carmelitâ.

Interprete F. Ioanne Freylinck Ord.
Prædicatorum.

T H E M A.

Stabat iuxta Crucem IESV Mater eius.
Ioan. 19.

In Achrymabile spectaculum est, Auditores, videre Dei Filium propter nostram peccata è cruce pendulum, & mœstam illius Matrem iuxta adstantem, & intolerabili dolore percussam, quod illi ne minimum quidem adferre leuamen, aut refrigerium posset.

Tria spectaculorum genera reperio in sacris literis. Primum in 2. Reg. c. 23. vbi sic dicit Scriptura: *Bananius interfecit virum Ægyptium dignum spectaculo.* Quidam nobilis ex aula Dauidis regis nobilem alium Ægyptium, eumque iuuenem, formosum, diuitem, prudentem mactauit, & huius mors digna spectaculo dicitur. Maiorè iure dicere nos possumus, mortem Christi fuisse dignam spectaculo, nunquam enim alius tam nobilis, tam opulentus, ac sapiens occubuit, quàm ille in ipso ætatis suæ flore.

Spectaculum est videre rem admirandam, stupendam, & quæ magnam condoleſcentiam mereatur. Attendamus ergò ad mortem Saluatoris mundi, quæ omnibus, illis circumſtantijs est ornata.

Secundum spectaculorum genus inuenio in Epistolis Pauli, qui in sua priore ad Corinthios c. 4. sic ait: *Spectaculum facti sumus Deo, Angelis, & hominibus.* S. Thomas in eum locum dicit, eum ibi loqui de morte Apostolorum, & Martyrum, qui spectaculum facti fuerint oculis Dei, & Angelorum, quando viderunt eos tam patienter mori, & fundere preces pro eis, à quibus illorum sanguis fundebatur, hoc est, pro tyrannis, & persecutoribus, qui vitam eis adimebant. Sed mirius spectaculum est videre mori Filium Dei. Nemo alius tanta cum patientia vnquam mortuus est, neq; tam affectuosè pro hostibus suis precatus, quàm ille.

Tertium spectaculi genus est apud S. Lucam c. 23. vbi sic dicitur: *Omnis turba eorum, qui simul aderant ad spectaculum istud, & videbant, qua fiebant, percutientes pectora sua reuertebantur.* Loquitur hic de morte Christi, atque confluisse multos, vt viderent mori Filium Dei, arbitratiq; sunt eam prodigiosam, & dignam stupore, & compassionem, crucifigebant enim Iudæi Christum tanquam malefactorem, qui tanta bona, eaq; admiranda operatus fuerat. Non possumus agere de hoc spectaculo, quod Deo, Angelis, & hominibus admirabile fuit, absq; opitulatrici gratiæ auxilio. Petamus illam à suo autore, sed patronam adhibeamus Matrem Dei obligemusq; illam salutatione Angelicâ, Ave Maria.

S. I.

Christus voluit charissimam Matrem suam iuxta Crucem adesse, vt illi tanquam primogenitæ Sanctæ Ecclesiæ suorum thesaurorum clauis traderet.

Non absq; magno mysterio voluit diuina providentia, vt Virgo Domina nostra præſens adesset tam luctuosæ tragediæ, quàm erat mors Filij ipsius. Huius rei adduco quasdam rationes ex parte Saluatoris mundi, alias verò ex parte afflictissimæ Matris eius.

Ex parte Christi Domini nostri singulari Dei providentiâ factum est, quòq; Mater eius præſens adfuit tempore mortis ipsius, stans iuxta crucem, vt illi ceu primogenitæ Ecclesiæ clauis suorum thesaurorum traderet. Ius Civile l. cum pater, §. pater pluribus, ff. de leg. 2. statuit, vt si quis paterfamilias dives, & opulentus moriatur absq; primo-

genito,

genito, sub proximam mortem vocare debeat filiam maiorem natu, eique tradere claves suorum thesaurorum, & sigillum, quo obsignare scripta, actaq; sua omnia solitus fuerit. Sic declarant eam legem Bartolus, & Baldus. Ad eundem modum Christus Magnus Paterfamilias, cum in cruce animam ageret, nec haberet primogenitum, voluit in primogenita suæ familiæ filia, quæ fuit Maria, adesset sibi morienti, ut reciperet opulentissimorum thesaurorum claves, non dico aperiendi cælum per modum absolutionis, has enim S. Petro reliquit, sed alias claves thesaurorum, quibus locupletantur animæ, Matri dare voluit.

S. Bernardus in ser. de Nat. D. Virg. ait: *Nihil Deus nos habere voluit, quod per manus Mariæ non transierit.* Quidquid beneficiorum Deus hominibus conferre decreuit, per Mariæ charissimæ suæ Matris manus vult dispensari. Et S. Bernardinus Senensis serm. 61. ait: *Non timeo dicere, quod omnium gratiarum effluxus quandam iurisdictionem habuerit hac Virgo de cuius utero quasi quodam divinitatis oceano rivus, & flumina emanabant omnium gratiarum.*

Et non contentus Christus thesaurorum claves illi reliquisse, mortis etiam, & inferni claves quas in angulo cordis repositas habebat, reliquit, de quibus Apoc. 1. dicit: *Habeo claves mortis, & inferni.* Has matri suæ tradidit, ut intelligamus, nos feliciter mori non posse, nisi simus pij Mariæ cultores, illa nimirum habet claves, quibus fores operæ, & beatæ mortis nobis aperiat. Hoc de illa cantat sancta Ecclesia in hymno dicens: *Tu regis alitania, & porta lucis fulgida, intrent et astra fides, cæli fenestra facta es.* Per hanc regis alitania, & portam lucis fulgidam tanquam pulchræ, & splendentes stellæ ingrediuntur illi, qui sciunt illam colere, & suas culpas deplorare, ut sit rationi consentaneum, ut tam suavem pro remuneratione habeant mortem, quam est eorum, qui magnæ illius reginæ patrocínio in gloriam admittuntur.

Habet similiter claves inferni, quæ illi iuxta crucem adstanti Filius reliquit, ut illud damnatorum ergastulum, cui voluerit, claudat. Notavit Galatinus lib. 3. c. 13. quod accepit à Rabbi Rabban, & Rabbi Iosè, die Lunæ creatum à Deo igne inferni. *Deus sanctus, & benedictus in secunda Sabbati creavit ignem, qui non extinguetur in sempiternum.* Si ergo eorum inhæreamus sententiæ, qui volunt beatissimam hanc Virginem fuisse conce-

ptam in die Lunæ, possumus dicere, quod Deus, cum ignem inferni in die Lunæ condidit, habebat ob oculos illum diem Lunæ, in quo create vellet potentem dominam, cui tradendæ essent claves istius ignis, ut quib. vellet, fores illius obseraret, ac dicere posset: *Habeo claves mortis & inferni.* Has claves ex sua cruce illi Christus dedit, ut bonæ mortis portam aperiat, & eam, quæ ad istum ignem ducit, obstruat iis, à quibus colitur. Omnia in potestate sunt magnæ huius dominæ.

Quid præterea lex illa imperabat? Ut paterfamilias relinqueret suæ primogenitæ non solas thesaurorum suorum claves, sed etiam anulum, siue sigillum, quo robur, autoritatemque scriptis & actis suis addebat, ut illa pro suo arbitratu, & lubidine omnia negotia conficere posset? Propterea S. Ambr. & Theophyl. in Ps. 38. notant, qui in consecratione Episcoporum datur illis tanquam magnæ familiæ patribus annulus aureus velut quoddam sigillum, quo firmitudinem adiciant omnibus iis quæ determinaverint. Idem quoque observavit S. Isidorus Archiepiscopus Hispalensis lib. 1. de officiis Eccl. c. 5. & refert verba, quibus ea perficitur cæremonia, & hic habet: *Accipe anulum discretionis, & honoris, fides signum, & quæ signanda sunt, signa; & quæ aperienda sunt, pandas.* Ad eundem modum Dei filius non contentus, quod è cruce pendens Matri suæ claves divissimorum suorum thesaurorum tradiderit, anulum etiam cum sigillo addere voluit, ut robur, autoritatemq; adderet suis postulatis, & suorum cultorum virtutibus, ut responderent gloriæ.

Clemens Alexand. lib. 3. pædag. c. 12. affirmat fuisse quosdam inter potentes mundi, qui instructas ad bellum habuerint naues, earumque anchoris notas imprefferint suorum illorum annulorum quibus alia graua negotia ad maius robur obsignare soliti fuerint, ut si navis à via fortè aberraret, aut rectores, vectoresque illius fame interirent, aut ipsa per qualemvis aliam aduersam fortunam in portum extraneum abriperetur ex anchorarum notis recognosci posset. Non secus ac magni Principes solent argentea signa appendere suis falconibus, quæ ipsorum nomina referant, ut si perdi contingat, agnoscantur, & restituantur eis, ad quos pertinent.

S. Paulus ad Hebræos 6. vult anchoras esse symbolum spei, dicens: *Quis confugimus ad tenendam propositam spem, quam sicut anchoram tutissimam habemus.* Istæ ergo spei anchoræ norantur sigillo Mariæ,

S. II.

Mariæ, ut si quæ aliquando pereant, de sigillo agnoscantur, & restituantur Mariæ, quæ ab Ecclesia vocatur *spes nostra*, atque ut Deus spei nostræ deferat, videns eam matris suæ annulo notatam, eiusque auctoritate fiat, ut pacifica nobis possessio gloriæ respondeat, & obueniat. Atque ut palam fiat, quod hæc Domina multos sæpè à peccatorum captiuitate liberat, quodque nulla sit tam exsucca spes, quæ non reuiescere possit apud eos, qui illius Virginis cultui, & officiis se tradunt, propterea ab Idiotis in lib. de laudib. Virg. vocatur *spes desperatorum*. Congruit cum his illud Ephesinæ Synodi, quæ Tom. 6. c. 7. cum hac Virgine loquens ait: *O Venter in quo communi libertatis synographa confecta est!* Synographa literas libertatis significat annulo Mariæ obsignatas, & roboratas, ut Deus in suis seruis numeret, quotquot fuerint famuli illius, ut per ipsius intercessionem donet libertate peccatores, quicunque flagitiorum vinculis sunt constricti.

Hinc manifestum euadet illud perdifficile Seraphici Patris S. Bonauenturæ dictum, qui Virginem vocat *primiceriam*. Consonat huic, quod Gregorius Venetus eam *redemptionis Christi primiceriam*, at S. Berna. *virginitatis primiceriam* appellant. Primicerii vocabulum variâ olim apud veteres habuit significata. Miles, qui pro sua strenuitatis, & egrorum facinorum merito præclariorem habebat existimationem, & maius stipendium in ceratis quibusdam tabulis describebatur, & tanquam præcipuus dicebatur primicerius. Ad hunc modum quod Gregorius Venetus Virginem nominat *redemptionis Christi primiceriam*, tale est, quale si diceret: Illa Domina primitias habet sanguinis Christi. Et quod S. Bernar. illam vocat *primiceriam virginis*, tantundem est, quantum si illam reginam virginis, & virginum omnium appellasset.

S. Bonauenturæ dicitur *primiceria*, utpote quæ in omni re sit prima. Nempè prima est, quæ in tabulis ceratis scripserit libertatem peccatoris, suo sigillo eam roborando. Prima est formæ elegantia, & meritum magnitudine. Prima Adæ sine culpa originali filia. Prima, quacum deliberatur de omni beneficio, quodcumque exhibendum est Ecclesiæ. Hoc est, quod Maria vocatur *primiceria*, ideoque voluit filius, ut tanquam suæ Ecclesiæ primogenita præfens adesset iuxta crucem, ut reciperet clauas thesaurorum eius, & annulum, quo regia domus Dei mandata roborantur.

Voluit Filius Dei Matrem suam iuxta crucem adesse præsentem, quia duas in Caluarie monte cruce pati constitutum habebat, atque ut illa ingratorum defectum suppleret.

Sapientissimus Cardinalis Caietanus cum secum reputaret silentium, quod Saluator mundi corâ Herode obseruauit, dicebat: *Elegit silentium ad cumulum passionis*, & quod Herodis variis & vanis interrogationibus nihil responsi dedit, hoc fecit, ut coronidem tormentis suis supremam imponeret. Ego cum tanti Doctoris bona venia dicerem: *Elegit ut mater eius esset iuxta crucem ad cumulum passionis*, atque ut cruciatus sui ex præsentem matre incrementa faceret augescerentque.

Santo Epiphania in ferm. de laudib. Virg. dicitur regina cœli *cruciformis*. Multas dedit alibi huius dicti expositiones, tanta nihilominus sunt illius pondera, ut semper sit reliquum, quod dicam. Dum cruciformem eam vocat Epiphanius alludit ad eas virgas Iacobis, de quibus Gen. 30. v. 28. sic habes: *Posuit eas (virgas) in canalibus, ubi effundebatur aqua, & cum venissent greges ad bibendum, ante oculos haberent virgas, & in aspectu earum conciperent, & factum est, ut in ipso calore coitum oves intuerentur virgas, & parerent maculosa, & varia, & diuerso colore respersa.* S. Ioannes Damascenus ait, quod gratia dedit sua Mariæ promordia, neque enim natura tantum opus inchoare ausa fuit. Quando ergo gratia principium dedit Mariæ, respiciebat crucem, & passionem Christi, in cuius virtute ab omnibus peccatis liberata fuit. Et hinc accidit, quod Virgo tam similis euasit crucis, quam illi agni virgarum excorticatarum. *Cruciformis es, ô Virgo, & similis cruci, tibi æquæ ac Christo amaræ.*

Cum ergo Dei Filius pro filiis hominum tanta pati vellet, non satis arbitratus vnâ crucem tolerare, voluit in morte sua esse præsentem matrem, ut duplicem ferret, ut suum cruciatum haberet tum ab ea, in qua hærebat, tum ab illa, quam mater patiebatur, quæ illum æquæ ac sua crux afflictabat.

Magnas demonstrationes fecit Deus sui erga homines amoris, sed nulla, ut mea quidem fert opinio, ad hanc accedit.

Ingens fuit illius amoris inditium, quod assumendæ carnis, & oppetendæ mortis desiderium totâ æternitate tolerauit, secundum illud Isaïæ 30. *Expectat Dominus, & misereatur vestri.*

Graviss.

Gravissimum eiusdem amoris argumentum est agnus occisus ab origine mundi, Apoc. 13. 8. quia in omnibus illis veteribus victimis Christus mactatus fuit, ut mortis suæ periculum faceret, accuratiusque se ad illam præpararet, desiderio illam subiens, quam opere nondum explere posset.

Luculenta eiusdem amoris contestatio fuit, quod in lacte matris pati voluit. Nam ut ea hoc illi præberet alteratum, decrevit fugere non mortem, sed Herodem, de quo S. Petrus Chrysologus serm. 150. sic habet: *Christus fugit, ut cedat tempori non Herodi, neque enim mortem fugit, qui generat de morte reportare victoriam.* Hanc ergo persecutionem invenit, ut simul fugere lac matris, & æumnas tolerare inciperet.

Insignita eiusdem amoris demonstratio fuit, quod se pretiosissimis dotibus suis nudavit, ut eis hominem vestiret, *Et tantum homini tribueret, quantum Deo detrahebat*, inquit ferè Tertull. lib. cont. Marcian. c. 2. sibi honorem, sibi gloriam, sibi quietem, sibi sanguinem, sibi vitam ademit ut hominem locupletaret. Quo consilio Deus tam effusè liberalis fuit? Id Tertullianus statim subiunxit, dicens: *Ex aquo agebat Deus cum homine, Et homo ex aquo agere cum Deo posset.* Voluit Deus sibi auferre, quæ conferret homini ut pares redderet balances, & illum sibi æqualem, ut possent tanquam chori amici familiariter inuicem communicare, & habere bona communia, & tam intimam mutuæ consuetudinis commercium ac si germani fratres essent: *Ex aquo agebat Deus cum homine, Et homo ex aquo agere cum Deo posset.*

Res est, quod iustitia Dei, hominem in paradiso nudavit gratiâ, & rectitudine originali post peccatum peccatum, ex quo obtenebratus fuit intellectus obdurata voluntas, & vitiarum quidquid reliquum. Aduenit misericordia in incarnatione, in institutione Eucharistiæ, in morte Christi, & omnia restituens fecit, ut indutus hominem Deus conuersaretur cum homine, & opulentissimis thesauris suis illum ditaret, & hoc est, quod ait Tertull. *Ex aquo agebat Deus cum homine, Et homo ex aquo agere cum Deo posset.* Grandis isthæc demonstratio amoris fuit.

Grandis comprobatio amoris & illud fuit, quod in hortu accidit. Nam cum sanguis curreret, ut afflictissimo cordi succurreret, seipsum illo naturæ subsidio destituit, ut pateretur quantum pati posset, qui fuit ingentis affectus effectus.

Cedant verò, & concedant omnes illæ amoris affectiones.

Tom. IV.

fectiones uni huic, quod duas voluit tolerare crucces, vnam cui affixus erat, & suæ exulceratissimæ matris alteram, quæ nihilominus illum, quam prior afflictabat.

Hoc est, quod S. Epiphanius indicare voluit, cum ait, quod Virgo cruciformis fuit, hoc est, admodum similis cruci tantum nempe cruciatum filio adferens, quantum crux lignea, cui inhærebat, consciscibat.

Satis faciamus autem huius discursus titulo, qui hoc habet, quod filius Dei voluit matrem suam iuxta crucem adstare, ut ingratorum defectum suppleret.

S. Paulus 1. Cor. 11. ait: *Vir non debet velare caput suum, quia imago, & gloria Dei est.* Verba æquè grauiâ, ac difficilia, & similitudinem refert. Sapientissimus Caietanus exponit hunc locum in sensu mystico, capitique nomine Christum intelligit, de quo idem Paulus dicit: *Omnis viri caput Christus est.* Verba Caietani sic habent: *Velum in capite viri signum est velationis sui mystici capitis, huiusmodi velatio contrariatur gloria Dei.*

Scire ergo debemus, quod Paulus dicere & consilium voluit, metaphorico isto loquendi modo ut vir non obtegat caput, quod est Christus. Qui n. hoc fecerit, illam primum poenam dabit, quod in se obliterabit imaginem, & similitudinem Dei. Tale ergo est, quod Paulus dicit: *Aduertant animæ, quod sunt sponsæ Christi, ne adulterium perpetrent, si forte illum inter pericula negent quando confitendi illum occasio sese offert.* Non mœchentur negando ipsum propter cuiuscunque personæ amorem, nam phrasi scripturæ velare faciem, & tegere caput semper fuit inditium infidelitatis, & adulterii, & perditæ gratiæ, quod multis locis comprobari potest.

Et velut vnius adamantis pulueribus adamas alter acuitur, & elaboratur, sic vnus scripturæ locus grauius per alium elucidatur. Ex Canticis ergo, quod dixi, ostendo. *Indica mihi, & sapaſcas, & sibi cubes in meridie, ne vagari incipiam post greges sodalium meorum,* inquiebat illa Cant. 1. Quod vulgata dicit *ne vagari incipiam*, id Lxx. habet, *ne efficiar sicut operata*, hoc est, ne scorti, aut adulteræ similis reddat. Mulier ergo meritoria, & mœcha, & operata siue recta sunt rei vnius plura synonyma, adeo illa, ut rectè diceret, ne siam sicut meretrix metaphorâ rem occultauit, dicens, *ne efficiar sicut aperta.*

Quando ministri iustitiæ ad tribunal abripuerunt Susannam, ut mortis sententia in eam pronuntiarent.

Z

S. III.

nuntiaretur, ut testatum darent verum esse, quòd iudices contrà eam dixerant, adduxerunt eam velatam capite. Et senes præceperunt deperiri eam, nimirum, *ut saturarentur decore eius*, quòd sacer textus Dan. 12. habet. Hoc est singulariter proprium hominum flagitiosorum, ut cùm exsaturari substantiâ nequeunt, pascantur accidentibus, tot interim ictibus miseram animam læciantes, quot illicitis cogitationibus sese oblectant.

In libro Hester c. 5. inuenimus, quòd cùm Aman excidit gratiâ Assueri, quàm primum rex illum in crucem capi iussit, statim accurrerunt aulici, faciemque eius, & caput velarunt.

Ad huius confirmationem facit, quòd Synagoga, quando diuortium à sponso suo Christo facere voluit, coronâ spineâ caput eius textit, atque ut ad hanc diremptionem matrimonii solenni vteretur cæremonia, velo faciem eius operuit. Ex his iam intelligitur ille Pauli locus: *Vir non debet velare caput suum quia imago, & gloria Dei est*, & expositio Cæterani: *Velum in capite viri signum est velationis sui capitis mystici, huiusmodi velatio contrariatur gloria Dei*. Obnubere itaque caput Christo, est adulterari ab illo, & negare ipsum propter creaturam, & incurrere illius indignationem.

Quando omnes ingrati Christum negabant & crucifigebant, tunc Virgo pro omnibus illum confitebatur, & stabat iuxta crucem eius, supplens defectionem eorum, qui illum destituerant, simulque negauerant. *Stabat autem iuxta crucem Iesu Mater eius*, optans non damnari eos, qui à Filio descieuerant, illumque inficiati fuerant. In huius rei consideratione fuit sanctus Anselmus, cùm ait: *Nescit Mater aliud agere, quàm incessanter misereri peccatorum, & pro nobis omnibus adflare Saluatori.*

Verùm perappositè in rem præsentem dicebat Hugo Victorinus: *O Virgo Christi quanta tua pietas est efficacia, & virtutis, qua non solum mouentem, sed & remouentem in viam prouehis, dirigisq; saluum!* Premite in his illud: *Qua non solum mouentem, sed & remouentem in viam prouehis*. Benè nimirum facit etiam repugnantibus, nec intermittit pro eis obsecrare, quousque in semitam saluationis adduxerit. O quot hostes aderant, quò tempore Filius eius viuere desit! O quàm multi tunc illum destituebant! Et Maria interea perstabat iuxta crucem, proque omnibus orabat, & officium eorum explebat. O magna mulier, & digna, cui omnes creature seculant!

Stabat Virgo iuxta crucem, ut nos doceret condolecere Filii sui cruciatibus, & de dolore, quem Virgo sensit.

Non potest esse alia tanta ingratitudo, quanta eorum, qui non sentiunt, non deplorant passionem sui Saluatoris, quia amor pietissimum illum Dominum impulit, ut pro nobis moreretur, & facile obliuisci beneficium redemptionis, est brutarum pecudum. Propterea mater pietatis iuxta crucem stans procurabat supplere defectus nostros, & pro nobis dolebat, quos tam pigros cernebat. Isaïas c. 51. dicebat: *Oblitus es Domini creatoris tui*. Quanta obliuio, & quàm magna iniuria! Quod noster textus habet: *Oblitus es Domini creatoris tui*, id LXX. translulerunt: *Vulnerasti Dominum creatorem tuum*, quòd ex animo amisisti beneficium creationis. Ac si ex memoria deposicim beneficium creationis est vulnus Deo inflictum, quid erit non recordari gratiam redemptionis? Multas plagas Deo inferet, quisquis hanc gratiam obliuione delet.

Psalmus vigesimus primus, qui de Christi passione agit, taleni habet titulum: *Pro cerna matutina*, quòd alii verterunt: *Ad respondendum*, velut aliis verbis diceretur: Hic Psalmus, qui complectitur passionem Saluatoris mundi, cõpositus est ad respondendum, siue ut omnes illius vocib; respondeant. Quid tibi dicunt, homo Christiane, illa sex millia, & his plura vulnera? Quid tibi dicit ille crudelis Christo impatiens colaphus? Quid tibi aculeatissima è spinis corona? Quid illa mors crucis? Quid respondes? Si vis aliquid respondere, & non potes mortificatione, saltem responde contemplatione, & meditare cum pia condolentia plurimum illud, quòd pro te Dominus tolerauit.

S. Lucas ait, quòd Saluatori, quando in horto in agone positus erat, apparuit Angelus confortans eum, Luc. 22. Quà re potuit creatura confortare creatorem? Quid est confortare? Est quidam ex hyacintho potus, qui propinatur ijs, quorum hora vitæ extrema appetijt. Quid fecit ille Angelus? Qui non fuit Dominum consolatus verbis, quomodo confortauit? Aut quid egit, quò mortuum Dominum corroborare potuit? Modernus quidam dicit, quòd Angelus induit corpus, & in eo Domini agonem, & sudorem sanguineum imitatus fuit. Eâ potissimum ratione consolabatur, non quidem verbis illis, sed quadam assilentiâ, & societate, tum etiam

conside-

consideratione, atq; ponderatione eorum, quibus Christi anima maroribus angebatur, atq; etiam habitu, gestuq; simili assumpto, Et Christo affertore flectente genua ille etiam flecteret, Et cum humi prostrato se quoq; prosterneret, inquit Pineda in Iob Tom. 1. c. 2. v. 12. & 13, in fine. Itaque Angelus studebat imitatione per omnia exprimere illius passionem, agone, anxietatem, & hæc fuit confortatio, quam Christo attulit. Sic creatura assimilatione tolerantia passionis, & amaritudinis corroborat Creatorem.

Quare ergo tam sumus hac in re ignavi, & segnes, & tam parum deuoti? Regina cælorum pia Mater nostra stabat iuxta crucem Iesu, hoc tolerans, quod nos pati debebamus, ut ne passio Christi fraudaretur compassione, quæ illi est debita. Quis unquam effari poterit, quantum passa fuerit hæc modestissima Domina cruci proxima, videns mori Filium, quem tam efflicti amabat?

Expendamus, amabò, dolores Mariæ. Quando Deus voluit experimentum capere animi Abraham, dixit ei, Tolle Filium tuum, quem diligis Isaac, Gen. 22. LXX. Interpretes habent: Quem dilexisti. Itaque cum immolaturus esset hostiam, voluit ut ante se nudaret affectu, quo erga illam ut pater ferebatur, videbatur enim Deo, defuturum illi animum, quo Filij necem exequi posset, nisi paternum amorem prius exuisset.

Reginæ cælorum non hoc concedebatur, nec fieri potuit, ut pie Matris affectum erga filium propter mortem illius abiceret. Neque solùm non se nudavit amore, quo erga illum flagrabat, verùm etiam sensit dolorem, quem Pater æternus sentire debuisset ob illius mortem, si potuisset. Et cum Filium suum amore diligeret infinito, etiam infinitus debuisset esse dolor. At quid fieret, ne mors filij fraudaretur compassione, quæ moueri debuisset æternus Pater? Remedium huic rei inde allatum fuit, quod Mater Virgo tolerauit quod Pater æternus fere debuit, ac propterea fuit ingens illius dolor.

Arnoldus ait, Mariam sic fieri iuxta crucem ut animam ageret, & exigere omnino tamen non posset: *Moriebatur, Et non poterat mori*, inquit ille in Tract. de septem verbis Domini in cruce. Accidit tunc virgini cum morte, quod Angelo illicum Iacob Gen. 32. c. quando cum hoc ille tota nocte colluctabatur. Quomodo fieri potuit, quod tam longâ integræ noctis concertatione superare, & subigere hominem Angelus nequijt? Accedit quod multi affirmant, fuisse Dei Filium in forma Angelica, qui

cum Iacob pugnârit. Quomodo ergo factum, quod neque ille eum expugnârit, atque in terram deiecerit? Res est, quod quando Iacob in causam inclinabat, ipse Angelus illi vires addebat, labascentemq; ne prorsum corrueret, sustentabat. Ad hunc modum in Maria dolor de filio pænalisimè, in cruce afflicto natus cum morte configebat. Quando tanta erat vis doloris, ut eam iam iam exanimalem facturus videretur, succurrebat autor gratiæ Deus, & qui illi lethali cruciatuum causa erat, idem cum iam proxima ex cruciatibus mors immineret, ferebat auxilium, corroborabatque moribundam, ut prorsum expirare non posset, ac propterea, ut bene dixit Arnoldus, *moriebatur, Et mori non poterat*, è viuus abituriebat, nec omnino tamen abibat.

Eusebius Gallicanus in quodam ser. ait: *O quantâ pietate polles, Virgo Christi! Quos enim Deus saluare non potest per iustitiam, tu per tuam saluam misericordiam infinitam*. Magna sunt horum verborum pondera. Vocent ea ad trutinam suam alij, qui melius ea, quàm ego perspiciunt. Sensus illorum is est, tantam esse Virginis Matris indulgentiæ facilitatem, & magnitudinem, ut per eam saluet, quos saluare Dei iustitia vindictiua nequeat, cum ea hoc requirat, ut melefacta dignis mulcentur supplicijs, nec aliquod impunitum prætermittatur peccatum. Quando autem iustitia flagitijs debita decreuit supplicia, intercedit patrona Virgo Mater, & ab irato Deo ad misericordiam appellans, veniam exobsecrat à pio Deo illi, quem damnatum iustus volebat.

Sed quo sensu infinitam Mariæ misericordiam vocat Arnoldus, neque ille tantum, sed & Orosius in Cantica, & Anselmus? Exponam id paucis, quod possem multis. Quando Chananea Christum tam perseveranter profecuta fuit, & pro ægrotantis, atque arreptitiæ filii salute tam pertinaciter obsecrauit, velut victus fidei constantiâ, & orandi peruenientiâ supplicis mulieris Dominus dixit ad eam, *O Mulier, magna est fides tua! fiat tibi sicut vis*, Matth. 15.

S. Ioannes hom. 53. in Matth. ait, hoc fiat fuisse germanum illi alteri fiat, quo totus è nihilo productus mundus fuit. *Hæc vox, fiat tibi illi affinis est, quâ dictum est, fiat cælum, Et factum est cælum*. Hæc ille. Itaq; Chananeæ in remunerationem suæ fidei dedit Christus illud, fiat, quod fuit virtutis infinitæ. Nam si ea illo ad salutem totius mundi vti voluisset, omnes, quotquot alicubi tunc ægrotabant, persanasset illius verbi efficacitate. Illa verò

perparcē illo vsa solum ad reddendam filiz suz incolumitatem conuertit.

At si Chananæ pro vnus virtutis, hoc est, fidei remuneratione concessum est illud virtutis infinitæ fiat, quantò magis Reginz Angelorum, ex cuius purissimis visceribus vestem suz humanitatis accepit, pro compensatione virtutum suarum, quæ & numero, & magnitudine incomparabiliter superârunt virtutes Chananæ, debuit concedi, vt suâ misericordiâ erga peccatores, quantum vellet, vti posset, tametsi insipiti essent, qui eam requirerent? In hoc ergo sensu aiunt Doctores, quos dixi, misericordiam Mariæ esse infinitam. Eodem modo affirmare possumus, omnes illius virtutes fuisse infinitas, & amorem infinitum, qui responderit amoris velut infinito.

Stabat iuxta crucem Iesu Mater eius. Possumus adhuc dicere, Retisse Virginem iuxta crucem Filij vt thesauros suos, quos illi offerebat dissiparet.

Sponsa in Canticis de hoc Domino loquens aiebat: *Sicut malum inter ligna sylvarum, sic dilectus meus inter filios.* Cant. 2. Obseruatisne, quod omnes aliæ syluestres arbores sunt anaræ? Prunus vestem eius, qui fructum decerpere velit, inuadit, & velut prædatrix prætereuntes, si propius accedant, aculeis velut manibus iniectis attinet. Quercus fructus suos sub asperis folijs abscondos habet, neque illos concedit, quos non vel fustibus deieceris, vel stipitibus per vim decusseris. Castanæ fructus hirsuto folliculo inclusæ nisi benè armatam non admittunt manum. Denique syluestres arbores omnes parçæ sunt, ac tenaculæ, sola malus perliberalis est, & fructus suos non solum libenter permittit, sed etiam offert.

Christum ergo mali similem Sponsa facit, dicens: *Sicut malum inter ligna sylvarum, sic dilectus meus inter filios.* Expolita enim in cruce hæc malus extendit sua brachia, & offert sui sanguinis fructum. Verum vt intelligamus, totum hoc bonum per Mariam ad nos descendere debere, voluit vt hac occasione iuxta crucem vitæ arborem adstaret illa, per cuius intercessionem distribuendi ij fructus essent.

Propterea Richardus de S. Victore ait: *Nihil à throno Dei diuini muneris desinit, aut descendit, quod per Mariæ manus non transferit.* Neque gratiam aliquam concedit, quam per illam non exhibeat.

Et S. Ignatius in Epist. de B. Virgine dicit: *Impossibile est aliquem saluari peccatorem, nisi per tuum, o Virgo, auxilium, & fauorem.*

S. Bernardus in lib. de dulcedine Mariæ omnium dulcissimè, & grauissimè loquitur, inquit: *Ne scirem quoniam refugerem, quidnam sperarem, quomodo me saluarem, si non me totum Mariæ gratiæ commendarem.* Ergo quoniam Christus in cruce pendulus caput suos dissipari thesauros, voluit præsentem in Caluariæ monte adesse Mariam, vt omnia per illius dispensarentur manus.

S. IV.

In quo traduntur variæ expositiones illorum verborum, Stabat iuxta crucem Iesu Mater eius.

Multam obseruationem meretur illud, *Stabat*, in quo significatur, perseveranter affixam fuisse illi loco, eaque reuerentiâ, quæ Deum tam magnum decebat, filium suum constanter coluisse, & adorasse. Quam præclare mœstissima illa Domina docuit, integram Deo reuerentiam, adorationem veram, cultumque & amorem perpetem illi exhibere! Plurima regna, & Prouinciæ non pauca, & homines sine numero in præceptis abierunt, & interierunt, quod obseruantiam quam Deo supremo debuerunt, parçæ exhibuerunt, & non satis reuerenter illum coluerunt.

Principes Ierosolymitani miserunt Sacerdotes, & Leuitas ad Ioannem; Ioan. 1. Et Summates eiusdem Reipublicæ delegarunt alios ad Christum, Matth. 22. vt seiscitarentur ex illo, liceretne censum dare Casari an non. Legati horum erant Herodiani, siue serui Herodis, arbitrati maiorem reuerentiam debitam Ioanni, quam Christo. Scitis quid inde factum, quod de sua existimatione & honore Christo detraxerunt? Contemptum illum auerera istâ sententiâ excepit: *Ego & pater, & quæretis me, & in peccato vestro moriemini.*

Quid factum, quod Henricus VIII. Rex Angliæ, vir tam catholicus, tam deuotus sanctissimi Altaris cultor, vt pro illo asserendo librum conscripserit, eò tandem dilapsus fuit, vt & fidem, & animam, & regnum perderet, atque ex Catholico fieret hæreticus? Scitis quomodo? Remisit de reuerentia, quam prius exhibuerat Vicario Christi, & parciore in illo honorando fuit, interperit; apud illum cultus, quem Ecclesiæ, & veræ Religioni debuit.

Diximus alibi, quod Elias cum regni Israëliti moribus à falsis prophetis Baaliticis profanatos vellet reformare, cœpit ab altari. Sic enim habes lib. 3. Reg. c. 18. *Curauit altare Domini, quod destructum*

fructum fuerat. In quibus aduertite, quod cum dicere deberet, refecit, instaurauit, reedificauit, aut erexit altare, utitur verbo curandi, & inquit: *Curauit altare Domini*, quod est vocabulum medicinæ. Propterea sapientissimus Caietanus hæc verba declarans ait: *Curauit altare Domini instar sapientissimi medici.* Ut enim expertus medicus ex pulsu venarum arbitratur statum corporis humani: Ita regni valetudo de altari æstimari potest, & à cultu Dei, & ab honore, atque reuerentia, quæ sacris locis, officijs, ministris deferuntur, hi enim sunt velut quidam pulsus regni. Si Deo cumulatè, aut parcè, ardentè, aut frigide suis honor penditur, boni, aut infelices, ac miseri status regnorum sunt inditia. Intercapedines pulsus corporalis sunt longè periculosissimæ: Intercapedines, & remissiones in cultu diuino inditia Reip. lethali ter laborantis.

Apud Sanctum Lucam c. 17. ait Christus: *Regnum Dei intra vos est.* Qui scire cupit, qualis sit huius regni valetudo, bonanè, an ægra, pulsus explore. Pulsus regni animæ tuæ est seruire Deo. Si hic pulsus subinde remittit, & quiescit, si tu cultum Dei nonnunquam intermittis, & iam illum queris, iam ab amore creaturarum abstractus obliuisceris, ominosus pulsus est, quem crebra quies interpellat.

Sanctus Hilarius can. 33. in Matth. ait, quod Christus in horto non timuit mortem, sed *tempus mortis*, quia sciebat, quod in illo à suis destituendus esset, præuidebatque Discipulorum à bono secuturam defectionem, & hoc plus dolebat, quam mortem ipsam. *Curauit altare Domini.* Ab altari cæpit Eliás reformationem regni. Quot homines ex his, qui me audiunt, scelerati, & desperati prodegerunt tempus opum facultates, prouentus, corporis sanitatem, gratiam Dei, corrumpunt; vel prauis exemplis, vel pernitiabili conuiuentiâ, & dissimulatione filios suos, & filias? Vis, homo, reficere, aut rescere omnia? Ab altari, nouelle Elia, fac initium: *Curauit altare Domini*, ordire à spiritualibus, fac bonam, integramque confessionem, perseuera in bono, & perdita omnia recuperabis. *Suscipimus Deus misericordiam tuam in medio templo tui.* Non debemus Deo parca manu pendere suum cultum, & reuerentiam, idque maxime in templo, ubi debiti religionis actus illi sunt reddendi. Est Deus in omni loco per essentiam, præsentiam, & potentiam, sed non operatur vbius eodem modo. In cælo manifestat suam gloriam, in inferno suam iustitiam, in mundo suam prouidentiam, in templo

suam misericordiam, ut ait David. Et circumstantia bonè orandi est precari in Ecclesia, audire Missam in Ecclesia, adire mensam Dominicam in Ecclesia, ut recipiamus illam misericordiam. Qui domularium habet, & sacellum in ædibus suis, & ibi auscultat Sacrum, facitque exomologesin, restrictâ manu offert Deo actus religionis, vult enim sibi in templo persolui, idque perseveranter.

Hanc perseverantiam nos docuit Virgo stans iuxta crucem, tanquam illi eisdem clauis, quibus Filius, affixus fuisset. Et quod S. Ioannes ait: *Stabat iuxta crucem Iesu mater eius*, illis verbis indicat, quod illa nos instruere voluit, quomodo Filio suo cultum, honoremque debitum exsoluere debeamus.

Stabat iuxta crucem Iesu Mater eius, docens nos, ut si volumus esse fertiles spiritu, studeamus esse vicini cruci, à quo sua spiritui fecunditas tota venit. Non absque mysterio factum, quod Christus matrem suam cruci adstantem vocauit mulierem, cum ait ad eam: *Mulier ecce filius tuus.* Dedimus alibi horum verborum expositionem admodum subtilem ex Philippi Abbatis Bonæ-vallis lib. de sept. Verb. Domini, nempe quod Christus pro singulari erga Virginem obseruantia, & studio curandi, tutandique illius honorem vocauit eam mulierem, non matrem. Facti ratio talis est, nam multi eorum, qui Christo in cruce morienti præsentem aderant latronem, & trium qui ibi pendebant, pessimum arbitrabantur. Cum illi talem haberent de Christo existimationem, si matrem vocasset eam, quæ erat, insignis latronis mater habita, & de honore illius detractum fuisset, & propterea non alio, quam mulieris nomine eam donare voluit.

Sed aliud mysterium habet, quod eam mulierem nominauit. Fæminarum tria sunt genera, aliæ enim sunt virgines, aliæ puerperæ, mulieres aliæ, siue matres. Mater Dei hæc omnia fuit. Primum fuit purissima Virgo, adhuc puella grauida, atque ut Ecclesia canit, *enixa puerpera regem*, & fuit mulier, quod significat matronam, hoc est, matrem innumerabilium liberorum. Mulier ergo à Christo dicta fuit, quando proxima crucem stabat, ut indicaret, à cruce illi venisse suam fecunditatem.

Notat Euangelista Matthæus c. 27. quod milites angariauerunt Simonem quendam Cyrenæum patrem Rufi, & Alexandri, ut Christo in ferenda cruce subsidio esset. Quid necessum fuit dicere, quod Simon Cyrenæus pater esset Rufi, & Alexandri viro- rum sanctissimorum? Id factum tantum, ut insinua- retur, quod crux, quam simul cum Christo portauit,

fecit eum secundum filiorum sanctorum. Quisquis sibi vult comparare spiritum, & sanctitatem, iungatur cruci Christi. Hoc voluit Maria, quando *stabat iuxta crucem*.

Præterea *stabat iuxta crucem Iesu Mater eius*, summâ attentione percipiens illa mysteria, nosque erudiens, quod non debeamus aucti animo, neque euagari cogitatione ab eis. Propterea Deus apparuit Moysi, Exod. 2. in rudi rubo, & non in pomo, seu pyro fructibus pulchris onusta, ne illorum specie aliò auocaretur mens eius, sed intenta esset spectaculo, quod ei exhibebatur, & his, quæ illi Deus significare volebat.

Spiritus Sancti est hoc consilium Cant. 7. ubi sic habes: *Coma capitis tui sicut purpura regis vineta canalibus*, quod perinde est, ac si dictum fuisset: Omnes cogitatus tui, ô anima, debent coniuncti esse in consideratione passionis Sponsi tui. Diligenter promenda sunt illa, *vineta canalibus*, quæ hoc significant, tam attentos ad hanc rem debere esse hominis cogitatus, ut sint quasi vineti, & constricti illis sanguinum rivis, qui per crucem defluerunt, tanquam alijs verbis dictum fuisset: Caue, anima, ne quidquam te abstrahat ab illorum mysteriorum meditatione, sige cogitatum in tuum crucifixum Deum, & Matrem illius, quæ *stabat iuxta crucem*, disce animi præsentiam, qua cum illa contemplabatur eiusmodi mysteria.

S. V.

Solitudo, & desolatio Mariæ est id, de quo potissimum hac occasione differere debemus.

Propositum est mihi huius diei desiderio, intentioni, & institutioni satisfacere, quo celebratur commemoratio solitudinis Mariæ. Et quoniam hæc tractatio, forè quod non sit tam facilis, à ple-risque prætermissa fuit, præteribo ego communem passionis Filij Dei, & angustiarum Matris illius considerationem, de quæ sola agam solitudine, & afflictione, quam ex mortuo, & sepulto illo hæchabuit.

Nomini solitudinis opponitur vocabulum societatis, quæ omnibus tam expetita est, quam grata, & utilis. Creavit Deus hominem, & dixit: *Non est bonum hominem esse solum, faciamus ei adiutorium simile sibi*; Gen. 2. Sociabatur Adamus quor animalia creaverat Deus, erantque cum illo omnes plantæ, flores, arbores paradisi, ac nihilominus solus e-

rat, quod non haberet similem sui socium. Dicitur enim aliquis solus esse in horto, quamvis ibi sine multæ plantæ, & animalia. Divertit Princeps quidam pro animi relaxatione in hortum suum, ubi sint arbores, quæ pascant oculos, flores, qui oblectent olfactum, aues, quæ suo cantu demulceant aures, si quis de illo quærat, ubinam agat, dicitur in horto morari. At si præterea scisciteris, qui sit cum illo, respondebitur, solum esse, quia similem sui neminem habet. Hæc doctrina tam est vera, ut Sanctus Thomas 1. p. q. 31. art. 3. dicat, quod Deus omnino solus esset, si vna tantum in eo persona esset, quantumvis eum tum Angeli, tum homines starent.

Propterea Deus videns non esse bonum, quod Adam solus esset, sociam illi similem sui dedit Evam. Socialem autè ducere vitam tam naturale est homini, ut Aristoteles affirmet, eum, qui hominum convitium fugit, vel Deum censerì debere, aut bestiam. Verba illius ex 1. de Rep. c. 2. sic habent: *Si quis est, qui congressus, & societates hominum ferre non possit, aut nullo egeat, quod serpsio contentus sit, hic profecto in parte ciuitatis non est habendus, ita vel bellua, vel Deus putandus est*.

Sapientiæ 25. sic dicitur: *In tribus placitum est spiritui meo, quæ sunt probata coram Deo, & hominibus*. Quanam illa tria Deo hominibusque pariter grata? *Concordia fratrum, amor proximorum, & vir, & mulier sibi bene consentientes*. Perplacet ergo Deo societas fratrum consentientium, inter quos nulla simultas, & inuidentia, qualis inter Cainum fuit, & Abelem. Et quid adhuc? Coniuges, quorum non caro solum, sed & anima vna. Nec minus acceptus Deo est convitius Matris, & boni filij, quibus mutuo, bene convenit. Itaque mater infelicit Ducis Sisaræ (quod expendit Tostatus) verita malum, quodcumque illi evenire posset crebro ad fenestram recurrebat, perspicuens, & succlamans, plurimumque torquebatur, quod tam procul abesset, cum nihil sit, quod acerbius excruciet Matrem, quam absentia liberorum.

Rachelis tanta erat liberorum cupiditas, ut putaret absque ijs vivere non posse, adeo, suo Iacob diceret: *Da mihi liberos, alioquin morior*; Gen. 30. Consequenter ad ista notandum, quod Christus morti proximus, cum veller ostendere, quanta debebat esse observantia liberorum erga parentes, Iohannem Matri suæ auxiliarem nominavit, & constituit, neque tamen illum vel ut amicum, vel ut fratrem, sed ut filium adiunxit, inquiens: *Mulier ecce*

filium

filium tuum; Ioan. 19. tanquam dicere voluisset: Nulla consolatio æqualis est societati boni Filij, nec aliqua pœnaliior solitudo, quàm bono destituti Filio.

Audite ipsum Deum per os Zachariæ dicentem: *Effundam super domum Dauid, &c. & plangent eum planctu quasi super unigenitum, & dolebunt super eum, sicut doleri solet in morte primogeniti*; Zach. 12. Attollent oculos suos, conspicientque Deum suum crucifixum, qui salutis eorum ergò primum in mundum editus, deinde & in crucem actus fuerit. Et qualis erit illorum dolor, qualis compassio, cum in eo statu viderint? Scitis qualis? Non alia, quàm quæ de morte Filij, & Filij primogeniti nascitur, quæ acerbissima compassionum omnium esse solet.

Ad confirmationem huius faciet modus, quem Deus obseruauit, quando Ægyptios ad obediendum diuinæ suæ voluntati adducere voluit.

Non abstulit vxoribus maritos, non maritis vxores, sed percussit omne primogenitum in terra Ægypti; Exod. 12. 29. tanquam atrociorē pœnam eis adferre non potuisset, quàm cum filios maximè primogenitos sustulit.

Quæ cum ita sint, qualis solitudo, quantaque afflictio fuerit illa Mariæ? Ieremias primo suorum threnorum c. dicit aliquid de sua ciuitate, quod aptius in Mariam cadit. *Posui me desolatam*, inquit, *totâ die maiore confestam*. O quàm fuit desolata Virgo Sanctissima, quàmque afflicta, quando tali orbatam Filio vidisti! Dicere tunc poteras: *Egressa sum plena*, omnibus affluebam, quamdiu Filij mei contubernio gaudebam, nunc autem *vaccam reduxit me Dominus*, Ruth. 1. 21. simul enim & talis Filij, & omnis boni iacturam feci. O qualis erat illa societas, & qualis hæc solitudo: Vidi Filium meum in cruce mortuum, scire vos volo, quod charum in illo Sponsum perdi: *Dilectus meus mihi*, & ego illi; perdi in illo & verum amicum, sed perdi etiam, quod intolerabilissimum est, optimum Filium, sine quo vel si in cælo essem, tristissimam, & luctuosissimam solitudinem arbitrarer.

Abſque tali Filio viuere pœnaliior solitudo est omni alia, quàm quis vnquam expertus fuerit. Id eleganter probatur alterius Filij absentia quam Deus cuidam minatus fuit. Narrat sacer scriptor quædam Abrahæ facta, posthæc c. 22. Gen. sic orditur: *Qua postquam gesta sunt tentauit Deus Abraham*. S. Augustinus q. 57. in Gen. addit, & probauit. Videat ergò mundus, quid Deus faciat in Abraham, Deus e-

nim optimè nouerat quid agerët, quâ propterea alia litera ait, *glorificauit*, hoc est, acquirendæ gloriæ occasionem illi præbuit, tentationes enim, quibus iusti probantur, eò tendunt, vt inde honorificentur. Et reuerà grauis fuit tentatio, cum ait: *Tolle filium tuum unigenitum, quem diligis*, Isaac, qui est tua voluptas, tuum oblectamentum, & omne delictum. S. Ambrosius lib. de Isaac c. 1. ait: *Isaac risum significat, risus autem signum lætitiæ est*. Grauis probatio, quia ingentem dolorem illi adferet mors talis Filij. *Tolle*. O qualem filium illi ex oculis sustulerunt! Filium primogenitum, Filium vnigenitum, ergà quos est vehementior amor, in primis Matrum.

Dauid, iste tam sapiens, cum veller significare, quanto amore profecutus esset Ionathan, comparat illum cum amore matris ergà filium charum, & vnicum, dicens 2. Reg. 2. *Doleo super te, frater mi Ionatha, decore nimis, & amabilis super amorem multierum, sicut Mater vnicum amat filium, ita ego te diligebam*. Filium vnicum oculis mater amat.

Quantus ergò amor fuerit beatissimæ Virginis Matris ergà Filium primogenitum, & vnicum! Iure meritissimo illum diligebat, idque triplici amore. Primum enim complectabatur illum eo amore, quos prosequi naturaliter quælibet mater filium vnicum solet, qui est naturalium amorum maximus. Diligebat adhuc illum amore gratiæ, qui tantus fuit, quantus nullius puræ creaturæ alterius. Vnde S. Bonauentura dicebat: *Quid mirum si præ omnibus dilectus est? Est aliud quoddam genus amoris, quod vocant iustitiæ*. Is amor debetur ei, quem amamus, propter sua merita, propter virtutes, propter excellentiam. Et hic amor in Virgine fuit ingentissimus. Ille namque, quæ diligebat, non solum erat filius ipsius, sed etiam Dei, ipsque infinitè perfectus, cuius bonitas operabatur miracula pro beneficio omnium, ad perniciem nullius. Cumque Virgo Mater has in illo cognosceret perfectiones, complectabatur illum amore iustitiæ, & non solum naturæ, ac gratiæ, qui erat Isaac, hoc est, risus, siue gaudium totius mundi.

S. Ambrosius ubi suprà dicit: *Quis autem ignorat, quod in vniuersorum lætitiâ sit, qui formidolosæ mentis vel pauore compresso, vel maiore sublato factus omnibus est remissio peccatorum?* Cum ergò hic Filius Matri ereptus esset, quanta illius solitudo, & afflictio fuerit!

Habebat Dauid filios alios, & tamen cum audisset mortuum esse Absalonem, tam intolerabiliter affli-

afflictus fuit, ut diceret, mori malle, quàm illius filij iacturam, & absentiam pati, inquit: *Fili mi, Absalom, Absalom fili mi, quis mihi tribuat, ut moriar pro te?* 2. Reg. 18. Et qualis filius, quàm longè diuersus ab illo adeptus fuit hodie Mariæ! Absalon, ut exponit S. Hieronymus, idem est, quod pater pacis. Talem patrem solo nomine ille præferebat, factis autem incentor belli erat. Christus verò fuit princeps pacis, adeòq; non potuit non vehementissimus esse dolor Regine celorum illius conuictu, & quotidiano vsu destituta.

Iacob multos habebat filios reliquos, nihilominus cum Benjamin in Ægyptum ad breue tempus abducendus esset, & Simeon teneretur in vinculis, aiebat cæteris filijs: *Absq; liberis me esse fecisti*; Gen. 42. O quantum abest Simeon à Filio Mariæ! Quantum ab illo Benjamin, siue filius dextera distat? Quandoquidem hoc orbatam es Filio, ô Virgo, qui vnus omnibus alijs præstat, vt verbis maximæ illius Matris, quæ ob similem causam similiter lugebat, dicens: *Heu heu me, fili mi, ut quid te misimus peregrinari lumen oculorum nostrorum, baculum senectutis nostra!* Omnia simul in te habentes, te non debuimus dimittere ire à nobis; Tob. 10. 4. 5. Dic Maria ad eundem sensum: Eheu me, fili mi, lux clara oculorum meorum, solatium, & roboratio deficientis vitæ meæ, quantum doloris sentit anima mea, quòd tuo aspectu frui non liceat! O quàm meritò dicere possum cum Isaia, postquam me tuâ consuetudine destitutam video: *Anima mea desiderauit te in nocte, sed & spiritu meo in precordijs meis de mane vigilabat ad te*; Isa. 26. O quam anxietas per noctem absentia tuæ obsedit animam meam magis tunc solitariam, & afflictam, quàm cum terra orbatam est sole, qui illi dat vitam! *Anima mea*. Sine Christo esse Mariæ anima non poterat. Nec miror, quoniam etiam Isaia, qui Christum minùs quàm Maria cognoscebat, absq; illo esse non posse putabat.

Petrum recordamini, quòd nocte passionis semper Magistrum suum sequebatur: *Petrus autem sequebatur eum à longè*; Matth. 26. At quò tendis, Petre? Vide sis, quòd si ita pergis eum prosequi, negandi periculum incurres. Nihil refert, responderet amans Petrus, malo enim præsentia illius cum quantonis negandi discrimine gaudere, quàm confiteri, & conspectu illius destitui. Theodoretus hæc est tam subtilis commentatio, qui in orat. 2. de charitate sic habet: *Satiùs duxit sequens negare, quàm fugiens confiteri*. Tam cara illi erat sui Christi præsentia.

Audite aliud quiddam non minùs acutum. Abibat Christus in cælum, cumque Discipuli viderent se illius conuictu priuari, ita suspensi, & contristati fuerunt, ut opus haberent consolatione. Quare de cælo venerunt Angeli, qui mærorem illorum abstergere volentes, dixerunt: *Viri Galilee, quid statis aspicientes in cælum?* Quænam est illa tanta vestri animi afflictio? Scire vos volo, beneficio vestro factum, quòd Magister vester vos destituit. Dixit enim vobis: *Si non abiero, paraclitus non veniet ad vos*; Ioan. 16. Si vos contristat absentia Christi, exultaret præsentia matris illius Mariæ. Poterat, fateor, societas Mariæ nonnihil præstare leuaminis, & mitigare dolorem, sed omnem auferre mærorem, & integram, plenamque adferre consolationem, Christo absente, non poterat, donec illi dicerent, quòd illius præsentia posthæc iterum gauisuri essent, inquires: *Hic Iesus, qui assumptus est à vobis, sic veniet*. In hæc verba S. Chrysostomus ita dissert: *Ne consternarent illorum animos, subiecerunt, sic veniet, & sic respirarunt aliquantulum, cum audissent eum denudò rediturum*.

Quid mirum ergò, quòd Maria quæ Filium suum tam benè nouerat, cum se illo orbatam vidit, vehementer afflictam ingemuerit, & has lachrymabiles voces dederit: *Anima mea desiderauit te in nocte, &c. velut dixisset: Ah fili mi, vide me, quàm solitaria, postquam tuo conuictu destituta*. Exeruiat me recordatio voluptatis, quæ animæ meæ nascerebatur, de intuitu diuinæ pulchritudinis tuæ, quando recogito robur, quòd addebatur cordi meo, quoties tu, ô mi dulcis Iesù, redibas domum fatigatus prædicationibus, delassatus itinerando, exagitatulus æmulum tuorum calumnijs, & persecutionibus, quorum tanta erat improbitas, & tam extrema malitia, ut faterentur, decedere de vita velle, dum te mortis communis haberent socium!

Absoluamus hunc ita discursum, ut ad animarum commodum sermo noster cedat. Si priuatio corporalis præsentia Christi tantam parit solitudinem, & tristitiam, quantum mœrere debet, quàmque solitaria est anima illa, quæ per peccatum mortale destituta est Deo, his maximè sacris diebus.

Id gentilis quidam idololatra declarauit Genesis 31. c. persequatur Iacobem Laban subintratus, certus multis asperis verbis illum exagitare, nisi à Deo prohibitus fuisset. Denique illum assecutus sic appellabat: *Ad tuos ire cupiebas, & desiderio erat tibi domus patris tui, cur furatus es deos meos?* Vide Laban, quòd tibi solum imperatum, ne quid illi

illi intro
rem tuam
Tamen
gers, quò
abduxerit
illos tam
numeros
cultates,
omnia d
Cur non
Cur furat
misi deo
sentio, hi
me licet,
nihil mihi
diuitias
Cum
in pretio
tam & m
rum, quò
Dole
enim val
cando pe
animæ tu
Sic enim
dere, & a
Et quid
Am, &
vulnera,
rum tuor
gabai fil
serpellan
Ita const
ad pedes
per lach
bus ei loc
nem tuam
doloris e
passa es,
fissimus i
latus, &
catus est
in quo vi
eum, & c
nono vit
cuerat, h
Volo a
ex Eccle
sic Virgin
ad nos con
Tom.

illi iniuriā irroget, aut incommodi inferas, dolorem tuum, inestitudinemq; explicare bene potes. Tamne exiguus est tuus erga filias amor, vt non lugeas, quod illas absque tua licentia, & benedictione abduxerunt? Tamne parum diligis nepotes tuos, illos tam venustos, & elegantes? Tam vili aestimas numerosos animalium greges, ceterasq; opum facultates, quas secum Iacob effert? Scio quod hæc omnia doleant, cur ergo de ijs non expostulas? Cur non repetis? Respondebit verbis superioribus: *Cur furatus es deos meos?* ac si dicat: Tantum redde mihi deos meos, quos adoro, horum enim iacturam sentio, hos recuperare procuro, cetera omnia per me licet, dispareant. Si deos meos recuperauero, nihil mihi deerit, absque ijs verò nepotes, liberos, diuitias nauci facio.

Cum tanti aestimati fuerint dii falsi, & ficti, quo in pretio habere debemus Deum verum, cui modis tam & multis, & magnis obligati sumus? Quid mirum, quod tam vehementer doleat Virgo Mater?

Dole ergo absentiam Dei tui, o anima, sine illo enim valde ærumnosa, & misera eris. Si illum peccando perdidisti, nec rogare audes, vt redeat socius animæ tuæ, confuge ad illius Matrem, Mariam adi. Sic enim ait Bernardus: *Ad Deum non audes accedere, Vade ad Mariam, & ostende ei tua facinora. Et quid illa tunc faciet? Ipsa ostendet pro te Filio petens, & Vbera, & Filius ostendet Patri latus, & Vulnera, sicque impetrabis optata, hoc est, scelerum tuorum veniam obtinebis. Pater enim non negabit Filio postulanti, & Filius non negabit Matri interpellanti, & Mater non negabit peccatori ploranti.* Ita consequenter Bernardus. Vade plorabundus ad pedes Mariæ, peccator, & obsecra eam, aut si id per lachrymas lingua non potest, sine ego ex omnibus ei loquar: Dolemus, Regina celorum solitudinem tuam, dolemus quod peccata nostra tanti tibi doloris causâ fuerunt. At si hac nocte tam multum passa es, expecta diem sequentem, qui tibi gaudiofissimus illucescet. Cesset, cesset luctus tuus, & eiulatus, & dolor, mortui enim Filij tui sacrificio placatus est Deus. Citò aderit matutinum proximum, in quo videbis arcum tricolore pacis prognosticum, & columbam oliuâ redimitam. Citò videbis nouo virore indurum florem illum, qui heri emarcuerat, hoc est, Filij tui gloria coronatum.

Volo ad finem aduertatis mysterium quorundam ex Ecclesiæ cantico, *Salve Regina*, verborum, quibus sic Virginē appellamus: *Illos tuos misericordes oculos ad nos conuertere. Quæro.* Cum Mariam ibi tanquam

Tom. IV.

præsentē alloquamur, quare de oculis tanquam absentibus loquimur, dicentes, *illos tuos oculos?* Cur non absolute dicimus, *oculos tuos ad nos conuertere?* Quamobrem additur, *illos tuos oculos ad nos conuertere?* Qui sunt illi oculi: ii sunt, quos in Caluarie monte in Filium fixit, quamuis iis nihil opis adferre illi posset. Illos ergo ad nos conuertere oculos, pietissima Virgo, & mater, idque cum illa teneritudine affectus, quâ Filium tuum incuebaris. Illos ad nos oculos conuertere, qui tamen Filio tuo nihil leuaminis, vel roboris adferre potuerunt, nobis tamen ingens beneficium conferent, & necessitatibus nostris quidem procurabunt remedium, sibi ipsis verò celebrem bonitatis existimationem, si nobis impetrent lucem, ardorem, perseverantiam, & gratiam, *quam mihi, & Vobis, &c.*

De S. Ioachim Patre Mariæ Virginis, & Auo Filij Dei.

Autore Ad. R. P. CHRISTOPHORO
de AVENDANNO Carmelitâ.

Interprete F. Ioanne Freylinck
Ord. Præd.

T H E M A.

Liber generationis Iesu Christi filii David, filii Abraham. Matth. I.



Elebramus hoc die Festum gloriosissimi Patriarchæ Ioachim, cuius tanta fuit sanctitas, vt agnominari meruerit magnitudo Dei. Obserualissimè, quod in libro Sophoniæ dicitur: *Verbum Domini, quod factum est ad Sophoniam filium Chusi, filii Godolia?* Remigio Altisiodorensi exponenti illa verba Chusi idem est quod humilitas, & Godolias significat magnitudinem Dei. *Chusi, qui interpretatur humilitas, habebat auum Godoliam, qui dicitur magnitudo Dei.* Velut Sophonias, quod esset filius humilitatis, auum habuit magnitudinem Dei: Ita Christus matrem elegit hominum, quotquot creauerat, humillimam, vt auus (ius appellari posset magnitudo Dei. Fieri non potest, vt de homine tam sublimi sanctitate prædico absque auxilio gratiæ rectè disseramus. Confugiamus itaque ad illius autorem, Virginemque, cuius res hîc plurimam

Aa

rimam

rimum agitur, obtestemur, ut eam nobis impetret, quod faciet, si deuote illam salutauerimus, dicentes: *Aue Maria, &c.*

S I.

Captus amore paupertatis sancti Ioachim Christus sua providentia illum sibi designauit auum.

Liber generationis Iesu Christi filii Dauid, filii Abraham.

A Binterrogatione expositionem huius Euangelii ordiri volo. Quid causæ est, quod cum eandem haberent prosapiam, & commune genus Abraham, & Lot, essetque alter auunculus, consobrinus alter, uterque autem cumulatius virtutibus, & amicus Dei, Matthæus genealogiam Christi ab Abrahamo inceperit, illumque generationis Christi quæ hominis caput constituerit, & non fuerit recordatus Lot, qui sicut ab Abrahamo cæpit, ita & ab eius consobriuo facere initium potuit?

Responsio accipitur ex c. 15. Genesis, ubi nobis dicit Scriptura, quod cum terra, in qua Abraham, & Lot aliquam diu communiter habitauerant, diuideretur, *elegit sibi Lot regionem circa Iordanem.* In his diligenter notandum, quod Lot *sibi* elegisse ferretur suam partem terræ. Illud *sibi* omnes versiones habent, Lxx. Interpretum, Sanctis Pagnini, Chaldaica, nec altera ab altera, quod ad hanc rem attinet, vel minimum discrepat, sic ut omnes concorditer vnâ illâ voculâ exprimere voluerint affectum, quo Lot ferebatur erga bona temporalia, quæ ea *sibi* suæque voluptati, non Deo, illiusque cultui delegisse fertur.

Confirmatur hæc veritas ex eo, quod cum vnus Moyses educendis tot familiis ex Ægypto, satis esset, duo Angeli vix suffecerunt abstrahendo e Sodomis vni Lot, necessariumque fuit, ut illi vim adferret. Causam hanc reddit Rupertus, quia *remorabatur eum amor rerum temporalium.*

Pergamus nunc ad ipsius auunculum Abrahamum, & videamus cui elegerit bona temporalia. Res manifesta est, quod illa Deo, eiusque pauperibus elegit. Propterea à S. Chrysostomo vocatur *Genitor pauperum, quia prateriteuntes Genabatur pro sua quiete ducens ministrare Sicatoribus.* Idcirco & dixerit Deus: Abrahamum tanquam pauperem eligo auum, & caput meæ genealogiæ, & refuto Lot, tanquam hominem nimis cupidum opum terrenarum.

Gloriosus Patriarcha sanctus Ioachim fuit nepos Abrahamæ, rectâ lineâ ab illo descendens, & hæres sanctæ paupertatis illius, ea propter verbum Diuinum illum dilexit, delegitque suæ matri patrem, sibi verò auum. Tam perfecte autem pauper spiritus fuit, ut S. Hieronymus in quodam de ortu Virginis tractatu asserat, in tres partes distribuisse suas opum facultates, & primam in ornamentum templi, secundam in necessitates pauperum peregrinorum vertisse, *tertiam autem suæ familiæ & sibi, & sibi seruasse.*

Sanctus Epiphanius Matrem Dei vocauit *calum animatum.* Hinc difficultas nascitur eiusmodi. Cum sancti Ioachim, & Anna decrepiti, tantumque exigua quædam pars veteranæ terræ essent, quomodo cælum terra generare poterat? Cum Virginem sacri Scriptores passim nunc stellam appellent, nunc lunam, quam Epiphanius cælum viuum, quomodo sanctus Ioachim cælum hoc conficere potuit?

Aliunde ex Scriptura accipiemus, quo hanc diluamus dubitationem. Prima Genesis verba sic habent: *In principio creauit Deus cælum, & terram.* Sanctus Cyrillus Hierosolymitanus Catech. 9. ait, magno beneficio nostro id factum à Deo, ne homines in hac vita interirent. Sciebat ærumnas, quas passuri in hac vita, infirmitatesque, & calamitates, quas toleraturi, & miseras, quibus affligendi eramus. Ut ergo leuiores fierent aduersitatum pondera, iungatur terræ cælum, inquit Deus. Quale cælum? Empyreum (de hoc enim fit hic sermo) ut spes videndi me, & fruendi me in illo leuet hominibus poenas, quas ferunt in terris, quantumuis eæ grandes sint, ac graues. Subtiliter hæc, nec enim negari potest, sanctus ille Doctor excogitauit, & his verbis expressit: *Secundum maximam suam benignitatem Deus cælum propria Deitatu calum extendit, ne periremur.*

Postquam Pater locutus est, dicat nunc Filius. Quod Deus cælum terræ adiunxit, siue consociavit, hoc fecit ob eam rationem, quam sacer textus reddit, dicens: *Terra autem erat inanis, & vacua.* Nondum auri, & argenti metalla Deus in terra creauerat, nondum illam gloriâ mundi exornabat, cumque tam nuda, & inops esset, cælum illi adiunctum fuit. Sic respondimus propositiæ difficultati, nimirum quod Maria, quæ cælum animatum erat, fuit filia sanctorum Ioachim, & Annæ tam vetulorum, ut terra essent, sed terra inanis, & vacua, & perennis & omni splendore mundano nuda, & sic optime coniungi cum cælo potuit.

In huius rei confirmationem, expendens Rupertus, quod Iacob, cum peropulentorum parentum esset filius, admodum pauper fuit, cum in Mesopotamiam perrexisset, ad accipiendam uxorem, ex qua de semine suo salus mundi, & omnium gentium benedictio Christus nasceretur, exclamat in hunc modum: *O profugium caelestis asyli protectione dignum, qui sola fide absque lectione scripturarum edoctus erat, quod ad possidendam benedictionis hereditatem non pompaticè, sed humiliter, & conscientia supplicis esset ingrediendum!* Paupertatem spiritus Evangelicam Iacob ante Euangelium amplexus fuit. Et quid eam re commeruit? Dicam. Cum esset Iacob terra inanis, & vacua, coniunctum cum illo cælum fuit, itaque cum se ad dormiendum componeret, vidit cælum apertum, & scalam, per quam Angeli ascendebant, & descendebant, ut eum visitarent.

Respondeamus nunc titulo paragraphi. Verbum diuinum plus est, quam cælum, quia est autor gloriæ. Propterea videns paupertatem spiritus, quæ erat in sanctis Ioachimo, & Anna, & Chara amborum filia, & quod omnes illorum affectus essent caelestes, captus amore opulentia illorum spiritualis voluit cum eis contrahere necessitudinem consanguinitatis.

Habemus locum sacrae Scripturæ, qui hoc dicit ad Philip. 2. ubi ista: *Semetipsum exinanivit formam servus accipiens, in similitudinem hominum factus, & habitu inueniuntur et homo.* Aduerite in his cum S. Bernardo, quod cum deberet dicere, *in similitudinem hominis*, inquit *in similitudinem hominum*. Qui sunt isti homines, quorum Dominus voluit assimilare paupertatem, & quæ erant reliqua? Respondetur, fuisse sanctos Ioachim, Annam, & veriusque filiam. Legite sanctum Bernardum in serm. De Passione Dom. feriâ 4. hebdomadæ poenosa. O magnitudo Ioachim, & Annæ, quibus ipse Deus carnem indutus assimilari in aliquibus virtutibus voluit, ut hinc magna illorum sanctitas innotesceret.

S. II.

Per castitatem coniugalem, in qua vivebant sancti Ioachim & Anna, desiderunt esse homines, & transmutati sunt in Angelos, & quod pars ornamentorum, quibus splendebat Maria, descendit à caelesti puritate suorum parentum.

Adiuvamus de hac re sanctam Brigittam, cuius hæc sunt ex lib. 1. reuelat. c. 9. *Ioachim, & Anna ex charitate diuina, & ex verbo Angeli con-*

nuerunt carne, non ex concupiscentia aliqua voluntatis, sed contra suam voluntatem ex diuina dilectione, & sic ex semine eorum per diuinam charitatem caro mea compaginata est. Itaque ut operi matrimoniali vacarent, necessum fuit, ut à cælo submissus Angelus id eis præciperet, qui simul aperiret, quantum utilitatis remedio mundi allaturus esset fructus qui ex illorum visceribus nasciturus.

Atque ut respondeamus ei, quod potissimum in titulo huius discursus proposuimus, nimirum quod sanctus Ioachim propter suam insignem castitatem desinit esse homo in oculis Dei, & puritate Angelos transcendit, attenti accipite commentationem, quæ dicam, quæ aptissime huc cadit.

Pono ante omnia, nemini sic congruere quoddam Luca dictum ex c. 12. ut huic Patriarchæ. Quale illud? *Sint lumbi vestri præcincti*, ubi videmus, quod illud Euangelium, ut nobis persuadeat studere castitati, iubet lumbos habere præcinctos, & constrictos. Videamus nunc etiam Angelos, eosque cinctos. Tobias iunior cum meditaretur professionem, *inuenit iuuenem splendidum, stantem, præcinctum*; Tob. 5. 5. Sancti Raphaël is erat. Sanctus Ioannes vidit alterum Angelum præcinctum ad mamillas Zonæ aureæ, Apo. 1. Fortean laborant passionibus Angeli, quas incingere necessum habeant? Non. Quamobrem ergo se constringunt, ut studiosi castitatis solent? Id faciunt, ut significant, esse Angelos, quicumque castitate norunt valide suos constringere affectus, & timore Dei coercere, quodque ii desinant esse homines, & transmutentur in Angelos. Vultisne videre scripturam nixum, quod dixi? Attendite. Dixit Dominus ad Abraham: *Ambula coram me, & esto perfectus*; Gen. 17. velut aliis verbis dixisset: Volo, Abraham, simus tam coniuncti amici, ut sit amorum nonnisi una voluntas, domusque, & mensa communis, sed hac tamen conditione, ut connitaris esse præmodum perfectus.

Quæro. Quanam in re hanc positam esse perfectionem volebat, qui ab eo exigebat? Quis fuit nodus tam arctæ necessitudinis, & strictæ familiaritatis? Scriptura hoc declarat, dicens: *Circumcidetur ex vobis omne masculinum.* Obtemperavit Abraham, statimque circumcisus fuit, & omnis familiæ, domusque eius masculus eodem die. Quod fuit consilium Domini præcipientis Abraham, ut circumcideretur? Respondet Glossa: *Vi castitatem sibi seruandam cognosceret.*

Accedamus nunc ad conceptum singularem, qui singularem requirit attentionem. Cum magno mysterio

sterio submonet Scriptura, quòd Abraham *nonaginta nouem annorum erat, quando circumcidit carnem praputis sui*. Commentatio in hanc rem Glossa interlinearis acutissima est, quæ hanc vult esse causam, cur Abraham tunc, cum nonaginta nouem esset annorum, iussus fuit circumcidi, quòd per illum numerum significetur nouem chori Angelorum, vt constat ex parabola ouis perditæ, quam vt requireret bonus pastor, reliquit in deserto nonaginta nouem oues, quarum nomine sententia Patrum communis intelligit nouem, quos dixi, Angelorum choros, quos reliquerit pastor Filius Dei verbum Patris, vt vnam naturæ humanæ perditæ ouiculam in viam à suis erroribus reuocaret, & reportaret in caulam. Quòd ergo Deus imperauit Abraham, vt circumcideretur, quando annum agebat nonagesimum nonum, fuit tale, quale si dixisset, quòd per castitatem, quam in circumcisione professus fuerat, ex hominibus in Angelorum ordinem transiisset, iamque numero, & choris beatorum illorum spirituum inferi posset. *Innouatus hoc numero nonaginta nouem insinuat perungere ad societatem ciuium supernorum*, inquit Glossa.

In huius rei confirmationem dicit Magnus P. Augustinus in lib. de bono coniugali c. 21. non fuisse inferius meritum Abraham in statu coniugali, quam sancti Ioannis Baptiste in virginali. Verba illius ita habent: *Non est impar meritum continentia in Ioanne, qui nullas expertus est nuptias, & in Abraham, qui filios generauit*. Addit dicti sui rationem Doctor sanctus dicens: *Continentiam Ioannes in opere, Abraham in solo habitu habebat*. Quamuis enim coniugatus esset, tam expeditus tamen ad omnia opera pietatis, quam iniunx. quilibet erat, tantumque faciebat, quantum si absque vxore fuisset.

Iam si volumus comparare continentiam, & castitatem sancti Ioachim cum Abraham castitate, certum, exploratumque est, quòd illa haic longè præiuit. Et si Abraham pro suæ continentia merito in Angelis numeratus fuit, noster Patriarcha recenseri in Seraphinis debet.

Transeamus ad alteram partem in titulo propositam, hanc nimirum, quòd pars splendoris, quo adornata Dei mater emicuit, à coniugali castitate parentum ipsius accepta fuit. Videtur autem absurdum, quòd à castitate splendor exire dicitur, nihil tamen à veritate alienum habet, videmus enim quòd Euangelium lumbos præcinctos cum splendentibus facibus coniungit, dicens: *Sunt lumbi vestri præcincti, & lucerna ardentes in manibus vestris*.

Atque vt videatis, quòd ab integerrimè seruata castitate nascentur pulcherrimi splendores ex scriptura hoc demonstrabo, quæ libri Iudicum c. 5. refert, quòd Debhora principes, qui cum illa prælium, & periculum commune adierant, sic appellauit: *Benedicite Domino, qui ascendit super nites asinos*. Nisi ex Spiritu sancto hæc sacer scriptor narrasset, ridicula laus illorum principum videri posset, quòd super nites asinos ascendisse feruntur. Origenes homil. 6. in illum Iud. librum ea verba sic legit: *Qui ascendit super asinas resurgentes*, atque per has asinas typicè significari nostram carnem, cui cum anima insidet, cinguloque lumbos stringit, tunc ea radios euibrat tam luculentos, vt totam personam reddere perspicuam, & illustrem possit. Verba Origenis reddo: *Cum inuentum hoc, id est, corpus meum sub iugo venerit Verbi Dei, tunc vehiculum corporis mei resplendere incipiet, & asina hac, id est, caro mea tunc resplendere dicetur, cum castitatis, & pudicitia fuerit splendore decorata*.

Et vt palam fiat, quòd splendorum fulgentissimi, quibus iusti nitent, à castitate pronent, obsequetur id, quod Apostolorum Acta c. 5. de B. Stephano his verbis referunt: *Omnes, qui sedebant in concilio, viderunt faciem eius tanquam faciem Angelis*. Quanquam insensissimi hostes essent Stephanus, quotquot in illo concilio præsentis, de vultu nihilominus Angelum illis referre est visus. Scitis vnde illi profecti sint splendores? Dicat hoc magnus P. Augustinus, cuius sunt ista ex Serm. 5. de S. Stephano: *Propositus faminis testimonium meruit sincerissima castitas*. Elegerant Stephanum Apostoli, vt eleemosynas erogaret in sceminas. Ille autem inter medias mulieres obambulans tam valido castitatis cingulo suos constrinxit lumbos, vt inde prodierint splendores illi Angeli, qui vultui eius tantum adferebant ornamentum.

Confirmemus dicta ex illo S. Pauli 1. Corin. 15. *Alia claritas solis, alia claritas Luna, alia claritas stellarum*. Vnde tanti nascuntur splendores? Respondet sanctus Isidorus Pelusiota ex cælo diligenter custoditæ castitatis oriri. Verba illius ex lib. 3. Epist. 351. talia sunt: *Soli eos, qui virginitatem amplexi sunt, Luna autem eos, qui continentiam stellarum eos, qui honorabile coniugium amplexi sunt, atque conseruauerunt, comparat Paulus*.

Nihil ergo mirum illud, quod titulus huius discursus habet, quòd à Sanctorum Ioachim, & Annæ castitate matrimoniali, quam exactè, inuolaretque seruare

seruare nouerunt, deriuati sunt splendores, quibus exculta eorum filia fuit. Quod Maria *maris stella* dicitur, id etiam à coelo puritatis horum Sanctorum coniugum nomen traxit.

Fortean hoc est, quod in lib. sapientiz c. 4. dicitur: *O quam pulchra est casta generatio cum claritate!* Notate illud, *Casta generatio cum claritate*, ex quo arbitrari licet, quàm coniunctæ sint castitas, & claritas, ut benè dixerim, ex castitate Sancti Ioachim natos splendores, quibus exornata effulserit Maria.

In confirmationem omnium dictorum vnum addam, quo & ob signabo hunc discursum, nempe quod qui nouit carnis, & sanguinis prauos subigere affectus, idem omnia in cœlestem splendorem conuertit. In Genesi inuenimus quod Deus imperauit Abraham immolare Filium & mactare victimam. Obtemperauit ille cum summa promptitudine, exemitq; gladium, & suspensâ ad idum manu uoluit iam iam demetere filio caput, & diuinam exequi voluntatem quando illum Dominus abstinere iussit, & dixit: *Quia fecisti rem hanc, & non peperisti, benedicam tibi, & multiplicabo semen tuum, sicut stellæ cœli*, Gen. 22.

S. Hieronymus, cum ea verba expendit, ait: Abrahamum, quod certum, deliberatumque habuerit obtruncare pro Dei iussione suum filium, & affectum amoris quemcunq; repugnantem subigere, fuisse ab illo exaltatum, ut esset parens stellarum: *Humani contemptor seminis pater vocatur astrorum.* O certam pectoris sententiam deliberatum habentis proprium Filium mactare Deo victimam! O facinus, quod desinit esse humanum, & fit diuinum! Quando homo, ut gratificetur Deo, renuntiat amori temporalium, & castitate constringit suas passiones, extollit eum Deus tanquam alterum quendam Abrahamum, & ex patre carnali facit cœlestem, & in vicem filiorum & nepotum, qui ex carne & sanguine futuri erant, concedit, ut stellarum sit parens.

Et si indagare volumus, quænam in sensu mystico sint stellæ, quorum pater factus Abraham, manifestum est, quod eiusmodi stellæ fuerunt multi veteris legis sancti, & omnes illi viri magni, quos in Christi genealogia descripsit Matthæus, & Apostolorum pars maior, ipsæque adeo Dei Mater. Hæ, inquam, sunt stellæ, quorum parens factus est Abraham.

Totum hoc veriùs attribui potest Sancto Ioachim, quia maiore castitate nituit, quàm Abraham, & sic ratifico, quod dixi, nempe ab illius puritate coniugali exortam magnam partem splendorum, quibus

Dei Mater eluxit, quo nihil magnificentius in eius laudem dici potest.

S. III.

Exponit varijs modis quoddam Sancti Ioachim elogium, quo illum D. Epiphanius celebrat, vocans preparationem Domini.

Non absque magno mysterio Euangelistæ silentio præterierunt excellentias S. Ioachim, cum habuerint promptam occasionem narrandi sublimis virtutes, & singulares prærogatiuas huius Patriarchæ, cui tanquam Patri Mariæ, & auo Christi omnia congruerent, & nihil esset superfluum. Illud verò maiorem mihi adfert admirationem, quod Matthæus contexens genealogiam Christi, cum debuisset dicere, *Ioachim autem genuit Mariam*, abruptum filium, & dissimulauit tantam tanti Patriarchæ laudem. Sed non caret mysterio silentium. Resenim ingentes, & nimis insignes, quibus deprædicandis nullæ laudes sufficiunt, melius commendantur taciturnitate, & admiratione. Ea propter Aristoteles dicebat quod *magnorum non est laus, sed admiratio*. Et Aulus Gellius lib. 4. ait: *Admiratio, quæ maxima est, non parit verbum, sed silentium*. Esse autem patrem Mariæ, & auum Christi res tanta est, ut eius non sit laus sed admiratio.

Idcirco cum illius prædicare laudes hodie ex instituto debeam, volo earum exordium facere à quodam S. Epiphaniij dicto, cui Ioachim idem est, quod *preparatio Domini*. Negotium nobis facilius talis dicti expositio.

Prima expositio. *Ioachim idem est quod Domini preparatio*, quid in hoc sancto cepit Deus remedium præparare generis humani, dum animam eius fecit diuinam, & viscera purificauit, ut esset pater illius, quæ futura erat Mater Domini. Et cum fieret homo, qui erat Deus, voluit S. Ioachim, qui futurus erat, ipsius auus, ex speciali gratiæ fauore fieret auus diuinus. Huc facit illud S. Petri Chrysologi ex serm. 102. *Deus quod humanum est, cum vult facit esse diuinum, & quod nostra carnis est, cum dignatur, suum commutat in spiritum*. Si ergo Deus, cum vult, facit esse diuinum, post Mariam Matrem suam nulli alteri dignius, decentiusque suam potuit commodare deitatem & spiritum suum, quàm suo auo Ioachimo, in illo quippe incepit remedium humani generis disponere.

Et velut cum Rex quispiam, aut Princeps alius initurus est nuptias, & sponsam cum solenni pompa adducturus in aulam, multis diebus antè nihil aliud

videtur, nisi præparatio ad hunc introitum cohonestandum, nihil nisi aptari velles, adornari arcus, & currus triumphales, basilicam non aulæis modò, & peristromatis vestiri, sed etiam structuris nouis amplificari, & varium apparatus fieri, omnia denique spirare iubilos, & edere signa lætitiæ, & Palatinos aliud nihil agere, neq; curare, nisi vt curerent & excolât, & perpoliât aulam, disponantq; omnia ad ingressum sui Regis. Sic quòd S. Ioachim nihil aliud est, quàm *Domini præparatio*, vt ait S. Epiphanius, eo nomine significatum fuit, quòd in illius visceribus cepit Deus capere mensuram, & meditari vestem, quâ induendum esset verbum Patris. Hic ergò adornabantur omnia ad ingressum summi Dei in hunc mundum cum tam ingentibus impendijs gratiarum sanctissimæ Trinitatis, vt oblupefcerent palatini cœlorum.

S. Petrus Chrysologus serm. 91. loquens de sterilitate beatæ Elizabeth ait, quòd per illam mundabatur longo tempore sacrificij *Domini sanctitatis hospitium*. Et serm. 89. quòd a illis parabatur, *unde tota sanctitas nasceretur*. Si ergò Deus tantò antè præparabat verum Elizabethæ, vt conciperet Baptistam, quid mirum quòd præparauit Ioachim, qui illi auus futurus erat? Hoc ergò sibi vult illud Sancti Epiphani: *Ioachim idem est, quod præparatio Domini*.

In confirmationem dictorum facit illud S. Vincentij Ferrerij ex ser. illius 2. de Natiuit. Virginis: *Lux dicitur benedicta generatio Virginis Maria, quia sine tenebra culpa facta fuit, & coniunctio Ioachim & Anna luminosa fuit*. Notate illa verba, *coniunctio Ioachim & Anna luminosa fuit*. Velut enim in natiuitate cuiuscunq; Principis, aut propter optata nuntia quæpiam accenduntur plurima in regijs lumina, excitantur varij ignes picatorum vasorum, & missibiles, & exploduntur machinæ fulminares, vt tota conflagrare aula videatur, & oculis, quocunq; eos vertas, nil nisi flammanes tedæ, faciesque occurrunt: Ita quando Sancta Anna ex Ioachimo concepit Reginam cœlorum, accenderunt Angeli in aula supera sine numero lumina, inq; illa conceptione quàm sollemnissimè fieri potuit, celebrârunt præparationem remedij, quo curandum erat genus humanum. Hoc voluit dicere S. Vincentius, cùm ait: *Coniunctio Ioachim, & Anna luminosa fuit*, & S. Epiphanius, cùm dicit, Ioachim idem esse, quod præparationem Domini.

Optimè confirmatur totum hoc ex serm. Angelico S. Brigittæ de Virgine c. 10. vbi sic habet: *Dei*

nullum simile Ioachim, & Anna coniugio in omni diuina charitate, & honestate prauisist, idcirco ei placuit de hoc sancto coniugio honestissima sua matris corpus generari.

Nisi velimus dicere, quòd *Ioachim idem est, quod Domini præparatio*, quia eo nomine præparamur ad recipiendum magna beneficia è manu Domini nostri, & charæ Matris illius: Et quòd velut Nomina IESV & MARIÆ habent ingentem virtutem subueniendi illis, qui ea implorant, sic & IOACHIMI nomini voluit Deus indere singularem efficacitatē, quâ disponderentur ad recipiendum à Deo eximias gratias, quicunq; Ioachimum patronum siue in aduersis, siue in prosperis appellarent. Mihi indubitatum, quod gratissima Christo eiusque Sanctissimæ Matri assentatio foret, si quis inter suas ærumnas huius parentem, illius auum inclamaret ac diceret: *Sancte Ioachim adiuua me*. Mirum si quis non exobsecrat apud Christum, & Mariam, quod per alterius venerabilem Auum, per alterius dulcissimum Parentem obsecrat, cùm *Ioachim idem sit, quod præparatio Domini*, tanquàm paratum illum inueniat, quisquis per Ioachimum quærit.

S. IV.

In quo euidenter demonstratur, Ioachimum sanctorum omnium, quos Dei Ecclesia habet, maximum esse, nititurq; probatio quodam scripturæ loco.

Volo euincere luculentè, hunc Sanctum omnium, quotquot habet Ecclesia, eminentissimum esse, idque faciam collatione illius cum præcipuis quibusque, quique verticem altius extulerunt.

Suppono hic quoddam legis decretum, quo statuitur, vt cùm domus patre destituitur, locum eius occupet, sitque ex assè hæres auus, & post illum nepotes. Christus Dominus noster non habuit in terra patrem. Debit ergò patris vicem Sanctus Ioachim auus necessario subire. Cùm ergò esset auus naturalis Filij Dei, quodam modo est eiusdem velut pater naturalis, quia illius locum tenet. Hoc ita constituto manifestè ostendam, Ioachimum esse Sanctorum, quos habet Ecclesia sanctissimum.

Pauli verba ad hanc veritatem contestandam accersam, quibus Hebræos (qui Moyse sanctitatem maiorem esse, quàm Christi arbitrabantur) docere voluit, quid discriminis sit inter vtrumque, & sic ait: *Moyse quidem fidelis erat in tota domo eius tanquàm famulus, Christum vero tanquàm filium in domo*; Heb. 4. Magnus fuit Moyse apud Deum, sed tanquàm famulus, non maior seruo, Christus autem fuit hæres æterni.

æternitatis paternæ tanquam filius in domo sua. Et hæc est magna Moysis à Christo differentia.

Ad eundem modum possumus differere in rem præsentem. Quot Sanctos habet Ecclesia Dei, tametsi Petri sint, & Pauli, & Baptistæ, & Euangelistæ, nihil amplius sunt quam famuli. Propterea Sanctus Paulus dicebat: *Sic nos existimet homo, & ministros Christi*; 1. Corinth. 4. Cum ergo alij omnes sint serui, & ministri in domo Dei, Ioachimus autem auus legitimus, tanquam pater quidam efficitur Christi, qui nullum habuit naturalem. Ergo Ioachim in domo Dei carnem induti, & sanctissimæ illius Mariæ velut supremus dominus est, cum alij, quos dixi tantum sint humiles serui. Cogita nunc, quid sit discriminis inter hos, & illum.

Descendamus ad particularia. Ostendo euidenter, Ioachimum sanctitate excellere Sancto Ioanni Baptistæ. Quamquam verum sit illud Senecæ ex epist. 43. quod omnis comparatio est odiosa, *magnitudinemque aut tollit, aut deprimit*, dabit tamen veniam Sanctus Ioannes, quia veritas suum hac vice debet habere locum. Ut probem autem, quod Ioannem sanctitate Ioachimus anteuertat, conficio argumentum ex quadam Sancti Thomæ doctrina. Doctor hic Angelicus loquens de Maria 3. p. q. 27. art. 5. in O sic ait: *Propinquissima Christo fuit secundum humanitatem, quia ex ipsa accepit humanam naturam, ideo præ cæteris maiorem debuit à Christo gratia plenitudinem obtinere*. Propter consanguinitatem vult sanctus Doctor rationi consentaneum fuisse, quod Maria magis cumuletur gratiâ, quam alij quicuius sancti, Matrisque coniunctissimam necessitudinem præterdit, ob quam debuerit merito tanta esse illius sanctitas, ut per eam omnibus excelleret.

Sancti Iacobus, & Ioannes in fastigium dignitatis Apostolatus exaltati, fuerunt Christi consanguinei, & maioribus honoribus aucti, quam alij, quando in montem Thabor, & in hortum Gethsemani adducti. Quod ad Ioannem Baptistam attinet, quamprimum Spiritus S. operâ Filii Dei conceptus fuit, abiit sanctissima illius Mater ad domum Zachariæ cum festinatione, ut inquit S. Lucas. Sanctus Irenæus ait, à Filio suo incitatum Matrem, ut properaret ad Ioannem: *Festinabat Christus sanctificare Ioannem, & liberare eum à peccato originali, in quo conceperat eum mater sua Elizabeth*. Hæc ille. Sanguinis affinitas mouebat Christum, & purissimam illius Matrem, ut ad eum sanctificandum pergerent, & tam insignitum beneficium ei præstarent.

Si consanguinitas, quâ Christus Dominus noster Ioanni coniunctus erat, iusta causa fuit, ob quam tam abundante gratiâ ornatus fuit, cum nullus ardore cognitionis vinculo adstrictus Christo & cælorum Reginæ fuerit, quam Ioachim, dici debet, quod nullus quoque in tam sublimem sanctitatis gradum euectus fuerit, quam ille.

Sanctior est Ioachimus Iosepho. Probo ita, Sanctitas Sponsæ Mariæ vel tota, vel pars illius maior inde profecta est, quod Deus illum delegit, & fecit maritum Virginis Mariæ, & patrem putatiuum sui Filij. Totum hoc reperitur in Ioachimo, & multo plura, atque ampliora. Hic enim fuit electus Pater Mariæ, & Auus naturalis Christi. Quanto nunc fuit sublimior, & felicior hæc electio, tanto copiosior gratia, quæ illi propter talem dignitatem collata. Quid ergo illud est, quo Iosephum Ioachim anteuertit? Excelsus in propatulo est, & manifestus. Per gratiam, & electionem habuit Ioseph, quidquid habuit. Sanctus Patriarcha Ioachim idem habuit, & aliquid amplius, & magnitudo eius habet sua primordia ex gratia, & electione, & consanguinitate, & hac re superat Iosephum adeoque maior illo est. Non est rationi consentaneum, quod quis dubitet de hac veritate, non enim erit temerarius, qui eam fateatur, immo piissimus, deinde & rationi acquiescet, & deuotioni, quæ Christo, & illius Matri Virgini est debita.

Et res explorata est, quod in domo, in qua omnes sunt nobiles, maior obseruantia, defertur socero, quam genero? Sanctus Ioseph autem fuit gener Patriarchæ Ioachimi, eapropter tenebatur eum dominum vocare, quoties id occasio exposceret. Hæc ex parte fuit Ioachim magis coniunctus Deo & Matri illius, quam omnes alij Sancti, consequenter etiam sublimior in oculis Domini, & in statu perfectionis maioris.

Ad hoc comprobandum facit illud Doctoris Angelici 2.2. q. 26. art. 8. *Coniunctio naturalis originis est prior, & immobilior, quâ est secundum id, quod pertinet ad substantiam, alia autem coniunctiones sunt superuenientes, & remoueri possunt*. Et alibi dicit idem Doctor: *Inter omnes debemus benefacere coniunctis nobis*. Nemo autem coniunctior fuit Christo, quam eius Mater & Auus, ergo necessum est, ut qualia gratiæ beneficia præstitit Matri, talia exhibuerit Auo suo naturali.

Ecclesiasticus c. 7. v. 30. dicit: *Honora Patrem tuum, & gemitus Matris tue ne obliuiscaris, memento quoniam nisi per illos natus non fuisses, & retribue illis*.

illis, quomodo & illi tibi. Possumus nunc & Christum eisdem verbis compellare: *Honora Patrem tuum.* Temporalem, Domine nullum habuisti Patrem, verum S. Ioachimus, qui tibi fuit auus naturalis, per legem intrauit in locum Patris. *Memento quoniam nisi per illos natus non fuisses*, memento quod homo per Mariam Matrem tuam, & Ioachimum anum factus es, *& retribue illis, quomodo & illi tibi*, responde ijs, prout officia, quibus te obligatum habent, requirunt. Maria dedit tibi esse humanum, quia est vera mater tua, Ioachim autem tuus auus naturalis, remunera illos statu gratiæ tam sublimi, ut nullum habeat domus tua, qui eis antecedit.

Angelicus Doctor ait, quod dignitas maternitatis Dei est quasi infinita, cui tanta correspondeat gratia, ut gratiam innumerabilium sanctorum superet, eod quod sit gratia matris Dei. Auus naturalis Dei vno gradu magis distat à Deo quam Mater. Ergo si Matris Dei dignitas, & gratia innumerabilium Angelorum, & Sanctorum gratiæ præstat, ob rationem dictam, nihil mirum quod gratia Ioachimi, qui auus est Saluatoris mundi, Sanctorum, quemcunque Ecclesia habet, maximo antecellat, tamen Apostolus quidam sit, aut Ioannes Baptista, aut Ioseph. Et hoc citra illorum iniuriam affirmatur.

Præterea aut intelligamus, quod S. Patriarcha Ioachim supremum dignitatis locum inter omnes Ecclesiæ sanctos teneat, illud faciet si aduertamus, quod Maria plùs amauit suum Patrem, quam Ioseph Sponsum. Quod hic dixi, id euincam quadam sancti Thomæ doctrinà ex 22. q. 26. art. 12. ubi querit, debeatne homo plùs diligere parentes, quam coniugem, definitque ex lege amoris plùs debere diligere eos, qui fuerint auctores vitæ. Verba illius sic habent: *Secundum rationem boni, quod est obiectum dilectionis, magis sunt diligendi parentes, quam uxores, quia parentes diliguntur sub ratione Principij, & eminentioris cuiusdam boni.* Itaque secundum amoris leges (ad quarum tenorem vitam suam moderabatur Mater vitæ) plùs dilexit sanctum Ioachim parentem, quam Iosephum sponsum.

Subiungit D. Angelicus, quod secundum leges, & coniunctionem matrimonij plùs amare maritum vxor, quam Patrem debeat. Causam huius eam reddit, quod sunt duo in carne vna. Verba illius adfero: *Secundum autem rationem coniunctionis magis diligenda est vxor, quia vxor coniungitur viro, & vna caro existens, secundum illud Matth. 19. Itaque non sunt duo, sed vna caro.* Hæc ratio vim non habet in Maria, quamuis enim verum fuit illius

cum Ioseph coniugium, non tamen fuerunt vna caro, siue duo in vna carne, ac propterea semper tenebatur plùs amare S. Ioachimum patrem, quam Iosephum suum Sponsum. Qui autem magis dilectus fuit Virgini idem fuit maiore gratià à Deo cumulatus, ut illa rectè suum collocaret amorem.

Confirmantur dicta, & probatur, quod plùs amauit Ioachimum etiam quam Matrem suam Annam, S. Hieronymus in c. 44. Ezechielis ait, post Deum maxime diligendum patrem. Itaque si Virgo post Deum maxime dilexit patrem suum Ioachimum, certum est amasse propter suam sanctitatem. Angelicus Doctor 22. q. 26. art. 10. in hanc rem sic ait: *Amantur pater, & mater & principia naturalis originis, pater autem habet excellentiorem rationem principij, quam mater.* Quare si enixius debet amari pater, quam mater, indubitatam est Reginam cælorum id fecisse. Concedat nobis benignissimus Deus meritis gloriosissimi huius Patriarchæ suam gratiam, quæ est pignus gloriæ quam michi & vobis, &c.

In Solennitate Sanctæ Annæ, Matris Mariæ Virginis, & Auiæ Christi.

Auctore Ad. R. P. M. CRISTOPHORO
de AVENDANNO Carmelitâ.

Interprete F. Ioanne Freylinck Ordinis
Prædicatorum.

T H E M A.

Simile est regnum cælorum thesauro abscondito in agro, Matth. 13.

EX nomine S. Annæ loquens Spiritus Sanctus, ut qui perspectissimam habebat admirabilem eius virtutem, dicit apud Ecclesiasticum 24. 19. *Quasi platani exaltata sum iuxta aquas in platani.* Comparatur Sanctissima hæc Matrona cum platano, eaque plantata iuxta præterfluentem aquam, quæ tamen in seipsa sit benè grandis, & procera, atque opaca, extra illam, si tamen in aqua velut in speculo respicias, incomparabiliter maior videbitur.

Scriptura sacra Filium Dei confert cum aqua, qui apud Dauidem Psal. 21. aiebat: *Sicut aqua est*
fusua

fusus sum. Virgo Mater illius etiam significata est per aquas, quæ Salomoni Cant. 4. 15. dicitur *puteum aquarum viventium.* Sancta Anna est elegantissima platanus, & omnis eius pulchritudo inde nascitur, quod tam vicina sit his aquis. Et quam extrâ eas sit prodigiosa sancta. Si tamen in istis aquis eam aspicias, tanquam in speculo apparet multo maior. Si quis eam consideret in Christo tanquam nepote aviam, in Maria tanquam filia Matrem, quomodo non potest non admirari talis platanum venustatem, & magnitudinem sanctitatis?

Quomodo ergo hauriemus aquam gratiæ? Sancto Gregorio Nazianzeno in orat. *Obsecro te Domine* dicitur *Maria aqua ductus gratiæ*, per quam derivantur omnes gratiæ, quibus fecundantur omnes festivitates. Hodiernam absque gratia celebrare non possumus. At cum sit Festum S. Annæ, est etiam Festum Mariæ, ut de huius intercessione omnia nobis cum aliis semper, tum hodie maxime promittere possimus. Ut ergo, quæ dicturus sum, redundant primum in gloriam Dei, deinde & in laudem huius admirabilis, & celestis Matronæ, rogemus Mariam, ut rectè dicendi gratiam mihi obtineat, quod faciet, si religiosè, reuerenterque illam salutauerimus, dicentes, *Aue Maria, &c.*

S. I.

Magnus apud Deum thesaurus castitas, quæ vincit affectum carnis, & quod non fuit minor continentia S. Annæ, quàm Ioachimi ex quibus duabus conchis prodiit pretiosissima Margarita Maria.

Simile est regnum cælorum thesauro abscondito in agro, Matth. 13.

Hugo Cardinalis per illum thesaurum intelligit virginitatem, seu castitatem, & per agrum non rus quod fert herbas, & gramina, & seminatur ad edenda frumenta, sed carnem, cuius quanta est concupiscentiarum malarum copia, tantum est agmè effectorum hostium, qui virginitatis, seu castitatis thesaurum in carne absconditum insectantur, ut depescantur, diripiant, aut vitient, si non possunt aliud. Verba eminentissimi Cardinalis repono: *Thesaurus absconditus est Virginitas, & castitas abscondita per humilitatem in agro carnis.*

Nolumus cedere puritati Ioachimi, quin immò dicimus, quod castitas Annæ fuit pulchra, quemadmodum illius munda. Duos hos parentes considerare debemus tanquam duas conchas æqualiter

TOM. IV.

pulchras, quæ mutuâ operâ concurrerunt ad producendam pretiosissimam margaritam.

Annæ castitatem puto conferri posse cum virginitate Agnetum, Catharinarum, Agatharum, aliarumque talium, idque inde accipio, quod venter illius fuit quædam aurifodina, ex qua accepta fuerunt pretiosa viscera Mariæ, quæ cum esset caro, excelsit omni spiritui.

Facit huc illud S. Bernardi: *Continuata castitas emulatrix Virginitatis est.* Pertinax continendi, & abstinendi ab omni turpis libidinis usu studium sic Deo probatur, ut virginitas ipsa. Vidit S. Ioannes suæ Apoc. 14. magno numero virgines quæ sequebantur agnum, & audiuit vocem dicentem: *Hi sunt, qui cum mulieribus non sunt coniuncti.* S. Hieron. ea exponens ait. *Etsi Paula in his est, illa nobilissima Romana matrona, quæ vitæ Seraphicæ leges, & officia obseruauit.* Magni ergo huius Doctoris sententia est, quod tantam habet Paula vidua venerationem in domo Dei, quantam si virgo fuisset.

Quod diximus, magis persuasum nobis fiet, si consideremus quantum perdat, qui castitatis iacturam facit, & se passionibus suis submittere solet. Audiamus illud Apostoli Iudæ dicentis: *Qui carnem maculant dominationem spernunt*, hoc est, iusto Dei iudicio eò prolabantur, ut magistratus Ecclesiastici æquè, ac ciuilibus imperium contemnant, qui cum prauis carnis suæ cupiditatibus, & concupiscentiis imperare noluerunt, facti sunt earum turpes, ac miseri serui.

Vultis aliundè videre, quàm vile mancipium fiat, qui se carnis passionibus tradit? Quando Lenobia vxor Putipharis ad flagitium sollicitabat castum Iosephen, hac verborum comitate preces salaculæ mulieris ille repulit: *Ecce Dominus meus omnibus mihi traditus ignorat quid habeat in domo sua, nec quidquam est, quod non tradiderit mihi, præter te, quæ vxor eius es.* &c. Gen. 39. 8. 9. In his notate, quod Putipharem vocat dominum suum (*dominus meus traditus mihi omnibus*) Lenobiam verò non dominam suam, quod tamen erat, sed vxorem eius vocat, præter te, inquit, quæ vxor eius es. Cur non æquè hanc dominam nominat, ut illum dominum? Cur non dixit: *Dominus meus tradidit mihi omnia, præter te, quæ domina mea es?* Desiderat esse domina, facta carnis suæ vilis, & propudiosa ancillula. Audite S. Ambrosium, cuius hæc sunt ex libro de Ioseph: *Rectè non ipsa domina dicitur, quæ non potuit extorquere, quod voluit imperare, nam quomodo domina, quæ dominandi non habet affectum?* Magno

Bb

igitur

igitur cum mysterio dicit S. Apostolus Iudas: *Qui carnem maculant, dominationem spernunt*, eam etiā, quā imperare passionibus suis, & tanquam reges corpus suum moderari, eoque velut deditio seruo, & mancipio ad omnia honesta studia, diuināque officia vti possent, fiuntque sordidi famuli eius, cuius debebant, & poterant esse honorifici domini. O quot illos mundus habet, qui gaudent titulo superioris dignitatis, & propter suam turpem, atque infandam libidinem neque in honestis seruis recenseri merentur!

Dicamus exaggerationem quandam omnium maximam. S. Augustinus aliquid obseruauit, quod natum à subtili ingenio illius, parculque eius dici potest. Est autem illud, quod Propheta Daniel, cum Susannam ab iniusta calumnia, & imposito adulterii crimine liberam pronuntiavit, dixit: *Mundus ego sum à sanguine huius*, Dan. 13. Tantūdem dixit Pilatus, quando Christum innocentem, nihilque supplicii meritum arbitratus voluit absolvere, inquit: *Innocens ego sum à sanguine iusti huius*, Matth. 27. Dicit nunc sanctus Augustinus: *Hac voce circa Susannam vtiitur Daniel, quā circa Christum & suus est Pilatus, eadem autem sententiā absoluitur pudicitia, quā est absoluta & iustitia*. Et quā Daniel dixit, & quā Pilatum dixisse refert Mattheus, viraque à Spiritu sancto dictata fuere. Cum ergo vtrōbique iisdem verbis absoluitur & castitas Susannae coniugata, & sanctitas Christi iniugis, ac virginis, videtur æquari quodammodo castitas illa huic sanctitati. Iure merito ergo dixit Euangelista, quod castitas est thesaurus: *Simile est regnum calorum thesauro*.

Atque ut planè respondeamus titulo discursus, qui hoc habet, quod castitas in oculis Dei sit thesaurus, norandum quod ut castitas, iudicio Dei sit talis, est necessarium, ut homo mortificet, & infrenet insolentias carnis suae firmiter continendi proposito, sacramentorumque opem, & precum auxilium ad eas coercendas adhibeat, sic enim spiritus excitatur, & oritur, ut magno cum affectu ad Deum contendat, quia non reputo castitatem eam, quae nunc inquinata est, nunc munda, sed cuius est constans, & iugis puritas, quaeque timorem Dei habet perpetuum custodem.

Notate mihi conceptum, quem subiiciam, per commodum causae, in qua versamur. Duo inuenio in sacris literis flagitiosorum, & perditorum, & durā fame laborantium peccatorum genera, quorum alii suo studio salutem inueniunt, alii suā diligentia

supremam incurrerint perniciem. In prioribus est filius prodigus, qui tantum non enectus fame requi-siuit suum patrem, & suū apud illum necessitati remedium, de quo Luca 15. habes dixisse: *Surgam, & ibo ad patrem meum*. Quando esurie se confici vidit, tantāque inopiā premi, ut neque filiquas ad depellendam mortem habere posset, inquit: *Surgam, & ibo ad patrem meum*. Prudenter fecit, quod ad patrem, & non ad matrem, confugit, nam si ad hanc primò recurrisset, fortè non fuisset subuentum illi, nec habuisset remedium quod sperabat.

De aliis peccatoribus, quos sua diligentia perdit, mentionem facit Ieremias in suis threnis c. 2. qui cum dirā fame, & magnā egestate vexarentur, mundumque vagi nonnihil obirent, occubuerunt, quod pro esurie suae remedio non ad patres suos, sed ad matres se receperunt, de quibus Ieremias ita: *Matribus suis dixerunt, & ibi est triticum, & vinum, cum deficerent quasi vulnerari in plateis ciuitatis, cum exhalarent animas suas in sinu matrum suarum*.

Obseruauit ingeniosè in his sanctus Paschasius, quod filius prodigus, qui ad patrem recurrit, significat peccatorem vitio turpis libidinis captum, qui ad patrem pergere dicitur, quia virili proposito, & masculā constantiā se obfirmavit ad cauendam omnem Dei offensam, venientque cum fame castitatis excipitur & reficitur à patre, hoc est bono illotuo proposito, ab eoque pascitur, & confirmatur, ut roboratus perseueret, perseuerans autem tam purus effectus est, ut meritis virgines exaquaret.

Alii fame castitatis laborantes confugerunt ad molles, & malè blandas matres, & ab illis tam nihil habuerunt remedii, aut leuaminis, ut in earum sinu infelices expuerent animas: *Cum exhalarent animas in sinu matrum suarum*. Sanctus Paschasius ait, has matres esse quādam proposita eorum, qui desiderant esse effoeminati, molles, inuoluti suis delitiis, & ad illa proposita tanquam pias quasdam, ac suauēs matres suas recurrunt, ab illis pasci & refici cupientes, sed in ipsis eiusmodi matrum complexibus moriuntur, quia dum nauant operam voluptati, vtu isto non extinguunt, sed accendunt magis fames turpis libidinis, quousque ab ipsius flamma prorsum consumantur.

Verba sancti Paschasii lib. 2. in Threnos elegantissima sunt, & sic habent: *Eruditior ille filius, qui ad patrem suspexit eges, quā isti, qui à solutibus carnis, quasi à matribus, ea bona exquirunt. Si cum patre essent, aut ad domum patris redirent,*

animas

animas fame non exhalarent. Sed quia caro eos decipit, errant, etsi non in eo, quod panem requirunt, saltem quia in carne torpentes, ab ea ista petunt. Nesciunt miseri, quod qui in carne sunt, Deo placere non possunt; idcirco in sinu carnis intereunt. Quoniam hi filii patris sunt, qui non ex voluntate carnis, neque ex voluntate viri, sed ex Deo nati sunt.

Absoluam hunc discursum istis sponsæ ex Canticorum 5. verbis: Surrexi et aperirem dilecto meo, et manus mea stillauerunt myrrham, et digiti mei pleni sunt myrrha probatissima. Commentatio Sancti Gregorii Nysseni in ea verba sic habet: Quia sponsa sponsa myrrham stillauerunt, ideo surrexit, hoc est, quia sponsa nihil aliud egit quam ut opprimeret, & attenuaret, & mortificaret concupiscentias suas prauas, sciuitque subactos tenere affectus sanguinis, & appetentias carnis in officio continere, idcirco surrexit inque perpetua puritate, & castitate vixit. Diuitem enim illum thesaurum non acquirunt, nisi qui sunt pramodum continentes, & velut mortui rebus huius mundi. Cum ergo talis fuerit gloriosissima Christi auia sancta Anna, in illa etiam verus caluatus thesaurus perceptus fuit.

S. I I.

Magna sanctitas, & prudentia beata Anna non obligauit solum, verum & coegit quodammodo Christum, ut illius ex filia nepos fieret. Aliud facere non potuisse videatur.

Simile est regnum cælorum thesauro abscondito in agro.

Tanto honori ducit Deus noster esse liberalis erga homines, & tanto impetu fertur ad beneficiendum, ut velut inhonorificum sibi, ac probrosum existimet, nisi hominum qualiacumque officia beneficijs longè maioribus compenset, & remuneret prolixiore mercede, quam promerebantur obsequia.

Atque ut omnes sciant, nihil illi offerre posse, quod non infinito cum incremento reddere, & soluere queat, thesaurorum suorum, & opulentia, atque omnipotentia suæ ostentationem facit, inquit: Simile est regnum cælorum thesauro; ac si verbis pluribus dixisset: In meo cælo ingentem habeo opum copiam, & bona plurima ad remunerandum merita eorum, qui mihi obseruiunt. Non ergo putet homo, quod me diu habebit debitorem rei cu-

iuspiciam, circumfluo enim bonis, quibus me exsoluam & ipsi satisfaciam. Non erit, qui officijs me prauertat, quin ego omnes mutuis beneficijs superabo, de honore namque meo agitur, & suppedierem ego (loquamur ita) si contra fieret, nam potentia meæ existimationi, si secus accideret, decederet, ac derogaretur.

Ut hæc res palam fiat, differamus de officijs, quæ homines Deo præstiterunt, & videbimus vtrum aliquod illi exhibuerint, quod non duplâ compensatione remuneratum fuerit.

Imperabat Deus Abraham, ut immolaret filium suum, in quo amorem suum totum collocatum, spesque repositas habebat. Obtemperauit sanctus Patriarcha, exijt in montem præparauit sacrificium, extulit brachium, ut in filij iugulum cum acinace demitteret, eumque obtruncaret, denique ut holocausto eum offerret, quem tam effusim amabat. Stabat ad hæc omnia attentus Pater æternus, obligatumque se tam insignito officio arbitratus, magnitudinem doni considerauit, & dixit: Multum mihi offert Abraham, grande illius munus est, sed ne existimet me parcum in remunerando futurum, offeram illi Filium meum, & si ille mihi suum conseruat, ego meum illi inuicem reddam. Atque ut videat, oppido ampliorem esse ipsius officijs meam compensationem, & quod ego sum magis liberalis, quam ille obsequiosus, si ille mihi offert filium hominem, ego ei reddam Filium Deum, filium meæ ipsius diuinitatis consortem.

Hæc doctus Lippomanus in aurea sua catena rationalibus verbis reddidit: Quia filio tuo, Abraham, non pepercisti propter me, & scis tibi tradam filium meum unigenitum propter te, & quia melior ego sum, hoc amoris signum maius tibi præstabo. Quod hic dicit, perinde est ac si alijs verbis ex Patre diceret: Non putet Abraham, quod me sit liberalitate superaturus, aut parcior me in remunerando reperiturus; nam siquidem ille suum mihi filium dedicat, ego me illi è contrâ trado, & sic incomparabiliter erit maior merces officio, quod mihi præstetit.

In hac cogitatione erat S. Clemens Alexandrinus, quando secum reputabat voces, quas sanguis Abel cælo dabat. Quocum ille sanguis loquebatur? Quem inclamabat? Deum alloquitur, qui est Verbum, ait ille. Dei Filium ergo, id est secundam Sanctissimæ Trinitatis personam appellabat. Quid illum rogabat? Scitis quid? Ut suum sanguinem pro hominibus funderet, velut dixisset: Ego pro debito erga Deum honore, & officio sanguinem

meum fudi, tu ergo tuum vicissim funde, nisi enim ita faxis, parcus in compensandis obsequijs videbera.

Dicebat ergo Deus. Si Abel hoc mihi officij præstitit, nemo me debitorem fore perpetuum existimet, quod ne facere possit, meum sanguinem inuicem fundam. Neque hoc solum, sed si illius sanguis fuit innocens, & meus innocens erit, nolo enim homini manere obnoxius ex eo, quod mei causa fecit.

Amplificat hoc, quod diximus, illud Sancti Ioannis c. 1. dicentis: *Dedit eis potestatem filios Dei fieri his, qui non ex sanguinibus, neq; ex voluntate carnis, neq; ex voluntate viri, sed ex Deo nati sunt, & Verbum Caro factum est*; tanquam Deus diceret: Gratissimum, fateor, accidit officium, quod mihi præstiterunt homines, cum ministrarunt materiam, ex qua possem accipere carnem. Addo, cumulatissimè mihi satisfactum tali dono, esseq; illud ingens, & permagnum. Verum sciant etiam, quod ego vice reddidi, easq; tali officio, ac dono longè superiores: Nam si *Verbum Caro factum est*, ego illis, qui carnem præbuerunt, è contrà *dedit potestatem filios Dei fieri*, & pro carne Diuinitatem rependi. Et nullum mihi cultum exhibuerunt, quem ego non abundè compensauerim, idque non solum post acceptum ab eis officium, sed etiam ante omne illorum meritum, proptereaque S. Ioannes prius dicit: *Dedit eis potestatem filios Dei fieri*, quam quod *Verbum Caro factum est*, donumq; concessæ diuinitatis anterioris fuit officio ministratæ carnis.

Vetus controuersia est sacrorum Interpretum, quid sibi velit illud ex Lucæ 2. c. *Et ipse Iesus erat incipiens annorum triginta, & putabatur filius Ioseph*. Concertatio ista est. Si ex Matre Virgine erat nasciturus Christus, quo consilio illa coniugata fuit Iosephi? Si per totum mundum disseminandum, & hominibus omnibus indicandum erat, quod integerrima Virgo permanens esset, quæ Mater Domini futura, quid necessum fuit eam nubere, & tradi marito? Nonne satis erat illam solitariam in recessu agere vitam, ut hoc etiam modo magis innotesceret tum illius integritas, tum magnitudo tanti mysterij? Fieri non potest, quin rei tam momentosæ aliquid subit, & plurimum è re Dei fuerit, quod illius Virgo Mater collocata in matrimonium fuit.

Omnino referebat Christi, ut Mater illius, quam illibata semper Virgo mansura, marito copu-

laretur, inquit S. Anselmus, dicens: *Adoptionis originem ipse accepit, quia per adoptionem efficiuntur Filij Dei*. Tam vehementer desiderat Deus suam ergà homines exerere, & demonstrare liberalitatem, & plura reddere, quam ab eis acceperit, ut voluerit esse Filius adoptiuus Iosephitis, & officium adoptionis ab illo accipere, ut haberet occasionem, quâ homines vicissim facere adoptiuos filios suos, & Dei posset. Nâ quoties de ipsius exultatione, quam potentia, & liberalitatis ostentatione sibi constat, agitur, indagar modos, & occasiones, quibus eam manifestare possit, sic ut non videatur restrictus ergà homines, sed tam largus, ut duplo compenset quidquid ei exhibetur.

Hic est Dei modus dandi, qui dat omnium affluentem. Iacobi 1. 5. *Dat sine vilo intuitu remunerationis, compensatq; officia beneficijs multo præstantioribus*.

Probationem huius rei sufficientem habemus in historia Iobris. Ademit illi Deus diuitias & liberos & pecora, & omnes opum facultates. Quo consilio istud fecit? Ut restitueret duplo auctiora. *Et addidit Dominus omnia quacunq; fuerant Iob, duplicia*; Iob 42. 10. Sed cur ei abstulisti, Domine, quæ reddere certum habebas? Cur? Ut palam faciam, quod bis tantum regono, quantum accipio, & quod pro re vna, quæ mihi offertur, duas, immo centenas restituo: *Centuplum accipiet*, quisquis pro me vel domum, vel fratres, vel aliud tale quidpiam reliquerit, Matthi. 19. 29.

Volo hanc amplificare, & viribus augere commendationem. Quid fecit Iob, quando tantam rerum suarum stragem vidit? Obtulit seipsum, bonaque sua omnia Deo. Et quid posthæc? Obtulit illa cum patientia, & propterea per patientiam officium singulare præstitisse Deo videtur, ac diuersum ab eo, quod exhibuit cum liberos, & opum facultates obtulit. Deus verò his omnibus satisfecit, qui illi dedit & diuitias, & patientiam, & dupla omnia restituit, ut omnia essent prolixè remunerata, quando & bona reddidit copiam maiorem, quam abstulerat, & patientia illum cumulauit, quâ fortiter tolerare ærumnas suas posset.

Hæc fuit cogitatio Sancti Basilij Magni, cuius sunt ista: *Duplicata diuitia in eius domum undiq; confluerent, & alteram partem, velut qui nihil amisisset, haberet, altera vero patientia merces iusto esset*. Sic ille in hom. *Quod non inhærendum rebus terrenis, velut alijs verbis dixisset: Non puer homo, se aliquid perditurum ob hoc, quod det illud Deo,*

nam

nam si ei dat suas diuitias, ille reddit duplicatas, nec contentus soluisse quod sibi datum, etiam modum, quo datum, remunerat. Cum enim Iob suas facultates ei cum patientia obtulerit, ille ei omnia duplicata reddidit, ipsamque patientiam dedit, qua cum obtulit, & sic cumulatissime illum remunerauit. Ob bonitatem Dei! Felices, qui tibi seruiunt, quia tam diuitem officiorum suorum remunerationem accipiunt.

Atque, mi Domine Deus, quanquam hæc tibi res ex voto hætenus successerit, atque eo nomine tibi gaudeas, veniet tamen tempus, in quo mirum tibi videbitur, omnes tuas erogasse, & consumpsisse facultates, Sancta Anna tibi occasionem exhibebit, quâ cogaris quærere modum, quo illi satisfacias. Offeret tibi dono Mariam purissimum sui ventris fructum. Si nunc pro nobilis ingenij tui liberali conditione, de qua diximus, remunerare eam duplò velis, nescio, Domine, ubi reperire possis duas tales Marias, qualis est vna illa Sanctæ Annæ Filia.

S. Petrus Chrysologus ser. 25. ait, tibi id solenne esse, ut pro vno centum reponas, cum avari mundi fordidos mos habeat, ut vix vnum pro centum reddat. *Usura mundi centum ad vnum, Deum vnum accipit ad centum*, inquit ille ibi. Cum ergo sancta, & benedicta Anna cum ardentissimo amore filiulam suam trimulam in Templo tibi oblatam dedicarit, obligaberis, Domine, pro vna eiusmodi filiola centum alias tales, tam bonas, & sanctas reddere.

Hic verò hic velut perplexa fuit maiestas Dei hic velut incerta consilij, & modò quo sanctæ Annæ bis tantum pro vna filia Maria restitueret. Itaque ut tantum debitum lueret, decreuit seipsum facere nepotem Sanctæ Annæ, & pro centum Marijs vnicam suam Regiam, & diuinam personam reponere, quod fecit, quando ipsius nepos, & Filiæ Filius factus.

○ Sancta, & gloriosa Mater Anna, latentur, & exultent tecum omnes creaturæ propter tuam sanctitatem, & prudentiam, quia inuenisti modum, quo Deum tibi deuincires, & obstringeres!

S. III.

Conuenienter factum, quòd Maria fuit Filia Sanctæ Annæ, ut euaderet omnem culpam, præcipuè originalem, & esset fortis inter arumnas.

Agamus in hoc discursu de cælesti desponsatione Sanctorum Ioachim, & Annæ, eaque tam ve-

tere, quàm nobili, quæ inter ipsa cœli, ac terræ primordia iam tunc præuisa fuit. *In principio creauit Deus cælum, & terram*, & ambo quodam velut matrimonio copulauit (quæ fuit philosophorum quorundam opinatio) verum *terra erat inanis, & vacua*, eamque ob causam cælum, maritus eius, tristerat, tantumque non contabescebat mœrore, atque ad contestandum suum luctum tenebris vultum suum velut obnubebat: *Tenebra erant super faciem abyssi*. Et reuerà quis non doleat, non lugeat maritus, qui sterilem, & infæcundam suam videat uxorem?

Sic omnino accidit beatis his coniugibus Ioachim, & Annæ, quorum ille cælum erat per suam puritatem, hic terram suâ sterilitate referebat, ex qua plurimus illis mœror nesciebatur, fiebatque, ut luctuosam in tristitia vitam agerent.

Volo hic laudum, quæcunque sanctæ Annæ tribui possunt, maximam aduertaris. Res longo usu comperta est, quòd lapidosa est terra, quæ non fecunda frugum. Superuacaneum est commemorare loca, quæ cum alioquin sint sterilia, saxorum tantum sunt feracia. Magna hæc Matrona Anna sterile solum fuit, sed fecundum lapidum. Christus lapis fuit. *Petra autem erat Christus*, inquit Apostolus 1. Cor. 10. Lapis fuit & Maria, ut dixit Isaias expectans incarnationem & aiens: *Emitte agnum, Domine, dominatorem terræ de petra*, Isa. 16. siue ex latomia, vel lapidina Mariæ. Ut ergò lapides suum robur, duritiemque à sterili solo habent: Sic Christus, & Maria sui roboris partem magnam inde habent, quod sunt nepos, & Filia Sanctæ Annæ.

In rem, qua de agimus, petapè cadit, quod Ouidius de sterili terra canit his verbis:

Magna parens terra, lapidesq; in corpore terra.

Ossa reor dici, tacere hos post terga iubemur.

Magna parens illi terra dicitur, quia Mater communis omnium est. Sed hoc velim notetis in verbis profani poetæ, quod ait, *lapidesq; in corpore terra ossa reor dici*. Ossa ergò terræ lapides vocat, eò quòd suum esse accipiant ab eius sterilitate.

Fructus, quos infæcunda Sanctæ Annæ humus protulit, fuerunt lapides, Christus, & Maria. Itaque hi fuerunt illius ossa, fortitudo & consequenter Sanctæ Ecclesiæ.

Et ne hic conceptus solo talis poetæ dicto nitatur, loquatur Guerricus Abbas, & quid de hac resentiatur, edicat: *Si petra Christus, si ait Apostolus, non degenerat à Matre Filius, quando & ipsa petra nomine censetur*, de qua paulo post subiungit: *Aduersus*.

ueru illecebras peccati tota insensibilis erat, & lapidea. Sic ille ser. 2. de Annunt.

Beata illa sanctæ Annæ sterilitas, quia fructus, quos produxit, lapides fuerunt, & lapides tales. Respondemus nunc titulo discursus, & ostendamus, congruè factum, quod Maria Annæ Filia fuit, ut absque originali culpa nasceretur, & omni peccato vacua esset.

Est quidam in Prouerbijs Salomonicis locus, qui plurimum pro purissima conceptione facit Mariæ, & hinc perspicuus fiet. *Tria sunt difficilia mihi, & quartum penitus ignoro, Sicut aquila in celo, Sicut colubus super petram, &c.* Hæc ille Prou. 30. qui hoc minime omnium capiebat, quomodo serpens supra petram reptaret, nec tamen aliquod vestigium relinqueret.

Relinquamus eorum verborum corticem, & nucleum scrutemur, atque ad sensum mysticum transgrediamur, quem S. Ambrosius in lib. 1. de Salomone sic enudat: *Diabolus in ipsis nativitatibus mundi inuenit corruptibilem terram Adam, & Eua libenter audientem, quæ eum locutus est. Fecit in auribus semitam, fecit in pedibus, quibus interdictum fuerat iter ad arborem, fecit in manibus, à quibus contrahata sunt poma.* Protoparentes nostros inter ipsa recens nati mundi primordia fraudibus suis, & tentationibus veterator dæmon appetijt, inciditque in mollem semitam aurium, quas illi faciles ad omnia, quæ dicebat, præbebant, & pedum, quibus præstabant, quo ille volebat, & manuum, quas in vectitum fructum leuiter, prælicenterque extendebant.

Posthæc eodem ausu, inquit Ambrosius, adiit Christum, & Mariam, præstidens, hoc in eis posse efficere, quod in Adam, & Eva fecerat. Sed per Ioachimum, & Annam (quæ quod sterilis terra esset, duros lapides nepotem, filiamque genuit) factum est, ut viam in eis non reperiret. Et propterea infert S. Ambrosius. *Ideo serpens in terra vestigium non fecit.* Hinc iam clarus euadit ille Prouerbiolorum locus, apertumque quod tantam adferebat Salomoni admirationem, cum intelligere non posset *Sicut colubus super petram.* Conueniens ergo fuit, quod Maria esset filia Annæ, ut libera esset ab omni culpa.

Nota Lector. Quod hic autor Ambrosio tribuit, dixisse, quod serpens diabolus post circumuentos primos parentes adierit Christum, & Mariam, id secus habere, nam Beatissima Virginis, quod ad eam rem attinet, prorsum non meminit, sed c. 3. libri de Salomone sic tantum ait: Hanc petram Dominum no-

strum esse ambigere non debemus. Serpens autem ex ipso nomine, quod sit callidus, omnium bestiarum, apparet, quod est diabolus, qui in corpore hominis, quod Christus induerat, nulla malitiæ suæ potuit imprimere vestigia, quamuis illud ausus fuerit sæpe tentare. *Hæc ibi. Et posthac in fragmento, quod capitis quinto subijcitur.* Tunc serpens potuit in primitium hominem quasi in puluerem vestigium facere, peruenit ad petram, quæ est Christus (talis enim factus erat Adam ex limo, qualis & Christus est ex Virginis utero) vidit hominis similitudinem, sed cooperatam corpore cognoscere non potuit maiestatem. Potuit & ipsum tentandum aggredi, sed Christus nec obtemperauit, nec iratus est, quia ira opus est diaboli. Sed quia diaboli contempta sunt verba, serpens in petra vestigium non fecit. *Hæc ibi iterum.* Quid ibi de Maria ab origine peccato seruata? Volo ergo interpretari lapsum memoriam, quod de Maria eruditus autor addidit. Nam si meditari adieciisset, parum honorifice pro magna Dei Parente fecisset, quæ cum infinitis Patrum encomijs perspicue celebratur, non requirit ad sui commendationem verba vel Ambrosij, vel alterius falsata, assumptisque alienis aucta. Et sententia ipsa, quæ pro Immaculata Virginis Conceptione pura militat, & alidiora habet argumenta, quam si autoritarum Gittatarum adminicula adhibere necessum haberet.

Intelligemus iam (quod velut in parenthesi dixerim) quare dæmon lapides ad tentandum Christum adhibuit. Si periclitari omnipotentiam Christi voluit, mille alijs modis satisfacere suo illi desiderio potuit. Cur ergo lapides conquisiuit, attulitque, & obrulit, ut eos in panes verteret, inquit: *Dic & lapides isti panes fiant?* Res est, quod Christus, & Maria cum essent lapides, erant ab omni culpa liberi, propterea dæmon sic irā exarsit aduersus lapides, ut omnes in aliud quiduis transmutatos, prorsumque confectos, & perditos cuperet, eamque ob causam lapidibus ad tentandum est usus.

Reuertamur ad Sanctam Annam, inter cuius præcipuas laudes hæc vna, quod Parens Mariæ fuit, nam & causa fuit, quod illa sine labe originalis peccati concepta. Diximus iam ex S. Epiphanio, quod Ioachim idem est, quod præparatio Domini. Idem nomen tribuere possumus gloriosæ huic Matronæ, nam intrā eius uterum Deus omnium salutem præparauit. Poterat, si dicere fas est, queri Spiritus S. de alijs duabus Sanctissimæ Trinitatis Personis superatus, quod ab illis processionibus fuisset. Pater generat Filium, Pater & Filius simul spirant Spiritum

sanctum

gum Sanctum, hæc verò tertia Persona nec generat, nec spirat. Cum autem Spiritus Sanctus cupidus esset etiam se communicandi, traditus ei fuit Sanctæ Annæ uterus, ut illum præpararet, & Filia fecundaret, in quam exornandam posset se copiosè ad stuporem usque exonerare, & effundere.

Vnum è plurimis beneficiis, quæ in illam contulit, istud fuit, quòd in beato Annæ utero quibusdam gratiæ vallis eam obmuniuit. Ibi enim demonis arrogantia, & peccatum originale oppressa fuerunt. Neque exigua est hæc beatæ Annæ commendatio.

Fortean hoc est illud, quòd sancto Ioanni occurrir, quando in sua Apocalypsi c. 12. vidit mysticam illam vestitam sole mulierem, postquam draco flumen aquæ fudit, ut eam ad se raperet? Euasit illa tamen libera, terra enim ingenti hiatu totam, quæ incommodare poterat, aquam hausit. *Miser serpens ex ore aquam post mulierem tanquam flumen, Et eam faceret trahi à flumine.* Hæc ille ibi v. 15. ubi mox subdit: *Et adruit terra mulierem, & aperuit terra os suum, & absorbit flumen, quòd misit draco ex ore suo.*

Anna mater, quam grandæva senectus iam terram fecerat, tantum auxilium habuit à Spiritu sancto, ut eius utero fuerint euerse, & dissipatæ culpæ originalis machinationes, quæ filia ipsius minabantur. Illa fuit, quæ absorbit flumen aquæ, quòd ex ore draconis erumpebat, & in certam Mariæ perniciem vertebatur, ni haustum fuisset, priusquàm ad eam perueniret.

Hæc est veritas, quam Spiritus sanctus c. 6. Canticorum docuit, cum de Maria loquens ait: *Vna est mater tua, electa genitrici tuae.* Duas hic illi matres assignat, vnam quæ genuerit, de qua dicit, *Electa genitrici tuae*, alteram remotam, quæ est terra, siue sepulchrum, cuius matris fuit vnica filia.

Quòd cuique nostrum sit duplex mater, id Iob his verbis indicat: *Nudus egressus sum de utero matris meae, & nudus reuertar illuc.* Iob. 2. 21. Ad uterum matris, quæ illum enixa erat, redire non poterat. Ad quem ergo? Ad sepulchri, siue matris terræ ventrem, de quo dicit: *Nudus reuertar illuc.* Ex his iam perspicuus erit sensus illorum de Canticis verborum: *Vna est mater tua, electa genitrici tuae.* Duas matres habuit Maria. Vna fuit Sancta Anna, quæ vitam illi dedit, altera sepulchrum. Et sicut filia sepulchri vnica fuit eò quòd sepulchrum neque corruptione, neque serpentibus ipsam offendit, velut alias filias Adæ coedauit, & inquinauit: Ita

& fuit vnica matri suæ Annæ, quæ vitam dedit; nam cum aliæ filia alios suarum matrum faciant sepulchra animarum Originali peccato mortuarum, Virgo suæ matris utrum fecit paradisum delictiarum, & thesaurum gratiarum, ut propterea merito de illa dicatur: *Vna est mater tua, electa genitrici tuae*; vnica cumulo, in quo à vita recepta, vnica Annæ, à qua in vitam concepta.

Conceptus liberorum fuit primæ matri nostræ datus pro supplicio, cui dictum: *Multiplicabo aumnas, & conceptus tuos, in dolore paries filios;* Gen. 3. 16. Istanè verò maledictio fuit, quòd editura esset liberos: Omnino & quidem grauis maledictio. Cum enim filios procreatura esset, venter eius futurus erat quidam infernus, ut qui nonnisi in peccatis concepturus. Vterus foeminae grauidæ est sepulchrum infernale, quamuis enim corpus viuum intus habeat, habet & animam mortuam originalis noxæ veneno. Venter autem beatæ Annæ thesaurum absconditum, Mariam dico, includebat.

Sanctus Iob ait: *Quare data est vita his, qui expectant mortem, & non venit, quasi effodientes thesaurum?* Iob 3. 20 21. Erant, qui ibant inuestigatum thesauros, cumque in utrum grauidæ fortè incidissent, arbitrati reperisse thesaurum, inueuerunt sepulchrum, atque in illo animam conceptam, & mortuam in originali peccato: Atqui alium Sanctæ Annæ explorabant, opulentum inueuerunt thesaurum, hoc est, filia illius animam sine illa genitali labe conceptam.

Nonne hoc est, quod sanctus Dauid de conceptione Mariæ loquens ait: *Tenuisti manum dexteram meam, & in voluntate tua deduxisti me, & cum gloria suscepisti me?* Psal. 72. Quando mundus intra tenebras suas excepit cæteros posteros Adæ in principijs natiuitatis eorum, tunc beatissimam Virginem, quo momento concepta fuit, in gloria excepit fecitque Deus ex utero S. Annæ pulcherrimum quendam montem Thabor. Sanctus Remigius ea verba sic declarat: *Tenuisti manum dexteram meam, id est, meam potentiam vinxisti* (fortè iuuxisti) *ad hoc, Et esset in dextera acquirens portum, celestia videlicet, & non terrena.* Semper fuit Virgo à dextris Dei, sic ut nihil ei terrenæ contagionis adhæserit. Cum ergo in sua conceptione suscepta fuerit in gloria, ista gloria necessariò est partus gratiæ præseruantis.

Ex Ecclesiæ more mors hominum sanctorum vocatur natalis eorum, quia mori in gratia est nasci ad gloriam, ac propterea Sanct. Petrus Chrysologus

serm.

serm. 127. de sancti Ioannis Baptistæ decollatione ait: *Ioannes de morte sua natus est, de natali suo mortuum est Herodes.* Percunctor. Quorumnam sunt partus ii natales dies, quibus sancti admittuntur in gloriam? Palàm est dici debere, esse partus gratiæ. Ergò si Virgo cum Deo de sua conceptione loquens dicit: *Ercum gloria suscepisti me;* manifestum est, quòd & hæc gloria sit partus gratiæ præseruantis. Felix, & beatus uterus sanctæ Annæ, quia factus quasi cælum quoddam.

Videamus illud, quòd Ecclesia de sancta Anna canit dicens: *Sicut spinarosam genuit Iudæa Mariam.* Dnas matres habuit Regina cœlorum, vnam remoram, quæ fuit Iudæa, alteram proximam, sanctam Annam. Itaque verba illa cantici Ecclesiastici, *sicut spinarosam genuit Iudæa Mariam*, de ambabus matribus intelliguntur, sed specialius de S. Anna, ea enim ipsam ex se epixa est. Scitis verò quâ obrem dicitur, quòd Iudæa sic genuit Mariam, vt spinarosam.

Mihi difficultatem ea verba pariunt. Spina enim non gignit rosam, sed minacibus suis aculeis venustatem illius propugnat, ne quæ illam auidæ manus licentius carpant, pulchritudinemque eius delibent. Itaque flos ille, qui rosa dicitur, esse suum à radice, & altorum influentis accipit, spina rei alteri non seruit, nisi vt elegantiam eius aduersus liberas manus defendat. Et nihilominus Ecclesia, quæ nunquam fallitur, dicit: *Sicut spinarosam genuit Iudæa Mariam.*

Respondetur, tantum esse beneficium, quod spina rosæ suâ protectione præstat, quantum foret, si illam generaret. Sic & Ecclesia tanti facit defensionem, quâ Maria per gratiæ præseruantis auxilium inaccessa facta est peccato originis, quanti partum Annæ matris, per quem esse vitæ humanæ accepit.

Ex dictis habetur, conuenienter factum, quòd Maria fuit filia S. Annæ, nempe vt absque originali culpa nasceretur. Hinc etiam perspicuè intelligitur, quàm multis gratiis, & eximiis donis Deus adornauerit animam, & corpus huius matronæ, quam auiam sibi delegit.

Hunc conceptum aibi dedimus, verum hic est locus proprius. Sancti Hieronymus in historia de ortu Deiparæ, & Epiphanius de laudibus Virginis Mariæ affirmant, quòd beatissima Virgo triennio fuxit vbera matris suæ. Permirum est, quia insolens, quòd tam diu vixit lacte materno. Quando enim pueri non sunt infirmi, aut non ægræ conditionis, primo statim anno abdicari consueuerunt.

Quid ergò sibi velit, quòd beatissima Virgo, quæ integerrimam naturam sortita fuit, tam longo intergri triennii tempore lacte materno potata & nutrita fuit?

Responsio facilis est, nempe quòd lac matrum, morteque simul combibimus. Videndus hac de re Galenus de alimentis, & Plinius lib. 15 c. 13. & Aulus Gellius lib. 12. c. 1. qui ait, tam efficaciter mores cum lacte hauriri, *vt si ouem lacte hadi, aut caprarum agni alerentur, in his lanam duriorum, in illis capillum gigni duriorum constat.* Cum ergò cum lacte mores infundantur, noluit Maria, quo tempore domi apud parentes fuit, aliud quàm lac suæ matris bibere, vt omnem illius sanctæ vitæ consuetudinem combiberet.

Superiori sermone, qui est de sancto Ioachim, euidenter demonstrauius, esse illum sanctorum omnium maximum, eò quòd sit Pater Mariæ, & auus Christi. Itaque ex coniunctione necessitudinis, quam habet cum Maria, probauimus, primas illum inter omnes sanctos obtinere. Si ergò nunc ostenderimus, quòd Anna propinquiore cognatione attingit Mariam, etiam satis comprobatur debimus, quòd illa post Christum, & Mariam supremum inter omnes beatos locum teneat.

Loquatur pro hac re sanctus Vincentius Ferrerius, qui in serm. 2. de Natiu. Virginis sic ait: *Anna habuit maiorem participationem cum Virgine Maria, quàm pater, quia patres propter negotium temporale parum curant de pueri parui, sicut fasciculus violarum plus redolet in illo, qui diu eum portat, quàm in eo, qui solum tangit. Sic est in proposito, quia pater in generatione filii facit, ac si daret fasciculum violarum matri, & recedit, sed mater portat in vtero, & post natiuitatem lactat, tenet in brachiis, osculatur, ideo Ioachim parum fecit, & sanctior est Anna.*

Plus habuit Maria ex sanctissima matre sua Anna, quàm ex venerabili patre Ioachim. Arctius fuit illa semper coniuncta sanctæ Annæ, quæ illam nouem mensibus in vtero suo circumgestauit, & posthæc suis vberibus lactauit, semperque in sinu, & brachiis siue dormientem, siue vigilantem habuit. Hæc sanctæ Annæ excellentia tanta est, vt neque Angelus quidam satis illam pro dignitate prædicare posset.

Fuit hæc gloriosissima sancta martyr spei iam velut perditæ conceptus liberorum Abraham quæque fuit martyr spei, sed non quantum Anna, quia de illo ait Apostolus ad Rom. 4. quòd *contra spem in sem credidit.* Sara, & formosa Rachel similiter fuerunt

runt

runt martyres spei toto eo tempore, quo fuerunt improles. Sed quando earum rogatu mariti ingrediebantur ad ancillas, atque ex illis generabant liberos, habebat earum spes illud interim qualecunque leuamen, & fulcrum, quo nitebatur. Verum sancti Anna, & Ioachim tam diuturno fuerunt torti desiderio liberorum, quam longum fuit tempus, quo caruerunt prole. Exhibeamus nos deuotos erga hanc sanctam, quia qui erga hanc, idem erga Deum, & Mariam pius fuerit, & sic plura habebit subsidia gratiæ, quæ est pignus gloriæ, ad quam nos, &c.

In Solennitate Sancti Patriarchæ Ioseph, Sponsi Beatissimæ Virginis Mariæ Dei.

Autore Ad. R. P. M. CHRISTOPHORO
de AVENDANNO Carmelitâ.

Interprete F. Ioanne Freylinck Ord.
Prædicatorum.

*Cum esset desponsata mater IESU MARIA
IOSEPH, antequam conuenirent, in-
uenta est in utero habens de Spiritu
sancto. Matth. i.*



Nter multas metaphoras, & similitudines, quibus Diuinus Spiritus in Canticis voluit declarare suæ Sponsæ excellentiam, & gratias, hæc vna fuit, quod illam *fontem signatum* vocauit Cant. 4. Sanctus Ambrosius exponens ea verba ait, fuisse Sponsam signatam sui sponsi figurâ, & representatione Vt enim in aqua clara, & crystallina fontis representatur vultus eius, qui se in ea aspeclat: Ita sponsa debet esse talis, vt in ea reluceat vultus illius sponsi imago, sic vt qui eam inuetur, in illa videat sponsi veram effigiem.

Secundùm hæc cum beatus Ioseph sit Sponsus Mariæ, qui hanc aspiciat, conspiciet in ea Iosephitis imaginem. Et si per illum sponsum volumus intelligere Spiritum sanctum, Maria fons erit, in quo hunc spiritum, simulque sanctum Iosephiten intueri licebit. Et cum Maria sit fons pellucidus, in

Tom. IV.

quo hi duo Sponsi elucet, necessum est dicere, quod Ioseph quidem non est Deus, magnam tamen habet cum illo similitudinis affinitatem, eamque tantam, vt eadem Virgo & Spiritus Sancti effigiem, & Sancti Iosephitis referat imaginem. Accedamus ad pulchrum huius fontis marginem, vt nobis representet Deum, atque hoc modo cognoscamus, quis sit sponsus illius Ioseph. Vt verò quæ dicturi sumus, in gloriam Dei, & commodum nostrum resultent, rogemus Virginem gratiâ plenam, vt gratiam nobis obtineat, quod faciet, si eam cum Angelo salutauerimus, dicentes: *Aue Maria, &c.*

§. I.

Sanctitas Iosephitis videtur habere aliquid immensitatis, quæ scilicet meruit, vt esset Sponsus Mariæ, quod tale est, quale si fuisset innumerabilium reginarum, earumque superarum, & magnificentissimarum coniux.

Cum esset desponsata Mater Iesu Maria Ioseph, &c.

VT de his tam mysticis, & eximijs sponsalitijs agam, percommoda mihi videntur ista ex Isaia c. 4. verba: *Et apprehendent septem mulieres virum unum in die illa, dicentes, panem nostrum comedemus, & vestimentis nostris operiemur, tantummodo inuocetur nomen tuum super nos, aufer opprobrium nostrum.* Licetæ sensus hoc volebat, quod Ierosolymorum vrbs tam misere vastanda esset, tantamque stragem passura, virorum maximè, vt septem mulieres fortunatas se putaturæ essent, si vni communi marito copulari omnes possent.

Sancti Cyrillus, & Cyprianus in lib. de exhortat. martyrij intelligunt eum locum de Christo Domino nostro, & septem donis Spiritus Sancti. S. Augustinus in qq. Ver. Testamenti q. 407. exponit de Salvatore nostro, & septem ecclesijs Asiæ.

Ego accipio ea verba de felicissimis sponsalitijs Mariæ, & Iosephitis. *Septem ergo mulieres, quæ apprehendent virum unum*, Maria est, quæ cum vna esset, instar innumerabilium reginarum fuit, quando viro vni desponsata. Et volo vos scire, quod hic sensus non est allegoricus, sed literalis, meâ quidem opinione, atque, Isaiam, cum illa dixit, fixos in hæc fortunatissima sponsalitia habuisse oculos. Vocat Mariam septem mulieres, quia scriptura conseruit personas regias, quarum merita plurima, &

Cc

virtutes

virtutes singulares, non vulgari, sed septenario nomine donare, eò quòd hic numerus determinatus pro indeterminato accipitur, & denotet pluralitatem, quæ reges se efferre seu verbo, seu scripto solent. Rex cum vnus sit, de se tanquàm de multis loquitur, cum dicit: *Nos Don Philippus per Dei gratiam rex, &c.* Ita Virgo cum esset reginarum, quas solum, cœlumque vnquam nouit, maxima, vna innumerabilium reginarum instar erat, ac propterea *septem mulieres* eam Propheta nominat, inquiens: *Apprehendent septem mulieres Virum vnum*; quod perinde fuit, ac si dixisset: Vna, quæ valet quantum innumeræ, nubet cuidam viro.

Et quòd hoc mos loquendi scripturæ habeat, vt magni meriti hominem vnum septenario numero, & nomine multitudinis donet, videre licet in Samuele, de cuius sterili matre ait, quòd peperit plurimos, 1. Reg. 2. quando solum illum enixa est, qui tam insignis Propheta futurus erat. Et quòd noster vulgaris textus habet, *peperit plurimos*, id LXX. translulerunt, *peperit septem*. Idem videre licet in Dauide, qui tamen vnus esset, dicebat de illo *ramen quidam consiliarius* 2. Reg. 18. *Tu vnus pro decem milibus computaris*. Et cum Moyse loquens Deus Exodi 3. inquebat: *Ingredieris tu, & seniores Israël ad regem Egypti*. Et cum eos, qui regem illum adierunt, recenset scriptura, sic habet: *Ingredi sunt Moyses, & Aaron, & dixerunt Pharaoni, &c.* Brumplit hic Caietanus, inquiens: Vbi sunt isti seniores populi Israël, quos Dei iussu comites adhibuit Moyses, quando Pharaonem conuenit? Respondit quæsito ipse Caietanus, dicens, istos seniores fuisse Aaronem, qui cum magnorum meritorum vir esset, scripturæ multorum instar fuit. Verba Caietani sic habent: *Loco seniorum subrogatus est Aaron ad legationem*. Hæc loca sufficiunt ad probandum, quòd vnus quidam magnæ exultationis, & præclari nominis homo nomine multitudinis effertur.

Reuertamur iam ad prima Isaïæ verba, *Apprehendent septem mulieres Virum vnum*, hoc est, Maria electa Dei Mater, & significata per septem illas mulieres, desponsabitur viro. Et diligenter notandum illud, quòd dicitur, *apprehendent*, quo verbo Apostolus vtitur ad exprimendam coniunctionem hypostaticam Dei, & naturæ humanæ, dicens Hebr. 2. 16. *Nusquam Angelos apprehendit, sed semen Abrahæ apprehendit*. Ergo Isaïas, vt indicaret verum & reale fuisse inter Mariam, & Iosephum coniugium, vsus fuit eodem verbo, dicens: *Apprehendent*

septem mulieres Virum vnum. Atque vt videatur alitudo, in quam Deus Iosephum euexit, legunt LXX. *Apprehendent septem mulieres hominem vnum*, scilicet ex omnibus hominibus, & omnium maximè vnicum, ad hoc vnicè, ac singulariter ductum, vt ei Mater Dei nuberet. Ex quo colligitur, virtutes, & merita, & gratias Iosephitis habuisse quædam vestigia immensitatis, vt qui dignus fuerit matrimonio copulari Regina, quæ vna innumeris Reginis qualibuscunque antecellit.

S. Isidorus in lib. Etymolog. ait coniugium derivari à iugo, & esse conuictum duorum, qui communem iugum ferant. Supposito autem, quòd Deus vno cum vni iugo constrinxit Mariam, & Iosephum, certum est omnium Sanctorum Sanctissimum, & eminentissimum delegisse, vt qui vnum cum Maria iugum ducturus esset, eam, quantum fieri posset, exquaret. Nisi enim talis illi socius datus esset, sola totum iugi onus Virgo portasset.

Ad confirmationem huius veritatis facit, quòd Deus Deuteronomij 22. 10. præcepit, ne vni aratro bos, asinusque iungerentur, dicens: *Non arabis in boue simul & asino*. Bonis altior est, humilior asini statura. Itaque bos solus totum pondus tolerasset, si coniugatus asino fuisset. Sic & iniuria Mariæ fuisset, nisi sponsus illi, cuius sublimis vitæ sanctitas, datus esset, qui partem matrimonialis oneris exciperet. Sed nulla illi facta est iniuria, quia Sponsus illi datus qui omnium hominum optimus esset.

Illud Ecclesiastici 24. 18. *Quasi Palma exaltata sum in Cades*, alij sic translulerunt: *Quasi Palma maritata sum in Cades*; tanquàm Virginis verba sint, quæ se velut palmam adstrictam matrimonio dicat. Cui verò? Alteri palmæ, nempe Iosepho, de quo Ecclesia in officio Sacrosanctæ Missæ ait: *Iustus & palma florebit in domo Domini*, vt despondeatur alteri palmæ, quæ est Maria. Alij Sancti, si cum hoc tam sublimi Patriarcha conferantur, sunt velut perpusillæ quædam arbusculæ, ideòque iugales manus dare tam magnæ Dominæ formidassent, quia coniugum debet ea esse paritas, vt idem pariter ferre iugum possint.

Pergunt illæ apud Isaïam: *Panem nostrum comedimus, & vestimentis nostris operiemur, tantummodo inuocetur nomen tuum super nos, aufer opprobrium nostrum*, quæ si tanquàm à Virgine ad Iosephum dicta accipimus, hunc habent sensum: Habeo meum ego mihi victum, vestitumque, neque mihi quidquam eorum, quæ ad illa spectant, deesse potest. Aliud proinde nihil volo, nisi vt coniunx tua Iosephitis

phitis appellari queam, *tantummodo inuocetur nomen tuum super nos*. Sat mihi fuerit, si tanquam uxorem maritus inumbraveris.

Dicit illa Domina, habere suum victum. De illa affirmat S. Germanus in orat. de oblatione Virginis: *Ambrosiam nutrimentum per Angelum accepit, & Andreas Cretenfis in com. de dormitione Virginis: Non autem communem cibum accepit*. Itaque si Ioseph eam nutricari noluisse, habuisset illa cibum, quem è cœlo Angeli adferebant. Vestem vnam habuit, qua cum in templo à Sancta Anna oblata fuit. Hæc cum crescente creuit, eaque ad mortem usque vsa fuit. Similis ergo hæc vestis erat tunicæ Christi, quæ cum etiam creuit. Idem privilegium concessum fuit ijs, qui annis quadraginta per desertum ambulauerunt, ut eorum vestitus cum humanis corporibus æqualiter aufereretur, nec diuturnitate tanti temporis inueterasceret, & consumeretur. Multò ergò magis nobis persuasum esse debet, id gratiæ præstitum etiam beatissimæ Dei Parenti. Ita dicit sapientissimus Idiota in lib. de laudibus Virginis Mariæ: *In Maria omnia priuilegia Sanctorum congesta sunt*. Et hoc est, quod ibi dicitur: *Panem nostrum comedemus, & Vestimentum nostrum operiemur, &c.*

§. II. Qui eandem telam pertexit.

Expandamus verba sequentia: *Tantummodo inuocetur nomen tuum super nos*, quæ eiusmodi sunt, ac si Virgo beatissima apertius diceret. Alium, quàm Iosephum, qui me ut sponsus inumbret, nolo: Huc facit illud ex Canticis: *Sicut malus inter ligna sylvarum, sic dilectus meus inter filios, sub Umbra illius, quem desideraueram, sedi*. Cant. 2. Sancti Bernardus, Apponius, Rupertus Abbas exponunt hunc locum de Maria Sponsa, & Sponso Iosepho. Premenda verò in illis verbis ista: *Sub Umbra illius, quem desideraueram, sedi*. Ad sensum scripturæ sedere in umbra, siue inumbri, idem est, quod marito copulari, siue desponsari. Sic notant Interpretes in illud Lucæ 1. *Spiritus sanctus superueniet in te, & Virtus Altissimi obumbrabit tibi*, quod perinde est, ac si dixisset: Sponsus erit tibi, & officium mariti exhibebit, atq; ex illo intra viscera tua concipies.

Cum his congruit verbum *nubo*, quod propriè significat, integro, aut inumbro. Itaque cum Sponsa ait: *Sub Umbra illius, quem desideraueram, sedi*, perinde id est, ac si Virgo Mater dixisset: Inueni in Iosepho Sponsum, qualem animus meus expetisse-

te sciuit, cum illo legitimi matrimonij nexu copulabor.

At si umbram Sponsa quærebat, apud alias arbores malo magis frondosas, & opacas inuenire eandem poterat. Cur ergò cum pomo potiùs, quàm arbore alia dilectum suum comparat? Respondet Philo Carpathius, cæteras arbores, quæ ex umbra sunt celebres, in quibus platanus, & populus, & aliæ tales, esse in frutiferas, pomus verò & umbram facit, & fructus. Ratio verò spiritualis, cur Sponsa Sponsum non cum sterilibus arboribus confert, ea est, quòd arbores feraces sunt symbolum iusti, de quo David ait: *Et erit tanquam lignum, quod plantatum est secus decursus aquarum*. Iam cum soleant ad margines fluminum nasci platani, salices, & populi, quarum grata est umbra, non loquor de talibus, inquit David, se de ligno, *quod fructum suum dabit in tempore suo*. Fructifera enim arbor esse debet, quæ inditium iusti.

Sed quandoquidem cum arbore fructuosa comparatur iustus, quare cum vna maximè pomo? Causam reddit Philo Carpathius hanc, quòd arbor ista fuerit hieroglyphicum amoris coniugalis, quorum symbolorum pleni sunt autorum profanorum libri, & vnus hic Canticorum liber habet plures versus, in quibus eandem significationem videre liceat.

Id verò in umbra, quæ S. Ioseph ut Sponsus Mariam inumbravit, plurimam laudem meretur, quòd eisdem effectus habuit, quos umbra, quam eidem Virgini Spiritus sanctus tanquam Sponsus fecit. De hac posteriore obumbratione, siue desponsatione (quod idem est) dicebat Angelus ad eam: *Spiritus Sanctus superueniet in te, & Virtus Altissimi obumbrabit tibi*.

Tres expositiones habent ea verba. Prima est, quòd illud, *obumbrabit*, ita debet accipi, ut significet idem, quòd Spiritus Sanctus in se suscipiet officium Sponsi, quia ille solà suâ virtute, nullâ viri accedente operâ, incarnationem verbi operatus fuit. Hunc modum inumbrandi imitatus fuit S. Ioseph, quāquam cum nonnulla differentia. Ambo fuerunt Sponsi Virginis absque detrimento, vel offensione Virginitatis illius. Spiritus S. formauit humanitatem Filij Dei intra secretum vteri Sponsæ suæ. S. Ioseph auxit illam humanitatem in publico, nutriendi puerum Deum.

Secunda expositio est S. Augustini ser. 50. dicentis, illud *Virtus altissimi obumbrabit tibi*, tale fuisse, quale si dixisset: *Ne timeas Maria asium libulæ, quia potentia Dei tanquam umbraculum te ab ardore*

libidinis defendis. Iussa ergo fuit non timere iacturam Virginitatis, eo quod Spiritus S. cum omni puritate formaturus esset in utero eius Filium Dei, inuibraturusque & integram seruaturus eius Virginitatem. Tantundem suam umbram fecit S. Ioseph, ac propterea S. Augustino, & Bernardo dicitur: *custos Virginitatis Mariae.*

Tertia est S. Bernardi, dicentis, quod Spiritus S. obumbravit Virgini, quia per illum factum est, quod mundanorum oculi nullum acceperunt ex ea offendiculum. Tantundem fecit & Ioseph. Hunc ergo accipio, quam ingens sit sanctitas Iosephi, quae suam umbram idem potuit tegere, quod Spiritus S. hoc est, magnitudinem Mariae.

De celebri illa muliere Debora dicit liber Iudicum c. 4. *Iudicabat populum in illis diebus. Et sedebat sub palma.* Tribunal ergo illius umbra palmarum erat. Tostatus de hac muliere ait, collocasse ibi suum tribunal, & quia vivebat ex illa palma voluisse ibi subsistere, ut omnes, quotquot illam consilij ergo requirerent, scirent ibi inuenire posse.

Hugo Cardinalis aliam reddit rationem, inquit, quod tunc adornabatur bellum aduersus Sisaram, consilium autem belli sub palma conueniebat, ut bono prognostico esset, quod palmam à suis hostibus esset reportaturi.

Si quis me interrogaret, quamobrem Virgo sederit sub umbra Iosephi, responderem id fecisse, primum, quia Ioseph illam sui laboris fructibus sustentaturus erat, deinde ut qui Mariam querere vellet, scirent prope Iosephum reperire semper eam posse. Volo dicere, mi frater, quod pietatem erga Mariam reperire queas in deuotione erga Iosephum. Sicut enim filius per Mariam indagandus, ita per Iosephum querenda mater.

Hinc colligitur, quod mulier debeat esse umbra viri, ut sicut umbra corpus, ita maritum vxor sequatur, quocumque pergat. Eam ob causam Angelus Iosepho, non Mariae loquebatur, cum aiebat: *Euge in Egyptum;* Matth. 2. 13. Sed quare vel non hoc dicit Mariae, ut eat cum marito suo? Non fuit necessarium hoc dicere. Palam enim erat, Mariam esse umbram Iosephi, cum esset illius sponsa, & sic eum secutura, quocumque praeriret. Perquam decens est, ut quemadmodum umbra corpus sequitur, ita maritum vxor comitetur.

Iam ut reuertamur ad locum Isaiae, quidquid de umbra diximus, tantundem est, quantum si diceretur: *Tantummodo inuocetur nomen tuum super nos, nec aliud à te, quam sponsi umbram volo.*

Denique illa apud Isaiam aiunt: *Aufer opprobrium nostrum,* velut mater Dei alijs verbis idipsum apertius ita dixisset: Si Ioseph fuerit Sponsus meus, ab ingenti me seruabit probro, ut ne ex vago concubitu concepisse putari queam, quod fieri potuisset, si me iniugem, simulque gravidam viderent. S. Ambr: in lib. de inlit. Virg. c. 6. ait: *Maluit enim aliquos de suo ore, quam de Matris pudore dubitare.* Maluit videri filius fabri lignarij, humillimoque tali patre ortus, quam suspectam fieri Matris suae integritatem si inoperta gestare vterum videretur. Addit ibidem Ambr. *Sciebat enim teneram esse Virginis Serecundiam, & lubricam famam pudoris.* Sciebat quam vitrea esset puellaris integritas, quam facile pudoris viror marcesceret, quam facile puritatis fama etiam falsa aliorum opinione contabesceret. Volens ergo Dominus pretiosam matrem ab omni mala suspitione procul abesse, fecit ut Ioseph acciperet eam coniugem, atque ita omne opprobrium amoliretur, quod incurrere potuisset, si coelebs fuisset, & pragnans. *Aufer opprobrium nostrum.*

S. III.

Tanta fuit sanctitas Iosephi, ut de primo occursum eam consideranti videri queat praedjudicare honorarium personarum Sanctissimae Trinitatis. Certe omnes illa velut certatim illum magnificauerunt.

Videtur non satis decuisse caelum, quod Ioseph tam Sanctus fuit. Nam merita illius tam & multa & sublimia, atque excellentia, si de primo aspectu ea arbitreris, videntur incommodare honorarium personarum diuinarum, & exultationi Virginis Dominæ nostrae officere.

Primum videtur non decuisse Patrem æternum, quod similem sui patrem in terris habuit fabrum lignarium. Nam illud patris nomen nulli vnquam, non Angelis, ac ne Spiritui S. quidem voluit permittere. In Concilio Toletano vndecimo decretum fuit, ut Spiritus sanctus non appellaretur Pater Christi, sed autor incarnationis, & cooperator illius mysterij. Idem affirmat S. Augustinus in suo Enchiridio c. 38. Quale ergo illud est, quod nomen patris fabri lignario conceditur? Quis non obstupecat, videns fabrum lignarium similem fieri æterno Patri. Quis non præ admiratione ad illum conuersus dicat: Vide, Domine, quod exultationi tuæ officere videtur, quod compatrem habeas hominem tam vulgarem, & abiectum. Si Christo Filio tuo, Domine

mino nostro diceretur, Pater tuus hoc, siue illud præcipit, de quo Patre id accipiendum, cum duos habeat Patres, vnum in cælis, in terris alterum? Vide proinde, Pater æterne, conuenienter fiat quod tanta sit sanctitas Iosephi, vt Filij tui Pater dici in terra mereatur.

Deinde videtur etiam Filio Dei non satis honorificum, quod Patrem habeat Iosephum. Nam cum in mundum venerit, vt illum redimeret, & tanti semper duxerit esse Filium Dei, melius quadrare videtur in negotium redemptionis, si magnificentie insignem apparatus & luculentam ostentationem fecisset, quam quod fabri lignarij filius videri voluit, quod tale fuit, vt hostes illius per contemptum dicerent: *Nonne hic est filius fabri, & Maria?* Vide ergo, Christe Sancte, vtum maiestati tue conueniat vocari filius Iosephi.

Ad hæc Spiritui Sancto nonnimis honorificum videtur, in tantam sanctitatis celsitudinem extulisse Iosephum, vt suæ Sponsæ Sponsus esse mereretur. Nam cum Spiritus Sanctus suam Sponsam amore prosequeretur infinito, cur ei secundum voluit addere Sponsum ritalem in amorem, qui generare zelotypiam possit? In Canticorum libro zelus comparatur cum sepulchro, quod omnia corrumpit, & consumit, dicens: *Fortis est & mors delictis, dura sicut infernus amulatio.* Cur ergo admittere voluit socium Sponsum, qui inflammare ad æmulationem queat? Et quis vnquam in mundo vidit duos Sponsæ vnus Sponsos? Id nimirum monstro bicipiti simile est. Viro vni vxores duas, tresuæ multæ nationes permittunt, mulieri vni maritos plures nulla concedit lex, aut patria. Videtur itaque id etiam Spiritum Sanctum minimè decere.

Demum etiam Virgine Dominâ nostrâ non satis dignum videtur, quæ tanti æstimauit suam virginitatem, & puritatem, & recessum studiosissimè cole-ret, & latere vnicè amaret, ne quid in publico de integritatis illius exstimatione deciperetur, suisq; vt Ambrosius ait, *non alienis moribus defendebatur.* Iam verò cum Sponsam accepit, per quem occultaretur mysterium Incarnationis, ex viro concepisse, adeoque per illum virginitatis detrimentum passa exstimationi caput. Ergo & illi parum conuenire videtur, quod Sponso est copulata.

Vultis videre quanta sit Iosephi sanctitas, qui talibus incommodis apud Sanctissimæ Trinitatis Personas effecit, vt ad ipsum ornandum excitarentur, dicerentque tum ipsæ, tum Regina cælorum, Beatissimi illius Patriarchæ virtutes: nihil officere

suo honori, adeoque velut certatim illum magnificare studerent.

Pater æternus ait, aptum esse Iosepho nomen Patris Filij sui, quod tamen Spiritui Sancto concessum non fuit, vt ex Concilio Toletano vndecimo, & Sancti Augustini enchiridio paulò antè diximus. Hoc ergo tam honorifico nomine donauit Iosephum, vt Pater Filij Dei vocaretur, eamque paternitatem voluit non in terra solum esse in admiratione, sed etiam in cælo suam habere exstimationem. Sic enim ait Paulus Ephes. 3. *Pater à quo omnis paternitas in cælo, & in terra nominatur.* Quis non miretur, quod in cælo præter æternam paternitatem sit alia, & coram illo Patre alter vocetur eiusdem Filij Pater? Hæc est ergo dignitas, quâ cohonestatur S. Ioseph, quod in cælo quoque eius splendicat paternitas, & coram Patre æterno Angeli eum tanquam Patrem Christi venerari debent, ac suspicere. *Pater, à quo omnis paternitas in cælo, & in terra nominatur.*

Atque vt intelligamus, quanto honore cumulare Iosephum Pater æternus voluit, notandum quod Spiritui Sancto, cum desponsata Maria fuit non alia dos, quam verecundia, ac virtutum illius data fuit. Sic enim ait Sanctus Ambrosius: *Dos Virginitatis verecundia.* Beatissimæ Virginis tanta fuit verecundia, vt turbata fuerit, & totum vultum rubore perfusa, quando Angelum sub suo tecto vidit. Beato Iosepho desponsata fuit cum eadem dote, sed hæc re aucta, quod etiam Deo grauida erat. Hoc enim est, quod monuit Euangelista, dicens: *Cum esset desponsata Mater Iesu Maria Ioseph.* In ea verba sic dissert S. Petrus Chrysologus serm. 46. *Suffecerat dixisse, cum desponsata esset Maria. Quid sibi Gule sponsa mater? Si mater, non sponsa, si sponsa, non adhuc mater.* Immo & Sponsam illam accepit, quia Virginem intactam, & Matrem Dei, vt non solum verecundia, & virtutum opulentissimis copijs dotatam, sed etiam toto Deo ditatam acciperet coniugem.

Nec qualecunque hoc beneficium est, quod Pater æternus S. Iosepho præstitit, quando illum coniugem fecit illius, quæ simul est purissima Virgo & Mater intacta esset. Hanc enim excellentiam sola ex omnibus mulieribus Regina cælorum habuit singularem, quando Iosepho vxor venit. Inter benedictiones, quas Iacob Patriarcha Filijs suis sub horam mortis reliquit, quædam talis fuit. Gen. 49. *Omnipotens benedicat tibi benedictionibus & herum, & vultu.* Glossa interlinearis arbitratur, quod Iacob habuit.

habuit oculos fixos in Mariam, cum ista precatus fuit, ut quæ his duabus rebus nempe Virginitate, & Maternitate ornanda esset. Verba Glossæ sic habent: *Vbera Maria benedicta potum lactis Domino ministrantia, Gulna Virginalis, quæ Dominum edidit nobis.* Harum duarum gemmarum præstantior, & pretiosior fuit virginitas, quod custodiendam tradiderunt Iosepho, cum Spiritui Sancto, maternitas seruanda relicta fuerit.

Filius Dei ait, benè habere, quod Ioseph tam sit sanctus neque suo honori derogare ipsius sanctitatem, & perlibenter vocari ipsius filium, non solum quod sit purissimæ matris suæ sponsus, verum etiam quia ea iure illi conueniat appellatio. Apud Iurisperitos quiddam tale quæritur. Moritur vir relinquens uxorem à trimestri gravidam. Nubit illa quamprimum alteri, & post sex menses enititur filium. Quis pater illius dicetur, mortuusne maritus, an coniux viuus? Nescio quid iura nostra de hac re decernant. Atheniensium statuta habebant, viui filium dici debere, ut refert Herodotus, idque quod uxoris, simulque omnium, quæ utero gestabat, possessionem acciperet, qui eam duceret. Ioseph ergo simul Mariæ possessionem accepit, & filii illius, quem iam conceperat, & viuum in suo utero habebat, & iure factus est pater adoptiuus Christi Domini nostri.

Filium hominis persæpè seipsum vocauit Christus. Nec matris tantum hominis filius fuit, sed etiam viri hominis filius dictus à matre, cum ad filium ait: *Ecce pater tuus, Ego dolentes quærebamus te*, Luc. 2. 48. Pater ergo Christi erat Ioseph, quamuis non naturalis. Quidquid filius, quo tempore est in potestate patris lucratur, id patri acquirit. Ita leges decernunt, *l. placet de acquirenda hereditate, §. igitur liberi & c.* Iam Christus voluit subiectus esse Iosepho, erat enim, ut Lucas ibid. ait, *subditus illis*. Itaque meritis suis primo loco, & ante omnes Mariam & Iosephum locupletauit.

Et quamuis Ioseph reapse, & effectu non fuerit Christi parens, fuit tamen affectu. Et velut rex, quando ducibus, ac magnatibus scribit, omnes cognatos suos vocat, non quod tales sint, sed ut ostendat quàm eos amet, & honorare cupiat, & quia gaudet, quod tali sint erga se animi affectu, qualis cognatorum erga se mutuo esse solet: Sic Ioseph non fuit effectu pater Christi sed affectu, quia tam vehementer illum diligebat, ut Christus propterea titulo patris eum donaret, quibuscunque modis id fieri posset.

Meruit etiam hanc appellationem, quia fuit beneficium curatum Mariæ. Habet quidam beneficium simplex, vult illo se abdicare, traditque alteri Ecclesiastico, qui illi seruiat. Id beneficium respectu primi est simplex, respectu secundi autem, qui suam operam ad illud vertit, est curatum, recipitque pro suis officiis partem fructuum. Virgo respectu Spiritus sancti fuit opulentum beneficium. Tradidit illa se Iosepho, ut sibi seruiret, & gauderet prouentibus, hoc est, fructu ventris illius, qui erat puer Deus, qui hoc titulo fuit vocatus filius Iosephi.

Spiritus sanctus ait, sibi honorificum esse, quod in tam sublime sanctitatis cacumen exaltatus est Ioseph, nec quidquam suæ exultationi, aut magnitudini officere. Itaque voluit etiam cum Iosepho partiri opus incarnationis, velut ille facit, qui domum ædificat in vrbe Veneta, quæ constructa est in aquis. Respublica illa namque ædificat id, quod est sub aquis, cuius autem quod supra eminet, in prædictis fundamentis excitat. Sic Spiritus sanctus cum Iosepho diuisit opus incarnationis. Quod in cunctis in occulto vteri virginalis facendum erat, hoc Spiritus sanctus operatus fuit, construens humanitatis fabricam, ut propterea Beatissima Virgo Arnoldo Carnotensi in lib. de laudib. Virg. dicta sit officina *Spiritus sancti*. Quàm primum autem natus fuit Deus infans, cepit sanctus Patriarcha suam operam ad illum adhibere in manifesto, & sacram eius humanitatem nutricari, ut paulatim exurgeret fabrica redemptionis, quem constituit Dominus suæ matris solatium, suæ carnis nutrimentum, solum denique in terris magni consilii coadiutorem fidelissimum, quod optimè, & appositissimè in rem præsentem dictum à Sancto Bernardo homil. 2. super missus est.

Ad furtum duo latrones pergunt. Ut illis suum malefactum cedat benè, dum alter res depeculatur alienas, alter illum tegit, ut furari secretius, securiusque valeat, & mox partiuntur furtum. Conueniunt Spiritus sanctus, & Ioseph, ut dæmoni adimerent notitiam mysterii incarnationis, ut ne si illud intelligeret, impedimentum afferret morti filii Dei, & redemptioni mundi. Hæc est doctrina sanctorum Ignatii martyris, & Basilii Magni & Hieronymi. Spiritus sanctus furtum fecit, hoc est, illam diabolo notitiam eripuit, ut illi acceptum ferre debeamus opus incarnationis: Beatus Ioseph autem ad eandem rem suo studio concurrit, tegens furtum, cum enim esset maritus Virginis, dæmon ex illo, & muliere per illum corrupta natus: Christum arbitra-

bitratur, & hoc fuit Spiritum sanctum in hoc opere iuuisse. Diuiderunt lucrum & Spiritus sanctus quidem sibi gloriam accepit, quam inde habuit, quod autor mysterii incarnationis fuit, Ioseph autem hoc datum fuit, ut sponsus Mariæ esset, & pater Christi adoptiuus.

S. IV. In eandem rem differit.

Postquam Spiritus sanctus Virginem suam omnipotentem virtute gravidam Dei filio fecit, videbatur etiam debuisse tanquam sponsus principalis carnem assumere, idque primum, ut Virgini prægnanti patronus, & comes in omnibus necessitatibus adesset, deinde etiam ut puerum Deum enutricaret. Cum autem hoc non fecit, sanctum Iosephum pro sua persona subrogauit, ut is omne illius officium in eo mysterio obiret, & exequeretur: Hac de re sic ait Rupertus Abbas: *Ad omnes calamitates, & ærumnas, quas ipse Spiritus sanctus ferre non poterat, pignoraui sanctissimum Iosephum.* Pignorare Ciceroni est alium pro se submittere. Vnde in IV. Philippica dicebat: *Mars in bello fortissimum virum pignorare solet, nimirum quando Mars ipse castris adesse non poterat, strenuum quempiam pro se exercitus ducem subrogabat, qui aciem instrueret, & in hostes moueret.* Cum ergo non conueniret, ut Spiritus sanctus incarnaretur, pro se Iosephum suffecit, ut ille Mariam inter omnes ærumnas consolaretur, & nutricaretur, quod alioquin Spiritus sanctus velut ex officio facturus erat. Itaque Ioseph fuit quidam velut incarnatus Spiritus sanctus, & quasi talem suspicere illum debemus.

Verba superiora Ciceronis in autographo correctio sic habent: Mars ipse ex acie fortissimum quemque pignorari solet, hoc est obsidem, sine pignori loco accipere. Mendosum igitur fuit exemplar, unde Auedanno ea exscripsit, qui si illa qualia serè sunt, integra reperisset, nunquam huc attulisset.

Hæc ergo faciebat Ioseph in publico, at in occulto non obliuiscatur Virginem Spiritus sanctus, cumque illa duos haberet sponso, hoc ei eueniebat, quod domicellæ, quæ duos habens procos ab viroque certatim & colitur, & laudè habetur. Spiritus sanctus, & Ioseph congregabant in Regnam ælorum bona, quæcunque poterant, & velut ex contentione illam honorabatur. Spiritus S. diligebat Mariam amore infinito. Ioseph è contrà cum videret tanto amore prosequi, & exæquare Spiritum S. non posset, hæc re seipsum consolabatur, quod Spiritum S. eo superaret, quod amore operoso erga Virginem

ferretur, qui faceret ut pro ea colenda, & sustentanda sudaret, ac defatigaretur, quod Spiritus sanctus fecere non poterat.

Et velut puella, quæ duos habet amatores, quorum alter diues, alter tenuis, sæpè depilat opulentior, ut habeat quod de pauperi: Ita beatissima Virgo Dei mater cum duos haberet amantissimos sui sponso, quidquid illi à Spiritu S. veniebat, eius participem faciebat Iosephum. Hoc est, quod sanctus Bonauentura vult, cum in suo speculo ait: *Quæ sunt exoris, sunt viri, ideo purissima Virgo totum thesaurum sui cordis, quantum Ioseph capere poterat, ei libentissime effundebat.*

Ut finem huic discursui imponam, dico etiam Virgini multum decoris, & ornamenti attulisse, quod Iosephum habuit sponsum, tantumque abest, ut existimatio eius quidquam detrimenti passa sit per hoc, quod illi nupta, ut etiam fortunatam se arbitrata fuerit, quod ex illo auctoritatem suo nomini conflare potuerit.

Sapiens Prouerb. 22. 2. ait: *Melius est nomen bonum, quam diuitia multa.* Ego dico, hoc nomen esse sponsi, vel sponsæ, Virginemque Deiparam maioris æstimasse hoc nomen bonum, quod sponsa, & coniux Iosephi appellari potuit, quam thesauros, quoscunque illos terra produxit. Virgo se honoratissimam putabat tali sponso, illiusque nomine, & sanctum Iosephum felicitabat, beabatque aspectus tum pueri, tum sponsæ matris.

Cum Iacob magni Patriarchæ nostri magnitudinem in altero illo Iosephite filio suo, qui huius figura fuit, vaticinaretur, dicebat Gen. 49. 22. *Filius accrescens Ioseph, filius accrescens.* Santes Pagninus legit: *Ramus Ioseph iuxta fontem.* Alia versio habet: *Iuxta oculos.* Omnia Iosephi nostri incrementa ex eo nata fuerunt (de potioribus, & præcipuis loquor) quod semper Mariam præsentem habuit, quod semper ob illos elegantissimos oculos versatus fuit, quorum tanta erat suauitas, & beneuolentia tam singularis, ut omnes illius labores leuarent & mitigarent.

Sacra Scriptura memorat, quod post ærumnarum tempestatem, quæ sanctus Iob tam misere iactatus fuit, Deus illi tres filias dedit, sed omnium, quas mundus habebat, venustissimas. *Non sunt inuenta speciosa mulieres in vniuersa terra, sicut filia Iob.* Iob 42. 15. Catena Græca dicit, tam liberali fuisse specie, & earum aspectu omnis superioris ærumna memoria funditus interiret. Quomodo ergo potuit qualemque in quantocunque labore sentire labo-

rem

rem Ioseph, quem non leuissimè, lætantiissimèque ferret, cum beatissimæ Virginis sponsæ incomparabilem pulchritudinem oculis haberet. semper expositam?

Procopius Gazæus in Genesin de elegancia Saræ loquens inquit: *Sara habebat potentissimum pulchrum*, hoc est, tam eximia erat facie, ut videntes exhilararet, sed illa formæ venustas, tanquam radius fuisset, aut mortale venenum, insinuat se per oculos aspicientium, tantæque vi penetrabat in corda quantumuis firma, & obturata, ut eâ suæ potestati subigeret. Hoc est, quod dicitur habuisse, *Sara potentissimum pulchrum*. Non erat talis pulchritudo Reginæ calorum, ea namque consolabatur aspicientes, & sic persuadebat oculos, ut animos redderet castos illorum, à quibus videbatur. *Filius ergo accrescens erat Ioseph iuxta oculos*, & quod in oculis habebat Mariæ, attentusq; era illius spectator, id non imminuebat, sed augebat eius virginitatem. Sic aiebat sanctus Hieronymus scribens contra Heluidium, qui Mariam fuisse semper virginem negabat, dicens: *Tu dicis Mariam virginem non permanissse, ego plus dico, etiam ipsum Iosephum virginem fuisse per Mariam*.

Fit ut quis in vniuersitate aliqua inferiore inauguratus Doctor veniat Salmanicam, ibique per occasionem cogatur in illa celeberrima mundi vniuersitate lauream eandem iteratò accipere, & ritulum titulo reperito cumulare. Ita Ioseph a Spiritu sancto semel Virgo renuntiatus, quando in vtero suæ matris sanctificatus, ut affirmat Gerson in sua Iosephina, post hunc gradum virginitatis recepit alium nouum ex conspectu, & familiari consuetudine Mariæ suæ sponsæ. Et hoc sibi vult illud Hieronymi: *Ego dico, Iosephum virginem fuisse per Mariam*.

Et Amphiloichius Episcopus Iconiæ in hom. de Purificat. loquens de hoc Mariæ, & Iosephi con nubio sic ait: *Est coniugium ipsum tanquam planta quadam pulcherrima, ex qua virginitas ipsa nascitur*. Augebat in dies flos virginitatis in Iosepho, castiorque ex eo fiebat, quod maritus esset Mariæ.

Tertullianus in lib. de velandis virginibus c. 10. ait, hoc differre virginitatem à castitate, quod virginitatem gratia sustentet, castitatem verò gratia simul, & virtutes tueantur: *Virginitas gratia constat, continentia verò virtute*. Videbatur illi, plura necessaria esse, ut quis castus sit, quàm ut sit Virgo. Ita exponit hunc locum doctissimus Tertulliani interpres Cerda. Nam ut Virgo nunquam degustauit Carnis voluptates, ita leuius eius titillatur cupidita-

te: At verò castus, qui blandæ Veneris aliquandò expertus est delicias, acrius illius torquetur recodatione, grauioreque patitur insultus, adeò indiget tum gratiæ præsidio, tum virtutum adminiculo, ut perseueranter repugnet, timeatque perdere castitatem, quàm semel labefactari. Virginitas aliâ quàm gratiæ opitulatione nullâ eget, nec enim tam vehementer irritatur perlecebris voluptatum, quorum nullum habuit gustum, vel experimentum.

O quàm secunda incedebar virginitas Iosephi, quamdiu vehebatur curru gratiarum tantarum charæ suæ sponsæ? Nihil illi officiebat, quod illam fixis etiam oculis spectabat, immò omnis illius intuitus virginitatem virginitate cumulat. Et hoc est illud, quod dictum. *Filius accrescens Ioseph, filius accrescens iuxta oculos*.

Admodum certum est, quod egregia forma, & eximia gratia Mariæ habebat in occulto, quod non videbatur, radicem aliquam plantatam Spiritus S. in purissima ipsius conceptione, ex qua pulchritudo illa tanta nascebatur.

Tertullianus in lib. de cultu foeminarum c. 2. venustatem his verbis describit: *Accusandum decor non est, si felicitas corporis, et diuina plastica accessio, et anima aliqua vestis urbana*. Vocat corporis felicitatem, quia multa corpora venierunt sæpè multò pluri, quàm valebant, propter decentiam suæ formæ. Deinde nominat *diuinam plasticam*, hoc est, facturæ, siue operis *accessionem*, quasi dicas adiectionem, incrementum, & nostra vernacula, et in *Sancti*. Plasticæ nominæ pro opere sæpè vitur Tertulliani diligens lector S. Cyprianus, qui in lib. de habitu Virginum ait, quod *opus Dei, et factura, et plastica adulterari nullo modo debeat*. Denique appellat *urbanam animam vestem*, hoc est, ciuilem, quæ argumento sit, nobilem esse animam, cui tam spectabilis à Deo datus amictus.

Secundùm hæc, cum tanta esset formæ præstantia, quâ naturæ auctor insigniuerat Mariam, pretiosam animam illius velut intento digito demonstrabat. Et pulchritudo, quæ tam sanctam habebat originem, incommodi aliquid Iosepho adferre non poterat. Ut fortunatissimum se ille tali vxore & illa felicissimam tali marito arbitraretur, quæ & Deo dicebat, nihil detrimenti, sed bona plurima ex illius contubernio, & coniugio sibi accidere.

✠(*)✠

S. V.

Nallas habet mundus ærumnas, quæ comparari possunt cum his, quas patiuntur coniugati, & calamitates, quas subierunt Ioseph, & Maria, penale martyrium illis fuerunt.

Antequam conuenirent, inuenta est in vtero habens de Spiritu sancto.

Dionysius Carthusianus ait, quod Ioseph statim à celebratis sponsalibus, traduxit Mariam in domum suam: *Ioseph desponsatâ sibi Virgine accepit eam in domum suam*, inquit ille in c. 1. Matthæi. In hac domo ergo salutauit eam Archangelus Gabriel, in hac domo confectum est mysterium incarnationis, sed Ioseph totius rei ignaro. Post conceptum Dei filium petiit mox Virgo mater veniam inuisendi S. Elizabetham, quam intellexerat esse prægnantem. Trium mensium licentiam illi concessit Ioseph, post quos reuersa cum tumentem vterum præferret, attonitus ille inopinatæ rei nouitate interrogauit num prægnans esset. Non poterat veritatem inficiari Regina cælorum. Dixit ergo grauidam esse fidem tamen, quam illi dedisset, minimè offendisse. Accepit excusationem, & credidit nullâ ab ea offensam accepisse. *Dubium enim non est*, inquit Carthusianus, *quin interior gratia, castitasq; Maria mirabiliter, ac potenter refulsit non solum in eius vultu, sed & in toto corporis gestu, & apparatu, in tantum, quod qui eius conuersationem diligenter aduertit, fornicationem, & crimen aliquod de ipsa suspicari non potuit.* Ex donorum, & gratiarum, quibus anima illius affluebat, copiâ tantus lucis splendor in vultum eius redundabat, ut qui eam videbat, sinistra qualiscunq; leuitatis suspitione habere non posset. Itaq; & fidè ei habebat Ioseph, *magisq; credebatur castitati eius, quam ventri eius, magis gratia, quam natura*, inquit rursus Carthusianus.

In hac ergo perplexitate suspendit iudicium. Sed cum videret grauidam, & nesciret mysterium, humiliter, multa; cum urbanitate rogauit Virginem, ut ad paternam domum rediret, nec voluit subterfugium suum admittere. Quam in rem sic pergit Carthusianus: *Cumq; reuersa fuisset ab Elizabeth, cernens eam Ioseph grauidam, noluit eam recipere in domo sua.* Hinc cæperunt anxietates, & ærumnæ horum sanctissimorum coniugum, & alter ex altero torqueri, sic ut ferre mutuo remedium non possent, atrocioresque martyrio vexari, quam ulli ynquam

Tom. IV.

Nerones, aut Diocletiani excogitârunt. Afflictabatur Maria videns coniugis sui mœstitudinem, & quodd illi enudare secretum non posset. Legebat Ioseph videns inopinatam nouitatem, & quod propter eam necessum esset diuortium facere ab illa, quam oculitùs amabat. Si hoc matrimonium tam sanctum talibus fuit perspersum enaritudinibus, non debemus mirari miseras, quibus vexantur coniuges alij. Ego has nuptorum calamitates existimo esse omnium, quas mundus habet, maximas.

Ostendamus hoc primorum exemplo coniugum, Adæ, & Eux. Inter maledictiones, quibus Deus perculit Euam pro supplicio, quod ad peccandum Adamum induxit, hæc vna fuit: *Sub viri potestate eris*, semperque subiecta marito. Et quanquam hæc non videatur maledictio, quia vxor semper debet esse subdita viro, immanis tamen maledictio fuit. Nam quod nostra vulgata habet: *Sub viri potestate eris*, id LXX. transtulerunt: *Ad virum tuum conuersio tua*; quod perinde est, ac si dixisset: *Faciam ut fixis semper oculis maritum tuum aspicias.* At neq; hæc speciem habet aliquam maledictionis. Nam cum tam efficitur mutuo amarent, ut S. Augustinus affirmet, quod Adam de cibo vitæ comedit certus sui inde secuturi exitij, id fecisse, *ne conuersaret delectas suas*, & maluisse totius generis humani interitū videre, quam mœrendi causam præbere mulieri, quæ illi omnis voluptatis instar erat: Si ita, inquam, illam demoriebatur, ut potius dixerit quoduis damnum subire, quam illi luctus occasionem qualemcunq; ministrare, quomodo facere Eva potuit, quin audissimè illum videre cuperet, à quo tam emedulitùs diligebarur? Quid ergo maledictionis sit, quod illi pro culpa dictum: *Ad virum tuum conuersio tua?*

Dicam. Cogita qualis Adam post peccatum relictus fuerit, ad tam varias damnatus miseras, quando terra maledicta, ut tribulos, & spinas illi germinaret, quando iussus in sudore vultus sui vesci pane suo, idque per omnem vitam, donec reuertetur in terram, de qua sumptus erat, quando vestitus exuijs animalium eiectus paradiso, & in mundum exturbatus, in perpetuo exilio, & labore tanquam victus, & ad ferri fodinam, aut marmora secanda damnatus fuit, quando pellitus (sic Tertullianus lib. de Pallio c. 3.) *orbs et met allo traditur.* Cogita nunc qualibus oculis Eva viderit suum Adam pridie tam felicem, postridie tam ærumnosum, pridie orbis dominum, postridie peccati mancipium, pridie in paradiso beatum, postridie in mundi erga-

D d

stulo

Aulo tam magnis, & multis modis miserum, pridie tot deliciarum voluptatibus affluentem, postredie tot calamitatum ponderibus prægrauatum. Et cum hæc, pleraque talia animo reuolueris, tunc simul tecum reputa, annon acerbissima fuit illa Eux inflicita maledictio: *Ad Virum tuum erit conuersio tua*; in quo nimirum videre nihil poterat, nisi quod illam tam cruciabiliter exulceraret, quam vehementer maritum suum deperibat?

At si acerba fuit illa Eux poena, nihilo mitius fuit Adæ supplicium. Tertullianus namque dicit, Euxam illi datam *in complementum gaudij*, & *in complementum dominij*, & ad cumulum lætitiæ, quando se ob oculos mulieris, quam ardentissime amabat imperare cernebat. Quoties ille considerabat, quod illa mulier dæmoni pro versatili ponte fuerit, ut penetrare in paradysum posset, & quod per illam Dei gratia exciderit, iustitiæque originali nudatus fuerit, non potuit non pro inferno ei illius aspectus esse. Itaque inuicem torquebant, quoties mutuo inuehebatur, & nec Eux tam ærumnosum videre Adam poterat, nec Adam Euxam aspicere, quæ illi omnium calamitatum parens fuerat, quin acerbissime lugeret. Sed hoc in istis coniugibus nihil mirum, poena quippe peccati erat. Illud tamen stuporem adferre cuius cordato, & prudenti potest, quod Maria, & Ioseph, qui procul ab omni etiam veniali peccato aberant, atrocissimæ afflictionis, & intolerabilis martyrij occasionem mutuo præbuerint. Hoc dignum est miseratione, & compassione.

Solet Deus præmij, & magnæ felicitatis loco concedere viris, ut videant vxores suas grauidas, iuxta illud Psalmi 127. *Vxor tua sicut vitis abundans in lateribus domus tuae*. Quod alijs pro munere datur, id Iosepho immanem poenam, & intolerabilem cruciatum attulit. S. Fulgentius exponit ea verba de Matre Dei. Et Guernicus Abbas ser. 1. in Nat. de eadem illud Ecclesiastici 24. *Ego quasi vitis fructificavi suauitatem odoris*; dicens: *Maria genuit Saluatorem, sicut vitis odorem*. Cum autem beato Iosepho singularem lætitiæ voluptatem conciliare deberet, quod vitam suam domesticam fructu grauidam alere terræ promissionis diu optatum racemum videbat, id illi cruciatum doloremque grauissimum consciebat, & viscera illius tota depascebatur.

✽(✽)✽

Idem argumentum persequitur, & de Zelotypia Sancti Iosephi disserit.

UT hunc discursum pertexamus, non debemus zelotypiam Sancti Iosephi præterire. Andreas Cretensis in serm. de Natiuit. Virginis, cum varijs eam encomijs ornet, tum hac mysticâ verborum formâ dilaudat, & appellat: *Salue fermentum sanctum, ac Deo gratum, ex quo totius generis humani massa fermentatur*. Proprietatum fermenti vna quædam est, quod massam quæ subigitur, reddit acidam, facitque ut alium saporem accipiat, & augeat, & intumescat, & ocellata fiat. Maria ergo fermentum dicitur, quia massam Adæ, hoc est, naturam humanam ad suauitatem deliciarum, & vanam gloriam propendentem amarore, & acore aspergit, & perficit, conquirisque illi dolorem, & contritionem, multosque generat oculos, quibus culpas suas deplorat. Hoc ergo est, quod ille dicit: *Salue fermentum, ex quo totius generis humani massa fermentatur*.

Fuit Maria fermentum Iosepho, ocellatumque illum, & alterum Argum quendam fecit, non ut peccata sua lugeret, quia nulla habebat, sed ut Zelotypiam deploraret. Iustus erat, hoc enim nomine eum Evangelista donat, cumque deberet arripere pugionem (quod alij matris faciunt) ad vindicandam inopinatam suæ vxoris prægnationem, arripuit sibi poenam, & coniugis suæ fermento subactus in lachrymas amarissimas à Zelotypia natus totus soluebatur.

Zelotypia inter nobiles coniuges instar barbarorum satellitum est. Et quid dico Zelotypia? Sola suspicio eos vehementer perturbat, & consumit. Cum sapientior vxorum Sifara tardius eum reuertentem e prælio reuerti cernebat, aiebat socii suæ de eadem cunctatione sollicitæ: *Perstas nunc diuidi spolia, & pulcherrima mulierum eligitur ei*; Iud. 5. 30. Aegritudo animi erat ex eo nata mulieri, quod cum alia esse suspicaretur maritum, quem cum famina nulla velle habere communem. At si ille metus tam procul inde proueniens tam acriter illam torquebat mulierem, quid fecerit verus tumens, quem coram videbat Ioseph, Virginis tam charæ, tam dilectæ?

Tam sunt immanes cruciatus, quos mulier timido adfert marito, ut Scriptura vocet miracula. Quando Sanctus Iob vidit se tam attenuatum, & exhaustum molestijs, quas illi vxor adferebat, dicebat.

bat De
dixisset
afflictus
culum
cursum
quod ig
aduerer
officiu
serum
inflam
præter
calamit
venire
cat, dic
miseria
seri in
Quo
geat pr
regat,
ueniat
impell
lis Iose
bio est
omnib
lucissim
O
in ora
pertur
rentium
vxor e
bulent
bus pr
confue
suauita
quillit
Sed qu
quæ
naufra
sibi pr
ingred
omnia
scen
vnde
iam lib
tunt,
Pol
funct
appar
Sed cu
Quia

bat Deo: *Mirabiliter me crucias*; ac si verbis alijs dixisset: Tam malis, & intolerabilibus modis me afflicta vxor mea, vt in miraculis numerem. Miraculum est, cum aliquid præter ordinem consuetum, cursumque naturæ solennem accidit, quale fuit, quod ignis Babylonicus, cum deberet ex vi natua adurere, refrigerabat tres illos pueros. Iam cum officium vxoris Iob esset consolari virum inter suas ærumnas, illa verò hoc prætermitteret, immò verò inflammare illum aduersus Deum magis studeret, præter debitum morem operabatur, adeoque Iob calamitates ab illa irrogatas, à qua consolationes venire debuerant, miraculosas, & portentosas vocat, dicens: *Mirabiliter me crucias*, talesque sunt miseriæ, quibus me vxor mea exagitat, vt recenseri in miraculis debeant.

Quoties sit, vt vir quærat vxorem, quæ illum augeat prole, quæ rem curet familiarem, quæ domum regat, & parte sollicitudinis, ac laborum leuet, inueniatque aliquam, quæ magis in ruinam illum impellat? Quis credidisset, quod talis maritus, qualis Ioseph erat, reperturus ærumnas in suo connubio esset, cum vxorem haberet Mariam, mulierem omnibus virtutum, & perfectionum numeris absolutissimam?

O quam benè dixit S. Gregorius Nazianzenus in orat. ad Olymp. *Marito marente commodissimus portus est vxor*! Quod portus est naui ventorum furientium libidine grauius iactatæ, hoc debet esse vxor coniugi extumultuatorum negotiorum turbulentis fluctibus, & causarum forensium feruentibus procellis domum redeuntis, sic vt blandâ suâ consuetudine, & morum facilitate, & verborum suauitate, & officiorum sedulitate iucundam tranquillitatem dispulsâ omni tempestate ei adferat. Sed quot maritos videmus, qui sæuiorem in portu, quàm in alto mari experiuntur tempestatem, & ibi naufragantur, vbi quietem, securitatemque maiorem sibi promittebant? Quot sunt, qui dicant, quoties ingredior ædes meas, nil nisi tumultuatio est, & omnia vocibus personant, & motibus vniuersa miscentur, & fluctus in cælum vsq; exurgunt, & furunt vndæ quantum maximè possunt, iamque Zelotypiâ, iam liberioris vitæ licentiâ omnem domum concutiunt, atque perturbant?

Postquam Abraham sepulchrum coëmit, cui defunctam vxorem suam inferret, *nunquam ei amplius apparuisse Dominus legitur*, inquit Rupertus Abbas. Sed cur antè hæc tempora potius, quàm postea? Quia res est tam grauis, ac molesta vxor, vt crebrâ

visitatione Dei refocillari, & subleuari opus habeat; qui eâ sit prægrauatus vt perferre queat, quam sit sanctus.

Et velut sunt portus quidam tempestuosi, in quibus pereunt naues, vel malè custoditi, & confracti, in quibus alliduntur, & confringuntur? Ita cum marito marenti commodissimus portus debeat esse vxor, aliquæ sunt portus tam nudi, & aperti, & turbulentis, vt in ijs mariti omnis & quietis, & famæ iacturam patiantur.

Soleo comparare quasdam vxores cum gladijs inauratis, qui in vaginis pretiosis reconditi magno artificio ita sunt fabrefacti, vt exempti secretas quasdam exerant acies tam acutas, vt nulla sit tam valida lorica, per quam non penetrare queant. Videre licet mulieres, quas si de vultus elegantia, & reliqui corporis concinnitate arbitreris, Angelos dicas, at si intus aspicere possis, inuenias tam aspero, tetricoque esse ingenio, tam intrastabili morum conditione, vt & ipsi dæmonio videantur intolerabiles.

Iam si coniugatorum turbatio de Zelotypia nascitur, ijque vehementer amant, & sunt nobiles, tormentum tormentorum est, quo vexantur. Quod nostra vulgata Gen. 2. habet: *Faciamus ei adiutorium simile sibi*; Santes Pagninus vertit: *Faciamus ei adiutorium, quod sit coram eo*; velut alijs verbis dictum fuisset: Demus vxorem Adamo, & quoniam nobiles sunt, ardentemque mutuo amabunt, habeat semper præsentem, quam habiturus coniugem, *sit coram eo*, ne quam illi Zelotypiæ occasionem absens ministraret, quia mortem illi adferet, si id faxit.

Maximum malum imprecari sibi Iob voluit, vt fidem inueniret, quod coniugem nunquam expetisset alienam, & sic ferè ait: Si vnquam mihi in mentem venit, eam, quæ alteri nupta esset, concupiscere, *vxor mea sit sortum alterius*, Iob 31. talemque mihi Zelotypiæ causam de se præbeat, *quod est maximum malum* omnium, quæ mihi optare possim. Et Deus, vt ostenderet, quantum succenseret Dauidi, quod sibi Bethsabeam vsurpasset, maritoque eius mortem adferri iussisset, decreuit illum plectere Zelotypiâ, vt pœna culpæ responderet, dicens: *Eo quod tuleris vxorem Vriæ, tollam vxores tuas in oculis tuis, & dabo proximo tuo*; 2. Reg. 12. velut dixisset: Zelotypiâ te multabo. Erat hoc acre per id tempus supplicium, quia multum veneni habebat Zelotypia, & occidebat. Verum hodie Zelotypia similis est cotoneorum, quæ apud Persas sunt venenum, transplantata verò in Hispanios odorata sunt, &

nutriunt. Quo tempore Adam vixit, & Iob, & Dauid, lethalis erat Zelotypiæ morbus, verum translata in has nostras oras nihil toxici hoc tempore habent.

Nam sunt mariti, neque pauci, qui sunt quales hortorum putei, in quibus plures absq; strepitu, & mutua collisione concurrunt antix & non strepunt, nec motus vlllos excitant, tamen amiculo vxoris occurrant, immò ad communem mensam admittunt, & suprà arcam dormiunt, & sunt deniq; velut mala cotonea.

Nec minor cruciatus est, quem vxoribus suis mariti complures inferunt, qui cum vagam cum publico offendiculo confitentur venerem, & in turpes mulierum aliarum consuetudines palam se ingurgitent, coniugum suarum pectoribus pro qualibet leui suspiciuncula pugiones intentant. Hos perstringit Seneca epist. 9. dicens: *Improbis est, qui ab vxore pudicitiam exigit, ipse alienarum corruptor vxorum.* Et lib. 6. c. 26. *Iniquum est id, & extorcas, quod prestare ipse non possis.*

Scitis illa apud Ezechielem c. 1. animalia, quæ vultus quatuor habebant, hominis, leonis, bouis, aquilæ. Cum eadem animalis idem Propheta c. 10. enumeraret, boui Cherub subrogat. Quid mysterij? Quomodo qui paulò antè vultum præferebat bouis, posthæc faciem Cherub induit? Res est, quòd bos commune cum leone iugum ducebat. Eorum animalium sunt admodum contrariæ conditiones, Leo namque est rapidus, iracundus, incitatus, sauius, bos verò tardus, & mansuetus. Quis hæc tam diuersa indole coniugauit animalia? Deus. Bos autem coniugè tam imparem patienter tulit. Quomodo hanc Deus tolerantiam remunerauit? Dicam. Transformatione bouis in Cherubin.

Multoties Deus uni iugo adstringit virum ingenio leonino, & mulierem miti atque cicure indole, quæ bouis instar domus iugum, & omnem illius administrationem portat, & prudenter omnia facit, fertque æquanimiter, quia cogitat Deum ita ordinasse. At quò præmio eam donat, qui tali iugo alligauit? Auxiliaries gratiæ copias illi submittit, ut eum ex hac vita demigrat, Cherubin magis videatur, quam mulier. Ferant ergò patienter vxores, quæcunque iugum ducunt cum viris asperis, tetricis, subausteris, prolixa enim, & diues eas expectat remuneratio. Hoc autem crebrò secum reputent, cum in matrimonio Mariæ, & Ioseph fuerint ærumnæ, suum absque miserijs esse non posse coniugium, Deumq; velle, ut per eam viam ad cælum tendant.

Quemadmodum autem si quis dormiens somniaret, violatam sibi ab vxore tori fidem, non esset necessum aduocare illius cognatos, ut ab iniuriæ vindicta, & cæde coniugis maritum prohiberent, quia euigilans ipse videret, nihil perfidiosè contrà se actum à coniuge sua. Ita somnium fuit iniuria, quam Ioseph vterus tumens indicabat, à quo cum per Angelum sibi redditus fuisset, vxoris suæ sanctam innocentiam, illabatamque integritatem cognouit, de quo prolixè agemus discursu proximo.

S. VII.

Sanctus Ioseph docet, quàm cautè prospicere debemus honori proximi, eaq; in re Deo, quàm hominibus similior fuit.

Cum grauidam videret vxorem suam Beatissimus Ioseph, noluit traducere eam, id est, noluit in damnum suum ducere, ut exponit Hugo Cardinalis. Mos obtinuerat, ut si maritus adulteratam fuisset vxorem suspicaretur, ad iudices rem deferret, à quibus illa in templum adducebatur, ibique tunc periculum fiebat transgressionis, & sacrificio Zelotypiæ veritas detegebatur, de quo Num. 5. S. Ioseph suspendebat iudicium, nec mali quidquam de coniuge sua apud se statuebat, cumque ex altera parte videret prægnantem, voluit occultè eam à se dimittere.

Hugo Cardinalis monet in vna hac causa tres considerare virtutes, quæ in sancto Ioseph vehementer luceant. Ex sunt, *iustitia, pietas, & prudentia.* Iustitia notatur in hoc, quòd solebat innocentem seruare ab infamia. Quamquam lex iuberet prodere eam, quæ aliunde quàm à marito suo grauida vterum ferret, ille in partem meliorem omnia interpretatus, hoc maluit cogitare, cadere tale peccatum in coniugem suam, non posse, itaque noluit eam traducere, sed magis ab omni probro seruare. Et pietatem suam eo probatam dedit, quòd noluit eam oblatione Zelotypiæ, & aquæ amarissimæ hauustu probandam coram conferta hominum multitudine offerre, quòd id citra grauem offensionem virginæ verecundia illius fieri non potuisset. Prudentiam demonstrauit, quia *voluit oculis dimittere eam.*

Nescio cui sanctum istum in ea occasione positum comparem, nisi optimo Deo, & Domino nostro, qui eò plurimum propendet, ut nullius errata euulget, sed omnes honoret. Turpe certè est videre, quàm leuiter hodie defectus proximorum in publicum

blicum efferuntur, & in medium forum producuntur.

Velim notetis quòd in libro testamentorum duodecim Patriarcharum filiorum Iacob dicitur, cuius meminerunt Tomus V. Biblioth. Vet. PP. Origenes, & Sixtus Senensis: Gad in suo testamento dicit, se, & Iudam fuisse illos, qui fratrem suum Ioseph tradiderint Madianitis, & vendiderint triginta argenteis, ex his autem decem inter se retinuisse, solosque viginti manifestasse suis fratribus, de quo textus sacer Gen. 27. 28. *Vendiderunt eum Ismaelitis triginta argenteis*: Quòd si ita est, cum Deus sciuerit furtum, cur furtum non aperit amborum, cum venditionem refert, sed solum viginti argenteis vendidisse narrat? Vultis scire causam? Secretum peccatum erat, idèd noluit illud Deus enudare, sed id solum, quod publicè constabat, referri volens; Moysen, qui Genesios scriptor erat, inspiravit, ut sic memoraret, docens nos eà re, quàm sollicitè honori proximorum attendere debeamus.

Adiungamus his ex Abulehs, qui in c. 37. Genesis quærit, quid causæ sit, quòd Iacob, cum esset Propheta, non intellexit, quòd à fratribus venditus esset Ioseph. Responder Hebræorum commentum esse, fratres illòs, quando vendiderunt Ioseph, maledictionem Dei mutuo imprecatos fuisse illi, quisquis eam detegeret venditionem, ac propterea Deum, ne hi suum honorem perderent, ex hoc quod ad hanc rem singulariter pertinet, subtraxisse Iacobi spiritum prophetiæ. Tancam curam habet Deus exultationis nostræ.

Quando filius prodigus rediit ad sui patris domum turpiter vestitus, & malè tectus, statim pater sueclamavit: *Citò proferte stolam primam*; Lucæ 15. 22. Notate illud, *citò*, quod dicebat, nolens filium vel aliquantisper sic aditare, ne suam erubesceret nuditatem. Hanc in rem S. Petrus Chrysologus serm. 3. sic ait: *Vi soli patri nota esset nuditas filii, ante soluit vestire, quàm à servis videri*: Quòd tam propter nouam adferri vestem voluit, id fecit, ut defectus obnuberet filii, ne de sua existimatione caderet apud seruos, & haberent abiectum, si fortè vidissent nudum. O bone Deus, quàm amas inumbrare defectus alienos!

De anima illa perditâ, cuius memini. Ezechiel c. 16. ait Dominus: *Vidi te concubari in sanguine tuo*: Et quid hinc factum? *Expandi amictum meum super te*, texti nzuos tuos pallio meo, ne in oculis incurrerent prætereuntium.

Hanc consuetudinem obseruârunt etiam s. filii

familias Dei. Cœlorum reginæ Archangelus Gabriel dicebat: *Ecce concipies in utero, & paries filium*, Lucæ 1. Innocentius III. Pontifex Maximus in serm. de natiuit. S. Ioannis Baptistæ subnotauit, quòd idem cœlorum legatus dixit Zachariæ: *Vxor tua Elizabeth pariet tibi filium*; ibid. Cur non similiter dixit de Elizabetha, *concepies, & pariet*, sed solum ait, *pariet*, & tacet illud, *concepies*? Respondet Innocentius Papa, conceptum æquè ac partum Mariæ absque omni peccato fuisse, idèd dixisse, *concepies & paries*: At quia Elizabeth Ioannem in originali peccato conceptura erat quod est probum à Protoparentibus hæreditariò ad nos transmissum, quid fecit Archangelus? Præterit silentio illud, *concepies*, quia parum honorificum erat cum noxa concipere, & solum dixit, *pariet*, cum Dei matri, quæ sine omni culpa conceptura erat, diceret, *Concepies, & paries*.

Et ut semel peruideamus, quàm cupidè Dominus noster nostra studeat occultare errata, quærit idem Pontifex, quamobrem Christus corporis, & sanguinis sui sacramentum ministravit Iudæ, quem cum tam immani peccato accumbere mente sciebat. Respondet, maluisse suo corpori tam insignitâ adferri iniuriam, (talis est illius cum mortifero peccato susceptio) quàm subpudescere Iudam coram toto illò Apostolico collegio: *Vi suo doceret exemplo, quòd Sacerdos non debet illi communionem negare, cuius crimen est sibi sit nutum, non Ecclesia manifestum, ne fortè non sit corrector, sed proditor*.

Et quando Iudas ipse suâ incuriâ scelus suum paulatim deoperiebat, obligabatque Saluatorem, ut diceret, vnum eorum, qui cum ipso in cœnaculo erant, esse diabolum, inquit S. Ioannes: *Turbatus est spiritu & protestatus est*; Ioan. 13. Sed quid animam illam turbare, & commouere spiritum poterat, qui visione Dei occupatus continuò erat? Ipse ille Dominus dicebat Apostolis suis: *Non turbetur cor vestrum*, cor enim turbatum expedire, & perfectè operari non potest. Cur ergò Dominus ipse sub noctem passionis suæ turbatus fuit? Haud dubium est, quin momentosa fuerit illius turbationis occasio.

Dicat eam B. Augustinus citatus à S. Thoma in catena in c. 13. Ioannis: *Turbatus est spiritus, quia proditorem iam fuerat expressurus, & non lateret in cæteris, & quia ipse traditor iam fuerat exiturus*. Itaque quòd Iudas suam ipse proderet infamiam, tam vehementer doluit Dei Filius, ut ex moestitudine turbatus fuerit.

O Sanctissime Ioseph, quomodo videre licuit quantum habuisti ex Deo in illo singulari cogitatu, quo deliberasti prospicere honori Regine cœlorum? Merito dixit Euangelista, quod cum esses iustus, noluisti traducere eam?

Hæc eo cogitante. Modum meditabatur, quo suam à se coniugem abique illius offensione dimitteret. O quomodo docuit, quam maturo consilio ad res eiusmodi tractandas uti debeamus! A Pontifice Maximo, cui Spiritus sanctus assistit, nunquam aliquid petitur, quin respondeat, primum discutere velle, atque antè discutiatur, quod petitur. Et Virgo beatissima priusquam assentiretur incarnationi in se perficiendæ, cogitabat quam esset ista salusatio. Et Deus ipse non antè constituit demoliri mœnia populi sui, quam secum eam rem animo pertractasset. *Cogitavit Dominus dissipare murum filia Sion retendit funiculum eius,* inquit Ieremias Thren. 2. Magna ergò prudentia est, prius speciem alicuius rei cogitatione effingere, quam certum aliquid de illa definias. Ita sanctus Ioseph attentissimâ cogitatione sollicitè inquirebat, quomodo solerter coniuge suâ, saluâ eius existimatione, se abdicaret.

Hæc autem eo cogitante ecce Angelus Domini apparuit in somnis Ioseph dicens, Ioseph fili David noli timere accipere Mariam coniugem tuam, quod enim in eam natum est, de Spiritu sancto est. Matth. 1. 20. Nolate illud hîc primò, quod Ioseph ita consueverat benè fidere Mariæ, ut mali quidpiam illi irrogare non sciret, quantumvis gravidam illius ob oculos haberet alium. Cur David non confodit Saullem, quando illi chlamydis oram præcidit? Respondet S. Athanasius, tam assuetum fuisse illi benefacere, ut incommodare non nosset. Vnde colligimus, Eliam, & Enoch in paradiso morari, cum id Scriptura non affirmet? S. Irenæus ait, inde colligi, quod Deus semel Adæmum constituit in paradiso, atque ex eo assuevit, homines alios in illo hortu voluptatis collocare. *Manus eius assueta sunt balulare suum plasmâ,* ait ille. Sic Ioseph in consuetudinem venerat beneficiis prosequi Mariam, ut consciscere malum nullum posset. Tum & istud vestim animaduertatis, quod Angelus Domini in somnis apparuit Ioseph. Dormiebat S. Ioseph, adeò infornia erant illius iniuriæ. Quare S. Petrus Chrysologus loquens cum illo serm. 145. ait: Non humanus lapsus est, sed diuinus illapsus est hic, præmi-um est, non reatus, incrementum calis est non corporis detrimentum, non est hominis furtum, thesaurus est Dei, hic non est moris causa, sed vita; velut alijs

verbis sanctum Patriarcham nostrum appellasset. Quod gravidam vides coniugem tuam, non id hominis flagitio, sed operâ factum Spiritus sancti, remuneratione est virtutum illius ista prægnatio, non lubricæ puellaris ætatis prolapsio, nihil Virginis pudori ablatum, sed illatum est vtero eius, unde in-stitaurari cœli ruine paulò post incipient, nihil huic homo eripuit, sed thesaurum suum in illa Deus abscondit, non exitium circumfert hic vterus, sed beatitudinis autorem breui est editurus.

Ita confessus est S. Ioseph, quia posita inter indubitatam prægnationem, & amorem, quo sponsam suam prosequabatur, amor veritatem extorsit. S. Ambrosius in lib. de Elia c. 17. ait, olim in more positum fuisse torquere homines vino, quæadmodum in Castella per aquam in multis vasculis oblatam fit quæstio. *Pleriq; etiam vino stantur & equuleo, & quibus tormentis non eliciunt socem prodigionis, eos tentant bibendo, & patra statum, salutem ciuium, defensionis sua prodant consilia.* Hæc ille. Itaque quod cruciatibus non poterant extorquere, hoc vino proliciebant, quia ut Sapiens Proverb. 31. aiebat, nullum secretum est, ubi regnat ebrietas.

Scripturæ phrasi amor vinum vocatur, iuxta illud Cant. 2. 4. *Introduxit me rex in cellam vinari-um.* Tam amore non secus ac vino fit quæstio, & secretissima quæque extorquentur. Dicebat Christus discipulis suis: *Multa habeo vobis dicere, sed non potestis portare modò;* Ioan. 16. Notebat illis cœlorum detegere secretæ. Sed amor illum in questionem dedit, fecitque ut eloqueretur omnia. *Tam non dicam vos seruos, sed amicos, quia omnia, quæ audiuit à patre meo, nota feci vobis.* Amor illum expecto-raqit.

Ita S. Ioseph cum inter euidentiâ gravidationis, & amorem Mariæ versaretur, euidentiâ faciebat, ut hæreret animi dubius, sed amor suo cruciatu inquisiuit, & extorsit veritatem. Dicat hoc Carthusianus, qui sua verba mutuatus est ab autore operis imperfecti in Matth. eaque sic habent. *O inestimabilis laus Mariæ! Magis credebat Ioseph casti-tati eius, quam vtero eius, plus gratia, quam natura. Conceptionem manifestè videbat; & fornicationem suspicari non poterat. Possibile esse credebat, muli-erem sine viro posse concipere, quam Mariam posse peccare.*

Postquàm vidimus prærogatiuas tam eximias, & sublimes magni huius Patriarchæ, dispiciamus nunc quem locum obtineat in cœlis. Ac mihi certum videtur, quod cum sua sponsa peculiarem supra o-
mnes

annes Angelorum choros Hierarchiam constituat, & inter omnes sanctos proximè ad coelorum reginam accedat.

Si filium vngui aquilino alligares, raperet illud secum aquila, quocunque volatu penetraret. Anima sancti Iosephi, & anima Mariæ nexu matrimonii constrictæ fuerunt, aliter ac coniuges alii mundani, hi enim cum sint duo, fiunt vnum in carne vna: Ioseph verò, & Maria, cum essent virgines, secundum animas validissimo nodo constricti fuerunt. Itaque pariter exaltatæ fuerunt, alteraque alteram in eandem celsitudinem secum petrauit. Felices ergo sunt, qui pii erga sanctum Iosephum. Cum enim tam vicinus sit Reginae coelorum, per facile obtinere potest per illius potentissimam intercessionem supplicibus suis perseverantiam lucè gratiam, quæ est pignus gloriæ, *quam mihi, &c. vobis, &c.*

De Augustissimo Nomine

M A R I Æ DOMINÆ NOSTRÆ.

*Autore Ad. R. P. M. CRISTOPHORO
de AVENDANNO Carmelitâ.*

*Interprete F. Ioanne Freylinck Ordinis
Prædicatorum.*

T H E M A.

Ne timeas MARIA, inuenisti enim gratiam apud Deum. Luc. I.



M N Archiepiscopatu Toletano initium dedit huic solennitati quidam plūs Angeli habens, quàm hominis, dignus, cuius nomen æri, aut marmoris insculpatur, ne silentio aliquando sepeliatur memoria viri tam Seraphici, qui Reginae coelorum quidam secundum Archangelus Gabriel quodammodo fuit, vt cui tantum non continuo dulcissimi nominis sui thus adolebat. Hic sanctissimus homo fuit Reuerendissimus P. Magister frater Simon de Roias, gloria, & splendor Ordinis Sanctissimæ Trinitatis, qui omnium religiosorum Ordinum lumen esse poterat, fuitque à sacris confessionibus Reginae Hispaniarum uxori Philippi IV. Regis Ca-

tholici. Magna erat illius Patris erga magnam Dei Parentem pietas, ingens illi obseruandi cupiditas, cumque nomen eius deuotissimè coleret, ope, & auxilio Excellentissimi D. Comitis de Monterey Don Emmanuelis Ponce, & Zuniga, Præsidis consilij Italix obtinuit à Pontifice Maximo facultatem recitandi officium de hoc dulcissimo nomine, & celebrandi illius solennitatem, quæ in insigni Conuentu Sanctissimæ Trinitatis Madriti sua habuit primordia. Vt in Dei gloriam, & charæ Matris illius laudem redundet, quæ de hoc dulcissimo nomine sum dicturus, gratiam Dei requiro, eam ab auctore gratiæ facile exobsecrabit, ad quam & sermo, quem concepi, & solennitas præsens tota potissimum spectat, dum ei modò cum Angelo adgeniculati dicamus: *Aue Maria, &c.*

S. I.

Attributa, quæ in Deo insunt per naturam, voluit ille reperiri in Mariæ nomine ex priuilegio vt plurima ex opere operato patreret miracula.

SANCTUS Bonauentura in suo Psalterio loquens de dulcissimo Nomine Mariæ sic ait: *Omnipotentis post Deum nomen eius.* Omnipotentia ergo, quæ in Deo est per naturam, siue essentialiam, illam dulcissimum nomen Dominiæ nostræ habet ex priuilegio, & singulari concessione. Hanc veritatem testantur miracula, quæ hoc nomen continuo operatur, & lucra, quæ cælo adfert.

S. Ambrosius in lib. de institut. Virg. c. 5. ait: *Speciale Maria hoc nomen Domini inuenit, quod significat, Deus ex genere meo;* sic nos dicere solemus, iste, & ego sumus eiusdem sanguinis, & ab eodem stemmate originem nostræ nobilitatis ducimus, ac propterea decet, vt factis, & meritis etiam assimilemur. Quod ergo Ambrosius ait, Mariam speciale hoc nomen inuenisse, quod significet, *Deus ex genere meo,* eiusmodi est, ac si dixisset, dulcia nomina IESU, & MARIÆ habere parem virtutem, & esse eiusdem velut massæ, sic tamen, vt quod nomen Dei habet per naturam, nomini Virginis ex priuilegio singulari sit concessum.

Dixit Deus ad Abraham Gen. 12. *Magnificabo nomen tuum.* Rupertus Abbas ait, hanc nominis Abraham magnificationem in eo positam fuisse, quòd Deus coniunxit nomen suum cum nomine illius, & voluit vocari Deus Abraham. Verba sapientissimi Abba.

Abbatis lib. 5. in c. 5. Genes. ita habent: *Magnificatum est nomen Abraham videlicet cum nomine Dei magno, & tremendo, dum per orbem pradicatur Dei talis desinitio, Deus Abraham.* Hinc Origenes l. 5. contra Celsum accepit, quod in veteri Testamento, quando per Dei nomen quidquam petebant, prolixiorem Deum experti fuerint, si ad illius nomen nomen Abraham adiungerent, faciliusque exobsecrauerint, & promptiorem ad benefaciendum Deum reppererint, si ita precarentur: *Adiuuet me Deus Abraham*, quam si solum dicerent: *Adiuuet me Deus.*

Quare rationi consentaneum est, ut multo magis adiungamus nomen Dei ad nomen Mariæ. cum etiam Mariæ idem significet, quod *Deus ex genere meo.* Et si Deus in vetere lege copulabat nomen suum cum nomine Abraham, quod is esset ipse amicus, ut illum magnificaret, conueniens fuit, ut Mariæ Matris suæ nomini plus tribueret, suorumque attributorum participatione longè amplius illud locupletaret.

Angelicus Doctor S. Thomas 3. p. q. 60. art. 2. ait: *Qualibet res nomen habet à suo complemento*, hoc est ab eo, quod perfectissimum in ea reperitur, per quod maxime nobilitatur, & in supremo virtutis apice collocatur.

Summa Regiæ celorum perfectio est, dignitas Maternitatis Dei, de qua idem Angelicus Doctor 1. p. q. 25. art. 6. ait, esse quasi infinitam. Hinc suam dulce nomen Mariæ trahit Originem, atque ita rationabile est, ut illud nomen virtutem velut infinitam contineat.

Ad huius rei confirmationem aduertit Theodorus, quod tamen si Domina nostra vocabulo græco posset nominari *Iesutocos*, siue *Christotocos*, hoc est, Mater Iesu, vel Christi, non aliter tamen, quam *Theotocos*, appellatur, quod Dei Matrem significat: *A matre enim parte, non à minori appellationes sunt, ac nomina imponuntur.* Cum ergo à nobilissima perfectione suum cuique personæ nomen veniat, ea propter appellatio Mariæ ab ea dignitate accipitur, quam consecuta est, cum Dei Mater affecta.

Hinc perspicuum efficitur illud S. Ambrosij, *Mariæ nomen idem significat, quod Deus ex genere meo*, & quod Doctor Angelicus dixit: *Qualibet res nomen habet à suo complemento.* Hinc etiam arripuit occasionem S. Bernardinus Senensis dicendi: *Marius hoc est donum, quod sit Mater Dei, quam quod sit Domina creaturarum.* Hæc ille Tom. 1. Sermon. 52.

Et Tertullianus in suo Apologetico ait: *Gratius est nomen pretatis, quam potestatis.* Si ergo ex dignitate Matris Dei accipit suam virtutem nomen Mariæ, non debet mirum videri, quod Deus, ut illud magnificaret in eo posuit sua attributa, ut ex opere operato dulcissimum hoc nomen miracula plurima faceret, & beneficia filijs Adæ sine numero conferret.

Indubitatum est, quod nomen Mariæ ex opere operato faciat miracula, quæ indes experimur. Ad comprobendam hanc veritatem aduerte, quod in Ecclesia sunt quædam ex institutione diuina, quæ sunt Sacramenta, quæ ex opere operato conferunt gratiam: Alia ex institutione Ecclesiastica, quæ vocantur Sacramentalia, quæ tamen si non iustificent, neque condonent peccata, ex opere operato tamen operantur admirabiliter, & plurima homini subsidia adferunt. In ea opinione sunt Bellarminus lib. 2. de imaginibus c. 30. Valentinus Tom. 4. dist. 4. q. 4. puncto 1. Thiræus lib. 1. de demoniacis c. 11. & alij plures. Exempli loco statuo crucem Domini nostri, & aquam benedictam quæ ex opere operato agunt, & expellunt demones. Idem affirmare possumus de pane benedicto.

Ergo ratio postulat, ut dulcissimo nomini Mariæ non auferatur illa vis operandi ex opere operato. Habet enim illam tam insignem, eximiamque prærogatiuam, ut non sit ex institutione Ecclesiæ, quemadmodum aqua, vel panis benedictus, sed ex institutione diuina, è cælo enim venit, in terra inuentum non fuit. Hanc in rem eleganter S. Petrus Damianus, sic dicit: *De thesauro diuinitatis Mariæ nomen euoluitur*, quasi Deus dum thesauros suos excuteret, Mariæ inter eos nomen repperit. Propterea S. Epiphanius ait, Angelum è cælo descendisse, quo tempore Ioachim orationi in monte operam dedit, ei que denuntiassè, habiturum filiam, quam vocare Mariam deberet. Apud S. Hieronymum in historia de ortu Deiparæ, sic dicebat Angelus: *Anna exor tua pariet tibi filiam, & vocabis nomen eius Mariam.* Et S. Bonauentura ait: *Benedictum sit, & gloriosum nomen, quod os Domini mirabiliter nominauit.* Dicere ergo debemus hoc nomen ex institutione diuina, non Ecclesiastica descendisse, velut & nomen Iesu, adeoque illius instar ex opere operato facere prodigia.

Videamus nunc quæ miracula dulce nomen Mariæ pro beneficio hominum operetur, ut inde intelligamus, quomodo illud honorare Deus & gratiâ suorum attributorum collatione magnificare voluerit.

Sapien-

Sapientissimus Idiota in lib. de contemplat. Virg. c. 5. plurima verbis enumerat illius nominis miracula dicens: *Maria nomen super omnia Sanctorum nomina reficit lapsos, sanat languidos, illuminat cecos, penetrat duros, recreat fessos, vincit agonistas, & iugum diaboli extrudit.* Quæ maiora his velis miracula? Facile ergo est intelligere, aliqua diuinorum attributorum participatione gaudere nomen, quod talia operatur prodigia.

Primum ergo, quod dulcissimum *MARIÆ* Nomen supra quàm aliorum quorumvis Sanctorum vocabula, operatur, est, quod *reficit lapsos*, alterum, quod *sanat languidos*. Sola Mariani Nominis inuocatio hos, quos vires destituunt, mandusque, & tentationes in periculum perditionis adducunt, roborat, & confirmat. Quid præterea? *Illuminat cecos*. Nonne hoc est facinus potestatis Christi Domini nostri? Nonne est opus prodigiosum omnipotentis brachij Dei? Est. Vide ergo, quomodo hoc dulcissimum Nomen assimulet omnipotentiam Altissimi, & magna illius efficacia sefe prodatur.

Pergit porro vltra Idiota, dicens: *Penetrat duros*, & adamantina peruiacium peccatorum corda peruat. Huc alludit illud difficile Sancti Epiphaniij dictum, qui Beatissimam Virginem salutans ait: *Salve Cherubim transcendens.* Quia nullum cor est, quantumvis ferreum, & contumax, quod ei possit resistere, quod non soluat in lachrymas, si Mariæ se tantum commendet, dulcissimumque eius Nomen inuocet. Et hoc est, quod dicit Idiota: *Penetrat duros.* Quid ampliùs? *Recreat fessos*, eosque qui miseriarum & ærumnarum ponderibus prægrauati afficiantur, leuat, & refocillat. Denique concludit, dicens: *Vincit agonistas*, estque hoc dulcissimum Nomen oleum tam cæleste, tamque suauis balsamum, ut eo cælorum Regina tingat, & confirmet eos, qui molestis infestantur cogitationibus, ut non possit eos dæmon deprædari. Et quamvis totus contra hominem vnum infernus coniuret, si inter ipsa conflictus primordia dicat, *Adiuuet me Nomen MARIÆ*, sic oleo illius vngitur, & roboratur, ut victor euadat, & hosti omnem posthæ nocendi aditum præcludat. Nam *iugum diaboli extrudit*, & si quis ab illo pressus Nomen Mariæ in medio suarum ærumnarum imploret, tam est potens illius opitulatio, ut rumpat iugum, & conterat. Quapropter multa Concilia, in quibus Constantinopolit. 2. & collat. 6. Chalcedonense 2. & Ephesium decreuerunt, plurimum obseruantiz & reuerentiz huic dulcissimo Nomini deferendum.

Tom. IV.

S. Bernardinus Senensis To. 2. serm. 49. exaggerat ampliùs hæc miracula, & magis viuis coloribus ea depingit, dicens: *Nomen MARIÆ est, quod dedit cecis visum, surdis auditum, claudis gressum, sermonem mutis.* Quomodo potuisset hoc Nomen tam stupenda operari miracula, nisi attributa, quæ habet Deus à natura, fuissent illi ex privilegio concessa.

Quemadmodum aurifaber pretiosum adamantem annulo aureo inserit, eumque minoribus adamantibus ad maiorem ornatum velut splendido sepimento includit: Ita Sanctissima Trinitas Nomen Mariæ suis attributis insigniuit.

Obsequat demum S. Bernardinus sua verba tali comminatione: *Proinde si qua infirmitas tibi, vel tui occurrat; non spreto remedio corporali, aut naturali, recurre ad inuocationem Nominis Mariae.*

Illud verò miraculorum omnium mirabilissimum est, de quo S. Ioannes Chrysost. ho. 8. in c. 4. ad Rom. sic ait: *Sunt nobis incantationes spirituales ipsum Nomen Mariae.* Huiusmodi incantatio non solum draconem à speluncis abigit, atque ita in ignem conijcit, sed & vulneribus quoque medetur. Hoc igitur Nomine ornemur, & tanquam muro nos muniamus. Dicit ergo sanctus hic Doctor, esse incantamenta spiritualia, & animas effascinas, intra quas sese obmutuit draco, siue dæmon, de quo Iob dicit: *Dormis in secreto calami*, Iob 40. 16. Hisce fascinis depellendis non sunt satis persuasiones prædicatorum, non inspirationes cælestes, non iacturæ diuinarum, non lethales morbi, solum Mariæ Nomen sufficit, & mirè potens est: *Ipsam Nomen Mariae huiusmodi incantationis est incantatio.*

Et habet tantam efficacitatem contra infernalem draconem, ut illum non modo à speluncis abigit, & omnia eius fascina dissipet; verum etiam in ignem conijciat, ne quod tale malum rursùm intentet. Neque contentus hæc dixisse Chrysostomus, pergit extollere huius dulcissimi Nominis virtutem, addens, quod *vulneribus quoque medetur*, ijs quæ venenatus draco in anima reliquit, & quidquid ibi est rabiei, fugat, & quod debile, roborat. Hoc igitur Nomine ornemur, hoc tanquam muro nos muniamus.

Leetor. Ut horum Chrysostomi Serborum pudendam corruptelam dissimulem, nec solo vel si possem nec possum, quia non debeo. Verba igitur S. Chrysostomi hom. illa octaua in morali apud Germanum Brixium interpretem Catholicum sic habent. Sunt nobis, sunt, inquam, incantationes, ipsum Nomen Domini nostri Iesu Christi, tum ipsius Crucis potentia. Huius-

Ec

modi

modi incantatio non solum draconem è splais abigit, atq; in ignem conijcit, sed & vulneribus quoq; medetur. Et post aliqua. Hoc nomen & demonibus terribile, & perturbationibus, & ægritudinibus. Hoc igitur ornemur ipsi, hoc tanquam muro nos muniamus. Hæc ex correctissima Chrysostomi versione Brixiana, in quibus vides quam malâ fide Nomen Maria magna Dei Matrûs, Nomini Domini nostri Iesu Christi suffectum fuerit. Quisquâ Nomen alterum alteri subrogauit, ille insonis deprauator est, si mediatio hoc fecit, aut valde ignarus rerum, à quibus veraciter laudare tanta Virginis Nomen posset, Et confingere encomia falsa debuerit, aut certe nimis quam incurisus, qui mendoso cuius exemplari cum periculo mentiendi credere maluit, quam Verba illa apud bonum autorem videre, Et Dei Matrem non alieni ornaret encomijs. Quare nemo ea Verba aliter, atq; à nobis allata sunt, pro concione proferat.

Præter dicta adiungit aliud S. Brigitta lib. 1. suarum Reuelationum, c. 9. quod magnam potest adferre admirationem, dicens: Nullus est tam frigidus ab amore Dei, nisi sit damnatus, si inuocauerit hoc Nomen Maria hæc intentione, Et nunquam reuertatur, velut ad opus solum, quod non discedat ab eo diabolus statim, Et nunquam amplius reuertatur ad eum, nisi resumpserit voluntatem peccandi mortaliter. Ingentia sunt ergo mirabilia, quæ operatur pro salute eorum, à quibus imploratur. Nec mihi nouum est, quod tam stupenda prodigia operetur Nomen Mariæ, est enim ex eadem massa, ex qua Nomen Dei, nobilitatur, & insignitur eisdem attributis, ut per illud tota cælorum potentia ad beneficium Ecclesiæ elucescat.

§. II.

Tam est dulce Augustissimum Nomen Mariæ, ut ipsam adeo Virginem confortarit, & fidem illi adauxerit.

Ne timeas MARIA, inuenisti enim gratiam apud Deum.

SANCTUS Gregorius Magnus in illa verba, *Missus est Angelus Gabriel*, dicit, illum Archangelum esse principem omnium Angelorum, & Seraphinorum supremum, ideoque vocat summum Angelorum, qui non vnus è multis, sed vel caput cunctorum, vel certe ex summis aliquis fuerit. Sanctus Dionysius Areopagita in lib. de cælesti Hierarchia c. 4. & vocat diuinissimum Angelum.

Hinc arbitrari licet quanti æstimauerit Deus virginem, ad quam talem sublegauit oratorum qui vocatur *fortitudo Dei*. Causam, ob quam ita dictus fuit nuntius ad virginem delegatus, hanc reddit S. Gregorius: *Per Dei fortitudinem nuntiandus erat, qui Virtutum Dominus, & potens in prælio ad debellandas potestates aëreas Veniebat.*

Sanctus Bernardus super *Missus est*, & S. Petrus Chrysologus volunt, illum Angelum fuisse appellatum fortitudinem Dei, eo quod venerit confortatum virginem, quando illa admiraretur salutationem illius & obstupefceret, quod mater Dei deponeretur, quæ tam humilis erat, & verecunda. *Virginem pauidam, & verecundam, ne miraculi nouitate expansefceret, tota Dei fortitudo, & Virtus corroboraret.* Hæc Bernardus. Sancti Petri Chrysologi verba ex serm. 142. sic habent: *Audistis fragilem nostram carnis naturam ad portandam totam Destatis gloriam Angelicâ exhortatione roborari. Ne virginem diuinitatis verbi, quod conceptura erat, pondus opprimeret, & exanimaret, è cælo Archangelus venit, qui animum illi, ac robur adderet.*

Et cum putaret virginem grauitur esse perturbatam, seque imparem esse illi erigendæ, quæ cum humillima esset, laudes suas, easque tam magnificas absque vehementi concussione audire non potuit, ea propter quo potentissimo potuit remedio eam roborauit, & de suo nomine eam appellauit, dicens: *Ne timeas Maria.* Hic fuit sancti Petri Chrysologi cogitatus, & verba illius ista: *Ante causam dignitatis Virginis annuntiatur ex nomine.* Quod Chrysologus dicit, hunc habet sensum. Voluit Angelus, ut Virgo experimentum faceret efficacitatis sui dulcissimi nominis, quo exprimenda fuit, & declaranda dignitas matris Dei, & ex quiete quam animo eius attulerunt ea verba, *Ne timeas Maria*, voluit ut argueret dignitatem matris, ad quam extollebatur, simulque sui nominis suauitatem.

Ve commentationem suam magis explicaret Chrysologus, adiungebat: *Maria latine domina nuncupatur. Vocat ergo Angelus dominam, Et Dominatoriam genitricem trepidatio deferat seruitutis.* Itaque cum potentius non inueniret remedium, suo ipsius nomine animum illius turbatum pacauit, & quod dixit, *Ne timeas Maria*, id fecit, Et *Ecce experiretur efficaciam*, inquit, rursum Chrysologus. Præcipuus autem effectus, quem in ea operatus fuit, est, quod fidem illius auxit, & illa propterea cogitabat, *qualis esset ista saluatio*, quia illi promittebatur, quod & mater futura esset, & Virgo permanfura, crediditque.

que in virtute sui nominis, quæ fidem illius amplificavi, quam ob causam & sancta Elizabeth cum illi congratularetur, inquit: *Beata qua credidisti.*

Ad confusionem verò superborum expendamus nonnihil humilitatem Virginis cum S. Petro Chrysologo, cuius ea observatio, quod Angelus, qui ad serenandum, roborandumque Virginis animum missus è cælo fuit, idem est, qui apparuit Christo Lucæ 22. *confortans eum.*

Quod eà occasione ad Christum descenderit Angelus in hortum ad consolandum eum, non miror. Subtristis enim erat, & corde admodum afflicto, idque ex viua imaginatione cruciatuum, & dolorum, quos postridie subiturus erat, representabantur namque illi quinque millia, & his plures sæuissimorum flagrorum ictus, & spinæ, quos capite expecturus, & sputa, & probra, & contumeliæ, & crux & mors quàm pænalis, tam ignominiosa, itaque opportunè veniebat Angelus, qui animum talium cogitationum nubilo oblitum fugato mœrore refocillaret. Sed hoc me attonitum reddit, quod ad confirmandam, roborandamque Virginem eo tempore venit, quo illi tam gaudiosa nuntia adfert, matrem Dei salutans, & gratiâ plenam, benedictamque inter mulieres vocans. Quid tunc Virgo confortatione opus habuit? Sicut Christus per Angelum confortari voluit, ita debuit Virgo per Angelum animari. Quamobrem verò? Quia verò humili nemo acerbiorum adferre cruciatum, nemo atrociorum infligere colaphum potest, quàm si eum laudet. Nulla illum sic afflicta verbera, nulli sic transigere aculei possunt, quemadmodum encomiorum proprium auditus. Itaque ne Virgo deficeret animæ viribus sub tanto tantæ gratiæ pondere, necessum fuit, ut Angelus, qui fortitudo Dei diceretur, eam conueniret, ac roboraret. Cumque Angelo videretur, etiam hoc satis non esse, nomine Mariæ ad eandem rem usus dicebat: *Ne timeas Maria*, quæ quod tam humilis esset, non vehementissimè turbati suarum laudum auscultatione non poterat.

Morale huius S.

Fuit Virgo ex animo humilis, quemadmodum filius filius, qui dicebat: *Discite à me, quia mitis sum, & humilis corde*, Matth. 11. Plurimum refert, ut suam in corde sedem humilitas, & patientia habeant. Multi filiorum Adæ habent externam virtutis speciem, studentque ut forinsecus eam præferant, sed ut in corde radices vel aliquantulas agat, non curant. Horum symbolum fuit Simon Cyre-

næus, qui cum Christo crucem portans videbatur concurrere ad redemptionem generis humani, & nullum inde habebat meritum, quia per vim coactus id faciebat, *angariaverunt*, enim *prætereuntem quempiam, Simonem Cyrenæum venientem de villa*, inquit S. Marcus 15. 21. *Quod autem per angariam facimus, non studio virtutis facimus*, inquit Magnus Gregorius lib. 8. Moral. c. 26. Qui siue per vim coactus, siue mercedis spe allectus aliquid agit, non habet præmium aliud, quod expectet. Exemplo rem illustrabo. Vult nobilis quidam in die Iouis sancto vexillum præferre his, qui voluntariâ castigatione corpus suum per flagra afficiant, procuratque ut multos nobiles habeat comites, datque suis impendiis cuilibet eorum facem. Is omne meritum huius actionis perdit, quia mercedem suam iam recepit. Vnde? Ex vana illa ostentatione. Hoc est, *quod per angariam facimus, non studio virtutis facimus*. Magna infelicitas hominis, qui cum centum faces distribuat, ne ex vna quidem meritum qualecunque habet, quia omnibus illis mundo seruit. Si vnâ solum facem ad DEI cultum verteret, plus meriti haberet ex ea, quàm ex centum: quas mundo succendit. Nam ut eleganter dictum à S. Petro Chrysologo serm. 25. *Vnum mundi centum ad vnum, Deus vnum accipit ad centum*. Is qui in suam carnem flagris sponte suâ aduertens album sericum vestit, & sex seruos à facibus habet, qui lumen illi præferant ne ab inferorum via exeret, nullum inde acquirit meritum, ut qui suam habeat ex inani vulgi applausu remunerationem: *Quod per angariam facimus, non virtutis studio facimus*. Ut virtutes sint acceptæ Deo, debent suam habere in anima, non in vana gloria radicem. David Psalmo 96. 11. ait: *Lux orta est iusto*, id litera originalis commodè in rem præsentem declarat, quæ sic habet: *Lux sola est iusto quia diffundit se in animam iusti, ut ibi radices agat*. Sic omnes virtutes in corde, non in exteriori specie fundari debent.

O Supera cælorum Regina, tuæ virtutes penitissimo animo inidebant, ut nos doceres, nostras quoque sint efficaces, & Deo gratæ, cordi intimo debere esse infixas, sic ut extrâ luceant & intus multò vehementius ardeant.

Quàm præclare hoc docet Tertullianus, cum ait, nostram patientiam non debere esse, qualis est canis. Verba illius ex lib. 2. de Patient. sic habent: *Nobis exercende patientia auctoritatem non affat humana anima equanimitatis stupore formata, sed*

Sicut ac celestis disciplina dispositio diuina delegat, Deum ipsum ostendens patientia exemplum.

Multi Christiani habent patientiam qualem canes. Contingit aliquando, ut in vnum catellum extraneum prætereuntem quatuor immanes molossi inuehantur, misellumq; ex omni parte mordicis inuadant, & suis dentibus atrociter appetant, & malè vexent, atque exagitent. Et quid ille? Non contra latrat, nec se defendit, sed omnibus humiliter, & patienter aduolutus, corporis eà submissione velut obsecrat misericordiam, & libertatem, ut iter suum profequi possit, verum intus tantà plenus est rabie, ut frustillatim concerperet omnes, si posset. Hoc est, quod vult Tertullianus, cum horretur, ut nostra patientia non sit affectio humanæ canina equisatæ stupore formata, qualis est eorum Christianorum, qui exterius præferunt tolerantiam, intus gladios, & mille vulnera proximis intentant.

Certa insignis Tertulliani commentator ait, quod ille hoc in loco alludat ad eorum Philosophorum opinionem, qui dicebant, patientiam consistere non in animi interiore quiete & pacatione, sed in exteriori modestia, qui nulli malum reddat, nec vindictam inferat. Huius sententiæ autor fuit Diogenes Cynicus, qui utinam nullos habeat sectatores Christianos, qui pro remuneratione vanam gloriam recipientes lucrum apud mundum habent, & iacturam apud Deum patiuntur. Hoc ergo est id, quod S. Gregorius Magnus dicit: *Quod per angustiam facimus, non virtutis studio facimus.* Nemo autem expectet meritum, qui non eo animi consilio bene facit, ut colat Deum.

Melius fecit Rex Niniuitarum, qui sub cilicio purpuram abscondit, & coronam cineribus infodit, texitque, de quo S. Ambrosius ait: *Obliviscitur se Regem esse, dum proicit purpuram, dum diadema deponit, cilicio autem vestitur, & sacro, Mirares, dum se Regem esse hominum non meminit, Rex incipit esse iustus.* O millies fortunati illi, qui sciunt abscondere magnificentiam suam, & prodere cordis humilitatem, ac patientiam! illi à Deo aliud, quam fauorem, & gratiam expectare non possunt.

Hoc videtur mihi significasse Deus, quando Exodi vnderimo præcepit, ut qui post sexennem famulam liber ex seruo effectus esset, cum quali veste intrasset, cum tali exiret, ut cum iam sui iuris esset, de veste recordaretur neperam. Nam seruitutem, & non superbiat. O quam æstimat Deus illos, qui norunt suam conservare humilitatem! Hoc sola Angelorum Regina facere sciait, quæ perfectissimè hu-

milis in oculis Dei fuit, sic ut tunc, cum in tantum dignitatis fastigium eueheretur ut Mater Dei esset, tam vehementer toto perturbata animo fuerit, ut idem eam corroborare Angelus debuerit, qui filium eius Christum in horto confortauit, & cum hoc satis non esset, etiam suo eam Mariæ nomine confirmandam, pacandamq; præterea putauerit.

Quod Chrysologus ser. 142. dicat ab eodem Angelo fuisse confortatum Christum in horto, & Mariam in sui cubili recessu, id apud illum reperire non potui. Quare veretur ne hoc tanto auctori sit impositum, & ab illo sua habeat momenta, quod ærecentiore scriptore prolatum eadem facilitate rejici ab alijs potest, quæ fuit ab illo assertum.

S. III.

Quam acri supplicio digna sit mulier, quæ cum vocetur Maria, obscenam ducit vitam.

Non caret mysterio, quod multæ mulieres ducuntur hoc nomine Mariæ, honorificum quæ arbitrentur sic appellari, postquam dulcissimum hoc nomen, ut diximus, idem est, quod *Deus ex genere meo*, & velut ex eadem massa, ex qua nomen Dei. Cum ergo nomen Dei nulli detur, nec quisquam sit, qui eo vocetur, quare mulieribus datur nomen Mariæ, cum id pretio nomen Dei tantum non exæquet?

Causa, cur nemo vocetur nomine Dei, ea, ni fallor est quam reddit Doctor Angelicus S. Thomas 1. p. q. 13. art. 8. dicens: *Deus non est nobis notus in sua natura, sed innotescit nobis ex operibus & effectibus.* Unde hoc nomen Deus est nomen operationis, imponitur enim hoc nomen ab vniuersali rerum providentia. Tale est, quod dicit Sanctissimus Doctor. Dei nomen derivatur à perpetua benefaciendi occupatione, quæ commodis studet, & inuigilat cunctorum. Non decet ergo hoc nominis tribui hominibus, ut qui opere illi respondere non possit, maxime cum & illud nomen scineffabile, nec seruire ad nomen substantiuo creaturæ cuiuspiam possit.

Hoc ipsum dicere possumus de dulcissimo nomine Mariæ, quod nulla creatura eo appellari debeat, eò quod nulla eius magnitudini respondere queat. Unde ergo illa licentia, quod tam multæ mulieres vocentur Mariæ? Non vacat mysterio. Idem Doctor Angelicus in Epist. ad Rom. lect. 1. ait: *Nomina diuinitus imponuntur quibusdam à principio natiuitatis, ad designandum gratiam, quam à principio con-*

consequuntur. Nomina, quibus in baptismo donantur infantes, sunt bona omnia gratiarum singularium, quæ conferentur puero, cum sapere experire, aut quodcumque Deo videbitur. Non sit fortitudo, quod hic Petrus, Paulus alter nominetur. Et quod tam multæ mulieres vocentur Mariæ, non absq; peculiari providentia Dei accidit.

Quantum ad illud, quod multæ mulieres dulci nomine Mariæ donentur, dicam quod scio. Primum ergo magna felicitas est, & insignis Dei benevolentia, illius ordinatione obtinuisse nomen Mariæ, quodque cælum alio, quam illo nomine vocari noluit eas, quæ Catharinæ Magdalene, Lucie appellari poterant. S. Ioannes Chrysostomus homil. 23. in Gen. plurimum celebrat nomen Enos filij Sethi. Enos idem est, quod *Vir invocatur Deus*, hoc est, qui Deum primus implorare cepit. *Vidistis appellationem*, exclamat ille, *diadematæ clarioris, purpuræ meliorem?* Enos iste, qui ex nomine dicebatur js, qui Deum invocabat, fuit magnificè à Deo honoratus, quia dignus factus, ut purpuram vestiret regalem, & diadema capite præferret. Quanto ergo maior est illius mulieris felicitas, quam cælum ita beavit, ut Maria nominetur?

Adeamus mysterium quod hic est inclusum. Quid est, quod cum nomen Dei quia ineffabile est, nulli concedatur, nomen Mariæ multis tribuatur, cum sit ex eodem genere, & massa velut communi? Maria enim, ut sæpè iam dictum, idem est, quod *Deus ex genere meo*. Ut respondeam huic dubitationi, quæ gravis est, oportet advertere, Virginem Dominam nostram tam esse sanctam, ut multæ virtutes in ea locum non habeant, quas scilicet non fert illius dignitas, & maiestas. Virtus consistendi peccata, & ea, quam contritionis vocant, & quæ culpas nostras deploramus, non cadunt in Matrem Dei sanctissimam. Nam sicut dulcissimi Nominis illius ea est efficacia, ut excitet ad omnium virtutum usum, exercitationemque, ita in ipsa nullius utilitatis erat, nec enim facere poterat, ut doleret, confiteretur, deploraret sua peccata. Quid ergo remedium inveniemus, quo efficiamus, ut hoc Nomen Mariæ non sit infructuosum, ac velut mutilum, sed trium illarum virtutum usum efficere possit?

Remedium esto ut quancumque illud Nomen sit tale, quod mulier nulla mereatur, deat ramem multis, pluresque vocentur Mariæ, ut non maneat frustrum suæ virtute, ut quod efficere non potuit apud Dei Matrem, ut doleret, confiteretur, lugeret suas culpas, quas nullas habuit, hoc apud alias

Marias agat. Et propterea illæ, quæ tali appellantur nomine, possunt dicere: *Adimpleo ea, quæ desunt Nomini Mariæ in nominibus nostris, velut Paulus Col. 1. aiebat: Adimpleo ea, quæ desunt passionum Christi in carne mea*. Apud nos enim appellatio, quam ab illa mutuata sumus, efficit, ut doleamus, & deileamus, & confiteamur peccata nostra.

Quod autem dulce illud Nomen Mariæ excitet ad lachrymas de peccatorum recordatione natas, affirmat Idiota lib. 2. de contemplat. Virginis his verbis: *Tanta est virtus tui Sanctissimi Nominis, o semper benedicta Virgo Maria, quod mirabiliter emollit, & penetrat duritiam cordis humani*. Nullum tam laxum pectus, quod illius nominis efficacia non leniat, & resoluat. Et S. Bonaventura in suo speculo ait: *Beatus Vir, qui diligit nomen tuum, Maria, animam eius irrigabit nomen tuum*, Lachrymarum nempe fluentia in illo excitans, quibus peccata sua diluat. Petrus Blefensis serm. 23. loquens de Maria Dei Matre, & Maria Magdalena inquit: *Illæ nobis est exemplum pudicitie, ista penitentia*. Si lachrymas, totamque Magdalene penitentia rationem consideres, videbis nomen Mariæ maiorem exhālasse fragrantiam, & suavitatem in illa, quam in Dei Matre. Ex his duabus idem Abbas alteram *luminare maius*, *luminare minus* alteram vocat. Luminare maius, siue sol fuit Maria Dei Mater, quia sine originali peccato concepta, ideòque non habuit, quod defficeret. Luminare minus, siue Luna quædam fuit Maria Magdalena, quia multos defectus passa, iraque habuit, quæ deploraret.

Verum respondeamus titulo discursus. Graue supplicium merentur illæ mulieres, quæ cum vocentur Mariæ, & hoc nomen semper ob oculos habeant, sunt nihilominus vanæ, & non satis castæ, honestæque vivunt. Nescio cum quo has conferam, nisi cum Iudā, qui cum vocaretur *confessio*, erat ipsa malitia, siue cum Absalone, qui cum diceretur *patriæ pax*, fuit illius perturbatio, aut cum Salomone, qui cum nominaretur *amabilis Deo*, erat Deo summè exosus, & horrore, quod mulieres demoreretur alienigenas, siue cum Capharnaum, quæ ciuitas cum appellaretur *ager penitentia*, tam peruicax erat, & impenitens, ut Christus eam damnaret, & minas in eam iactaret, cum apud S. Lucam c. 10. aiebat: *Et tu Capharnaum esq; ad cælum exaltata, esq; ad infernum demergeris*. Tantundem eueniet ijs, quæ nomen habent Mariæ, & sunt deditæ vanitatibus, & turpi consuetudini. Nomen quippe illud ab his, quæ illo vocantur, exigit, ut sint recessus studiosæ,

deuotæ, pudicæ, verecundæ, honestæ, quietæ, prolixæ in pauperes, pacis amantes, & poenitentiz. Nisi per eiusmodi virtutes respondeant Nomini Mariæ, quo appellantur, merentur vocari charisæ, aut Zaræ, quæ sunt Maurorum nomina, vt Venus Flora, Thais, quæ sunt propudiosarum apud Gentiles faminarum vocabula, quia mores earum imitantur.

S. Petrus Chrysosol. Serm. 146. de Nomine Mariæ sic dicit: *Hoc collegium sanctitatis*. Salmantica omnis bonæ literaturæ emporium quatuor habet Collegia maiora. Si quis in eorum aliquod cooptari velit, qui loco præest, inquiri in eius natales & mores, & vitæ actæ rationem, nec admittit, nisi ex omni parte sit nobilissimus & purissimus, nullam habens ab infidelibus, aut hæreticis, talibusque maioribus maculam.

Quod ergo S. Petrus Chrysologus Nomen Mariæ vocat *collegium sanctitatis*, id fecit, vt indicaret, illam, quæ nomine Mariæ donatur, debere esse castam, honestam, quietam, ac libenter secum solam morari, & vacare deuotioni. Nisi talis sit, indigna est eo nomine, mereturque exturbari è collegio, vt quæ cum pura, siue ingenua non sit, Maria tamen vocari velit.

Quando mundus carnis vitij turpibus totus infectus, contaminatusque fuit, Moyses Genesios scriptor sordiditatem illorum temporum sic narrat: *cumque vidisset Deus terram esse corruptam*, Gen. 6. 12. S. Ioannes Chrysostomus hom. 24. in Gen. ait: *Non dicit, homines corruptos, quia peccatum facit, & homines suo nomine vocari non sint digni*. Ergo illa, quæ malè viuit, & vocatur Maria, digna est, cui hoc nomen adimatur, ne probrosæ vitæ, quam ducit, indignitas, & turpitudine in Sacrosanctum illud Nomen redundet, ipsumque despicabile reddat, vt deinceps non habeat reuerentiam, quam meritò deberet. Hoc verò magnam infelicitatem parere illis potest, quæ tam illustre Nomen infamis vitæ suæ turpi consuetudine obscurant. Velut enim locus sacer non adminiculatur illi, qui in eo peccat: Ita cum ex, quæ Mariæ vocantur, & malè viuunt, velut in loco sacro delinquant, subuereri debent, ne quando Mariæ Nomen inter extremas vitæ angustias implorabunt, nullum in eo inueniant subsidium, castigante nimirum cælo earum improbitatem, & temeritatem, vt nullum ijs veniat à benignissima Dei Matre auxilium, quæ cum de illius Nominè vocarentur, flagitiosis illud moribus dehonestarunt.

Atque vt videas, quod indigna est nomine Mariæ, quæ vitam nomine illo indignam viuit, memento velim, quod S. Lucas, cum describere conuersionem Magdalene institueret, sic orditur historiam: *Ecce mulier, quæ erat in ciuitate peccatrix*; Lucæ 7. Quænam mulier illa, Euangelista Sandæ? Maria Magdalena. Cur ergo non eam de hoc nomine suo exprimis, dicisque, *Ecce Maria Magdalena, quæ erat in ciuitate peccatrix*? Mariæ nomen subitico (diceret ille, si hic adesset) quia erat in ciuitate peccatrix, adeo tam honorificam appellationem sordidæ suæ consuetudine iam demeruerat. Libet tamen hic percontari aliquid. Nonne Magdalenam Dei amor iam faucibus erat? Nonne ibat perquisitum Christum, vt apud illum noxarum suarum condonationem obsecraret? Nonne adhuc doluit, & ingemuit, & lachrymas fudit, deplorauitque malè acta, & poenitentia se diluit, æque emaculauit, vt digna fieret suo nomine? Quanquam hæc omnia fecerit, Lucas illi nihilominus eam appellationem negat, & peccatricem vocat, non Mariam: *Ecce mulier, quæ erat in ciuitate peccatrix*. At si Lucas id nominis tunc illi iussis de causis negauit. Marcus posthæc meritò restituit, quando Valde mane *Græci sabbatorum venerunt ad monumentum Mariæ Magdalene, & altera Maria*, vt reciperet nomen vetus, quæ veterem sanctæ vitæ rationem iam resumpserat, alteraque effecta erat ab ea, quæ paulò antè fuerat.

§. IV.

Christus Dominus noster, & Sanctissima illius Mater, suis dulcissimis IESV & MARIÆ Nominibus simul benefacere volunt defunctorum animabus.

Rupertus Abbas inquit, cur Dei Filius, cum posset suam humanitatem ex terra virgine formare, quemadmodum & Adæ corpus inde finxit, voluerit fieri filius mulieris, & ex pulcherrima Virgine nasci. Causa, ob quam grauissimus hic Doctor putat, Christum non ex terra, sed ex Virgine sumere corpus voluisse, ea est, vt cognationem nobiscum contraheret, efficereque hominis filius. Verba illius ex lib. 3. in Ioan. sic habent: *Poterat quidem de terra, quam sibi assumeret, plasmare nouum hominem, & essei quidem caro & sanguis, sed non nostra caro & noster sanguis, homo quidem, sed non proximus nobis, homo planè, sed non filius hominis*. Tanti fecit esse filius hominis, vt propterea nasci de Virgine

gine voluerit. Et Richardus de S. Vidore in Psal. 28. cit: *Felix homo est, cum voluerit (forte potuerit) habere filium, non qualemcumque sed Deum.* Fortunatum verè genus humanum, quod eam beatitudinem consecutum est, ut eam adipisceretur filium, qui saluator esset mundi.

Hinc accipiemus, cur quibusdam occasionibus Christus filium hominis seipsum appellauit, ut Matth. 20. cum dicit: *Ecce ascendimus Ierosolymam, & filius hominis tradetur principibus sacerdotum,* & Matth. 25: *Cum venerit filius hominis in sede maiestatis sue.* Quæro. Quis est iste homo, cuius se filium Saluator mundi appellat? Non alius, quam genus humanum. Cum enim constet ex nostra carne, & natus sit ex muliere, necessum est esse filium hominis.

Ipsa quoq; celorum Regina est filia humani generis, & primogenita omnium mulierum. Quare S. Athanasius in hom. de Deipara sic eam alloquitur: *Audi filia David, & Abraham, inclina aurem tuam;* ac si alijs verbis dixisset: Recordare mundi Regina, quod Davidis, & Abraham, & consequenter generis humani sis filia, ne obliuiscaris nostri. In eadem homilia dicit idem S. Doctor: *Nostri filia est, quia ex nobis genita est.* Generis humani, & hominum omnium est filia.

Itaq; illud iam certò constitutum habemus, quod Christus Dominus noster, & sanctissima eius Mater sunt proles generis humani, & propterea hæredes omnium bonorum, quæcunq; genus humanum habet, eaque ad utrumque eorum iure spectat. Id autem, quod Christus hæreditariò accipit à genere humano, est nobilitas sanguinis, ad eò necessum est, ut cum ipse, tum Mater illius hæreditent ab omnibus hominibus ea officia, ad quæ sanguis ille est obligatus. In hanc rem sic ait S. Paulus Heb. 1. *Novissimè diebus istis locutus est nobis in Filio, quem constituit hæredem omnium.* Translatio Syriaca apertior, & aptior rei præfenti, quæ sic habet: *Quem constituit hæredem omnium.*

Probatur dedimus, quod Christus Dominus noster, illiusque mater sunt hæredes omnium, ob id, quod sint proles generis humani. Hinc autem nascitur illis obligatio, quâ tenentur exequi testamentum, & subuenire defunctorum parentum animabus. Hoc est esse Filium Redemptorem, meritq;, & sanguine, & proborum, crucisq;, & mortis tolerantia vindicare miseros captiuos, quod officium Mater Dei efficaci intercessione facit, diligentiaq;, & sollicitudine, quam salutis aliorum cura requirit.

Atque ut videatis, quod ambobus illis incumbit iuuare animas mortui generis humani, hoc est, benè illis facere, & de loco salutis providere, adite legum volumen, in cuius multis locis hoc inuenietis, & inter alia l. de hæredibus, & falcidia, §. his igitur ista: *Sancimus eos, qui ab aliquibus scripti sunt hæredes, necessitatem habere quacunq; testator honorans eos disposuerit, omni modo ea complere.* Hæc in lege civili. Et in Canonica in cap. si hæredes 6. sic dicitur: *Si hæredes iussa testatoris non adimpleuerint, ab Episcopo loci illius omnia res, quæ eis relicta est, Canonice interdicitur cum fructibus, & ceteris emolumentis, & tota defuncti adimpleantur.* Itaque hæres obligatur benefacere animabus defunctorum. Christus, & illius mater sunt filij generis humani, consequenter & hæredes, obligantur itaq; supremis hominum satisfacere voluntatibus, & benefacere illorum animabus, & filius quidem redimere illas suâ passione, Mater verò iuuare suâ potentissimâ intercessione.

In hanc rem notauit aliquid Tertullianus, quoniam nescio an aliud magis ingeniosè excogitatum, in eius libris reperiatur. Annotamentum illud est, quod primo miraculo suo, quo Filius Dei paralytici corpus sanauit, & peccatum condonans animam emundauit, voluit ostendere se filium esse humani generis, & habere in se aliquid, ex quo propenderet ad restituendam corpori suam bonam valetudinem, & expurgandam à culparum labe animam. Verba illius ex lib. 4. cont. Marcionem, c. 10. in fine sic habent: *Deniq; nusquam adhuc professus est se filium hominis, quam ipso loco primum, in quo primum peccata dimisit, id est, in quo primum iudicauit, dum absoluit.* Hic ergò tanquam hæres generis humani iam mortui caput benefacere animabus, condonans illis peccata.

Nec satis fuit Christo redemisse, & in locum saluationis trāstulisse animas generis humani peccato mortui, meritisque suis, & passione mortis in libertatem vindicasse: Nec contenta fuit beatissima illius Parens suarum precum suffragijs adminiculo illis fuisse, sed nominum dulcissimorum suorum efficacitate præterea volunt earum salutem amplius procurare, innumeraque ab eis pericula depellere.

Rupertus Abbas ait, dulce nomen Iesu instar velocissimi cursoris esse, qui abeat, redeatque, & ad Deum quidem nostras necessitates perferat, inde autem nobis leuamen referat, sicque semper præstò esse, ut ærumnis nostris opituletur, & succurrat inopia. Verba illius ex lib. 17. in c. 16. Ioannis ita habent:

habere: Solum huius Unigeniti Filij Dei nomen, quod est IESVS CHRISTVS, necessarium vniuersæ orationis est vehiculum, quo in calum directo per lata cursu consistat ante Patris conspectum, salutemq; de sinu eius, & gratiam fugere valeat remissionis peccatorum. Et quoniam Christus, cumque illo sanctissima eius Mater semper coram præsentibus assistunt æterno Patri, reliquerunt dulcissima sua IESVS & MARIA nomina in ore nostro, vt quoties labia ad illa exprimenda aperimus, affectuosèque ea pronuntiamus, ab innumeris periculis liberemur.

S. Germanus in Encomio, quod de Virginis dormitione fecit, sic ait: *Præsidium est nomen Virginis Mariæ, præsidium, per quod omnes, quicunque deuotè illud appellant, sunt munici non solum aduersus iniuriam Patris, verum etiam contra tentationes inimici, & malè agendi occasiones mundi. Subiungit autem hic Sanctus ibidem illud dignum attentè obseruatione: Neq; tantum haustu animæ nostræ respiciant, quantum nominis sui protectione confirmantur. Nunquam integra nobis quies; nisi quando singularis ergà nomen Mariæ pietas, & illius protectioni nos entè commendamus. Cum dubia est nobis elicius cum extremo spiritu confidentis mors, conspiciat, seu speculum ori eius apponimus, vt videamus, verum etiam num respicit. Sic ergo peccator immergitur vitij, & in tot sese flagitia ingurgitauerit, vt omnes cum iudicent mortuum, si tamen ore inuocat nomen Mariæ, habetq; illud in corde, ne illum in mortuis numerato, respiciat enim adhuc, & per virtutem illius nominis dabitur ei robur, vt extricet se à suis miserijs, & ad Deum redeat.*

Tam vehementer gaudet Filius Dei suum nomen IESVS cum dulci nomine MARIA coniunctum ire ad beneficiendum omnibus, vt sancto Ignatio Martyri videatur, quod Regina coelorum debeat vocari *Mare Iesus*. Congruit hoc cum illo B. Ambrosij dicentis, nomen Mariæ idem esse, quod *Deus ex genere meo*.

S. V.

Nomen IESVS quodammodo vult accipere nouam efficaciam ex nomine MARIAE Domine nostræ, & fuit ille vocatus IESVS Nazarenus, quia Mater Nazarena erat.

Tanti æstimauit Christus suam charissimam matrem, vt & ab ipsius agnomine honorem sibi accersere voluerit. Fuit illa Nazarena, ideoque Sal-

uator mundi voluit dulci suo nomini IESVS adiungi appellationem Nazareni, dante illi cum nouo cognomine virtutem nouam. Itaque quia mater fuit Nazarena, voluit etiam filius esse Nazarenus.

Quòd Christus Dominus noster fuerit Nazarenus non professione, aut deuotione, sed imitatione suæ sanctissimæ Matris, satis probatum dabo. Institutum Nazareorum constat ex c. 6. libri Numerorum. Nazareæ erant quidam sexus alterutrius homines, viri, seu mulieres, qui se Deo consecrabant, vt illi primum in tabernaculo, postea in templo seruarent. Erat hoc vix genus sanctissimum illius temporis, Nazareus quippe idem est, quod *separatus, congregatus, coronatus, & floridus*. Secedebant illi ex hominibus, eorumque conuictu profano, vt Dei officiis in tabernaculo, vel templo vacare impensius, & maiores in virtute progressus facere possent.

Philo Hebræus in lib. de sacrificijs ait, votum illorum fuisse sanctissimum, & maximum omnium, quæ illa ætate Deo nuncupabantur. *Magnum hoc votum appellatur*, inquit ille. Et sanctus Cyrillus in l. de ador. in spiritu vult illorū votū fuisse omnium celeberrimum, quæcunque fiebant Deo. Quod votis se obligauerint, patet ex c. 6. libri Numerorum vbi sic habes: *Cum fecerint votum in aqua, &c.* Institutum, quod profitebantur, erat, non bibere vinum, quod constat ex eodem capite, vivere sobrie, non tangere mortuos, alere capillamentum in signum obedientiæ, & offerre Deo quædam sacrificia. Hoc ergo illos Nazareos faciebat, quod ad nouam in singulos dies perfectionem aspirabant.

Ex his omnibus fit, quod Christus non potuit esse Nazareus siue ex professione, siue ex obligatione religionis. Nam si finis instituti Nazareorum erat contendere ad nouam virtutem, & ad maiorem sanctitatem coniti, repugnabat Christo amplecti eum viuendi morem, quia non potuit maiorem cum tempore comparare virtutem, vel gratiam, qui tantam quantam potuit, ab initio conceptionis suæ habuit, de quo Concilium Constantinopolitanum sic habet: *Si quis dixerit, Christum ex aliqua actione, & ex aliquo opere melioratum fuisse, anathema sit.* Secundum hæc ergo non potuit Christus Nazareus esse professione, sed tantum imitatione matris, quæ Nazareæ fuerat.

Quòd Regina coelorum fuerit Nazareæ, id multi Patres affirmant. Sanctus Ioannes Damascenus lib. 4. de fide c. 15. sic ait: *Quemadmodum & illa Anna sterili facta, per votum & repromissionem habuit*

Samuel.

Samuelem, hunc in modum & hac per supplicationē, & repromissionem Deo Desparam offerre. Idem dicunt S. Gregorius Nyssenus, Simeon Metaphrastes in orat. de dormit. Virg. & Nicephorus lib. 1. histor. c. 7. S. Vincentius Ferrerius in serm. 1. de Nat. B. Virg. ita inquit: *Postquam habuit tres annos completos, eorum, quod fecerant, exsolvuerunt.* Tam grata fuit Christo Nazareni appellatio, idque quod & Mater Nazarena fuisset, ut demones eo nomine illi assentarentur, Nazarenumque eum vocarent, ut ne ab illo torquerentur. Sic enim dicebant apud S. Lucam c. 4. v. 34. *Sine, quid nobis, & tibi, Iesu Nazarene?* Arbitrabantur enim posse illum tali appellacione mitigare, ut non exaggeraret illorum cruciatus. Tamque notorium erat Ierofolymis, quod eo nomine Saluator mundi plurimum oblectaretur, & gloriaretur, ut cum in crucem ageretur, praeceperet Pilatus, hunc in vertice ligni constitui titulum: *Iesus Nazareus rex Iudeorum.*

Respondemus nunc titulo discursus, ostendamusque Filium Dei, ut maiorem virtutem adderet dulci suo nomini Iesu, adiunxisse ad illud cognomen Nazareni, dictusque sit Iesus Nazareus.

Plutarchus nonnullibi ait: *Multa nomina per cognomina supprimentur, & vilescunt.* Multi habent nomina honorifica Petri, Pauli, Ioannis, aliaque, quae magnam mereantur reuerentiam, sed ex quibusdam infamibus factis tam sordidas habent cognominaciones, ut ex his ipsa etiam nomina foedentur, & decurruntur. Hoc est, quod vult Plutarchus, cum ait: *Multa nomina per cognomina supprimentur.* Non sic euenit Filio Dei, immo verò ut vim, efficacitatemque nouam adiungeret suo nomini Iesu, arripuit cognomen suae purissimae matris, vocatusque fuit Iesus Nazareus.

Atque ut intelligatur, quo in pretio sit apud superos nomen Mariae, & quanta apud sanctissimam Trinitatem valeat autoritate, dicit San. Anselmus in lib. de excellent. Virg. c. 6. ista: *Velocior est nonnunquam salus inuocato nomine Mariae, quam inuocato nomine Domini Iesu Christi Filii tui.* Et ne quis ea sinistrè acciperet, subiungit statim sanctissimus Doctor: *Et id quidem non ideo fit, quod ipsa maior, & potentior eo sit, aut efficacior virtus nominis Mariae, quam Iesu, sed quia supra in coelis decretum est, ut Christus sit praeses iustitiae, iuxta illud Ioan. 5. v. 22. Pater non iudicat quemquam, sed omne iudicium dedit Filio; & Virgo domina nostra est praeses tribunalis misericordiae, ut omnes, qui infelicè ab alto tribunalis expectare causae suae exitum poterat, pri-*

mo illam in consilio misericordiae tractent, ubi Regina coelorum praesidet, ut hic mitigata transeat ad iustitiae tribunal, illiusque iudicium iam fidentius subeat.

Hinc arripuit occasionem sanctus Germanus Archiepiscopus Constantinopolitanus in serm. de Zona Virg. ut diceret: *Nullus est, qui Saluum fiat, nisi per te, o Virgo sanctissima, nemo, cui donum concedatur, nisi per te, o Virgo castissima, nemo, cui conferatur, gratia, nisi per te, o Virgo prudentissima.* Et quemadmodum si quis in aula annuam pensionem ambiens, pro ea impetranda consilium Indiarum de propaganda fide adiret, meritò audiret, longas, & inutiles ambages facere, ad consilium prouentuum regionum pergere debere: Ita cum Deus statuerit, ut omnia gratiarum beneficia, quae de coelo huc deferuntur in terras, & causae, quae à terra transmittuntur in coelos, transeant per manus suae sanctissimae matris Virginis dominae nostrae, si quis rectè ad tribunal Filii eius contenderet, circuitum faceret, dicique ei posset, ut matris tribunal primò adiret.

Et hoc sensu loquitur B. Anselmus, cum ait: *Relucet nonnunquam salus memorato nomine Mariae, quam inuocato nomine Iesu, non quia hoc nomine illud sit efficacius, sed quod Filius Matri deferat, ut suis precibus misericordiam exobsecret his, quos illius iustitia damnare poterat.*

Quod autem Filius suo dulcissimo nomini Iesu adiunxit cognomen Nazareni, arripuitque appellacionem Matris, id non ob aliud factum existimo, quam ut duplo auctiores fiant census: Nam Iesus Nazareus idem est, quod Iesus Maria; ea verò nomina coniuncta necessum est, ut maiora caelo pendant tributa.

Obseruatu dignum, quod S. Ambrosius in Ps. 118. de nomine Iesu, deque prouentibus, & com-modis, quae nobis parit, loquitur, dicens: *Christi nomen tibi munificum, tibi fructuosum, tibi tributa dependit, & bona tributa, non pecunia, sed gratia.* Nota in his illa: *Christi nomen tibi munificum,* cumulat enim donis illum, à quo inuocatur, fructusque caelestes piis suis adfert cultoribus.

Magnus Tertullianus in suo Apologetico c. 13. dicit aliquid per ludibrium de Gentilium deastris, quod in nomine Iesu, & Mariae optimè quadrat: *Dis quò magis tributarii, magis sancti, immò quò magis S. magis tributarii?* Quod per iocū de illis diis fictitijs affirmatur, id verissimè est, si de dulcissimis nominibus Iesu, & Mariae asseras. Haec namque quia

sanctissima, sunt etiam maximè tributaria, Iesuque & Mariæ par est pietas, & munificentia, prolixitasque erga homines, à quibus religiosè coluntur, & ardentèr inuocantur.

S. VI.

Omnia nomina Regine complectitur vnum illud MARIÆ, quod est scrinium cunctorum illius meritorum.

SANCTUS Epiphanius in lib. de laud. Virginis ait: *Maria plurimum nominum, & multocula effecta est. Vt virtus omnium Dei nominum comprehenditur vnicò nomine Iesu, ita cognomina Virginis de Rosario, de Carmelitis, de Mercede redemptionis captiuorum, de Monte ferrato, de Rupè Franciæ, & quotquot alia eiusmodi sunt, per quæ illa succurrat suis cultoribus, voluit Deus complecti hoc nomine Mariæ, quod est omnibus superius.* Idem prius Pelusiora lib. 3. Epist. 408. ait, bona Ecclesiæ nomina esse illius scrinia, in quibus eiusdem diuitiæ conferuntur: *Ornamentorum suorum thesauri, & a reclusa habent.* Si quis scire velleret, quàm sit dulce nomen Mariæ, quàm efficax ad consolandum, quàm potens ad expellendos demones, illi sat fuerit dicere, esse scrinium, in quo merita illius recondita custodiantur.

SANCTUS Paulus ad Philip. 2. ait, Patrem æternum dedisse Filio suo nomen, quod est super omne nomen. Quomodo vocatur illud nomen, quod est super omne nomen? Iesus. Dicit nunc magnus Tertullianus: *Cuius tamen humilitatis statim egregium fructus adest, accepit enim nomen, quod est super omne nomen.* Quando Pater æternus vidit Filium suum se demittere, ac humiliare ad mortem vsque tam ignominiosam, quàm fuit illa crucis, mox decreuit illum remunerare nomine, quod dignitatis suæ præstantiâ omnibus antecelleret, admirabilemque illum Angelis, & hominibus, superis, & inferis redderet, ut in illo omne genus flecteretur celestium, terrestrium, & infernorum. Ad eundem modum, quando vidit Deus humilitatem illius, futuram, quæ futura erat mater sua, voluit & illi dare nomen, quod esset super omne nomen; hoc est Mariæ, cui, coelum, terra, ipsi adeò inferi reuerentiam deferret.

SANCTA Brigita lib. 1. reuelat, c. 9. de hac re sic ait: *Angeli boni audito hoc nomine statim magis appropinquant iustis, quibus dati sunt ad custodiam, & gaudent de profectu eorum.* Velut ad fauim mellis apes aduolant, sic accurrunt Angeli ad eos, qui nomina Mariæ implorant.

Franciscus Venetus in harmonia mundi Tom. 2. c. 2. ait: *Velut nolint demones genua flectunt, quando nomen Iesu pronuntiatum est.* Tantundem dicit sanctus Gerardus in lib. de laudibus Virg. his verbis: *Inuitus quoque infernus inuocato nomine Mariæ soluit, & procacissimi demones clamant.* Et sanctus Bonauentura in speculo ait: *Non sic timent hostes visibiles castrorum aciem copiosam, sicut aërea potestates Mariæ vocabulum.* Habet id priuilegii hoc dulce nomen, ut omnes illud reuerentur, & metuant, tam Angeli, quàm demones.

Dicit præterea sanctus Bonauentura illud de Mariæ nomine plenum consolatione: *Gloriosum, & admirabile est nomen tuum, qui illud retinent, non expauescent in puncto mortis.* O magnificentiam nominis MARIÆ! Si in illa terribilissima mortis hora dulcissimum illud nomen implores, poterit metum omnem potes, demones enim fugam capessunt, Angeli accurrunt, sanctissima Trinitas ex grotto suam benignitatem, opemque offert, & spernit facit, quòd felici morte defungatur. Propterea S. Brigita ubi supra dicebat: *Omnes demones reuerentur, & timent, quia audientes hoc nomen Mariæ statim relinquunt animam,* quàm diu obfuderunt, & acriter oppugnantur.

O quo in pretio nobis omnibus esse thesaurus ille debet! Non dimittamus ex ore nec in vitâ, nec in morte tantæ efficacitatis nomen, in quod Deus virtutem omnium nominum ipsius transfundere voluit. Sanctus Bernardus lib. 1. de nom. Virg. ait: *Sicut Deum ipsum non vno tantum nomine nominamus, sed multis, & sic eius incomprehensibilitatem enuntiamus, sic & gloriosam Virginem multis nominibus designamus, nunc lucem, nunc solem, & huiusmodi nominare solemus, & sic ad sublimitatem eius cognoscendam venimus.*

Ut cognitione attingamus magnitudinem huius domine, virtutumque illius heroicarum & potentiarum, quæ clientibus suis opitulatur, aliquando illam vocamus auroram, quæ sit prænuntia Solis Christi, aliquando lucem, quæ illuminet, aliquando palmam, quæ remuneret, aliquando platani, quæ inumbret, aliquando rosam, quæ suarum consolationum odorem exhalet, aliquando myrrham, quæ malarum conscientiarum vermes mactet, aliquando ballamum, quia peccati vulnera sanat. At qui vult nomina illius omnia vocabulo vno complecti, quòd habeat tantam virtutem, quantam omnia, is Mariam appellat.

Dicamus id, quod maximum dici de hoc dolci Mariæ.

Matris nomine potest. Quæro, quid causæ sit, quòd cum hoc nomen tantam habeat confortandi efficacitatem, Christus illo usus in cruce non fuerit, quando ait: *Mulier ecce filius tuus*? Cur non dixit: *Maria ecce filius tuus*? Si enim ita locutus fuisset, habuisset forsitan illam consolationem, quam à Patre expectabat.

Non fuit obliuio, quòd nomen Matris proprium prætermisit, sed amoris artificium, qui voluit, ut Christus abique consolatione, & leuamine aliquo pateretur, quidquid tolerare poterat, & ita si omnium Martyrum tormenta, & cruciatus in vnum cumulum congeras, & cum doloribus Christi componas, ad acerbitatem eorum peruenire non possunt. S. Iob c. 3. dicebat: *Pereat dies in qua natus sum, & vox, in qua dictum est, conceptus est homo*. In catena Patrum Græcorum declaratur, quare Iob talia dixerit, quæ per contumeliam, & cum stomacho dicta videntur, & tamen animo malo non sunt prolata. Catena Græca sic ea verba reddit: *Pereat dies, in qua natus sum, & vox, in qua dictum est, ecce masculus*. Olympiodorus sic exponit: *Detestatur etiam eos, qui eum marem nuncuparunt, quòd crederet eiusmodi Dominum fuisse, ei, maris nomina propriè conuenire, eò quòd ille solus masculino animo atrociores pœnas tulerit, quam omnes simul martyres*. Hinc intelligis, cur Dei Filius, cum esset in cruce, dixit: *Mulier ecce filius tuus*, & non dixit, *Maria*, nimirum quia huius nominis suauitas omnem illi dolorem ademisset, nec quidquam pati permisisset.

S. Epiphanius de hoc dulcissimo Nomine ait: *Nomen Maria interpretatur myrrham maris*, scilicet passionis Domini nostri Iesu Christi. Solebant veteres his, qui ad mortem ducebantur, propinare myrrham, quia illorum membra obtorpescebant, ut non sentirent cruciatus. Si ergo Christus in cruce positus dixisset: *Maria ecce filius tuus*; nomen hoc illi pro haustu myrrhæ fuisset, sensumque omnem doloris sustulisset, & pati non fuisset, ac propterea cum patri quantum posset, vellet, de nomine Matrem non appellauit, ut istam sibi subtraheret confortationem.

O dulcissimum Nomen! O quam felices, & fortunati, qui te crebrò implorant, cordeque, & orationem degustant suauitatem, & ingentem virtutem! Centies, & millies beatus Venerabilis Pater Magister Frater Simon de Roxas, quem pro sua insignis sanctitatis merito propediem videbimus albo Sanctorum adscriptum. Ille fuit Angelicus Magister,

qui nos omnes docuit iustam habere dulcissimi huius Nominis estimationem. Offeratur corona Religioso Ordini, cui à Sanctissima Trinitate, & redemptione captiuorum nomen, is enim primus fuit, qui in aula Regis Catholici Madritensi publicum festum ad honorem dulcissimi Nominis Matris instituit, Romæque obtinuit, ut celebrari, & festis adiungi cæteris possit.

Gloriemur omnes, quotquot piè ergà hoc Nomen afficimur, & serui tam potentis Domine sumus, de qua sapientissimus Idiotæ in tract. de laudib. Virg. c. 5. ait: *Maria doctrix, & magistra maris appellatur*. Ad Pharum Ianuensensem, credo alludit, quæ nocte nauigantibus portum ostendit, quod alibi quoque diximus. Nemo speret portum ingredi salutis, nisi hanc Dominam cursus sui habeat directricem.

In c. 3. eiusdem tractatus dicit idem Idiotæ: *Tu doctrix fuisti Doctorum, & magistra Apostolorum*. Apostoli Spiritu Sancto pleni, & scientiâ infusâ ornati, ut faciliorem reperirent excitandæ Ecclesiæ rationem, Mariam elegerunt Magistræ. Cum ergo illi, qui è cœlo habebant scientias infusas, non audebant officij sui opus aggredi absque institutione Matris, si tu peccator infelix, qui tenebris ignorantie es involutus, vis eas euadere, & recto cursu pergere ad gloriam, & beatitudinem, ad quam es conditus, ingredi hanc scholam, & Magistrâ vere Mariâ, illa enim tibi obtinebit lucem, perseverantiam, spiritus feruorem, & gratiam, quæ sunt pignora gloriæ, quam mihi, & vobis, &c.

De Angelo Custode Matris Dei.

Autore Ad. R. P. M. CRISTOPHORO
de AVENDANNO Carmelitâ.

Interprete F. Ioanne Freylinck Ordinis
Prædicatorum.

Missus est Angelus Gabriel à Deo in ciuitatem Galilææ ad Virginem desponsatam viro, cui nomen erat Ioseph. Luca: I.

S. I.

Virum Mater Dei egerit Angelo Custode, & quis ille tam fortunatus spiritus fuerit?

Pono Matrem Dei fuisse absque omni originalis culpæ macula conceptam, simulque natam, & sanctificatam, tantâque gratiâ à prolixo, & permunitico Deo exornatam, ut peccare, & culpam qualemvis contrahere non posset. Queritur ergo, verum Maria, quæ sic confirmata in gratia fuit, ut peccare non posset, opus habuerit Angelo Custode, à quo defenderetur, quemadmodum habuerunt omnes posterii Adæ, & quis fuerit ille tam felix Angelus?

Veritas est, quod absolute loquendo non indiguit Angelo Custode, quia non potuit deuiare à virtute, & inclinare in quamcunque etiam minimam imperfectionem. Nihilominus ad maiorem pompam, & magnificentiam assignauit illi cælum Angelum Custodem. Ita dicit Guilielmus in 2. d. 2. apud Pelbartum to. 2. aurei Rosarii, verbo *Angelus*. Verba illius sic habent: *Virgo eius sanctificata, habuit Angelum Custodem.*

Sanctus Vincentius in serm. 2. de Natiuit. Virg. ait, quod cum hæc Domina suum esse accepisset, momentumque Conceptionis appetiisset, quo Deus creat animam, & infundit corpori, omnes Angeli per reuelationem acceperunt, quod illa puella esset futura Mater Verbi, celebrâruntque Festum Conceptionis, cæperuntque tunc certatim ambire istam felicitatem, ut esse possent illius Custodes. *Statim Angeli fecerunt Festum Conceptionis Virginis Mariæ*, inquit ille, expectâruntque eam beatitudinem ut illam stupare, & tutari possent.

Esse Angelum Custodem Mariæ tam magna, & honorifica res est, ut plurimi hanc vehementer ambirent dignitatem. Sed quis ille fuerit, sub varia Patrum est opinione. Sanctus Odon in expositione Canonis dist. 3. vult, quod Spiritus Sanctus fuerit Angelus Custos Mariæ, dicitque, *Beata Virgine custode Spiritu Sancto sine ulla culpa vixisse*. O magnitudinem Dei Matris, quam ipse Spiritus Sanctus custodiendam suscipere voluit!

Neque hoc miror, quia Rupertus Abbas exponens illa verba, *Spiritus Sanctus superueniet in te*, &c. dicit, Spiritui illi æterno nunquam in sacris literis dari nomen Sancti, nisi post Incarnationem. Dicitur alibi *Spiritus Domini*, *Spiritus sapientie*, *Spiritus timoris*, sed Spiritum Sanctum ante Incarnationem appellatum in toto vetere Testamento non reperies.

Rupertus ait, tam admirabile fuisse Incarnationis opus, ut Spiritus Sanctus ex illo, & ex eo, quod Virginis Sponsus fuit, effici Sanctus potuisset, nisi aliquin fuisset. Quid mirum ergo, quod gaudius fuerit, quod esset illius Angelus custos?

Sanctus Bernardinus Senensis tom. 1. Concion. art. 1. c. 6. ait, quod Christus, quamdiu vixit, fuit custos Virginis Matris, & noluisse illam alteri curandam relinquere, & quauis talium Angelorum officium sit seruire suis clientibus, Christum ipsum tamen lætauter ministrasse suæ Matri, eamque custodisse. Verba illius hæc sunt: *Ille enim, qui filius est, Virgini benedicta famulabatur in terra, & erat subditus illi.*

Alanus in 4. Cant. ait, multos fuisse Angelos custodes Mariæ, dicens: *Maria tortus conclusus Angelorum custodia circumscriptus*. Sepimentum ergo, intra quod tuta latebat Dei Mater, ex multis Angelis constatum erat.

Et Sanctus Bernardinus Senensis serm. 51. art. 3. ait, sine numero fuisse Angelos custodes Virginis. Verba illius repeto: *Affuit Virgini Angelorum protectio, assidebant illi innumerabiles Angelorum multitudines in eius protectione, præ enim creditur, quod plurimas legiones habuit Angelorum ad custodiam.*

Nec inelegantior est commentatio Gregorij Nicomediensis in orat. de obitu Deiparæ, ubi sic dicit: *Oportebat non tantum salum seruire Angelam, sed decies mille milia eam stupare.*

S. Ioannis Chrysostomi hanc in rem sententia grauior est, quam his verbis expressit: *Infirmam militiam Angelorum ad gloriosissimam Mariam obsequium deputatam nullatenus ambigimus, qui cauerent, ne præparatum æterni Regni hospitium hostes incendere. Si regem terrenum, & caducum plurimi semper stupant satellites, & bipennisiferi, non quod offendi à quoquam timeat, sed ad pompam, & luculentiorum suarum magnitudinis ostentationem, quid miremur, quod Regina cælorum, ac terrarum innumeros ab officiis habuerit spiritus cælestes?*

Sed hæc generatim. Inquiramus nunc, quis ille scorsim, ac singulariter fuerit Angelus Custos Mariæ Virginis. Franciscus Ximenes lib. 2. vitæ Christi affirmat, Sancto Gregorio Nazianzeno per reuelationem indicatum, quod Archangelus Michael fuerit custos Mariæ. Eadem est sententia Sancti Donauenturæ in speculo c. 3. ubi dicit: *Michael dñx, & princeps militia cælestis cum omnibus spiritibus administratores suis, Virgo, parat præceptis in defendendis*

tendis in corpore, & suscipiendis de corpore animabus fidelium.

Verum dicamus id, quod magis securum est, & certum. Angelus Custos Virginis fuit Archangelus Gabriel, illius tanta fuit felicitas, ut hæc illi præ alijs gratia tam singularis obveniret. Hæc est opinio S. Ildephonsi, & verba illius ista: *Gabrieli Archangelo eius tota causa commissæ est.* Alij Angeli, qui stipabant Virginem, velut serui erant, S. Gabriel autem eorum Princeps, qui alijs imperabat, sollicitusq; invigilabat suæ Reginæ officijs, & custodiæ, & quanto studio eam custodiebat, tanto curabat, ut victum ei pararet, & omnia, quæ ad illius quietem faciebant, prouideret.

Idem existimat Sophronius in serm. de Assumpt. Virginis Mariæ, ubi sic habet: *Angelus Gabriel & celestis paranympheus Virginem Mariam intactam custodivit.* Postquam hanc ostendimus veritatem, transeamus ad alium discursum.

§ II.

Virum Beatissima Virgo ut habuit custodem Angelum, habuit etiam alium tentatorem?

Abbas Antiochus in homil. 61. ait, à primo conceptionis momento nobis duos dari Angelos, alterum bonum, qui nos custodiat, improbum alium, qui suis tentationibus nos semper exerceat, ut gloriosior sit nostra victoria, & insignitior triumphus. Verba illius sunt eiu modi: *Duo Angeli dati sunt homini assessor, unus quidem iussu amantissimus, aliter vero malicia omnis inventor malignissimus.* Ad hæc alludit S. Paulus 2. Corinth. 12. dicens: *Darus est mihi stimulus carnis meæ, Angelus satanae, qui me colaphizat.* Maiestati ergo Christi datum est deputare nobis Angelum bonum, qui nos custodiat, & Luciferi concessum est addere nobis malum, qui tentet.

Hæc etiam est doctrina Tertulliani, nempe quod Lucifer homini cuilibet mox ut conceptus est, assignat dæmonem tentatorem. *Cuius hominum non habere spiritum nequam ab ipsa etiam tanta naturæ animæ ancipitibus?* inquit ille. Sanctus Hieronymus in Plal. 107. de malo dæmone nostro tentatore ait: *Questionarius Domini est.*

Res est, quod Lucifer, cum dubitaret, virum Christum esse filium Dei, & Maria eius mater, quæ primùm illum vidit editum in lucem, statim illi, velut alijs hominibus, adiunxit dæmonem tentatorem. Id aperte videre licet apud S. Matthæum c. 4.

ubi dicitur Christus fuisse tentatus. Et sanctus Lucas ait, quod diabolus reliquit eum ad tempus, cum superare non posset. S. Thomas exponens ea Lucæ verba dicit, reliquisse vique ad tempus crucis, velut sibi persuasum habens, posse de illo in morte triumphare, quandoquidem id in vita facere non potuisset. Ex quo colligitur, cum Filius Dei habuerit dæmonem tentatorem, Reginæ coelorum etiam suam additum.

Quod verò ad tentationes attinet, magnum fuit Christum inter, & illius Matrem discrimen, quia Christus indubitato tentatus fuit, ut constet ex dictis Evangelistarum, Maria minimè, nam quando illa contriuit caput serpentis in sua conceptione, sic is tunc debilitatus, exanimatusq; fuit, ut amplius eam tentare ausus non fuerit nec in vita, nec in morte. Vide quæ hæc de re dixi in sermone de Conceptione Mariæ.

Hinc accipitur, quo in pretio habenda virtus. Non potuit illius iacturam facere Maria, nihilominus illi dari fuere Angeli custodes ad tutelam, ad significandum, tam magnam rem esse virtutem, ut custodiri debeat, tamen si perdi, nequeat.

S. Matthæus, ait, quod post superatas à Christo tentationes, & devictum dæmonem venerint Angeli, qui eius custodiæ deputati erant, & illi servierint. S. Petrus Chrysologus in quodam sermone de tentatione ait, quod tamen si per se solum poterat Christus obtinere victoriam, voluisse nihilominus totos Angelorum exercitus habere in excubijs, & propugnatores. Indigebat illorum opitulatione? Non indigebat. Voluit atamen Angelos habere custodes, & satellites, ut indicaret, quanti æstimanda esset virtus, sic ut illa, quæ perdi non potest, custodiat, ac si eripi, aut perire posset. Verba illius sunt: *Quamvis solus posset obtinere victoriam, propter nos, & propter nostram formidinem adesse iussit tota præsidia de supernis.* Quod enim quis sanctior est, eo diligentius debet custodire virtutem. Quando sponsa etiamnum iuencula erat, & similis tenero pampino, dormientem in sponso lecti sexaginta milites, & satellites stipabant. De qua re sic habes Cant. 3. *En lectulum Salomonis sexaginta ambiant ex fortissimis Israël, omnes habentes gladios, propter timores nocturnos.* Adultæ autem facta, cum esset adornata virtutibus, & à sponso vinea vocaretur, non sat illi erant tot custodes, sed mille, & ducentos requirebat. Sic enim dicitur Cant. 8. apud S. Ambrosium lib. 1. de Virginibus: *Vinea mea est in conspectu meo, mille Salomon, & ducentis*

in, qui seruant fructum eius. In quæ sanctus Doctor sic differit: *Supra ait, sexaginta potentes in circuitu propaginis eius stridit armatos, & eruditos pralariibus disciplinæ, hic mille, & ducentos. Creuit numerus, ubi creuit & fructus, quia quo sanctior quisq; eo munitor. Quamdiu paruulus pampinus erat, sexaginta custodes illi seruant, cum autem vinea facta est, mille, ac ducentos requirebat. Itaque quod maior efficitur virtus, eo diligentius custodiri debet, enixiusque & sollicitius esse studium conseruandæ etiam illius, quæ perdi non potest, sed extrâ omne iacturæ periculum est.*

§ III.

De laude Angelî, qui custos Virgini datus, & quod in sacramento dominice incarnationis voluit Deus velut in compendium redigere maiorem partem mysteriorum, quæ habet Ecclesia.

Sanctus Archangelus Gabriel custos Mariæ est. Siquidam ex magnatibus, & supremis aulæ cælestis principibus, Deoque maximè vicinis. S. Bernardus vult esse Seraphinum, & summum eorum, colligitque hoc ex eo, quod Euangelista dicit: *Missus est Angelus Gabriel à Deo, tanquam immediatè ab illo delegatus. Nisi enim ex summis, & Deo proximis fuisset, alius illum Angelus superior illuminasset, destinasset, nam in ordine Hierarchiarum à superioribus docentur, & diriguntur inferiores. Cùm ergo Euangelista dicat, Gabrielem à Deo, subaudi immediatè, missum, inde eruitur, fuisse illum supremum, vel ex superioribus quendam Hugo Cardinalis luculentè affirmat: Gabriel est de supremo ordine.*

Magnitudo illius ex eo æstimari potest, quod dicit S. Petrus Chrysologus, fuisse illum ablegatum ad confirmandam, corroborandamque Mariam, ne sub onere beneficii, quod in illam conferebatur, succumberet, & corrueret, quia reuera beneficiorum ingentium, & singulatiuum pondus tantum est, ut nemo sit ferendo. Hanc in rem sic ait Tertullianus: *Quorundam bonorum, sicuti & malorum intolerabilis magnitudo est. Cùm ergo beneficium incarnationis super omnia emineat, non habuisset Virgo vires illius ferendi, & propterea S. Gabriel datus est ei custos, & missus nuntius huius mysterii, ut eâ confirmaret, & constabiliçet. Verba illius ex ferm. 142. talia sunt: Audistis fragilem nostram carnem naturam ad portandam totam Deitatis gloriam Angelicâ*

exhortatione roborari. O magnitudinem Archangelî Gabrielis, qui electus in illa cælorum aula fuit, ut excellensissimam creaturarum, præstantissimam hominum, omnibus gratis ornatissimam, & cumulatissimam corroboraret, & iuuaret in ferendo beneficio illo, quod in visceribus suis, intrâque vterum susceptura erat, hoc est, verbum Dei incarnatum. Deniq; ne tanto ponderi cælestis fabrica in Maria subtili vestri corporis arena succumberet, & in Virgine totum generis humani portatura fructu virga tenens frangeretur, fragitura metum vox Angelî mox præcessit, dicens: Ne timeas Maria, adiungit idem Chrysologus.

Emipentissimo Cardinali Hugoni Gabriel idem est, quod confortatur me Dominus. O magnificentiam Archangelî tam potentis, ut confirmare Regnam cælorum quiverit, eamque quæ omnes corroborat, confortare! Ille sine dubio est maximus Angelorum omnium, quotquot DEVS creauit, & eorum, quos suprema hierarchia complectitur, perfectissimus, ut cui à Deo concessa virtus confortandi Virginem, & Christum adeo ipsum in horto.

Hic Archangelus Virgini nuntiavit mysterium Incarnationis, quod est Epilogus maximorum mysteriorum, quæcunque habet Ecclesia. Bene hoc expendit Habacuc Propheta c. 3. sui vaticiniij, ubi de hoc mysterio loquens sic dicit: *Deum ab austro veniet, & sanctum de monte Pharan, Operuit calos gloria eius, & laudis eius plena est terra. Splendor eius sicut lux erit, cornua in manibus eius, ibi abscondita est fortitudo eius, ante faciem eius ibi mors, & egredietur diabolus ante pedes eius, stetit, & mensus est terram. Nescio an sic scripturæ locus alius, qui tam benè ponderet mysteria, quæ concurrerunt ad incarnationem, quàm iste, ut propterea plerique Sanctorum Patrum ingenij sui experimentum in eo explicando fecerint.*

S. Augustinus lib. 16. contra Faustum Manichæum, & lib. 18. de Civitate Dei, & Sanctus Irenæus lib. 5. aduersus hæreses c. 23. volunt hunc locum iuxta litteram intelligi de mysterio Incarnationis, & S. Augustinus legit: *Deum ab austro veniet, & nascetur in Bethlehem.* Theodoretus ait, in his verbis inclusum esse mysterium incarnationis, & natiuitatis Filij Dei, Idem affirmat S. Hieronymus in lib. de locis Hebraicis.

Inhæreamus expositioni S. Augustini: Quod noster Vulgatus habet: *Deum ab austro veniet*, id ille sic legit, & exponit: *A meridie, à ferore charitatis veniet, ab austro, id est, contra agilonem, aduer-*

sus dæmonem, ut soluat, & evertat machinationes illius: quia *ab Aquilone pandetur malum*, ut habes Jerem. 1. 14. *Et Sathanus de monte Pharan*. Hic fuit mons umbrifus, in quem se recepit cum Moyse Deus, ut illi præscriberet modum, quem in electione septuaginta seniorum observare deberet, qui fecerunt initium concilij Sanchedrim. De umbrifero ergo monte Pharan Deus descendisse fertur, quia Christus descendit ex pectore æterni Patris, in quo semper latuerat, ut verè de illo dixerit Isaïas: *Verè tu es Deus absconditus*.

Pergit Propheta, & ait: *Opernit celos gloria eius*. Gloria in sacris literis sæpè accipitur pro gloriosè facto, & illo eximio, ac singulari incarnationis facinore *aperuit Christus celos prædestinatum*.

Adiungit mox: *Et laudis eius plena est terra*, propter latitiam, quam ex incarnatione percepit mundus, & addit: *Cornua in manibus eius, sibi abscondita est fortitudo eius*. Regnis, & Imperijs solet Scriptura dare nomen cornuum. Dicit ergo Propheta: Assumat Dei Filius carnem ex Virgine, nascaturque ex illa, & *cornua in manibus eius*, cadatque regnum cum temporale, tum spirituale in manibus eius. Ita exponit S. Hieronymus.

Dicit adhuc Habacuc: *Ante faciem eius ibit mors*, præcedetque Christum, ut mundus videat illum esse Dominum vitæ, qui ad omnipotentis suæ manifestationem voluit ut mors præiret. Qui pernecitate pedum valet, eamque vult ostentare, solet illi, quocum cursu certat, permittere, ut se passus tres, aut quatuor præuertat, quod ubi fecit, tunc contentis neruis quam potest incitatissimè, celerissimè persequitur, præuenitque alterum, & constitutum præmium illi præcipiens simul celeritatem suam prodit. Sic Deus voluit ut mors ante faciem eius iret, totq; passus præcedere permisit, quot fuerunt millia annorum à creatione mundi usque ad incarnationem verbi, cumque mors tam longè iam præcucurrisset, ut naturæ humanæ prædam abriperet, vicatam perneciter aduoluit, & præuoluit, ut illi prædam è manibus extorqueret.

Concludit Propheta dicens: *Egredietur diabolus ante pedes eius*, velut alijs verbis dixisset: *Fiat Deus homo*, videatur pedibus humanis calcare terram, sic enim fiet, ut calcibus dæmonem è mundo extrudat. *Stetit S. mensos est terram*. Quod ait, *stetit*, idem est, ac si dixisset *sedisse*. O diuinum incarnationis mysterium! Quia per illud factus est Deus municeps noster, & ciuis terræ nostræ. Noster iam est,

non habent Angeli Deum factum Angelum, nos verò habemus Deum factum hominem. Et propterea S. Augustinus vocauit hoc mysterium *gratiam gratiarum*. Benedictus Deus, qui voluit incarnari, ut daret nobis occasionem ipsum perpetuò exaltandi.

S. IV.

Spiritus Sanctus nunquam habuit illum titulum sancti in sacris literis, nisi à momento mysterij incarnationis, datus autem illi fuit ob id, quod esset Sponsus Mariæ.

Spiritus Sanctus, tertia summæ Triados persona, semper in seipso Sanctus fuit, non inuenimus tamen in sacris literis hoc nomine fuisse appellatum, nisi quando verbum Dei in utero Virginis fuit incarnatum, & hic superus Spiritus Mariæ Sponsus fuit, isque fuit, cui hoc incarnationis opus attribueretur. Hæc est observatio Ruperti Abbatis in c. 1. Matthæi, & verba, quibus hoc affirmat, digna sunt notari. Ait ergo, quod diuinus hic Spiritus priusquam fuisset autor incarnationis, aliquando *Spiritus Domini*, aliquando *Spiritus Dei*, aliquando *Spiritus fortitudinis*, aliquando *Spiritus Sapientia* dicebatur, Sanctus autem non nisi in incarnatione vocatus fuit, quando Angelus dixit: *Spiritus Sanctus superueniet in te*. Noluit Deus illum vocari sanctum, nisi hac occasione. Verba Ruperti grauiasunt, & sic habent: *Maximè ex hoc opere, quod in Maria operatus est, claruit hic Spiritus Domini, quod verè sanctus sit*. Concinnatio humanitatis verbi intra uterum Virginis Spiritum sanctum, quis, qualis uel esset, quam maximè detexit. Hic suam charitatem, sapientiamq; enudauit, hic sanctum se demonstrauit constructione tam admirabilis operis, quod remedium totius mundi futurum erat.

Hinc elucet magnitudo sanctitatis, & puritatis Mariæ, quæ tanta fuit, ut Spiritum illum, tametsi sanctus non fuisset, facere sanctum illa potuisset, quod Sponsus ipse esset. O puritatem Mariæ viscerum singularem, quia in se continebant eum, qui Deus erat, virtutemque habebant sanctificandi in ordine ad creaturas Spiritum sanctum, eò quod Sponsus illius fuit!

Magnus Tertullianus c. 3. libri, quem de baptismo reliquit, obseruauit, quod Spiritus sanctus, quàm primùm vice mundo se manifestauit, in aquis velut conqueuit. *Spiritus Domini ferebatur super aquas*, inquit Moyses Gen. 1. & quasi currum ex ea fecit.

Sciscita-

Sciscitari hic possumus, quamobrem Spiritus sanctus plus illo quam alio elemento oblectatus fuit? Respondet Magnus Africanus, cetera elementa fuisse inculta, & infirma, aquam vero statim ab initio cum omni puritate conditam. *Habet homo in prima vena aquarum, id est, elementum aquarum, quod diuini Spiritus, sed est gravior quidem ceteris*, inquit ille, moxque addit rationem, dicens, cetera elementa minus grata fuisse, quia rudia erant, & impolita, Deus autem non amat quiescere nisi in rebus mundis & absolutis, perfectisque.

Et si volumus magis perspicuum fieri, cur Deus aquis tanquam curru vehi, & super eas ferri voluit, inueniemus non ob aliud voluisse, nisi ut experimentum faceret quietis, quam captaturus erat in purissimis visceribus Mariæ.

Tria in hanc re adfert Tertullianus valde notabilia in libro, quem de Christi carne fecit, c. 2. explicans illa verba Davidis ex Psalm. 21. *Tu es, qui extraxisti me de utero Matris meæ*. Hæc ille sic legit: *Tu annulisti me*, statimque subiungit: *Ecce vnum*, velut dixisset. Esto hoc primum mirandum, quod verbum Dei tam erat valide adstrictum visceribus Mariæ, ut necessarii esset æterni Patris omnipotentæ brachio inde euelli, quo in mundum prodiret, ac nasceretur.

Dicit post hæc Psalmista: *In te profectus sum ex utero matris meæ*, legit Tertullianus: *super te profectus sum ex vulua*, & addit: *Ecce alterum*, scilicet mirandum. Quare illud: Quod Pater æternus Filium suum prodeuntem in lucem mundi suæ diuinitatis gremio excepit. *Super te profectus sum ex vulua*, tam puris namque è visceribus egrediens non voluit alio sinu excipi, quam sui æterni Patris, ita ut illius profectio non fuerit alia, quam ex utero Mariæ ad diuinitatē, & à diuinitate ad uterū Mariæ.

Et propterea merentur diligentem attentionem illa verba Angeli: *Ecce concipies in utero*, in quibus videntur redundare illa, *in utero*. Nam si conceptura erat, id aliter quam in utero fieri non poterat. At non redundant, verum Angelus id tanquam rem admirandam loquitur, velut si virgini verbis alijs dixisset: Verbum æternum tua viscera delegit, ex quibus sibi vestem acciperet humanitatis, & qui ab æterno conuiuio in pectore Patris, in illo æternitatis purissimæ sinu, putauit decenter exceptam tuam diuinitatem, quando in hospitium intemerati uteri tui diuertit.

Tertiò ad illud: *Ab uberibus Matris meæ Deus meus es tu*, exemplò adiungit: *Ecce aliud*, id scilicet,

quod Christus ex ore Psalmistæ dicit: *Ab uberibus matris meæ Deus meus es tu*. Quæro. Nonne & ante Incarnationis tempus Pater erat talis, hæc est, Deus Christi? Erat. Quando illi ab æterno dedit esse, & adornauit suis attributis, nonne erat Deus illius? Erat. Quid est ergo, quod ait, *ab uberibus matris meæ, Deus meus es tu*? Ita dixit, quia non minoris fecit lactis nutrimentum, quod suxit ab uberibus Virginis Matris, quam illud esse, quod accepit ab æterno Patre. Et à quo momento cepit alio albo liquore pretiosissimi lactis Mariæ, ab eodem videbatur sibi incepisse esse, *Deus meus es tu ab uberibus Matris meæ*.

Et non solum spiritus ille diuinus voluit sibi vstipare titulum sancti ab eo momento, quo factus est Sponsus Mariæ, obumbrans eam in Incarnatione, verum etiam Filius Dei appellationem magni accepit ex eo, quod in visceribus eius conceptus fuit. Et hoc est, quod dicebat Angelus: *Hic erit Magnus, & Filius altissimi vocabitur*. Hunc magni titulum vult illi inde aduenisse, quod in utero Mariæ conceptus fuit. Id confitetur S. Augustinus lib. 1. de Symbolo ad catechumenos, ubi dicit: *Vnde huiusmodi? Quia homo natus ex hominibus. Vnde excelsus? Quia ex Virgine*. Quod Christus ex Maria Virgine natus fuit, id illi quendam magnitudinis modum dedit.

Non minus eleganter loquitur Theodoretus expendens illa verba Psalmi 44. *Myrrha & gutta, & casta à vestimentis tuis*. Hic locus iuxta literam intelligitur de humanitate Filij Dei quæ fuit vestimentum, quo recta diuinitas. Dicit illud vestimentum fore odoratum, exhalaturumque fragrantiam tantam, ut homines post se abstraheret, postquam illud ex visceribus Mariæ extraheret. O Regina celorum verè supera, quæ Spiritui diuino titulum sancti (*Spiritus Sanctus superueniet in te*) & Filio Altissimi das titulum magni! *Hic erit magnus!*

Obsignemus hunc discursum excellentiæ Custodis Angeli, qui nuntium Incarnationis attulit Virgini. Non absque singulari mysterio factum, quod admirabili splendore vestitus aduenit, quando tanti mysterij nuntius Virginem accessit. Andreas Cretensis ait: *Diuina illuminatione responsum attulit*. Et S. Hieronymus: *Cum immenso lumine adfuit*. Illustri vestitus non obscurum inditum fuit summæ felicitatis, quam mysterium Incarnationis allaturum erat generi humano, quodq; omnia in gloriam conuertenda essent. De illo Angelo, qui visus est Dauidi sanguinolentum stringere gladium, non dicit

dicat Scriptura venisse vestitum splendoribus, sed indutum rabie, & furore, quia veniebat sublatum vitam. Verum Gabriel cum veniret nuntiaturum, quod Deus veller dare vitam omnibus, & vitam gratia, non vestiat atrum colorem, sed splendorem gloriæ, ut inde eius magnitudo elucescat.

Guerricas Abbas in quodam sermone de Assumptione Virginis ait, quod Angelus, qui per omnem vitam fuerat ipsius fidelissimus custos, appetente morte illi dixerit: Non habes quidquam, Domina, quod hoc transitus tui tempore timeas. Ego te omni debita servitutis genere semper fideliter colui, & ut Reginam observavi, neque committam, ut curam tui in morte deposuisse videar. Nihil est, quod tibi molestiam adferre poterit, transitus enim tuus erit gloriosus, sicut pura conceptio fuit. Hanc nulla macula foedavit, ita illam laboris angustia nulla occupabit. Respondit illi Virgo: Nihil horum mihi dubium est, postquam tu hic ades Angelus meus, qui perquam sollicitus es, & diligens custos. Simus ergo pij erga hunc tam fortunatum Archangelum Gabrielem, is enim devotis clientibus suis certo impetrabit gratiam, quæ est pignus gloriæ, quam mihi & vobis, &c.

De Rosario Beatissimæ Virginis Matris Dei.

Cuius Festum primâ, quæ in Octobrem incidit, Dominicâ, per uniuersum orbem Ordo Prædicatorum solenni ritu ubique celebrat.



De hoc Sacrosancto, & facili, saluberrimoque, & omni acceptione dignissimo Deum, Beatissimamque illius Parentem orandi, & colendi inuento plusculos, eosque longulos scribere sermones animus fuit, sed non permisi tempus. Quod ergo per illius angustias possum, dicam paucis. I. Quid sit Rosarium uniuersim. II. Cur Psalterium Marianum dictum. III. Quam gratus Deo istius Psalterij sonus. IV. Quid Rosarium perpetuum. Et ne sit exsucca narratio, interferam, quam sint efficaces Rosario-Marianæ apud Deum preces, quam gratæ illius auribus, quam utiles nobis, quam commodæ alijs, illis maxime, qui

Tom. IV.

dum in confinijs dubiæ æternitatis, & supremo agone constituti sunt, tam vehementer requirunt opitulationis alienæ suffragia, quam graua, variaque sunt, in quibus tunc versantur, discrimina. Materiam Nissenus subministrabit, aliunde pauca accersam.

S. I.

Quid sit Rosarium.

Rosarium igitur Beatissimæ Virginis, ut summam hanc rem perstringam, nihil aliud est, quam pia, & brevis quædam recensio mysteriorum vitæ Christi præcipuorum, & compendiariorum, ac religiosæ commemoratio maximorum beneficiorum, quæcunque ille nobis & in Matre Virgine, & in carne, quam ex ea accepit, hoc est, ab eo, quo in mundum aduenit, usque dum in coelos rediit, præstitit. Neque nuda solum commemoratio mysteriorum præteritorum, & beneficiorum præstitorum, sed coniuncta cum obsecratione, ut per illa mysteria nobis vltiora concedat beneficia, qui exhibuit priora.

Diuinum est ergo illud Rosarij inuentum, & precationis genus, idque à Spiritu S. primò inspiratum, deinde à Sanctissima Dei Matre excogitatum, ut quæ optimè noverat, per ipsum posse homines sibi Deum ita demereri, ut facilem, promptumque semper inuenire queant, quoties eius opem per illius modi preces implerent. Dabo id luculenter probatum.

S. Chrysost. ait: *Si Dei beneficia commemoramus, ad maiorem eum beneuolentiam excitabimur.* (PPP. 227. c. 2.) Rosarium, ut dixi, atque ut res certa habet, est commemoratio summaria summorum beneficiorum Dei. Ergo quisquis ad precarios Rosarij calculos Deum rogat, & beneficia eius memorat, ille ad maiorem beneuolentiam eum excitabit, gratiasque ex illo posteriores prioribus ampliores sperare potest.

Dubitas an verum dixerit Chrysostomus, cum ait, ad maiorem beneuolentiam Deum excitari commemoratione suorum beneficiorum antè exhibitorum?

Testem Chrysostomo accerso Dauidem, qui Psal. 56. aiebat: *Clamabo ad Deum altissimum*, hoc est, magnis vocibus dulcem Dominum, & pium Patrem meum appellabo, ac rogabo, ut inter angustias posito fortis opitulator succurrat. Quid verò habes, Propheta sancte, ex quo tibi certam precum efficacitatem & gratiam, quam suspiras, indubitatè ob-

Gg

neaturam

uenturam spondeas? *Ad Deum, qui benefecit tui,*
inquit, *clamabo,* velut dixisset: Deus benefecit mi-
hi, donis me cumulare cepit, itaque dum hæc apud
illum commemoro, nullus dubitet, quin ex eiusdem
manibus accipiam etiam beneficium, quod præterea
expeto. (Ib. p. 227. c. 1.) Deus nimirum suis be-
neficijs, quæ erogauit, ad plura conferenda incita-
tur, aliter ac homines, qui eam non dandi occasio-
nem prætereunda solent, quam semel dederunt.
Ibid. o.

*Multa habes in hoc cap. quæ paruo labore trans-
ferre ad commendationem precum Rosarianarum
possis, & ex ijs efficacitatem illarum euincas.*

§ II.

Cur Marianum Psalterium dictum.

Dicitur autem MARIANVM Rosarium ille per-
uulgatus, nec vulgaris tamen, sed sacerrimus,
& quam celeberrimus, tam saluberrimus, precan-
di mos, quo centies, & quinquagies recitata saluta-
tione Angelicâ, *Aue Maria* &c. & ad quamlibet de-
cadem interpolatâ oratione Dominicâ *Pater noster*,
Iesu Christi Domini nostri totam in terris œcono-
miam, & pleraque quæ & in Virgine matre sua,
quando in eius utero de Spiritu S. conceptus fuit,
& in carne, quam ex ea sumpsit, fecit, aut tolerauit,
pijs meditationibus inter precandum recolunt de-
uotior tantæ Virginis alumni idque inprimis ad Salua-
toris nostri Dei honorem, dein etiam ad benedictæ
in mulieribus, hoc est augustissimæ Parentis eius
insignem gloriam.

Marianum igitur primùm vocatur, quia sacra ista
precandi formula etiam ad singularem commenda-
tionem, cultumque Mariæ Virginis *omni laude, ut*
Ecclesia canit, dignissima vertitur, idque tam merito,
quàm certò constar, quòd eum orandi diuinissimū
morem toti mundo sceleribus adoperto, & in cœno-
vitiis usque ad oculos defixo per S. Dominicum
tradidit, ut per illum è limbo suo euaderet, atque in
Dei grauitate offensi gratiam per ipsiusmet patrocini-
um se rursus insinuaret.

At cur Psalterium dicitur, quod Marianum Ro-
sarium? Ob eandem credò causam, ob quam simile
nomen suo Psalmorum libro Rex poenitens dedit.
Cum multa sint instrumenta, siue organa musicorū,
voluit David suos Psalmos à Psalterio nominare, ut
eâ appellatione indicaretur, quòd velut Psalterium
supernè pulsatur, atque inde suos habet sonos, ita
de superioribus per Spiritum S. inspiratam Dei gra-

tiam, quam per omnes penè Psalmorum versus
variè prædicat, & scribi generationi alteri, quæ
tunc adhuc ventura erat, hoc est nobis, quos Chri-
stus *voluntarie genuit verbo veritatem* per Euangelium
optauit. Ita ferè S. Augustinus.

Viræ Christi mytheria potissima sunt quindecim
(ut rudibus hoc dicam) ex his quinque sunt gaudi-
osa, quorum I. Christi per Angelum annuntiatio. II.
Virginis Mariæ ad Elizabetham profectio. III. Chri-
sti Natiuitas in stabulo Berthelemico. IV. eiusdem
in templo oblatio. V. eiusdem in templo inuentio.
Quinque dolorosa, quorum I. Christi in horto agō,
& sudor sanguineus. II. eiusdem ad columnam al-
ligatio, & flagellatio. III. eiusdem spinea corona-
tio, & insultio. IV. crucis in Caluarium montem ba-
iulatio. V. in cruce mors, & exspiratio: Alia quin-
que gloriosa, quorum I. Christi Resurrectio. II.
eiusdem Ascensio. III. Spiritus S. Descensio. IV.
Virginis gloriose Assumptio. V. eiusdem in celis
super omnes Angelorum choros exaltatio, & coro-
natio, in tres quinquagenas diuiduntur, quarum
prima à mytherijs gaudijs, quæ recolit, gaudiosa
dicitur, secunda à dolorosis, quæ meditatur dolo-
rosa vocatur, tertia à gloriofis, quæ animo recogni-
tat, dum ore precatur, gloriofa nominat.

Rosarii ergò inuētores voluerūt illud Psalterii no-
mine donare, ut quoties ad illius calculos præcarios
recogitam, quòd æterni Patris Filius ex illa cælorum
amplitudine intrâ obscuras vteri virginalis angustias
descendit, quòd vix conceptus, quando ad sancti-
ficandum Ioannem per montana Iudææ non hume-
ris Cherubimorum, sed alui maternæ lecticâ depor-
tatus, quòd in stabulo inter pœcora natus, cum non
inueniret locum in diuersorio inter homines, quo-
rum tamen salutem tantum nascebatur, & cætera, quæ
iam commemorauimus, recurramus grato animo
ad eum, qui hæc fecit, demusque laudem, & gloriā
ei, qui ex omnibus beneficijs suis, & bonis operi-
bus nostris sibi solum vult gloriam, nobis autem vri-
litate omnem, totumque emolumentum relin-
quit.

*De hoc argumento vide in To. 1. Periochâ 8. Domi-
nica V. in Quadragesima pag. 383. Vbi multa inuenies,
quibus erudire auditores fructuosè possis.*

Itaque dum ad Quinquagenæ gaudiosæ primam
decadem animo occurris Archangeli salutatio, &
cum Virgine colloquio, & verbi Dei incarnatio,
laudemus incarnatum Deum, quia totum incarnati-
onis beneficium ad nos tantum derivatum, *CHRI-
STVS IESVS* enim in hunc mundum per incarnatio-
nem.

nem venit peccatores saluos facere, 1. ad Timoth. 1. & causam veniendi aliam nullam habuit, inquit S. Prosper. Et hoc suo nomine præferre, & omnibus palam facere voluit, dictus IESVS, cuius rationem appellationis Angelus exponebat dicens: *Ipsa enim saluum faciet populum suum à peccatis eorum*, Matth. 1. 21. Quando ad eiusdem gaudiosæ Quinquagenæ decadem secundam animo occurrit, quod Virgo Mater Elizabetham visitauit, & Ioannem Christus, laudemus Dominum, qui illius suæ visitationis dignatione Ioannem ab originalis culpæ macula mundauit. Quando ad eiusdem Quinquagenæ gaudiosæ decadem tertiam animo occurrit Rex cælorum in stabulo natus, cantemus cum Angelis: *Gloria in altissimis Deo*, Lucæ 2. 14. quia ille secum pacem nobis attulit, & ad hoc descendit, vt nos, qui in mundo, tanquam purida iumenta in stabulo eramus, in paradysum reduceret. Quando occurrit animo Christus in templo secundum legem præsentatus, qui supra legem, & legis Dominus erat, cum Simeone, & Anna religiosi senecionibus benedicamus eum, qui tali exemplo si nihil emolumenti attulisset, documentum tamen saluberrimum tradidit obseruandarum accuratissimè diuinarum legum, quibus ille, quanquam non teneretur, exactissimè obtemperauit. Quando ad eiusdem Quinquagenæ gaudiosæ postremam decadem animo occurrit, quod Christus in templo in medio Doctorum & parentibus inuentus redire, & viuere diuile cum illis voluit, magnificè laudemus illum quia insigni beneficio nostro annos supra triginta inter nos commoratus fuit, nimirum maledictam terram nostram longiturnâ suâ cohabitatione tamdiu sanctificauit, & suâ conuersatione tamdiu beauit, & diuinis suis exemplis tamdiu erudiuit, quousque salutis nostræ negotium in medio terræ Ierosolymis omnino consummaret. Quando ad Quinquagenæ dolorosæ decades animo occurrunt angores Christi in horto cum morte confligentis, & sudor in terram per totum corpus defluentis sanguinis, & columna, cui funibus adstrictus, & flagella, quibus conceptus, & lentes, quibus coronatus, & crux, quâ prægrauatus in Caluariæ montem anhelus ascendit, & mors, quam in cruce oppetiit, benedicamus eum, quia pro nobis factus maledictum tam variorum, & immanium tormentorum impendit nos à tormentis æternis vindicauit. Quando ad Quinquagenæ tertix decades animo occurrit Christi Resurrectio, demus gloriam ei, quia per illam fiet, vt & nos in vitam meliorem resurgamus. Quan-

do occurrit animo Christi in cælos ascensio, demus gloriam ei, quia cum ille in cælos rediit, tunc nos, qui *in terrâ videbamur indigni, eleuati sumus ad cælum, & calorum transuimus fines, & ipsâ regali sede decorati sumus*, vt loquebatur S. Ioannes Chrysostomus. Quando animo occurrit Spiritus S. in terram aduentus, demus gloriam tum illi, tum Christo tam prodigo sui, qui & spiritum suum bonum hoc submisit, tanquam non satis putârit, quod se totum & vñi nostro impenderat, & esui quotidiano, ac semper paratæ alimonix in sacrosancto altaris Sacramento reliquerat. Quando animo occurrit, quod Christus Matrem suam in cælum efferre, & super omnes Angelorum hierarchias extollere, & incomparabili gloriæ coronâ ornare voluit, demus gloriâ Deo, qui aduocatam nostram tam vicinam sibi constituit, vt causas exulum filiorum indulgentissima Mater è proximo semper agat, & quæcunque nobis necessaria procuret. Ad extremum demus gloriam Deo, quod nobis Rosarium dedit, quia per illud innumera beneficia consequimur, quæ soli hæretici non credunt, experiuntur autem non soli pii, sed perisæpe etiam perdit. Quotiescunque aliquod vñ Christi mysterium animo, deuote orator versas, cum Rosarii tui precarios calculos manibus tractas, da gloriam semper Deo & gratias age, quia totum mysterii beneficium ex illo in te redundat, qui *tibi rex, tibi Sacerdos, tibi pastor, tibi sacrificium, tibi ouis, tibi agnus, tibi totum factus est, qui te fecit totum*. Ita S. Petrus Chrysologus serm. 23.

Ille est, qui quod olim dixit, demum postquàm homo factus est, magis dicere potuit: *Ego sum Dominus Deus tuus*, Deut. 5. Premit in his doctus Oleaster in annot. morali illud, *Tuum*, dicens, *sunt aliqui reges, & domini qui sunt sui, alii, qui sunt consanguineorum suorum & amicorum. Deus verò non sum, sed tuus esse voluit. Quid quæso habet Deus, quod non sit tuum? Si cælum habet, tuum est, cuius influentiis viuis. Si terram, eam dedit filius hominum, si stellas, eas creauit in ministerium cunctis gentibus. Se nascens dedit socium, conuolens in edulium, si moriens in pretium, se regnans dat in præmium. Quidquid deniq; est, & habet, tuum est*. Hæc ferè ille: Ex his coniectionator rursum per omnia sacri mysteria Rosarii excurrere potest, & populo ostendere quod omnia, & singula ad vnicam nostram spectant salutem. Atque vt tardioribus digito viam ostendam, expendant in primulo statim mysterio quare conceptus sit vtero Virginis filius Dei, inuenient quæ non ob aliud, nisi vt conceptos in peccatis fili-

os hominum saluaret. Quod ne cui dubium esse possit statim à conceptione deferri ad Ioannem voluit (quod est secundum Rosarium mysterium) ut illum ab originali peccato emundaret, quod Origenes affirmat, & multo antè præsentiauerat Angelus, qui Zachariæ dixit, replendum Spiritu S. eius filium in utero matris, quod factum est, quando verbum caro factum ad illum venit.

§ III.

Quàm gratus Deo ipsius Psalterii sonus?

Quam gratus sit Christo ille Psalterii sonus, & precandi modus, sequentibus expono. Macrobius cum de loquendi more, qui in symposiis maxime obseruari debeat, differeret, ut grata sint, suūque saltem habeant colloquia, ait de eare cum vno quolibet loquendum, quàm tempus, locus & occasio potissimum requirere videantur. *Locus enim, & temporibus aptare sermones*, iucundum accidit conuiuiis, inquit ille. Et monet præterea de eo cum quouis differendum quo ille maxime oblectetur, quod omnem è conuiuiis voluptatem auferat, qui secus faciat? *Qui venatibus gaudet, interrogetur de syluæ ambitu*, inquit ille. *Religiosus si adest, de illi referenda cepiam, quibus obseruationibus meruerit auxilia decorum*. Si senex præsens est, cum interroga qua ad illum pertinent. Militem de armis, de canibus venatorem, agricolam de aratro, de sacrificiis Sacerdotem, senem de veteri historia, & gestis antiquis, & de eare quemque interroga, quâ illum imprimis oblectari nouisti, sic enim comiter, & blandè oblectabis.

Pulcherrima doctrina, quam Moyses, & Elias in monte Thabor, & splendidissimo illo gloriæ conuiuium accuratè obseruauerunt, quando cum Christo loquebantur de excessu, quem completurus erat in Ierusalem, Lucæ 9. hoc est, de crucis ignominia, de probro passionis, de mortis acerbitate, ut talium verborum sale condirent epulum, & festæ diei gaudia amplificarent. Quis illud? Quoniam nihil est aliud magis gratum, ac iucundum Christo, quàm de talibus cum illo differere. Talis enim tantūque est illius ergà homines amor, ut gloriā interpretetur quascunque pro hominibus accepit iniurias, & quietem putet omnem laborem, quo propter illos delassatus fuit. Id ex eo etiam videas, quod ea nostri vulgari textus, dicebant excessum eius, in textu Græco apud Chrysostomum, & Euthymium sic habent: *dicebant doxam, id est, gloriam eius*. Hæc

namque Christi gloria, hæc illius iucundissima festiuitas fuit pati, & mori pro homine, sic ut vehementissimè amet audire narrationem eorum, quæcunque pro hominibus tolerauit. Quomodo enim de talibus in medio gloriöse transfigurationis locuti cum illo fuissent Moyses, & Elias, nisi ea cupidissimis auribus illum haurire sciissent? Tom. 1. p. 149. b.

Quisquis ergo vis Deum tuum oblectare, non dimitte ex manibus Rosarium, non ex ore sacras ad illius piaculares calculos preces, ut quæ nihil aliud sint, quàm recessio eorum, quæ pro nobis ille fecit, & tolerauit. Loquere sæpè excessum, quem fecit in Nazareth, ubi sibi matrem elegit pauperem tenuis fabri coniugem, qui deligere poterat supremā, & opulentissimā orbis aliquā Imperatricem. Loquere excessum, quē fecit, quando intra Matris uterum cum vix conceptus esset, abiit in montana Iudææ cum festinatione, ut inuideret Ioannem, ad quem Ioannes originalis noxæ vulnere faucibus deportari debuisset, cum accurrere ipse non posset. Loquere excessum, quem fecit in Berthehem, quando tulit, quod non erat sibi locus in diuersorio, qui veniebat, ut etiam tam barbaris hominibus locum pararet in celo, & in sordido stabulo inter brutas pecudes nasci tolerauit, qui orbis terrarum Dominus erat, & primū parentem eorum, à quibus tam rusticè, & inhumanè excluderetur hospitio, in admirabilissimo, & adornatissimo, & rebus omnibus affluentissimo condidit, & reposuit paradiso. Loquere excessum, quem fecit Ierosolymis, quando secundum consuetudinem legis offerri voluit, & redimi, qui nec legi subiectus, nec seruituti alicui fuit addictus. Loquere excessum, quē fecit rursum Ierosolymis, quando è templo descendit cum parentibus domum, & erat subditus illis ipse supremus Deus, & Parens omnium. Loquere excessum quem fecit in horto Gethsemani sanguinem toto corpore sudans, quem fecit in regia Pilati flagella excipiens, & duro ex aculeatis sentibus ferro caput suum sacrosanctum conuulnerari ferens, quem fecit in monte Caluariæ probro crucis ligno clavis ferreis adfigi, mortem denique sibi adferri tolerans, ut nos tam infinito pretio redimeret, qui solā voluntate, & absque omni passione totum nostrum obliterare debitum poterat. Qui talia loquentes in monte Thabor libenter audiuit Moysen, & Eliam, is nunc è monte Sancto æternæ gloriæ suæ nos similia loquentes in terris, & inter precandum commemorantes maiore cum voluptate audit.

Quærit Plutarchus Problem. 18. quare virgines Romæ-

Romanæ, cum Floræ deæ licarent, non adhibuerint myrtum ad cæteros flores coronarum, quibus sub id tempus se redimere solebant. Et respondet, id factum, quia myrtus Virgini à viro cæsa Flora fuit, ne vulnera illius refricarent, si myrti gestatione flagra olim accepta in memoriam reuocarent. Quam longè aliter, contraque Christus agit! Instituit ille diuinissimum altaris Sacramentum, ut in dies singulos æterno Patri offeratur. Et quamobrem istud? Hæc quotiescunq; feceritis, in mei memoriam facietis, inquit ipse, ut ait Apostolus 1. Cor. 11. Et Paulus ibidem Ibi. 149. c. 1. Quotiescunq; manducabitis panem hunc, & calicem bibetis, mortem Domini annuntiabitur. Ab illo inspiratus, & à Sanctissima eius Matre incitatus S. P. Dominicus Rosario totum orbem Catholicum impleuit, quod nihil aliud est, quam continuam quædam, & distincta recensio vinculorum, sputorum, colaphorum, flagellorum, spinarum, clauorum, probrorum, quæ ille pro nobis tam lubens excepit, ut perpetuo, & ubiuis tertarum, in Ecclesiis, compitis, domibus publicè, priuatimq; commemorari gaudeat.

Neque propterea solum totius vitæ, & passionis suæ commemorationem à nobis fieri amat, quod sibi gloriæ ducat, propter nos in mundo vitam egisse, & plurima mala, ut nobis bene esset, tolerasse, verum etiam ut recordatione beneficiorum, quæ nobis præstitit, à malè agendo auocemur, & à peccatis coercemur. Multa sunt, quæ nos à peccatis, & immunditijs retrahere debent. Ex his vnum, neque postremum est, meminisse nos esse filios Dei, Patris qui sit ipsissima sanctitas, mundities, puritas. Propendebat olim populus Dei ut in alias improbitates, ita & in supersticiosum Gentilium morem, ut pro eorum consuetudine stigmatibus se profanis norarent, & capitis partem anteriorem, quæ fronti imminet, decalarent; idque ad indicandum luctum, quo mortuos prosequerentur. Ut ab hæc impij moris imitatione eos abstraheret, sic appellabat: *Filij estote, siue estis Domini Descesit*; Deuter. 14. 1. Et quid tum, Domine? Ideo non vos incideris, nec facietis caluitium super mortuo; velut apertius dixisset: Quia filij estis verbi Dei, non debetis vos deiecere ad faciendam opera Gentilium, nec enim decet, ut qui summo Deo patre sunt nati, imitentur mores hominum sordidorum, ac barbarorum. Commodam ex his conficit admonitionem Oleaster in illorum verborum expositione moralij, dicens: Cum ergo, serue Dei, peccatum aliquod occurrerit faciendum, occurrat simul statim, cuius capitis, & cuius

corporis sis membrum, & diuina consors factus natura, noli in veterem degenerare conuersatione redire vultatem. Sanctum Thobiam iuniorem validè coercerat, ut nihil turpe facere vellet, quod id etiam, ne quid indignum parentibus suis ageret, cum diceret uxori suæ: *Filij sanctorum sumus, & non possumus ita coniungi, sicut Gentes, quæ ignorant Deum.* Tob. 8. 5.

Alterum est, quod multò validius nos infrenare, & cōtinere ab offensis Dei possit, si animo repetamus beneficia, quæ ab illo tum habemus, tum expectamus præterea. Vidit Moyses ætas falsos Prophetas. Non est hæc sola temporum nostrorum infelicitas. Si nostrates Lutheranos, Calvinistasque de ijs submouendis consulueris quis, Dei verbo debellandos dixissent, vim talibus adferre crudelitatem clamassent. Sed occidi illos Deus iussit, ut videas, quam rectè agant, qui talium vatium malorum pessimos pullos hæreticos ferro, flammæque extinguunt. Sed quibus modis populum inflammare voluit, ut talibus pestibus manus afferrent violentas? Hoc solo, quod illi refricuit memoriam beneficij ab illo Deo accepti, à quo falsi isti vates auocare volebant, dicens: *Propheta ille interficietur, quia locutus est, & vos auerteret à Domino Deo vestro*, qui quam vario prodigio, tam ingenti, & multiplici beneficio eduxit vos de terra Egypti, Deuter. 13. 5. Acutè submonet in ista Oleaster in morali: *Pulchrè hic docet Sanctum Moyses, quibus modis omnem expellas tentationem, quæ te à Deo tuo auertere conatur, nempe reduciendo ad memoriam, omnia beneficia Dei.* Tali medio vsus est & castissimus Ioseph (commonente id ibidem Oleastro) qui cum à salace scæmina, ad flagitium inuitaretur, mox animo pertractare omni domini sui in se beneficia cepit, eaque impudica mulieri opposuit, ut ijs sese ab illa defenderet, dicens: *Ecce Dominus meus omnibus mihi traditis ignorat quid habeat in domo sua, nec quidquam est, quod non in mea sit potestate, vel non tradiderit mihi, præter te, quomodo ergo possum hoc malum facere, & peccare in Deum meum?* Genf. 39. 8. 9.

S. Ambrosio apud Reuerendissimum Hieronymum de la Nuza homil. 41. Num. 33. expendenti illud, *Quomodo possum*, videtur Ioseph ita fuisse obligatus, & obligatus domini sui beneficij, & sic omni offendendi illum facultate destitutus, ut irrogare ei iniuriam qualemcunq; non posset. Quantum magis ergo nos, quoties hinc nobis mysteria vitæ Christi ad Rosarij calculos meditantibus occurrunt

beneficia, quæ nobis contulit, & mala, quæ pro nobis pertulit, & bona, quæ præterea promisit, atq; inde caro, dzmon, mundus ad illius offensas incitant, succlamare debemus: *Quomodo possumus, &c.* quia quidquid secum è cælo detulit, quando in utero Virginis Matris incarnatus fuit, nobis dedit, & quidquid mali tolerauit, à quo in horto captus fuit, pro nobis pertulit, & quidquid boni in cælis repositum habet, id nobis post resurrectionem conferendum seruat: *Quomodo possumus offendere eum, qui tot cruciatibus suis tantam nobis gloriam comparauit, tantæque paupertate suâ nobis tantam opulentiam, & morte tam amarâ vitam nobis tam gloriosam, & gaudiosam contulit?*

Non sine causa ergo funiculis inferuntur calculi precarij, ad quos inter orandum animo percurrimus beneficia Christi pleraque, & præcipua, quæ ille nobis in terris præstitit, & post ascensum suum è cælis submisit. Quid mysterij est in ijs funiculis? Illud, quantum ego de illa re assequor, quod beneficia illa Christi validi rudentes sunt, qui cupiditatum nostrarum nauigia, quibus ad peccandum vehimur, retinere à cursu suo possint, si modò alligare illis beneficijs anchoras cogitationum nostrarum, & adigere memoriam velimus.

Dauidem aliquando incescit cupiditas aquæ, quæ erat in cisterna iuxta Bethlehem, & ab hostilibus copijs obsidebatur. Innotuit desiderium regis quibusdam illius satellitibus, ex quibus tres robustissimorum fortissimi, postposito omni vitæ discrimine, per aduersam aciem penetrantes attulerunt concupitam vehementer aquam. Vt illam vidit Dauid, & quædam secum animo reputauit, *noluit bibere, sed libavit eam Domino*, 2. Reg. 23. 16. Theodoretus q. 35. in 2. Reg. ait: *Piâ consideratione superauit cupiditatem.* Quânam illa? Hac, quam talibus verbis expressit: *Num sanguinem hominum istorum, qui profecti sunt, & animarum periculum bibam?* ibid. v. 17.

Reuerendissimus Nuza homil. 42. num. 15. monet premere illud, *Hominum istorum*, vt cui magna subbit emphasis. Non dixit, *num bibam sanguinem hominum*, sed *hominum istorum*, hominum tam nobilium ex suo genere, quàm strenuorum ex periculo, quod pro me adierunt, hominum, qui mihi varia sæpè in bello, eaque insignita officia præstiterunt. Hæc est pia consideratio, quâ superauit suam cupiditatem, vt Domino libaret non tam aquam vehementissimè expetitam, quàm ipsam appetentiam.

Hoc fecit Dauid illâ incitatus consideratione, cum isti homines non fudissent sanguinem, sed fundendi periculum solum adijissent, quid fecisset, si reapse fudissent, & in aqua illa sanguinem eorum vidisset? *Quomodo ergo pius Christianus, qui inter dolorosorum Rosarij mysteriorum considerationem recogitat, quod Christus non fundendi sanguinis discrimen subiit, sed illum vi magnâ fudit non solum in horto, sed & cum flagellatus, & cum sentibus coronatus, & cum clauis fixus, & cum lanceâ vulneratus fuit, non multo magis dicat: Num sanguinem hominis istius bibam, hominis, qui est meus Deus, meus Dominus, meus pater, meus frater, meus amicus, qui pro me sua omnia erogauit? Quomodo piâ tali consideratione, non multo facilius omnem suam cupiditatem superabit?*

S. IV.

Quid sit Rosarium perpetuum, & quis illius vsus.

Rosarium perpetuum est appendix, & additamentum superioris Rosarij, & accommodatissimum promouendæ tum pietatis erga Deum, tum charitatis erga proximos inuentum, quod paucis abhinc annis inspiratus à Deo quidam Ordinis Prædicatorij vir præmodum religiosus apud Italos, vix in vsum publicum proferre cepit, quando mirâ celeritate per totum latè terrarum orbem percrebuit, & incredibili auditate, ac plausu Romæ, & vbiuis gentium acceptatum, & cum ingenti cultus Dei incremento, animarumque insigni fructu, & vtilitate passim frequentatum fuit.

Inuentum tale est. Cum ibi maiore auxiliorum vi succurrendum sit, vbi grauiores necessitates oppem enixius inclamant, quod vide plurimis argumentis demonstratum à Nissenio primùm Tomo 2. pag. 482. o. deinde PPP. pag. 278. o. denique PP2. pag. 651. o.

Nulla verò sit tanta necessitas, tamq; anceps fortuna, quàm eorum, qui in supremo cum morte conflictu positi de beata aternitate periclitantur, & plerique eorum vel præsentium dolorum magnitudine, vel peccatorum præteritorum tristi recordatione, vel dubio vitæ exitu, vel impendentis iudicij metu concussi alienarum magnarum adminicula inter illas malorum tempestates tam vehementer requirant, quàm non posse suis enatare vident; idcirco vir religiosus, qui dixi, annum in horas dispersit, horas verò tamq; urnas, quàm nocturnas per viros, ac mulieres cuiusvis status, & conditionis ita distribuit,

buit, ut nulla sit, quā non Deus, & Beatissima illius Parens plures habeant varijs in locis supplices pro ijs, qui cum pro se ipsis orare vix, ac ne vix quidem possint, aliorum obsecrationibus magis opus habent.

Nunc quanta sit religiosæ, & piæ istius inuentionis utilitas, id sequentibus expono.

Observauit nonnemo, quod tamen inelytus Patriarcha Jacob omnium bonorum operum vsui, & exercitationi impensè addictus esset, & orationis, contemplationisque studium vehementer amaret, & studiosè coleret, frequentaretque, nunquam tamen sollicitius peruigilauit, nunquam ardentiore contentione, & curâ enixiore Deo se commendauit, quā tunc, cum à Labano ad patriam tendens transiturus erat Iordanem. Tunc enim, ut sacer textus indicat, totam noctem duxit insomnem, & fatigato diurnis professionis laboribus corpori confuerum, ac debitum negauit alleuamentum. *Ex hac mystica actione accipimus, ut discamus, cum ad Iordanem, id est, ad mortem appropinquamus, fortius orare, & inuigilare, ne tunc impediamur à diabolo per omnes vias insidiantem. Tunc enim vel maxime opus habemus Dei auxilio, etiamsi tota vias in vijs Domini incesamus.*

Ita doctus Ioannes Ferus. Iordanis idem est, quod *fluuius iudicij*. Iordanem ergo transimus, cum per amaræ mortis procellosas aquas ad terribile iudicium, & supremum Domini nostri tribunal pergitur. Quod cum facimus, tunc preces precibus iungere, tunc iterare obsecrationes, & inter protractiones vigilias Deum obsecrare debemus, ut tanquā amantissimus pater suo nos auxilio iuuet, & præsidio. Quanquā enim diuinæ protectionis eius valido semper indigemus scuto, sed tunc vel maxime, quando in supremo supremæ horæ versamur discrimine, tunc enim crudelis inimicus noster magis efferatur, tunc nos acrius, atrociusque insectatur, & ferocius oppugnat (de quo vide PP2. 537. o.) & quod caput est, error, qui tunc committitur, inemendabilis est, & quod sub id tempus rectè, ac prudenter agitur, id tam opportunā occasione agitur, ut effectus illius totā Dei perdurent æternitate, & morte bonā bonum hominis Christiani omne nititur. PP2. 524. c. 1.

Verū cum illi, qui proximè Iordanem, siue fluuium iudicij sunt, & vicini supremo tribunali Christi, sæpè vel ex lethargo vigilare nequeant, vel ex acrimonia intolerabilium corporis dolorum, vel ex pusillanimitate spiritus, & tempestate tentatio-

num mali dæmonis, vel ex timore iudicij illius verè tremendi, vel ex admorsione malæ conscientie, aliisque talibus tam multis rebus orare non possint, quantum debet mundus illi, qui Rosarium perpetuum à Deo inspiratus excogitauit, illiusque preces inter Sodales Archifraternitatis Rosario-Marianæ ita distribuit, ut nulla sit in toto anno diei, noctisque hora, quā non plurimi per totum latè orbem terrarum Deum, illiusque magnam Parentem supplices obsecrent pro his, qui in supremo vitæ articulo, & mortis confinijs positi vel sui sunt prorsum immemores, & impotes, vel præ dolorum acerbitate rogare pro se ipsis non possunt! Quantum verò oportet debent ijs, quorum pijs obsecrationibus adiuti transierunt feliciter Iordanem, & fluuium iudicij, & facilem inuenerunt Iudicem, & diras Purgatorij vel non diu tolerarunt, vel prorsum euaserunt pœnas? Quantum porro, quāque insignitum misericordiæ opus est, illis succurrere, quos proprii sæpè sensus destituunt, ut seipsos iuuare vix, aut ne vix quidem possint?

A simili rem declaro. Contigit scapham hominibus onustam mergi. Fortuitò, sed per onerum, nē naus altera præteribat. *in qua hi funibus eictis, illi periculis manibus miseros fluctuabundos ex aquis simul, & mortis periculo eruebant.* Omnes nauigijs per mundi huius mare circumferimur, & ad stationem vitæ alterius tendimus. Sed eorum, qui in mortis agone sunt positi, nauicula mergitur, aliorum præterit, quibus sua bona valetudo constat.

Qui ex hac prætereunte naui funem Rosarij gaudiosi, dolorosi, gloriosi triplicem eijciunt, & ardentes ad Deum preces emittunt, & supplices illi manus tendunt, ut moribundos à morte æterna seruet, & vitam illorum perpetuam sospitet, nā illi oppidò maius, tantoque excellentius beneficium ijs præstant, quā alij his, quæ ex aquis eximunt, quāto vitæ temporali sempiterna præstat, & horribilior est mors æterna, quā horaria.

Si Stephanus non orasset, Ecclesia Paulum non haberet, dicebat S. Augustinus. Tantum valuit vnus hominis apud Deum oratio, ut tam sauo Ecclesiæ persecutori gratiam conversionis non mereretur quidem (primam enim gratiam mereri alteri nemo potest) impetraret tamen.

Et tam multi, quā passim per totum mundum Christianum pro agonizantibus noctu, atque interdiu orant, non possint conuersionem multorum non tam malorum, ut Saulus orat, precar

re, ut liceat similiter dicere: Cælum multos beatos non haberet, nisi pro eis Ecclesia militans, ea potissimum, quæ Rosario-Marianum sodalitium facit, orasset.

Rex poenitens cum secum reputaret beneficia, quæ de liberalibus Dei manibus acceperat, hoc vnum in multis memorat Psal. 29. v. 4. *Domine eduxisti ab inferno animam meam.* Quid hoc audio! Ergone anima Davidis fuit aliquando in inferno, atque inde rursus eruta? Et ubi tritum illud: *In inferno nulla est redemptio?* Et quis fuit vnquam visus reuersus ab inferis? S. Thomas ait, hoc ad literam de Davide intelligi non posse, ut qui non fuerit ex inferno eductus, quando hunc Psalmum fecit, sed metaphorice dici, ab inferno, hoc est, à mortali periculo erutum. Lyranus vult, ideò dixisse, ab inferno educam animam suam, quia propter adulterium, & homicidium dignus fuerat gehennâ, à qua tamen Dei misericordiâ saluatus fuerit. Similia sunt illa ex Ps. 85. *Erasti animam meam ex inferno inferiori;* addit Hugo: *Vbi sunt anima damnatorum.* Sed quando iterum ex illo damnatorum ergastulo David fuit erutus? Tunc, cum à peccatis seruatus, quæ sunt causa illius in infernum lapsus. Ita iter Hugo Cardinalis. Sic diu ante exposuerat S. Augustinus, qui ait, ea verba esse vocem alicuius hominis, qui liberatus sit à talibus peccatis, per quæ potuisset deduci ad tormenta inferni inferioris in quibus diues epulo querulas ad Abraham de suis linguæ cruciatibus dabat voces. Dilucidat hoc magnus Doctor talibus exemplis: *Trudendus erat aliquis ob malam causam in carcerem, aut ob furtum in patibulum rapiendus. Venit alius & defendit. Quid dicit defensus? Erasti animam meam e carcere, & suspendio.*

Itaque si David dicere potuit, se à penitissima gehenna erutum fuisse, quia vel seruatus, vel liberatus fuit à flagitiis, ob quæ merebatur mitti in gehennam? Cur ille, cui pius Rosarii perpetui Sodalitatis ardentibus precibus suis à Deo impetravit, ut inter extremos illos mortis angores vel non desperaret, vel seriâ poenitudine peccata malè actæ vitæ damnaret, ob quæ aliquin damnatus fuisset, non possit dicere deuoto patrono suo, *Eduxisti ab inferno animam meam, erasti animam meam ex inferno inferiori,* qui nisi opem per suas orationes tulisses, in inferni inferioris carcerem detrusus fuisset?

Ergo Rosarii perpetui preces cupidissime, ac deuotissime fundere debemus, vel ut animam vnâ aliquando siue ab extremo vitæ æternæ perdendâ

periculo, vel à morte peccati, vel à poenis Purgatorii nostrarum orationum suffragiis seruacim lucrermur. Idque tum quia hoc est officium veri Christiani, tum quia sepe vna anima, quam lucrari fuimus, potest innumerabilem peccatorum pondus aboleri, aut magis redimenda fieri preces in illo die (ita S. Chrysostomus in orat. 5. aduersus Iudæos ad finem) tum etiam (quod hinc sequitur) quia nemo commodum proprii villo artificio magis industriè, faciliusque curare potest, quàm si vilitati studeat alienæ, in domo enim Dei sibi emolumenta parat, qui aliis bona accumulat. PP. 2. 511. o. Quam in rem vide etiam Tom. 1. Periocha 2. feria V. post Cineres 27. o.

De illis quatuor animalibus mysticis, quæ Ezechielii ostensa fuerunt, ait ille c. 1. *Dua penna singulorum tangebantur, & dua tegebant corpora eorum.* Translatio horum extremorum verborum, quam S. Gregorius secutus fuit, sic habet: *Vnum quodlibet duabus alis & labat corpus suum.* Itaque iuxta has versiones vtrunque differentes eisdem alis tegebant & sua corpora, & obnubebant aliena. Quomodo hoc? Respondet beatissimus Pontifex hom. 1. 7. in Ezechielem. *Ipsæ erant penna alterius ad alterum, & ipsæ, quæ eorum corpora cooperiebant. Quod per figuram bene accipitur, quia illæ nos virtutes apud Omnipotentem Deum protegent, quas ex charitate proximi impartimur, atque coniungimus.* Ibid. 512. c. 2.

Quoties ergo charitatis nostræ expansis alis coelum pro moribundorum necessitatibus supplices petimus, eoque precibus nostris affectuose protegimus, etiam nobis ad similem angustiarum æstum vmbraculum præparamus, certòque nobis polliceri possumus, quod sicut nos orationum nostrarum pennis miseras periclitabundorum eiusmodi hominum ex dilectione inuolumamus, ita alii pari officio, & affectu nobis in simili discrimine constitutis subuenient.

S. Gregorius Nyssenus dicebat: *Calamitate affestum si aurum amplectere, infirmam pauperis salutem ita fore, si in ea sanitatem tuam, & salutem uxoris, & filiorum, & seruorum, & totius denique familia sitam putes.* Ibid. c. 2. 513. Cuius tanta calamitas, quanta illius, qui in confiniis æternitatis beatæ, & miseræ, cælestis, & infernalis positus nescit à qua excipietur? Quæ tam infirma pauperis valetudo, quàm eius, quem sua ægritudo ad mortem vrget, ac latet, orcusne illum, an coelum videbit hospitem, inmodò ciuem, eumque semper-

num? Eiusmodi calamitosos vt aurum amplectere, eiusmodi pauperum infirmam valetudinem fore, eiusmodi hominum extremo periculo eleemosynis tum corporalibus, tum spiritualibus, & quibus modis potes, succurre, & opiculare, sic vt in eo charitatis officio tuam, tuorumque incolumitatem, & salutem collocatam putes.

Habet Lucifer suas congregationes regnorum Aquilonis (de quibus Ierem. 1. 15.) hoc est, *malignorum spirituum multitudines*, vt exponit S. Petrus Damianus, *qui solium suum in introitu portarum Ierusalem unusquisque ponunt, cum egredientem de corpore infelicem animam circumposita, ne libera prodeat, obsidione custodiunt.* PP2. 538. c. 1.

Quidni ergo Deus etiam habeat suas Rosario Marianas congregationes deuorum viriisque sexus hominum, qui animam è gurgustio carnis egressuram suarum precum prædiis, & velut circumposita obsidione custodiant, vt libera prodeat, & euadat?

In vetere lege in altari semper ardebat ignis, què nutrebat Sacerdos mane per singulos dies iubiiciens ligna. Et lex holocausti erat, vt cremaretur in altari tota nocte. Leuit. 6. Iugis in altari illo debebat esse ignis, quia iuge erat sacrificium, inquit Oleaster. Ara nostra cor nostrum, ignis, quem in illo vult semper arderre Deus, charitas. Et ille quidem materiatus ignis nutrebat lignis, nostrum autem fouent opera bona, & flatus, siue suspiria. Qui ergo ab illo carnalium holocaustorum onere singulari Dei munere soluti sumus, & nemini quidquam debemus, nisi vt diligamus inuicem, foueamus strenuè charitatis, quàm mutuo iuuare debemus, ignem officii orationum, Missarum, gemituum, suspiriorum, offeramusque diligenter, ac libenter holocausta laborum pro fratribus nostris, qui in confinis aternitatis positi nesciunt quam in partem fors illorum cadet, à dextranè, an à læua supremi Iudicis olim statuentur. Et quia eiusmodi sacrificia vnusquislibet nostrum iugiter, continuèque offerre non potest, excipiamus alter alterum, & per vices hunc ignem nutrientes alternatim succurramus periclitabundorum necessitatibus, vt sicut nulla est hora, quàm non plurimi hinc inde grauiter laborent, opemque nostram ardentè implorent, ita & nulla sit, quàm non aliqui nostrum amanter eis subueniant, vt vel sic dum ignem charitatis erga miseros fratres nostros iugiter fouemus, perpetuum Deo offeramus sacrificium.

Inter illas veteres leges etiam quædam sic habet Tom. IV.

bat Exodi 25. 30. *Panes super mensam panes propositionis in conspectu meo semper.* Erant illi panes duodecim, tot, quot tribus filiorum Israël, vocanturque ab Hebræis panes facierum quia Deus ante oculos, & faciem suam, vt aiunt eos semper habere volebat. *Sed quid tibi, & panibus, Domine? Nunquid manducabis carnes taurorum, aut panibus facierum vesceris?* Ita Dominum Oleaster appellat, addique, ob id voluisse panem semper coram se habere, vt intelligeremus, illum indigentiam nostram semper memorem esse, & facere, quod pia matres solent, quæ semper frustra panis coram se habent, vt paruulis suis alimoniam crebro exposcentibus subueniant.

At si tunc amauit Deus ob oculos habere panes, qui ipsum & inopiam, atque indigentiam nostram velut moneret, & alimoniam nostram se offerrent, non potest non gratissimum habere, si frequenter intret in conspectu eius oratio nostra, necessitateque tum proprias, tum alienas, eorum inprimis, qui in supremo discrimine versantur, illi exponat, eisque ferre opem roget, & obsecret. Nam cum expectet Dominus, vt misereatur nostri, (quod est apud Isaiam 30. 18.) quomodo non lærantissimè videat ascendentem ad se orationem nostram, vt descendat super nos misericordia eius, vt subueniat his, qui tribulato sunt corde, & saluet de necessitatibus animas eorum, qui in extremo vitæ præsentis termino positi de vita periclitantur æterna?

Denique quamdiu vetus illud tabernaculum consecratur, nullus abibat dies, quo non illarum euodecim tribuum Princeps aliquis sua tabernacula dona, altari holocausta offerret. Quo mysterio? Illo, inquit rursus Oleaster in annot. morali in c. 7. Numerorum, *quod non lebent templa Dei, aut altaria vacua esse, sed plena, & videlicet semper in Ecclesia sit aliquis, qui oret Deum, & in altari munera offerat, quibus placetur Deus, & propitiatur nobis.* Inque sacrificium in cæna Dominica à Christo institutum offertur hæcenus in altari, vbi illud Evangelicorum, Reformatorumque ministri, Antichristi præcursores non sustulerunt, & in omni loco Catholico sacrificatur nomini Dei oblatio munda, de qua Malach. 1. 11. vt nunquam sint vacua altaria. Et ne aliquando sint absque hominibus supplicibus templa, id religiosi asceræ faciunt, qui septies in die, idque à crepera in creperam laudem dicunt nomini Domini, & alij quidem primâ, alij secundâ, alij terciâ, alij quartâ vigiliâ noctis surgunt ad confitendum eidem nomini. At hi communem Deum nomine Ecclesie communi pro communibus neces-

fitatibus interpellant : Nouissimè autem diebus istis excitauit Deus Spiritum filiorum suorum, & filiarum suarum Sodalium Rosarij Matris Virginis, qui priuatas agonizantium ærumnas ipsi lachrymabiliter exponant, proque earum leuamine & sacras in altari hostias, & iuges in Ecclesia preces offerant. *Benedictus Deus, qui non amouit orationem meam, & misericordiam suam à me,* dicebat Sanctus Dauid Psalm. 65. 19. tanquam promptâ semper experius misericordiam Dei, quamdiu crebram deuotè coluit orationem, ut ferè exponit Beatus Augustinus. Benedictus ergo Deus, qui hanc nobis sugges-

sit continuam Rosarij perpetui orationem, quia id nobis ingentem meritò fiduciam præbet, quod non amouebit misericordiam suam ab ijs, pro quibus obsecramus, sed uiuificabit eos, & conseruabit eos, & versabit omne stratum in infirmitatibus eorum, ut mitescant illorum labores, & dolores, & non tradet eos in manus inimicorum eorum, sed educet in refrigerium, facietque ut oratio nostra in sinum nostrum conuertatur, & quod illis precamur, idem nobis obueniat, quod est gloria cœlestis, *quam mihi, & vobis concedat Pater, & Filius, & Spiritus Sanctus, Amen.*

F I N I S.

*Benedicta sit Sancta, & indiuidua Trinitas, quia fecit,
& facit, & faciet nobiscum misericordiam suam,
Amen.*

Si quid his Nissen Tomis per meam siue ignorantiam, siue oscitantiam incidit, quod non cum vero Ecclesiæ Catholicæ sensu quàm maximè cohæreat, id tanquàm ab illo erroris spiritu, qui tritico Zizania superseminare consuevit, inspersum sit, detestor, & execror, expunctumque, & extinctum volo.



quia id
quod non
quibus
bit eos,
eorum,
non tra-
ducat in
in finem
r, idem
am mi-
Spiritus

cit,


am,
efia
am
-



Biblioteka Jagiellońska



stdr0029460



VITA VARRONIS

R. P. NISSENI

TOM. III. ET IV.